

續修四庫全書

《續修四庫全書》編纂委員會編

續修四庫全書



上海古籍出版社

三九六・史部・紀事本末類

欽定剿平三省邪匪方略正編三百五十二卷續編三十六卷附編十二卷首九卷表文一卷

(正編卷一百八十六至卷二百二十九)

〔清〕慶桂等撰

2286/06

欽定剿平三省邪匪方略正編卷一百八十六

庚申年

六月十八日

上命軍機大臣傳諭額勒登保德楞泰明亮陔甘四

川湖北各督撫日剿辦教匪迄今已及五年之久

輾轉稽延尚未辦竣節經降旨令統兵大員等務

於今歲秋冬之交剋期蕙事本日已屆立秋轉瞬

卽交冬令尤不可再有延緩川陝楚三省教匪多

製看邪方彙編卷百六

留一日百姓卽多被害一日蓋官兵剿賊偶遇軍

糧缺乏不能不忍受饑餓若教匪一經乏食勢必

肆行焚掠殘燬村莊而生靈之受其荼毒者不可

勝計朕仰荷

上天恩眷躬承

皇考付託之重子愛黎元惟恐一夫失所卽如秋審朝

審及人命重案無不詳慎推勘心存矜恤其有一

綫可原者卽加寬宥不忍屈抑一人何況以無罪

赤子在賊摧殘且各處被賊戕害者固屬良民卽

官兵臨陣剿殺者亦多係被賊裹脅百姓每一念

及爲之盡傷並以軍務自元年至今五載不能早

竣時深愧恨幾至寢食俱廢帶兵大員及封疆大

吏皆當各發天良無分滿漢文武同心辦賊自能

預操勝算各股教匪惟以分路奔竄疲我兵力且

製看邪方彙編卷百六

久竟成流賊行巡治兵譬猶治水設遇奔流漫溢

自應預築隄防方可遏其衝決况辦賊之事無出

剿堵二端然必先堵其去路始可乘勢殲除近日

帶兵大員尙知奮勉剿殺而前無攔截地方鄉勇

不能得力仍在賊四散奔逃卽如楊開甲一股雖

經額勒登保將首逆殲斃其餘匪黨仍俱分竄勢

必復行裹脅又與未經剿殺何異從前如湖北省

擒獲張正謨聶傑人軍加耀等皆係先行圍困始
 克奏功可見剿辦賊匪究以實力嚴堵為重今以
 川陝楚三省情形而論川省民人往往團練築堡
 自為保聚並幫同官兵禦賊有爭獻米肉者而一
 聞賊匪信息即就近報明州縣州縣等亦即轉稟
 督撫及帶兵大員似此聲息相通自能屢有克捷
 其次則楚省所辦亦尚認真惟陝省南山一帶則
 任賊往來官民皆不過問即賊蹤竄近亦無地方
 官預行稟報互為堵禦之事雖陝省地方不及四
 川之殷實然民人等即自為身家計亦應築堡聚
 守其相抵禦何得視同膜外且節次降旨令長麟
 台布等於南山出入隘口及險要處所酌量開挖
 溝壕創斷道路至今未據奏及該督撫俱係責成
 防堵之人此等事有何難辦而因循若此又長麟

《聖朝聖編卷六

三

於初到陝省時於築堡團勇事宜曾經具奏數月
 以來並未將如何籌辦之處詳悉陳明可見該督
 前奏不過意圖見長並未認真辦理設果有難辦
 之處亦何妨據實直陳乃於防禦事宜全無布置
 試思賊匪分合原無一定然山川險要自有一定
 伊等總不能據險扼要以致屢失事機又何怪賊
 匪之日形散漫剿辦迄無成效耶現在該省惟西
 同鳳三府未被賊擾地方完善該督撫等尤當督
 飭所屬扼要嚴防無使賊匪一名闖入即如川西
 一帶被賊渡江竄擾後經德楞泰奮擊剿殺始能
 將賊匪攔回地方安堵若西同鳳等處為陝省菁
 華之地設有疎防致完善處所復遭蹂躪則惟長
 麟台布是問總之剿堵同為一事剿必兼堵堵正
 所以為剿各路帶兵大員及該督撫等自其祖父

《聖朝聖編卷六

四

世受國恩而伊等又身受

皇考及朕委任深恩具有天良寧可不併力同心互相

策勵剿者則竭力奮擊堵者則迎頭截殺並激勸

官民協同守助以期眾志成城如有防堵不力之

地方文武各員當大破顏面其職分較大者叅奏

辦理職分較小者卽一面奏聞一面拿究務使兵

氣奮揚人思用命於秋冬之交將各股賊匪一律

聖祖聖訓編卷五

五

廓清同膺懋賞倘再有遷延必將伊等按律治罪

決不再為寬貸也勉之慎之

臣等謹案古者師興必有誓命蓋以整肅步

伐一軍心而作士氣也我

皇上鈐符在宥自籌辦剿捕以來

綸言稠疊備闡機宜將帥之臣及封疆大吏莫不秉

承

睿謨戰則必克茲以蕪事尙稽時日

軫念瘡痍如傷弗釋

特諭以同心辦賊

申明剿堵之方又因陝省防禦事宜不若川楚之認

真

慮及西同鳳三府繁庶之區或致被賊竄往蹂躪

勅令飭屬扼要嚴防以期收眾志成城之效仰見

聖祖聖訓編卷六

六

天心仁愛溢於訓辭在閭閻既感切淪肌卽頑梗亦

皆知革面豈但使披堅執銳者足以振頹式

靡也哉

十九日庚明亮倭什布奏言查楚北青號賊匪

前經臣等屢次截剿由荆門逸入西北仙居一

帶祇緣五月二十六七等日至今大雨時行未

免兵行阻滯而逆匪亦未能遠颺現在侍衛宮

翰等帶領川陝撥來之

盛京馬隊官兵二百名業已到營臣等當派總兵

孫清元叅將吉林泰帶領兵勇三千餘名協同

馬隊官兵由賊匪奔竄之路緊躡追襲並派廣

西總兵德昌帶領新到粵西兵二千名粵東兵

五百名並將舊有廣西兵五百名一併撥給管

帶由大道抄截前進過其旁竄平原之路臣等

聖朝聖編卷頁六

七

帶兵勇二千餘名相機策應茲賊匪聞知官兵

雲集不敢復出大道已向南漳丁家集及茨河

穀城一帶分股亡命狂奔各該處均在萬山之

中正可逼歸一處聚而剿洗隨令孫清元德昌

等或分或合不使直前遠竄計日內廣東後起

官兵一千名已抵荆門現在飛催赴營並准額

勒登保知會又添派吉林索倫官兵二百名由

水路來襄並蒙

恩旨飭令豫省撥馬二百匹赴楚協濟臣等酌調荆

州滿營馬匹日來俱已到襄約一二日內均可

齊集臣等當親身率領馳赴前途與孫清元德

昌吉林泰等覓路合圍以期一舉集事再臣倭

什布於五月下旬觸受暑熱因剿賊喫緊力疾

前進日來暑熱未退飲食漸減實有難以支持

聖朝聖編卷頁六

八

之勢臣明亮囑令暫在襄郡就近醫治俟病體

稍愈仍即趕赴軍營會同剿辦

同日姜晟明亮倭什布奏言臣姜晟由鍾祥來

抵荆門州城適臣明亮倭什布由當陽之天柱

山抄剿賊匪亦至該州彼此會面將現在堵剿

及以後防邊各事宜公同籌酌刻下賊匪屢被

官兵截剿已折入西北劉猴集及南漳白虎頭

一帶即可攔入深山聚而殲洗現在粵西官兵已全數到營並酌留粵東官兵一千五百名

盛京馬隊印日均可趕到楚北止有此股賊匪雖

人數較多而軍營得此生力勁旅剿辦自易得

手惟是川陝股數尚多而鄖陽之竹谿竹山房

縣鄖西四屬以及宜昌之巴東一縣在在均與

川陝毗連邊界綿長幾及三千里萬山重疊路

聖朝聖訓卷六

九

路可通防守實非易事查楚省官兵前赴川陝

協剿者為數尚多是以各處邊卡轉留河南山

東等省官兵幫同防守一有賊匪闖入則防邊

之員止能就各邊卡抽撥兵勇剿捕日追日遠

節不能回顧邊防因而卡隘益形單薄遂致後

股之賊接踵而至無兵遏絕此楚省歷年被賊

竄擾之實在情形較之川陝兩省專派督撫提

鎮分駐防堵其賊股另交經畧叅贊大臣等剿

辦者情事實有不同從前楚省各卡原設官兵

共一萬二千餘名現在各路分防以及抽調隨

征共止八千餘名實缺額四千餘名祇緣從征

日久傷亡事故及遣回原營遂致不符原數

等現在飭令各營全數補足挑送到營以資堵

剿又查防剿兵力不敷添雇鄉勇較之官兵支

聖朝聖訓卷六

十

項所費倍增因念軍興以來為時既久費帑已

多自宜力加撙節斷不可稍涉虛糜前奉

諭旨以軍機大臣會議請於鄖陽府設立道員並將

鄖陽協改為鄖陽鎮移駐竹山竹谿地方等因

實於控制機宜最為有神蓋竹谿邊境路長山

險較鄖西巴東固守尤難若另設一鎮并將弁

多員招募新兵分管操練就近協防則鄉勇可

各邑誠能設法環衛於外其餘近邊各州縣築
堡守禦於內實為制賊良法臣等惟有同心協
力諄飭各地方官妥為激勸志在必行俟其一
律成功確實勘明如能認真迅速將該地方官
分別奏請

加恩獎勵均奏入

上命軍機大臣傳諭姜晟明亮倭什布日徐添德大

欽定剿平三省邪匪方略

正編卷一八六

股賊匪早據明亮等奏稱即可逼歸山內聚而殲

洗今已閱二十日而奏到之摺仍係佈置情形並

未打仗得勝且徐添德又向南漳丁家集及茨河

穀城一帶分股狂奔自係明亮等並未實力通剿

所致若云氣候炎蒸則不獨楚省為然而額勒登

保在陝連次克捷德楞額亦於六月初間在南江

痛剿攻撲喇嘛各股賊眾並不稍有耽延明亮等

何得以溽暑為詞予賊以暇任其輾轉奔逃實屬

遲緩明亮倭什布均著傳旨申飭現在賊匪竄至

南漳穀城一帶如係分派防堵文武員弁堵禦不

力所致即當據實奏奏以示懲儆徐添德係起事

首逆非尋常賊目可比現據明亮等奏賊匪若竄

入陝境山勢險峻不如楚省之山勢散漫剿辦易

於得手等語徐添德本係川省賊匪自行竄入楚

欽定剿平三省邪匪方略

正編卷一八六

境此時該省兵多賊少易於剿辦或事機湊合得

以就勢殲除俾收事半功倍之效明亮等若能將

徐添德生擒派員解京或臨陣殲斃於驗明首級

後傳示各路軍營俾賊匪見之喪膽則明亮之功

不小若縱令他竄罪亦倍於他人勉之慎之此股

辦竣後明亮本係湖北總兵斷不令其前赴川陝

協剿況該省鄖陽之二竹房縣等屬及宜昌之巴

東均州與川陝毗連道里綿長防堵均關緊要姜晟倭什布係屬本省督撫有地方應辦事件且又係文員於軍務本非所長若將延袤數千里之邊境專交孫清元一人豈能辦理得宜明亮彼時自應將所統官兵酌量撥赴陝省歸額勒登保調派明亮仍當在楚將各處要隘堵禦事宜嚴密布置督率防守切不可楚省賊匪剿竣恐又須前往他省協剿爲人指使稍存養寇自重之見自取罪戾至倭什布現患暑病著卽在襄陽好爲調理並就近料理地方事務不必隨至軍營又據會奏籌辦堵剿大局情形一摺所稱團勇防禦等事皆係防備他省竄匪而設尙屬善後事宜今該省現有徐添德股匪自當將此股速行辦竣肅清楚境先其所急所有明亮分兵佈置之處尙爲得當惟望

聖朝聖鑒編卷五

五

喜音卽至耳又據稱楚省官兵多赴川陝協剿現已咨詢經畧如能撤回卽將河南山東等省官兵令回原營一節楚省兵丁轉赴川陝協剿離營日久恐不免繫念家室自不如調回本省協防之較爲得力已降旨令額勒登保酌爲對調此項兵丁回楚後其河南山東等省官兵卽當撤回原營歸伍卽湖北各兵內如有疲病者亦當遣發回營既使一兵可得一兵之用亦不至虛糜糧餉其添設鎮道事宜姜晟旣親赴該處查看著卽妥議章程並將應行添設鎮道之處一併具奏以便簡放上又命軍機大臣傳諭額勒登保長麟合布日各路防守兵丁與徵調進剿者不同自應以本地之兵防守本省較爲得力今楚省兵丁多派赴川陝協剿而湖北防守各兵轉係河南山東之兵卽如陝

聖朝聖鑒編卷五

六

省兵丁派往川省防守而陝省防堵各兵或多係川省之兵彼此不能得力著額勒登保就各路防守情形酌量對調俾各守各土其山東河南及此外各疲病兵丁亦應大加裁撤庶餉不虛糜而兵歸實用於防堵更爲得力矣

同日勒保奏言臣於潼川途次接到德楞泰來信以賊匪竄至廣元之木門場臣帶兵由廣

元一路迎擊維時因蒼溪蓬州連次告警臣卽

七

同總兵薛大烈帶領由龍安撤出兵勇一千餘

各由蒼溪一路進發適七十五在川甘邊界酌

留防堵官兵布置事竣已帶兵行至江油臣卽

令其就近馳赴廣元亦可與德楞泰收三面環

攻之益茲臣於初七日行抵蒼溪探知冉添士

王士虎等各股竄匪自經德楞泰於南江縣長

池壩地方痛加殲戮餘匪四散奔逃有逸入廣

元之木門場五郎廟者有闖入蒼溪之彭店壩

等處者現俱折竄南江通江一路而去臣正擬

約會七十五帶兵追剿又接德楞泰信稱賊匪

現已竄至通南交界之烏林壩地方勢必由通

江走東鄉太平等處德楞泰業經帶兵緊蹙臣

不必由此路行走轉至兩路俱成尾追應卽

八

從順慶蓬州至東鄉一路前往迎擊並可冀兩

軍及早會合臣查廣元蒼溪境內現已無賊自

應速赴東鄉迎賊截擊且思嘉陵江一帶防堵

事宜雖派文武大員分段督防第未能親身查

察又聞近日賊匪竟有假扮絲客牛販欲由保

寧混過嘉陵江西岸以圖竄擾川西之說尤不

可不嚴行防範臣卽就便取道保寧順慶查視

江防茲於初九日行抵保寧府查看沿江防守
 兵勇營卡俱各布置嚴密派委員弁亦能認真
 出力仍嚴諭該管各官隨時督率兵勇稽察盤
 詰以杜奸匪混跡並將保寧局歷辦糧餉等事
 稍為清釐該局現在尙存軍需銀十萬兩有零
 責成川北道李鉉一手經理樽節支用仍俟
 路過達州將該局應否裁撤歸併省局之處再
 行察看情形通盤籌定據實具奏再原任建昌
 道劉清去年經臣派令在通江巴州一帶招撫
 被脅難民夏秋二季通計從賊隊中投出者實
 有二萬數千人因此黨與解散賊勢大衰茲查
 各股竄匪大半俱在通巴境內正當乘此被剿
 情急之時廣播

皇仁招歸安業則剿撫兼施更覺事半功倍臣現派

劉清帶同候補通判劉星渠速赴通巴一帶仍
 照上年所定章程認真招撫以散賊黨而輯民
 生於軍務亦有裨益至七十五現已帶兵趕到
臣拜摺後即由保寧一同起程前進以冀與德
 楞泰及早會合通籌協剿迅勉成功奏入

上命軍機大臣傳諭勒保日勒保接據德楞泰知會
 即由順慶達州一路迎往現在德楞泰緊躡賊蹤
 有勒保在前攔剿自成夾擊之勢該署督務須會
 同德楞泰奮力剿辦將此股竄匪殲除淨盡再辦
 他股庶可以次肅清其高二馬五等股賊匪俱在
 禮縣伏羌一帶奔竄現有阿哈保百祥在彼剿辦
 廣厚已前往堵剿自不虞該逆等復竄回川西至
 摺內所稱賊匪有假扮絲客牛販欲由保寧混過
 嘉陵江希圖竄擾川西等語此則必應嚴行防範

《聖朝實錄卷之六》 十九

《聖朝實錄卷之六》 二十

雖沿江一帶營卡經勒保查看布置尙爲嚴密仍應隨時留心嚴飭所屬認真防守毋令稍有疎懈致奸匪潛蹤混過爲要至保寧局現存軍需銀十萬兩零達州局內自亦尙有存餘近復前後撥給餉銀六十萬兩解川應用該署督務須加意撙節核實支發不得稍有冒濫至所稱現派劉清帶同候補通判劉星渠速赴通巴一帶仍照上年所定章程認真招撫一節自應如此辦理劉清從前承辦招撫事宜賊管內曾投出二萬數千餘人著有成效現當剿捕緊急賊匪窮竄之時若廣爲招徠自必聞風紛紛投出可收剿撫兼施之益此事卽責成劉清經手專辦仍令每月將招撫投出人數具報總督一次以憑查核如果招徠至數萬人認真奮勉該督卽行據實奏聞劉清平日居官能得

民心朕卽加恩將伊原官開復亦無不可

二十二日西長麟奏言查前竄賊股自出辛口

峪已於前月二十五日竄至棧道內之東河橋

黃牛舖及營頭口等處臣於二十六日趕出子

午峪距賊蹤已六七百里之遙臣督兵兼程晝

夜行走不留餘力由寶雞入棧追躡前進途間

探聞賊匪已經竄過棧道以西一股由二郎壩

奔竄一股由茶子嶺奔竄俱入甘境沿途訊據

逃出被裹難民僉稱該匪等商議欲分路竄往

秦州會合搶掠查秦州爲甘省第一蕃富之區

且與陝省隴州毗連現在並無兵備倘該匪等

一經北竄所關匪細臣自唐藏太渠追入甘境

卽由茶子嶺利橋一帶抄至賊匪北面兜截以

期緊顧秦隴初八日行抵黨家川探聞賊匪由

紅崖子一帶直奔甘泉寺係通秦州大路臣鼓

勵兵勇翻山前進於初九日午刻趕至甘泉寺

已出賊匪之前該匪知官兵已扼要路即折回

南面馬家壩一帶竄入深山臣 晒探賊蹤相距

尚七八十里當即由甘泉寺向南兜截十一日

晚至楊家斜坡探聞賊匪已至西和縣所屬之

唐家河距臣 營五十餘里即於次日四鼓派總

兵觀祥革職將軍富成侍衛巴彥泰帶領馬隊

臣 督率叅將阿爾瑚阿等帶領步隊疾驅前進

辰刻趕至汪家川地方據探賊匪向西竄走相

隔官兵祇四五里因聞官兵趕到紛紛折向南

竄等語臣 刻即督兵緊追相去賊匪半里許即

令觀祥等帶領馬隊先行馳往直前衝突將賊

匪截為兩股一股約賊匪二千餘人奔上西面

山梁適步隊官兵亦即趕至山下觀祥率同兵

勇由右手仰攻富成率領兵勇由左手仰攻巴

彥泰率領兵勇由中路直撲一股賊匪約一千

餘人由溝內奔向南山臣 即督同阿爾瑚阿等

分帶兵勇尾隨追趕賊匪奔上南山我兵亦即

搶上梁頂兩股賊匪吶喊搖旗撲壓抗拒兩路

官兵人人奮勇鎗礮齊施各斃賊匪數十人西

面山梁賊匪力不能敵先行敗走觀祥富成巴

彥泰竭力追殺斃賊二百餘名生擒四十五名

南面山梁賊匪亦即繞山奔逃臣 即率同阿爾

瑚阿等竭力追剿斃賊一百餘名生擒三十七

名兩股賊匪又先後奔上大山合為一股折回

抗拒臣 當即督催各隊官兵一擁直撲擊斃賊

匪百餘名賊匪直向西奔竄官兵仍前緊追寸

步未肯稍後追至三十餘里賊匪先行搶上迎面錦雞嶺之極高頂上分爲三隊據險不動此嶺勢甚陡峻直同壁立蓬科蒙密並無容足之路上復鼓勵兵勇奮力仰攻當令觀祥督率遊擊劉滿貴帶領兵勇由右手抄上富成督率守備宋鉞帶領兵勇由左手抄上臣率同阿爾瑚阿並各將備分投接應兵勇等攀援荆棘奮勇齊上進至山腰賊匪據險抗拒擲石不絕兵勇奮勇倍增鎗礮擊倒持旗賊目三名賊匪漸退當有六品頂戴鄉勇首雷青吳順爭先撲上梁頂連戮賊匪數人一面招呼各兵勇一擁直上刀砍矛戳賊匪站立不住紛紛由山後奔逃兵勇蜂擁壓下追殺數里又斃賊匪百餘名生擒四十六名餘匪又翻越一重大山迷迭時天色

欽定剿平三省邪匪方略

正編卷一八六

已黑雷電交作且官兵自四鼓直至日落奔馳攻擊已極疲乏不得不暫行紮住臣於督兵追殺賊匪之時恐沿途山內藏有餘匪復派遊擊台清阿帶兵在後搜山又於溝內搜殺潛匿賊匪七名生擒一名計此次殺賊共有六百餘人生擒一百二十七人搶獲騾馬驢頭旗幟鎗矛甚多訊據擊獲活賊及被裹難民供稱此股賊首係伍金柱因人數較多甘肅糧食較少所以分爲兩起行走今日打仗是後起之賊本係見陝西兵多來甘躲又見甘肅百姓都上山寨無處找糧商量要在四川逃竄等語除被裹難民十七名研訊明確刻卽給予盤費路票令其回籍外其餘均係直賊概行正法奪獲騾馬器械等件均經分賞出力兵勇以示獎勵至兵勇

欽定剿平三省邪匪方略

正編卷一八六

目下仰攻之時有陣亡步兵一名受傷兵勇三十四名另行咨部辦理臣仍多差兵勇晒探賊蹤刻即趕緊追剿至額勒登保及各路大兵會否入甘臣尚未得確信現在甘省賊情臣均經差弁探往額勒登保大營通報其由川省竄來高馬二逆已與陝省竄來之戴家營賊匪合為一股越數日後又復分為兩股一向南奔一向西竄均有奔向徽縣兩營之勢臣於山內途遇藩司廣厚據稱南竄之賊有副都統阿哈保總兵百祥索費英阿追剿其西竄之賊廣厚現在趕往追剿至各路官兵追賊入甘所需軍糧最關緊要臣亦已分派營弁馳在各州縣催趨趕辦並飛調蘭州道蔡廷衡移駐鞏昌適中之地就近總辦仍飛飭鞏秦階道慶興親赴各屬督

催趕運不致稍有貽誤再臣營所帶鄉勇四百餘名均係陝省五郎一帶無業之人自元年至今從事戎行嫻習技藝較之新募官兵實為得力現在陝省五郎山內添設寧陝鎮營分招募新兵尙未足額應請即將此項鄉勇收入寧陝營作為兵丁實於營汛有益但訓練約束必需妥幹千把管領現在寧陝營千把等官尙未選擇有人若由別營調補管領又恐不能約束查鄉勇首領六品頂戴雷青吳順平素管領該鄉勇甚有紀律且此次打仗殺賊實屬奮勉出力合無仰懇

皇上天恩即將雷青補用寧陝營千總吳順補用寧陝營把總俾資管束似於軍務較為有神如蒙俞允臣一面移咨台布查照並札知寧陝鎮總兵劉

《聖朝實錄卷六》
三

《聖朝實錄卷六》
三

之仁遵照辦理奏入

上命軍機大臣傳諭長麟曰此次長麟分飭觀祥富成巴彥泰等帶領馬隊馳擊賊匪長麟亦督率叅將阿爾瑚阿尾隨追趕俱有斬獲賊匪向西南奔竄官兵仍前緊追先後殺賊六百餘名生擒一百二十餘名所辦俱好稍贖從前逗遛遲緩之咎現在伍金柱後股賊匪既經長麟截殺多名其伍金柱前股究竟竄往何處摺內未據聲明想亦奔竄不遠此股賊匪即交與長麟一手剿辦務當乘此勝勢鼓勇直前若能將伍金柱全股賊匪即在甘省地方殲淨不但宥其前罪併當優加恩賞至觀祥富成巴彥泰等分投剿賊亦俱出力如伍金柱一股剿盡後長麟即據實保奏候朕加恩至所請將雷青吳順補用一節所奏甚是雷青著即補用

寧陝營千總吳順與雷青一同出力且同係六品頂戴亦著拔補千總遇缺即補所有寧陝營把總著長麟於鄉勇中曾經賞給七八品頂戴者揀選拔補鄉勇等即著挑補寧陝鎮兵丁俟賊匪剿竣後再令歸伍其不願入伍者聽至所稱高馬三逆與戴家營賊匪合夥後又復分爲兩股一向南奔一向西竄等語賊匪向南奔竄究係甘省何處地方其西竄之賊亦未據敘明奔向何處豈此股賊匪又仍折回乎且西竄之賊何以僅有廣厚在彼追剿是否賊匪爲數無多廣厚一人足資剿辦並著長麟查明覆奏此時甘省糧餉最關緊要長麟已調蘭州道蔡廷衡移駐鞏昌督辦豈能空手料理長麟係陝甘總督兩省俱其所轄自當無分畛域先其所急所有陝省存貯餉銀儘可酌量挪往

鞏昌備用該督務須飭令蔡廷衡等妥為辦理以期無誤軍儲為要

聖祖聖孫編卷頁六

七

欽定剿平三省邪匪方畧正編卷一百八十七年 庚申

六月二十三日 甲戌 額勒登保奏言竊各股竄匪

先後由棧道入甘前因札克塔爾楊遇春穆克

登布等尙在南山搜剿 臣當經嚴飭務須將餘

孽剿捕淨盡茲疊據札克塔爾等先後呈報該

匪等剿潰狂奔山內已無成羣結夥之賊而沿

途各股內均有落後餘匪且賊股狡詭有隱匿

聖祖聖孫編卷頁七

寺院並捏稱難民密行探聽官兵信息者每日

殲戮數十人及一二十人不等陸續散出裹脅

民人隨時訊明釋放者共有三四百人此次賊

匪逃竄多係從深山老林盤旋而逸沿途跌斃

賊匪並馬騾甚多而數路官兵或千餘或數百

名到處搜捕又不得不跟蹤於亂山密箐中行

走道途紆折雨水衝漲又有間阻是以不能迭

速今楊遇春穆克登布九十各路官兵又從布
栗園白營寺等處出棧道之草涼驛黃牛舖等
處於十二三日會合札克塔爾綸布春帶領馬
隊官兵已從子午峪一帶於十五日出棧會齊
陝省餘孽搜捕已盡接據稟報竄甘之賊有在
徽縣兩當附近秦州者有在三岔地方附近隴
州汧陽者臣查得隴州地方向有渭河一道目
下水勢正大賊匪驟難偷渡然一過渭河又係
陝境平原之地最為緊要已飛飭札克塔爾同
楊遇春格布舍九十等帶兵先由黃牛舖直趨
三岔進剿並當顧住隴州汧陽地方江南提督
定任日內計抵寶雞亦令其不必前來臣營卽
帶直隸兵八百名就近赴楊遇春一路協剿綸
布春與穆克登布桑吉斯塔爾等令其由唐城

欽定剿平三省邪匪方略

正編卷一八七

欽定剿平三省邪匪方略 正編卷一八七

大渠一路竄道來徽縣兩當一帶剿擊並據阿
哈保呈報近於初八日在徽縣之馬鞍巖籠子
山楊樹壩等處會同百祥索費英阿等疊次與
賊打仗先後殺賊四百餘名生擒三百餘名奪
獲旗幟騾馬甚多查係高二馬五戴家營賊匪
合夥並有張世龍及冉學勝股匪在內阿哈保
等現在跟蹤趕剿等語是竄甘之賊已經官兵
痛剿而秦州地方向有長麟等在彼剿辦札克
塔爾等趕緊前去當可不致蔓延查陝省南山
等處屢為賊匪滋擾實係腹地之患今雖未能
就地一律掃除仍至竄往甘省而此一帶既已
寧謐自不可再令賊匪折回至西鄉境內前有
龍紹周唐大信股匪曾經派令提督王文雄前
往堵剿據報已得有勝仗賊匪業經敗竄是否

欽定剿平三省邪匪方略

正編卷一八七

一七

西鄉邊界尚有餘賊臣已差人確查並札知王

文雄帶領兵勇四千餘名在西鄉南鄭一帶扼

要駐紮探有川匪竄近極力堵剿其寧羌沔縣

一帶並令總兵札勒杭阿帶兵一千四百餘名

紮卡防堵又聞楚中賊匪已竄南漳若出竹山

竹谿即近陝之平利白河現有慶溥溫承惠帶

領兵勇五千餘名在安康平利一帶臣已飭令

聖朝聖訓卷之四

四

如賊匪竄近務當協力同心相機堵剿萬不可

使該匪再行入陝滋蔓至紫陽一帶現今額勒

亨額帶馬步官兵嚴堵川匪勿令竄入併與慶

溥溫承惠聲勢聯絡總兵劉之仁現帶兵千餘

名在五郎防堵並招練新兵查五郎與石泉相

近臣並飭令該鎮於沿江灘淺處所隨時稽查

防範臣沿途察看山形地勢褒城毗連漢中山

路多通黑河關係緊要當將岱森保留於該處

并酌留官兵一千三百餘名令其安營設卡防

堵由黑河東竄入陝之路其武關留壩萊子嶺

鐵爐川大石崖等處令總兵汪啟帶領官兵三

千餘名駐守其大石崖以北分水嶺瓦房壩廢

邱關酒店梁方石舖等處令長春同副將舒隆

阿帶兵勇共五千餘名駐守其方石舖以北之

聖朝聖訓卷之五

五

大渠唐藏利橋一帶令將軍恒瑞同總兵德忠

帶領馬步兵勇共三千餘名駐守此外如隴州

寶雞一帶尚有副都統和興額道員王文溥等

在彼防堵自此當悉臻嚴密臣遇各鎮將前來

見面時已將如何擇地設卡安營以及隨時偵

探截剿等事逐加訓飭並將疊奉

嚴旨愷切宣諭各該員亦無不戰兢恐懼其餘未經

見而之各鎮將業已詳加札飭斷不可一悞再
悞臣面晤合布並囑暫駐鳳縣一帶隨時親身
巡查西面現設各卡隘兼籌糧餉事宜並派員
就近經理隨時供支不使防堵之兵稍有缺乏
且各段內倘兵力不足卽以陝省補額之兵撥
用總期賊匪不致再行入陝臣連日分佈停妥
後卽帶同慶成等取道兩當入甘剿賊本月十
六日已次兩當之韓奉濟前途與札克塔爾等
或分或合隨時酌量再查甘肅之賊被剿情急
恐又竄入川界其白水嘉陵江岸以及龍安等
處亦須嚴備業已咨明勒保飭知名該處地方
文武加意防範至甘省糧運已札致長麟派員
妥爲經理

額勒登保又奏言臣前因賊匪由甘竄陝恐其

在陝被剿情急復折竄甘省曾經奏明合陝甘
兵力防堵其鎮將等均聽長麟調度嗣經長麟
於各鎮將外添派道員王文湧分段設防又于
午峪以西盤屋所屬之黑水峪西峪辛峪一
帶本無官兵堵守亦經長麟告稱已飭藩司台
斐音督率各該員多練鄉勇並添派壯丁八百
名令該司就近調度佈置茲查賊家營一股賊
匪先從辛峪竄出經道員王文湧將將輝克圖
等率領兵勇截擊由黑水峪折入山內復從總
兵索費英阿所管之杜家莊竄出該鎮未能截
住致令奔入陳倉口黑河一帶索費英阿跟追
亦未截回是以竄進甘境其長春原駐江口因
索費英阿追賊離防調赴兩河口分堵而接踵
竄出之冉學勝張世龍並伍金柱等股賊匪除

長麟率同觀祥富成等帶兵跟追外各匪亦有
從兩河口長春所防之處竄至棧道出陳倉溝
一帶入甘者查索費英阿在方柴關防堵據報
帶有兵勇一千七百餘名所設卡隘非止一處
兵勇定亦分布見單但戴家營本屬臣剿潰之
賊始由杜家莊竄出時訪查實不滿千人該鎮
竟未能攔截雖親率官兵跟追亦無畏憚情事

聖朝通志卷之八

八

而其防堵不力之咎實所難辭該鎮亦甚愧懼
業經奉

旨革職臣仍責令帶兵効力自贖至長春在江口一

帶帶兵本有一千六百餘名又從九品雜昂管
有鄉勇二千餘名兵勇同在一路為數不少而
長春究係索費英阿追賊去後分撥兵勇移駐
兩河益形單薄且查伍金柱股內賊匪攻撲五

里坡營卡之時該鎮曾經督率官兵奮力擊斃
三十餘名賊匪奔散後半夜復來攻撲該鎮又
用鎗礮打至四更緣探張添倫辛聰等股之賊
又從滴水巖竄出左右皆賊該鎮不能兼顧以
致伍金柱股內賊匪接踵從草京驛唐藏太渠
一路竄出張添倫等亦至棧道從陳倉溝迤西
逸出入徽兩境內除從九品雜昂職分與備弁

聖朝通志卷之九

九

相等不足深究外所有涼州鎮總兵長春應請
旨革去總兵及巴圖魯名號並拔去花翎降為副將
亦仍令帶兵自贖至台斐音既經長麟將峪口
一帶派交防堵乃賊匪叠次從峪口竄出自係
團勇壯丁不甚得力該藩司並不預先籌畫以
致臨時疎虞究屬文員尙可從寬而該藩司總
理軍需糧運一事乃其專責前於鎮安五郎等

處又未能辦理妥協當予嚴叅惟聞該司在陝

甘年久於地方情形尙爲熟悉應請

旨將陝西布政使台斐音拔去花翎降爲道府仍留

陝西責令將軍需糧餉等事悉心經理以觀後

效又奉

旨查詢副都統和興額一節和興額前因長麟以賊

匪內有從峪口逃竄故添派該員帶兵前往堵

剿

十

賊維時楊開甲股匪合之張添倫辛聰宋麻子

顏勝可魏棒棒等共有六股五月二十四五等

日尙在洋縣之茅坪一帶屯聚嗣經札克塔爾

楊遇春穆克登布等痛加斬戮並將首逆楊開

甲殲斃之後張添倫等餘孽甫由二郎壩一帶

竄去臣派令總兵九十等跟追又探有周姓陳

傑賊匪向東四畝地一帶奔逸臣恐其深入五

即令札克塔爾等卽行分路緊躡追剿是長麟

奏五月二十日從辛口峪竄出之賊乃冉學勝

張世龍等股匪並非楊開甲其伍金柱一股原

係臣與各將領在手扳崖銅錢窖等處剿潰遁

入老林之賊和興額既抵峪口未能先將冉學

勝張世龍股匪攔截嗣伍金柱股匪於二十一

日亦從辛口峪竄出訪查和興額本未堵住後

剿

十一

追出十餘里殺賊無多適遇大雨亦未盡力窮

追誠難辭咎但核彼時所帶之兵只有一千餘

各未免單弱應請

旨將副都統和興額巴圖魯名號花翎一併革去以

示薄懲仍留副都統之任令其帶兵勉贖前愆

至按察使銜鳳邠道王文湧當賊匪屢次欲竄

寶雞之時若防堵稍有不力勢必偷渡渭河擾

及平原該員竟能與叅將綽克圖奮力截堵實有勤勞又寧憂總兵汪啟駐劄槐石五道梁並分防江口等處疊經盤獲逆犯防堵嚴密未致賊匪窺伺亦屬實心任事應請

旨將汪啟王文湧綽克圖三員交部分別議叙如此有功必錄有罪必懲該員等庶知儆懼激勸倘此次懲戒之後各該叅員再不知認真出力此外再有似此堵剿不力之員必當奏請即於軍前正法現又通行嚴飭凜遵均奏入

聖朝聖訓卷七

七

上命軍機大臣傳諭額勒登保日前因陝省賊匪分股竄擾會諭令額勒登保不可輕率赴甘今南山餘匪搜捕已淨陝西業無大股賊匪而徽兩等處賊匪急須搜捕額勒登保取道兩當入甘剿賊自應如此辦理此時高一馬五與戴家營賊匪合夥

業經阿哈保帶兵剿殺而秦州竄匪長麟已得有勝仗並有札克塔爾楊遇春等分路追截額勒登保正當乘各路官兵會聚之時奮力兜截以次殲除但甘省地瘠民貧無食可掠各路賊匪見官兵四路進擊或又思乘間竄回陝省不可不慮額勒登保必須在甘境內將各股竄匪全行撲滅至陝省邊界額勒登保俱已酌留官兵派員駐守布置

聖朝聖訓卷七

七

尚為周密現又降旨令台布督率官兵實力防範其所慮楚省南漳賊匪恐由二竹竄近平利白河一節此股賊匪現據明亮等奏已經通入山內趕緊進剿楚省賊少兵多自可不致他逸且平利安康一帶慶溥溫承惠在彼防堵似可放心惟額勒登保所稱甘省之賊被剿情急恐又竄入川界其白水龍安等處已咨明勒保督率嚴防等語此

則甚為可慮勒保現已前赴德楞泰一路會剿川北賊匪並將七十五薛大烈調回其白水龍安等處豈能兼顧額勒登保仍當悉心調度的派官兵預行在彼堵剿遏其入川之路勿令竄近龍安一帶方為妥善

上又命軍機大臣傳諭台布王文雄曰川省竄匪前

被王文雄截回現在額勒登保帶兵入甘賊匪最

聖朝重農編卷七

十四

能偵探恐其乘間復竄陝省又南漳一帶接近房

竹該處賊匪亦難保其不竄入滋擾是陝省現在

雖暫無賊匪較之經畧在陝時各路邊界防堵倍

關緊要著台布王文雄於各路要隘處所督飭所

屬妥為布置嚴密著禦毋使三省竄匪一名闖入

若有竄近邊界者務即上緊截回必將防堵之員

優加甄叙倘或防守不嚴致賊匪復行乘虛竄入

必當查明何路疎縱賊匪之員嚴行治罪台布王

文雄二人總司其事其罪尤難輕貸至南山一帶

賊匪雖據額勒登保剿捕淨盡恐或尚有餘孽一

切應行查辦事宜台布亦當留心察看妥協經理

俾難民復業賊匪無險可據此為最要再陝省應

需軍餉前於五月內發去銀五十萬兩即速解往

甘省今又於浙商公捐項內命延豐解往陝省銀

聖朝重農編卷七

十五

五十萬兩以補前款該省重兵多半前往甘肅可

不必多需餉項台布前奏所云每日需銀二萬之

說此時自可無用所有陝省現存銀米除酌留防

堵官兵需用外其餘儘數迅速解往甘省交與長

麟以濟要需其陝省應需之項現已有旨命延豐

迅即解陝俟此項銀兩解到時台布務當籌節支

用不可挪移牽混再廣東總兵馬玉魁帶領粵兵

一千五百名由水路至陝後卽令前赴甘省經畧軍營聽候調度

上又諭內閣曰據額勒登保奏查明防堵不力各員分別劾叅並將出力之員懇請交部議叙一摺朕詳閱各員功罪總兵索費英阿係在杜家莊專司防堵之員戴家營一股賊匪由辛峪竄出經道員王文湧叅將綽克圖等截擊後賊匪由黑水峪折

聖朝聖編卷五

十六

入山內復從索費英阿所管地界奔竄此股賊匪係額勒登保剿斃之餘爲數不滿千人而索費英阿所帶兵勇有一千七百餘名兵多賊少如該總兵能奮力截剿自可痛加殲戮不令他竄乃該鎮並未截住卽跟追後亦未能緊躡賊蹤與之接仗致賊匪竄入甘境索費英阿疎縱之罪實有難辭且伊已年老無能業經降旨革職若仍令帶兵自

効不足示懲著照吉蘭泰之例卽於軍營柳號示衆候軍務完竣再行發往伊犁効力贖罪涼州鎮總兵長春在江口一帶駐守雖所帶兵丁有一千六百餘名然因索費英阿追賊去後該鎮分撥兵丁移駐兩河兵分見單且伍金柱股內賊匪分竄攻撲營卡時該鎮屢經擊賊殲斃三十餘名因竄匪分股較多不能兼顧較之索費英阿情尙可原

聖朝聖編卷五

十七

然僅請革去總兵及把圖魯名號並拔去花翎亦覺過輕長春著革去總兵及巴圖魯名號並拔去花翎加恩降爲遊擊隨營効力自贖布政使台斐音於辦理團勇一事未能預先籌畫妥爲布置總理軍需糧運於大兵進至鎮安五郎時又未能趕運接濟實有應得之咎自應照額勒登保所擬降職示懲台斐音著拔去花翎降爲道員溫承惠在

紫陽一帶督率鄉勇堵禦賊匪最爲出力所有陝西布政使員缺卽著溫承惠補授至王文湧自剿賊以來帶領鄉勇於要隘處所屢次堵賊且伊係文員能與叅將綽克圖奮力剿賊截回奔竄匪衆實爲出力可嘉王文湧卽著補授陝西按察使其所遺鳳邠道一缺卽著台斐音降補仍令辦理軍需事務以觀後效副都統和興額在峪口地方防

欽定剿平三省邪匪方略

正編卷一八七

堵既未能將冉學勝等股賊匪截住而伍金柱股匪亦旋由該處竄逸該副都統總未奮勇堵截迨賊匪竄後又不盡力緊追其罪雖較索費英阿稍輕而較之長春則重豈可仍留副都統之任和興額著拔去花翎革去巴圖魯各號降爲防禦隨營帶兵効力自贖至堵賊出力之叅將綽克圖能會同地方文員實力捍禦著有勞績洵爲出力之員

著加恩以副將陞用遇有缺出卽行奏補如從前未經得有花翎卽著賞戴花翎總兵汪啟在梳桿石五道梁等處分防雖疊經盤獲逆匪堵禦亦屬認真但防守事宜是其專責尙未著有殺賊功效此時且不必交部議叙如果該員始終奮勉出力再行據實保奏候朕加恩

同日

欽定剿平三省邪匪方略

正編卷一八七

上諭內閣曰魁倫自上年署理吏部尙書時常蒙召見屢請前往四川軍營並以伊從前曾任四川營官於辦理咽喉匪時擒捕奮勇現在教匪滋事尙不似咽喉匪之難辦乃遲至數年尙未蕆事皆由帶兵大員等因循貽誤所致若令伊前往必能尅期奏績彼時朕卽以其言大而夸未允所請嗣因勒保以總督辦理經畧事務難以兼顧且安坐達州於

剿捕事宜未能經理妥善是以將勒保革職治罪
改授額勒登保爲經畧川督一時乏人因念魁倫
在川年久又曾任閩浙總督於地方事務自應諳
曉特命前往署理四川總督並未委以軍旅重寄
上年冬底川省賊匪由陝竄甘其時額勒登保有
鑒於勒保之株守不動遂於本年正月初一日由
達州帶兵前赴甘省彼時四川別無大員額勒登

聖朝聖訓卷之七

三

保因將川省零星賊股交與魁倫接辦若魁倫自
揣不能勝任卽應阻留額勒登保不令前往或據
實奏明請旨定奪乃竟直任不辭復於達州地方
逗遛八日以置辦衣履爲詞又復繞道行走以致
賊匪乘間搶渡嘉陵江以西荼毒無數生靈魁倫
並不親身督剿僅派阿哈保朱射斗前往追躡又
不妥爲策應以致朱射斗失利陣亡自後魁倫愈

加畏蕙惟於鳳凰山紮營屢次奏摺總以防守潼
河爲名從未與賊接仗適德楞泰遵旨帶兵馳到
屢殲賊衆朕彼時諄諭魁倫以防守潼河是伊生
死關頭特宥其縱賊竄渡嘉陵江之罪加恩降爲
三品頂戴令其固守潼河以觀後效魁倫若果能
實力堵禦俾德楞泰得於潼河以東將賊匪剿淨
是魁倫前此疎縱之罪早經寬釋而防守潼河將

聖朝聖訓卷之七

三

功贖罪卽不能復邀頭品頂戴仍可留任總督詎
魁倫疎於防範經劉清稟請暫留黔兵以資防守
又復批飭不准致令賊匪竄過潼河西岸將完善
地方百姓肆行殘害幾至擾及成都省城附近處
所幸德楞泰督兵奮剿始將賊匪驅過潼河東岸
彼時魁倫僅幫同勒保打仗一二次旋又帶兵前
赴龍安川省百姓無不感激德楞泰而怨恨魁倫

其輾轉避賊恇怯無能若不加之顯罰何以肅軍紀而飭戎行且川西被賊黎民不可勝計此而猶欲曲事姑容豈無辜受害之百姓目不忍觀耳不忍聞者獨非民命乎因降旨將魁倫革職拏問交勒保等審訊擬以斬決經王大臣等復加核擬無異本應即將魁倫在軍前正法特因教匪究係內地亂民若將失律大員卽在該省辦理恐啟莠民

聖訓卷之三

三

蔑視官長之漸是以令其解京仍命王大臣等連訊兩日魁倫亦惟俯首認罪無可置辯且於團勇誤殺解送弓箭之守備馬良柱一事並不據實奏聞轉將馬良柱捏報陣亡濫邀卹典其欺飾之罪亦據供認不諱復經王大臣等照原擬請旨將魁倫卽行正法並遵旨將從前軍營債事各員辦理成案六件檢查進呈以備比擬如馬爾賽訥親張

廣泗雅爾哈善俱經明正典刑此四人因剿辦準夷金川回部外域較之魁倫情罪尤重至所開李侍堯則係原擬斬決蒙

皇考改爲監候核其原案止於不能預防回匪致田五等糾衆謀逆復株守靖遠不卽行趕赴軍營以魁倫之畏葸退避縱賊殃民與李侍堯相比情節更重至楊應琚任雲貴總督時因辦理緬匪調度乖方捏飾欺朦原擬照統兵將帥貽誤國事例擬斬立決曾蒙

聖訓卷之三

三

皇考加恩賜令自盡魁倫身任總督與楊應琚同其調度乖方亦與之同至於魁倫屢次以防守潼河入奏隱遂其避賊之計又於馬良柱一案捏詞具奏其欺朦隱飾亦與楊應琚同魁倫種種罪狀因應正法但究係自請前赴軍營其情尙稍有可原魁

倫著照楊應琚之例免其肆市著刑部堂官傳旨
監視賜令自盡乃於萬無可貸之中寬以一線此
卽朕過於姑息之處然於軍紀所關斷不肯曲宥
一貽誤封疆之庸臣而膜視小民之被賊殘害陷
於非辜也魁倫之子完顏扎拉芬並著發往伊犁
効力贖罪以示懲儆

上又諭內閣曰人君馭下之柄不外賞罰不可稍有

聖訓

三

偏倚必以至公無私處之切莫預立成見惟視其
人之自取無所容心於其間賞濫則不知感勸刑
濫則民無所指有功缺賞失鼓勵之道有罪不罰
損懲創之法在平時尚不可少闕况行軍不明賞
罰事必難成貽誤因循爲害益大失律之臣不誅
奮不顧身者何勸豈有數萬子民身膏原野骸骨
拋零爲君父者漠不關心必欲曲法保全一債事

之庸臣我大清國豈有如此庸碌卑鄙之主茲因
治魁倫之罪特行明白宣諭知之

上命軍機大臣傳諭額勒登保德楞泰明亮陝甘四
川湖北各督撫曰魁倫自到川省以後辦理軍務
種種逗遛玩誤欺隱飾縱賊殃民各罪狀現經
審訊明確已明降諭旨將魁倫賜令自盡矣魁倫
獲罪之由總由賊匪竄渡潼河不能堵剿以致川

聖訓

三

西無數生靈盡遭荼毒若彼時果能實力攔截使
潼河以西不致被賊蹂躪則伊前在嘉陵江疎防
之咎業經釋宥尙可將功贖罪乃魁倫竟遷延貽
誤任賊匪肆行竄逸將完善地方焚燒殘害幾至
擾及成都省城附近地方自罹重罪實在於此朕
非無決斷柔懦之主豈肯曲宥一貽誤封疆之庸
臣而膜視小民之軀命任其被賊戕害無辜就死

乎剿賊之法無出剿堵二者但必須能堵而後能
剿若統兵官員盡力追擊而前無攔阻則賊匪乘
虛肆竄到處裹脅散而復聚徒然疲我兵力何時
始能剿淨今辦理教匪已及五年賊匪一日不能
剿淨則生靈一日多遭荼毒每一念及盡傷惻怛
所不忍言各路統兵大員及各該督撫等身受重
寄務當同心併力於秋冬之交將各股竄匪悉數
殲除剋期蒞事至軍營賞罰務在嚴明有功在所
必錄而有罪亦斷無旁貸卽如辦理魁倫一案本
非得已諸臣等爲國宣力朕惟願諸臣速成大功
同邀茂賞多多益善實不願將身獲重戾之人向
伊等言及然諸臣總當時時有一魁倫覆轍常懷
謹凜益加奮勵殺賊立功則朕所日夕冀望者也
况賊匪擾害良民統兵大員及封疆大吏不能上

緊堵剿以致多戕民命則其身倖免罪戾亦必陰
受孽報延及子嗣實事理之所必有若能奮勇立
功俾賊匪早平一日百姓得早受福一日則陰德
甚大其子孫亦必蒙福向來勛臣後裔卽獲有罪
愆尙得援其祖父成勞予以矜全寬宥禍福之基
由人自取可不知儆懼乎茲因魁倫業經定案辦
理特行諄諭各路帶兵大員及各督撫等其各勵
志成功大加振奮以副朕殷殷期望至意
臣等謹案我
皇上大德好生凡人命攸關之事無不再三詳勘
欽恤倍加而况封圻大吏豈肯遽寘典刑乃魁倫受
恩深重且以剿賊自任前因行走遲緩致令賊匪搶
渡嘉陵江逗撓之罪已無可辭伏荷
聖慈曲賜矜全僅予降杖屢經

訓示嚴切責令立功自贖魁倫復疎忽玩悞任賊竄

過潼河擾及川西仰維

皇上宵旰籌諮焦勞莫釋方恐一夫罹於鋒鏑乃轉

使完善之區無端而忽遭蹂躪司民牧者至

此實屬罪不容誅伏讀

聖諭云斷不肯曲宥一貽誤之庸臣而膜視小民之

殘害

聖諭重疊編卷頁七

天

仁至意盡炳若日星猶蒙檢核失律大員成案詳慎

比較銖黍不爽予以一線之寬免其肆市明

罰勅法懲一儆百自此軍紀肅然苟有人心

靡不知感知畏所由衆志成城克奮迅而獻

功也

二十四日

乙亥

上命軍機大臣傳諭台布曰陝省南山一帶道路綿

長山逕險仄素為賊匪逋逃之藪雖據額勒登保

奏稱山內已無賊匪或成羣結夥者俱已潰逃難

保無零星賊匪在彼藏匿若置之不辨恐又勾結

蔓延且額勒登保摺內有陳傑周姓竄入東四畝

地之言東四畝地是否南山內地方該處餘匪會

否續行剿淨即如楊開甲一股前在南山一帶竄

匿日久製造旗幟突如其來遂擾及商州山陽等

聖諭重疊編卷頁七

天

處此其明証現在台布駐紮鳳縣一帶巡查西面

現設各卡隘兼籌糧餉事宜即不能分身前往務

當派委得力勇幹員弁酌帶兵勇赴南山一帶認

真巡查必須搜捕淨盡俾南山內一律肅清方為

妥善至陝境西南兩面守禦兵力尙覺單弱所有

勇兵一千五百名並總兵馬玉魁俱當留於陝省

台布接奉此旨後當隨時察探酌量陝省西南兩

面王文雄一路及岱森保汪啟等一路孰爲緊要
卽飛咨馬玉魁帶領粵兵迎往協同堵剿更可得
力一面咨明經畧再陝省巡撫藩臬俱因辦理軍
務不在西安駐紮省城重地豈可無大員彈壓台
布現駐鳳縣溫承惠現在平利紫陽俱有剿堵之
事新任臬司王文湧係在隴州寶雞一帶往來策
應尙無專責著傳知該臬司卽回省城彈壓並料
理糧餉等事台斐音係前任藩司亦著幫同王文
湧妥爲辦理勿稍貽誤

聖朝聖訓卷七

三

二十五日丙德楞泰奏言竊臣前於南江縣長

池壩一帶將冉添土張金連等股匪痛剿餘匪
敗由廣元木門場奔逃後臣仍卽督師追剿旋
探賊蹤並獲犯供稱該匪等竟欲繞竄閬中縣
屬之龍山采公沱搶渡嘉陵江逃往川西等語

我兵若隨後尾追勢必不及查巴州之花村壩

恩陽河爲赴閬中要路臣隨卽取道恩陽河抄

出賊前距該逆茲猶異常又由魚溪寺折回原

路我兵遂改道由烏林壩一帶捷徑緊追於十

二日趕至通江縣屬之劉坪地方探報該匪等

在劉坪前四十餘里之汪家坪曹家坪屯聚查

詢土人知二坪在山梁之上若由大道進發賊

聖朝聖訓卷七

三

匪一望卽見惟近河之三溪子渠濱口小路可

以潛師分路而進是夜三更月色如晝卽派令

賽冲阿溫春富僧德明德穆騰額李應貴馬應

國李應元王霖等繞過山梁由八廟嶺梁家河

翻山進攻曹家坪臣帶同阿穆勒塔色爾滾馮

瑜達勒精阿薩寧阿蒲尙佐達自祥劉維馨李

東山王玉龍劉彪等由三溪子渠濱口進攻汪

家坪黎明兩路官兵趕到不料該逆探知先已
半夜向江口奔逃臣督飭官兵直前趕殺沿途
斬獲甚多直追至四十餘里之雙灘子道路稍
平趕上賊匪大隊馬步官兵分投競進立殺賊
三百餘名賊眾愈形慌亂遂紛紛撲入大烏河
踴渡而南淹斃男婦大小約數百餘人我軍亦
跟踴過河極力追殺該匪竄走不及遂丟棄騾
馬牛隻竄上巴州屬之五臺山恃險抗拒並施
放擲石我兵冒石奮力仰攻隨即搶上五層山
巖鎗箭齊發又斃賊二百餘名生擒劉中揚等
一百四十三名該匪等連夜由烏木壩折回楠
栢山潰奔途中復經龍泉寨寨首滿文斌率眾
下寨殺賊六名生擒六名又經觀音寨寨首張
遵雍李長猗等殺賊三十七名生擒五名搶獲

馬騾四匹頭並稱樹林內復有自縊者二十餘
名查驗屬實當卽優加鼓勵獎賞銀牌其馬騾
亦卽賞給又查前次賊匪竄擾南江縣長池壩
等處有高臺寨寨長冉思雍毛芳祿殺賊二十
三名奪獲矛杆旗幟又此次南江縣裘良駿帶
領各寨團勇軍功李芳秀李崇發唐太吉包文
炳等共殺賊匪九十五名搜獲活賊七十七名軍
器十九件馬二匹內有羅其清之孫羅得富一
名年十三歲訊明後卽令該縣解赴保局轉發
收禁聽候辦理查藍白等號賊匪屢次被剿並
各寨截殺實已狼狽漏夜由巴州通江一帶遁
逃臣惟有盡力趕緊剿辦以期剿淨一股卽少
一股之患再頃接勒保來信業已行抵保寧由
巴州平梁城前來約計日內卽可會合奏入

上命軍機大臣傳諭德楞泰勒保日前據德楞泰奏
川省共有九股賊匪後又稱川東有賊匪兩股川
北有賊匪十股共十二股今摺內只稱藍白等號
賊匪屢次被剿由通巴一帶遁逃爲首賊目係屬
何人摺內所稱剿得一股卽少一股之患究竟尙
有幾股如川北之樊人傑苟文明鮮大川王土虎
齊國謨張子聰度向瑤冉添士阮正濬餘黨及川
東之徐萬富劉朝選等股現俱竄往何處賊數約
有若干其屯住地方係何州縣所屬德楞泰等如
何派兵在何處追剿會否剿淨何股尙餘幾股賊
數尙有若干俱未據逐一奏及殊屬含混看來川
省大股賊匪或因時值炎暑俱在山內躲熱而德
楞泰此次所擊斃者不過在外遊奕之零星餘匪
適遇官兵因而剿殺卽如龍紹周唐大信二股前

聖看聖聖編卷七

三

竄至西鄉一帶經王文雄擊敗賊匪卽由乾溝河
向東南奔竄而德楞泰近在通江與西鄉東鄉接
壤若使賊匪竄回德楞泰豈有不遇見截殺之理
乃亦未據奏及此二股賊匪是否實被王文雄截
回川境現又在何處竄匿著德楞泰一併查明據
實具奏至嘉陵江以西尤不可使賊匪一名偷越
現在已屆秋涼又無雨水德楞泰勒保務須合力
會籌趕緊進剿不使賊匪竄近陝境亦弗令越過
嘉陵江總期於秋盡冬初將川境各股賊匪卽在
川北境內一律辦竣用膺懋賞

聖看聖聖編卷七

三

二十九日庚辰德楞泰奏言臣於六月十八日行

次巴州屬之江口欽奉

諭旨以台布奏稱川省巴州南江境內賊蹤竄近寧
遠南鄭德楞泰已帶兵追來轉置川省多股賊匪

於不顧令臣據實覆奏伏查臣自肅清川西後各

逆皆遁入川東各州縣肆擾經臣帶兵趕至達

州新寧江北隣水等屬叠次痛剿擒獲偽元帥

劉君聘何上達偽總兵苟文富等該匪等畏懼

軍威遂先後向川北地方奔竄又有由陝境竄

來之苟文明鮮大川樊人傑等亦在川北各屬

滋擾通江巴州南江等屬紛紛告急維時川東

聖朝聖訓

美

只有劉朝選徐萬富等兩股賊匪各剩千餘人

在大竹梁山一帶當即酌撥兵勇四千餘員名

交李紹祖託雲泰等在川剿辦臣帶兵勇六千

餘員各直趨川北迨節次在南江通江地方將

藍白等號賊匪復加截殺殲戮其偽元帥賴掌

權偽總兵鮮中青等逆匪遂圖入陝又經臣於

廣元縣屬之木門場一帶截回未能北竄又由

九龍場竄往魚溪寺一路希圖窺伺嘉陵江岸

經臣抄至恩陽河截回遂由巴州儀隴營山渠

縣等處翻山東竄連日叠據各州縣稟報苟文

明樊人傑鮮大川張金連等股現在渠營一帶

張子聰庾向瑤等一股現在東鄉縣地方劉朝

選湯思蛟等一股在岳池隣水界內徐萬富趙

麻花等一股在大竹梁山一帶再添士王士虎

聖朝聖訓

美

勢欲由通江遁入太平山內訊據逃出難民李

作梅蔣永和等供稱樊人傑苟文明鮮大川冉

添士等前在廣元縣屬東川壩地方會合大家

商量總要竄往川東擄掠又恐大兵跟追冉添

士說他由太平山內轉到開縣川東一帶再來

合夥方可牽綴官兵等語是目下川省賊匪惟

龍紹周唐大信兩股前已竄入西鄉五塊石一

帶山內游奕距太平不遠其餘俱在川境未能
他竄再冉添土等逆詭詐異常總欲誘令我兵
入山以便各股賊衆得以到處擄掠實堪痛恨
刻下川東地方稻穀業已成熟百姓正當收穫
之時若不及早剿除則匪衆大肆騷擾於民食
甚有關係昨聞勒保帶兵已至保寧臣即知會
令由營山一路前往臣亦即於十七日取道巴
州江口馳赴營山渠縣一帶與勒保會商剿辦
奏入

上命軍機大臣傳諭德榜奏勒保曰此事前因台布
探聽不實率行具奏朕惟恐德榜奏舍近就遠舍
難就易輕率赴陝致川省多股賊匪無人督辦是
以降旨詢問今據奏稱現在移師川東會剿並未
一吹稍臣慮注但閱所奏各情節祇係賊匪股數

竄聚地方及移師會剿緣由看來德榜奏近日未
經與賊接仗時當溽暑即京城尙覺煩歎軍營自
必較甚其未能打仗殺賊亦係實情朕不加之責
備德榜奏並不虛詞敷衍入告所奏轉爲得實計
此旨到時已屆秋涼又無雨水無可推諉急宜奮
力進擊趕緊剿辦目下川北各股賊匪商議欲回
川東擄掠尙未竄往德榜奏尤當乘賊匪窘迫計
謀未定之時速行設法剿擊以次殲除本年川東
地方收成較稔現當刈穫之時斷不可令賊匪竄
入致成熟地方遭其蹂躪且川省地方官協助官
兵堵禦民情亦知愛戴較之陝甘湖北等省實屬
遠勝德榜奏務須倍加奮勉齊心併力將各股賊
匪即於現在屯聚地方悉數殲除此時勒保自己
與德榜奏會合該處賊匪分合無定德榜奏勒保

應如何帶兵追截或分或合之處惟在伊二人會
籌安辦總弗任賊匪由川東闖入楚境及由川北
闖入陝境務於秋冬之交一律蕪事不可再有延
玩至龍紹周唐大信兩股竄入西鄉五塊石一帶
尙在山內游奕朕已早經料及此兩股係由川境
逸出經陝省截剿難保其不仍折竄回川德榜秦
現派何人剿辦何以未據奏及卽龍紹周唐大信
等藏匿山內亦應設法轟出以便乘勢剿殺豈有
任其自斃之理倘秋涼後賊匪等又肆行分竄辦
理豈不更爲費手耶

聖朝聖訓編卷六

甲

欽定御平三省邪匪方略正編卷一百八十八

庚申年

七月初一日辛巳長麟奏言竊臣探聞伍金柱與

冉學勝張世龍三賊匪合爲一股約有二萬

餘人直向東趨臣卽督兵疾馳前進十七日至

紅渠地方探知賊匪等屯聚傅家鎮相距臣營

僅十餘里當於是晚踴明路巡預備進兵至十

八日五鼓派總兵觀祥參將阿爾綰阿帶領步

隊一千七百餘名由山梁前進革職將軍富成

侍衛巴彥泰等臣領馬隊二百餘名由溝內前

進直抄賊營臣市領兵勇三百餘名隨後接應

黎明至傅家鎮臣該匪詭譎異常探知官兵前

來早有數千人排列山梁其餘賊衆於山溝樹

林及高粱茂密之中處處埋伏臣見山梁上賊

匪甚多及見官兵並不接仗卽思逃遁疑其必

逃

聖朝聖訓編卷六

一

有好計先令馬隊馳赴溝內搜撲伏賊俱起富成等鎗箭齊施先斃賊匪數十人各賊匪不能藏匿紛紛奔上山梁正思併力抗拒經步隊趕上用鎗礮擊斃斃執旗賊目二人並擊斃賊眾百餘人賊匪敗走即順山梁向東奔逃我兵馬隊一齊追殺又斃賊匪百餘人生擒四十一人追殺三十餘里至偃牛山賊眾搶上山梁據險抗拒我兵亦即搶佔架子山兩道山梁東西相對兩頭有路可通觀祥阿爾縹阿即帶領步兵由左首山坡進攻富成巴彥泰帶領馬隊由右首山坡進攻賊匪撲壓數次官兵屹然不動疊用鎗礮轟擊斃賊二百餘人持至午刻炎熱如蒸官兵並無勺水可飲而鎗礮數施即至炙手臣趕緊催夫數十名運水上山官兵始得稍

擊著匪壘編卷夏

二

解渴煩未申之間我兵攻撲賊匪數次鎗礮如雨烟氣漫山又斃賊匪數十人無如擊斃一人之後賊匪輒增添數十人比至天黑賊匪愈眾我兵奮力攻撲人人用命賊匪盡伏於山頂之後持至更餘忽聞右首山梁齊聲吶喊賊匪以全力撲壓富成所帶官兵抵敵不住被賊衝斷皆黑中不辨路徑富成猶督率兵勇竭力支撐詎以馬蹶滾山叅將台清阿趕往救護富成台清阿俱受矛傷陣亡跟隨富成之佐領巴里善王君佐亦因被壓受傷捐軀殞命觀祥阿爾縹阿等急趨策應奮力衝殺短兵相接戮殺賊匪數十人賊匪全數退回正在撤集兵勇聞三鼓後忽於月光中遙見賊匪數十人潛由山後繞向西北直趨有欲偷劫營盤之勢臣當即趕緊

擊著匪壘編卷夏

三

馳回傳令各營施放鎗礮賊匪攻撲四次官兵鎗礮不絕擊斃賊匪數十人賊始紛紛四散繞山折回向東逃遁此次殺賊自十八日寅刻至十九日丑刻止先後斃賊二百餘人生擒四十一名內二十三名訊係正賊俱行正法餘係被裹難民均經給予盤費路照即時釋回至官兵被壓山下之時滾山陣亡約有二百餘名容俟

製書總纂卷之六

四

查明確實報部惟都司金銳現無下落俟查明再行核辦再額勒登保統領大兵已由徽縣之樗樹壩追賊前進札克塔爾楊遇春格布舍定住九十等帶兵已由黃牛舖入甘趕赴三岔山進剿綸布春穆克登布桑吉斯塔爾等亦已先後由唐藏太渠等處入甘分投追剿大兵雲集臣現與額勒登保詳籌剿辦章程定議後迅即

奏

聞奏入

上命軍機大臣傳諭額勒登保長麟日前因長麟辦賊遲緩將伊花翎革去今連次親督兵勇與伍金柱再學勝等股匪接仗頗為奮勉若再能殺賊立功不但賞還花翎必當優加恩賚至富成帶兵由右首山坡進攻於黑夜中被賊衝斷不辨路徑以

製書總纂卷之六

五

致馬蹶受傷陣亡富成本係成都將軍上年帶兵進剿張映祥一股惟事尾追尚係軍營通弊而於兵丁搶奪強買者猶能分別懲治並非不加管束是以彼時未將伊發遣枷號僅予革職仍留軍營作為披甲原冀其奮勉出力再加錄用即此次富成督率兵勇竭力殺賊若非於昏夜迷途致有挫失則朕必量予官職乃竟落馬陣亡殊為可惜富

成雖現係披甲但曾任將軍又因打仗捐軀著加恩照副將陣亡例賜卹所有應得世職卽著查明伊之子嗣承襲至叅將台清阿因趕往救護富成亦受矛傷陣亡著加等照副將陣亡例賜卹其跟隨富成之佐領巴里善王君佐因被壓受傷殞命亦著各部賜卹官兵被賊匪下壓滾山陣亡至二百餘名之多均著長麟查明報部議卹觀祥阿爾

聖朝聖德編卷六

六

綏阿本在左首山坡進攻聞富成於右首山坡被賊撲壓急趨策應雖未能將富成救出但奮力衝殺賊匪全數退回亦屬可嘉著交部議敘以示獎勵至侍衛巴彥泰並未一同打仗且台清阿尙趕往救護巴彥泰近在一路何以轉未親往援救長麟摺內僅稱都司金銳不知下落而巴彥泰並未提起彼時該侍衛究在何處或因黑夜中見賊人

勢衆有意驟避著長麟查明據實奏此時伍金柱等股賊匪向東逃竄而長麟摺內稱額勒登保已由徽縣之樗樹壩追賊前進札克塔爾楊遇春已由黃牛舖入甘趕赴三岔進剿綸布春穆克登布等先後由唐藏等處入甘追剿殊欠明晰賊勢現向東趨額勒登保等由陝入甘自東向西正當迎頭截擊若如長麟所稱是轉在賊後追剿或長

聖朝聖德編卷六

七

麟於甘省路徑未能熟悉軍行向背之勢亦聲敘不明額勒登保業經帶兵赴甘所有一切剿捕事宜長麟當與會商辦理正當趁賊匪竄聚甘省之時分飭各路認真堵剿不可使竄匪折回陝省亦不可令闖入川境長麟係陝甘總督不但剿賊是其分內之事卽一切兵馬糧餉亦須妥爲經理昨令台布先將所發陝省餉銀五十萬兩撥解甘省

又另撥浙江捐銀五十萬兩解陝本日又據張誠
基奏碾米十萬石運陝備用陝甘兩省原屬一事
長麟惟當督飭承辦各員熟籌妥辦倘有不敷即
飛咨台布隨時接濟俾供支無缺為要

初三日未額勒登保奏言竊臣行抵徽縣地方

聞長麟等在傅家鎮截剿伍金柱等股賊匪始
獲全勝既而官兵亦有損傷當即率同履成等

《聖訓》

由窄峽子趕至焦山及至該處賊匪又自西北

竄止擬覓道前進適據穆克登布稟報該鎮追

剿之高戴周陳張等股賊匪又有合氣山後道

之勢當即嚴飭穆克登布盡力攔截惟賊匪詭

譎恐引軍深入西南又可乘間東折陝境臣

面札知長麟阿哈保等暫行顧住西北臣隨由

韓家灣一帶覓有捷徑仍抄出兩當以便與穆

克登布杜其入棧之路二十三日午間行次兩
當知穆克登布於二十二日在該縣十餘里外

之靈官殿窮子崖等處將高戴周陳張等股賊

匪痛加截擊追殺數十里共斃三百餘名生擒

三百十二名口臣是晚馳抵楊家店據穆克登

布等稟報又已同桑吉斯塔爾帶侍衛愛星阿

捫欽保雅林保并副將叅遊等連夜赴方石舖

《聖訓》

九

一帶攔截將所獲之賊留交臣審辦臣逐一提

訊內有被脅男婦一百五十四名口俱即釋放

其餘實係賊犯悉行正法內有小頭目富萬即

行凌遲處死次日探報二十二日有騎馬賊探

赴酒店窺伺經長春所派都司陳全義用鎗

礮轟擊賊匪知有官兵嚴備西折馬廠南家關

一帶從西南而遁黑夜止海穆克登布帶兵跟

追已兩晝夜通賊未經東竄卽於方石舖暫紮
又據札克塔爾楊遇春等呈報十四日在東岔
河曹家坪桃花溝一帶將馬五張添倫等股匪
追越數重大山斃賊四百餘名生擒探馬頭子
子手等七十九名並稱該匪等已奔赴渭河南
岸欲覓淺灘過因隴州紳士團勇等早將渡船
撤盡並於對河用礮轟擊賊匪折向東奔又經
格布舍同豐紳等截殺賊匪百餘名餘匪悉奔
木溪溝而去嗣又據報十七十八等日該匪等
四路奔逃有向渭河前去者有折向寬灘欲奔
黃牛舖草涼驛棧道者札克塔爾楊遇春格布
舍等趕緊分路抄擊提督定住在黃牛舖與九
十會合卽囑定住帶兵至寬灘攔阻預防其竄
入棧道札克塔爾楊遇春等分帶將領於東河

欽定剿平三省邪匪方略

正編卷一八八

欽定剿平三省邪匪方略 正編卷一八八

橋華陵溝等處抄殺兩日內約計斃賊三百數
十名捉獲男婦一百餘名口賊匪亦不敢東竄
棧道節次打文兵勇間有傷亡定住所帶鍋帳
在孟家灘經前軍剿潰之賊衝出猝不及防遺
矢過半兵丁內有被害者數名另行查明具報
所獲賊犯審明正法其餘被擄之人亦卽省釋
查張添倫馬五等賊奔向西北經札克塔爾楊
遇春定住格布舍等趕剿阿哈保等亦在秦州
西南一帶領有兵勇三千餘名追剿辛德木森
子顏勝可魏棒棒及楊開甲餘匪臣已檄知札
克塔爾阿哈保等倘遇大股之賊則併力兜剿
如遇賊匪分竄則仍分路截擊又伍金柱冉學
勝等股被長麟截剿後現奔西和禮縣一帶臣
復札致長麟帶同廣厚前赴秦州鞏昌等處攔

欽定剿平三省邪匪方略

正編卷一八八

四一

堵務使完善之區勿遭蹂躪至穆克登布所剿

之高戴周陳張等股現奔徽縣兩當之南面地

界臣仍暫駐楊家店差探該匪等確實竄蹤即

率同穆克登布一路官兵相機辦理再此次各

路出力之侍衛將弁等容當查明保奏請

旨施恩

額勒登保又奏言竊以教匪連年滋擾未能竣

聖朝聖主纂纂卷之三

十三

事者實緣該匪等自前年冬間被剿逃散又復

再行屯集官兵日事追逐過於疲勞而隨處運

送軍火糧餉亦因茲而用帑較費又以賊匪之

倏東倏西或多或少故不能預定歲事之遲速

然賊數雖眾似乎聲息相通其實彼此並不相

顧既無伎倆又復人各異心我軍紀律嚴明技

藝嫻熟在在可以制勝以此揆度斷無不即蕩

平之理況目下賊勢較上半年已大相懸殊即

如臣前在甘省剿賊陝省仍有賊匪滋蔓此時

雖未能在陝即將各股賊匪剿盡究因敗潰而

折竄人甘臣恐該匪等因甘省地土瘠薄其勢

必欲旁竄陝之隴州以及棧道直至南鄭西鄉

紫陽石泉邊境除原派有提鎮司道等嚴備外

近又添派岱森保恒瑞和與額等分佈要處查

聖朝聖主纂纂卷之三

十三

加剴切咨檄若堵禦果能嚴密臣又親督官弁

兵勇一萬二三千名分路加緊剿辦殲滅一二

股其餘各股之脅從者必多解散真正教匪斷

不能日久存活即或有一二股不能折回陝境

或至遠出川北將來歸併辦理亦易得手此臣

一路之情形如此其湖北之徐添德股匪亦時

據地方稟報已竄南漳均州一帶較之前在荆

州襄陽時已有歸宿川東川北之賊時接德榜
泰勒保等來信自潼河一帶剿淨後各股賊匪
雖在川北等處分竄其勢亦俱衰敗總之平賊
之道誠如

聖諭無外乎剿堵二端剿者不能預定賊之分竄所
藉在堵堵者不能歷久與賊相持又在剿者不

予以暇且如陝省防堵之兵分安各卡隘者共

聖諭看龍卷

十四

計二萬有餘但使人人各盡其心各盡其力疆
圉之綏輯要可計日而待其餘亦可類推再近
又仰蒙

皇上於黑龍江調兵一千名吉林調兵五百名查此

項官兵非馬力不能得濟而此一帶山高路險

馬匹易於倒斃現有之兵所騎馬匹幾經更換

用兵各省馬匹俱已短少臣曾經札商吳熙光

在河南調用馬匹已據辦有三百匹解來尙不

敷用又在固原等處屬長麟台布酌調應用若

再添兵又須添馬亦非斤斤惜費但以臣一路

而言竟可無庸添調此時廣東兵一千五百名

聞已可入陝境臣因賊蹤無定并暫令在襄城

一帶駐劄候調又欽奉

諭旨令將各路疲病無用官兵查明裁汰臣軍營除

聖諭看龍卷

十五

上年遣發不計外自本年正月至今滿漢屯土

官兵內共遣發過一千五百五十三員各惟陝

甘二省仍囑長麟台布飭各標營補足酌撥防

堵其餘各省較遠不必再行補送而官兵等從

征既久無不卽思離營其中或有藉病託故等

事臣業已通飭嚴行查辦其各處留養官兵俱

就近責成司道及留駐武職大員公同查驗傷

病殘廢屬實始准遣發至餉銀一項定有章程
並無浮用其應用者亦斷不能節省

臣等論明切長麟等自能籌計於一切事宜刻加籌

慮總期又早一律蕙事實不敢稍有疎懈奏入

上命軍機大臣傳諭額勒登保長麟台布曰此次竄

入甘境各股賊匪額勒登保料賊詭計必思引誘

官兵深入西南該匪等乘間東折陝境飭令札克

聖賢聖賢聖賢

十六

塔爾揚遇春桑吉斯塔爾穆克登布等分路截剿

不令東竄共擒殺賊匪一千六百餘名所辦可嘉

現在高墩陳周張等股匪額勒登保率同穆克登

布一路官兵探蹤剿辦張添倫馬五等奔向西北

有札克塔爾揚遇春定任格布舍等追剿辛聰宋

麻子等股及楊開甲餘匪有阿哈保等在秦州西

南一帶追剿其在金柱丹學勝等股有長麟帶同

廣厚在秦州鞏昌等處攔截處處俱有官兵奮擊

而目前緊要機宜總在顧任棧道不令折竄陝境

趁賊匪俱在甘省之時額勒登保務當分飭各路

官兵將賊匪即在秦州徽縣兩當地方全數殲除

此為正辦設或有一二股賊匪未能剿盡寧可逼

入川北斷不可令其回陝又入南山老林潛匿又

另摺覆奏籌辦情形所論俱是自屬實在情形額

聖賢聖賢聖賢

十七

勒登保分派各路堵剿兼施而各股之賊現在甘

省屯聚額勒登保不令他竄所辦亦有把握至所

稱派調黑龍江吉林兵一千五百名現在因馬匹

短少且陝西防堵之兵共計二萬有餘竟可毋庸

添調一節陝省兵方既不單弱足資堵剿所調黑

龍江吉林兵丁自可毋庸前往但此項兵丁業已

起程頃起官兵於本月中旬即可到京陝省雖可

無需而湖北四川或尚有需派撥之處彼時朕尙
當酌量情形分撥前往若其時三省賊匪俱可以
次辦竣無須添兵亦當酌加賞資令其仍回原處
以酬往返之勞其新調粵東兵一千五百名據稱
留駐襄城亦與前旨適相符合至新募之兵究不
足恃卽如定住所帶直隸兵八百名在孟家灘地
方被賊匪衝出將所帶鍋帳遺失過半兵丁並有

聖鑒事

六

被害者此其明證可見新兵不能得力額勒登保
令遠省不必再行補送所見亦是又所稱甘省馬
匹短少前調河南馬三百匹尙不敷用一節昨據
長麟按照保寧原奏先於肅州涼州等處調取馬
三千匹分交蘭州秦州鞏昌三局喂養額勒登保
如需用馬匹卽向長麟就近調撥應用不必稍存
惜費之見至甘省地瘠民貧賊匪不能久居必思

旁竄陝西隴州或由棧道前至南鄭西鄉紫陽石
泉邊境此則陝省地方官之責現在該處本有提
鎮司道等帶領兵勇嚴密防堵額勒登保又派岱
森保恒瑞和興額等分佈要處台布現駐鳳縣此
一路著責成台布與王文雄幫同岱森保等實力
堵截再張添倫馬五等股賊匪奔近渭河南岸經
隴州紳士團勇等將渡船撤盡並於對河用礮轟

聖鑒事

七

擊賊匪折向東竄一節著長麟查明該紳士等如
何出力其首事係屬何人奏請酌量加恩以示鼓
勵又該州知州曾否督同紳士等出力一併查奏
初五日 乙 台布奏言竊 臣 接據探報唐大信一
股潰匪竄在葫蘆壩欲與龍紹周合夥而龍逆
等賊匪在大西山倚林盤踞該處西通勞溪河
小祥壩樹木叢雜路逕紛錯官兵不能兜圍惟

有於總要隘口嚴密堵扼再令遊兵誘之出山
方可剿辦提督王文雄於總路之司上紮住後
分派副將鮑貴都司楊光時帶領兵勇由楊溪
河倒坐廟相機轟逼守備馮貞帶領兵勇由十
二嶺前沿道埋伏署西鄉令知州宋昌琿亦派
鄉勇在魏家寨堵住西路要隘該提督侯信策
應緊顧北面分撥既定宋昌琿帶領鄉勇於十
二日行抵魏家寨賊匪在高岡窺見該牧鄉勇
較單叫嘯四出將義勇首千總孫榮圍住孫榮
指麾衝突鎗砲齊發寨內居民復出接應賊衆
始行退回又於十四日辰刻賊衆四面圍住魏
家寨孫榮扼住寨前連放大砲排鎗擊死賊匪
八名馬二匹寨西鄉勇擊死賊匪十餘名鄉勇
首張林貴鎗傷左乳自辰至未悉力抵拒賊猶

未退復分股往攻寨西之吳家寨該處民人驟
不及防以致猝被攻破男女俱有傷亡賊匪仍
回至魏家寨龍紹周自騎黑驃聲言誓必破寨
孫榮等率同寨民併力拒守四更後賊又潛退
寨南往羅家寨攻打孫榮等分鄉勇二百名前
去救援賊匪折由熊耳溝王黑壩一路逃竄合
後隊賊匪留攻相距二十里之松潘寨孫榮等
所派救應羅家寨之鄉勇來到幫同抵禦沿途
救出吳家寨被擄難民賊衆於十八日辰刻仍
各折回攻撲魏家寨王文雄所派守備馮貞等
得信後繞道趕至內外夾擊外委李存義用礮
轟斃騎馬賊一百餘名各賊始捨魏家寨分兩
股由大源溝麻柳灘兩路奔逃查魏家寨居民
較爲殷富是以唐龍二逆覬覦攻破以便擄奪

今圍攻五日義勇首千總孫榮獨力支撐曹龍
周明王步蟾陳力鍾世進等亦能齊心奮勇守
備馮貞等派非同路且隔大山數十重得信後
繞道趕至夾擊魏家寨因以保全隨知會王文
雄仍遵經畧指派扼要駐紮確探該二逆竄蹤
隨時設法堵剿

台布又奏言查額勒登保前於帶兵進棧時因

《聖朝勦擒逆裔編卷三》

三

西鄉川匪竄擾未定提督王文雄一旅之師未

能處處周顧囑臣暫駐應援嗣經王文雄將西

鄉竄匪擊往東南該提督於扼要之司上屯紮

漢中平原可以無慮臣仍督催糧運由褒留前

進十三日行抵廢邱關額勒登保尚未拔營臣

卽日前往會晤面商布置事宜額勒登保以各

股賊匪既已入甘斷不可復任竄回派令恒瑞

德忠岱森保汪啟長春舒隆阿並和興額王文

湧各帶兵勇分段擊卡各專責成誠恐該鎮將

等設卡或未嚴密聲勢不能聯絡囑臣順道逐

一查勘臣卽於次日回至鳳縣查附近鳳縣之

太渠唐藏利橋一帶係將軍恒瑞總兵德忠分

駐之地恒瑞於該處地利最爲熟悉但尙在盤

郢地界當卽飛札知會催令星速前來接手防

《聖朝勦擒逆裔編卷三》

三

堵復由長春駐守之分水嶺廢邱關廟臺子陳

倉溝汪啟駐守之菜子嶺留壩武關馬道等處

親往周歷逐加查勘該鎮等所設卡隘均係遵

照經畧指派並無舛錯臣又而囑該二鎮現在

兵勇合計雖多處處分防未免單薄全在聲息

相通彼此照應又查棧外岱森保一路從褒城

之雞頭關起直至沔縣道里綿長地勢平行無

險可據兵少難分該副都統所帶一千三百餘

兵實屬不敷派撥隨將臣所練鄉勇八百名盡

數交與岱森保添湊拿卡計臣到陝第一次所

練鄉勇一半分與那彥成其一半隨經畧營盤

今為長麟帶去現因打仗出力奏請充作寧陝

鎮營兵適接額勒登保來信又令前赴鳳縣駐

紮巡查臣惟有沿途查催補額兵丁另募鄉勇

聖朝聖訓卷之三十五

得有成數帶至鳳縣加緊操演再往寶雞隴州

查勘和興額王又湧汎地隨時擇要策應再前

奉

諭旨傷病營弁兵丁在各州縣留養者即令查明撤

歸原伍臣於上年九月到陝時見省城寺廟多有

留養病兵當查此項鹽糧殊為虛費因即分飭

各府州縣嚴查具報以便委驗確實分別送營

歸伍嗣於十月內會晤明廷據稱留養病兵若

准回原伍將來軍營中必有用藥爛肉假裝傷

病冀圖遣回者此風斷不可開等語臣以明亮

久歷戎行其言必確有所見是以將遊擊徐大

鵬都司尚德患病日久不能動履緣由奏請勒

令休致而留養病兵但令州縣曉諭上緊調治

趕赴大營以杜假捏傷病之弊今屢奉

聖訓以此等兵丁既不能跟隨打仗虛糜糧餉於事

何益莫若撤回原伍以昭嚴實統計臣先經查

出者共六百六十九員各現已遣回一百十六

員各尚有五百五十三員各因州縣道里不一

應俟委驗確實再行陸續咨遣均奏入

上命軍機大臣傳諭台布王文雄曰此次龍紹周等

賊匪攻擾魏家寨羅家寨等處希圖擄掠糧食向

西北奔竄經王文雄分派將弁相機攔截賊匪兩路奔逃不能深入陝境所辦尙好知州宋昌琿派令鄉勇堵住西路要隘甚爲得力前次賊匪擾及西鄉該州率領鄉勇越嶺翻山直至賊卡協力奮擊曾有旨令王文雄查明保奏今又能派勇堵禦實爲陝省僅有之事自應加之獎勵著台布王文雄據實查奏候朕施恩義勇首千總孫榮於賊匪攻圍魏家寨時前後五日獨力支撐擊退賊匪并分派往援羅家寨救出吳家寨被擄難民甚屬可嘉孫榮著卽補授千總實缺鄉勇首張林貴於受傷後尙能悉力抵禦亦屬可嘉並著台布王文雄查明奏請加恩其餘齊心禦賊之曹龍周明王步蟾陳力鍾世進等及繞道趕至協擊之守備馮貞等俱尙奮勇並著查看如再有出力之處據實保

聖朝平三省邪匪方略

卷八

奏看來賊匪雖向大深溝等處奔逃自尙在西鄉地方遊奕窺伺西南一帶卡隘甚闊緊要台布王文雄若能趁龍紹周唐大信二逆敗逃之時設法殲擒卽屬伊二人之功縱不能將該二逆殲獲亦應實力堵截勿令竄入南山老林此爲最要又據奏順道履勘附近鳳縣等處分段擊卡情形尙爲嚴密但各處卡隘雖係分派恒瑞德忠岱森保汪啟舒隆阿和興額長春等分段擊卡而台布係本省巡撫防守地方尤其專責若各路果能防守嚴密使賊匪不能衝突俾帶兵大員得以盡力剿殺該處防卡之員固屬有功台布卽駐紮鳳縣亦當一併嘉獎尙防堵不嚴致賊匪闖入該處防卡之員罪固難追而台布亦不能辭罪該撫不可因所帶鄉勇八百名已盡數交與岱森保卽藉口並無

聖朝平三省邪匪方略

卷九

帶領兵勇遂爾置身事外即云台布一路現無多
 兵可撥前此總兵馬玉魁所帶粵兵一千五百名
 已有旨令其在陝省聽候台布撥用昨據額勒登
 保奏請將此項兵丁駐紮慶城台布儘可就近調
 取以資堵剿之用至兵丁等實在受傷與用藥腐
 爛者無難查驗得實如果有用藥捏傷情弊自應
 重治其罪但不可因有一二假捏者疑及眾人台
 布當飭令各營遇有傷病兵丁驗明屬實後即遵
 照前旨令其陸續歸伍所省糧餉即可為支給現
 兵之費也

聖朝新編卷之三

天

欽定剿平三省邪匪方略正編卷一百八十九年 庚申
 七月初七日 丁 德楞泰勒保奏言 臣 德楞泰昨
 在川北境內將各股匪眾痛剿均向川東散竄
 當即知會 臣 勒保取道營渠前來會合 臣 勒
 保於十五日馳抵營山即據探報苟文明鮮大
 川股匪由該縣所屬之老林場竄至渠縣永興
 場欲赴三匯搶船經署三匯縣丞虞廷幹率領
 鄉勇擊退賊即折回直奔高寺寨圍攻兩日該
 處為達州後路糧臺關係非輕難時七十五之
 兵尚未趕到 臣 勒保先已帶到兵勇一千四百
 餘名當即督同總兵薛大烈連夜馳往十六日
 申刻趕至高寺寨正有匪眾二千餘人在彼攻
 撲吶喊放鎗勢頗猖獗 臣 勒保與薛大烈分兵
 兩路左右進攻該匪等並未抵拒亡命狂奔高

寺寨之圍立解我兵追至清河壩時已二更匪
 眾紛紛踣淺渡河當被官兵殺斃二百三四十
 名被水淹斃者亦多擒獲活賊趙學重等四十
 八名投出難民王春華等一百十三名旋據探
 報樊人傑一股又從佛樓寺竄出賊探已至巖
 峯巖即在高寺寨之後而庚向瑤劉朝選湯思
 蛟一股又在林壩溪一帶滋擾並東南西南三
 俱有賊匪未便孤軍深入是以在清河壩暫紮
 隨飛催七十五加緊趨行於十八日趕到當即
 督同前進行至太平寨探知鮮大川等與樊人
 傑合夥均由杜市街向大竹一路南竄因臣德
 楞泰業由江口一路而來臣勒保自應在此暫
 候會商當派七十五帶領兵勇六千餘名由麻
 柳場一路馳往截剿臣德楞泰自十七日由巴

州江口取道營渠沿途逃出難民絡繹於道訊
 知各股賊匪在通巴境內屢被我兵剿散晝夜
 奔逃甚形慌懼該難民等得以乘間逃出當用
 好言慰撫各令回籍安業茲臣德楞泰於二十
 二日到太平寨查李紹祖一路日來追剿湯思
 蛟等股未能得手十八日師次大竹縣探知苟
 文明等股已竄至月華坪大羅山一帶該鎮恐
 腹背受敵即於十九日五鼓發兵辰刻抵堰塘
 灣正遇賊匪千餘蜂擁而來李紹祖即與副將
 託雲泰倭星額分作三路迎擊斃賊三十餘人
 並執旗馬賊一名生擒侯廷儒等三名追至鄒
 家灣賊匪大隊在彼屯聚竟敢直前抗拒被我
 兵鎗礮擊斃二百餘名生擒趙學濂等十一名
 餘俱遁入深林又於二更後前來劫營直至天

明連撲五次我兵悉力抵敵徹夜鎗箭並發清晨查驗賊屍五十三軀據獲賊認驗內有偽總兵苟文貴副元帥白迥屬實餘匪向清溪舖竄逸而劉朝選湯思蛟庚向瑤等一股業由檀木場一路竄出二十七日七十五帶兵至新寧縣探知蔣池壩馬驛溝有賊竄擾距新寧不過四十里七十五即於三更發兵黎明至馬驛溝正

《聖朝聖編卷之九

四

值該匪等率眾前行官兵在北面山梁見前隊之賊俱係婦女當令兵勇埋伏林箐讓過前隊隨後即有賊旗數十桿馬步賊匪二千餘人沿河行走我兵三路壓下賊匪猝不及防衝成四段紛紛潰逃七十五即督率將備分投追躡於互山關大雄寨蒲安寨蔣池壩等處接仗統計殺賊五百餘名擒獲賊口馬先貴並夥匪張長

壽等一百三十二名逃散者亦多搶獲賊旗刀矛三百餘件驟馬三十八頭匹餘匪向鐵銷橋南埡場兩路竄逸七十五因探知樊人傑鮮大川等大股匪眾竄至梁山境內相距亦近恐其抄截後路旋即帶兵迎擊_臣等現亦督兵由仁市舖一路進發當即知會七十五李紹祖分路偵探而來以三路之兵剿此萬餘之賊可期得

《聖朝聖編卷之九

五

手且連日據營山渠縣達州隣水大竹廣安各州縣稟報賊匪屢撲該處屯寨有被寨勇截殺賊匪百餘人並數十人不等是團勇之出力漸有效驗而東鄉縣辦理招撫有投出之小頭目庚珍密約張子聰之姪張廷鳳帶同夥匪十餘人赴縣投誠可見招撫亦有成效事機頗為順利_臣等惟有督率鎮將策勵兵勇分投上緊剿

與斷不敢稍有鬆懈

德楞泰勒保又奏言竊_臣等前奉

諭旨飭令會籌軍務全局以期堵築皆收實效伏思

兵不在多而在精川省現有征防各兵統計滿

漢屯土共二萬八千九百餘名其中防兵多於

征兵而征兵逐日移營百數十里衝寒冒暑易

於受病每次打仗又復間有受傷隨處留養日

製看聖鑒編卷五

六

積日多痊愈歸伍者不過十之二三_臣等因其

散處難稽均令赴達州派員照料調養現在共

有一千六百八十四名_臣又委員查驗其中已

愈者六百六十九名即令各歸各伍未愈而可

期痊愈者二百九十六名仍令在達州調治其

傷病較重難以速愈並已成殘廢者七百一十

九名現各遣回原營此外尚有傷病本重留養

各州縣不能卽至達州者每處自百餘名數十

名至數名不等現亦一併飭查分別去留惟自

去年遣撤之例一開各兵內卽有捏病裝傷故

意落後之人甚至有假刻印票冀圖私自回籍

者現經_臣等查出數起按照軍法嚴辦通行各

州縣查核至防兵內如巫山大寧太平廣元龍

安松潘等處與湖北陝甘交界各要隘仍令照

製看聖鑒編卷六

七

常設卡巡防並嘉陵江西岸亦嚴飭地方文武

分布鄉勇防守外現又派令總兵許文謨副將

趙得功帶領兵勇二千餘名分成兩隊作為游

兵隨時偵探賊蹤遠近視賊所向隔岸跟防遇

其偷渡其餘守城守卡各兵擇其可撤者均酌

量抽調來營以資征剿惟內有江西湖北湖南

三省兵丁俱零星不成一隊查湖北現有江西

整隊之兵在彼剿賊湖北湖南更屬本省_臣等擬將此項官兵俱撥赴湖北交與明亮就近歸隊以期得力至各路隨征鄉勇未便驟然裁減實恐無藉之徒轉流而為匪惟有從此停止招募不准再添自可日見其少其各州縣零星守卡鄉勇前經_臣勒保奏明悉令歸併鄉團現已通飭照辦惟其中或有從別處招來者尚須酌量情形次第刪裁以免失所至團練義勇堅壁清野一事川東川北地方雖俱先後舉行因情形各有不同辦理未能畫一近來賊匪因無處擄糧不時攻撲寨砦冀圖掠食擄人每有小寨砦間被蹂躪者此皆小民性貪便益就其房屋田糧不肯遠移大寨各於附近山梁聚成小寨聚處殊不知大寨地險人稠防守易於為力小

欽定四庫全書

八

寨人少勢孤賊易窺視現今小寨歸併大寨庶聲勢壯盛可以杜賊覬覦之心仍令將米糧牲畜悉行移置寨砦毋許存留場市村莊更不得於賊至之時慮其攻撲堡寨竟將糧食等物擲給賊人此後如有私自助賊者查出即以私通賊匪按律治罪並嚴禁各寨不許將逃出難民任意剝衣拷打及擅自殺害等弊現在_臣等會商將兵勇通盤籌畫分別征防悉心挑配以冀剿捕悉資勁旅堵禦各有責成更復繼之以撫俾脅從者相率來歸賊黨日見解散_臣等現已會合一路兵力較盛且時交秋令天氣涼爽更當協力同心策勵將士趕緊剿辦以期秋冬間將川省各股悉數辦完再查川省各標營從前屢次招募新兵共有二萬四千七百名每年除

欽定四庫全書

九

額設制兵錢糧外又添兵餉三十餘萬兩需費實屬浩繁且不日大功告成此項新兵又須酌量裁汰辦理亦屬非易應請嗣後制兵缺額均以前項新兵撥補足數新兵缺額即不必再行招募如此則不裁而自減亦屬弭兵節省之道

諭旨官弁內有因傷病留駐該省者應即飭令回京

聖旨重慶編卷五

十

及撤回原營遵即通查現在川省因病因傷留養滿漢各員內有新傷難愈者有舊傷復發者並有久病未痊或衰老無用者共十四員均經委員查驗屬實臣又復核其平日勞績分別等差謹開單奏

聞旨一面給各行令該員飭令各回旗籍原營以節糜費再臣等更有請者用兵日久賞罰宜嚴各

將領雖不乏始終出力之員然亦有久而易懈者此等人員目前尚無貽誤實據而從前賞者有勞績若因其一時疎懈即行參辦又覺軍法太嚴失之過當若竟因循不辦稍事姑容又恐相率效尤將士難期整飭茲公同商酌除領兵各將備實有貽誤畏縮情事自當隨時奏明嚴辦外其餘均請定以陞降規條明白曉諭如果始終奮勉歷久並無懈心當就其打仗殺賊之功不次保薦未便拘泥資格致掩其長倘有從前出力已邀獎擢而意存自滿不復認真已結者或立時拔其翎枝或降等另行補用隨時彙奏一經悔罪立功仍當據實奏請超擢使各官知所感懼自不致始勤終怠

德楞泰勒保又奏言查重慶鎮總兵為川東重

鎮現值竄匪未靖凡督飭鎮屬操防撫馭各事
宜均關緊要查有新放貴州安義鎮總兵馬瑜
係由四川軍標中軍副將蒙

恩補授今職該鎮久在川省營務軍情素所熟悉以
之調補重慶鎮總兵實為得力其所遺安義鎮
總兵一缺查有提督銜七十五曾任貴州副將
熟悉黔省營伍情形可否即令以提督銜補授
安義鎮總兵之處出自

皇上天恩再參將增順等遵派員弁提至軍營會
同審訊據供增順署松潘遊擊代辦鎮事今年
三月間賊匪由甘肅入川境伊帶兵在雪欄關
等處屢次截殺並將落後之賊一百餘名盡數
殲獲嗣緣賊匪遁入鐵爐寨番地增順自松潘
來至南坪查各卡隘防兵不敷隨稟明添派把

總李掄元帶兵二百名防守羊肝山外委邊德
義帶兵三百七十名防守二道橋增順在南坪
督同守備胥耀宗佈置防堵即稟明親身前往
二道橋等處督率堵禦詎初四日甫至二道橋
即有賊匪前來撲卡督同邊德義竭力抵禦殺
賊七名我兵受傷十一名邊德義亦受石傷相
持三四時之久賊始退去不料次日賊由二道
橋以西十餘里外山梁衝過番兵卡子直奔月
蘭山增順因月蘭山距南坪甚近該處為糧餉
軍火重地即將官兵撤回南坪賊至南坪攻撲
兩日增順竭力堵截殺斃賊匪一百餘名得以
保守無虞但羊肝山二道橋兩處俱係增順稟
明安設營卡致被賊匪竄出實屬疎忽無能只
求從重治罪等語質之在事兵丁等供亦相符

臣等以增順代辦松潘鎮事當賊匪竄入川境之時既已疎於防範迨安設營卡復不能嚴密固守以致賊匪竄出其疎悞之罪斷不能因前此雪欄關等處殺賊微勞稍從末減惟賊匪攻撲二道橋之時增順會親身帶兵擊退迨賊又繞道由番地山梁竄出增順以徒守無益退守南坪又復與賊對敵兩日得保南坪營汛較之畏葸退縮者尙屬有間可否即在軍營對衆重責四十棍用重枷枷號隨營遊示俟大功告竣仍發伊犁充當苦差之處恭候

訓示遵行

勒保又奏言查川省軍興以來達州保寧兩處本未設局嗣緣和寧英善先後接辦糧餉始行分設兩局今蒙

聖恩飭交^臣籌辦^臣愚以多設一局即多一局之費

且事竣報銷仍當均歸省局辦理自應將達州保寧兩局一併裁撤歸併省局總辦所有轉運糧餉軍火等項原可各歸本任道員督率經理刻下各股賊匪俱已竄入川東^臣等現由此兜剿凡團練鄉勇招撫難民等事均須川東道嚴士鉉逐處稽查督辦未便令其專駐達州查有

聖旨

五

永寧道陳預辦事實心才具明幹向在達局經理裕如應令該道仍在達州總理川東一路糧運可期得力至川北一帶目下軍務尙簡川北道李鉉本駐保寧儘可檄委該道就近總理川北一路糧運凡有支用糧餉及籌撥各項軍需均令該道隨時稟明並知照省局核辦以歸畫一^臣前在保寧查該局存銀截至本月初六

日止存銀十萬八千二百餘兩今查建局截至二十日止存銀十二萬三千四百餘兩臣惟有督率總理並臺站糧務各員倍加撙節支用斷不敢稍有浮費均奏入

上命軍機大臣傳諭德楞泰勒保曰此次勒保取道營渠與德楞泰會合沿途將荷文明鮮大川一股賊匪殺斃二百三四十名嗣因樊人傑等股在巖

峯灘林壩溪一帶滋擾勒保即飛札七十五帶兵前來而德楞泰亦由巴州江口取道營渠沿途俱有逃出難民訊知各股賊匪被官兵剿散甚形慌懼此是極好機會其李紹祖七十五兩路截剿賊匪俱有斬獲現在德楞泰勒保與七十五李紹祖分投偵探賊蹤併力奮擊以三路之兵剿此萬餘之賊圍逼環攻看來各股賊匪逼歸川東勢漸窮

蹙不似從前散漫辦理較有把握德楞泰勒保當趁賊匪不能竄往陝境屯聚川東之時督率鎮將等合力截擊將各股賊匪即在川東地方悉數殲擒勿留餘孽至唐大信龍紹周分股賊匪現經陝省官兵追趕如竄入川境專藉川省官兵攔截德楞泰等自當速派得力鎮將前往堵剿又甘省高二馬五等股賊匪前據額勒登保奏稱與其圍入陝境毋寧逼入川北較易剿辦是廣元昭化一帶亦不可無兵堵禦著德楞泰勒保於七十五李紹祖薛大烈三人內酌派二員帶領官兵分往東鄉太平及廣元昭化等處預爲防堵以遏唐大信龍紹周及甘境各賊竄川要路並可與陝甘官兵成兩面夾擊之勢至所稱營山渠縣等處民寨俱能截殺賊匪是團勇已有明效所辦甚好至投出賊

中小頭目庚珍密約張子聰之姪張廷鳳帶同夥
匪十餘人赴縣投誠是招撫亦有成效事機順利
卽此可見庚珍張廷鳳既經受撫來投德榜奏勒
保何不量加獎賞或竟賞給八九品頂戴令其前
往賊營招致庚向瑤張子聰等股俾賊匪等見伊
二人投出不但加誅戮並有頂戴榮身聞風忻
躍相率來投豈不省我兵力卽使庚珍張廷鳳去
而不返亦無足重輕俟將來擊獲時再行正法亦
無不可又據奏裁撤疲兵團集鄉勇並籌議剿堵
各事宜一摺所論皆是至川省餉銀前於閏四月
內部撥銀四十萬又六月內由河南撥解銀二十
萬計六月所撥之餉自尙在途其閏四月所發餉
銀該督會否收到勒保所稱兩局現存銀兩是否
係從前留貯之銀抑係收到四十萬後用剩者設

尙須接濟勒保卽當據實奏明聽候續撥並飭諭
局員樽節妥辦毋任稍有糜費至七十五此次帶
兵前至新寧探知馬驛溝有賊竄擾卽於三更發
兵前往密令兵勇埋伏林箐衝出剿殺得有勝仗
其從前延玩之咎尙屬可原且於川省地方情形
素爲熟悉現在勒保以提督兼署總督事務紛繁
難於兼顧所有四川提督員缺卽者七十五補授
勒保者專署四川總督俾得盡心辦理地方及堵
剿事宜其重慶鎮總兵員缺者馬瑜調補所遺安
義鎮總兵員缺者於軍營應陞出力人員內保奏
二員候朕簡放又據奏審擬增順罪名著依擬行
再所奏查明傷病滿漢各官分別遣回休致革職
已照所擬明降諭旨矣至所請另立陞降章程一
節德榜奏係屬恭贊勒保係屬總督川省軍務旣

交伊二人專辦領兵各將弁皆其所轄惟在伊二人隨時查察核其功過分別勸懲若能秉公舉劾自必人思効命毋庸預定章程也

上諭內閣曰德楞泰等奏查明軍營傷病各員內頭等侍衛薩寧阿護軍叅領巴哈吉蘭泰副護軍叅領文昌保烏鎗護軍叅領德官騎都尉塔木哈圖委叅領巴漢太副將伯明雖傷病未能速痊而平日打仗尚為勇往著准其各回原任以資調理副將馬兆瑞叅將劉邦直遊擊花良阿都司劉選或傷病未痊或年力衰邁著以原品休致各回旗籍遊擊劉玉成守備喻大相既經久病而平日管兵亦屬平常著革職勒令回籍

同日台布奏言查唐大信龍紹周等逆自魏家寨擊退後分股由大溪溝麻柳灘雨路奔逃因

前被官兵擊斃賊匪五百名內有一名係賊目

支姓之子該匪知伊子被誅憤恨魏家寨復率

精壯戰手千餘潛來劫寨守備馮貞義勇首孫

榮等先經防備一見賊到急用鎗礮轟擊居民

男婦俱用瓦石助擊斃賊一百餘名奪礮二位

賊勢奔潰兵勇追殺數里賊隊竄踞黑山大梁

橫紮守備馮貞把總蔣奉書首領王喜伍敏會

同鄉勇首千總孫榮首領周明曹隆等各帶兵

勇一同進發賊匪於林內突出抗拒兵勇齊聲

奮擊斃賊五十餘名賊匪復折奔山後萬曲灣

潛匿林內不出王文雄聞報以該處窺折幽深

進剿為艱復派都司哈國權帶兵由馬家灣會

同都司楊光時兼程趕至黑山分投策應該提

督自帶兵勇數百名由楊溪河至高川截擊二

二十一日兩日夜兵勇夜行晝伏攀附藤葛潛上黑山於二十二日辰刻齊抵賊營孫榮前作嚮導卽從黑山下壓賊匪向高川之壽溪河毛亞子奔逃兵勇隨追隨剿又斃賊八十餘名賊衆直奔王黑壩王文雄行至尖角場接據稟報恐賊匪繞回高川卽在尖角場紮住訊據獲賊吳兆文周國才等供稱唐大信前於十八日打仗後竄往小祥壩現在盡係龍紹周股匪要往王黑壩等語當將各犯正法查王黑壩距西鄉三百餘里距川省不及百里臣已嚴飭該將弁義勇人等務須趕緊追躡如於陝境剿淨卽係該將弁義勇之功不可再令折回其唐大信臣亦飛飭署西鄉縣宋昌璋帶領鄉勇前往並札囑王文雄另派官兵幫同堵剿奏入

上命軍機大臣傳諭台布王文雄曰此次龍紹周股匪經官兵追剿竄至王黑壩地方勢已窮蹙台布王文雄等惟當督率將弁認真剿辦卽將此股首逆並在西鄉之唐大信等一併殲擒方爲伊等之功王黑壩地方距川省不及百里倘龍紹周竄入川境王文雄務於西南一帶會同川省官兵兩面夾擊不可復令折回陝境至伍金柱戴家營高二馬五各股賊匪竄聚甘境額勒登保等統領大兵分投剿辦自可以次殲除但賊匪奔竄靡定若被剿緊急復思東竄則陝省西面防堵最關緊要額勒登保業已知會台布於鳳縣一帶巡查卡隘而台布亦會奏及附近鳳縣等處所擊各卡尙爲嚴密雖各處派有恒瑞德忠岱森保汪啟舒隆阿和興額長春等分段嚴防而台布係本省巡撫防堵

尤為專責不可稍有疎虞至鄉勇首千總孫榮於官兵打仗時前作嚮導即從黑山下壓奮勇爭先實屬可嘉之至昨已加恩將孫榮補授千總實缺若再能奮勉出力將龍紹周唐大信首逆擒獲即據實奏明候朕格外施恩

初八日戊子姜晟奏言竊總兵孫清元等與明亮

製卷四百零九

臣

分帶官兵先後進剿節據經過地方文武及孫清元稟報官兵因連日冒雨師行稍滯賊亦散竄未遠二十四日賊匪竄入鄖縣黃龍灘鮑家店一帶勢將奔竄二竹該處至竹谿計程二百四十里不由大路經過孫清元等於二十五日由黃龍灘進剿防其折竄明亮從官山河擂鼓臺由房縣迎頭攔剿臣屢經札飭竹山竹谿等處文武嚴密堵截遏賊去路今明亮等兩路兜

製卷四百零九

臣

圍日內定應有擊剿的音軍火糧餉大路既有暫設糧臺滾運房縣一路亦已飛飭地方官協濟可無貽誤至各處邊防竹谿最要臣急欲赴該處籌防茲賊蹤已竄至鄖縣境內其穀城均州後路業已肅清臣定於初二日自襄陽起程前往均州如前途尚有梗阻即在該處稍為停頓離營較近得信較早且可循途漸抵竹谿將沿途各要卡周歷查勘籌酌辦理

姜晟又奏言臣於六月十二日准吳熊光咨開欽奉

諭旨飭於豫省前撥帑銀五十萬兩內以十萬兩解楚接濟伏查楚省本年兩次

賞撥銀五十二萬兩於二四兩月先後解到臣節次飭局樽節支放並行據隨營總理道員開報每

月應支一切統計每月需餉不下十萬兩內外
迨六月初間核計存銀無幾而粵兵馬隊分投
齊集鹽糧而外加以夫驟脚價支項繁增經費
司詳請奏撥軍餉隨就近咨商湖南撫臣祖之
望於藩庫存款內暫挪十五萬兩先行撥濟旋
准該撫覆到已飭藩司俟其解到兌收可敷接
濟奏入

聖朝聖德編卷九

三

上命軍機大臣傳諭姜晟曰楚省竄匪尙在奔逃已
降旨令明亮趕緊剿辦至均州穀城一帶目下已
無賊匪姜晟仍應嚴飭該處地方官留心防堵勿
令賊匪折回姜晟現由均州前往竹谿籌辦一切
其邊隘處所或壘石爲堦或因溝加塹惟在察看
形勢督率妥辦總須令楚境之賊不能逸出他省
之賊不能闖入爲要至湖南豫省協解楚餉該省

賊匪若能卽在二竹地方辦盡則此次之二十五
萬兩自足供目前軍需之用倘姜晟籌酌情形尙
有不敷亦可據實具奏聽候酌量撥給

上又命軍機大臣傳諭明亮曰連旬以來未據明亮
續有奏報朕卽料其辦理未能得手本日姜晟奏
稱賊匪於六月二十四日又竄至鄖縣二竹一帶
不出朕之所料此時早交秋令天色晴霽時候涼

聖朝聖德編卷九

三

爽明亮所需索倫馬隊早經撥往而廣東廣西生
力兵亦俱陸續到齊兵力厚集乃遷延多日仍任
賊匪奔竄鄖縣二竹辦理實屬遲緩明亮務須倍
加愧勵趕緊截擊若能卽在二竹地方設法兜捕
將賊匪剿洗淨盡不令他逸並將徐添德一犯殲
獲則明亮尙有功可錄若仍前延玩于賊以暇致
令竄出楚境則明亮不但無功而且有罪軍法具

在不能曲貸也

聖朝聖訓卷之全

天

欽定剿平三省邪匪方略正編卷一百九十 庚申年

七月初十日 庚寅 馬慧裕奏言 臣於前月二十五

六等日連接寶豐縣稟報有匪徒在該境放

火殺人之事 臣以事方初起人數諒必不多必

須趕緊撲捕即商同滿漢各營抽撥官兵督率

迅往搜捕途次據署汝州蔡思育稟稱該州離

城九十里之四里營聚集匪徒焚掠所屬寶豐

聖朝聖訓卷之全

郊縣之靳李莊石家窪等村並續據附近各屬

稟報情形微有不同而各州縣拿獲賊探審訊

咸供為汝寶郊聯界處所曾經習教匪徒糾約

起事似無疑義查該匪由四里營北竄寶郊石

家窪即向東北逃逸仍係郊縣所管地方二十

六七八等日復由郊縣之三教堂等處折回寶

豐之香山分為二股焚掠翟家莊石橋營等二

十餘村莊逼脅人數日漸增多每股約有四五百人臣一面出示安撫良民一面差人確探該匪現在屯聚寶邾交界之翟家集翟窪溝紫雲山一帶間出焚掠未能遠竄自當及時撲捕惟是邾縣北界禹州西接魯山嵩縣南通萊縣裕州南召內鄉浙川山徑叢雜臣帶兵五百名若由東面陡然壓逼該匪必致分投四竄兵力無多碍難分布合圖轉恐散漫難辦並接撫臣札知已抽調官兵由西南兩路分頭抄殺前來飭令臣酌量情形如兵力稍單不妨遙為攔截勿令遠颺俟西南兩路兵到三面湊合一齊著手庶可迅速戡事臣前已嚴飭西北南三面各州縣迅速厚集鄉勇於各邊界嚴密堵截以便進兵若撫臣未到之北各州縣集勇已全臣卽就

欽定剿平三省邪匪方略

正編卷一九〇

現有兵力揆度情形熟籌妥辦斷不敢心存退縮尤不敢稍存大意又據萊縣知縣廖寅稟稱因寶邾匪徒滋事設卡盤詰拿獲著名首惡劉之協並被脅同行之冀大榮卽據指實質之劉之協亦供認從前在扶溝犯事脫逃及現由邾縣勾結今復要到陝楚各情節直認不諱已飛關扶溝縣查傳眼目質認等語查萊縣與寶邾鄰近未便懸禁該處致滋他虞臣已飛飭南陽府小心管解赴省交代辦臬司事糧道何銑審訊一面飛飭扶溝縣迅傳識認劉之協眼目赴省質認如果的係劉之協何銑自必稟請撫臣核奏辦理奏入

欽定剿平三省邪匪方略

正編卷一九〇

上命軍機大臣傳諭吳熊光曰汝州寶豐邾縣匪徒聚眾滋擾現據馬慧裕奏稱已帶兵五百名進為

攔截俟西南兩路兵到三面會擊等語該藩司所帶兵力本單不敷進剿若卽由東面壓逼恐初仗未能得手轉致賊勢散漫難辦吳熊光由盧氏帶兵起程自西而東務須與馬慧裕併力合擊以期一鼓撲滅又馬慧裕奏據葉縣知縣廖寅稟稱拏獲著名首惡劉之協并被脅同行之冀大榮訊據供認不諱已解省飛傳眼目質認等語看來自當屬實劉之協爲教匪首犯漏網已久既經拏獲自應解京懲治現據該藩司飭令南陽府管解赴省但省城祇有糧道何統恐未能審究得實已特派侍郎高杞馳驛前往嚴行審訊並派乾清門侍衛興常佛倫保隨同前往如傳到眼目質認確係劉之協卽著高杞興常佛倫保小心管押迅速解京倘訊非劉之協正犯卽可無庸起解興常佛倫保

聖朝聖德編卷三

四

亦不必卽行回京前調吉林黑龍江官兵到京後卽令全數赴豫該處匪徒別有裹脅或至聚集多人吉林黑龍江官兵素稱趨健自當全赴豫省剿賊定可剋期集事該省帶兵需人卽令興常佛倫保在彼管帶於剿捕更可得力至劉之協如果屬實該撫卽當出示廣爲傳播以劉之協本屬起事首犯川陝等省皆由該犯煽惑勾結今見川陝等省賊已窮蹙指日殄平計窮力竭是以又在豫省潛行煽誘今首惡業經就獲各賊匪夥黨自必立時潰散現在官兵四路進剿又有索倫勁旅數千卽日來豫無難剋期殲除所有被賊裹脅之人若自知禍福速行棄械投出無論曾否從賊皆當赦其既往予以生全若尙執迷不悟一經大兵攻剿必當概就駢誅豈可爲其所愚自罹誅戮如此劉

聖朝聖德編卷三

五

切諭示匪徒等自必聞風解散至吉林黑龍江官
兵應需馬匹現已諭令直隸山西督撫各辦五百
匹迅速解豫吳熊光當於本省再為籌辦以期應
用無誤又拿獲劉之協之知縣廖寅如訊明劉之
協實係正犯則該縣於漏網首惡能留心盤獲自
當加之懲獎即著吳熊光奏明候朕加恩並將該
犯實係何處卡隘何人盤獲之處查明具奏以便
酌量加恩

聖旨重慶編卷五

六

臣等謹案從來師行戡亂必先奏擒渠之捷
而後收掃孽之勳劉之協一犯本為邪教首
惡自乾隆年間通竄稽誅已逾數載蹤跡詭
秘屢緝未獲此次邪匪滋事之初即蒙
聖明炳燭慮及該逆潛煽勾結

諭令留心嚴密偵捕茲因防堵密邾匪徒經葉縣將

該逆盤獲俾兇渠得正刑章自此摧枯拉朽
諸首惡以次就擒可見作慝干紀之徒必不
能倖逃大僇而

天心佑順預兆成功實有默相於陳師鞠旅之外者矣

十一日辛卯明亮奏言竊臣挑選馬步官兵健勇

七千餘名交總兵孫清元德昌恭將吉林泰等

於十五日跟蹤兜截賊匪務令即在楚境殲除

聖旨重慶編卷五

七

臣將新到粵東官兵整頓軍裝亦即於十九日

自襄陽起程二十三日冒雨由穀城黃泥鋪兼

程進兵途次均州屬之青石鋪接據孫清元等

稟報該匪尙在孫家灣白浪等處屯聚勢極散

漫因值大雨未克進兵等語是日擒獲哨探賊

匪徐正元供稱徐添德與張元帥等商量從白

浪西竄有漢河阻隔且鄉勇防禦甚嚴現在官

兵追殺緊急不如向房縣西南官渡竄出或回

四川或走陝西再作計較當將該犯正法一面

飛飭該鎮等趕緊進剿臣即由孫家灣入山趕

赴房縣計程倘有三百六十里星夜帶兵趕到

以杜賊入川陝並可迎頭截擊詎行抵房縣復

據孫清元等稟報該匪竄抵黃龍灘與該處鄉

勇打仗賊匪即由皮貨灘偷渡以致黃龍灘鄉

聖祖聖孫編年

八

勇逃散賊匪大眾乘間搶渡過河闖入郎縣鮑

家店西走該鎮等由小花果園一路追擊百餘

縣即與陝省白河連界臣就近飛行陝西泉司

溫承惠總兵慶溥嚴密堵禦連夜由陳家鋪趕

赴竹山兜截因行走過急官兵未能全數趕上

即將竹山縣健勇挑數百名星夜趕至保豐適

賊匪分股試探楊家山三路可由竹窰竄入平

利聞有官兵前來即折回分水嶺二十六日正

值孫清元德昌等一路官兵由小花果園進剿

行抵分水嶺突遇馬步賊匪千餘名放鎗吶喊

蜂擁衝出該鎮等督率官兵分佔左右山梁侍

衛富翰塔津保江鼎雙福總管都富阿等帶領

馬隊由溝內奮勇衝殺擊敗賊匪乘勝追至桃

園地方共殺賊二百數十名內鎗斃騎馬賊目

聖祖聖孫編年

九

一名兵勇切恨將屍身碎割拋棄難以辨認並

奪得鎗刀矛旗三十六桿餘匪四散分逃訊據

獲犯供稱賊匪大隊由唐家坪奔竄吉陽關即

與陝省之白河洵陽等縣犬牙相錯山勢極為

散漫處處可以闖入臣即稟捷徑抄赴秦家坪

兜截行至插鼓溝適孫清元德昌等一路官兵

前來會合下親率

盛京索倫吉林馬隊官兵星夜截剿派孫清元等

帶領兵勇接續前進趁此楚陝交界地方山勢

尙覺平衍庶可馳射衝殺以期迅速掃除設或

竄越出境臣酌帶兵勇追剿並當留兵分布楚

省邊防堵禦再接再據房縣知縣李維本稟報川

匪苟文明於本月十六日竄至雲陽屬之露草

壩江口一帶與大寧黃草壩接壤參贊德楞泰

帶兵追剿查房縣陰條嶺一帶處處可以闖入

不可不預為準備前因撫臣倭什布暫留襄陽

調養即撥參將曹星帶兵八百名備用昨接倭

什布來信已飭該參將帶兵起營臣即行札飭

該參將帶兵前往房縣協同該縣嚴密堵禦至

賊匪搶渡過河該處督率鄉勇如何堵禦不虞

查孫清元德昌等在臣起程前四日先行因何

欽定剿平三省邪匪方略 正編卷一九〇

反落臣後容以查明具奏請

旨嚴辦外此次打以孫清元德昌等一路鄉勇首領

曹紹積曾帶鎗傷兵勇間有傷亡俟查明咨部

辦理奏入

上命軍機大臣傳諭明亮日前據明亮奏報兇剿徐

添德大股賊匪向仙居等處奔竄即可逼歸山內

彼時朕方以明亮一路軍勢已振擄渠捷音自當

不遠日夜盼望及至前月十九日奏到之摺僅係

布置情形並未與賊接仗已虛朕所望然伊摺內

猶稱分兵抄截賊匪不使竄出平陽大道已向南

漳一帶奔竄尙冀明亮帶兵趕到痛加截剿乃又

隔二十餘日未據奏報朕即料明亮等剿辦賊匪

未能得手焦急之懷無時稍釋今據明亮奏到情

形伊帶領參兵並未趕上賊匪而徐逆大股竟由

欽定剿平三省邪匪方略 正編卷一九〇 六九

唐家坪奔竄吉陽關與陝省白河洄陽隣近果不出朕所料摺內尚稱趁此陝楚交界山勢平行將賊匪迅速掃除可謂無耻之極看來賊匪自己竄入陝境明亮赴陝追賊之奏日內即至矣乃摺內故作預擬之詞以見賊匪並非突然竄越冀減其截剿不力之咎此種蒼滑伎倆斷難逃朕洞鑒而明亮轉以孫清元德昌起程在先行行走反致落後

▲聖祖聖訓卷三十一 十三

為卸過地步殊不思孫清元德昌在分水嶺桃園地方遇賊打仗小有斬獲而明亮由孫家灣趕至房縣時賊匪早已西竄相離甚遠虛此一行是明亮行走遲緩之咎已屬顯然尚何顏諉咎於人乎且楚省賊匪本交明亮督辦并令伊奏事列名在前則帶兵鎮將等皆聽伊調度即使孫清元德昌行走果屬遲緩不能迎頭攔截亦由明亮調度不

善所致况明亮所帶係額勒登保所發馬隊及粵東粵西新兵俱係生力勁旅且祇在楚省剿賊並未曾東追西擊稍有疲乏豈有任賊匪擇地而逃不能堵截之理若云因雨水較多道途泥濘不能迅速追剿何以額勒登保德楞泰兩路又能頻頻冒雨進攻屢次殺賊豈四川陝甘官兵獨不畏雨乎且楚省止有徐添德一股現在兵多於賊更無難併力截殺迅速截擒乃縱令賊匪竄出楚境明亮種種遲延玩誤之罪實屬百喙難辭著傳旨嚴行申飭現在明亮已帶兵追剿若能將賊匪截回剿盡固所深望若賊匪業經竄陝明亮當帶領德昌緊躡賊蹤赴陝剿辦不可將孫清元一併帶往現在川東竄匪苟文明竄至雲陽屬之露草壩一帶該處接壤大寧與楚省房縣歸巴處處可通明

亮僅派參將曹星帶兵八百名往堵究不足恃著
孫清元酌帶兵勇迅速回赴房縣一帶督率地方
鄉勇實力堵禦若稍有疎懈惟孫清元是問明亮
接到此旨後卽行傳知該鎮加倍奮勉勿任川省
賊匪竄入楚省爲要

上又命軍機大臣傳諭姜晟日前據姜晟奏楚省各
卡隘俱經募勇防堵亦節經降旨令姜晟隨時督

聖朝重寶編卷五

十四

飭嚴密守禦不使賊匪竄逸今賊匪徐添德等由
皮貨灘偷渡其時黃龍灘鄉勇並未將賊匪截住
竟各紛紛逃散賊匪得以搶渡過河可見該省鄉
勇並未實力訓練徒糜餉項致有疎虞姜晟所辦
何事著傳旨嚴行申飭至黃龍灘地方旣設卡隘
豈無官員在彼督率鄉勇等望賊卽散所派官員
究在何處著姜晟查明嚴叅具奏此次明亮剿辦

徐添德未能追擊致令他竄而摺內轉稱孫清元
德昌等先明亮起程四日行走落在明亮之後等
語明亮之意不過欲諉咎於孫清元等自占地步
但孫清元等在分水嶺桃園地方曾經殺賊二百
餘名是該鎮等尙能趕上賊匪小有斬獲而明亮
則遲走四日已屬遷延及趕程行至房縣該處並
無賊匪復行折回迎截或因見孫清元等先行追

聖朝重寶編卷五

十五

剿獲有小勝轉羞成怒將孫清元等叅奏以掩其
遲緩之咎抑或孫清元等不聽明亮調度行走實
屬遲延若姜晟查明秉公據實具奏明亮屢獲愆
尤現在是否認真出力抑或因該處雨水過多實
難進剿或雨水雖多並無碍於打仗而明亮有意
遷延自以現在職分未能滿意不肯實心出力姜
晟在彼見聞自確如明亮實有遷延情事卽當嚴

行叅奏不得以目前帶兵大員之人稍有瞻徇至

川匪苟文明一股竄至雲陽屬之露草壩江口一

帶該處接壤大寧與楚省房縣歸巴處處可通現

已諭令孫清元前赴房縣一帶督兵嚴密防守姜

晟係該省總督防堵事宜是其專責孫清元係特

派防堵之人倘稍有疎虞姜晟孫清元不能辭罪

也再此次賊匪徐添德竄至郧縣地方向來道員

聖者重編卷三

六

恒慶知縣孔繼楨所帶郧西鄉勇最為得力何以

明亮摺內並未提及僅飛咨慶溥溫承惠在陝堵

禦並著姜晟查明具奏

同日

上諭內閣曰長齡著充領隊大臣管領所謂之吉林

黑龍江兵丁前赴軍營幫同剿賊

十一日 王 臣 查陝甘雖分兩省辦賊

同係一事是以前於戴家營伍金柱等股竄過

兩當督臣長麟帶兵追往時即於省局先撥銀

二十萬兩解甘備用現在經畧大營在楊家店

一帶駐紮剿匪已入甘肅地界所有軍火糧

石以及官兵鹽菜銀兩仍係陝省寶雞鳳縣源

源供運後起餉銀到陝應再撥銀三十萬兩解

往以足五十萬兩之數其棧內米石如有餘剩

聖者重編卷三

七

一併儘數運送惟人夫恐不肯遠至隔省容臨

時再行酌辦至各股賊匪雖已西竄山內或尚

有一二遺孽藏匿深林密箐之中均當及早搜

捕而官兵分撥防堵尚且不敷更無從酌派查

緝是以於大兵進棧後即經密飭近山州縣選

派能幹精細捕役入山搜緝拿獲人犯到官如

果訊係真賊立即重賞今 臣 又與額勒登保商

酌總兵劉之仁原派在五郎石泉相近處所防堵現在川匪距石泉已遠該鎮回駐五郎可以兼司山內緝捕臣已飛咨該鎮速派弁兵實力巡查又查粵兵一千五百名額勒登保本派在岱森保一路臣於前次巡查時目擊該副都統兵力最為疲乏所駐地地形勢散漫是以將臣所練鄉勇盡數留交岱森保俾資分撥一面飛催馬玉魁迅速行走今臣又專札飭催該鎮於抵興安後迅由石泉洋縣城固前至沔縣協同防堵漢中平原添此勁兵更臻嚴密再查前督臣松筠於截留川餉外曾截留甘省銀四十萬六千兩屢經該省軍需局核催臣目辦淨餉以來所請銀數均在

查明洞鑿此次賊匪入甘邊

仰懇

旨撥解甘省銀五十萬兩外數能再還欠項洽無

伏候

天恩俯准將松筠所截甘省銀四十萬六千兩勅部歸於陝省軍需項下報銷以清案牘而斷葛藤

訓示奏入

聖祖聖孫編卷九

九

上命軍機大臣傳諭台布曰現在楚北徐添德大股賊匪逼近白河洵陽台布亦稱楚氛甚近情形又非昔比岱森保處兵力雖覺稍疲經台布將所練鄉勇盡數留交漢中平原地方自足以資防守其馬玉魁所帶粵兵一千五百名不必再赴沔縣著即赴慶溥温承惠一路協力截剿如徐添德等已經明亮截回固屬甚善倘竟闖入陝境務須悉力奮擊若能與楚省官兵兩面夾擊將徐添德等首

逆賊擒剿盡餘匪即屬馬玉魁慶溥温承惠三人之功縱不能截其入陝應在漢江以南竭力剿殺勿令竄至江北或又逃入南山老林以致搜捕費手台布接奉此旨即著傳知馬玉魁慶溥温承惠等一體遵照至所奏此次撥解甘省銀五十萬兩外實不能再還欠項前此松筠截留甘省銀四十萬六千兩請勅部歸於陝甘軍需項下報銷亦祇可如此已飭部遵照辦理矣

聖旨 聖旨 聖旨

三

同日額勒登保奏言臣疊據札克塔爾楊遇春等呈報馬五張添倫等股賊匪節被我軍跟剿已至太白山探得伍金柱冉學勝張世龍等合成大夥又從秦州駱駝巷順渭河向東而來已近佛殿等處該匪等向北奔逸若過渭河即近鳳翔府寶雞縣平原之地若徑向東趨則又可

人棧至黃牛舖草涼驛一帶均關緊要官兵現從太陽寺翻越山林晝夜由捷徑赴三岔黃牛舖攔截等情查渭河之水時漲時消灘淺處所易於躡過必須嚴防因副都統和興額已降為防禦帶兵恐不得力隨派令提督定任馳往接辦與關騰王文湧等顧住渭河北岸毋令賊匪過河長春已降遊擊所管棧道之方石舖酒店梁等處並派總兵德忠前往接管以昭嚴密臣因伍金柱冉學勝張世龍馬五張添倫等股賊匪既合聚一處人數自眾恐札克塔爾楊遇春兵力不足以資痛剿遂將穆克登布一路之兵即令山二郎壩楊家坪趕赴東面與札克塔爾等會剿臣是日即自楊家店拔營帶同慶成等漏夜馳赴唐藏維時恒瑞已由太渠抽帶官兵

聖旨 聖旨 聖旨

三

在該處堵截臣卽往楊家店拿營一面查看路
徑形勢并探賊蹤穆克登布亦已趕到隨令帶
兵由隘口廟兒垭往札克塔爾等一路會合臣
次日卽進隘口又接札克塔爾楊遇春等報稱
連日賊匪先向渭河逃竄幸渭河北岸兵勇排
列鎗礮堵禦賊匪已向東趨其勢欲奪路從棧
道而出此一帶路徑又甚叢雜太渠唐藏等處
尙有恒瑞帶兵接拿營卡孟家灘桃花坪東出
棧道之路急應嚴備札克塔爾等密派總兵九
十帶兵於東河橋堵截又派署遊擊德楞額帶
兵在石窰舖防堵本日賊匪由桃花坪東岔河
分路而來札克塔爾楊遇春格布舍分派侍衛
將領從寬灘迎截而穆克登布亦帶兵從三岔
河出擊適俱迎截賊前兩路官兵殺賊共有一

欽定剿平三省邪匪方略

正編卷一九〇

三

百七十八名生擒十六名賊匪見官兵截擊甚
緊又復折西竄孟家灘等處因亂山密林天色
已暮不能深入我兵仍撤至黃牛舖三岔河一
帶紮營者截訊據活賊供稱實係伍金柱等合
爲一夥仍欲向棧道竄陝西之五郎漢陰南山
一帶聚集再往河南當經正法札克塔爾楊遇
春穆克登布會商該匪等旣思東竄料其奸諂
伎倆乘夜必復突出傳令營卡緊防該匪等果
於三更後數路潛來偷撲經各卡官兵鎗礮齊
發出營抄殺殲擒五十餘名賊匪仍入老山
以黃牛舖一帶實爲出棧要道該處情形緊急
於抵隘口安設營卡後當留慶成等在彼防
堵臣於初四日五鼓卽親帶馬步兵數百名從
廟兒垭三岔河至黃牛舖等處察看地勢相機

欽定剿平三省邪匪方略

正編卷一九〇

七五

辦理因查黃牛舖以南之紅孔舖亦甚扼要並
 令楊遇春分兵設卡是晚臣即在黃牛舖暫駐
 四更後據報賊匪有由五嶺亞旁奔隘口之信
 隨一面飭知札克塔薩等在營嚴防并因隘口
 兵力甚單令穆克登布帶兵前往幫同慶成剿
 捕臣亦自東向西抄赴隘口賊匪於初五日黎明
 明時竟攢集匪眾直撲隘口營盤慶成已派兵
 預備隨帶馬步兵向五嶺子迎頭進擊令副將
 游棟雲叅將王兆慶帶領兵勇從左山梁壓擊
 我兵佔據上游鎗箭所到斃賊二三十人賊仍
 向前奔突慶成帶同車森保布蘭泰催兵猛擊
 猝將賊匪衝為兩截賊始潰亂棄其馱載騾馬
 而逃慶成與游棟雲王兆慶等乘勢督兵追上
 兩重山梁殺賊約二百餘名賊匪竄越老林往

辛家山遁去將拿獲之賊一百三十餘名嚴訊
 係冉學勝探聽臣移赴黃牛舖故先帶領三四
 千人前來在五嶺子潛匿如果衝過隘口伍金
 柱隨後亦即由唐藏入棧等供當即均予正法
臣回抵隘口又慮倒灰溝有繞出唐藏之路而
 穆克登布已帶兵趕赴堵截臣查該匪等蓄意
 竄陝連日官兵截剿雖未能越過渭河又未能
 逸出棧道尙在辛家山桃花坪先坪一帶老山
 分遁然其趨向究不可必現飭令各路官兵到
 處搜探明確即行併力合剿惟現據沔縣稟報
 賊匪一股竄至畧陽縣境之木瓜橋衝破扎勒
 杭阿營卡並稱扎鎮不知下落臣業經飭查但
 無論何股潰亂之賊一出扎勒杭阿營卡即入
 南鄭可達四川臣現在合兵剿辦伍金柱等股

聖朝實錄卷一百一十五

三

聖朝實錄卷一百一十五

三

之賊又不能分兵追躡嵩札致台布岱森保等
嚴密防禦以杜其擾及褒城漢中節據王文雄
稟報前竄西鄉之龍唐二逆屢經該提督帶兵
剿殺斬獲計有五六百人賊匪去西鄉漸遠臣
並行知王文雄就近先將南鄭一帶江岸嚴備
候再得有沔縣確信另行酌辦又阿哈保等現
追之賊已非高二馬五刻聞追至嶽縣一帶臣
計算各股賊匪俱向東奔只有辛聰顏勝可親
捧捧等股尚在嶽縣禮縣等處臣已將連日剿
辦情形咨知長麟阿哈保等令將賊匪自西北
逼河南來以便協同剿洗再據慶溥溫承惠稟
報楚省賊匪有竄至鄖縣之狹口一帶者有竄
竹谿之黃龍灘一帶者漸近陝西白河境界慶
溥溫承惠等已先後馳往堵截奏入

上命軍機大臣傳諭額勒登保曰此次賊匪伍金柱
丹學勝張世龍馬五張添倫等合為一股蓄意竄
陝經額勒登保分飭札克塔爾楊遇春慶成等各
路抄擊雖殺賊無多而處處設法攔截使賊匪不
能越過渭河逸出棧道尙屬出力可嘉現在此股
賊匪尙在辛家山桃花坪一帶老山分遁額勒登
保已飭令各路官兵探聽明確併力合剿自應如
此辦理向來賊匪狡獪伎倆總以分股奔逃為牽
掣官兵之計而帶兵大員皆墮其術中惟知跟蹤
往來追剿辦理五年勞師糜餉迄未蕪功皆由於
此額勒登保自應趁賊匪竄聚一處之時奮力截
擊斷不可令賊匪等向北又分為數股或奔逸竄
過渭河亦不可令其竄赴棧東折回南山又致辦
理棘手至西回鳳一帶境壤相連為陝省菁華之

地而鳳翔逼近渭河沿河地方防堵更關緊要額勒登保派令提督定住馳往防堵與關騰王文湧等頭住渭河北岸所辦甚是仍應隨時札知定住等實力守禦再賊匪攻撲隘口營盤時慶成帶同車森保等奮力進剿猝將賊匪衝為兩截潰亂奔逃慶成等復督兵追上兩重山梁殺賊二百餘名甚為奮勇著額勒登保查明慶成如再有出力之處即據實保奏候朕加恩又據奏涇縣稟報賊匪一股竄至畧陽縣境之木瓜橋衝破扎勒杭阿營卡該鎮不知下落等語扎勒杭阿在彼拿營防堵如果賊匪大駭衝突該鎮因眾寡不敵力戰陣亡自當谷部議卹若因賊匪猝至畏怯退避任其衝過必應嚴叅按律治罪著額勒登保查明該鎮確切下落據實覆奏以定功罪

欽定平三省邪匪方略正編卷一百九十一
庚申年

欽定平三省邪匪方略正編卷一百九十一
庚申年
七月十四日甲午馬慧裕奏言竊臣由襄城進至郊縣之李家口駐紮挑選投効義勇確探匪徒連日撲掠汝州之鬧店等處俱經該處鄉勇截回不能遠竄聞有官兵到來即歸併一處屯聚寶豐之翟家集寨內臣於初七日寅時鼓勵弁兵令各裹乾糧直前進剿行抵該寨迤東有溝一道天色甫明賊匪已由寨外自北而南沿溝排列陣勢俱用大小白旗馬賊三百餘人步賊約七八百人公然搖旗吶喊官兵施放鳥鎗大礮轟斃賊匪數十名內有執旗賊匪二名該匪仍向前抗拒候補叅將署開封府營遊擊亮祿首先帶領步兵驅馬過溝滿漢官兵及河內縣知縣劉元吉帶領義勇武生等迅奮繼進一齊

欽定平三省邪匪方略正編卷一百九十一
庚申年

搶過溝河鎗矛立斃賊匪二百餘名奪獲賊礮一位鳥鎗八十餘杆刀矛器械旗幟共二百餘件內大白旗一面上寫天王劉之協字樣賊匪不能抵當退入翟家集寨內緊閉四門於寨樓內預先鑿孔施放鎗礮我兵奮勇逼近上攻官兵間有被傷該集舊有土垣周圍約七八里不知創自何年嘉慶元二年間楚匪逼近豫境居民復加修葺寨牆堅實高厚四門寨樓俱係磚石砌成近爲匪徒佔奪臣督率官兵設法攻擊午未間適續調之襄城營兵一百名及撫臣檄調來邾會剿之南陽鎮官兵二百名同時趕到隨即分布四面圍攻至初八日卯時打破東面寨門大隊進剿生擒偽元帥李岳並偽總兵孫繼元搜獲白旗二面立即梟示賊見官兵勇猛

紛上土垣妄思偷竄俱被官兵殲擒臣當將潛匿寨內賊匪督兵殲洗復斃賊六百七十餘名搜查寨內自縊及投井者亦有三百餘名寨門及附近各隘口截獲活賊二百三十七名逐加訊問僉稱老師傅劉之協是總教頭並未在寨內我等起事後他已先往別處勾結同教有總兵孫繼元當被擒戮總兵王哲已被官兵殺死頭目張成官尹要江俊等現已就擒羅先春亦先往他處約人昨已被寶豐縣拿獲先鋒劉文炳已經自盡尙有頭目薛三卽薛唐馬得良李榮法簡昨早被官兵殺敗卽時騎馬向西逃跑並未進寨等供當將張成官等三犯梟首其餘各犯或曾經習教同謀起事或甘心從賊與官兵打仗並放火殺人者共計四十一名立即

正法其餘審明實係被毆民人並未隨同打仗
及婦女小孩概行釋放回家奪獲刀矛器械騾
馬牛驢等項分賞兵勇示獎其翟家莊翟窑溝
一併搜除並無餘匪附近村莊多有扶老攜幼
歸來復業者地方即時寧輯此次剿賊滿漢官
兵及義勇等人人奮勇候補參將亮祿尤為首
先出力除傷亡兵丁另容逐細查明並將隨營
辦事實任出力各官應一併查明具詳撫臣覆
核分別奏咨辦理奏入

上命軍機大臣傳諭額勒登保德楞額奏明亮陝西甘
肅四川湖北各督撫日前據馬慧裕奏河南汝州
寶豐邠縣交界地方有匪徒焚掠之事續經查明
係該省教匪糾眾滋擾旋據葉縣稟報盤獲首犯
劉之協係在豫省糾結夥黨又欲赴陝楚勾約同

教匪事等語已派侍郎高杞前往河南查明劉之
協是否屬實一面催令續調之吉林黑龍江兵丁
赴豫剿辦本日馬慧裕馳奏已將寶豐等處匪徒
千餘名悉數殲除並據到眼目認明劉之協屬
實劉之協為教匪首逆各省匪黨無不崇奉勾連
蔓衍到處荼毒生靈剿辦將及五年尚未全行撲
滅而劉之協在逃日久賊匪無蹤數年以來亦不
期即就擒獲乃該犯仍敢在豫省地方糾結同教
潛謀起事並欲為陝楚教匪接應實堪痛恨仰賴

皇穹垂慈

皇考默佑俾豫省新起教匪一千餘人立時悉數剿捕

淨盡並因此擒獲邪教首逆多年漏網之劉之協
明正刑誅可見教匪罪惡貫盈劫數已盡從此各
路大兵分投剿捕定可剋期蕝事朕於欣感之餘



轉覺惻然不忍蓋教匪本屬良民祇因劉之協首
先冀鼓遂致煽惑日多附從日衆徵兵剿辦已閱
數年無論百姓無辜橫遭殺戮卽被脇多人亦皆
迫於不得已並非實係同教卽真正白蓮教皆我
大清國之赤子祇因一時愚昧躲避官法更罹重
罪至各股賊首先後就誅者如張正謨聶傑人單
加耀林之華齊王氏姚之富王三槐冷添祿羅其
清高均德龔建卜三聘王登廷張漢潮冉添元陳
士奉楊開甲龐洪勝等無不身受極刑全家被戮
雖伊等孽由自作亦係聽從劉之協倡教而起現
在各省賊股首逆惟徐添德本屬蠢役起事有年
其餘均係後起較之劉之協其行輩相去懸殊卽
其夥黨中信奉情形亦萬分不及在各股賊匪甘
心附逆到處奔逃不過因其教首尚在河南或可

糾黨相助是以擒獲賊供每有欲至河南之語今
劉之協已在豫省被拿足見白蓮邪教獲罪於
天自取滅亡而其同教中猶有執迷不悟之徒其頑梗
可惡其愚蠢可憐現在續調吉林黑龍江精兵剿
此敗餘竄匪何難速行殄淨朕仰體
上天好生之仁於萬無可貸中寬以一線着經畧額勒
登保叅贊德楞泰及各路帶兵大員並各督撫等
將劉之協擒獲一事廣爲宣播並傳諭賊營以伊
等教首在河南勾結千餘人被官兵數百人一晝
夜全行剿盡何況伊等么麼後起之賊敢於日久
抗拒耶且首先倡教者已就誅戮伊等亦無可附
從至於裹脇之人本係良善百姓何苦爲賊所累
自破身家各宜速加猛省如能幡然悔悟自行投
出不但可免刑誅並當妥爲安置卽實係同教匪



徒聞知教首劉之協被獲畏罪乞命棄械歸誠亦必貸其一死其各股首犯有能將他股首犯擒斬投獻者亦可免罪若經此番懇切曉諭之後仍復怙惡不悛則是伊等甘就駢誅大兵所到殲戮無遺亦氣數使然不能復加矜貸額勒登保等仍鼓勵將士分路攻擊地方文武併力一心堵者遏其去路剿者不予以暇必真就撫者方予寬貸務於

聖朝重賞 人

今秋迅掃賊氛莫安黎庶同膺懋賞

臣等謹案劉之協為邪教首犯竄匿稽誅煽誘愚民罪惡貫盈此次於葉縣不期就獲渠魁已殛苞蘖自清三捷虜功實兆於此我皇上聖德如天猶惻然於被脇者之迫於不得已執迷者之愚蠢可憐

諭令經畧叅贊及帶兵大員將擒獲劉之協一事廣

為宣布並傳諭賊營俾知首逆伏誅各自悔悟如能棄械投誠畏懼乞命仍當

予以一綫之寬貸其死罪

宵旰誠孚

休和感召蠢茲頑民有不洗心革面者哉

同日

上諭內閣日前因東三省官兵調赴軍營日久不無

疲乏續行調派吉林黑龍江官兵一千五百名前

往更換其需用馬匹已飭令河南省上緊備辦乘

騎並於直隸營馬內先後撥給八百匹解往應用

因思直省額設營馬節經調撥一時不能足額着

加恩於營馬內挑出堪用者八百匹撥還直隸省

補足所缺營馬之數着胡季堂派員來京接收俾

營馬充裕足敷應用

營馬充裕足敷應用

十五日乙未吳熊光奏言臣前據汝州寶豐縣

各報匪徒聚眾滋事當即抽調官兵於初四日

帶領起程備緊前進一面飛催南路官兵速由

南陽裕葉一帶趕緊兜截一面出示曉諭安撫

良民解散黨與並飛飭附近各屬圍集壯勇嚴

加堵守初十日馳抵寶豐途次接據藩司馬慧

裕稟稱該匪等屯聚寶境之翟家集寨內臣所

調南陽鎮標官兵一百名先經趕到該司即率

領將弁已於初七初八等日進剿痛加殲戮尙

有頭目薛三馬得良李傑蘇法簡在逃未獲業

經該司奏報臣思此等匪徒最慮其流竄為患

旬餘以來竟於寨內屯聚負固待斃實屬天奪

其魄而積年未獲之教首劉之協又已在葉縣就

獲此皆仰賴

皇上洪福事機極為順利臣於欣幸之餘彌深兢惕

適據南召縣葉灼稟報初二日有潰匪二百餘

人竄至彭山一帶查彭山在魯山縣之南與南

召裕州相近此等潰竄餘氛雖屬無多但該匪

當屯聚翟家寨之時尙有妻子輜重之戀今既

逸出轉可任其所之且尙有二百餘人仍可沿

途畏脇更恐南陽一帶餘孽復萌必須趕緊追

拿現在臣續調之南鎮兵二百名亦已趕到葉

縣即經南陽府知府周璣會同遊擊達爾扎帶

領並原調都司苑從志所帶兵二百名一併趕

赴裕州南召一帶截捕惟該處路徑紛歧賊蹤

趨向無定現復專差飛探一面布置官兵分投

抄截臣即馳往魯山南召一帶督率辦理再查

劉之協為傳教首惡漏網多年據南陽府知府

周幾葉縣知縣廖寅稟報已將該犯拿獲嗣經該府提到扶溝縣原案內認識劉之協之店主柳逢春原差李廷臣等來葉互相質認均已確鑿查該犯既有老師傅之稱則其傳徒必廣即以豫省而論如南陽歸德陳州汝寧等處皆有漸染邪教之徒該犯在逃已及十年所至必非一處若逐層根究輾轉株連恐不勝其緝捕卽

不勝其驚擾其實該犯亦不過邪教中之一人未獲時或尙有匪徒借其名色煽惑愚民已獲則與犬豕無異臣於聞報拿獲之初卽出示曉諭祇辦爲逆之人教匪無非鄉愚均係朝廷赤子但能改悔仍屬良民一概不加深究以安反側之心因尙在剿辦教匪之時葉縣與寶豐接壤是以派員解省交代辦臬司糧道何鏡

聖朝聖德編卷五 三

訊解京辦理再據周璣廖寅等原稟劉之協與冀大榮由邠縣姜莊一同逃走至葉縣北關冀大榮與門兵朱中林熟識卽密向朱中林告知因而稟縣將劉之協同冀大榮一併擒獲是冀大榮不但不甘爲匪又能指首要犯尙知畏法現亦解省質訊臣已飭令賞給八品頂戴以示獎勵周璣廖寅既能拿獲要犯且將冀大榮舉首之處稟報並不朦混邀功尙爲實心任事容俟搜捕各匪完竣後如果始終出力再行奏請酌量

加恩奏入

上命軍機大臣傳諭吳熊光日前據馬慧裕奏稱寶邠教匪悉數殲除今吳熊光奏稱南召縣葉灼稟報初八日有潰匪二百餘人竄至彭山一帶是馬

聖朝聖德編卷五 三

一第... 丹... 4... 6... 版... 內...

慧裕前奏不實矣此等潰匪尙有一二百餘人之多
仍可沿途裹脇或餘孽復萌必須趕緊追拿淨盡
吳熊光原調官兵有四百名以之剿捕二百餘潰
匪無難立時辦竣務當加緊奮勉悉數殲擒不可
稍留遺孽至在逃之賊目薛三等四犯既係頭目
又恐率領夥黨隨處裹脇必當確切查明迅速剿
辦現因寶邲匪徒已經辦竣所有續調吉林黑龍
江兵一千五百名令長齡帶赴陝境剿賊不過在
豫省經過吳熊光既已帶領多兵馳往魯山南召追
剿此項勁旅到豫時自必早已辦竣應卽知照長
齡令其速赴陝省不必繞道至南召一帶萬一彼
時餘匪尙在奔逃或須添兵協剿不妨與長齡商
酌帶領勁兵協同搜捕俟餘孽淨盡再赴陝境亦
無不可但吳熊光不得因此稍有停待總以現兵

欽定剿平三省邪匪方略

正編卷一九一

安速辦竣爲要至教首劉之協業經扶溝縣店主
原差互相質認均已確鑿無須羈禁省城著照前
旨卽撥兵二百名派委署遊擊亮祿知縣劉元吉
押解前來沿途探迎高杞一經遇見卽將劉之協
交高杞與常佛倫保帶同豫省原解兵丁小心接
解來京至劉之協與冀大榮逃至葉縣北關冀大
榮卽密告門兵朱中林因而稟縣擒獲是冀大榮
指首要犯頗知大義竟當拔補把總實缺如不願
授職亦着給予把總頂帶榮身再優加賞資門兵
朱中林得信後卽密報該縣立時擒獲頗屬能事
亦著拔補把總以示獎勵知縣廖寅昨已起程知
府賞戴花翎知府周幾或僅據該縣所報轉稟仰
會督同拿獲者吳熊光據實查奏俟朕酌量加恩
十九日已姜晟奏言臣於初二日自襄陽起程

欽定剿平三省邪匪方略

正編卷一九一

接據孫清元等稟報二十六日帶兵行抵分水嶺適遇埋伏馬步賊匪千餘人突行衝出該鎮等督率將弁兵勇奮力擊敗追殺二十餘里斃賊二百數十人餘匪四散逃竄隨差探該匪大隊已由唐家坪奔竄竹山縣屬之吉陽關正係恰好機會定於二十七日星馳繞前截剿臣初

五日行次穀城縣之石花街據前途探報初二日有賊匪一股折回鄖縣紅石河一帶焚燒初三日賊探至均州之白浪道路便阻臣即在穀城暫行停頓旋據鄖陽府鄖縣先後稟報初二日賊匪前股竄至鄖縣花果園適有湖南沅州協副將佛寧等經倭什布派帶兵丁五百名前赴明亮軍營遇賊接仗初四日後股賊眾繼至眾寡不敵該協力戰陣亡兵丁多有傷亡初五

六等日賊匪竄至均州白浪草店周府菴等處四散滋擾又據穀城縣探報該縣石花街西北已有賊探遊奕又接孫清元等初三日來稟據稱二十八日追至吉陽關探得賊匪竄往大小文峪河係出楚入陝捷徑二十九日追赴楊家牌樓賊已竄入陝省白河縣境初一日擬抄赴陝境大營盤一路截剿行至秦家坪適遇明亮統師由房縣繞道到彼當飭該鎮出境躡剿各等情臣查孫清元等躡剿賊股據稱已入陝境稟內並不知後路尚有餘匪鄖縣均州等稟報楚境賊數多寡不一其自何處折回之處亦尙未詳悉指實但賊既東西分竄明亮等一經聞知諒無統兵全行出境追擊不顧後路之理現在附近各營並無官兵可調臣自初五初十

一等日三次飛奏明亮分兵剿辦一面嚴飭那均穀城房保南漳各州縣原集義練各勇在於本境相機堵截互相守望使賊匪不敢肆竄以待大兵躡擊奏入

上命軍機大臣傳諭明亮日前此明亮由孫家灣追剿時遲走四日及趕至房縣賊匪早已西竄而明亮轉稱孫清元德昌行走落後希冀誘過他人此

欽定剿平三省邪匪方略

卷十九

次賊匪分股奔竄明亮自宜緊躡賊蹤痛加殲戮何以當追捕喫緊之際復紆回繞道又致賊眾肆行奔突可見帶兵打仗全不認真惟擇一無賊處所行走而以迎頭繞赴為詞掩飾其咎此種蒼滑伎倆實難逃朕洞鑒明亮係本省總兵原應與總督隨時關照聲息相通俾姜晟知何處緊要即可預為佈置剿堵兩有神益今總兵孫清元於賊匪

情形節次具報姜晟而明亮接到姜晟三次咨會竟置之不答殊屬非是從前領兵各員與地方官心存畛域最為惡習豈明亮不欲成功必欲自趨絕地耶現在明亮已令孫清元赴陝追剿而明亮在何處剿捕首逆徐添德究在何股賊內或已同竄出境抑或仍在均穀一帶滋擾尚未據明亮具奏且明亮所帶均係粵東粵西生力兵丁又有索倫馬隊更可供其馳擊所剿之賊亦祇徐添德一股乃避賊繞道縱令東西分竄看來明亮惟以老臣宿將自居並不認真出力伊受朕恩之日尙滋而受

欽定剿平三省邪匪方略

卷十九

皇考厚恩多年若如此貽誤國事朕豈肯尙從曲貸稍事姑容稟之慎之

上又命軍機大臣傳諭姜晟曰明亮節次奏到楚省

賊匪情形皆言賊勢已衰不難剋期辦竣而姜晟奏報之摺亦屢稱兵精賊少辦理似有把握未免輕聽明亮之言今賊匪竄回均穀一帶勢尚猖獗該督在襄陽一帶與軍營相距不遠何以於該處賊情亦未能探聽切實姜晟着傳旨申飭現在續調吉林黑龍江勁兵一千五百名合之餘丁不下二千名已令長齡帶領徑赴楚省剿賊姜晟不妨揚言現調索倫兵三四千名並有巴圖魯侍衛章京等多人帶領前進俾賊匪聞風震懾至姜晟三次飛咨明亮分兵剿辦總未得明亮回信一節該督雖未顯為叅劾而已隱躍其詞但明亮果實有繞道避賊貽誤軍務之事姜晟自當據實叅奏方為公正況姜晟係屬文員不能領兵打仗若明亮再有遲延在賊匪向東奔竄擾及完善地方又將

如何辦理姜晟接到此旨務將明亮如何繞道避賊及種種逗遛玩誤之處據實查奏不可稍有迴護或明亮此次繞道房縣本期抄往賊前並非故為迂緩尚無縱賊情事祇係未經具報總督較之擁兵縱賊情罪尚輕亦着姜晟據實具奏至吉林黑龍江勁旅乘騎馬匹前已令直隸備馬八百匹解赴河南今又令吳熊光在豫備馬七百匹恐尚不敷用着姜晟檄調荆州現存官馬五百匹移赴襄陽喂養以資到楚騎用再竄入陝省白河境內之賊及分股折回均州者兩處賊匪共有若干首逆徐添德係在何股賊匪之內明亮此時究在何處曾否分兵顧及均州一帶如續得地方官稟報及明亮回信俱着詳細奏聞所有遇賊打仗陣亡之沅州協副將佛寧着咨部賜卹

同日吳熊光奏言竊照寶豐邳縣匪徒經馬慧裕在翟家集剿散後有潰匪二百餘人竄往彭山_臣當卽馳赴魯山一帶佈置追捕查魯山西南與南召內鄉嵩縣接壤該處層崗疊嶂與伏牛山在在可通是以密飭附近各屬分布壯勇先於西南入山後隘口把守並於魯嵩交界之過風樓設伏一面派令署守備左傳文帶兵抄赴南召內鄉一帶西南要路遙爲攔截南陽府知府周璣南召縣知縣葉灼團集義勇嚴守南路令遊擊達爾扎帶兵從裕州拐河自東而西守備吳雙奇魯山縣知縣吳昭分領兵勇由西北紫兜_臣督領都司楊景芬帶兵由東北前進並密飭各路層層進逼使兵勇奏合方可倍力攻擊連日探報該匪在葛山莊老黎溝張山嶺

黃水河交口張良店康家莊等處焚掠沿途裹脇又聚有五百餘人幸各處市鎮俱有鄉勇堵截又聞知官兵四路兜抄該匪不能逃遁折竄總在魯山南召交界百數十里之內至十三日計筭各路兵勇俱可奏合是日探得該匪分爲兩股在下陽四科樹地方屯聚_臣督率都司楊景芬帶兵趕赴下陽時已將暮該匪一見官兵竟敢上前抗拒我兵施放連環礮斃數十人賊卽狂奔其時守備吳雙奇知縣吳昭等適帶兵勇將四科樹分股之賊剿敗追趕前來賊合兩股向南而遁兵勇乘勢窮追該匪竄至米兒溝奔上山梁_臣卽令官兵暫爲歇息四面嚴探路徑十四日黎明遊擊達爾扎亦帶兵趕到_臣卽令楊景芬吳雙奇由山北分路而上_臣並令官

兵等揚言如能拋棄鎗矛下山投降尚可貸其一死該匪公然羣聚吶喊拾石擲擊內有一人子執小紅旗指揮眾賊楊景芬首先搶上山梁將此賊方時砍倒各兵一擁而上賊匪不能抵敵紛紛向南奔下適遇達爾扎所帶之兵益形慌亂各路兵勇分投追截斃賊三百餘人生擒七十二名餘匪四散奔竄該員弁等俱能奮勇

四處搜剿又殲擒一百餘人竟無一名漏網官兵無一人損失有受傷者七人現飭加意調治訊據拿獲活口僉供賊匪由翟家寨竄出時約共三百人原欲由米兒溝樹鼓樓竄入西山到內鄉浙川等處糾約同教再回內地搶掠不料被兵勇截住無由遠竄連日途次焚搶係薛唐楊士全為首楊士全就為首竄此次官兵搶上

山梁時已將伊殺斃當令指認即係手執小旗之人業經臬示現飭隨營各員逐加研訊追究翟家寨逃出之馬得良蘇法簡等下落實係從賊為逆者概予駢誅如係脇從之人分別遞籍安插奪獲刀矛騾馬分賞鄉勇除出力兵勇與藩司等酌量捐賞外都司楊景芬守備吳雙奇知縣吳昭均屬奮勇認真其餘出力員弁及

義勇頭目容臣查明一併另行奏請

加恩現在遷避民人漸已回歸復業其被擾村莊臣督飭地方官妥為撫卹民心俱已安靜再陝匪西竄入甘聞額勒登保大兵尚在東面自可無虞回竄惟連日接據探報湖北賊匪又復折回已竄至均州之東臣已飭臬司完顏岱等督率兵勇嚴密防守此次奉調吉林黑龍江官兵

聖朝聖德編卷五

五

聖朝聖德編卷五

五

似應請

旨令其赴楚進剿以期迅速成功至所需馬匹已蒙

勅令直督督撫各辦五百匹臣現已飛飭軍需局趕

緊籌辦以備協濟臣在魯山料理一二日即當

馳往鄧州老河口一帶嚴守西路奏入

上命軍機大臣傳諭吳熊光曰寶豐匪徒起事時吳

熊光在盧氏防堵道路較遠是以未能先期趕往

聖祖聖訓卷之

奏

今一經到彼即將餘匪辦淨寔爲安速本日據美

晟奏報賊匪折回鄖縣紅石河花果園一帶並竄

至穀城均州等處已諭令長齡將所帶吉林黑龍

江兵即徑赴湖北剿賊吳熊光所奏適與朕旨脗

合可嘉之至此項勁旅其頭起已於本日自京起

程前令直隸挑馬二百匹解往河南但計用馬匹

較多約需二千之數現已諭令姜晟於荊州挑備

五百匹吳熊光先經飭局籌辦五百匹者再預備

二百匹即派委委員將所備馬匹於湖北河南交

界地方妥爲餵養以備官兵到彼乘騎該撫務須

預飭沿途各州縣將一應供頓車輛等項妥爲預

備並催令官兵迅速行走赴楚協剿此時寶豐潰

匪俱已剿淨而湖北賊匪已分股北竄均州穀城

一帶距江岸不遠秋深水落尤應加意防守以遏

聖祖聖訓卷之

奏

賊匪分竄之路至陝匪離豫雖遠但恐被剿緊急

仍折回商雒一帶亦不可稍存大意吳熊光於查

看老河口江防後即在適中之地駐劄兼顧西南

兩面並分飭常林田永桐完顏岱等嚴密巡防勿

稍疎懈再現據獲犯供稱賊匪欲竄入西山到內

鄉浙川等處糾約同教等語內鄉浙川一帶多有

傳習教匪之人從前雖經懲辦而根株未盡吳熊

光務須留心查察倘稍有蠢動即當立時撲滅若相安無事斷不可稍露聲色轉致驚擾至向來州縣失察竊盜等案例有處分今寶豐縣匪徒聚眾滋事竟有鎗礮刀矛旗幟馬有三百匹之多自係蓄謀已久斷非臨時猝辦該地方官平日漫無覺察及該管府道巡撫兩司均難辭咎吳熊光摺內何以全未提及著該撫將該縣教匪係何時蓄謀鎗礮馬匹等項係從何處得來查明失察各員據實參奏即吳熊光亦當自請處分不可稍涉含混統俟奏到時候朕另降諭旨

製書館鑄書局編卷五

天

上諭內閣曰寶郊匪徒前經官兵剿殺後尚有潰匪竄往彭山吳熊光督率將弁兵勇四面佈置分投追截殲戮賊匪三百餘名生擒七十二名四處搜剿又破擒一百餘名賊匪無一名漏網官兵無一

人損失吳熊光調度合宜將士用命於數日內即將竄敗餘匪殲除淨盡所辦甚屬可嘉吳熊光著交部從優議敘都司楊景芬首先搶上山梁將執旗指揮之賊立時砍倒各兵得以一擁齊上尤為奮勇楊景芬著以遊擊陞用先換陞銜頂戴如未有花翎並著賞戴花翎以示獎勵此次搜捕潰匪兵丁甚為出力著各賞給一月錢糧至守備吳雙奇知縣吳昭及此次出力員弁兵勇著吳熊光一併查明具奏候朕酌量加恩其被賊竄擾之魯山南召等處應如何撫卹之處俟奏到時再降恩旨同日台布奏言現據王文雄來信知龍逆竄往四川太平縣之孫家壩已出陝境唐逆亦竄至界連川省之雞猴壩西鄉民人業經安堵惟楚匪逼近陝界桂明亮咨會青號徐添德等一股

由皮貨灘黃龍灘等處偷渡關入鄖縣向吉陽關前竄該處與陝省平利白河洵陽連界路逕紛歧處處可以闖入臣速派大員前往督率防堵臣查陝省此時文武大員惟有藩司溫承憲總兵慶溥現在平利一帶當即飛飭該司等分頭嚴密攔截勿令逸入至西面伍冉等逆經大兵節次截剿之後尙在陝境游奕是以額勒登保仍在隘口駐劄親督各鎮併力剿洗總兵札勒杭阿帶兵於沔畧適中之何家岩扎營探知賊匪分擾金池院派兵分路抄截以衆寡不敵該鎮被圍陣亡并害及叅將都司守備等員兵勇四散臣接據各縣稟報即擬星馳前往而鳳縣居民訛傳距城之五十里草灘溝又有賊匪竄出之信衆情惶惑不得不照常駐紮以鎮

人心一面飛咨岱森保就近派員前往收集潰兵並將札勒杭阿失事之信咨商經畧具奏而畧陽一帶亟須派撥接防一併咨商經畧調遣現准額勒登保派令副都統綸布春總兵九十帶兵至沔縣接防此時西鄉賊氛稍遠王文雄兵力可以暫時騰出亦經經畧檄令星夜來南鄭沔縣協勦堵遏緊關平原臣亦於發摺後馳赴漢中相機籌應經畧大管糧石飭令陝安道朱勳會同鳳翔府知府崇祿督飭鳳寶等縣源源運供不致有誤台布又奏言查目前賊情愈形狡滑必須添兵方足以資防勦計自五月底原任總兵長春於兩河口打仗至晚休息賊匪於三鼓潛撲營盤兵勇多有傷亡長春亦被圍裹直至五鼓經防

堵滴水崖守備達生潮帶兵前來救應賊眾始散六月十八日長麟與賊打仗亦於夜間被賊攻營原任將軍富成力戰陣亡官兵損失甚眾嗣後提督定任鍋帳騾馬全行被劫楊遇春紮營三岔河口賊亦夜撲營盤幸該提督早有準備不但並無損傷且多斬獲又經畧大營紮在隘口額勒登保因赴黃牛舖截剿大股賊匪亦竟直撲營盤經總兵慶成率領將備帶兵迎擊適額勒登保正自黃牛舖回營兩面追趕賊始竄逸總兵札勒杭阿在何家岩紮營因賊匪竄至畧陽之金池院先後分撥兵勇分路抄截眾寡不敵都司李生瑞先行遇害札勒杭阿於瞭馬臺被圍陣亡此外尚有叅將一員守備一員同時被害皆四十日內之事從前賊匪遇見官

兵惟有逃遁不敢接仗且聞經畧大營所在繞道免脫今膽敢逞其詭計竟似窺破兵少而疲臣前晤額勒登保窺其意指不肯添兵蓋深知新兵之無用餉項之絀乏惟欲就現有之兵儘力辦去臣目擊光景若仍照此辦法剿捕恐未必迅速且此時兵力祇有楊遇春穆克登布札克塔爾等所帶尚屬健壯卽額勒登保處留看老營者亦不能一律勇健此外各路可想而知一聞賊至其氣先餒但能自守或將賊轟遠焉能將賊剿淨臣受恩深重實不忍安於緘默奏入上命軍機大臣傳諭台布曰台布奏歷次賊匪在陝滋擾欲請添兵一摺所稱富成力戰陣亡及楊遇春營盤被賊攻撲並額勒登保前赴黃牛舖時賊

聖朝新編彙編卷五

三

聖朝新編彙編卷五

三

匪潛撲隘口營盤經慶成帶兵迎擊各情形早經
額勒登保長麟等奏過卽札勒杭阿陣亡一節額
勒登保亦曾奏及俟查明奏到時自當照例賜恤
其所稱從前賊匪遇見官兵不敢接仗此時膽敢
逞其詭計竟似窺破兵少力疲之語此種情節朕
早已稔知是以凡遇軍營奏報有言及賊勢窮蹙
者屢經降旨飭諭至再至三至陝省果應添兵剿
賊自有經畧在彼壽書台布係屬巡撫專辦者禦
之事何庸伊代爲奏請且據稱前晤額勒登保窺
其意指不肯添兵係深知新兵無用餉項缺乏等
語經畧既知新兵無用台布寧不知之該撫究竟
欲添調何處之兵方能得力若仍添調新兵目下
陝甘堵剿兵丁合計三萬有餘爲數不少更可無
須添調且台布前議增兵必須一萬有餘卽使如

數調往亦屬緩不濟急台布不過見札勒杭阿陣
亡心存匪怯又恐賊匪由甘省折回前奏所設西
南一帶卡隘不能堵截故先爲此奏預占地步如
賊匪衝破卡隘台布卽可以兵單不能防禦藉口
卸罪殊不知各省添調官兵遠赴陝省正需時日
若各卡隘防堵不力賊匪設或衝入必立將台布
治罪卽添調之兵趕到亦已無及況剿賊機宜全
在領兵將弁夾機制勝卽如賊匪前次攻撲各路
營盤惟楊遇春早有准備轉獲勝仗而富成札勒
杭阿竟至被賊戕害是行軍勝負全係將領之才
與不才不在兵之多寡楊遇春等卽其明證台布
惟有遵照節降諭旨督率分防卡隘各文武實力
堵守勿使賊匪一名闖入卽屬無過有功毋庸輕
總過慮也至龍紹周唐大信二逆雖經王文雄擊

退竄出陝境但川境有德楞泰等大兵在彼聲勢
 壯盛該二逆必不敢竄往若被川省官兵截剿緊
 急又探知王文雄已赴南鄭沔縣一帶必思仍回
 西鄉是該處防守事宜甚關緊要此則台布專責
 務須督飭各卡嚴密堵禦若任龍唐二逆越過卡
 隘惟台布是問再台布一聞札勒杭阿陣亡之信
 卽欲馳往又因鳳縣訛傳有賊匪竄出仍在彼駐
 紮是台布先已氣餒何怪茫無定見乎此股竄近
 畧陽之賊係何賊首額勒登保所派綸布春九十
 帶兵前至沔縣是否接辦此股竄匪並著查明覆
 奏該撫已飛飭溫承惠慶溥分投攔截所辦尙是
 台布仍應嚴飭該鎮道等上緊截剿能於陝境將
 徐添德殲擒不令復行折竄方爲妥善此股竄匪
 徐添德是否在内卽着查明速奏

聖朝聖編卷五十一
 美

欽定剿平三省邪匪方略正編卷一百九十二年
 七月二十日庚子倭什布奏言竊青號賊匪竄赴
 鄖縣總兵孫清元等緊躡追剿明亮從房縣抄
 截嗣據孫清元等先後稟報六月二十六日追
 至鄖縣分水嶺適遇賊匪埋伏衝突經該鎮等
 督兵迎擊追殺二十餘里斃賊二百餘名賊匪
 四散狂奔二十九日由文峪河竄往陝省白河
 縣境內該鎮等擬卽抄赴陝省大營盤一路迎
 剿行至秦家坪適遇明亮繞道到彼當令該鎮
 等隨同出境追剿據各路稟報賊匪竄至白河
 縣後因官兵抄前截剿仍由鄖縣鮑家店黃龍
 灘花果園一帶回竄現在擾及均州之白浪周
 府庵暨穀城新店河七坪等處並據鄖縣稟報
 初三日副將佛寧帶領官兵行至花果園遇賊

聖朝聖編卷五十一

接仗斃賊二三百名初四日賊竄大隊繼至衆寡不敵該協力戰陣亡將弁兵丁多有傷亡臣

查前因賊匪由荆門西竄襄郡兵守空虛當派

佛寧等帶兵七百餘名暫駐防守嗣因賊匪從

南漳前竄襄郡無虞復令該協帶領弁兵仍赴

明亮軍營協剿時值明亮行抵房縣該縣兵守

亦單隨又札飭該協馳往房縣防堵不意行至

刑平看雙鳳編卷三

二

花果園遇賊接仗陣亡其傷亡將弁臣現在確

查另行奏報准是賊匪既經折竄明亮等自必

帶兵回剿賊緣道路阻塞尙未知其由何路前

來此時附近各營汛守空虛無兵可調而各屬

秋成豐稔稻禾現屆登場斷不可再任賊匪蹂

掠且均穀襄宜一帶處處瀕臨漢江更宜嚴防

窺伺查襄郡存城兵丁不及三百名現在撥出

二百二十名派署襄陽右營遊擊蔡廷標管領

攜帶鎗礮乘坐船隻於沿江上下跟蹤迎截並

飛飭各地方官將南岸船隻概行提禁并於北

岸厚集義勇節節防守以免賊匪乘間竄越至

襄郡所剩之兵止有一百數十名臣現督襄陽

府張瑤趕募健勇一千五百名以五百名派張

瑤帶領協同城守遊擊馬建紀防守城池以一

刑平看雙鳳編卷三

三

千名飭交在襄養傷已痊之叅將朱士奉帶領

會同都司宋古典於城外扼要之武功山紮營

堵截並令多集義勇分布各要隘協力守助以

壯聲威臣仍往來郡城內外督飭嚴防如遇賊

匪竄近卽當率同將弁兵勇悉力遏絕一面飛

咨明亮迅速帶兵回剿以期兩面夾攻

倭什布又奏言臣欽奉

上諭守備修永宏於楊開甲闖入鄆西時因打仗受傷當經鄉民救出並未陣亡何以彼時並未據實稟報如查有臨陣退避情事一面將伊革職等因一面奏明按律治罪等因^臣等當即飭委鄆陽府知府王正常代辦鄆陽協副將郭廷樞查驗修永宏所受傷痕切實根究茲據郭廷樞等稟稱查驗該員右手腕有鎗子傷一處右乳旁有矛傷一處尙未平復左後脇左腳踝俱有跌撞傷痕左腳踝骨損訊據供稱該員帶領兵勇五百餘名在鄆西蒿坪埡堵禦閏四月初六日楊開甲大股賊匪連次撲卡該員率同兵勇奮力衝殺因賊勢甚衆兵勇多有傷亡該員被賊鎗傷右手腕又被一賊用矛戳傷右乳旁即墜馬滾落崖下溝內跌傷左後脇左腳踝損骨當時昏

暈至半夜甦醒不能行動初七日早有鄉民王東海在山上行過詢知情由將該員背至山上小廟內邀同過路之人抬赴夾河關延醫診治稍痊卽遣人通知外委陳傑代爲轉報等語隨傳鄉民王東海到郡訊與修永宏所供符合委無違循別故^臣查該員前因協同官兵剿滅齊姚二逆由把總仰蒙
 聖恩以守備擢用嗣經派防鄆西邊卡尙知感激奮勉此次因賊衆兵單該員受傷墮崖以致卡隘失守尙非堵禦不力可否仍令趕緊醫痊速赴邊卡防守之處出自
 皇上天恩再千總銜首領侯建業屢次帶勇剿賊無不奮勉爭先頗著勞績本年四月內在七里溝剿賊首先衝入賊隊連殺十餘人身帶重傷經

臣賞給銀兩飭令醫治茲據竹山縣范繼昌稟報侯建業受傷深重醫治不效於閏四月初二日因傷身故可否卽照實缺千總例賜恤之處恭候

訓示奏入

上命軍機大臣傳諭倭什布曰據奏孫清元追剿賊匪及副將佛寧在花果園殺賊陣亡各情節與昨

欽定剿平三省邪匪方略

六

日姜晟所奏相同惟據姜晟奏孫清元赴陝截剿行至秦家坪適遇明亮帶兵由房縣繞道到彼當飭該鎮出境躡剿是明亮尙留楚境而倭什布則稱明亮到秦家坪後令該鎮等隨同出境追擊又似明亮與孫清元俱已入陝截剿與姜晟奏報不同再昨據姜晟奏稱賊匪分股奔竄一則竄入白河一則折回鄖縣係屬東西分竄今倭什布摺內

祇稱賊匪竄入白河後經官兵抄截仍由鄖縣回竄均州亦與姜晟奏報稍異是否竄近白河之賊俱經官兵截回抑係尙有分竄白河一股並未聲明晰且稱賊匪既經折竄明亮等自必帶兵回剿尙未知其由何路前來等語明亮係帶兵大員况祇此一路官兵豈有本省督撫竟不知明亮在何處之理若云道路阻塞未得確信則倭什布所

欽定剿平三省邪匪方略

七

接孫清元節次稟報又何以能先後遞到並無阻滯且該督撫等既未知明亮現在何處其所稱飛咨明亮之語又遞往何處行軍要務全在聲息相通若彼此各不相問何以集事且據姜晟奏於初五初十十一等日三次飛咨明亮分兵剿辦總未得明亮回信今倭什布又飛咨明亮迅速帶兵回剿並先經朕兩次嚴催而明亮一味因循觀望不

知在何處停待藏匿故態復萌實為可恨著倭什

布詳查明亮此次繞道房縣抄截其行走道路是

否實係繞至賊前抑係從旁紆繞擇一無賊處所

遷延躲避惟以繞道抄截為詞若明亮竟係避賊

不前有心玩縱倭什布即當據實奏不得稍存

迴護明亮本係宿將如因患病遲留或實係紆道

抄赴賊前則其情尚有可原若竟有心畏避貽誤

聖訓 卷八

軍務則由彼自作孽亦斷不因伊係老於行陣稍

從寬貸至倭什布於明亮到後或前赴巴東督防

或仍會同剿辦之處自應察看情形相機酌辦再

守備修永宏於前此賊匪闖入鄖西時實因賊眾

兵單受傷墮崖尚非堵禦不力自應免其參究仍

令趕緊醫治如因傷身故即咨部照陣亡例議卹

義自侯建業帶勇殺賊傷重身故著照實缺千總

傷亡例咨部賜卹

二十二日 寅

上命軍機大臣傳諭額勒登保德楞額泰明亮陝甘四

川湖北各督撫曰川陝等省剿辦賊匪已閱五年

前後所調征兵不下十萬賊匪總未剿竣本日召

見廣興據奏四川一省計征防各兵約共有六萬

餘今德楞額等一路祇有征兵一萬餘名勒保原

聖訓 卷九

帶兵一萬有餘撥給阿哈保六千名帶領前往甘

肅剿賊外祇帶征兵四千餘名此外兵丁四萬餘

名則俱在川東川北曾經被賊各州縣留駐防守

每處自數百名至一二千名不等即如開縣地方

從前明興曾帶滿洲兵五百名在彼防守明興

早經離彼北頂滿兵尚在該處駐紮大寧一縣亦

留兵甚多如川東地方接近楚陝各州縣自不能

不酌派官弁駐守其餘各州縣並非緊要該地方官等每藉防守為詞輒於征兵經過時向帶兵大員懇請留彼駐守此等兵丁遇賊並不出城打仗留駐日久甚至將帳房弓箭衣履等項俱行賣去且各處州縣本有鄉勇防守平日均有分例又何須再留兵丁况滿兵每月應關錢糧較之綠營兵更多該兵丁等安坐城中虛糜餉項而各處征兵甚少勞動倍常其得項亦與守兵相等聞陝楚情形亦復相同似應將各該州縣守城兵丁調赴軍營剿賊以裨實用等語前據德楞額奏保奏川省現有征防各共統計滿漢屯土共二萬八千九百餘名其中防兵多於征兵而征兵逐日移營多有病傷者自上年兩次查辦後今又隨處留養日積日多痊愈歸伍者不過十之二三已令全赴達州

聖鑒事 聖鑒事 聖鑒事 十

分別去留是川省征防各兵共止二萬八千餘名而廣興則奏稱約有六萬何以彼此懸殊至數萬餘名之多殊不可解是否各州縣有冒銷情弊廣興係辦理糧餉之人各路應支分例皆由伊查核按各給發所言自非無據軍營剿賊全在一兵得一兵之用若如廣興所奏則節次所調官兵俱經州縣紛紛懇留守城又何怪軍營日形兵少况此等留駐之兵安坐城中見賊不出甚至器械等項俱行變賣即遇有賊匪亦豈能徒手接仗其所需錢糧仍舊按名給領以有定之經費養此無用之兵丁既虛糜無數帑金而出力征兵得項不能有加彼此相形苦樂不均孰肯用命况各州縣防守本有雇募鄉勇何以復須留駐多兵似此無端花費惟以餉項不敷為言是伊等竟安心玩愒必欲

聖鑒事 聖鑒事 聖鑒事 十一

將國家帑項消耗淨盡而後快於心且各路軍營傷病無用兵丁節經降旨飭令大加裁減而奏報撤令歸伍者仍屬寥寥何不將州縣懇留守城兵丁挑出奮勇者調赴剿賊其實係傷病無用者撤令歸伍所節省之錢糧不又可勻出以資出力征兵之用乎此等積弊川省係廣興所目擊而陝楚二省亦據三大畧相同著德楞泰勒保即將川省征防各兵實在為數若干何以與廣興所奏互異及現在隨征兵丁何路有若干各州縣防守兵丁何處留防若干詳細開單並應如何分別酌留餘俱挑赴軍營剿賊之處據實具奏並令額勒登保明亮及陝楚各督撫等一體查明辦理以節糜費而壯兵力無稍因循迴護也

二十三日癸卯額勒登保奏言臣前於隘口等處

聖訓寶笈卷五

十三

督兵剿辦該匪伍金柱冉學勝張世龍並馬五張添倫等既經先後攬集一處且周姓陳傑二股前經被剿伏匪亦翻山越嶺自西竄來並據阿哈保等呈報該副都統等先於初三日在柏陽林一帶追及伍金柱等分股二千餘人隨帶同百祥並侍衛墨爾歡保副將唐朝臣等在東岔河奮力追殺二十餘里殺賊一百三十餘名生擒一百二名並奪獲騾馬器械亦多探得餘匪等亦仍奔伍金柱等合夥臣查賊匪均在棧道之西其意總思衝出棧道幸札克塔爾楊遇春格布舍穆克登布及阿哈保各路趕剿並臣所帶之兵於隘口預扼賊前而太渠地方又有恒瑞在彼防守嚴密賊匪不能復折向南面逃遁是以惟在東北面一帶衝突而此處如興家

聖訓寶笈卷五

十三

山五嶺子桃花坪仙坪等處乃係寶雞鳳縣兩
 當交界處所綿長約三百餘里深入五六十里
 八九十里不等詢之土人該一帶並無大路懸
 崖陡壁之處甚多此內亦有窮民在彼搭蓋樹
 皮窩舍居住種包穀苦蕎并時有採木耳之人
 往來馬匹斷不能行走出此老林後係徽兩所
 管臣遂傳令各路官兵晝夜嚴防若使一名賊
 匪逸出卽治以縱賊之罪一面督兵截剿十一
 十二十三等日忽晴忽雨賊匪竟敢隨時窺伺
 經各路官兵先後截擊每處每日均有擒斬或
 一二百人或二三百人少亦五六十人除附近
 被裹之人俱經釋放外其餘概行誅戮無如該
 匪等一經追殺輒分遁迤西老山山勢層疊絕
 無路徑賊匪將所帶馬騾驢頭在山脚山腰截

剿平三省邪匪方略 正編卷一九二
 古

死樹林森密巖壁陡削官兵亦實不能全隊而
 進臣分飭各路將領或帶兵四五百名或二三百
 名分投攜帶乾糧前進更番搜捕臣每日親往
 附近老林扼要之處帶兵駐劄十四十五兩日
 兵丁在林內砍殺割獻耳記外各路據報擒獲
 共有六百餘人其中亦有難民均卽安釋並擊
 獲賊目及探馬頭王作斌陳彥起黃正年王自
 雲張成山等五名詳加嚴訊據供伍金柱冉學
 勝陳傑等昨在林中聚集伍金柱說甘肅地方
 無處擄食衆人又怕寒冷都不情願我原要搶
 過棧東從平地直往河南乃棧道堵截嚴密滑
 河又不能過去招集衆人只好分股盡力衝出
 棧道或仍向南寬大處所今牲口俱無只可翻
 出老林再作計較令我等老教各將所管之人

剿平三省邪匪方略 正編卷一九二
 古

收管無如多半散失連日被追跌死自相踐踏
及自縊而死者不少等語即行凌遲處死臣查

賊供雖不足盡信而其牲口不能入山屬實且

官兵連次截殺搜捕之人統計不下二千餘眾

而搜捕之人回稱隨處溝坎實有滾跌并自縊

而死者其勢既孤其情自餒然逃出老林之後

若一經遠竄又必漸就鳴張應即乘勝趕剿而

大製清聖廟卷第肆

此一帶五六十里之內現無賊蹤大勢已向西

趨臣即令阿哈保穆克登布桑吉斯塔爾等兩

路會集由夜牛關三分至駱駝巷高橋一帶而

進又派札克塔爾楊遇春格布舍帶兵由黃牛

舖瓦房壩兩當向東迎頭截剿臣親督慶成等

帶領官兵由中路取道大渠太陽寺太白壩一

帶繞過老山徑趨嶽縣地界期於前途會剿並

知會長麟等由西北之秦州禮縣一帶將賊逼

向東南又因長麟處祇有總兵觀祥及藩司廣

厚尚恐不足以資帶兵近日沂隴地方已不甚

緊要臣飭令提督定住率領和興額將原帶官

兵馳往長麟一路剿辦並據長麟來信所有補

額之兵均經來營留八百餘名在鞏昌駐守其

餘已撥有一千三百餘名前往三分交關騰堵

大製清聖廟卷第肆

截渭江南北岸雖係新兵亦可藉以防守臣又

飭知臬司王文湧照舊分派兵勇在沂隴寶雞

直接渭河南岸與關騰分卡堵禦並與恒瑞所

安楊家河仙坪各卡隘聲氣聯絡仍防賊之折

竄至前據沔縣稟報賊匪衝突有札勒杭阿不

知下落之事當經分飭確查旋據各處稟報衝

出賊匪係高戴二姓之賊約有若干札勒杭阿

本在何家崖劄營防堵六月二十九日聞畧陽所屬之金池院一帶已有賊匪該鎮遂帶叅將廣音額都司李生瑞守備楊開第並都司張聯奎富森布等分帶兵勇自三四百名至一二百名連夜出擊初一日黎明於良馬臺木瓜橋遇賊札勒杭阿率領廣音額李生瑞楊開第分路直前趕剿賊匪恃其兇悍徑撲官兵互有殺傷嗣因賊匪愈集愈多兵勇多有被害札勒杭阿與廣音額李生瑞楊開第陣亡維時都司張聯奎富森布在接官亭麻柳鋪一帶堵賊每人所帶兵勇亦只有一二百名故不能前往救援賊匪到處衝突兵勇共傷至二百餘名其後張聯奎富森布將所帶兵勇撤至沔縣並收集餘兵有把總張祚威將河州鎮總兵印信一夥搶出

暫存縣庫_臣以該處情形緊急當派綸布春九千帶兵一千餘名趕緊前往堵剿旋據岱森保報稱該副都統於長寨得信時親領官兵赴沔縣一帶截擊在大安驛遇有騎馬賊探立即射死一人賊匪知有官兵亡命折向南去岱森保即派馬隊數十名跟追十餘里外所帶兵勇只數百名不能窮追又恐賊匪繞出長寨岱森保將札勒杭阿原帶衝散官兵命於沔縣暫行分駐岱森保仍即趕回長寨防堵而此股賊匪竟趨漢江南岸之柳林鋪一帶適王文雄因所剿西鄉之賊已經敗竄入川聞南鄭有賊即從西鄉堰口一帶帶兵趕來沿江一帶攔截賊匪即向黃官嶺入西鄉司渡河渭河等處南奔近並據沔縣稟報又有後股賊匪從畧陽之木瓜橋

跟蹤而來臣 算計此股或係顏勝可魏棒棒或
 係辛聰宋麻子等尙未查確并計所派之給布
 春九十等日內已至沔縣該縣自可無虞而南
 鄭一帶既有王文雄攔截台布亦由鳳縣趕往
 自與岱森保嚴備廣東兵一千五百名又可卽
 抵漢中聲威益壯賊匪等不能過江亦斷不能
 再行深入陝省腹地臣 刻下惟有將甘省現有
 之伍金柱等股賊匪合力上緊掃蕩後再行前
 往剿洗

同日王文雄奏言查此時西鄉唐龍等股逆匪
臣 帶領員弁兵勇於六月初六日在大祥壩十
 八日在魏家寨二十二日在黑山萬曲灣二十
 三日在火石壩二十六日在山王廟節次加緊
 截剿該匪等潰散分逃龍逆股匪於七月初二

日由荒池山逃竄川省太平之孫家壩唐逆股
 匪於七月初一日由平落逃竄太平之雞猴壩
 陝省西鄉境界肅清臣 卽於初六日帶兵前往
 南鄭一帶偵探賊蹤相機抄截初九日馳抵大
 路坪卽據探報甘省剿敗竄匪高二馬五戴家
 營三股合夥已由沔縣之阜川東竄元壩子向
 五郎口出柳林舖渡江臣 於已刻趕至七里溝向
 前攔截該匪未得到江邊搶渡仍折從元壩子
 入山晝夜奔逸臣 緊挨北面兜追十三日辰刻
 匪衆竄至西鄉堰口齊集窺伺縣城關廟當用
臣 鎗礮轟擊賊匪恃衆抗拒臣 奮力撲剿移時賊
 始潰亂翻山紛奔追殺三十餘里共斃賊百餘
 名生擒林德義等男婦八十餘名逃出難民三
 百餘名現在分別辦理隨探該匪復合竄白沔

峽勢趨茶鎮江岸經署西鄉令知州宋昌琿預
 派鄉勇防守但恐該匪由高川奔下石泉紫陽
 飛卽知會額勒亨額速行防備協剿再查葭州
 知州宋昌琿自軍興至今帶領鄉勇在平利白
 河紫陽西鄉叠次堵剿殺賊頗多洵有勞績平
 素官聲甚好愛民潔已才守兼優現在西鄉邊
 隘宋昌琿夙夜籌畫勸民立卡壘寨就近圍練
 防堵民心莫不欣從嗣復董率練勇度勢策應
 緣地方與川省大牙交錯延袤將及千里路徑
 歧雜宋昌琿節次幫同剿賊翻山越箐實屬不
 辭勞瘁至奮勇打仗員弁內除副將鮑貴都司
 景坤業蒙
 殊囑外都司楊光時哈國瓏守備王開吉馮貞林柱
 把總蔣奉書鄉勇首領陳永書任得勝楊謨伍

欽定剿平三省邪匪方略

正編卷一九二

欽定剿平三省邪匪方略 正編卷一九二

敏等數人隨臣最久堵剿逆匪辦理營務罔不
 竭盡心力此次大祥壩打仗尤能首先衝殺斃
 賊多名再糧員候補直隸州州判張金祐隨營
 辦理糧務二年有餘並無貽誤每逢進山剿賊
 倍加奮勉併會帶領夫役幫同截殺潰匪以上
 各員可否迎邀
 聖恩鼓勵再查首領陳永書已經前督臣松筠賞給
 六品頂戴應卽遵
 旨賞戴藍翎把總蔣奉書業蒙
 賞拔千總可否
 加恩賞戴藍翎外有首領廩生顧澍芝鄉勇任開遠
 周時此次叠剿竄逆均能奮勇向前可否並賜
 鼓勵之處均出自
 聖主洪慈均奏入

欽定剿平三省邪匪方略

正編卷一九二

一〇七

上命軍機大臣傳諭額勒登保曰額勒登保分派札克塔爾楊遇春等將伍金柱等各夥股匪分投追擊均有斬獲並將竄入老山賊匪陸續搜捕不下二千餘名現在賊匪大勢已向西趨不能逸出棧東所辦俱好但該匪在老林內四散逃逸該處樹林深密巖壁陡峭官兵不能全隊而進額勒登保分飭各路將領搜捕恐賊匪到處潛匿又如上年

聖

書

鬆懈至顏勝可魏棒棒辛聰宋麻子等股賊匪本係長麟廣厚在甘剿辦今已逼近沔縣又未見長麟廣厚帶兵截剿伊二人究在何處辦賊何以任聽該匪等竄近沔縣著額勒登保查明具奏又札勒杭阿等既據額勒登保查明賊匪竄至木瓜橋時該鎮等分路直前趕剿因賊多兵少力戰陣亡總兵札勒杭阿叅將廣音額都司李生瑞守備楊開第俱著咨部賜卹把總張祚威於札勒杭阿被賊時將總兵印信搶出尙屬可嘉著加恩遇有應陞缺出卽行奏補都司張聯奎富森布雖因兵少不能前往救援何以遽將兵勇撤至沔縣是否有退避情節抑或實係兵少不能往救並著查詢明確據實具奏再據王文雄奏葭州知州宋昌琿在

聖

書

西鄉邊隘團練防堵不辭勞瘁又都司楊光時哈

國瓏守備王開吉馮貞林杜鄉勇首領任得勝楊
模生員伍敏等奮勉堵禦此次大祥塌打仗尤能
斃賊多名請加恩鼓勵等語並著額勒登保查明
宋昌琿等是否認真出力之處據實具奏候朕另
降恩旨

上又命軍機大臣傳諭王文雄曰高二戴家營等股
賊匪經官兵在西鄉剿敗後竄至白沔峽勢趨江

聖祖聖孫編卷五

天

岸該提督自應認真剿辦截其去路且沔縣地方
現據額勒登保奏復有辛聰顏勝可魏棒棒等股
賊匪接踵而至自必與高戴等股合夥王文雄惟
當會同綸布春九十上緊截殺若能將賊匪卽在
該處殄滅固屬甚善否則亦趁勢攻逼寧可令其
入川斷不可任其竄過漢江或入南山老林致剿
捕費手爲要至龍紹周唐大信二股賊匪雖已竄

至川北但仍恐乘間折回王文雄應督令該處防
守官弁隨時留心堵截不可稍有疎懈至所保知
州宋昌琿都司楊光時等並未奏明實在勞績已
交額勒登保查奏俟奏到日再行酌量加恩

同日明亮奏言查徐添德等逆率領馬步大駭
賊衆闖入陝省邊界洵陽屬之大金河一帶奔
竄該匪復又分股遁入陝省之白河縣據該縣

聖祖聖孫編卷五

壬

知縣嚴一清稟報賊匪由柳家溝僻徑偷竄至
聖母山其星散餘匪已從馬流溝小路偷越至
左家坪一帶滋擾臣親率馬步官兵於初二
等日星夜兼程由桑家坪沈家營繞出賊前初
三日趕至陝省七里關每日行一百二三十里
不等僅帶馬兵四百名步兵趕止者不過六七
百人卽扼要攔住賊匪竄徑沿途林內搜出藏

匿哨探賊匪徐順昌等三十餘名又據營卡盤
 獲胡國才等十七名僉供徐添德大隊賊衆向
 在陳家莊溝內屯聚派伊弟徐三等帶領矛手
 三四百人分爲十數起到東西壩一帶掠糧白
 日藏匿包穀林內夜間潛出襲脅人民搜擄牲
 畜並不放火只探聽陝省邊境何處無官兵營
 卡卽報信與徐添德以便大隊衝過等語當將
 該犯等卽行正法臣 細查賊匪奔竄路徑北屬
 洵陽南達竹山西面卽通竹谿綿延數百里均
 與陝省毗連是以臣 一面飛飭竹山竹谿等縣
 集勇堵禦並派鎮臣孫清元德昌先行帶兵折
 回由插鼓臺花竹淀向竹山一帶探蹤迎剿適
 陝西臬司溫承惠派來首領王英等帶領練勇
 四千人趨至七里關該練勇等均極整齊精壯

足資堵禦卽同官兵將七里關扼截防堵是日
 晚間復據哨探報稱賊匪聞有大兵扼住入陝
 要路卽折回分股試探保豐希圖由二竹竄入
 平利臣 連夜帶兵趕回沈家營初四日溫承惠
 趕起來營告知離七里關六十餘里地名五條
 嶺最爲緊要且賊情詭詐往往指東向西不可
 不嚴加防備卽令溫承惠趕赴五條嶺督率練
 勇堵剿並照會鎮臣慶溥帶兵至偏頭山堵禦
 與溫承惠一路聲勢聯絡自不虞其闖入臣 卽
 於初五六等日由竹山之盧家壩直至陝省西
 河屬之關兒口初八日趕赴茅坪繞出竹山竹
 谿西北二面邊界迎截賊蹤該匪晝夜狂奔沿
 途搜獲哨探餘匪並放火矛手訊明均係川楚
 積賊隨卽概予駢誅初九日行抵藥樹壩接據

孫清元等稟報徐逆大夥賊匪仍由鮑家店至
頁龍灘於初三四兩日過河往房縣大木廠奔
竄其後股賊匪於初七日自小花果園逃過頁
龍灘歸併前竄查徐添德本係川匪恐其由房
縣之九道梁陰條嶺闖入四川大寧前次接據
房縣知縣李維本稟報川匪漸近大寧與該縣
陰條嶺一帶均係接壤因地方官團練鄉勇不
足深恃是以派參將曹星帶兵八百名前往該
縣堵禦猶恐兵力尙單臣隨即趕至吉陽關由
大木垵竹山等處連日兼程抄赴房縣兇剿若
川匪竄入即可堵禦楚匪竄出更可迎擊二者
均能兼顧途次接據竹山縣知縣范繼昌稟報
擊獲落後賊匪張得發等供稱官兵前次在分
水嶺打仗賊營內張元帥卽張允壽被馬兵用

箭枝射中馬亦被鄉勇搶去徐添德實畏馬兵
追殺想要回陝西四川躲避等語臣現在親率
馬步官兵三千卽由房縣保康抄出賊前迎圍
奔入川陝之路派總兵孫清元德昌參將吉林
泰帶領兵勇四千迅出房縣至穀城一帶躡蹤
追剿指日趕上痛接一二仗先將馬賊殲除則
步賊不難以次撲滅奏入

上命軍機大臣傳諭明亮曰前據姜晟倭什布奏楚
省竄匪分股竄近洵陽及折回均州明亮竟不知
在何處停待朕心實深慮切屢次降旨嚴飭本日
遞到奏報方以明亮抄赴賊前痛加剿殺乃閱摺
內情形雖將徐添德大股賊匪截回不令竄入陝
境然總未遇賊接仗惟知往來追趕每日饋行一
百二三十里徒疲兵力殊屬遲延明亮著傳旨申

飭伊自入夏以來四十餘日未曾打仗猶得以天氣暑熱雨水連綿為詞朕亦不復深究此時天色晴霽氣候涼爽更無可藉口明亮帶領馬隊及兩粵生力新兵正可趁徐添德大股賊匪折回歸併一處之時迅速剿辦毋得再有遲延昨因徐添德一股有竄至均州之信令長麟於十九日帶領吉林黑龍江勁兵一千五百名起程赴楚計到楚尚

聖朝實錄卷五

三

需時日若明亮能先期蕝事遞到捷音此項勁兵即可不必赴楚當飛咨長麟取道前往甘肅至經畧大營聽候調遣明亮祇須將粵東粵西官兵酌分川陝協剿伊仍在楚省與孫清元以防堵川匪為要前此徐添德即係川匪闖入楚省蔓延滋擾現在川東竄匪苟文明已竄至雲陽屬之露草壩接壤大寧與楚省之房縣歸巴處處可通亟應嚴

密防範明亮與孫清元更當實力堵禦不可稍有疎懈

聖朝實錄卷五

三

欽定剿平三省邪匪方略正編卷一百九十三

庚申年

七月二十四日甲辰德楞泰勒保奏言臣等前自

太平寨合兵之後一面通籌剿堵大局一面偵

探各路賊情知樊人傑張金連鮮大川苟文明

等股賊匪俱竄至梁山境內節據獲犯供稱各

首逆因嘉陵江東北均各集團築寨難以擄掠

官兵又追趕甚緊必欲搶渡過江所關匪細且

聖訓

四股會聚一處賊勢較重必須將此大夥併力

殲除是以抽撥官兵派令總兵許文謨馳赴合

州定遠西岸實力巡防臣等統領大隊直趨梁

墊分路兜剿六月二十九日該匪等正在圍攻

墊江縣城一聞兵至即亡命狂奔經前隊馬步

官兵趕上殺賊一百三四十名生擒歐汝權等

二十五名餘俱竄入隣水墊江長壽三交界之

深林內於層巒疊嶂中輾轉奔逃意在疲我兵

力臣等追趕兩日因不得地勢未能得手隨即

分兵於東北各隘口嚴密堵任並派令七十五

李紹祖馳赴隣水一路抄截初六日晚間探知

樊人傑一股先向隣水奔逸而苟文明鮮大川

張金連等齊向江北潛行臣等即漏夜督兵追

躡初八日至靜觀場拿獲落後賊匪及逃出難

聖訓

民僉稱苟文明等欲走今春渡江熟路由定遠

之石板沱搶船而過臣等思沿江一帶刻下防

守較嚴賊匪由此竄去正係絕好機會亟應分

路兜圍臣德楞泰督同賽冲阿温春總兵馬瑜

侍衛富僧德阿納保總管孫多保等帶馬步兵

勇由望水亞龍市鎮一路追趕前進臣勒保督

同阿穆勒塔色爾濟總兵薛大烈永寧侍衛花

品慶昌克西布塔什拉等帶馬步兵勇由草街子元口鎮一路沿江兜截初十日賊在小來溪白沙場一帶屯紮距臣等軍營均不過數十里當即彼此知會臣德楞泰緊躡追剿臣勒保抄出賊前均於三更發兵十一日巳刻臣德楞泰即督同賽冲阿等馬隊直搶右手山包殲戮甚多賊即奔潰而對面山包經將蒲尙佐達自祥帶步隊連搶數次俱未能即上臣德楞泰又同賽冲阿等復帶馬隊轉赴左邊賊見馬兵旋即潰逃我兵乘勝盡力追殺至余家場正值臣勒保督兵抄截前來將賊匪截成兩段斬獲多各前隊之賊亡命狂奔後隊之賊星散四竄隨酌派溫春薛大烈等帶領兵勇在後分投掩捕大半俱被殲獲臣等即親督馬步官兵併力追

躡直至岳池縣之新場地方時已昏黑是日追賊計行一百七十餘里前後斃賊一千二三百名生擒及投出男婦共有二千三百七十八名口將割獲首級今活賊指認知有偽總兵吳耀國並鮮大川之叔偽先鋒鮮文炳已被殺斃活賊內有大頭目苟文禮大掌櫃劉照崇總旗手張文元苟文經王綬旦等五名又久經從逆隨同殺人放火賊匪羅一虎等八百六十二名均各分別凌遲正法其被擄未久及自行投出各男婦李體仁楊戴氏等大小一千五百十一名口當即賞給口糧盤費并給與路票令其回籍安業其陝楚二省被脇民人均文岳池縣遞回原籍安插搶獲馬牛隻七百餘頭匹並衣食各物均分賞出力弁兵旗幟器械一千八百餘

件卽交地方官收貯酌賞各團勇備用現在餘
匪約計不過二千餘名已由白廟場一路奔竄
緣後路尙有打散逸匪於菁林中藏匿因卽公
同商酌臣德楞泰先卽帶兵緊追前竄之賊臣
勒保暫住一日督兵搜捕後路適據探報後路
飛龍場左邊大山內見有白旗兩面似有賊匪
藏匿臣勒保於十二日辰刻得信後當派薛大
烈侍衛花品塔什拉副將倭星額都司李德等
帶領馬步兵勇八百餘名馳往搜捕迨至飛龍
場查知有賊四五百名先已竄去我兵跟蹤追
躡七十餘里至余家場正值匪衆在彼造飯馬
步官兵分成三隊出其不意直前擒捕該匪等
立形慌亂我兵奮截斃賊三百餘名內有賊目
趙文舉生擒總旗手郭福萬及賊匪彭洪元等

一百十三名此起餘匪殲獲淨盡至七十五一
路官兵初六日割營隣水境內探得樊人傑一
股由七孔溪一帶竄來七十五卽於初七日五
鼓發兵迎擊黎明甫至復興寨卽見馬賊三四
百名步賊二三千人搖旗吶喊而來七十五商
令李紹祖守後當派副將張良槐等帶兵迎擊
騎馬賊匪副叅領武隆阿副總管傅森額遊擊
鄭啟貴都司閻俊烈等帶馬步兵勇由右手山
溝抄截七十五親督叅將馬元守備王廷耀等
帶兵直前衝殺斃賊數十人賊匪捨死力敵適
武隆阿所帶馬隊由傍抄出賊始敗退至七里
橋徑我兵追殺直奔花石壩山梁賊又恃險抗
拒兵勇一擁齊上賊更大潰直追至秦家塘地
方統計殺賊八百餘名擒獲活賊二百四十一

名口內有樊人傑之弟為元帥樊人聰偽先鋒
陳得富二名並訊明從賊打仗之杜世成等八
十二名即分別凌遲正法其餘被勸離民亦即
省釋餘匪千餘由廣安大竹一帶奔竄七十五
亦即追剿前進所有出力員弁兵勇容侯查明
另行奏

聞至此次打仗兵勇並無傷亡惟天氣酷熱追賊一

聖恩照陣亡例一體議卹又七十五一路兵勇間有

七

百六七十里有疾馳中暑立時殞命者情殊可
憫應懇

聖恩照陣亡例一體議卹又七十五一路兵勇間有

傷亡容侯查明一併咨部核辦再查川境各股

賊匪除樊人傑苟文明鮮大川張金連四股竄

聚一路現經 臣等督兵剿辦外其冉添士王士

虎齊國漢及阮正逢餘黨四股每股不過數百

人或千餘人現據通江縣稟報尙游奕於該縣

青峪口石窩場等處老山之內其張子聰度向

瑤等一股約有二千餘人現在東鄉全安坪一

帶屯紮並未出來滋擾劉朝選湯士蛟等一股

自經七十五在豆山關一帶擊敗後所剩不過

千餘人由開縣羊子嶺一路遁逸譚家壩屯聚

龍紹周唐大信兩股前竄西鄉五塊石一帶是

否被王文雄截回川境未據太平文武稟報容

侯查明再行具奏至徐萬富趙麻花一股近未

據探報實在下落恐即在別股名下潛匿亦未

可知總之賊匪時分時合忽東忽西各州縣祇

憑差探情形稟報其姓名人數究恐未能確切

臣等權其輕重緩急此時惟有併力將樊人傑

苟文明等大夥匪衆先行辦完再辦別股以期

次第蕩平肅清川境

德楞泰勒保又奏言竊臣保前奉

諭旨本年正月二十九日魁倫奏川省悅來場地方有賊匪前來滋擾經署同知李在文與把總馬友文率同兵勇奮擊鎗斃賊目冉其壽並殲賊三十餘名該匪搶渡南窻南岸復有重慶府文武員弁帶領兵勇在彼防守賊匪無從搶渡著詳查出力

聖表奏請聖鑒事

九

文武各員開單進呈等因伏查本年正月初六日賊匪冉添元等自隣水窻至江北靜觀場逼近重慶府城後無追兵知府石韞玉一面會同遊擊李發先添派兵丁赴江北堵禦一面督率巴縣知縣陳寶鼎在南岸巡防初十日賊窻土沱地方有二十餘人假扮難民招渡經南岸鍋廠兵勇識破其好用鎗回擊賊隊合夥齊至江干

維時船俱撤泊南岸賊匪即在北岸遊奕欲圖

乘筏偷渡該府縣會同營員親督兵勇隔河連

放鎗礮擊死騎馬賊一名步賊八名匪眾退遁

賊緣不能窻渡重慶即於十一日至悅來場適

遇候補通判署同知李在文與把總馬友文帶

領兵勇前來追截殺斃賊目冉其壽並賊匪三

十餘名彼時賊匪不能由江北窻渡始由定遠

聖表奏請聖鑒事

十

之石板沱地方窻過嘉陵江查知府石韞玉公

正廉明辦事勤幹本係知府中出色之員知縣

陳寶鼎老成練達辦事勤能兩年以來委辦集

團防江各事宜均能實心經理通判李在文署

江北同知緣能認真堵賊甚得民心前因丁憂

經臣勒保奏明暫留署任始終勿懈遊擊李發

先料理江防本能周密自軍興至今承辦軍火

軍裝毫無貽誤把總馬友文帶兵殺賊亦屬奮

勉茲蒙

聖明垂詢不敢壅於上

聞又遵

旨查明長池壩打仗出力員弁鄉勇等臣等分別開

單恭懇

聖慈俯賜獎勵均奏入

聖祖聖孫萬壽無疆

十一

上命軍機大臣傳諭德楞額奏曰此次德楞額等

探知賊匪奔竄蹤跡連夜發兵分路兜截不令竄

過嘉陵江觸熱打仗殲賊四千餘名連擊一百七

十餘里實為勞苦出力深堪嘉許德楞額著賞給

白玉喜字搬指白玉大吉葫蘆掛牌嵌玉火鑰瑪

瑙鼻烟壺大小荷包勒保著加恩實授四川總督

賞給二品頂戴仍加恩賞給白玉喜字搬指白玉

大吉葫蘆掛牌瑪瑙鼻烟壺大小荷包勒保若再

能殺賊立功再行賞還花翎及頭品頂戴勉之如

伊等將川境大股賊匪辦竣再將別股以次蕩平

更當疊膺懋賞又發去翎管搬指套各十件著德

楞額等分賞帶兵出力將弁以示鼓勵其隨征兵

丁有因疾馳中暑身故者情形可憫俱著咨部照

陣亡例議卹至樊張鮮苟等逆經官兵痛加殲戮

後勢已窮蹙德楞額等務當乘其竄合一處之時

併力奮擊不遺餘力德楞額等當酷熱時尙能奮

勉殺賊大獲勝仗此時已屆秋涼天色晴爽自更

可加緊窮追剋期掃蕩迅速成功至龍紹周唐大

信兩股賊匪前在西鄉竄擾早經王文雄截回川

省太平一帶德楞額等自尙未知確信又據稱張

子曉慶向播一股現在東鄉屯聚恐龍唐二逆竄

往該處合夥再高二戴家營等股賊匪昨據額勒
登保奏已由沔縣西鄉一帶東竄亦難保其不折
入川境德榜泰等務當留心探聽堵剿總期殄滅
無遺又前據明亮奏苟文明一股有竄至雲陽江
口與大寧接壤德榜泰帶兵追剿之語德榜泰等
追剿樊張等逆正當喫緊之時如苟文明被剿緊
急或竟竄往大寧一帶德榜泰勒保二人不可自
行帶兵追捕惟當酌派一人帶兵前往截擊如能
速行截回固好否則必須跟蹤追躡即於川境辦
淨方為妥善

上諭內閣曰德榜泰等奏查明此次重慶江北兩處
防守文武員弁內知府石韞玉著加賞道銜候補
通判李在文著加賞同知銜仍賞戴花翎知縣陳
寶鼎著加賞知州銜遊擊李發先著以叅將即用

把總馬友文著加賞千總銜並賞戴藍翎其軍營
出力人員內叅將羅聲皋遊擊馬斌楊國林都司
郭文魁四員均著賞戴花翎守備李朝相千總馬
爾元李輝林把總劉元標外委楊自榮額外外委
陳之良達自貴馬兵張登雲步兵孫如濂何有禮
鄉勇蘇元林十一員各均著賞戴藍翎知縣喻日
泗著加恩以同知陞用典史徐開元著以府經歷
陞用鄉勇冉玉龍前已賞給七品頂戴今因傷愈
始終奮勉出力著加恩賞戴藍翎即以千總補用
以示鼓勵

二十六日_丙 姜晟奏言_臣 欽奉

上諭垂詢明亮等剿辦稽延查本年六月內賊匪由
均穀郎縣一帶奔竄_臣 通飭各屬於各卡隘厚
集練勇防堵郎縣係附府首邑在漢江之北其

所管之黃龍灘皮貨灘係漢江之南岸支河出
溪細流無險可據並未設有卡隘亦無支領口
糧鄉勇先經查據鄖陽府縣稟報此次賊匪大
隊猝至該處巡檢圍集附近義勇數千人接仗
賊匪分股繞至距灘數十里之石花溝躡後而
過卽向戴峽一帶狂奔該處並無船隻被其搶
渡核與孫清元原稟所稱由黃龍灘躡水追剿

聖朝實錄卷之三

十五

相同似屬實在情形其鄖西一縣又在北岸府
城之西前據道員恒慶稟報賊由鄖縣南岸石
花溝涉淺西竄督飭知府王正常知縣孔繼樞
鄖縣高賜禧於沿江上下各水卡集勇巡防距
黃龍灘較遠委難兼顧亦非捏飾惟查鄖竹房
保境內尚有類此溪河臣已通飭各該地方官
傳諭附近紳士聞有賊警務須多集練勇嚴密

堵截如能截住賊蹤優加賞勵明亮等於六月
望前駐營襄陽城外明亮將馬隊粵兵飭交孫
清元德昌等於十五日起身先行明亮候粵東
後起兵一千名到襄整裝料理於十九日自襄
前進茲查孫清元明亮先後自均州所屬孫家
灣分路處所至兩兵會合之竹山縣搗鼓臺止
明亮由房縣繞道計程較遠一百二十里孫清

聖朝實錄卷之三

十六

元起身在先程途較近屬寔惟孫清元等呈報
六月十七至二十日在均州草店一帶連日大
雨間阻軍行係明亮尙在襄陽就道之時孫清
元等又在分水嶺遇賊打仗不無留頓業蒙
聖明燭照臣查青號一股賊匪自荊門州由穀城均
州鄖縣各境竄近陝界仍又折回現已從均穀
下竄穀城附近城垣數十里內義勇圍聚守禦

甚爲得力白石花街以下尙少焚殺之事連日
賊隊中被裹男婦陸續逃去昨有籍隸穀城保
康男婦十六人殺其所從之賊探四川人袁姓
父子三人相率逃至盛家壩地方經甲長鄉勇
盤住送縣臣傳至訊問僉稱匪等因聞陝省覓
食艱難是以折回當飭該縣查明地隣分別遞
釋察訊賊匪狡獪情形總以馬隊當先搶掠匪
類結隊延長一二十里官兵緊追則賊亦緊走
大率意在覓食實時刻畏懼官兵至明亮此次
往追一月並未遇賊打仗剿辦誠屬遲延惟時
值秋暑正盛兼之陣雨時行賊匪蹤跡輕便專
事狂奔官兵行走未免爲暑雨所稽明亮斷不
敢有意遷延今賊旣折回氣候亦漸涼爽亟應
於楚境殲除但若徒事尾追實慮勞師罔濟茲

據探報明亮孫清元等兩三日內可抵穀城臣
當與悉心籌議明亮自必趕緊設法剿辦儻此
後明亮等寔有因循觀望情事臣見聞所及卽
遵
旨嚴行叅奏不敢稍有瞻徇正在繕摺間接據探報
明亮帶兵從房縣保康前赴南漳查賊匪由穀
城之茨河丁家集竄往南漳武安堰一帶是明
亮正可迎頭截擊一俟得有剿辦的音卽行奏
聞再臣原擬由穀城前赴竹谿鄧陽一帶今賊匪全
行折竄明亮等統兵回剿臣仍擬於安襄等處
就近移駐照料飭屬若禦奏入
上命軍機大臣傳諭姜晟明亮曰明亮此次往返一
月並未與賊打仗所奏自屬實情卽明亮節次奏
摺內亦並無與賊接仗之事但剿辦賊匪全在

躡賊蹤奮力剿殺若云秋暑正盛陣雨時行官兵行走未免為暑雨所稽則如四川甘肅兩省何嘗不同直暑雨之時而額勒登保德楞泰等俱能連次剿殺屢獲勝仗其川省隨征兵丁間有中暑身故者均已照陣亡例子卹楚省又何得以雨水炎熱為詞日久延玩是明亮等之辦理遲延寔難辭咎因事屬既往姑置弗議現在青號一股賊匪自陝折回後已從均穀奔竄又據稱賊匪業由穀城之茨河丁家集竄往南漳武安堰一帶此時明亮從房縣前赴南漳正可迎頭截擊務須自知愧奮加緊剿辦至所需餉項現又不待伊等奏請已降旨令吉慶將關稅銀兩撥解三十萬兩赴楚應用似此兵精餉足更復何所藉口明亮若能將徐添德一汲賊匪於秋令迅速殲盡即屬伊等之功其

聖朝實錄卷之三

九

從前遲緩之咎亦不加追究並當加以恩施若仍前遲玩致賊匪輾轉奔竄則是有心貽誤國事必當從重治罪斷不稍為寬貸至姜晟前奏楚北緊要處所俱已分派兵勇嚴密堵禦今仍被賊匪偷渡可見姜晟所奏祇屬空言黃龍灘等處既係要地自應豫派鄉勇在彼防守何待賊匪猝至始行團集賊匪固屬烏合之眾而鄉勇未經素練臨期猝令禦賊又何怪縱賊偷渡耶該管巡檢係屬何人亦未奏明而該府縣等又在何處何以並無一人在彼督防殊為疎懈並恐地方官有借端冒銷之事著姜晟查明並將疎防該管各員核其情節輕重一併據實奏

聖朝實錄卷之三

十

二十九日 臣 額勒登保奏言 昨由太白煙墩

縣一帶前進途次接據札克塔爾場遇春呈報

伊等本帶兵由黃牛舖及房欄前進於未經及營之先十三日早間拿獲賊探知陳傑一股有數百賊匪尙欲由老山翻出棧道東奔陝省南山札克塔爾楊遇春及格布舍會商未便遽行必須分投密行趕擊本日午後探得該匪陳傑率其餘黨繞從半坡舖觀音溝有奔出棧道之勢誠恐其先後行走札克塔爾因帶同將領等往後剿捕楊遇春格布舍帶兵卽向楊家河老虎溝一帶追剿當晚追及賊匪殺賊百餘名昏黑不能前進孰料該匪連夜狂奔已從箐林中於五鼓時翻過棧道揣度山勢該匪等必奔迎母寺王家楞楊遇春另派兵勇仍從箐林跟蹤搜捕外格布舍卽帶馬隊由兩河繞至王家楞楊遇春帶領兵勇由捷徑抄赴王家楞以期迎

欽定剿平三省邪匪方略 正編卷一九三

頭截殺十五日天未黎明均趕至王家楞拿獲賊探知陳傑又在火三板溝內潛躲所剩不過三百餘人楊遇春格布舍將已到之馬步兵三面分佈多張旗幟以爲疑兵另伏精兵於乾柴溝口潛待時跟追之兵勇亦已趕到該匪等尙在歇息知有官兵慌亂奔走旋經守備范雲龍把總楊應舉等帶兵衝入立斃三十餘名馬隊施放鎗箭亦斃賊六七十名維時陳傑腿被箭傷正從乾柴溝逃奔有帶鄉勇之從九品劉國翼並鄉勇頭鄭貴見有二三十人簇擁一人竄走知係賊目卽帶鄉勇等奮力搶進攔殺餘賊奔散鄭貴上前捉住帶箭傷一人始知卽係陳傑將應元寬擊斃後并范雲龍楊應舉等趕來四面圍剿將陳傑所有餘匪二百餘名

欽定剿平三省邪匪方略 正編卷一九三

盡行殲洗又生擒老教頭黃大禮旗手董自寬
 向長生并殺賊二十八名旋據札克塔爾呈報
 在後搜殺其斃賊九十餘名楊遇春等并查明
 派往老山密林跟蹤搜殺之兵勇殺賊共四十
 餘名拿獲三十五名內有探馬頭譚啟倅陳才
 元二名其被脇五名仍行釋放餘犯亦即正法
 此股賊匪寔已淨盡楊遇春旋將該犯陳傑捆
 解赴送橫川軍營臣委總理道朱勳審訊並親
 提面問據陳傑供稱年三十七歲湖北襄陽縣
 黃龍崗人舊從李潮習教後與劉啟榮高均德
 張漢潮等同時起事還有同教周天緒與他合
 夥到過四川陝西同時起事本有五六百人後
 與周天緒等隨處裏脇多少無定曾有二三千
 人到處總是探著官兵前在茅坪地方遇楊開

甲辛聰等亦未與合夥後聽得楊開田被官兵
 殺死我就同周天緒向藥壩四畝地一帶老林
 逃竄官兵追得緊聽見伍金柱等都往甘肅我
 就翻嶺逃走本月初間走至孟家灘尙剩一千
 餘人又與伍金柱冉學勝等會合被官兵剿殺
 竄入老林伍金柱已往西竄我想官兵必跟追
 天股我躲在老林要想候官兵全往西走我偷
 過棧道往陝西南川一帶擄食乘空再往河南
 襄陽周天緒已帶四五十人跟冉學勝前去等
 語餘供亦無關緊要查該犯業已帶有箭傷未
 便久稽顯戮現即處以極刑並即剝割將首級
 發交成縣懸掛以彰
 國法至伍金柱張世龍冉學勝等股賊匪現據差
 探晝夜亡命奔逃竄向西和成縣西南一帶阿

哈保穆克登布等帶兵已從成縣一帶抄去趕
 剿長麟及定住廣厚等亦在西和禮縣緊顧西
 面分投攔截臣暫駐橫川原以杜其東折且查
 東北一帶賊匪已淨札克塔爾楊遇春等亦即
 由兩當撤縣而來臣躡探賊蹤督率各路官兵
 務趁該匪等殘敗奔逃之際就地一律掃蕩
 額勒登保又奏言竊臣剿辦賊匪凡有寔在出
 力之滿漢官員以及兵丁鄉勇均隨時存記近
 以截剿各股竄匪官兵等晝夜辛勤出力者更
 多並侍衛車森保捫欽保愛星阿等三員前奉
 諭旨如再能奮勉出力令臣查奏在案查車森保等
 三員每遇打仗實屬奮勉爭先其餘侍衛將領
 兵勇謹將各該員前後勞績詳加比較擇其優
 者分繕清單恭呈

欽定剿平三省邪匪方略 正編卷一九三

御覽仰懇
 聖主分別加恩又陝西畧陽縣知縣崔五峯前臣自
 川入陝即隨同辦理糧務旋經入甘入陝近又
 隨至甘省在札克塔爾等一路軍營辦理輾轉
 奔馳不辭勞瘁且該員悃悃無華辦事結寔洵
 為縣令中出力之員再查四川川北右營都司
 朱集才臣前在川省剿賊時因其不知奮勉告
 知勒保經勒保於上年五月內參奏將該都司
 摘去翎頂令其立功自贖該都司深知愧悔今
 又隨臣一載有餘打仗奮勇數月以來令其隨
 帶兵勇查探賊情無論早晚風雨隨處偵探皆
 能確寔該都司本未開缺應請
 旨賞還原戴翎頂俾益知感奮奏入
 上命軍機大臣傳諭額勒登保曰此次陳陳一股賊

一二五

匪雖為數無多但該逆越過棧道欲東奔南山一帶若任其竄入南山不特搜捕費力且此股賊匪為額勒登保行軍後路恐致牽綴官兵今額勒登保分飭札克塔爾揚遇春等探蹤截殺將陳傑生擒并掃除餘黨所辦甚好現在陝甘東北一帶賊匪已盡止餘伍金柱張世龍冉學勝等股賊匪向西和成縣西南一帶奔逃阿哈保穆克登布等帶兵從成縣一帶趕剿札克塔爾揚遇春所帶之兵亦可併力會剿而長麟定住廣厚等在西和禮縣緊顧西面分投攔截額勒登保等跡探賊蹤督率各路官兵自東而西長麟等自西而東兩面夾擊務當趁賊匪驚敗奔竄之餘即在甘境將伍金柱張世龍冉學勝等逆奮力殲擒殄滅餘匪將陝甘兩省賊匪一律肅清必當將經畧額勒登保及出

聖祖聖訓卷五

七

力各員優加懋賞朕惟計日以待捷音之至帶領鄉勇之從九品劉國興與鄭貴一同奮勇擄殺亦屬出力著加賞八品頂戴

上諭內閣曰額勒登保保奏軍營出力員弁兵勇訖清門頭等待衛色玉慎著賞給伊清阿巴圖魯名號護軍叅領雅林保賞給對呀巴圖魯名號廣東副將張鳳賞給卓哩克泰巴圖魯名號仍照例各賞銀一百兩山西叅將福廣東遊擊唐文淑著賞戴花翎四川都司李貴楊逢春廣西守備范雲龍著賞換花翎山西守備劉勝祥貴州把總靖為福廣西把總朱純彩四川把總楊應舉四川外委張占鰲湖北外委陳連陞甘肅外委史成四川額外委陳永才甘肅額外委劉祿直隸兵丁常興廣東兵丁梁循四川鄉勇頭馬學湯著賞戴藍

聖祖聖訓卷五

夫

翎又四川鄉勇頭鄭貴見有賊衆簇擁一人知孫
賊目卽帶同鄉勇等奮力搶進餘匪潰散捉住賊
首陳傑尤爲奮勇可嘉鄭貴如本係六品頂戴卽
著賞戴藍翎如係七八品頂戴著加恩賞六品頂
戴陝西畧陽縣知縣崔五峯著以知州陞用准其
先換頂戴再川北右營都司朱集才著賞還原戴
翎頂以示鼓勵

欽定剿平三省邪匪方略

正編卷一九四

欽定剿平三省邪匪方略正編卷一百九十四年庚申

七月二十九日臣明亮奏言查徐添德等逆率

領馬步賊衆經臣自陝截回該匪卽由鄖縣穀

城邊界向東晝夜狂奔臣統兵由二竹房縣催

趨截堵奔竄川陝之路十六日行抵青峯據哨

探報稱賊匪聞大兵在二竹山內攔截已由石

花街盛家塍一帶東竄臣一面照會鎮臣孫清

元德昌就近抄道石花街等處尋蹤躡逐十八

十九等日臣由官坊馳抵保康探得該匪已直

向東竄連日兼程由長坪趕赴南漳兜截二十

一日晚間探得賊匪屯聚武安堰攻撲民寨離

臣行營尙隔六十餘里當卽於五更發兵整隊

前進行抵武安堰賊衆已拔營至朱家嘴正在

攻撲潘家寨居民已形慌亂一見官兵趕到俱

攻撲潘家寨居民已形慌亂一見官兵趕到俱

各欣然固守抵禦該匪卽分馬步四隊退佔對
面山梁直迎官兵前來 臣將現到馬步官兵亦
分四路分攻撲卽督催巴圖魯侍衛富翰雙
福等帶領

盛京吉林馬兵槍撲左手山梁侍衛塔津保江鼎
總管都當阿等帶領索倫馬兵卽攻撲右手山
梁派副將王懋賞守備王占鰲陳應彪等帶領

剿平霍亂竊案

二

廣西官兵隨馬隊由中路趕緊前進派副將樊
雄楚參將德興等帶領粵東新兵並河南宜昌
官兵沿河直撲賊衆後隊該匪自恃賊衆多
吶喊撲歷三次侍衛富翰塔津保等率領兩路
馬兵奮勇仰攻直搶上山梁立斃賊匪三百餘
人兩路賊衆敗退狂奔我兵馳射追殺其兩路
步賊延互相救援 卽飭令各營官兵沿河

搶渡水皆齊腰並無一兵傷損趕至半山正遇
馬步賊匪五六百人在彼捨命抵禦衆官兵奮
勇齊上施放鎗礮卽將該匪衝爲兩段殲戮馬
步賊四十餘人賊始大潰我兵壓過四道山梁
沿途殲擒賊匪二百餘名槍獲火礮鳥鎗驟馬
刀矛旗幟甚多賊匪亂竄逃過溪河淹斃百餘
人官兵追過溪河逼近朱家嘴遙見賊營紛紛
合成大隊排立抗拒護軍副參領瑪爾呼善馳
馬急過首先衝入賊圍左右馳射連殺數賊身
受矛傷力竭陣亡兩翼馬步官兵由山坡沿河
兜裏飛進兩粵新兵均極奮勇直前施放進步
連環愈逼愈緊共殺賊四百餘人生擒黃駁業
駱楊氏等男婦老幼共二百四名口餘匪翻山
向孔家集東竄拋棄鹽牛器械包裹無數官兵

竟日趕殺百餘里未便窮追正在徹兵間適山
後突出馬賊三四十人抄截官兵後路臣飛飭
富翰塔津保帶領馬兵分路趕剿射倒十餘賊
內有一騎驟賊持矛亂番富翰江鼎恒坤趕上
各射中一箭該匪落騎時自稱我係熊總兵不
必亂殺遂經鄉勇陳國年田仕萬擒獲到營臣
親提先獲之犯黃竣業等訊供徐添德在老營
裏聞官兵到來已帶領婦女矛手先走先鋒徐
朝海張德昌打仗時已被馬兵射死尙有四路
總兵兩路隨徐掌櫃去熊方青王青二總兵領
兵在此打仗等語查黃竣業徐富等一百五十
七名實係從賊日久大半皆係川匪當將該犯
等立即正法蔡長貴駱楊氏等四十七名口訊
係被擄人民卽交隨營同知蕭與潔給予路票

盤費各令回籍安插搶獲驟馬驢牛器械分散
兵勇查偽總兵熊方青身受箭矛傷五處猶兇
悍異常訊據該匪供稱自元年教匪起事時卽
與徐添德主謀布陣到處殺人放火積誅五載
罪大惡極且該犯往來南漳所屬數次攻撲寨
卡該處居民遭其荼毒憤恨入骨當將該犯交
同知蕭與潔督同武安堰巡檢李慶寶卽在武
安堰凌遲處死傳首曾經擾害各寨卡以彰
國法而快人心此次打仗官兵間有傷亡俟查明
咨部辦理再齊齊哈爾委防禦克陞額自陝行
抵光化縣時聞賊已近趕聚來往催船渡兵落
水淹斃再查楚省地勢平衍正可藉馬步兵馳
射破敵尤爲得力惟備辦馬匹甚費周章現在
馬兵四百名內吉林索倫僅各一百名未免尙

形單薄合無仰懇

皇上天恩再飭撥吉林兵二百名黑龍江兵二百名

前來協剿兵威倍壯臣即可分路兜剿更易得

手

同日倭什布奏言臣查青號股匪倚恃馬賊當

先肆行衝突今添撥吉林黑龍江官兵一千五

百名得此勁旅定能一舉集事一切應付事宜

聖恩先事預籌派撥直隸山西馬各五百匹現經吳

六

均須早為豫備查馬匹一項業蒙

聖恩先事預籌派撥直隸山西馬各五百匹現經吳

熊光又籌備馬數百匹似已足敷應付第長途

馳解已恐疲乏倒斃而到營後又須隨時添換

臣又於楚北各營擬調戰馬四五百匹以期有

備無患至所需馱驟為數較多楚省素不出產

現於漢城等處廣為購覓並知會吳熊光於產

驟各處代僱協濟以利軍行其餘應備之弓箭

鍋帳等項或於各營調撥或飭局員趕製總期

寬為預備隨到隨行不致稍有缺誤均奏入

上命軍機大臣傳諭姜晟明亮倭什布曰此次明亮

由保康南漳一帶兜截徐添德大股賊匪督飭侍

衛鎮將等搶上山梁痛加殲戮賊匪奔潰後明亮

復飭令各營官兵淌河搶渡緊躡賊蹤連次克捷

聖恩先事預籌派撥直隸山西馬各五百匹現經吳

七

兵威大振首逆徐添德即可就擒所辦實屬可嘉

明亮現係五品頂戴著加恩超賞三品頂戴俟破

擒首逆徐添德剿盡餘匪捷報到時再將明亮破

格獎擢侍衛富翰塔津保等率領馬兵奮勇仰攻

直搶上山立斃賊匪三百餘人又高翰江鼎恒坤

分路趕剿射倒偽總兵熊方青甚屬出力富翰塔

津保江鼎恒坤俱著交部議敘至兩粵新兵初到

軍營均屬奮勇卽獲勝仗者查明賞給一月錢糧以示鼓勵護軍副參領瑪爾呼善首先衝入賊圍連殺數賊身受矛傷陣亡可惜之至著咨部加等賜卹委防禦克陞額聞賊匪將近趕緊來往催船渡兵以致落水淹斃亦屬可惜著照陣亡例賜卹明亮務當乘賊勢窮蹙之時奮力堵剿將徐添德生擒解京盡法處治以快人心而申國憲卽或陣陣殲斃亦必驗明確實毋任漏網至堵禦之事係總督姜晟巡撫倭什布專責務當督飭防守各卡隘文武員弁悉如劄西之孔繼楸竹山之范繼昌實力堵禦不使剿敗賊匪衝出卡座俾明亮得以統兵趕上一鼓殲除姜晟倭什布若能協力同心認真防堵則楚省竄匪剋期掃蕩地方一律寧謐該督撫既可永享昇平且得與明亮等同膺逾格

恩施伊二人不可不倍加奮勉也又明亮奏請撥吉林兵二百名黑龍江兵二百名赴楚協剿一節吉林黑龍江官兵原派起數未便折散行走已降旨諭令長齡將吉林頭起兵二百五十名黑龍江頭起兵二百名派護軍參領特克昇額等卽日會同帶往明亮軍營以資剿捕所有此項勁兵應需馬匹鑼錫帳房等項姜晟倭什布祇須按照現撥兵數預備應付昨又不待伊等奏請降旨令吉慶將粵海關稅銀撥解三十萬兩赴楚應用似此兵精餉足更無難迅速成功也

上又命軍機大臣傳諭長齡曰前因徐添德折竄均州諭令長齡帶領吉林黑龍江官兵全赴楚省協同剿辦今明亮現獲勝仗事機極爲順利明亮又祇請撥給五百名是長齡所帶之兵自可無庸全

數赴楚惟吉林黑龍江原派起數未便拆散行走
著長齡將頭起吉林兵二百五十名頭起黑龍江
兵二百名即派護軍參領特克昇額協領五誠額
三等侍衛花尙保總管托爾托保即日會同帶往
明亮軍營以資剿捕其餘吉林黑龍江官兵一千
五十名著長齡在衛輝地方畧爲停待俟後起兵
丁到齊憩息三兩日長齡卽帶領徑赴經畧額勒
登保大營聽候調遣可也

上諭內閣曰明亮此次生擒偽總兵熊方青並殲
賊匪一千數百名將奮勇出力各員弁開單進呈
黑龍江總管都當阿著賞給阿勒達喇泰巴圖魯
名號仍照例賞銀一百兩盛京佐領委協領伊宗
阿副將樊雄楚著賞戴花翎黑龍江驍騎校部委
參領卓爾渾保著賞換花翎吉林驍騎校委參領

德克精保盛京領催部委防禦本德委官卽委防
禦卓敏吉林領催部委驍騎校蘇精額黑龍江領
催部委驍騎校圖完濟納領催部委筆帖式薩炳
阿前鋒伊爾杭阿西安前鋒部委驍騎校蘇章阿
管帶鄉勇之千總那祥把總伊凌阿麻光裕均著
賞戴藍翎以示鼓勵

同日台布奏言查王文雄帶兵由七里溝五郎
口截剿竄匪該匪等未得從柳林鋪搶渡卽分
兩股向西鄉奔逃王文雄督兵緊躡該匪等復
合爲一十二夜四更時守卡兵勇見有賊探來
近密報知州朱昌瑋飛傳附近寨洞居民協助
王文雄兵到朱昌瑋飛傳附近寨洞居民協助
官兵接仗十三日辰刻賊衆前撲縣城兵民一
齊抵抗賊復翻山亂竄王文雄嚴督兵勇追擊

三十餘里斃賊一百餘名生擒八十餘名招回
本境新裏難民六十餘名餘衆東走白沔峽竄
往茶鎮江岸該處先有宋昌琿派撥千總孫榮
武生王大才等在彼埋伏十四日辰刻該匪等
馬步千餘直抵江岸勢將躡渡經王大才施放
大礮擊斃馬賊一名衆勇復礮斃步賊十餘名
賊遂折回繞茶鎮後山向木竹壩路通石泉等
處逃逸石泉縣知縣李樞煥於是日申刻接報
會同總兵劉之仁沿江上下偵探防堵並將江
邊船隻盡收北岸十五日未刻賊探三十餘騎
前來沿江窺伺劉之仁帶領兵勇督率防江官
兵鎗礮齊發賊匪退回王郎壩中壩屯聚復於
十六日逕來江邊搶渡劉之仁親督各兵沿江
上下施放鎗礮該縣李樞煥亦督自練練勇四

百名協同助勢自辰至午賊衆不能渡江仍卽
折回中壩三台山明埡子一帶潛匿此高二馬
五戴家營會合後分出之前一股其後一股仍
在沔縣之大安寬川等處出沒游奕臣於抵沔
後屢飭綸布春九十探蹤邀截無如一見官兵
卽逃其意總欲搶過漢江臣因於十八日過回
漢中親督道將等於府城南面江岸安設鄉勇
四面圍住列營嚴守並間段搭蓋瞭臺一有賊
信四下齊應以期聲勢聯絡王文雄亦已回至
距城五百里之油房街紮營漢中平原可無他
慮再臣接據署白河縣知縣通判嚴一青稟稱
楚匪于六月二十一日偷渡陡河該縣四鄉義
總帶領練勇分路防堵有義首生員吳鴻舉帶
勇在銀洞溝駐紮二十八日大霧方霽吳鴻

舉督勇截擊至野猫坡山下賊匪蜂擁直出吳
鴻舉在後抵禦身被槍傷嘔血而死賊眾亦即
折回鄖縣等情臣查吳鴻舉以生員充當義首
業經數年前因出力最久酌給與六品頂戴今
又捍賊陣亡殊屬可憫且使賊匪一過野猫坡
則該縣西南二鄉必遭蹂躪實由該義首奮勇
一仗是以甫經闌入旋即折回其功尤不可沒
可否酌量給予卹典之處出自

製卷一百一十五

五

天恩

白布又奏言臣於本月十八日接據安康縣知
縣趙廷麒稟報十一日申刻有河南兵丁二百
餘名由西來至該縣越嶺關住歇並無將弁帶
領沿途行走安靜詢係王提督軍營兵丁因隨
征年久遣退歸伍其文票係後起攜帶等情當

查王文雄於嘉慶二年六月間由湖北襄陽帶領
河南南北二鎮兵入陝兵行疲乏分別抽換原
係常有之事但既欲遣歸何以該提督並不知
照臣處恐係賊匪急欲散夥假裝官兵希冀混
過卡隘潛往河南不可不慮嚴飭該縣多選能
幹捕役尾隨去向另行具報旋准王文雄來札
該提督於十五日接據都司楊光時稟報該兵
等於初六日由堰口拔營赴關東山防堵趁空
攜帶軍器潛逃共一百餘名並訊出現逃各兵
於六月二十內接有家信送到衣履銀兩其家
信內有無別故未能知悉等情臣查此項兵丁
從征至四五年之久既已疲乏總應靜候帶兵
大員調濟抽換何得私自離營此時各路疲兵
不少未便稍事姑息且查河南寶豐縣現有糾

製卷一百一十五

五

衆滋事之案該兵等是否一氣有無勾結均須徹底查究除脫逃各兵王文雄業經分咨嚴拏外相應請

旨責令王文雄將原帶將弁係屬何人按名報出分

別懲處以爲各路將不識兵兵不知將者戒

台布又奏言臣二月二十六日接辦糧餉以

來節奉發給餉銀二百九十萬兩除遵

欽定剿平三省邪匪方略

正編卷一九四

旨轉解甘省五十萬兩及現撥浙商公捐銀五十萬

兩尙無起運信息約計九月初方可到陝不計

外實收銀一百九十萬兩陝省每月應需銀數

早經奏蒙

聖鑒自三月起至現在七月止共六個月所有不敷

之數俱係前後牽扯並於藩庫留發兵餉銀兩

內暫借動用現屆開放餉之期浙江撥項緩

不濟急且到陝後止可留支軍需不便輕動實
在別無可籌謹據實奏懇

天恩於附近山西省撥給銀數十萬兩迅解來陝以
資接濟奏入

上命軍機大臣傳諭台布曰高馬等賊匪會合後前

股之賊竄至江岸偷渡經總兵劉之仁先將船隻

盡收北岸並率同兵勇施放鎗礮賊匪仍卽折回

欽定剿平三省邪匪方略

正編卷一九四

中壩一帶潛匿後股之賊仍在沔縣之大安寬川

等處游奕復經台布親督道將於漢中南面江岸

列營嚴守賊匪未能渡江所辦俱好此時賊匪窺

伺漢江意欲偷渡仍當嚴爲守禦著台布督飭給

布春九十並王文雄劉之仁等加意防堵上緊剿

辦總不可令其竄過漢江或入南山老林又致剿

捕費手其吉林黑龍江官兵內除撥給馬亮四百

五十名令特克身額等帶赴楚省外尚餘一千五十名仍令長齡帶往經畧軍營此項官兵總須由陝省經過彼時如沔縣一帶兵力不敷剿捕著台布於長齡過陝時與之商酌或留數百名交綸布春九十帶領協剿更爲得力如竟可無需卽告知長齡迅速帶赴經畧大營聽候調遣至義首生員吳鴻舉於六月間楚匪偷渡陡河時督勇截擊身被鎗傷陣亡殊爲可憫著照千總陣亡例咨部賜卹又據奏王文雄所帶河南兵丁趁空攜帶軍器潛逃共一百餘名此事甚奇從征兵丁私行脫逃旨旨嚴加懲辦台布已令王文雄將逃兵各姓開報現在陝省各處俱設卡隘於該逃兵經過時無難按名盤獲除諭令吳熊光於豫省查拏外著台布飭令地方文武及各卡員弁上緊緝拏一經盤

剿平逆裔編查

六

獲卽按律問擬具奏不可因人數過多稍存姑息其統領河南兵丁之提督王文雄及原帶將弁等並著查明一併參奏以肅軍紀再台布懇請撥銀一節已諭伯麟撥銀五十萬兩委員解陝該撫務須樽節支用勿任局員等稍有糜費上又命軍機大臣傳諭吳熊光日本日台布奏據安康縣知縣趙廷麒稟報本月十一日有河南兵丁二百餘名由西來至該縣越嶺關住歇並無將弁帶領詢係王提督隨營征兵遣退歸伍旋據王文雄來札該提督接據都司楊光時稟稱該兵等於初六日由堰口拔營赴關東山防堵趁空攜帶軍器潛逃共一百餘名各等語實屬大奇之事此項兵丁卽云從征日久間有疲乏總應靜候帶兵大員調濟抽換豈有私自離營結成隊伍携械潛逃

剿平逆裔編查

七

之理現在剿辦川陝賊匪正當喫緊之際若不嚴
拏究辦何以明紀律而肅戎行軍營內遇有一二
各逃兵尙屬事所或有若至一二百名實理之所
必無除諭令台布嚴飭密訪查拏究辦外現在台
布已令王文雄將逃兵按名報出著吳熊光即將
此項逃兵一百餘名各查陝省按照名數嚴密查
拏並於各卡隘留心巡緝一經拏獲卽行徹底根
究按律定擬奏明懲辦不必解赴陝省歸案辦理
也

《聖朝聖訓卷五十四》

二十

上又命軍機大臣傳諭伯麟曰現在陝省需撥銀兩
晉省相距甚近卽於捐項內撥給銀五十萬兩遴
委妥員迅速解往若捐項銀數不敷卽於藩庫另
款內酌量湊足解往

同日吳熊光奏言竊臣現據西路探報該省賊

欽定剿平三省邪匪方略 正編卷一九四

匪高逆一股已竄至漢中二郎壩地方係在漢
江之南辛逆等股竄至畧陽現有官兵在漢郡
一帶截剿查陝省漢江以南由西鄉紫泉東竄
卽與楚北地方接壤路徑在在可通賊匪被剿
緊急非入川省卽趨楚境是此時楚省甚屬著
重今蒙

《聖朝聖訓卷五十四》

三十一

皇上諭令吉林等處勁旅一千五百名赴楚不特青
號一股可以殲除卽高逆等股亦當聞風膽落
不敢肆行東竄至青號賊匪連日接據探報已
由南漳之武安堰西向鍾宜之麗陽驛轉斗灣
等處奔竄官兵業成落後該匪並分出小股或
百餘人或數十人於沿江一帶焚擾均經豫省
防江員弁帶領兵勇用鎗礮轟擊先後斃賊十
餘名賊始退去臬司完顏岱已督率兵勇赴下

一三七

游小河口地方嚴防江水尚屬寬深足資攔禦

臣 昨赴江岸巡查各兵勇分段駐守聲勢聯絡

沿江以北均屬寧謐已諄屬完顏岱等加意嚴

防現因吉林等處官兵須由南陽經過 臣 暫回

南陽郡城將應付兵差一切稍為部署即赴鄧

縣適中之地駐劄兼顧陝楚西南兩路再 臣 欽

奉

諭旨令直隸挑備馬匹解往河南以備官兵乘騎查

吉林黑龍江官兵最為趨健馬匹尤為緊要 臣

於前購五百匹之外現復飭局趕緊添購五百

匹以資滿濟倘有餘多可撥各營驛不致稍有

糜費且官兵鍋帳亦係要需 臣 現即飭查豫省

製備帳房酌撥數百架及舊存銅鍋解赴襄陽

應用至官兵過境一應供頓車輛等項業經飛

飭各屬妥為預備俾官兵隨到隨行不致遲誤

奏入報

聞

製者邪馬... 三

欽定剿平三省邪匪方略正編卷一百九十五

庚申年

八月初二日壬子長麟奏言竊臣自剿辦伍金柱

冉學勝張世龍等股賊匪後各股賊匪俱向棧

道一帶奔竄經額勒登保節次痛殲賊匪全竄

老林額勒登保在隘口等處防其竄回陝境囑

臣率同廣厚迅赴秦州鞏昌一帶緊顧西北通

向東南以便聚而殲除臣接札後即與廣厚先

聖朝勦擒逆裔編卷一百九十五

後由成縣西和禮縣一帶行走初四日趕抵秦

州彼時辛聰宋麻子顏勝可魏棒棒等股均在

秦州所屬甘泉寺娘娘壩駱駝巷高橋等處滋

擾不惟道路梗塞且各賊匪專以搶劫運送各

營軍糧為得計臣等不勝憤恨當與廣厚分投

剿捕賊匪狡猾異常多伏於深山密林內每俟

官兵過後即從後突出劫奪鉛藥鍋帳等物初

十日廣厚兵過石嘴頭地方前隊已過十餘里

即有騎馬賊探八人從兩河口突出經帶領後

隊之游擊承泰瞥見一面撥兵百名護送駝獸

一面率領千總馬揚斌等直前趕殺斃賊三名

餘賊奔入溝內承泰即帶兵三百餘人入溝緊

追正遇馬步賊匪一千餘人蜂擁而出承泰即

同兵奔搶上山梁奮力迎擊賊匪攻撲數次俱

聖朝勦擒逆裔編卷一百九十五

被壓回正在相持適廣厚在前聞信帶兵折回

策應率同承泰下山直撲賊隊鎗箭齊發斃

一百餘人並擊斃執旗賊目一名賊匪即從鷹

崖子一帶連夜竄遁傷亡官兵二十餘人臣與

廣厚復赴各處搜剿所有屯聚甘泉寺娘娘壩

駱駝巷高橋等處各股賊匪均已紛紛逃遁竄

往東南徽雨一帶經額勒登保派兵截剿斬獲

甚多臣等正擬移兵東南會合剿辦適據禮縣

報稱賊匪一股由該縣之向家河奔赴岷州所

屬之涇水地方滋擾查岷州距鞏昌甚近臣與

廣厚卽由娘娘壩等處轉回兼程行走於十三

日趕抵岷州所屬之馬塢繞出賊前向南兜截

賊匪卽由雷家壩一帶向南狂奔沿途擊獲賊

探並投出難民訊知此股賊目卽係顏勝可因

聖朝實錄編卷五

三

東南有兵截殺是以中途折回向西北逃避探

知西北又有官兵攔截仍卽折向西南奔匿等

語臣等正在仍前窮追間又據報伍金柱冉學

勝張世龍等股賊匪經額勒登保等連日圍搜

老林剿捕緊急又由老林逃向西奔竄臣與

廣厚卽改由禮縣西和一帶向南迎擊二十日

趕至石家關適額勒登保派來追賊之副都統

阿哈保總兵穆克登布及續派防堵北面之提

督定住亦於是日先後趕至石家關左近紮營

探知冉學勝張世龍兩股賊匪屯聚西高山查

西高山距石家關僅三十餘里因時已日落山

高路窄不能進兵臣與定住阿哈保穆克登布

等往返商酌定於二十一日五鼓發兵阿哈保

穆克登布之兵由南面老關廟何家陽坡天降

聖朝實錄編卷五

四

溝一帶進剿臣與定住廣厚各帶官兵卽由西

高山北面之牛兒坪朱埡子養馬城一帶進剿

詎該匪等於官兵未到之前先已連夜拔營逃

遁阿哈保穆克登布帶兵緊追臣與定住廣厚

亦卽帶兵由北面挑擊奔馳六十餘里該匪捨

命狂竄官兵隨追隨剿阿哈保穆克登布一路

殲擒甚多臣與定住廣厚一路殲斃賊匪百餘

人生擒三十三名訊係正賊均經正法賊匪連
夜翻山繞林忽合忽分四散奔竄臣恐阿哈保
穆克登布之兵已經窮追南去該匪等若又乘
夜折回即可直達階州西和徑往岷州臣即與
定住廣厚等帶領官兵在楊家壩終夜堵截未
敢撤動次日探知賊匪繞奔雷家壩即帶兵趕
至雷家壩西北一帶兜剿不敢稍留餘力至甘
省西北秦州鞏昌等處現在均已無賊並據徽
縣稟報額勒登保率同楊遇春業將陳傑一股
賊匪全數剿盡並將首逆生擒是東面亦已肅
清僅有伍金柱冉學勝張世龍等股及零星小
股各賊匪尚未殄除然已經各路官兵逼向西
南體察賊情實已萬分窮蹙現在額勒登保率
同楊遇春亦自東北追剿前來已入成縣境內

欽定剿平三省邪匪方略

五

是各股賊匪均已逼歸一隅而各路官兵又復
會合一處自此剿辦更易得手臣惟有與額勒
登保會商剿辦奏入

上命軍機大臣傳諭長麟日長麟自到甘剿賊一月
有餘總未據有奏報本日遞到馳奏之摺仍係敷
衍塞責所殲賊匪皆係廣厚帶兵剿殺而長麟往
來追截並未趕上賊匪與之接仗所辦何事此時
秦鞏等處均已無賊陳傑一股亦經額勒登保等
搜剿淨盡僅有伍金柱冉學勝張世龍等股其零
星小股賊匪亦經各路官兵逼向西南賊勢已為
窮蹙長麟務須自知愧勵實力堵截以便額勒登
保等乘勢痛殲斷不可又令賊匪竄回秦鞏一帶
致未被蹂躪地方復遭荼毒况陝省所需銀兩先
後撥給合計已有百萬而甘肅餉項先於陝餉內

欽定剿平三省邪匪方略

六

撥給五十萬兩儘足敷用更無可藉口尤當趕緊籌辦剋期蒞事倘再防堵不力致賊他竄則獲罪甚重不能稍為寬貸也

同日

上諭內閣曰永保從前在鍾祥北面防堵賊匪所帶官兵共有九千餘名乃不能實力攔截致令賊匪向北奔竄焚燒潯河鎮繞至黃龍壩偷渡滾河是

聖朝聖訓編卷第

七

以

皇考將永保革職鞫問解交刑部監禁

諭令俟大功告成再行降旨因軍務尚未辦竣未即

施恩上年朕親政之初即仰體

聖意將永保釋放賞給藍翎侍衛令資經畧印信前赴

軍營旋即擢授頭等侍衛今其署理陝西巡撫是

永保從前應得之罪業經原宥伊署理陝撫在內

帶兵在華林山剿辦賊匪適因賊多兵少致有敗

衄如果永保據實具奏則勝負兵家之常原不遽

加之罪乃永保不敢實陳仍復隱飾其辭其罪實

在於此嗣後與明亮分投堵剿賊匪永保遂形氣

餒在大山畝株守不進其逗遛之罪亦無可辭復

降旨革職鞫問經大學士九卿等會同審訊定擬

斬候但核其情節尚係軍營通弊即勒保明亮上

聖朝聖訓編卷第

八

年逮問時其遷延玩誤之處皆所不免朕於勒保

明亮業經先後施恩亦不肯於永保一人獨加重

罪况永保之父溫福前在木果木陣亡究屬歿於

王事勒保現在辦理軍務亦屬出力而永保之罪

尚非必不可原本欲將伊放出發往軍臺贖罪惟

永保屢經効力戎行俱曾獲罪是其於軍旅之事

實非所能且於帶兵不利現在各路軍營連次克

捷大功指日告成軍營將領亦不少伊一人永保
著加恩釋放賞給八品領催自備資斧前赴烏里
雅蘇臺跟隨綿佐辦事以觀後效至景安從前在
河南巡撫任內惟怯無能並不帶兵堵剿惟擇無
賊地方駐守若

皇考知其畏蕙情節必即加之重罪伊在南陽堵截其

時又不能實力防禦致賊匪於二年間復由羅山

不聖素習事編卷五

九

南召等處竄至盧氏從武關闖入陝境擾及川省

種種縱賊之罪若蒙

皇考鑒悉早將伊立正典刑惟因軍營惡習率多諛詞

入告又無人將伊劾劾是以倖免本年朕將數年

來貽誤之封疆大吏各加懲治將景安一併革職

拿問經大學士九卿定擬斬決施恩改為斬候但

景安應得罪各事屬已往且賊匪到處奔竄地方

官不能堵禦何獨景安為然亦不值因內地亂民

徒走稽誅即將所到省分之督撫等概寬於法况

景安之罪究屬追論尚可寬其一綫者加恩改為

緩決仍牢固監禁此朕於軍營獲罪大臣格外施

恩苟情節稍有可寬必不肯遽行誅戮若罪在不

赦亦不能廢法曲貸也

臣等謹案賞罰為行軍之要道舉錯尤用人

不聖素習事編卷五

十

之大經我

皇上鑑空衡平前因軍務日久未竣將數年來貽誤

之封疆大吏永保景安逮問治罪一振戎綱

茲以賊匪漸次殄除

特降恩綸

賈其既往策以後效此不特身受

生成者知所感奮凡在臣民軍中無不銜被

洪慈卽會貽罪營亦必勉圖前灌所謂使枉者直乃大聖人智周仁愛之全量也

初三日癸丑姜晟倭什布奏言竊臣姜晟於二十

三日馳抵襄郡就近察探賊情與臣倭什布會

同籌辦二十四日接據隨營糧員及營務翼長

等稟報賊匪於二十二二十一日先後竄集南漳

武安堰該處向係市鎮居民築有堡寨該匪正

聖祖聖孫

十一

攻撲民寨希圖掠食適明亮帶兵趕到於二十

二日五鼓分路進擊始猶抗拒經明亮督同將

備率領馬隊兵丁直前迎剿搶渡溪河奮力攔

殺斃賊多名追擊二十餘里殲擒甚多生擒偽

總兵熊方青一名散出被擄男婦不少該匪卽

向荆門屬之孔家集一帶前竄臣等當卽差查

并據南漳縣所稟打仗得勝情節均屬相符伏

思該匪既經敗入荆門州境非東南竄逼州治

援及驛路卽西南通向當遠二縣現在明亮一

路官兵由北面躡剿而進若前路得有攔截之

兵尤爲得力查將軍弘豐於前此賊竄入楚時

已會挑備滿營兵一千餘名并訓練長矛餘丁

數百名數月來弘豐督率操演日臻純熟荆門

距荆郡只一百八十里若以此項挑備滿兵就

聖祖聖孫

十一

近帶赴荆門不惟可壯聲援實足以資夾擊適

弘豐亦有信前來酌商擇要近堵之處臣等卽

一面移商將此挑備之兵帶至荆門相機截擊

一面飭襄陽局移會荊州府俟該兵丁等離營

之日照例支給鹽糧其餘遠安當陽江陵東湖

等縣除前已飭該地方官集勇堵守外茲復屢

札嚴飭各屬隨時探明賊蹤凡有要隘加緊防

禦其自鍾祥以下沿江口岸亦飭該處防江文武探明賊匪所向跟蹤防堵俾匪眾不得狂奔越渡則乘此勝勢再得一二勝仗可望迅速集事現據探報明亮一路官兵已追剿前進而孫清元等一路官兵亦已趕過宜城日內可與明亮會合臣等并移會明亮孫清元或歸併一路進剿或仍分路馳移總期趕緊剿辦將此股青號賊匪早就殲除再查副將佛寧前在花果園遇賊接仗力戰陣亡其時尙有隨同帶兵將弁數員經臣等批飭鄖縣確查去後茲據稟報都司雙柱守備六達色二員曾有家丁到縣稟稱是日與賊打仗該二員奮力衝殺同時被害該縣派令丁役跟同該家丁尋獲屍身收殮惟陣亡候補參將富勒渾都司花尙阿二員因並無

家丁隨行現值天氣炎熱屍身難以辨認又據

均州稟報賊匪於初六日由花果園竄至該州

周府巷有委赴該處辦理臺站之襄陽府司獄

李鍾遇賊不屈當被賊害已分飭軍需局查敘

傷亡各員弁兵丁銜名分別具詳照例咨部辦

理奏入

上命軍機大臣傳諭姜晟倭什布曰據奏明亮抄擊

折竄賊匪情形俱經明亮奏過尙屬相符至所稱

賊匪現已竄至荊門州境明亮一路官兵由北面

躡剿若前路得有攔截之兵尤爲得力此則姜晟

倭什布及堵守地方官專責該督撫業經嚴飭各

屬隨時探明賊蹤凡有要隘加緊嚴密堵禦倘有

不遵辦者卽行嚴叅治罪不可稍有姑息徇隱若

如孔繼楫之實心團勇者亦當隨時保奏陞擢用

昭激勸此時賊匪竄近荆門一帶距荆州祇一百八十里姜晟等移商弘豐將挑備滿兵帶至荆門相機截擊事屬可行總之楚省剿賊之事責成明亮堵禦之事責成姜晟倭什布若能剿堵相輔而行使賊匪無從竄逸速就蕩平百姓安堵則明亮從前逗遛姜晟倭什布之徇隱及地方官之疲玩皆不追論並當將明亮姜晟倭什布一體恩敘若仍前懈弛則當一併治罪伊等平日所積咎愆朕皆一一默識屆時必當逐條宣示按律懲治如明亮於已得勝仗後復有鬆懈情事仍當據實奏奏又據奏花果園隨同佛寧打仗陣亡之都司雙柱等俱著查明咨部賜卹

同日

上命軍機大臣傳諭勒保曰據廣興奏達州邪匪起

事係由知州戴如煌借查拏邪教為名將殷賈之家肆行訛詐以致激成事端雖早經革職尚未回籍仍在重慶地方逗遛等語戴如煌在達州知州任內賊私狠籍民怨沸騰人人共知朕亦素所深悉從前宜綿奏戴如煌年力就衰並未敘及欽恩肇變情事蒙

上諭令將戴如煌革職仍留軍營効力上年朕親政後節次降旨令勒保魁倫查辦嗣據勒保覆奏以戴如煌老病無能任聽書差在外滋事以致民間多有怨言而魁倫覆奏亦祇以該員病廢飭將經手報銷各案交代清楚勒令回籍俱未將戴如煌激變之處據實查奏今據廣興奏稱戴如煌私設衙役至五千名之多首逆徐添德王學禮等曾被戴如煌拘拏訛銀數千餘兩私行釋放凡有習教

之人無不遺其索詐以致不能安身遂萌異志是
戴如煌實為邪教啟釁罪魁不可不嚴加懲治豈
得因伊年老病廢任令回籍置身事外此時戴如
煌尚在重慶地方逗遛著勒保卽行提至軍營將
戴如煌在達州任內借查孳教匪為名勒索銀兩
及激變起事緣由逐一詳悉研鞠速行按律定擬
具奏

欽定剿平三省邪匪方略

初四日甲寅德楞額奏勒保奏言臣等續據探報鮮

大川荷文明等股匪因官兵追剿甚急亡命狂
奔復於廣安之花橋子地方商量分成數股或
三四百名或一二百名甚至有數十騎為一路
者四散奔逃并令夥黨於該匪等未經竄走之
處放火燒房以惑官兵實屬狡詐臣德楞額連
日窮追沿途擒獲潛匿之賊並乘間逃出被擒

勇婦又有一百三十餘名口訊悉前情亟須分
兵追捕適臣勒保亦於十五日起到遂商同一
面派兵分追一面通飭附近各州縣以此次賊
匪被剿星散窮蹙異常如果策勵各團勇實力
堵截殲擒首逆定當從優獎賞以冀將此股餘
匪悉數殲除連日臣等並各路派出鎮將先後
擒殺賊匪又有三百七十餘人多係精壯戰手

欽定剿平三省邪匪方略

訊據活賊供稱均未知荷文明實在去向惟聞
鮮大川率領得力頭目戰手二三百人向响灘
子奔竄臣等卽連夜督兵追至儀隴所屬之尖
山子據署儀隴縣王燮稟報十七日派典史倪
霄赴高枝祠督同寨首陳朝會陳大均等派調
團勇殺殺十九日晚間正值鮮大川率眾攻撲
天旗寨適陳朝會等傳集附近團勇趕到殺賊

六十八名生擒偽副元帥吳效古一各次日鮮
大川又復率眾前來攻撲嗣寨並許出銀五百
兩贖取吳效古陳朝會下大鎗擊傷鮮大
川左膀當被匪眾搶救各團勇又復奮力追捕
殺斃並鎗傷賊匪一百二十餘名割獻偽總兵
蘇映品偽先鋒劉興科首級二顆惟鮮大川逃
往巴州境內潛匿查巴州一路先經臣等飭令

《聖主稽察羶羶卷五》 九

原任建昌道劉清署巴州田文煦嚴諭團寨人
等凡有賊匪蹤跡必須設法擒獻茲鮮大川被
剿情急無處藏身祇帶隨從十餘人在附近韓
家祠箐林潛伏欲向韓家祠寨首伊叔鮮文芳
鮮文欽等寨上躲匿先遣旗首鮮文屏楊仕山
二人赴寨與鮮文芳等密商鮮文芳等以鮮大
川係著名首逆斷難收留如鮮文屏能將鮮大

川擒殺即可將功折罪自保其身愷切開導鮮
文屏楊仕山當即省悟約為內應二十一日三
更鮮文芳鮮文欽鮮元明韓毓連等帶領百餘
人前往擒捕聲稱大兵到來鮮大川旋即驚竄
當被鮮文屏楊仕山用矛戳斃鮮文芳率眾搜
捕並將隨行賊匪楊昌仕等十二人一併殺斃
鮮文屏即割取鮮大川首級赴營呈驗緣鮮大

《聖主稽察羶羶卷五》 十

川向在响灘子地方居住臣等即傳本地民人
及現獲之吳效古等一一驗認屬實查鮮大川
本係與羅其清首先起事之犯嗣與苟文明同
惡相濟日久稽誅茲幸於余家場新場等處經
官兵痛殲潰敗該逆四竄潛逃而儀隴巴州兩
處地方各官均能督飭團勇認真堵截設計殲
除俾得元兇授首實足快人心而彰

國憲且查鮮大川手下偽副元帥偽總兵先鋒等均已殲戮靡遺所有此次在事出力文武及寨首團勇人等容俟查明奏請

加恩至現獲之副元帥吳效古當於訊供後寸磔梟示所獲各犯其中被擄者祇有楊慶等二十三

《剿平三省邪匪方略卷五》

三

人訊明省釋其餘多係戰手均卽隨時正法鮮大川屍身當經剝骨揚灰並將首級懸示巴州起事地方以昭炯戒至苟文明率其餘黨數百人現由茨芭河遁入通江縣老山林內相距較遠不值以重兵窮追且據南江縣稟報王士虎等股匪衆現由九龍場一路前奔恐其竄近江岸並據廣元縣稟報該匪等距百丈關不遠而陝省寬川一路之賊又俱逼近廣元自應先其所急

臣

德楞泰卽日帶兵由恩陽河一路先剿

九龍場之賊逸往嘉陵江岸並可就近兼顧廣

元_臣勒保因川東一帶賊股尙多七十五追剿

樊人傑一股於十六日在大竹之桿子舖地方

得有勝仗殺賊二百餘名生擒偽先鋒蕭勝宗

並賊匪三十五名七十五由梁山開縣一路跟

蹤追躡而龍紹周唐大信等賊節據太平文武

稟報均已折回川境且張子聰湯思蛟等二股

《剿平三省邪匪方略卷五》

三

在東鄉之中河一帶游奕並據東鄉縣楊世

稟報自從庚珍張廷鳳投出之後張子聰亦有

悔罪投首之心因此近來在全安鄉屯紮並未

出來滋擾_臣等伏思川省各股賊匪均已震懾

兵威如果張子聰真心出投妥爲安撫則其餘

各匪更可不煩兵力聞風瓦解且現奉

諭旨庚珍張廷鳳均令賞給八九品頂戴使之招致

各逆自當仰體

皇仁設法招撫臣勒保現已酌帶兵勇馳赴東鄉督

同該地方官妥為辦理並可就近兼顧龍紹周

等股偵探情形相機剿辦再接據夔州文武稟

報有黃號徐姓等股賊匪由雲陽竄至大寧巫

山界內十三日總兵德英額在水口王家河等

處帶兵堵截該鎮遇賊接仗身受鎗矛傷二處

聖奏

畫

守備李大發陣亡兵勇衝散賊由八石坪竄去

聞之實深憤懣查徐姓之賊自係徐萬富一股

前因川東一帶尚有零星散賊往來游奕疊經

臣等嚴飭德英額實力堵截毋任東竄今該匪

等衝破水口等卡一過八石坪即係湖北房縣

地界德英額既經受傷勢難帶兵追截現在七

十五剿辦業人傑一股正當喫緊之際且聞縣

雲陽境內尚有劉朝選等股亦須剿辦七十五

難以分身查總兵李紹祖與七十五同在一路

臣等業已派令該鎮就近馳往追剿即於七十

五隊內酌派兵勇二千餘名交令管帶並令其

過夔州時抽帶德英額名下兵勇六七百各并

巫山城內本有應行撤回湖北兵二百七十餘

名一併帶往足資追剿臣等仍一面飛咨明亮

聖奏

畫

倭什布派兵迎截以期兩面夾擊奏入

上命軍機大臣傳諭德楞額奏勒保曰鮮大川為著名

首逆因被剿緊急四散奔逃經德楞額等分兵追

捕殲賊多各大獲勝仗兇渠授首所辦深為可嘉

至鮮大川先因偽副元帥吳效古被圍勇生擒向

寨首陳朝會許銀五百兩贖取陳朝會不允即放

鎗打傷鮮大川左臂奮力追捕殺傷賊匪一百二

十餘名並割獻偽總兵等首級二顆甚爲奮勇
朝會著加恩賞給七品頂戴並賞戴藍翎如願授
官職卽著賞給把總俾其奮力自効若不願出仕
卽以翎頂榮身至鮮文芳係鮮大川之叔並不徇
私收留轉勸賊夥鮮文屏等將鮮大川擒殺實爲
深明大義殊堪嘉獎鮮文芳著加恩賞給六品頂
戴並賞戴藍翎如伊願得官卽以千總補用若不

《剿平三省匪方略》

卷五

願出仕亦以翎頂榮身其賊夥鮮文屏楊仕山一
經鮮文芳等愷切開導卽能立時悔悟將鮮大川
戮斃亦屬可嘉鮮文屏楊仕山俱著賞給八品頂
戴其隨同鮮文屏等擒捕鮮大川之鮮文欽鮮元
明韓毓連並著德楞泰等酌量賞給銀兩以示獎
勵如再能認真出力卽行奏明酌賞頂戴並著出
示曉諭以鮮文芳係鮮大川之叔若以首逆親屬

科罪尙應緣坐而鮮文屏楊仕山係屬鮮大川旗
手親信夥匪若經官兵拏獲皆應立賞重典之人
今因其能商謀將鮮大川擒殺不但赦其重罪而
且格外邀恩給予頂戴官職何況被賊迫脅隨同
搶劫之人若能翻然改圖將賊首擒殺去邪歸正
豈有不倍加恩賞之理禍福之機轉移甚速本係
賊黨一經改悔卽屬良民不可不共知猛省如此

《剿平三省匪方略》

卷五

遍加曉示賊黨自必聞風解散並可使賊匪自生
携貳於剿捕更可得力至苟文明一股現又遁入
通江老山林內雖其餘黨不過數百人自不值以
重兵窮追但若任其逃竄難保不復行裹脅德楞
泰勒保二人正在追捕大股賊匪卽不便分身前
往亦應酌派得力將弁跟蹤截擊以期速行擒獲
又德楞泰勒保分剿王士虎龍紹周等股賊匪何

入應往何路朕亦不爲逆制惟在伊二人自行相機辦理至張子聰雖據稱有悔罪投首之心但賊情巨測受降不易或因目前乏食率衆來投及至在營日久難保其不心生反側總須倍加慎重如張子聰真心投出自可賞給八九品頂戴仍須隨時防範其隨出賊夥人等皆當妥爲安插不可令其聚集一處亦不可令其雜處官兵隊內爲要總

聖朝聖編卷五

七

以痛加殲戮俾賊匪畏懼乞降方爲可信若徒事招致轉恐示賊以弱卽如鮮文屏楊仕山將鮮大司擒殺究因見賊勢日蹙是以各知改計而張子聰在全安鄉屯聚不動或係意存觀望亦未可知此時官兵氣盛賊匪已漸渙散實爲極好機會德榜奏勅保務須乘勝直前趕緊截擊於秋令內將川省各股賊匪一律辦竣勉之望之又據奏黃號

徐萬富一股賊匪由雲陽竄至大寧巫山界內經總兵德英額在水口王家河等處帶兵堵截該鎮遇賊接仗身受鎗矛傷二處守備李大發陣亡兵勇衝散賊由八石坪竄走等語德英額所受各傷現在會否痊愈若以受傷身故並當查明據實具奏至水口王家河一帶既有總兵在彼駐守所帶兵勇諒必不少營卡自應嚴密何以賊匪猝至卽被衝散並著德榜奏勅保卽行詳查係何營卡如實係賊多兵少難於抵禦亦應據實奏明若有疎縱賊匪情事卽當將守卡之員嚴參治罪其陣亡守備李大發著咨部議卹此股賊匪由水口等處過八石坪卽係湖北房縣地界此時明亮等在南漳一帶正當剿賊喫緊之時相去較遠難以兼顧現在德榜奏等已派總兵李紹祖馳往追剿所有

聖朝聖編卷五

天

徐萬濟一股賊匪卽責成李紹祖一人專司剿辦如能將此股賊匪截回卽在川境剿盡固屬甚善否則亦必須緊躡賊蹤迅速追剿該鎮所帶兵勇計有三千已不爲少自足敷剿捕之用德楞泰等務須嚴飭該鎮責令辦竣此股斷不可令其驅出川境藉詞卸責也

欽定剿平三省邪匪方略

正編卷一九六

欽定剿平三省邪匪方略正編卷一百九十六

庚申年

八月初六日丙午台布奏言竊照高二馬五戴家營前股賊匪闖川陝境因後無追兵總兵扎勒杭阿力戰陣亡該匪等竄往西鄉經提督王文雄於逼剿川匪出境後趕回截擊該匪等遂向石泉附近之五郎壩中壩逃遁而後股賊匪旋卽踵至王文雄得信卽又趕回扼要於娘娘山

欽定剿平三省邪匪方略

正編卷一九六

紫營二十日探知賊到牟家壩卽在江干相機躡剿賊匪不敢躡渡於二十一二三等日沿山由彭壩向東奔竄該提督亦連日追逼二十四日賊匪竄至西鄉縣之法寶山楊家河倚山屯紮王文雄差探明確於二更時督率兵勇乘夜趕至西鄉分作三路都司哈國瓏率領鄉勇馬隊數十名由西首喬家店一路進擊副將鮑貴

都司景坤高懋帶領弁兵數百名由東首索羅
觀一路進擊王文雄自帶都司鄧飛龍守備孫
佑並兵勇數百名由中路法寶山進剿同時齊
撲賊營該匪等一見官兵即搶上法寶山梁王
文雄即催督加緊追躡該匪已佔山梁分頭滾
石抗拒王文雄身先士卒奮力仰攻不意賊匪
馬隊暗從溝中繞出抄截官兵後路東首山頭

《聖朝通志卷之八十一》

二

賊匪窺見亦潛由索羅觀繞下衝撲鮑貴等一
路王文雄正在中西兩路策應瞥見鮑貴處賊
隊較眾捷馳援應該匪等趁勢下撲三路兵勇
併力鏖戰自寅至午未嘗少却乃竟眾寡不敵
被賊圍困王文雄左右衝殺猝至陣亡副將鮑
貴都司景坤高懋守備孫佑千總彭繼爵蔣奉
書等亦均遇害此外受傷陣亡官兵亦甚多

署西鄉縣知縣朱昌瑋聞報先派幹役找尋各
該員尸軀王文雄心腹受矛傷十餘處並被斷
割左臂鮑貴等亦均有重傷俱經棺殮_臣等接
閱稟報不禁髮指其潰散兵丁_臣已派叅將海
洪阿前往招收惟賊匪已竄堰口不可不急加
剿辦而無兵可撥現在冉張二逆又折竄回陝
經畧業派穆克登布追趕前來據畧陽縣稟報

《聖朝通志卷之八十一》

三

賊匪距該縣城七十里_臣又難以分身因思畧
兵不日可到綸布春與九十同係經畧派赴沔
縣駐防九十帶有官兵綸布春原帶本止索倫
馬隊二十餘員名莫若即將新到粵兵連王文
雄遣兵二併交與綸布春帶領督同馬玉魁專
辦西鄉賊匪所有此次傷亡官兵弁勇容俟查
明咨部辦理奏入

上諭內閣曰固原提督王文雄於通剿川匪出境後
趕回截擊高二馬五等股賊匪在西鄉地方進攻
山梁因衆寡不敵猝致陣亡該提督自到軍營以
來打仗殺賊甚爲出力今追截高二等股賊匪復
身先士卒直前奮擊因前調粵兵未到而原帶之
兵日久不無疲乏以致衆寡不敵殺賊陣亡深爲
可惜且伊尙有老母年已八旬尤堪憫惻王文雄

製著刑部彙編卷五

四

著加恩賞給三等子爵卽令伊子承襲並傳諭琅
玕用藩庫銀一千兩賞王文雄之老母爲伊子治
喪所有應得卹典著該部察例具奏

上命軍機大臣傳諭台布曰台布奏王文雄殺賊陣
亡覽之實深悼惜已降旨加恩矣其同時遇害之
副將鮑貴等著台布查明此外有無傷亡人員一
併咨部賜恤並派委員將王文雄靈柩沿途照料

送往貴州原籍以示軫卹所有王文雄原帶兵丁
台布已派令海洪阿前往招收擬俟粵兵到彼一
併交與綸布春九十馬玉魁帶領剿辦西鄉賊匪
亦祇可如此辦理所有前調粵兵何以至今未到
並著台布行催迅速到營至高戴等逆前旣戕害
扎勒杭阿今王文雄又被圍困力戰陣亡實爲可
恨卽被剿窮蹙懇請投降亦斷不可准所有此股

製著刑部彙編卷五

五

賊匪卽著交綸布春併力剿辦務須速行擒獲盡
法處治以伸國法而慰忠魂現已降旨令長齡帶
領吉林黑龍江兵一千餘名速赴西鄉會剿長齡
一到卽須打仗應需鍋帳等項著台布先行預備
齊集毋致遲悞此時賊匪在西鄉竄擾亟須搜捕
台布務卽轉飭綸布春等於長齡未到之前趕緊
截擊速擒首逆不可因長齡卽帶兵前來稍爲停

待若能於長齡未到以前先將賊首殲擒掃淨餘黨即屬伊等之功必不得已亦總當通向西南斷不可令竄往東北又入南山老林此爲最要其固原提督員缺已著賽冲阿補授三姓副都統員缺令慶溥補授仍暫留陝省平利白河一帶辦理防堵事宜著台布飭知慶溥遵照可也

上又命軍機大臣傳諭德楞泰曰台布奏提督王文

▲聖朝重賞編卷六

六

雄在西鄉地方追剿賊匪因兵力疲乏衆寡不敵王文雄被圍力戰陣亡現已降旨加恩其固原提督員缺已補授賽冲阿矣賽冲阿現在德楞泰軍營隨同剿賊此時川省各股賊匪勢已窮蹙軍威大振德楞泰等辦理已爲得手且帶兵大員尙多自不少賽冲阿一人著德楞泰即令賽冲阿速赴西鄉並酌分兵丁千餘名交令帶往會同綸布春

等專辦高二馬五戴家營各股賊匪更可期得力也

上又命軍機大臣傳諭長齡曰台布奏高二馬五戴家營等股賊匪在西鄉竄擾王文雄帶兵截擊因衆寡不敵殺賊陣亡等語前曾降旨令長齡在豫畧爲停待俟後起官兵到齊即赴額勒登保軍營今高戴等逆戕害大員實爲可恨現已令綸布春

▲聖朝重賞編卷六

七

九十馬玉魁等帶兵擊剿但恐兵力尙單長齡接奉此旨後不必等待後起官兵如三四起已到即可先行帶領速赴西鄉協同綸布春等由東北向西南併力剿辦其後起兵丁並著長齡行文帶兵之該侍衛章京等過程前進速抵西鄉以便協力痛殲迅擒賊首所有剿賊情形長齡應隨時一面自行陳奏一面咨報經畧庶不致有稽時日也

上又命軍機大臣傳諭琅玕曰台布奏固原提督王文雄於逼剿川匪出境後截擊高二馬五等股賊匪因衆寡不敵致在西鄉地方陣亡等語覽奏深爲軫惜已明降諭旨加恩賞給三等子爵照例議卹並令台布將王文雄靈柩照料妥送回籍因思王文雄尙有老母年逾八旬在原籍居住茲猝聞伊子陣亡之信老懷倍益難堪念之尤深憫惻著傳諭琅玕如伊母在省城居住琅玕卽親自前往面傳恩旨優加存問用藩庫銀一千兩賞給伊母爲伊子治喪若在玉屏縣原籍卽著派同知一員資銀前往並將卹賞恩旨傳知伊母再王文雄現有應襲世職著琅玕查明王文雄現有幾子先行具奏其應行承襲之子俟服闋後再行給咨送部引見並著琅玕隨時明恤伊母以示恩注

同日台布又奏言竊_臣前奏於五郎添設重鎮原因該處爲南山適中之地營汛空虛自用兵以來各路鄉勇實繁有徒非編充營兵不足以資收攝是以奏明先令都司銜黃瑞守備銜陳大用前赴五郎駐紮專司招募操演現據該都司稟報業經招有六百餘名並據署寧陝同知張約具稟亦已照例建蓋兵房現在川楚各匪時近陝境五郎地方界連洵陽石泉等邑_臣已將湖北運到糧石就近酌量分貯兼有用剩軍火軍裝尙留五郎城內都可黃瑞等旣經招有新兵應請以五百名作爲城守營兵並懇_聖恩卽以黃瑞補授寧陝城守營都司以專責成而資捍衛此外一百餘名留爲該鎮中左右三營之用大功不日告竣儘可不必再行招募再守

備銜陳大用經臣奏令前赴五耶招募新兵逐

日操演甚為認真出力無如該守備前在松江

時積受潮濕左腿步履本不便捷自進南山霧

潦鬱蒸右腿亦漸不仁肉消筋縮竟成殘廢據

都司銜黃瑞署同知張約查驗屬實可否即令

陳大用原品休致之處出自

聖慈再查本年四月間賊匪由山陽竄入商州境內

製者

十

該州陳祁帶同本州及孝義藍田各卡義勇馳

抵北灣抵禦打仗兩日殺賊一百三十餘名經

督臣長麟查明傷亡人數先行酌賞銀兩奏請

咨部議卹其出力之義首人等未經奏請

加恩今由該州知州稟請獎勵前來臣覆加查核出

力義首十一名除楊萬全等十名酌量賞給把

總外委頂戴外查有千總職銜文章李台一名

尤為超眾奮勇相應請

旨改賞文職州同虛銜以示鼓勵均奏入

上諭內閣曰陝省五耶地方為南山適中地方前經

添設寧陝鎮總兵並經台布先令都司銜黃瑞等

前往招募新兵現已募有六百餘名著以五百名

作為城守營兵即以黃瑞補授寧陝城守營都司

以專責成其餘一百餘名留為該鎮中左右三營

製者

十

之用又據查明商州出力義首十一名除楊萬全

等十名酌賞把總外委頂戴外所有千總職銜文

章李台一名尤為超眾奮勇李台著改賞州同職

銜以示鼓勵又守備銜陳大用現患腿疾已成殘

廢著准其原品休致

初七日丁額勒登保長麟奏言臣額勒登保前

於橫川穢淨陳傑一股賊匪後因伍金柱等股

賊匪向成縣一帶狂奔^臣亦即帶兵趕追在成
縣大川壩適^臣長麟由禮縣追賊前來會合查
阿哈保穆克登布在大山壩大灣圍莊一帶率
同將領追殺張世龍冉學勝等股賊匪八十餘
里殲賊三百餘名拏獲男婦一百九十二名口
是日阿哈保等追至一百四五十里餘匪分股
向東南之白馬關奔竄次日仍擬跟追又探得
伍金柱大股賊匪由西竄到相距已近恐向前
行走致爲牽綴只可就近向西先剿伍金柱等
股賊匪^臣額勒登保查楊遇春等帶兵已過成
縣遂飛飭趕赴白馬關一帶趕剿冉學勝張世
龍股匪並令阿哈保穆克登布等竟不必再顧
白馬關一路惟專剿伍金柱股匪並恐該匪已
至階州地方或被剿分竄現在雖距川省龍安

尙遠而階文可通龍安之路尤應加意防範又
飭定住廣厚即帶兵於階州之柳壩扼要預行
攔截^臣等隨帶同扎克塔爾慶成觀祥從大川
壩太石山等處帶兵前行杜賊折竄東北並爲
阿哈保穆克登布等策應茲查據阿哈保穆克
登布報稱二十三日午後師抵佛入巖探報相
離十里之竹峽子地方伍金柱股內之賊在彼
攻撲民硯阿哈保等當即帶兵前擊賊匪見兵
輒卽折奔我兵於栢楊林一帶趕殺十餘里斃
賊二百餘名生擒男婦八十九名口賊又翻孟
家山梁而遁連夜竟奔階州之柳壩適定住廣
厚等已經帶兵前去該匪聞風又復折回阿哈
保穆克登布於二十四日晚間得有伍金柱東
折之信是夜在佛堂寺將官兵分爲三路穆克

登布同楊奎猷富蘭張鳳傅廷剛并愛星阿碩
登保雅林保欽巴圖帶領馬步官兵共爲一路
由右手化嶺進發兼轄賊窟文縣之路桑吉斯
塔爾同吹札布定色輝明喜杜爾圖楊芳桑漢
海常張明德分帶馬步官兵由中路高嘴進發
阿哈保同墨爾歡保達斯呼爾岱唐朝臣百祥
高萬春托永安朱集才帶兵於左手抄出兼截

《製香和聖編卷五

四

賊向階州來路准於二十五日五鼓啟行天甫
黎明穆克登布一路官兵已迎遇賊匪奮勇趕
殺立斃二百餘名賊匪分股逃竄有向東南狂
奔者又有向東北分逃者東北路通佛入崖可
往西和禮縣地界穆克登布因定住廣厚之兵
現在階州之柳壩阿哈保一路之兵移師至佛
入崖較近當卽差人飛卽知會阿哈保由佛入

崖迎擊而來穆克登布又卽驅兵抄擊愛星阿
並卽帶兵搶上大巖山梁往下壓賊又斃賊二
百餘名桑吉斯塔爾一路官兵於六峽子溝沿
途殺賊已有一百餘人一面仍行兜截猝見東
北奔去之賊又復折回各該匪因四面俱有官
兵尙號召賊衆佔聚三座大山并分出持矛賊
匪分撲官兵勢甚兇悍阿哈保一路之兵亦已

《製香和聖編卷五

五

趕到我兵合力環攻該匪等亦拚命抗拒此次
騎馬之賊本屬無多經愛星阿射中指揮騎馬
賊一名各官兵左衝右擊殺死執旗之賊甚多
賊屍枕藉約一千餘人統計一日殺賊一千六
七百名時已昏黑不能再進查各路官兵生擒
男婦大小共有一千四百餘名當將擊獲各犯
分委官員研訊究出探馬頭侯長富王品高喬

添得大旗手頭目楊炳劉閏劉元張玉得又小
頭目陳三珍宋盛貴陳元謨陳殿榮等十一名
又認出殺死執旗各賊首級係李彩朝吳瑞李
兆春雷文學張世祿唐爾良鄒翰武等七名共
十八名據供此股賊匪實係伍金柱帶領其射
死之騎馬賊首級認係曾柳之弟曾印自曾柳
死後曾印繼爲元帥還有伊姪名曾芝榮亦稱
元帥是伍金柱用人并稱顏勝可辛聰等股賊
匪有二三千人曾與伍金柱在一處合夥於二
十四日先向東面太平河一路逃竄等語餘無
要供當將各犯凌遲處死所有前後獲犯一千
四百餘名審明從賊已久曾經打仗者六百八
十四名均卽正法其餘被裹之男婦大小訊明
卽給路票並賞給盤費釋放次日踏探賊蹤陸

欽定剿平三省邪匪方略

正編卷一九六

續搜獲又有五十餘人訊得伍金柱帶領殘敗
餘匪不過二千餘名連夜向太平河竄去自必
與顏勝可辛聰合夥此一帶路通陽平關老山
居多阿哈保穆克登布現卽帶兵追剿總期卽
時掃淨_臣等查甘省之賊先經逼向西南鞏秦
一帶久無賊匪而現在剿潰餘孽均在階州附
近伍金柱一股賊匪人數本多於賊衆中尤爲
狡猾今經我軍連次剿殺祇剩二千餘衆雖未
卽得此犯而其勢殘敗已極其餘如張世龍冉
學勝等亦係潰敗之餘_臣等惟有乘此勝勢鼓
勵各官兵趕緊次第剿洗此次打仗惟遊擊周
國平右腿受石傷一處外委楊清江面受矛傷
二處兵丁鄉勇間有傷亡容另查明咨部辦理
額勒登保又奏言_臣接准恒瑞咨稱有前鋒侍

欽定剿平三省邪匪方略

正編卷一九六

衛哲爾金保前因手足帶傷留於興安調養迄

今未愈臣查該侍衛哲爾金保向既打仗出力

茲以受傷損筋未即痊愈留於軍營無益應請

旨卽令回旗安心調養倘尚能當差再由該旗帶領

引

見若竟殘廢亦卽由該旗照例辦理又據西安司道

詳稱有

聖三朝聖編卷六

六

盛京領兵官協領卓齡阿前因在山內堵禦賊匪

染受潮濕得有腿疾今年四月間在黃梁鎮地

方腿腫加劇動履維艱來省調養該員年已六

十數月以來調治未愈看來難以乘騎帶兵臣

查協領卓齡阿既已年老有疾卽回歸本處亦

難容差但念該協領究由出師染患病症應懇

恩予以原品休致所遺員缺卽行知額勒亨額另揀

出力之員以次陞補再查

盛京尙有患病應行遣回之兵臣並飭卓齡阿沿

途照管一併帶回原處奏入

上命軍機大臣傳諭額勒登保長麟曰伍金柱一股

賊匪在甘肅境內奔竄無定經額勒登保分飭三

路官兵到處截剿共斬獲賊匪三千餘人殲戮偽

元帥曾印並斬獲大小頭目十八各所辦尙好穆

聖三朝聖編卷六

七

克登布桑吉斯塔爾阿哈保或驅兵抄擊或合力

環攻俱屬奮勇著交部議敘愛星阿帶兵搶上山

梁殲賊二百餘名又射死騎馬賊首曾印尤爲出

力本應卽加恩獎但愛星阿是否卽係前任護軍

統領之愛星阿現居何職抑另係一人現任何官

籍內未經聲敘明白著查明具奏候朕再降恩旨

現在甘肅竄匪張世龍冉學勝俱已潰敗昨據台

布奏冉張二逆又折竄回陝自即係冉學勝張世龍二犯若已竄回陝境是甘肅地方祇有伍金柱一股又經官兵連次剿殺祇剩二千餘人勢已窮蹙而陝境高二馬五戴家營賊衆合夥向西鄉地方奔突前此衝破木瓜橋卡隘總兵扎勒杭阿被害昨提督王文雄又力戰陣亡賊勢益屬鴟張况冉張二逆又經折回以目前賊情而論陝省最爲著重昨已諭令長齡帶領黑龍江吉林勁兵迅速前往並令額勒登保酌派得力大員帶兵千餘名前赴西鄉協同綸布春等剿辦若額勒登保於數日內已將伍金柱一股殲滅無遺自必統領大兵回陝督剿固屬甚善卽尙有餘匪未經剿淨長麟係陝甘總督在彼專司剿捕或酌派阿哈保桑吉斯塔爾等帶兵協剿亦無不可至伍金柱分股餘

欽定剿平三省邪匪方略

正編卷一九六

匪或由階州奔竄該處路通龍安卽係陰平小道尤應加意防範額勒登保已飭定住廣厚在彼攔截所辦甚是額勒登保身任經畧全在運籌決勝朕原不責以身臨前敵親冒矢石卽此次打仗得勝亦係額勒登保分飭將領調度得宜所致並非親身決戰况額勒登保聲威素著所到之處賊卽望風躲避此時額勒登保應察看賊匪往來蹤跡在秦隴各屬適中之地或漢中西鄉等處擇要帶領重兵駐紮東扼老林西顧甘肅而南面又可攔截川匪實爲居中制勝之策務當熟籌全局妥爲布置也從前帶兵大員因循觀望並未認真打仗故陣亡者甚少經朕屢次訓飭茲又責令伊等於秋冬之間一律蒞事帶兵諸臣力改從前積習俱思依限奏功打仗時皆能奮不顧身是以常有臨

欽定剿平三省邪匪方略

正編卷一九六

一六三

陣捐軀之事但如惠倫安祿王文雄等或係公爵
 或係一品大臣俱因剿此么磨小醜相繼陣亡實
 屬萬分不值朕心深為憫惻且賊匪一日不平地
 方百姓一日不能安堵額勒登保務當趁賊匪敗
 竄之時奮力截擊一鼓殲除勿留餘孽竝膺懋賞
 又據奏侍衛哲爾金保前因打仗受傷尙未痊愈
 協領卓齡阿因在山內堵禦賊匪染受潮濕得有
 腿疾難以當差等語哲爾金保准其回旗調理卓
 齡阿著以原品休致所有患病應行遣回之兵並
 著卓齡阿一併帶回再額勒亨額白到軍營後總
 未見有遇賊打仗之事伊現在何路防堵何股賊
 匪如並非緊要處所斷無令其在彼閒駐之理額
 勒登保可即將伊調至經畧大營聽候調遣

初九日巳未明亮奏言查徐添德大多賊衆經上

剿敗後晝夜向小橋一帶狂奔該匪詭計多端
 復分一股翻山抄截我兵後路二十五日行抵
 安家集適值大雨淋漓忽有騎馬賊匪數百人
 突從山溝林內衝出當即飛飭各營將備趕緊
 紮營布卡據險以待臣即帶領侍衛富翰塔津
 保江鼎暨滿漢員弁等冒雨下壓馳射擊殺斃
 賊三十餘人餘匪退入山後林內時已向晚未
 便窮追當據哨探報稱大夥賊衆均向劉猴集
 竄走又分出馬賊七八百人步賊千餘人折回
 武安堰查後路軍火糧餉均關緊要未便顧此
 遺彼二十六日臣帶兵復趕回武安堰沿途搜
 殺賊探十餘人擒獲伏賊黃宗義等五十餘人
 訊據僉供徐添德自剿敗後人馬損傷甚多難
 以接仗與張元帥公三掌櫃等商量遣我等裝

聖祖聖訓卷之三

三

聖祖聖訓卷之三

三

做難民混入武安堰寨內想要破開寨子搶奪軍器火藥並爲熊總兵收屍報警不料被官兵拏住餘無要供當將該犯等梟行梟示臣卽飛傳各寨首領百姓凡遇逃難人民必須盤詰真偽毋使賊匪乘間混入一面照會孫清元德昌等趕緊由周家嘴探蹤擊剿及臣馳抵武安堰探得分出賊匪聞大兵回剿緊急漏夜向東南逃竄有歸併大股之勢據武安堰首領胡道峻雷海等稟稱昨夜賊裝做難民來求入寨看其光景可疑將先到一賊打死餘匪始行散去等語臣面加獎賞令其嗣後更加小心不可疎懈二十七八等日臣仍卽由何家嘴仙居兼程抄道進發一路盤獲王順等亦係裝扮難民來探官以接息訊據供稱徐添德現由溪河石馬槽

一帶逃竄實怕馬兵利害想要回川躲避等供查徐逆本川中積賊蓄意回川且察其所竄之路與該匪所供相同是以臣星夜由利溪一帶迎頭擊剿並可攔截入川要路二十九日行抵大道場接據孫清元德昌等報稱二十六日由雷家河進兵忽見馬步賊匪四百餘人直來衝撲官兵隊伍德昌帶廣西官兵由右路前進孫清元參將吉林泰帶襄宜山東湖南官兵及竹山練勇由左路進發兩路官兵奮勇直前乘勝追過新集至孔家灣地方計程四十餘里共斃馬步賊匪一百餘人外委蘇忠全張元勝生擒賊匪周招劉大才二名餘匪四散奔逃兵勇間有傷亡俟查明另報臣查此股賊匪卽係徐逆分出抄截後路之賊又經孫清元德昌等剿敗

之後即由雷家河歸入徐家大隊向遠安當陽

狂奔臣復飛即照會孫清元德昌帶兵跟蹤追

剿臣即由巡檢司楊坪向遠安迎頭兜截以期

夾擊集事

明亮又奏言伏查楚省山勢散漫平坦地方居

多惟二竹西南及房縣保康南漳界南盡係大

山至鄰近洵陽穀城光化襄郡宜城荆門州荆

荆臣所領滿漢官兵三千餘名孫清元德

三

州皆係平路山內山外處處有路可通節節均

能繞行臣所領滿漢官兵三千餘名孫清元德

昌一路官兵鄉勇三千餘名足敷打仗之用然

二路迎剿進擊設有旁竄又皆落後若再分兵

堵剿恐力單無益必得及早派令各州縣團集

義勇各處截堵以便與官兵夾擊於剿辦方有

裨益臣經過各寨落首領紳士來見均稱近日

賊匪自經馬兵剿敗之後更加狡猾四路馬探

極多官兵未到之前大肆擄掠聞官兵臨近旋

即覓路奔逃各寨落不過自保身家且無紀律

不能幫助官兵若令各州縣團集義勇率領堵

禦呼應較靈賊匪不能任意亂竄則大兵追剿

自可得手臣已將屢次接奉剿堵兼施

論旨飛咨姜晟倭什布喇其嚴飭各州縣趕緊仿照

剿臣所領滿漢官兵三千餘名孫清元德

三

鄭西竹山二縣章程實力認真妥為備辦以收

速滅竄賊之效奏入

上命軍機大臣傳諭明亮日徐添德大股賊衆前此

經官兵剿敗之後復分出一股抄截我兵後路實

為可恨明亮預為准備將賊匪擊退又經孫清元

德昌等截剿分出賊匪仍歸入徐添德大隊向遠

安當陽奔竄未能痛加殲戮其搜獲生擒殺斃者

共計不及二百人未為愜意但賊匪屢經官兵截擊自揣不能仍前抗拒別生詭計指稱難民希圖混入民寨乘間擄掠此事之所必有現經武安堰首領識破將先到之賊打死餘匪散去尤為明証明亮務當嚴飭各卡隘寨首凡有來投難民形迹可疑者細加盤詰勿任賊匪一名混入更不可令混入軍營致為賊用至官兵臨陣務將賊匪馬匹

聖諭

天

先行擊斃其餘步賊不難迅速殄除至所稱令各州縣團集義勇堵禦一節楚省百姓不能如川省齊心一時難集此係地方官之事朕已節次降旨令姜晟倭什布妥為籌辦現在明亮又飛咨該督撫嚴飭各州縣趕緊仿照鄂西竹山二縣章程備辦姜晟倭什布身任封圻地方堵禦事宜是其專責伊二人自當認真辦理明亮總以勉力剿賊為

先務再昨據德楞泰等奏川匪徐萬富一股竄至

巫山界內經總兵德英額帶兵堵截身受矛傷該

匪等衝破水口等營卡與湖北房縣地界相近德

楞泰等派令李紹祖帶領兵勇三千名追剿並飛

咨明亮倭什布派兵迎截何以本日明亮摺內未

經提及豈尚未接到德楞泰咨會耶著明亮查明

此股自川竄來賊匪現在何處李紹祖會否帶兵

聖諭

天

截回目下正在剿辦徐逆喫緊之際若再令徐萬

富一股闖入豈不又形棘手明亮務當分飭房縣

一帶守卡員弁率領兵勇嚴密堵守不可稍有疎

懈

同日長齡奏言竊臣接奉

諭旨遵卽將頭起吉林官兵二百五十名令護軍參

領特克昇額協領五誠額帶領前進其頭起黑

護江官兵亦於初四日到來當令三等侍衛花
尙保總管托爾托保一同帶赴楚省均於襄陽
會齊前往明亮軍營臣甫過衛輝止百餘里當
卽轉回該處遵

旨等候一俟後起兵丁一千五十名全行到齊懋息

三兩日卽帶領前赴額勒登保大營聽候調遣

一面飛札河南藩臬兩司轉飭沿途驛站員弁

聖祖聖訓卷之六

三

預備官兵赴陝車馬以便隨到隨行不致遲逾

再此次吉林黑龍江官兵乘騎馬匹前經奉

旨令直隸河南湖北三省預備現在分撥吉林黑龍

江頭起官兵四百五十名前赴湖北除該省預

備馬五百匹就近給付外所有直隸預備馬又

百匹頭二三起抵鄭州臣卽令其由該州徑送

陝西其後起馬匹隨到隨送均於陝西齊集至

河南原備馬七百匹聞係在南陽會齊查該府

距陝西省城約計二千餘里兵行迅速恐到陝

等候未免轉稽時日臣現已札知署陝西按察

使素納於接到知會後迅卽備馬七百匹兵到

卽可騎用其河南所備馬匹並經知會吳熊光

隨後送陝以補額數奏入

上命軍機大臣傳諭長齡曰覽奏所辦俱是惟所稱

聖祖聖訓卷之六

三

俟後起兵丁一千五十名全行到齊懋息兩三口

卽帶領前赴經畧軍營等語此時情形又不同矣

昨據台布奏高二馬五戴家營等股賊匪合夥在

西鄉竄擾王文雄打仗陣亡此時通盤籌計陝省

情形尤爲緊要業經諭令長齡不必等待後起官

兵如第三四起已到卽可先行帶領前赴陝西協

同綸布春等由東北向西南併力截剿其後起兵

可令長齡行知帶兵之侍衛章京等過程續進長齡務當遵照昨旨迅往陝省奮力截剿速將高二馬五等股賊匪一鼓殲除至楚北徐添德一股竄匪明亮連次奏報得有勝仗賊勢窮蹙現在長齡已遵旨令吉林黑龍江官兵四百五十名前往協助足敷剿辦不日定可蕪功也

欽定剿平三省邪匪方略

正編卷一九七

欽定剿平三省邪匪方略 正編卷一九七

欽定剿平三省邪匪方略正編卷一百九十七

庚申年

八月初十日

庚申

姜晟倭什布奏言查青號賊匪

折竄南漳明亮率兵迎截得勝賊匪南竄官兵

乘勝追擊匪眾旋自安家集折回武安堰欲圖

突出官兵後路以爲牽制經明亮帶兵抄回武

安堰扼剿該匪復向荆門一帶奔竄其時又有

馬步賊數百旁竄宜城屬之雷家河適總兵孫

欽定剿平三省邪匪方略

一

清元德昌參將吉林泰等自宜城進發中途聞

信馳往截擊斃賊多名生擒二名餘匪潰敗孫

清元等恐該匪竄入麗陽驛大路帶兵從麗陽

驛樂鄉關攔截該匪聞風俱由劉猴集奔入山

徑現據當陽縣稟報該匪狂奔竄及當陽屬之

鴻橋清溪河一帶明亮所帶官兵自北而南由

劉猴集一路前進德昌等自東向西由烟墩集

一六九

一路前進已將賊匪逼歸山內不致竄出大道

擾及荆門驛路官兵跟蹤夾擊臣等近據房竹

一路探報川東賊匪在大寧巫山境內股數不

一飄忽無常房竹等處俱與毗連而房縣邊界

尤為遼濶前將分設官兵抽撥隨營剿賊以後

臣等俱經節次嚴飭該地方官激勸義勇隨地

守禦因恐不足深恃旋派參將曹星前赴房縣

聖朝聖訓卷之三

二

會同籌堵曹星尚未馳到接據房縣稟報有川

匪一股由川省大寧之黃草坪突至該縣九湖

坪擾及灣腰樹一帶該處山高地僻居民鮮少

沿邊義勇現在竭力堵禦等語臣倭什布病已

全愈即擬帶兵迅赴該縣堵剿惟臣倭什布留

襄調養並未存有官兵襄陽募集鄉勇僅能在

本地防守明亮一路官兵此時剿辦青號賊匪

正在喫緊未便分其兵力臣等再四會商查陝

省賊蹤離鄂西邊界已遠派赴該處防守之副

將滿倉帶有湖南兵六百餘名尚可暫為抽撤

又襄鎮存營兵丁除留營防守外酌調二百五

十名共湊集步兵八百餘名此次蒙

恩派來吉林黑龍江官兵即日可以到楚查明亮一

路本有馬隊四百名臣倭什布可於新到勁旅

聖朝聖訓卷之三

三

四百五十名內酌帶二百名整隊前進以資截

剿一面仍咨商明亮以青號賊匪迅即掃除兵

力可逐漸抽去再酌派得勝之兵數百名前來

協剿總期不致顧此失彼查此股川匪聞人數

不多亦未據稟及匪目姓氏臣倭什布趕緊集

兵前往迅速剿辦

同日吳熊光奏言臣接據探報甘省賊匪伍金

往等股業經額勒登保督師痛加剿殺屢得勝仗並將逆匪陳傑生擒自可不致東竄又探得楚北賊匪青號一股前在南漳武安堰經明亮等帶兵趕上打仗後仍向荆宜一帶奔竄現又有川匪苟文明一股已由大寧之陰條嶺竄入湖北房縣之九湖坪地方後無追兵而楚省官兵現在東南追剿勢難兼顧查長嶺帶領吉林黑龍江官兵不日到來正可赴楚由房縣一帶迎頭剿擊臣即於初六日赴新野地方候長嶺到彼將楚北一切情形面向告知並將應付官兵事宜就近董率照料俟官兵將次過竣再回鄧州督防至南陽府屬連日陰雨江水大漲但楚省賊匪東西分竄沿江上下在在均關緊要臣已飛飭完顏等務宜加意嚴防不可稍存

剿平三省邪匪方略

四

大意並派都司楊景芬酌帶兵丁前往幫同防守其廬浙一帶亦疊經札囑常林田永桐照舊小心巡查斷不敢稍任疎懈至吉林黑龍江官兵一千五百名經過豫省地方業經轉飭藩司馬慧裕等安設臺站派委正佐各員會同該州縣等將一切應付等項預備齊全茲頭起官兵二百五十名已於七月二十八日入境其餘各起亦即陸續到來行走甚為迅速均奏入上命軍機大臣傳諭姜晟倭什布曰青號賊匪被剿奔竄明亮等帶兵夾擊情形昨已據明亮奏到此時官兵乘勝進逼較易得手惟當嚴飭地方團練鄉勇加意防堵俾被剿之賊無從旁竄方為妥善至所稱竹山一路探有川東賊匪竄至姜晟等尙未知此股賊匪名目目前據德楞額奏稱黃號徐萬

剿平三省邪匪方略

五

富由川省雲陽大寧一帶竄過八石坪湖北房縣一帶現已專派李紹祖帶兵三千名前往追剿本日又據吳熊光奏稱苟文明一股由川省大寧之陰條嶺竄入湖北房縣之九湖坪總之無論其為徐萬富苟文明亟應奮力截剿現在倭什布湊帶兵丁八百名前往堵禦並將新到之吉林黑龍江勁旅內酌帶二百名以資截剿所辦甚好此股竄匪為數本屬無多李紹祖帶兵已有三千名儘敷剿辦之用倭什布即當與李紹祖併力攻擊痛加殲戮或截回川省勿令擾及楚境完善之區其吉林黑龍江馬隊兵二百名即可速令赴明亮軍營協剿若倭什布未到之先李紹祖已將此股賊匪辦竣倭什布即可帶原有兵丁在房竹一帶駐守以防賊匪折回為要

聖朝聖鑒編卷百七 六

上又命軍機大臣傳諭吳熊光曰昨據德楞泰奏報竄入湖北賊匪係徐萬富今吳熊光奏稱係苟文明自係探報未能確實但現在陝省情形較楚省更為緊要是以降旨令長齡即帶吉林黑龍江三四起兵共四百名迅赴陝省幫同綸布春由東北向西南併力擊剿吳熊光惟當於陝楚昆連豫省各要隘分飭常林田永桐完顏岱等督率弁兵加意嚴防不可因賊匪未致東竄現在江水盛長稍存大意为要

聖朝聖鑒編卷百七 七

同日台布奏言竊查高馬等逆大股匪眾於西鄉之板橋灣分股沿河而下二十五日申刻至兩河口漢江南岸假扮官兵直呼該處防江鄉勇首領武生王大才之名云係派來江干防守官兵叫放渡船過去王大才請疑未定旋見南

岸難民紛紛逃避火烟驟起知爲賊匪假冒卽令旗手鄧正敏等用鎗礮迅擊當斃賊匪五名賊卽沿江而下於二十六日午刻在茶鎮會合賊衆馬隊有戴翎頂者有帶弓箭擡袋者有執紅旗者均扮王文雄官兵衝至江岸義勇首千總孫榮素識王文雄軍營官弁見所來俱不認識亦知假冒無疑卽用鎗礮轟打賊卽退去西刻復來江岸放鎗分股驅牛至瓦脊溝欲資浮渡孫榮聞信卽與首領曹龍王步蟾陳力等飛赴該處已有十餘賊浮近半江該首領等隨用鎗礮擊賊落水淹斃五六名賊亦鎗斃鄉勇十九名時鉛藥將盡正在惶急王大才鄧正敏從兩河口帶領鄉勇并所有火藥礮位前來幫同抵禦自酉至丑賊匪不得過江二十七日巳刻

仍於瓦脊溝茶鎮石灰窑三處分投搶突孫榮等因鉛藥用罄復向各民寨借用疊打又斃賊匪七名馬五匹賊始退紮距江十餘里之老漁壩孫榮於是夜挑選精壯六百人潛行過江由間道小溝繞至老漁壩側近之古木嶺會同該處居民於三更時多燃柴薪連放號礮賊衆驚駭乘夜東走石泉之繪溪向柳溪一帶奔竄經石泉縣知縣李樞煥探明知會總兵劉之仁馬玉魁帶兵分赴西灘沿江排列燈籠火把照耀如晝賊於二十八日卯刻由明埡子翻八面坡七里溝焚燒民房又用白旗數面招搖瞭望南岸男婦望江號泣該縣李樞煥卽令老練水手駕船接渡過岸妥爲安撫賊匪折至石榴溝該處武舉李湧清率衆堵回另一股又翻繪溪山

梁直下江岸遊擊龔鐸會同馬玉魁派出弁兵奮力擊退仍由原路竄回大紅石屯住其川匪唐龍二逆又因官兵撤退後仍分兩股紛擾紫陽之木連河馬鬃嶺逼近烟墩垭該處本有都司儲士雄帶兵六百名在彼防守正在攔阻副都統額勒亨額聞信統領官兵由魯家坊過河上金竹山署紫陽令照磨張占亦調義勇三百二十名趕赴金竹山合力追擊斃賊十餘名餘匪仍折回太平之田壩河而前竄西鄉板橋垭一股奔至石泉梅湖江岸亦經額勒亨額派令官兵邀殺折撲紫陽之紅椿壩營盤經官兵用礮轟退亦由毛壩入川惟經畧所剿各匪內伍金柱賊股經穆克登布痛剿三次擒殺三千餘人餘剩二千餘人由黑馬關陽平關逃竄俱各

剿平逆裔編卷七

十

陸續竄來沔畧甘省大兵隨後跟追並准經畧札囑於城固洋縣南鄭西鄉多備糧石以期隨到支放查漢南新穀現已登場江廣協濟米石亦源源運到興安大營軍糧斷可不悞奏入上命軍機大臣傳諭額勒登保曰台布奏高馬等逆於西鄉滋擾後復分股沿河而下欲圖偷渡漢江經義勇擊退賊匪竄至石泉地方又聞伍金柱賊股剩餘匪二千餘人亦由黑馬關陽平關奔竄陸續竄至畧陽沔縣一帶甘省大兵隨後趕追等語前據額勒登保奏稱連次截剿賊匪先經派兵於各隘口扼住東北面一帶傳令各路官兵晝夜嚴防不使一名逸出乃高二馬五戴家營等股先由畧陽竄至西鄉辛聰宋麻子顏勝可魏棒棒等亦接踵而至今伍金柱剿除餘匪又竄至沔畧一

剿平逆裔編卷七

十一

帶是額勒登保所剿各股賊匪俱任竄近陝境其所奏各路嚴防之處仍屬有名無實此等竄匪全在防堵得力方可截剿額勒登保帶兵奮擊實爲盡力其賊匪等向陝奔竄又由於各路堵剿不嚴非額勒登保之咎毋庸心存畏懼而留防員弁並不隨營辦賊安坐食餉賊至仍不能堵任其來往實屬可恨必應嚴行查辦著額勒登保即將各股竄匪係何路何人防守處所乘間竄出詳悉查明指名參奏分別懲辦昨經降旨令額勒登保於陝省扼要處所駐劄督辦此時各股賊匪俱折回陝境急須上緊擒捕額勒登保自己親統重兵跟蹤剿辦務當倍加奮勵若能乘賊匪窮蹙之時在漢江以南悉數殲除固爲妥善必不得已亦應逼向川境以便與川省官兵併力夾擊斷不可再有疎

聖朝聖訓卷之三

三

懈復令竄至漢江北岸也

上又命軍機大臣傳諭台布曰高馬等逆於西鄉滋擾後復分股沿河而下假扮官兵欲圖偷渡漢江連經義勇奮擊始行退回實爲可恨其川匪唐龍二逆分擾紫陽雖被官兵截剿俱由毛壩入川而甘省伍金柱賊股剿剩餘匪二千餘人復由黑馬關陽平關陸續竄至畧陽沔縣一帶此雖必有之事但係何人防堵不力卽應查參前已諭令額勒登保駐劄秦隴蜀適中之地兼顧東西兩面此時各股賊匪仍竄陝境額勒登保自必親統重兵回陝剿辦台布惟當督率兵弁嚴防漢江北岸實力堵剿毋使賊匪乘間搶渡該省餉項不待伊等奏請又由晉省撥給五十萬兩支應儘屬寬裕且江廣協濟米石亦已接續運到台布務當悉心籌備

聖朝聖訓卷之三

三

以期源源接濟至此高馬等逆欲思偷渡義勇
首千總孫榮查出假冒情形卽用鎗礮轟打而鄉
勇首領武生王大才旗手鄧正敏幫同抵禦均爲
出力可嘉孫榮前於賊匪攻圍魏家寨時著有勞
績已降旨補授千總實缺此次又能擊退賊匪著
再加恩賞給守備銜遇缺補用並著賞戴藍翎王
大才鄧正敏俱著賞給千總並賞戴藍翎以示鼓

聖朝聖訓卷之三

十四

勵

十二日壬戌德楞泰勒保奏言臣等昨於儀隴所

屬之尖山子將首逆鮮火川剪除臣勒保帶兵

由營渠馳赴東鄉籌辦張子聰湯思蛟等股賊

匪並就近兼顧折回太平之龍唐二逆接據營

渠文武稟報大道兩邊山林內有潛匿賊匪或

十數人或數十人不時出沒行劫并有乘夜摸

椿之事臣勒保行至靜邊寺派令總兵薛大烈

永寧等帶兵於沿途林內搜捕竟有公然拒捕

者共殺賊三十二名生擒沈文亮等一百十一

名俱係精壯戰手訊係苟文明敗殘落後賊匪

等候另股入夥逃竄等語均卽正法營渠道路

寧謐仍由東鄉進發臣德楞泰帶兵由儀隴取

道巴州之恩陽河一路前進七月三十日兵抵

聖朝聖訓卷之三

十五

南江縣屬朱公垵探報藍號賊匪尙屯於南江

廣元蒼溪三屬交界之大龍場石馬場一帶焚

掠並詢據觀音巖硯民劉士禮等稟稱賊衆連

日擾及附近之面露溪柳樹壩等處硯寨勢甚

兇悍查朱公垵距九龍場七十餘里若賊匪知

我兵到勢必狂奔遠遁正宜趕前方可痛剿八

月初一日五鼓督兵進剿途次據探報賊匪已

由會家溝而來賊探百餘人已至甌子壩等語
是賊匪已知官兵消息當卽督催馬步兵勇疾
趨前迎詎賊遙見兵至仍卽折回洶過溪河官
兵飛奔前進賊又向會家溝而逸該處崇山疊
嶂路徑偏仄陡坎極多一人一騎魚貫而行臣
見兵力不能施展賊走亦不能迅速遂令馬隊
先行步兵後進步逼緊迫至柳樹壩又有步
賊數十人在彼擄糧經馬隊官兵直衝射倒馬
賊十餘名賊匪遂向夾道中兩面翻越適步兵
亦已趕到夾攻而下將步賊殲戮殆盡我兵卽
乘勝抵九龍場時賊衆先已佔踞陡坎子山梁
又係魚脊一線之路左右俱密箐深溝遙望賊
衆排列於山梁上搖旗吶喊臣察看該處山勢
左右溝內俱有路徑然竟無賊匪行走實屬可

疑自應分兵三路衝擊臣帶同副都統溫春賽
冲阿阿穆勒塔色爾滾總管遜多保富登額協
領穆騰額明德努赫稜侍衛富僧德阿納保慶
昌法依當阿克什布營總蘇清阿西靈阿等率
領吉林索倫馬隊官兵由陡坎子閣子廟進取
山梁令總兵馬瑜叅將蒲尙佐李應貴遊擊馬
應國李東山都司劉彪等帶領步隊兵勇由左
邊山溝而進令副將託雲泰叅將達自祥遊擊
唐玉龍都司馬元等帶領步隊兵勇由右邊山
溝而進臣督兵先進直攻陡坎子閣子廟逆衆
始猶憑高放鎗擲石及至官兵衝冒鎗石競進
殺賊數十名登時搶上山梁逆匪抵當不住紛
紛敗向石馬場奔逃左右步兵繼進惟兩溝內
婦女幼孩號哭之聲實不忍聞馬隊官兵趕殺

至六十餘里之高臺寺時已昏黑前途之玉成寨山塢俱係峭壁茂林賊匪滾跌人馬極多未便窮追適馬瑜託雲泰兩路官兵亦由溝內剿殺前來會合計此次馬隊官兵生擒馬賊彭必清等一百四十一名沿途殲斃馬賊三百餘名兩路步隊兵勇生擒賊匪陳正禮王杜氏等七百四十八名口沿途殺賊一千餘名活賊內經

聖朝聖編卷五

六

難民毛潤元等指出賊目大旗手馮汝中楊述先二名探馬頭彭必清楊正興趙聰等三名其被追滾巖跌死並過河淹斃及渙散者極多無從數計訊據陳正禮等供稱此股首逆偽元帥係李炳陳朝觀原係藍號冉添士王士虎分股不過千餘人李炳是通江人陳朝觀是廣元人俱說南江蒼溪廣元一帶地方有收路又偏僻

山林又多離江亦不甚遠因官兵難來遂破幾處小洞寨並擄掠裹脅已有四五千人不料官兵趕來李炳等已向通坪逃竄或走廣元或走南江實不知道等語訊之馮汝中楊述先彭必清楊正興趙聰五犯供亦相同隨將該逆等凌遲梟示並戰手及從賊日久之陳正禮等三百三名一併正法其由廣元蒼溪南江附近一帶

聖朝聖編卷五

九

新擄難民毛潤元王杜氏等二百十九名口概行釋回其較遠州縣難民鄧有貴邢何氏等三百六十二名口解交巴州分遞原籍地方官有業者給還原產無業者妥爲安插所獲馬騾牛隻分賞出力兵勇鎗矛等項除挑用外解赴巴州銷燬查此股逆首李炳陳朝觀訊係冉添士王士虎分出夥黨數月以來遊奕於此此次病

剿所餘不及二千人^臣 隨由三家壩前進扼住
北竄廣元之路截人通江現在廣元南江蒼溪
並嘉陵江岸業已肅清^臣 擬卽跟蹤追剿第查
廣元之七盤關毛壩爲川陝接壤之區^臣 等會
商各添官兵一百五十名聲勢更壯亦足以資
防禦又聞甘省西固一帶現在又有賊股竄擾
該處與川西之松潘龍安毗連^臣 勒保前設各
處防兵尙未撤去已飛札飭知副將張志林叅
將劉國剛遊擊沈宗文等督率各卡隘漢番兵
勇嚴緊防範不可稍有疎虞至提臣七十五由
開縣雲陽一路追剿樊人傑劉朝選等逆聞其
沿途亦有斬獲現在跟蹤緊躡總兵李紹祖前
令帶兵由八石坪進剿黃號徐姓等股竄楚賊
匪是否截回刻下未據稟報再前蒙

欽定剿平三省邪匪方略 正編卷一九七

垂詢龍唐二逆何人剿辦^臣 德楞泰共帶官兵七千
餘員各除患病留養及病故傷亡外現在不過
六千餘名^臣 勒保前帶兵勇除撥赴七十五一
路外現只剩三千餘員名七十五一路除派李
紹祖帶兵三千名前往八石坪截剿徐逆外現
亦只有兵勇四千餘員名蓋因川省官兵大半
皆係分防城池並緊要卡隘故在兵祇有此數
實在不敷抽撥茲龍唐二逆業已折回大平苟
文明一股已入通江卽再添士王士虎等股現
尙遊奕該處山內^臣 勒保由東鄉進剿係在東
北^臣 德楞泰由通江進剿係在西北如各逆向
東奔逃卽可爲兩面夾擊之計再探得陝省兩
股竄匪已入西鄉^臣 德楞泰現亦就近可以顧
及至於川省賊股雖多約計大概總不過二萬

欽定剿平三省邪匪方略 正編卷一九七

匪眾惟恨零星奔突而又見其即逃一時不能聚而殲旃臣等時深焦急惟有趁此秋高涼爽之際同心協力趕緊剿辦再此次打仗受傷兵勇數名過河淹斃兵勇十數名容俟查明咨部辦理奏入

上命軍機大臣傳諭德楞泰勒保曰此次德楞泰在九龍場一帶分路進剿殲擒監號賊匪一千四百

《聖朝實錄編年卷五

三

餘名勒保由營乘馳赴東鄉行至靜邊寺沿途搜捕殲擒苟文明敗殘落後賊匪一百四十餘名不可謂非勝仗然剿辦總未能得手總出伊等漫無把握往往擊剿大股賊匪未能即時剿淨又以別股緊要輒行移兵追截轉置原辦大股賊匪於不問以致輾轉奔竄復行裹脅最為積習即如此次賊首李炳陳朝觀祇係再添士王士虎等分出夥

黨從前本未著名何以到處擄掠即有四五千人之多現在此股剿剩之賊雖不及二千人尚在奔逃亦難保其不復勾結其再添士王士虎等仍在通江山內游奕各股分竄之賊尚多此等賊匪豈僅往來游奕枵腹奔竄勢必沿途掠食或將民寨之小者竭力攻圍其勢難支自必棄而從賊裹脅日眾又可成一大股若不妥籌辦法則官兵日久力疲間遇傷亡日形其少而賊匪到處迫脅日見其多是官兵自勞而賊匪轉逸主客之形竟成倒置又焉能擒渠制勝五年以來實受此病三省統兵大臣皆不省改惟知儘力追逐何時始能蕝事耶現據德楞泰等奏川省官兵大半皆係分防城池並緊要卡隘徵兵不敷抽撥等語其意又不免以兵少為詞殊不思川省所調官兵原資剿賊之

《聖朝實錄編年卷五

三

用並非祇令防守卽或緊要卡隘不能不安設防
兵至於州縣城池賊多過而不攻何須多兵保護
乃紛紛派撥轉令安居城中坐食糧餉並不打仗
殺賊又何怪隨征兵丁分而見單耶自當酌度情
形將派往各處守城兵丁調回剿賊卽附近賊氛
之州縣難以全撤亦應令官兵等於城外扼要紮
營遇賊奮剿並遙爲各路聲援而賊匪聞有官兵
堵禦不敢肆行奔竄剿捕亦可得力現在德榜泰
由通江進剿係在西北勒保由東鄉進剿係在東
北而龍唐二逆已折回太平苟文明一股及冉添
士王士虎等俱在通江山內竄聚正可乘勢夾剿
迅速殲除據奏官兵剿賊所過山溝內婦女幼孩
號哭不絕閭之幾不忍視不但百姓等遭此荼毒
念之惻然卽賊人家口同係生靈亦覺可憫帶兵

大員曰擊如此情形可不速圖吳安之計乎况各
股賊匪共計不過二萬人德榜泰務須就現有之
兵剿現有之賊趕緊剿辦必於秋冬之交一律辦
竣用膺懋賞再現在訊據劉之協供稱王廷詔在
四川傳教與該犯曾通信息伊徒弟李添珍徒孫
黃文照李曰清三人節次來回 廷信等語王廷詔
本係著名首逆現在何處竄匿 懇未奏及並著德
榜泰等查明於獲犯內留心訊問實在下落其供
出之李添珍等三犯亦著一體留心查察如能與
王廷詔一併拏獲庶可盡絕根株
臣等謹案兵家制勝之要貴能以逸待勞此
次各路官兵剿辦邪匪擒渠得勝疊經奏功
果能卽時殲淨一股免致復有裹脅自可迅
就肅清乃往往於擊捕垂盡之時或爲他股

牽制置而不顧使殘敗餘氛又致煽聚漸張
其遲延未必不由於此恭讀

聖諭以主客倒置

申誠帶兵大員勿徒以追逐為事仰見

文睿謨指示洞悉翰鈴將帥之臣無不欽服凜遵得操

勝算至以賊人家口同係生靈

聖慈憫惻

聖諭

天

諭令速籌奠安則尤

天地好生所為不遺一類者也

十三日^{癸亥}吳熊光奏言^臣於初六日由鄧州前

赴新野途次接奉

諭旨以吉林黑龍江頭起兵四百五十名撥給明亮

其餘仍赴陝甘等因^臣緣未知荷文明一股賊數

若干當即飛札詢商姜晟茲接覆稱川匪竄入

房縣即經倭什布前往剿辦原擬請增兵力惟

據報此股新入賊匪約計不過千餘人並有被

裹難民在內其勢尚不至鴟張並商之倭什布

據稱房縣一帶山路崎嶇馬隊不甚得力現在

另調兵八百餘名並擬酌帶黑龍江官兵二百

名足資剿捕其明亮剿辦青號潰匪業已得手

現有兵勇為數不少再加此次新添吉林官兵

聖諭

毛

二百五十名亦敷調撥無庸再請全數赴楚^臣

即一面飛飭南路各州縣並原派各委員將赴

楚官兵四百五十名妥速應付俾得遵行現據

許州知州多松武等稟報頭起官兵二百五十

名已於八月初四日行抵該州石固站約初九

十日頭起即可前抵湖北襄陽後起二百名亦

即接踵前進不致遲滯其餘一千五十名即隨

長齡統領由衛輝改道赴陝亦已飛飭經過
各地方官將車馬供頓等項趕緊預備應付并
飭司道派委委員逐站照料再臣查前接額勒
登保來信稱長麟在肅州涼州等處調馬三千
匹於鞏昌秦州喂養官兵到彼足敷應用等語
是吉林黑龍江官兵一千五十名到陝後有馬
三千匹似已無虞缺乏且額勒登保現在陝甘
交界地方剿捕官兵行走迅速若直隸馬匹亦
趕緊解赴軍營長途未免疲乏但直隸馬匹已
陸續到來豫省馬匹亦預備齊全或軍營尙有
需用之處臣卽飭令委員將直隸協濟馬八百
匹解赴潼關地方豫省購備馬匹解赴陝州一
帶分別喂養候調一面飛咨額勒登保台布如
尙需馬匹若干卽如數就近調往奏入

命軍機大臣傳諭吳熊光曰現在冷添德一股竄
匪已遁入當陽山內明亮若卽能悉數殲擒自當
優獎其功吳熊光惟當嚴飭完顏岱等防堵江岸
爲目前豫省要事不可稍有疎懈至直隸協濟馬
匹解赴潼關豫省籌辦馬匹解赴陝州分別喂養
預備額勒登保等就近調用自應如此辦理再劉
之協解京後令軍機大臣會同刑部連日審訊據
該犯供出河南鄧州新野地方同教之人約有三
四百家會降論旨令吳熊光密爲留意鄧州新野
地方素習邪教匪徒在彼伏匿難保必無然端倪
未露遽爾紛紛查辦轉致百姓驚擾是以劉之協
雖供出該處有傳教之人而姓名爲誰並未加之
根究卽如實豐邾縣地方本屬安靜本年忽有匪
徒起事自亦係地方官搜查邪教辦理不善胥役

人等藉端恐嚇索詐以致激成事端其實劉之協
 數年以來總在鄧州新野地方往來潛匿地方官
 並未能查察可見揆擊邪教多係拖累無辜而實
 在首惡轉致任其漏網現在劉之協業經擊獲卽
 再於豫省鄧州新野地方復事搜查亦斷無較劉
 之協更爲緊要之犯吳熊光惟當不動聲色密爲
 留心倘該處匪徒稍有蠢動無難立時查辦若其
 知守法原可相安無事切不可令地方官妄擊滋
 擾五年以來豫省疎脫要犯之大小官員朕全不
 究若再以搜拏餘犯爲名又逼出事端必從重治
 罪决不輕恕矣

臣等謹案詰奸緝匪之事全在地方官實力
 奉行隨時緘靖設專委之奸胥蠹役不特擾
 累閭閻波及無辜而正犯轉不免於疎縱蒙

聖德新民所由潛移默化也

三

皇上洞燭情形屢經
 訓示此次因劉之協供出傳教人衆不令根究姓名
 諭令吳熊光密爲留心無庸卽事搜查
 湯網宏開
 堯仁疇冒不特安分良民咸樂
 昇平之慶卽會習染邪說者亦日遷善遠罪而不自
 知此則

聖德新民所由潛移默化也

三

欽定剿平三省邪匪方略正編卷一百九十八庚申

八月十四日甲子明亮奏言查徐逆賊眾自剿敗

後晝夜狂奔向遠安屬之石馬槽一帶分投亂

竄該處西南白虎頭巡檢司等處係入川之路

東南當陽遠安東湖亦通四川恐該匪被剿情

急奔回川境臣即由巡檢司兜截前進初二日

行抵青龍崗據長探報稱賊眾大隊在大雙坪

剿平三省邪匪方略

小雙坪一帶散漫屯紮離營尚隔四十餘里踞

得捷徑由紅岩寨翻山進兵可近二十餘里正

在籌布進剿間適值孫清元德昌等自遠安截

賊前來會合當即議定五鼓發兵孫清元德昌

等由洋坪蔡家灣進兵以截賊由蕭家壩旁竄

之路臣即由紅岩寨進剿惟該處羊腸一線亂

石層叠官兵魚貫而入及馬隊方過紅岩寨逢

見賊匪在雙坪蜂屯蟻聚已分股至臣後路

大隊賊眾即由雙坪北竄蕭家壩臣察看山勢

雖險但處處有路可通當派守備陳應彪千總

啟祥把總伊凌阿等帶領鄉勇擇要埋伏一面

飛飭巴圖魯侍衛富翰培津保江鼎雙福等帶

領馬兵追趕騎馬賊匪後派侍衛恒坤副將樊

雄楚等帶領步兵直撲大隊賊眾該逆等始猶

剿平三省邪匪方略

搖旗吶喊分投抗拒一見富翰等馳射仰攻搶

上山梁該匪等措手不及箭斃賊匪百餘名賊

即遁逃由廻隆觀山寨繞至臣後路臣所帶官

兵尙有大半未過紅岩寨誠恐腹背受敵反墮

賊人奸計臣即由原路折回接應適值兩路賊

眾均已抄近山寨居民驚恐將山腰寨門關閉

臣傳喚該處首領逐加撫慰告知大隊官兵在

此該首領等立開寨門臣迅速帶兵轉回正值

馬步賊眾衝至欲奪鍋帳驟駛當即督率副將

王懋賞參將楊安遊擊承祿胥泗起三福等帶

領廣東廣西宜昌河南各隊官兵鎗礮齊發富

翰等緊追馳射攪殺一處共斃賊六百餘人復

追過兩重大山候補守備臬保衝入賊隊身受

矛傷陣亡該匪奔及山坳經前派守備陳應彪

剿平匪黨編年表

三

等伏兵齊出擊殺甚多該匪大半拋棄騾馬器

械翻山潛逃生擒萬朝俸等男婦一百八十五

名口正在催兵進剿忽聞前面蔡家灣鎗礮聲

急臣飛飭富翰等由左首大山梁趕赴孫清元

德昌等一路接應復派守備王占鰲千總楊存

福帶領馬兵四十名步兵五百名由右首山梁

前往協剿適孫清元德昌等帶兵由洋坪至蔡

家灣突遇馬步賊匪千餘名由溝中衝出復見

馬步賊眾二千餘名由蔡家灣右首山崗壓下

該鎮等同遊擊全祿孫應奉常德都司毛秉剛

姜元祥胡俊鴻守備孫鈺金洪嗣等各帶兵勇

奮力攻擊該匪竭力抵禦仍敢撲壓數次富翰

王占鰲等兩路馬步官兵趕到協力攻剿賊即

大敗追擊三十餘里共斃賊四百餘名生擒活

剿平匪黨編年表

四

賊五十三名餘匪四散奔逃把總麻光裕生擒

偽先鋒廖黑兒一名沿途搜獲徐世萬等四十

一名賊匪亡命奔逃一路拋棄婦女包裹騾馬

甚多時已向晚即將官兵暫紮查訊廖黑兒身

受箭傷四處甚重業經垂斃惟自認先鋒不諱

當將該犯立行寸磔復訊據萬朝俸供稱籍隸

四川麻柳場起事即隨同徐添德殺人放火當

探馬頭目徐添德本有三弟兄徐二掌櫃已死
現有徐三不知名字在營管事徐添德並無親
生之子有姪徐大用卽係徐三之子我今日同
在一處打仗見伊被官兵在山溝內殺死又有
探馬頭目苟方志于榮貴均被官兵殺死現在
張元帥徐三掌櫃是營內催兵打仗主帥自北
路總兵熊方青被官兵捉去後剩有南路總兵
何思學帶二千人西路總兵王青帶一千五百
人東路總兵魏伊云帶一千五百人四路各有
探馬七八十匹馬賊有千餘人今日又被官兵
衝散牲口丟棄大半人多失散徐添德畏懼先
遁入婦女大隊裡逃走聽說要回四川尋徐添
德舊徒弟王登廷合夥再作計議等供當卽帶
同萬朝俸至山溝內尋出徐大用首級並苟方

欽定剿平三省邪匪方略

五

志于榮貴屍身均各割下首級先後令拿獲賊
目逐一指認衆供確鑿當將該犯卽行戮割又
訊出張士舉等七十二名均係川中積賊概予
併誅其餘晨貴沈鄭氏等九十三名口均係南
漳宜城左右被擄人民隨卽交各寨首領分別
保釋胡兆熊等六十一名口籍隸均穀一帶路
途較遠發交隨營糧員蕭與潔訊明給予盤費
路票使各歸業查徐逆賊衆經官兵痛剿之後
不敢向白虎頭南竄仍由錚香坪折回北走竄
逃甚急不似從前到處擄掠焚劫且落後賊匪
並散出難民沿途日多一日現飭孫清元德昌
等從陸坪轉灣頭一路兜截臣從石家坪觀音
堂跟蹤躡剿以收夾擊之效此次官兵打仗間
有傷亡容俟查明容部辦理奏入

欽定剿平三省邪匪方略

六

上命軍機大臣傳諭明亮曰此次徐逆賊眾由雙坪北竄蕭家壩明亮率領將弁等帶兵追剿擇要埋伏殺賊六百餘人生擒賊目萬朝俸等孫清元德昌一路在蔡家灣地方突遇馬步賊匪亦奮力攻擊斃賊四百餘名將偽先鋒廖黑兒及徐世萬等擒獲所辦尙好巴圖魯侍衛富翰塔津保江鼎雙福等帶領馬兵馳射仰攻搶上山梁殲賊百餘名復趕赴孫清元等一路與守備王占鰲協力攻剿追擊三十餘里甚為出力其生擒廖黑兒之把總麻光裕亦屬奮勇俱著明亮於拏獲首逆徐添德後一併奏請加恩彼時明亮自當逾格酬庸其富翰等亦當一體加之陞賞並著明亮先行傳知俾其益加鼓勵所有衝入賊隊受傷陣亡之候補守備皂保著咨部賜卹至所奏訊據獲犯供稱徐添

德因官兵追殺緊急心存畏懼瀾在婦女隊內逃走一節究不可信徐添德為著名首逆最為狡猾所稱潛行逃竄之處安知非其捏造別生詭計以圖乘間他竄明亮務須留心體察確探踪跡必將徐添德搜拏務獲再劉之協一犯解到後節經軍機大臣會同刑部嚴加審訊其在湖北與齊王氏姚之富等商同謀反各情節一一供認不諱業於本日將該犯凌遲處死至徐添德雖係在川省首先起事之犯與劉之協並未見面但徐添德為教匪著名逆首而劉之協糾結煽惑傳教有年徐添德亦斷無不知其人之理並著明亮等將劉之協就獲審明正法緣由徧為曉示俾賊匪聞風畏懼其黨與自當日就解散於剿捕不無裨益也

十五日

乙丑

上諭內閣曰豫省將劉之協擊獲解京令軍機大臣會同刑部連日審訊業據將起意謀反各情節供認確鑿昨廷訊後即將該犯凌遲處死然辦理劉之協之故並非因該犯係白蓮總教首遽加以極刑也劉之協假白蓮教傳徒以根基錢打丹銀爲名其初原不過斂財起見行之日久不能哄誘愚民遂買王雙喜托名牛八指稱朱姓後代又將劉松之子劉四兒托名彌勒佛轉世可以輔助牛八希圖聳動衆人謀爲不軌其罪在此我朝

聖祖聖孫編卷九

列祖

列宗厚澤深仁凡我編氓無不淪肌浹髓乃劉之協捏稱明代後裔惑誘愚民有心謀逆實屬罪大惡極從前擊獲劉松宋之清等破案時劉之協在扶溝聞信脫逃蒙

皇考屢次嚴飭各省購緝原因劉之協係屬謀逆要犯不可不迅速擒捕初不因其傳習白蓮教之故彼時各省地方官未能仰體

皇考聖意竟以查拏教匪爲名四處搜求任聽胥役多方勒索不論習教不習教只論給錢不給錢以致含恨之人與習教者表裏勾結藉無可容身之窟紛紛蠢動起於襄陽蔓延川陝迄今剿辦五年尙稽蕪事其實劉之協數年以來在鄧州新野地方往來潛匿地方官並未能查察可見搜拏邪教大率拖累無辜而實在叛逆首犯轉任其漏網多年至於白蓮教名目由來已久卽據劉之協所誦經文大意亦不過勸人爲善並無違悖字樣劉之協罪犯寸磔在於托名牛八潛造逆謀孽由自作與白蓮教無涉卽如賊匪中平日習白蓮教者固屬

聖祖聖孫編卷十

不少然各省地棍鹽梟之類亦不一而足但經抗拒官兵卽一律剪除罪在不赦其自賊營投出者不下數萬人無不一體妥爲安置又何嘗跟究其從前會否習教乎其從前與劉之協同教之人若果能各安本分原可置之勿論卽失察劉之協地方官朕尙加恩概免追問則凡平日與劉之協熟識容留藏匿之人豈肯令地方官轉加究詰劉之協係白蓮教內檢惡最久之人尙不肯因此稍有株連况其同教中人數眾多焉有一一查究之理總之現習白蓮教者安靜守法卽是良民地方官無庸查拏若聚眾煽惑卽非素習白蓮教之人必當按律懲治所有辦理劉之協原委及朕不加追究白蓮教至意明白宣諭中外咸使聞知

臣等謹案白蓮教之各自元明時已有之鄉

里愚易爲煽惑但止於持齋誦經苟無謀爲不軌情事亦何至罪在不赦劉之協以食毛踐土之齊民托名朱姓後裔假稱彌勒佛轉世其有心謀逆實爲神人之所不容是以逃竄逾時卒罹

天網顯道惟彰昭然不爽至尋常習染邪教之人原不與大逆同科

皇上屢降諭旨曉示至明此次復將辦理劉之協原委及不加追究至意

宣諭中外俾衆共知

仁育義正

天燾海涵不特使有恥且格者咸與惟新卽海隅蒼生莫不聞而知感勉爲善良所謂經正民興斯無邪慝也

十七日丁卯額勒登保長麟奏言查伍金柱等股

賊匪前經阿哈保穆克登布一路官兵剿潰後

尙有二千餘賊由太平河一路遁入老山當卽

飭令趕剿臣等亦卽整兵逼進途次接據楊遇

春裕布舍稟報該提督等帶兵趕剿冉學勝張

世龍股匪出白馬關後偵探該逆等先從白水

江西淺而過向沔畧地方逃竄相距已二百餘

里復據探報張添倫辛聰顏勝可魏棒棒宋麻

子并楊逆餘匪等合爲一股現在陽平關迤西

屯紮滋擾該提督等卽趕往剿辦臣額勒登保

查冉學勝張世龍賊股本係派楊遇春等就近

出成縣趕擊今該匪旣已先竄後追無及臣額

勒登保前因棧道太渠一帶已無賊匪早經咨

調恒瑞帶領馬步兵從虞州一路前進以防

竄匪當一面飛咨恒瑞竭其徑赴沔縣截剿張

冉等賊一面卽飭楊遇春迎剿張添倫等股臣

長麟帶同觀祥等暫駐白馬關以扼要路臣額

勒登保卽帶扎克塔爾慶成領兵由木瓜園鄧

子園自北向南前進以爲楊遇春一路策應初

四日探有賊匪從銀杏溝竄出臣額勒登保帶

兵卽由鄧子園翻山過郭家壩冒雨而進午後

將抵該處據差探兵丁報知派出躡探之守備

王兆龍猝遇賊探受傷賊匪已近在數十里內

卽督領馬步兵分路馳擊賊匪漫山四竄當

查王兆龍被矛傷穿透右肩窩尙未殞命令赴

民寨暫息我兵追出二十餘里殺賊八十餘名

生擒十五名時已昏黑且雨大不能再進將活

賊訊知卽係顏勝可魏棒棒張添倫辛聰宋麻

子揚逆餘匪等股原欲由場平關過江南竄開

伍金柱被官兵剿潰仍復折回因又遇楊遇春

等官兵剿殺故由銀杏溝一帶奔逃臣額勒登

保於初五日仍由線壩等處追剿此一帶老林

山路居多該匪等出沒箐林零星搜殺共有一

百餘人該匪等翻山越嶺徑趨白馬關臣長麟

探有信息親督官兵佔據茅垭子隘口并令

《製看刑書編卷五》 五

祥帶兵堵截賊又聞風扒越老林向黑馬關長

壩一帶而逸觀祥追及賊尾斃賊三十餘名孰

意是日該匪顏勝可等奔至大水溝適定住廣

厚之兵出仙人峽正與賊遇該匪等亦猝不及

防定住與廣厚分兵從大水溝兩山壓下殺賊

一百八十餘名生擒五十六名奪獲器械旗幟

二十餘件餘匪又向西北亂竄遁去臣長麟恐

其繞竄成縣當即起任迎剿並令觀祥緊跟追

擊臣額勒登保從兩河而進即先派慶成帶兵

由拋沙河江洛壩一帶繞擊隨即帶兵趕往成

縣之白家林與臣長麟會遇叠接楊遇春格布

舍等來信張添倫等餘黨三十初二二日總

在老山林內盤旋此一帶山勢甚大樹木叢密

楊遇春格布舍豐紳等連日率馬步兵勇截擊

《製看刑書編卷五》 六

每日斬獲一二百人不等旋即北竄初三日覓

路而前緊追跟剿至申刻哨探又有一股賊匪

已至西山楓香溝石觀子溝一帶旁竄而來楊

遇春格布舍等驅兵迎擊我兵甫進石觀子溝

該匪等現屯聚兩山梁竟來撲壓官兵楊遇春

與格布舍豐紳率兵分路左右衝擊斃賊六七

十人賊匪稍形退却下溝折奔溝內樹林深密

楊遇春等隨探隨剿欲趕出峽溝以便痛擊而
路逕甚屬崎嶇將達溝口天色已晚乃賊匪又
在兩山梁排列吶喊直撲我軍楊遇春率領衆
兵搶擊賊匪恃其高據山險仍復喊聲不絕直
至格布舍帶領馬隊官兵抄在左山梁後鎗箭
並施豐紳又帶步兵竭力堵截賊匪始行畏懼
下奔楊遇春等於黑暗中率兵攪殺追出溝外
時已初更以後莫辨路徑山邊有草房數間祇
可令兵焚燒火光中得見山勢道路賊匪亦在
亂奔乘勢追殺一二里不能再向前進擊營露
處查有委護軍叅領英柱游擊姚士華守備鄧
文元千總張大陸額外外委樊忠王大用在黑
夜中與賊攪殺陣亡兵勇等亦有傷亡者次日
黎明於溝內溝外前後查看斃賊計有二百餘

剿平三省邪匪方略 正編卷一九八

人將獲賊嚴訊據供昨晚伍金柱率領賊衆抗
拒官兵有稱已經鎗斃之語然無確據仍分兵
四面搜山擊獲羅開允等三十餘人又僉稱伍
元帥實在鎗斃亦未得其詳旋有自行投出王
添五一人逐加訊問據供伍金柱有二十四五
歲昨日伍金柱聞有官兵將裹脅之人及婦女
安放溝外十餘里之山梁屯住自帶矛手千餘
人進溝堵截官兵伍金柱有弟伍三年約十八
九歲向亦不甚管事昨夜二更後伍三逃回說
伊哥哥小腹受鎗從膀後穿出扶掖走數十步
後倒地衆人擡到半坡氣絕伍三與梁三掌櫃
將其屍身帥旗送進空房燒化叫衆人向拜衆
人推梁三掌櫃掛帥我向在軍營當夫七月被
賊裹進押我背鍋我久不甘從賊知伍金柱已

剿平三省邪匪方略 正編卷一九八

死我乘空躲在樹林今日投出反復究問確鑿不移是伍金柱之死實屬可信又探得該匪餘黨從碾子壩草川等處向西逃遁此股本係阿哈保穆克登布桑吉斯塔爾等自箭桿山牛頭山一帶追來次日阿哈保等亦即趕到伊等沿途斬獲共有一百三十餘人與楊遇春晤面後業已帶兵分路追躡前進臣等查伍金柱最為狡猾今已鎗斃稍紓憤恨各路均有斬獲賊勢亦日見消亡且伍逆已除餘黨甚為窮迫即各賊股聞之必更膽落臣等除將階州文縣西和之路仍交定住廣厚帶兵擇要堵禦截剿又有阿哈保穆克登布桑吉斯塔爾帶兵躡蹤兩面夾擊數日內可期洗蕩伍逆殘敗餘匪至張添倫等匪股數雖眾不過四五千入現竄成縣西

和界內派令楊遇春格布舍豐紳等帶兵即赴慶成一路會同剿辦臣等帶扎克塔爾等由成徽一帶督率策應總期早完一日將甘境之賊殲淨臣額勒登保仍即帶兵前往西鄉督剿其各路傷亡兵勇另行查明咨部辦理額勒登保又奏言臣接准台布來信提督王文雄在西鄉一路殺賊陣亡副將鮑貴不知下落等語查打仗殺賊挫折亦所不免但王文雄於五月內冊報所帶之兵有二千四百餘名鄉勇二千七百餘名兵勇共有五千七百餘名又官弁數十員且此項兵勇均係該提督帶領有年並非新調新派且該提督於前此川省竄來賊匪龍紹周唐大信等剿殺叠經獲勝將餘匪逼歸川境臣方以該提督出力可恃何以遽遭毒

舉著鄂爾德格

九

舉著鄂爾德格

手

害當經札知台布就近詳晰查奏而賊勢既如此鴟張冉張等逆又復接踵前去若非大員前往不足以資剿辦恒瑞現赴沔縣臣於邵子園得信後即飛咨恒瑞帶領原帶官弁兵勇四千餘名由南鄭徑至西鄉剿辦并先派委員前往管帶王文雄一路之兵勇猶恐恒瑞一人力量尙單查現駐長寨之岱森保先染痢疾頗重近

聖朝新編卷之八

三

雖據伊跟隨之人報知調治向愈尙不能行動九十現在沔縣帶兵防堵臣即派副都統綸布春隨同恒瑞前去恒瑞本有馬隊即可令綸布春帶領以資得力又有馬玉魁所帶粵東兵一千五百名現已到來足敷剿辦並札囑恒瑞總不可使賊匪仍向西折竄至沔畧爲要再查賊匪尙在西鄉一帶安知不又思越過漢江日下

秋水漲發漢江船隻早經札知地方官遠撤但

水勢消長無定防堵須嚴石泉一帶已有劉之

仁在彼防堵恐其力單臣調現駐棧道之關騰

帶原領兵一千餘名即赴城洋一帶緊防北岸

務須與石泉聲勢聯絡不得使賊匪一名越過

江北再查楊遇春路出兩當據該處民人報稱

有數十人假充兵勇有時擄食有時向放火殺

聖朝新編卷之八

三

人看其形跡竟似賊匪楊遇春遂派遊擊張瑗

改裝帶領兵勇一百餘人均給予盤費令其密

行躡緝張瑗四處察訪於五郎地方得有蹤跡

張瑗先令鄉勇亦冒稱白蓮教與賊混在一處

講說始知係各賊股內餘匪隨處逗遛欲俟遇

有賊股再行合夥共有三十人前月二十二日

在大木耳溝適遇大雨該匪等悉在空房聚歇

張瑗密召所帶之人零星圍佈於二十三日黎明進殺當經殺賊二十一人生擒楊兼熊三英等十人帶送軍營當經訊明均係真正教匪即予正法

長麟又奏言臣欽奉

上諭前次隴州紳士國勇等於張添倫等賊匪逼近渭河時將渡船盡並於對河用礮轟擊賊匪

折向東竄令臣宜明出力人員具奏伏查隴州

本有團練鄉勇五千餘名本年六月經署隴州

蕭光浩將前項鄉勇在於渭河北岸分段設卡

防堵並將船隻盡行撤歸北岸六月十四五等

日高馬等逆先後竄至胡田馬頭上地方欲行

偷渡該署州臣信即傳集文生員曹長庚義民

首王璋等帶領卡勇用鎗礮轟擊傷賊匪十

餘人賊始向東折回七月初一日賊匪探馬三

十餘騎又至渭河南岸正在淌渡復經該署州

飭令益生何炳章義民首吳有杰等率同鄉勇

用鎗礮轟擊賊匪旋即折回所有生員曹長庚

監生何炳章義民首王璋呂國棟孫士巧王恩

馬龍吳有杰俱係首事出力之人應如何鼓勵

之處伏候

聖裁至該署州蕭光浩一聞賊匪驟至即親赴沿河

撤船集勇鼓勵紳民辦理尙屬妥協均奏入

上命軍機大臣傳諭額勒登保曰此次額勒登保分

飭格布舍豐紳楊遇春等分投截剿殺賊雖屬無

多然能將大股賊匪著名首惡伍金柱鎗斃且於

黑夜冒雨前進殲此渠魁額勒登保實屬調度得

宜深堪嘉獎著賞給鑲玉火鏢包鑰匙袋大小荷

包又發去翎管撥指各十件著額勒登保傳旨分賞在事出力人員至格布舍帶領馬步官兵抄在賊匪屯踞山梁之後鎗箭並施豐紳帶領步兵竭力堵截賊匪始行畏懼下奔楊遇春於黑暗中率兵攪殺復乘賊匪亂竄之時併力追剿俱屬奮勇可嘉格布舍豐紳楊遇春俱著交部議敘以示獎勵此時首逆伍金柱既已緘除餘黨甚為窮蹙階

聖朝實錄卷一百六

三

州一帶額勒登保現派定住廣厚帶兵擇要堵截又有阿哈保穆克登布桑吉斯塔爾帶兵躡蹤兩面夾擊務將伍逆殘潰餘匪悉數殲除不可又任四散奔逃別滋勾結至張添倫辛聰宋麻子顏勝可魏捧棒及楊逆餘匪額勒登保令楊遇春等會同慶成剿辦勿令竄入東北所見甚是此股賊匪不過四五百人向知伍金柱已經殲斃自必聞風

畏懼額勒登保務飭楊遇春等奮勇截擊加緊成

功竄膺懋賞又據奏高二馬五戴家營及冉張等

逆現在西鄉一帶額勒登保飛咨恒瑞帶領官兵

兵勇四千餘名由南鄭徑赴西鄉又令關騰帶兵

一千名緊防漢江北岸不使賊匪一名越過江北

所辦悉中機宜又所稱岱森保本已年老又患病

未愈伊向係朕潛邸諳達素所深知與其留於軍

聖朝實錄卷一百六

三

營不能得力莫若令回京調治以示朕始終保全之意如病體業已就痊伊情愿帶兵出力即仍留軍營亦無不可又遊擊張瑗能將假充兵勇賊匪捕獲十人並殺死賊匪二十人甚屬細心能事者額勒登保存記俟再有出力之處即行保奏陸用又據長麟查奏前此擊退逼近渭河賊匪係署隴州知州蕭光浩生員曹長庚等均屬出力著再交

額勒登保查明如果奮勉出力蕭光浩遇有陝甘
 兩省直隸州知州缺出卽行奏補並先賞戴藍翎
 其生員曹長庚監生何炳章俱著賞戴藍翎義民
 首王璋呂國棟孫士巧王恩馬龍吳有杰酌賞八
 九品頂戴以示鼓勵所有此次在石觀子溝山梁
 打仗陣亡之委護軍叅領英柱遊擊姚士華守備
 鄧文元千總張大陸額外委樊忠王大用俱著
 容部賜卹

聖朝聖恩編卷夏天

毛

上又命軍機大臣傳諭恒瑞台布長齡曰額勒登保
 奏冉學勝張世龍二逆接踵至陝已飛咨恒瑞統
 領原帶官弁兵勇四千餘名卽由南鄭徑赴西鄉
 剿辦等語高二馬五戴家管等股賊匪前此竄入
 西鄉勢甚猖獗今冉張二逆又復相繼而至該處
 情形甚關緊要現在長齡已帶吉林黑龍江官兵

一千五十名趕赴該處恒瑞惟當與長齡綸布春
 等并力剿捕若能於陝境剿竣固屬甚善否則通
 入川北地方以便合兵剿辦斷不可令賊匪竄過
 漢江以北又入南山老林以致辦理棘手額勒登
 保未到陝省以前此一路打仗情形著恒瑞等隨
 時具奏至陝西西南兩面防堵事宜是台布專責
 該撫務當督率防範並將漢江船隻提至北岸勿
 令賊匪一名偷渡此爲最要

聖朝聖恩編卷夏天

庚

欽定剿平三省邪匪方略正編卷一百九十九

庚申年

八月十九日己姜晟倭什布奏言查吉林黑龍

江頭起官兵四百五十名已於初十三日先

後行抵襄陽臣等當將應用馬匹鍋帳按名給

領並逐加獎賞此項勁旅以之馳射衝殺一可

當百前以川匪竄及房縣須兵堵剿臣倭什布

因未帶有官兵會經奏明即於此四百五十名

剿平三省邪匪方略

正編卷

九九

勁兵內以吉林兵二百五十名赴明亮軍營其

黑龍江兵二百名臣倭什布帶赴房縣截剿青

號賊匪與孫清元等夾攻追擊連得勝仗該匪

自南漳折向均穀一帶狂奔疾竄俱向山徑樹

林散漫潛逃臣等遣赴明亮軍營探差回

報官兵緊追截擊沿途殺斃賊匪及遺棄幼孩

甚多並有賊隊中老少男婦奔逃力竭或饑餓

不前或躑躅道左有經官兵射倒砍傷而尚存

氣息者向其詢問大半皆川省人自是賊匪真

正夥黨其近地被裹民人乘間逃出經各地方

官訊明資送回家者亦復不少賊勢實已萬分

窮蹙等語臣等思明亮一路此時追擒首逆正

在喫緊未便將其現帶之兵分出兼顧而川省

竄入房縣灣腰樹一股賊匪續接該縣稟報分

剿平三省邪匪方略

正編卷

九九

竄至縣屬之松香坪博磨坪一帶有東趨保康

之勢臣倭什布急須集兵往剿迫不及符而前

調副將滿倉所帶之兵因在鄖西防堵相距六

百餘里尚未趕到就近於襄鎮各營挑撥除留

防外只可湊集兵丁三百餘名若如前奏僅帶

黑龍江兵二百名合計馬步各隊不滿六百名

實屬不敷剿辦適接河南撫臣吳熊光兩次來

札商及後起吉林黑龍江各勁旅是否仍須全數赴楚並云楚省若無須多兵到楚後亦可就

近赴陝臣等復從長計議現在房縣境內既需

兵力堵剿而川省寧巫一帶尚有賊股游奕亦

難保不窺伺楚境且據探報陝省賊匪竄及西

鄉縣界竊計後起勁旅若由豫入陝不能抄出

賊前應仍令全數來楚則現到之頭起勁兵臣

三 剿匪方略卷五

倭什布即可全行帶赴房縣剿辦其後起各兵

到來如青號賊匪尚未剿淨可先赴明亮軍營

合力馳擊自必迅速掃蕩就近由楚入陝亦屬

便道若遇西鄉賊匪東竄更可迎頭截剿似屬

兩得應請

旨勅下長齡仍率全師入楚於陝楚軍情兩有裨益

奏入

上命軍機大臣傳諭姜晟倭什布曰此時徐添德大

股自南漳折向均穀奔逸明亮設法兜截正在喫

緊之際其現有之兵倭什布不令分出帶赴房縣

俾明亮得以合力剿辦所見甚是至吉林黑龍江

官兵既已全赴楚省其頭起四百五十名倭什布

儘可全行帶往截剿由川竄入房縣賊匪此股竄

匪或係徐萬富或係苟文明尚未探聽確實但無

四 剿匪方略卷五

論何股賊匪總須剿除淨盡弗令蔓延即責成倭

什布上緊剿辦且倭什布所帶官兵俱係生力足

資馳擊而李紹祖又已追擊前來正可相度機宜

會合夾攻若能在房縣境內將川匪剋期剪滅即

屢倭什布之功否則仍將賊匪逼回川省不令深

入楚境倭什布尚屬無功無過倘不能實力剿堵

或任賊匪闖入南漳均穀一帶與徐添德合夥又

致辦理費手或令賊匪回西奔竄由鄖陽一帶逸入陝界則倭什布不能辭罪矣

同日

上諭內閣曰朕恭閱乾隆六年

實錄內欽奉

諭旨制治未亂保邦未危必以風俗人心爲之本人心

正則風俗醇而朝廷清明國祚久遠胥由於此

《聖朝實錄卷五十九》

五

聖諭煌煌實爲萬世治道之準我

皇考承

三朝重熙累洽之後其時海宇安恬綱紀整飭然猶朝

乾夕惕治益求治安益求安而於風俗人心之本

尤三致意焉朕寅紹

丕基勤求治理惟恐弗克仰承

謨烈夙夜滋懼况人心漸不如古風俗日趨日下朕敢

不敬念

先猷亟思化民成俗之道乎夫化民成俗必先使百姓

勿惑於邪同趨於正而後教化可行孔子之教

世尊崇此外如釋道之流雖非正教然漢唐至今

未嘗盡行沙汰且其服飾住持自成一類卽有滋

事爲匪者無難立時辨議若近世所稱白蓮教其

居處衣服與齊民無異卽一家之中同居數人其

《聖朝實錄卷六十一》

六

習教者與不習教者無由分別地方不肖官吏因

有邪教之目輒事查拏往往藉端勒索不問其人

教與否惟賄是求甚至有鄉閭椎魯全不識字之

人任意妄拏指爲邪教而實係習教傳徒者轉置

之不問良莠不分激成事故遂致赤子弄兵潢池

剿捕頻年迄今未靖其實從前查拏劉松宋之清

及劉之協因其潛蓄逆謀並非因習白蓮教之故

昨已將非理劉之協緣由宣示中外並親製邪教
說一篇申明習教而奉公守法者不必查拏其聚
眾犯法者方行懲辦原以此等愚氓但能安靜循
分即不必過事苛求初非欲留此白蓮教之名任
蚩蚩者日趨於惑也夫正學昌明則歧途自絕教
化之行必先自上朕勤求治理日有孜孜惟期正
朝廷以正百官正百官以正萬民內外臣工果能
咸體朕意精白乃心大法小廉共襄到治凡有教
化斯民之責者平日實心訓迪默化潛移引之規
矩之中而消其暴戾之氣若地方果有不逞之徒
或行兇滋事或糾眾抗官原當執法究治又何必
問其所習何教耶總之經正則庶民興庶民興斯
無邪慝聖賢心法治法無踰於此朕所由紹

問衣

德願與大小臣工端本善則共膺新民於蕩平正直之
途也

臣等謹案正人心以正風俗實為萬世治道
之準惟是承平既久生齒日繁鄉閭椎魯良
莠不齊或為邪說所簧鼓而地方無良有司
潛移而默化之甚至捕擊株連藉端勒索頑
梗之徒器然思逞此次教匪猖亂未必非由
於此仰賴我

聖訓

七

聖訓

八

皇上德威遠播蕩穢掃氛

貫罪作新

綸言疊沛茲因

恭閱

實錄

聖諭重申

施正學以昌明納斯民於軌物

聖心同揆

皇極用敷時雍於變之風蓋有莫之致而致者矣

二十日庚午勒保奏言臣於七月二十五日在尖

山子地方與德楞泰分兵之後在營山渠縣一

帶搜捕苟文明夥內敗殘落後賊匪肅清道路

八月初一日馳抵東鄉所有張子聰欲行投首

聖祖聖孫萬壽無疆

九

一節臣前與德楞泰會商先派川東道嚴士銖

赴東鄉查辦茲據該道稟張子聰向與東鄉

民人羅崇龐典相好前曾有信探問招撫之事

羅崇等一回答以屬實並勸令及早出投一面

赴縣將此情由稟知該縣知縣楊世鰲隨令羅

崇等再寫切實書信該令亦發檄諭開導張子

聰等此係

聖主逾格天恩極須趁早投出首夥均可免罪羅崇

等即令羅芳李如威賚赴賊營羅芳又約同羅

思秀侯友文羅文開李思舉羅文照羅文魁譙

珊七人同往約會在金峩寺地方等候回信詎

屆期竟不見羅芳等回來七月二十九口只有

李思舉一人逃回據稱連日張子聰與賊目李

德先楊玉貴等商酌彼此意見不合忽於二十

聖祖聖孫萬壽無疆

十

八日賊營首夥羣聚大眾紛鬧將羅芳李如威

等八人殺死李思舉乘間逃出張子聰即率領

數百人向太平七里溝去欲找唐大信合夥李

德先楊玉貴等率領千餘人向太平西鄉交界

之鹽場地方分路竄去李思舉即行逃回報信

是張子聰一戾因首夥不和以致投首之事又

復中變今既將羅崇等遣往寄信之人殺死分

竄自應立時進剿惟又據該道嚴士鉉稟稱湯
 思蛟一股現在東鄉前沙之平頭山地方游奕
 亦欲出投有伊姊夫羅德音夫婦二人曾親往
 賊營勸說該逆尙心懷疑懼臣思如果實有一
 股全投妥爲安頓其餘自必聞風就撫隨傳羅
 德音到營愷切曉以利害將擒獲劉之協並
 賞給庚珍張廷鳳頂戴現奉

《聖朝聖訓卷五》

十一

恩旨二道敬謹膺黃令羅德音賚往羅德音於初七
 日出來據云湯思蛟甚爲踴躍因有庚向瑤劉
 朝選一股於初五日前來合夥不肯卽投湯思
 蛟被其牽制是以尙涉游移初八日卽據探報
 該匪等全夥已連夜竄往南壩場伏思賊匪自
 知情罪重大原難免疑畏之心但旣屬首鼠兩
 端不便因循縱逸自應就近先行剿辦臣現卽

督兵馳往南壩場一帶先剿庚向瑤等股賊匪
 並令羅德音再赴賊營如果湯思蛟真心欲投
 或將庚向瑤等擒獻或卽自行先投已密諭羅
 德音與湯思蛟商酌辦理至張子聰一股相距
 較遠仍當遵

《聖朝聖訓卷五》

十二

旨再令庚珍張廷鳳前往招致並查明被害之羅崇
 等家屬賞給銀兩以示優恤又龍紹周一股近
 來總在西鄉太平邊界游奕並不遠竄聞亦有
 觀望欲投之意昨經臣會同德楞泰飭令署太
 平縣知縣鍾蟠雲令龍紹周之叔龍萬象齋諭
 前往尙未回來以目下川省賊情而論震懾兵
 威勢甚渙散各股首夥心俱不齊現據各州縣
 稟報從賊隊中逃回投首領稟歸業之人絡繹
 不絕此正極好機會臣總以剿爲正辦撫爲

方並行不悖更可散其黨與速就殄平至七十

五一路官兵追剿樊人傑一股賊匪自大竹桿

子鋪地方得有勝仗此股賊眾所剩不過千人

亡命狂奔輾轉馳逐祇能追及賊尾小有斬獲

七月二十四日在開縣境內分撥兵勇交李紹

祖赴楚之後二十六日探知樊人傑與趙麻花

羅半年合夥向溫湯井一路奔逃二十八日至

三 剿平三省邪匪方略

柞井壩迎截詎賊眾探知兵來隨即分股折竄

旋據探報後路三墩鋪又有從通江太平竄到

一股賊匪與趙麻花等合夥在三溪溝滋擾賊

勢較重連日大雨賊亦未動初四日稍霽七十

五即分兵三路由楊家山英家溝雙河口進發

因大雨之後賊匪多有在民戶散處炊爨並到

處掠食一見我兵驟至有持刀矛抵敵者亦有

不及持執器即行逃竄者忝領武隆阿首先

箭斃頭戴花翎水晶頂騎馬賊目一名賊眾潰

亂七十五即督兵分隊追殺三十餘里共殺賊

五百餘名生擒譚世達等二百一十三名次日

搜山又獲男婦一百二十三名口共搶獲賊旗

十八面刀矛鎗礮五百三十七件騾馬八十六

頭匹訊據活賊供稱射死賊目係採馬頭羅成

十四 剿平三省邪匪方略

此夥逆首係王士虎趙麻花羅半年三人王士

虎從太平新來合夥樊人傑因畏懼官兵已從

大寧老林潛匿現在王士虎等三股除殲獲外

尚有二三千人向樊蒯店一帶奔竄七十五即

帶兵追躡前進據探報有與虎向瑤等竄合

之勢臣現已知會七十五偵探賊蹤如果賊匪

業經合夥即當兩面夾攻以期一舉集事至德

楞泰自抵南江境內將九龍場屯聚賊匪痛加
殲戮現由通江進剿相距較遠是以此次不及
聯銜具奏奏入

上命軍機大臣傳諭勒保曰勒保奏七十五追剿突
人傑一股在三溪溝地方殺賊五百餘名生擒男
婦三百餘名殲斃賊探羅成所辦尙好至勒保剿
辦賊匪總無把握前因教首劉之協業經拏獲正

刑部題本

五

法諭令各省不必輾轉搜查教匪原指未經謀逆
者而言並非於抗拒官兵之教匪概行寬貸爲逆
者雖未習教亦不可赦况本係教匪耶至各路軍
營旣將辦理劉之協緣由遍行曉示或其同教中
聞知帶信勸令賊首投出及賊黨有能殲擒首逆
獻出者自當貸其一死酌加獎勵並非欲帶兵大
員等設法招致也今勒保於張子聰一股由該縣

發給檄諭令民人羅崇等賞赴賊營是竟招之使
來並稱遵旨再令庾珍等前往招撫更無此理其
湯思蛟總紹周二股欲行投出之語亦難盡信總
不應差人賚諭前往招撫試思此等首逆往來竄
擾已閱五年荼毒生靈無數卽痛加剿辦有何足
惜且賊首等自知罪重豈肯輕易投出卽投出者
亦難保其不心懷反側目下功屆垂成自應以剿
爲正辦亦必先剿而後可以言撫示之必克其降
乃固豈有賊匪並未自行來投卽先爲招致示賊
以弱之理况羅芳等前赴賊營張子聰等並不聽
從轉將同往之羅芳等八人殺死此豈肯真心受
撫者耶賊匪等狡猾異常安知非以投首爲名爲
緩兵之計若勒保信以爲然駐兵不動等候差人
往返延緩時日而賊匪轉得乘機遠竄豈非于賊

刑部題本

六

以暇墮賊奸計乎勒保前此於自行投出之王三槐並不據實奏明輒稱臨陣拏獲將該犯解京此時賊黨之懷疑不出未必不由於此此事既往不咎今勒保總當督率官兵盡力擊捕務於秋冬之交將各股賊匪全行辦竣不准再令人前往招撫其湯思蛟龍紹周等股如官兵逼剿緊急賊勢窮蹙或其夥黨有將賊首殲斃擒獻者勒保自當據

聖朝勳績編卷五

七

實具奏聽候諭旨辦理不可又如前此將投出之王三槐作為拏獲邀功致干重戾此次被害之羅芳等家屬勒保業經賞給銀兩至羅崇令羅芳等前赴賊營勸諭亦稍有微勞著勒保傳知羅崇以伊勸賊投降之事業經奏聞奉有恩旨賞給九品頂戴如伊願隨營効力卽留營當差若仍願歸農聽其自行生業其山賊營逃回之李思舉並著勒

保酌賞銀兩以示體恤至七十五追剿禁人傑一股已獲勝仗當乘賊匪窮竄之時探蹤緊躡與勒保兩面夾攻尅期剿淨佇膺懋賞其由川竄往湖北房縣山內之賊聞係苟文明是否確實抑卽係徐萬富一股著德楞泰等查明具奏前派李紱帶兵追剿現於何處趕上賊匪會否剿淨之處並著一併速奏

聖朝勳績編卷五

六

二十一日_王台布奏言石泉竄匪於前月二十日由七里溝走黑溝水磨溝至石馬鋪一帶江岸經總兵馬玉魁劉之仁分帶官兵顧住東西兩路知州李樞煥督飭義勇首武生鄭善禮帶同鄉勇於蓮花石柳溪石馬鋪大紅石梅湖乾塘灣梨園灘左溪河各卡嚴密防守典史鍾尙綱往來江河截留船隻賊匪不能躡渡旬日間

總在附近漢江各處搜山擄掠不時前來江岸
 窺伺經兵勇先後擊死騎馬賊匪三名孛獲襄
 脅難民二名賊眾奔向梅湖劉之仁移師前往
 督率防堵至西鄉境內前月二十八日又有賊
 匪一股由四川通江縣之竹峪關翻山而來約
 一千餘人本月初三日屯紮小祥壩又有一股
 由二郎壩竄至私渡河至距城三十里之白楊
 溝焚掠初十日到距城三里之關東山豎立白
 旗陸續踵至步賊數百人見城上排列鎗礮河
 岸街巷商民俱各鎮靜整備不敢前攻分作兩
 股一走洋溪河一走三郎鋪其後股又由西路
 走麻柳壩其地可通四川臣查該匪等詭計其
 意總在偷渡漢江今沿江防守嚴密石泉地方
 現有總兵劉之仁督率照料西鄉則王文雄失

利後無人統率適將軍恒瑞經經畧派來漢南
 協剿畧陽一路竄匪此時伍逆等餘匪又已折
 入甘境畧陽可以從緩臣與面商恒瑞亦以先
 顧該處為是即同副都統綸布春帶兵前往此
 二股賊匪內有賊目唐明萬並羅其清餘黨若
 官兵固住漢江之後賊蹤無可容足必仍折回
 通江太平臣亦諄囑恒瑞劉之仁乘其窮蹙思
 遁悉力截擊再臣查長齡帶領吉林黑龍江兵
 一千餘名赴西鄉合剿應需鍋帳等項省局早
 經預備惟馬匹先因該官兵應赴經畧大營督
 臣長麟於肅州等處派調預備今既前赴西鄉
 自應即在陝省派撥即於西安滿營挑派五百
 匹軍標挑派三百匹撫標挑派二百匹並延綏
 鎮標五百匹固原提標六百匹共足二千一百

匹調齊省城加緊餵養以便官兵隨到隨行

台布又奏言查逆匪陳傑一股經額勒登保派

令提督楊遇春等帶兵剿捕將陳傑生擒餘黨

殲盡訊據陳傑供稱尚有周天緒一犯係同時

起事老教已帶四五十人隨冉學勝逃去等語

知會到臣當密飭從九品維昂選派能事首領

劉占魁楊春秀酌帶健勇跟蹤緝該首領於

製卷邪匪彙編卷九 三

初四日探至銀門寺空罐子山見有賊匪十餘

人隱匿老林內有一人係大頭目光景該首領

等即禁約各勇不准開鎗但用刀矛直前捉捕

賊匪抵死抗拒劉占魁左手被矛傷一處楊春

秀右腿被矛傷一處先將餘匪十餘名全行殺

斃始將賊目合力擒住訊係名叫周榮乃張漢

潮徒弟陳傑之師押解前來臣親提嚴訊該逆

兇狠異常堅稱既已被擒悉憑處治一無可說

訊以周天緒現往何處據稱我營內並無其人

詰以現有陳傑供明如何抵賴復云我營實在

無周姓或者陳傑因我是他師傅恐官兵拿我

不肯說我真名等供臣查該犯猶敢始終執迷

未便稍稽顯戮審明後即將該犯綁赴市曹處

剖寸磔將首級懸挂示衆男婦大小聚觀者數

千人無不同聲稱快其孥獲該犯之首領劉占

魁楊春秀傷已漸愈臣亦酌加賞資奏入

上命軍機大臣傳諭恒瑞台布曰陝省石泉竄匪竄

至江岸總兵馬玉魁等同地方官率領兵勇嚴密

防堵賊匪不能踴渡所辦俱屬認真其西鄉境內

據台布奏有賊匪二股又係何處賊匪是否即係

龍紹周唐大信抑係他股賊匪該處先有綸布春

欽定剿平三省邪匪方略 正編卷一九九

九十等在彼截擊額勒登保又令恆瑞帶兵到彼
 協剿正可併力搜捕若能卽在西鄉地方將竄匪
 悉數掃除自當加之恩賞必不得已亦應逼回川
 境以便川省大兵截擊斷不可令其偷渡漢江並
 東竄楚省邊界鄖陽一帶爲要至所奏挑備馬二
 千一百匹此時長齡所帶吉林黑龍江官兵已令
 赴楚省協剿但楚匪辦竣後或仍令赴陝協剿此
 項馬匹自當好爲餵養以備應用又據奏鄉勇搜
 山拏獲首逆一節所辦亦好其擒獲之周榮自卽
 係周天緒該犯於詢問時不肯承認顯屬狡供台
 布審明後卽將該犯臠割梟示自應如此辦理首
 領劉占魁楊春秀因直前捉捕身受矛傷如再能
 出力卽可酌賞頂戴以示鼓勵

欽定剿平三省邪匪方略正編卷二百 庚申年
 八月二十五日 額勒登保奏言查甘省竄匪
 自伍金柱殲斃後其餘黨亦節經剿殺所剩不
 及二千人奔竄五馬河雙河子等處距陽平關
 不遠現在阿哈保穆克登布躡剿并有定住廣
 厚等帶兵截擊定可尅期辦竣其張添倫顏勝
 可辛聰魏棒棒宋麻子及楊逆餘黨合夥逃竄
 先經慶成帶兵追剿嗣又派格布舍帶領馬隊
 及楊遇春豐紳等率兵分路進擊 與長麟在
 成徽一帶策應旋據慶成呈報張添倫等股賊
 匪捨命狂奔我兵日行至一百四五十里不等
 初十日已刻至教場壩地方該匪等正在東奔
 步兵鄉勇尚未趕到慶成卽與侍衛多隆武捫
 欽保富提音等帶領馬隊先行奮擊該匪等尙

敢分股衝撲我軍鎗箭齊施立斃賊三十餘名
賊遂敗竄上山官兵乘勢趕擊又斃一百餘賊
且有戴翎頂之賊往來吶喊被甲兵布特納射
死賊益慌亂兵勇等趕到追殺十餘里斃賊九
十餘名生擒五十九名內有襄陽賊目潘世文
一名業已傷重不能取供其餘亦係真正賊匪
並卽正法晚間探得賊匪已分股由秦州之高

欽定剿平三省邪匪方略

正編卷二〇〇

橋駱駝巷奔竄聞格布舍所領之馬隊已近高
橋等處又據楊遇春報稱十二日五更帶兵行
至四合頭太陽寺一帶探得賊匪已過太陽寺
并稱慶成格布舍之兵已至利橋迎頭攔截楊
遇春帶兵馳進傍晚追及賊匪殺賊四十餘名
餘匪竄入老林仍卽設法搜剿臣查該處一帶
漸近太渠唐藏地方恒瑞所領防堵之兵已撤

往南鄭西鄉剿賊必得趕緊剿殺方可不致京
竄臣亦卽帶同扎克塔爾督兵由徽縣趕赴杏
樹灣等處攔剿途間又接據楊遇春呈報該提
督探賊前進於十五日由二郎壩趕至線溝徐
揚河行程已遠鍋帳等均未趕到祇可露處此
一帶兩面俱係老林沿途探得賊匪尙在左近
楊遇春傳令將領等均各嚴備賊於三更後竟

欽定剿平三省邪匪方略

正編卷二〇〇

敢前來偷撲營卡因時有月色我兵見賊放鎗
賊匪仍卽退却四更後又來偷撲四川官兵營
卡兵丁王印貴何剛竟畏越卡奔散經遊擊
張超趕上用刀砍斃各兵方得站住張超仍嚴
飭弁兵疊放鎗箭賊始奔逃次早檢查營卡外
賊被鎗箭死者共有四十餘人十六日楊遇春
又偵探賊蹤督兵向潘家灣進追於午間趕上

威尾楊遇春與豐紳率領已到之馬步官兵左右擊殺斃賊一百餘名各賊鑽溝越嶺分竄獲賊三十四名內有宜城探馬頭郭以祥一名據供張添倫辛聰魏棒顏勝可宋麻子等均因官兵追殺緊急在此一帶盤旋商量欲入南山暫行躲避又聞處處有兵總在老林翻越今日到潘家灣山勢稍寬各股正在聚會適經官兵

《聖朝通志卷三百》 四

衝擊不能必其竄向何處楊遇春當將該犯攔割餘俱正法臣一面飭知楊遇春慶成等盡力攔截臣於十七日趕至楊家店途次據慶成報到十六日在唐藏地方與格布舍帶領馬步官兵追賊申刻到麻地溝口探有賊匪一二千人在溝內潛匿霧氣迷漫瞭望不能遠見但聞人聲嘈雜慶成與格布舍當即分兵四面下壓賊

匪立形慌亂我兵奮力衝突將賊匪截為數段擊斃三百餘名餘匪翻山逃竄所棄器械驟馬亦多時已昏黑只得在兩山剗營擒賊二十二名內有郭有斗一名係賊中頭目據稱本日我與宋麻子在草房聞有官兵即出同竄眼見宋麻子已被官兵亂矛戳倒我逃至半坡經官兵矛戳傷腿被擒並供出宋麻子年貌服色慶成當即令弁兵找尋將首級剖來先令所獲另賊二十餘人指認無不認為宋元帥又令郭有斗認識的確無疑因次日即行起營追賊郭有斗已經傷重其餘亦不便攜帶當俱砍死查此股賊匪張添倫辛聰顏勝可魏棒宋麻子及楊逆等餘黨共有著名首逆五人在內今將宋麻子戮斃賊亦多慶成格布舍較為出力但其

《聖朝通志卷三百》 五

餘各匪尚在奔逃仍未痛剿當即專人飭知慶成等再行奮力剿洗並查楊開甲餘匪三四百人向黑河一帶奔竄之信臣於所帶兵內抽撥兵勇八百餘名令總兵楊奎猷從黑河緊追并札飭總兵汪啟攔剿其餘張添倫辛聰等各股因被我兵節次剿潰或二三百人或七八百人在鳳縣境內焚燒道邊零星散竄有楊遇春慶成格布舍豐紳等在彼四路兜截不日當可剿淨亦可不致深入棧東其四合頭利橋一帶恐有逃散餘匪遁入山林藏匿并派觀祥帶兵在彼一路搜緝淨盡辦竣後仍歸長麟一路而臣在楊家店地方尚為扼要暫駐防賊折竄並為各路聲援再查長麟本與臣在一處臣昨由嶽縣前來已囑其帶兵前至虞關預扼伍金柱餘

匪竄路并為阿哈保穆克登布定住廣厚等策應伍金柱餘匪已屬有限若即日殲除長麟自應將甘境各事宜畧加布置再行前赴沔縣一帶籌備防堵至西鄉一帶雖恒瑞等已經前往臣尚不放心數日內看楊遇春慶成等剿辦張添倫等逆情形若何即行酌量趕往庶免顧此失彼再臣遵查愛星阿前曾任護軍統領現係二等侍衛今出有河屯協副將一缺核其官階以二等侍衛陞任副將似覺過優但該員屢次打仗殺賊爭先出眾以之陞任此缺不惟目下帶兵得濟即回至本任於整飭地方營伍亦能得力洵屬人地相宜其餘副將以下各缺臣於滿漢各員內實在出力者擇其堪以委任之員以次擬請陞補奏入

上命軍機大臣傳諭額勒登保曰張添倫顏勝可辛聰魏棒宋麻子及楊逆餘黨經官兵屢次截擊皆有斬獲賊匪等因被剿緊急仍欲竄入南山暫行躲避殊為可恨而額勒登保分派楊過春慶成格布舍盡力攔截不令東竄並將著名首逆宋麻子殲斃實屬調度得宜額勒登保著賞給白玉喜字搬指鑲寶石帶頭大小荷包以示獎勵慶成格布舍探知賊匪有一二千人在溝內潛匿乘霧下壓殲賊三百餘名首逆宋麻子當被官兵亂矛戮斃均為奮勇可嘉慶成現係四品翎頂著加恩賞給三品翎頂格布舍前已兩次交部議敘俟再有出力之處另加恩獎慶成格布舍俱著賞給鑲綠玻璃帶頭大小荷包遊擊張超於賊匪偷撲營卡時見兵丁王邱貴何剛畏惠奔散該遊擊即趕上

用刀砍斃各兵方能站住並嚴飭弁兵疊放鎗箭賊始奔逃甚為勇敢出力張超遇有叅將缺出即行陞補用兵布特納射死帶翎頂賊匪一名亦屬奮勇若再能出力著以應陞之缺拔補現在首逆宋麻子業經殲斃張添倫辛聰等股賊匪自必更加畏懼况止有二三百人或七八百人在鳳縣境內棧道邊零星散竄勢已窮蹙額勒登保務當飭慶成格布舍等將此股賊匪即在棧道之西速行剿淨不可稍留餘孽前因高二馬五戴家營等股賊匪勢甚鴟張恒瑞台布綸布春九十馬玉魁等在彼迎擊究難深恃諭令額勒登保帶領札克塔爾慶成速回西鄉督剿今額勒登保摺內亦稱仍不放心所慮甚是現在已令長齡帶領吉林黑龍江勁兵由湖北迎剿徐萬寧等不復前赴西鄉甘

聖朝實錄卷一百一十五

八

聖朝實錄卷一百一十五

九

省竄匪無多額勒登保當察看情形如長麟定住楊迥春廣厚等在甘足資辦理卽責成伊等分投剿辦伊卽酌帶札克塔爾等數人速行回陝總須將高二馬五戴家營及冉張二逆上緊剿辦尅日殲除斷不可令其偷越漢江向東北奔竄又逃入南山老林以致辦理棘手爲要其愛星阿一員卽著超陞河屯協副將餘俱著照所請行

欽定剿平三省邪匪方略

正編卷二〇〇

二十七日丁丑明亮奏言查徐逆賊衆屢經官兵

剿敗日漸窮蹙該匪探馬由胡家集向廟灘遁逃其賊衆大隊不敢向大道行走卽翻山由茅坪前竄所過地方亦不焚掠探其所向大約仍由原路盛家壩前竄臣由穀城過河抄擊當派都司德克精額帶領兵勇緊追以防其折竄詎臣趕抵穀城查駐守之遊擊富慶知縣孫光先

欽定剿平三省邪匪方略 正編卷二〇〇

俱在城內其保護廟廂之百姓因賊匪臨近未識官兵真假不許過河臣所帶副將樊雄楚到後有認識之百姓始放船過渡又因船隻短少至次早方能涉竣臣將富慶孫光先嚴加申飭初九日德克精額來報該匪於昨夜已由盛家壩西淺渡河兵勇趕到殺斃賊匪七十餘人擒陳宗保等四十六名內有川匪褚其儀等十

欽定剿平三省邪匪方略

正編卷二〇〇

七名當卽正法其餘蔣安隆二十九名卽交隨營糧員分別辦理探知賊衆大隊仍向草店老營宮一帶西竄臣督催馬步官兵漏夜追奔逐日散出被擄百姓七八十人至百餘人不等卽令該地方官等妥爲查明安插臣鼓勵官兵倍道前進初十日行抵丁家營探得賊匪在孫家灣屯紮尙隔六十餘里當卽四鼓發兵馳抵該

二一五

處遙見騎馬賊匪六七百人在山梁望哨飛飭侍衛富翰塔津保江鼎雙福等帶領馬隊進趕該匪旋佔山梁排立抗拒並在樹林房屋內埋伏步賊接應富翰等奮勇直撲將馬賊衝敗馳射擊殺立斃賊匪二百餘人該匪亡命奔逃其埋伏之步賊亦由兩旁翻山亂竄及至山頂逆賊望見各隊步兵尚在後面遂各回身排立山岡意欲撲壓馬隊富翰塔津保商議急攻即帶領馬兵健壯者十餘人首先衝上山岡射死騎馬賊數人步賊十餘人後面馬隊一齊擁上賊即大敗適副將樊雄楚等催領各隊步兵接續前來追殺三十餘里至白浪塘共斃賊匪四百餘名生擒賊探萬正朝等八十六名時已向晚未便窮追正在率營適騎馬賊匪二百餘人直

來遠撲營盤又被富翰塔津保江鼎雙福等帶領馬隊飛馳分剿射死十餘人餘皆四散奔逃富翰等見樹林稠密恐有匿賊同樊雄楚等領馬步官兵兩路搜捕生擒鄭貴王士奉等大小男婦三百二十三名口搶獲騾馬牛驢四百餘頭匹刀矛旗幟無數提訊獲賊王志昌等供稱徐添德率領馬步賊衆晝夜奔跑在楚省擄掠人民五六千逃散殆盡四川同來矛手僅剩一千餘人此時營中連男婦大小不過三千餘人等語並訊出探馬頭目萬正朝等十一名當卽一併編割其餘馮升等七十五名俱係矛手亦併正法其錢貴陳黃氏等二百三十一名口並未殺人放火當卽交隨營糧員分別保釋臣當派兵勇跟蹤探得徐逆仍由什堰花果園奔竄

黃龍灘臣 星夜趕緊追擊查黃龍灘水深溜急

鄉勇在西岸堵截官兵從東追及趁此賊勢

敗之時可以集事詎該匪一日半夜逃竄一百

七八十里卽於十二日半夜至黎明捨命淌渡

該處鄉勇因前次被賊戕害心存畏懼且夜間

不辨賊數多少未能堵住以致該匪仍由黃龍

灘向鮑家店一帶西竄臣 於是日巳刻趕至黃

剿平三省邪匪方略

十四

龍灘馬隊繞至淺灘淌渡步兵用船隻濟渡沿

途僅獲星散落後餘匪一百七人訊明陳朋等

六十二名實係矛手當卽正法其餘王二等四

十四名均係附近被擄民人分別省釋統計連

日共斃賊匪七百三十餘名擒獲五百六十二

名並據該處巡檢黃士杰稟稱賊匪淌渡掩斃

百餘名本處鄉勇尾追殺死數十名生擒十二

名查賊匪大隊已由鄖縣屬之陳家莊向西奔

竄離陝自白河縣界較近臣 已連次照會慶溥

溫承惠擇要迎堵以期夾擊合攻此次晝夜追

剿緊急步兵大半不能趕上適孫清元德昌參

將吉林泰等趕緊來營合計兵勇共有三千餘

名足敷剿辦一面派參將馬德舒副護軍參領

麒麟保等駐紮穀城適中之地催收兵丁趕赴

剿平三省邪匪方略

十五

大營臣 帶領現有之兵趕緊追剿能往楚境蕨

事固屬甚善倘至陝省亦必設法與慶溥溫承

惠等盡力相機追截至吉林黑龍江勁旅四百

五十名計期將抵襄陽已差候補參將雙福千

總楊永順等前往迎催來營以冀迅掃妖氛至

打仗官兵間有傷亡容俟查明咨部奏入

上命軍機大臣傳諭明亮曰徐添德股匪經官兵節

次截剿不予以暇共殲賊七百三十餘名擒獲五百六十二名明亮尙爲奮勉惟賊匪在盛家塢洶渡時游擊富慶知縣孫光先俱在穀城城內並未堵截賊匪而官兵渡河時因鄉勇不知真假不令過河又賊匪竄至黃龍灘時該處鄉勇因前此被賊戕害心存畏懼未能堵住任賊匪向西奔竄巡檢黃士杰並未在彼督率攔截乃於賊匪渡河後

聖朝通鑑纂要

六

京稱淹斃百餘名本處鄉勇尾殺數十名尤爲無耻此皆地方官不能防守之咎富慶孫光先黃士杰均著革職交姜晟嚴訊速奏至侍衛富翰塔津保江鼎雙福等帶領馬隊奮勇趕剿斃賊多名而富翰塔津保首先衝上山岡射死騎馬賊數人步賊十餘人及賊匪透撲營盤又經該侍衛等飛馳奮擊俱屬可嘉已另降諭旨加恩陞擢矣至明亮

此次打仗不遺餘力本欲酌加賞賚但徐添德一股勢已十分窮蹙明亮若能卽在楚境悉數殲擒係伊一人之功必當逾格加恩此時且不必先行賞賚尙不能將賊匪截回剿盡致令竄入陝境與慶溥温承惠協力辦竣則明亮之功已小且徐添德一股明亮在湖北剿辦多時不能殲滅任其竄往白河必藉慶溥温承惠之力明亮寧不知愧懼明亮務須加意奮勉上緊將此股餘匪截擊速擒首逆好盼捷音至孫清元德昌等究在何處打仗何以經明亮劄催始行趕緊來營是否有逗遛情事著查明具奏

聖朝通鑑纂要

七

上諭內閣曰侍衛雙福隨同經畧額勒登保屢著勞績現往赴楚協剿連次打仗是屬奮勇出色著陞授二等侍衛侍衛富翰塔津保江鼎同雙福擊殺

時據該處巡檢黃士杰稟稱賊匪搶渡淹斃三百餘
 名本處鄉勇尾追殺死數十名生擒十二名該巡
 檢既在彼防守於賊匪搶渡時何以不能迎頭攔
 阻至賊匪過渡後始行尾追尙復稟稱殲擒數十
 人希冀邀功可謂無耻之極黃士杰亦著革職交
 姜晟一併嚴審從重定擬速奏現在徐逆已十分
 窮蹙姜晟務當督飭員弁加意嚴防俾明亮剋期
 蕩事不令復行折回倘再有疎懈不能再為寬貸
 矣再各處鄉勇不能禦賊雖不便概行查明重懲
 但此等不能得力鄉勇徒糜廩給並著姜晟查明
 撤去另派勇健者實力防堵方為有裨

同日長麟奏言查伍金柱餘匪尙有二三千人
 仍在階州所屬之琵琶寺一帶老林內藏匿時
 出時沒趨向無定其張添倫辛聰宋麻子顏勝

聖朝聖訓卷三百

二十

可魏棟林及楊嗣甲餘黨約有三四千人合為
 一股竄赴娘娘壩高橋一帶臣當與額勒登保
 商議熟籌甘省現在止有此二股賊匪當經額
 勒登保派委楊遇春松布舍慶成專辦張添倫
 等一股賊匪阿哈保穆克登布專辦伍金柱餘
 黨一股並派定住廣厚在階州一帶截住賊匪
 奔竄龍安夫路臣亦分兵一千二百名交觀祥
 帶領在岱門鹽關一帶堵截賊匪奔竄汧陽之
 路又撥兵八百名交署副將詹文英帶領在漳
 縣屬之石關一帶緊防北面不令賊匪他竄旋
 據報稱張添倫等一股賊匪因北面有觀祥帶
 兵攔截旋即折竄東南適慶成迎頭進剿得有
 勝仗殲斃數百人賊匪即向太陽寺奔竄復經
 楊遇春殲獲甚多賊匪直奔唐藏復遇慶成截

聖朝聖訓卷三百

二十一

15074 3 21

剿殺賊百餘名賊首宋麻子業經殲斃楊遇春
又於銅錢嶺一帶斬獲百數十人餘賊分股竄
竄向鳳縣一帶狂奔楊遇春慶成俱趕往抄截
至伍金柱餘匪亦經定住廣厚於初五日由仙
人峽進兵在大水溝地方殲斃賊匪一百八十
餘人生擒五十六名賊匪復由五馬河竄赴梅
子園現在阿哈保穆克登布等由棍桿嶺迎頭
截擊定住廣厚隨後緊追刻下賊勢十分窮蹙
晝夜狂奔每日奔走一百五六十里至一百七
八十里不等額勒登保因張添倫等股賊匪現
已東竄當即由徽縣趕赴兩當縣楊家店一帶
相機剿辦並恐賊匪被剿折竄囑臣趕赴虞關
截堵臣即於二十日帶兵前往仍隨時察看情
形如辛聰等股賊匪於數日內全行剿滅或已

欽定剿平三省邪匪方略

正編卷二〇〇

二二二

通向南趨臣即迅速趕回督同阿哈保等剿辦
伍金柱一股餘匪奏入

上命軍機大臣傳諭長麟曰甘省之賊祇有伍金柱
一股餘匪其楊開甲餘匪昨據額勒登保奏不過
三四百人向黑河一帶奔竄飭令總兵楊奎猷帶
兵勇八百餘名趕剿無難一鼓殲除此二股餘匪
竟責成長麟及楊遇春定住廣厚等剿辦現在甘
省兵多將廣剿此敗潰餘匪勢同拉朽摧枯長麟
若再不剋日剿除更有何顏對朕耶再張添倫等
股額勒登保既經趕往截擊恐賊匪被剿緊急復
思折回亦未可定長麟現赴虞關駐紮尤應認真
堵截與額勒登保成兩面夾擊之勢若能悉數殲
除不令折回陝境則更為愜望矣

欽定剿平三省邪匪方略

正編卷二〇〇

二二二

欽定剿平三省邪匪方略正編卷二百一

庚申年

九月初一日

庚辰

台布奏言查楊開田餘逆及辛

宋等股賊匪經楊遇春慶成帶兵屢次追截該

匪等捨命狂奔翻山行走由蒿壩河棗木欄廟

臺子等處竄出李家店火燒店刻不停留總兵

汪啓得信恐其業已進棧親帶兵勇追趕罕獲

餘匪七十餘名盤獲難民一百餘名訊係數日

《剿平三省邪匪方略卷二百一

一

內新襄均即釋放該匪等探知前途武關有兵

防守楊遇春等又緊躡而來仍翻山竄入九條

灣至壩河其地可通畧陽沔縣

臣

一接稟報星

馳入棧適楊遇春慶成已分遣兵勇緊跟賊蹤

自帶官兵由留壩褒城前赴沔縣迎頭攔截

臣

亦抵沔縣面商剿辦查楊遇春等此次追賊每

日行走一百八十九里棧內道路崎嶇兵力未

免稍乏必須酌以兵勇因思粵兵正欲前赴西

鄉該處已有恒瑞綸布春前往近日探報賊氛

稍遠該鎮馬玉魁自應幫同楊遇春等先將此

股餘孽掃蕩再赴恒瑞一路又勘得迤東松樹

壩有路可通黃河驛舊州舖若賊從此處竄出

轉在官兵之前是以商令馬玉魁即在舊州舖

暫紮於岱森保處酌撥兵勇跟隨楊遇春慶成

《剿平三省邪匪方略卷二百一

二

分路密探設伏前進

臣

又恐寨堡居民見賊即

行放鎗致賊驚走派令沔縣典史謝大名帶同

精細衙役乘夜密往各寨潛行囑咐賊至閉寨

自守毋庸助勢以誘賊蹤深入遇伏聚殲

臣

仍駐紮沔縣城外以鎮民心現在額勒登保亦已

追賊入陝行抵廢邱關漢中平原更可無慮其

石泉西鄉各股因江岸防守嚴密向王黑壩星

子山南竄後股冉斌等逆亦由堰口向東南奔
逃距兩縣俱遠現有恒瑞及總兵劉之仁分督
兩處兵勇於沿江上下巡緝不致疎虞惟楚匪
一股由鄖縣大竹坪竄入白河縣之白石河離
漢江甚近經署知縣嚴一青督率鄉勇對岸轟
擊該匪不敢近江繞出白河洵陽交界之關老
廟河一帶焚掠臣亦飛札副都統慶溥藩司温
承惠就近前往堵剿自可不致逸入奏入

上命軍機大臣傳諭額勒登保台布曰楊開甲等餘
匪竄進棧道雖經官兵堵截未令闖入南山其江
岸各匪亦未令偷渡過江但台布等祇係商同分
撥官兵往來追趕並未與賊接仗一次大加剿殺
且據稱分路設伏誘賊深入以便遇伏聚殲等語
似已布置多方可操勝算而其實仍未剿殺一賊

是所奏祇屬敷衍虛詞將來又不過以賊匪他竄
未入伏中一奏塞責今年春夏秋三時任聽賊匪
往來陝甘以三四次添兵添餉總未能堵住一次
所辦何事再據奏額勒登保亦已追賊入陝行抵
廢邱關看此光景甘省賊匪似又折回陝境但是
否祇係楊開甲餘匪及辛聰一股折竄入陝抑係
張添倫顏勝可魏棒棒等股全行折回亦未據聲
敘明白此等敗竄賊匪正當迎頭截擊乘勢殲除
若似此分投追趕毫無振作卽云不令賊匪竄入
南山老林偷渡漢江豈遂聽其自斃自散耶至額
勒登保帶兵剿賊前既不能在陝速行剿淨致任
闖入甘省今在甘追剿多時復任各股賊匪折竄
回陝長此跟蹤追躡賊匪往來自如何日始能剿
盡耶朕屢念軍務日夜焦切而伊等遞到奏報輒

稱兵丁日行一百數十里似已不遺餘力豈官兵
每日行走一百八十九里而賊匪竟能飛馳至二
三百里官兵總不能趕上截殺乎現在天氣晴爽
非夏令可比正當上緊剿辦倘仍延玩一至嚴冬
又將以冰凝寒近江水消涸為詞何日始能蕝事
額勒登保務須倍加奮勵竭力堵剿將陝境各股
竄匪全數撲滅即萬不得已亦當逼向川省以便

與德楞泰等奮力合擊

初二日

辛巳德楞泰奏言臣帶兵行抵兩河口接

據額勒登保來札以甘省賊匪被剿情急高馬

戴伍等股先後俱由畧陽竄出沔縣向南鄭西

鄉奔逃恐其仍欲入川令臣就近截剿又據通

江縣稟報通太大道沿途俱有零星賊匪或數

十人百餘人不等藏匿箐林不時搶劫夜則出

而摸樁百姓驚惶大略梗塞文報不通查臣現

追之陳朝觀等一股賊匪祇有千餘人由通南

老山逃遁是欲誘我官兵入山疲我兵力一經

追擊勢必直入陝境反為牽綴且高馬戴伍等

股既入西鄉相距太平不遠若無兵攔剿又恐

蔓延而龍唐二逆亦在川陝交界游奕是太平

界內現在賊眾較多臣即於兩河口取道通江

太平前進又查此路僻近老山洞寨稀少近遭

瘟疫十傷四五不但不能團練集勇且成熟稻

穀大半均未收割臣一面前進一面分遣兵勇

逐日隨同土人遍處搜剿共計殺賊二百四十

餘名陸續擒獲李大才等八十五名訊無首逆

俱係各股敗殘餘匪各處洞寨老幼男婦聞之

俱下寨前來臣面加慰諭令其趕緊收穫並曉

諭令其趕緊收穫並曉諭令其趕緊收穫並曉

以堅壁清野之法無不歡欣稱頌大道業已寧謐十二日抵太平縣當據署知縣事知州鍾蟠雲面稟龍唐二逆前屯於西鄉界土旋有苟文明一股賊匪約二三百人張子聰一股賊匪約三四百人先後附合近已翻山竄入紫陽界內其高馬戴伍等股賊匪前後亦由西鄉向東竄去並未來川嗣又接據勒保來信以劉朝選湯思蛟度向瑤羅半年四股賊衆合夥在東鄉一帶屢被剿敗勢已窮蹙現向東北逃竄臣在東北一帶就近截剿等語且龍唐苟張四逆已經入陝而川省賊匪尙未肅清未便帶兵越境追剿當卽飛札額勒亨額慶溥溫承惠等相機截剿並咨覆額勒登保查照嗣又探得勒保七十五所剿劉湯度羅四股賊匪於十五日由東

欽定剿平三省邪匪方略

正編卷二〇一

鄉長壩過後河翻山走太平兆堂壩有竄通江竹峪關之勢勒保等緊躡追擊已抵羅紋壩臣當卽派令溫春賽冲阿等帶馬步兵勇由東北之兆堂壩一帶前去旁抄臣卽帶兵由烟墩壩官壩北面直趨竹峪關迎頭截剿勒保等已由羅紋壩西南而來三路兵力剿此敗殘餘孽自可立就剪除近據各州縣稟報尙有王士虎等兩股賊匪各千餘人並有屢被剿散兩三起或二三百人或三四百人不等雖無大股賊衆而此等零星餘匪亦須剿捕淨盡絕其根株再與勒保將邊防事宜妥商辦理後臣察看何處情形緊要或赴陝境或向楚界卽帶兵前往幫同協剿至首逆龍紹周係太平縣人前經該牧鍾蟠雲令其族叔龍萬象帶同陳貴等前往招撫

欽定剿平三省邪匪方略

正編卷二〇一

口久未回昨經哨探兵勇帶回逃出同去民人

趙明方供稱親見差去之陳貴等七人被小頭

目等殺害將龍萬象等留在營裏臣當即面諭

該牧嗣後如有賊匪遣人哀懇投順者察其情

真仍准悔罪妥為安插斷不可遣差赴營致啟

逆眾輕視之心並札致勒保會銜通飭川東川

北州縣一體遵辦再臣前在南江時嘗得暑屯

製著龍萬象稿卷百九

土弁兵觸熱患病者多即留於南江縣之李家

寨暫為調理並可藉為協防令守備龍必達管

帶約束此次臣在九龍場剿賊聞賊攻撲南江

之明堽五臺等寨時經該縣裴良駿守備龍必

達等剿殺多人屯兵團勇亦有受傷陣亡之事

茲據該縣等親來木門場稟七月初八日有

陳李兩姓賊股四五百人山八廟坪來圍附近

之明堽五臺等寨裴良駿即會同龍必達率領

屯上弁兵二百餘名招齊團勇八百餘名乘夜

潛至寨北埋伏初九日賊知有官兵即由大地

坪奔逃裴良駿等率領兵勇追擊二十餘里殺

賊一百三四十名生擒二十四名搶獲馬騾刀

矛旗幟兵勇力追五十餘里至大屋基賊見兵

單折回衝壓穆坪土守備王應保力戰陣歿傷

製著龍萬象稿卷百十

亡兵勇數十名賊即竄向大田坪而去等語臣

就近復加查察打仗殺賊情形無異當將實在

出力之屯兵阿扣等量加獎賞奏入

上命軍機大臣傳諭德楞額奏自八月十二

日奏報剿辦九龍場賊匪後日久未據續有奏報

方以其在川打仗殺賊自必獲有大勝或因追剿

緊急無暇發摺乃遲至二旬始據奏到及閱所奏

情節祇係敷衍虛詞並未與賊接仗一次剿淨一
股不知此二十日中所辦何事實不可解且據德
楞泰所奏伊本追剿陳朝觀等賊股帶兵前進乃
並不緊躡追捕又以接據額勒登保來札因高馬
戴伍等股由暑陽向南鄭西鄉奔逃恐仍欲入川
令其就近截剿卽將陳朝觀一股置之不辦任由
通江老山逃遁豈竟聽其自斃或自行解散耶德
楞泰既經截剿高馬等股賊匪由兩河口取道通
江太平前進卽應奮力截殺乃僅於沿途搜捕各
股敗殘餘匪迨行抵太平又稱高馬等股已由西
鄉向東竄去並未來川仍置不辦復以龍唐二逆
屯於西鄉界上有苟文明張子聰兩股先後附合
翻山竄入紫陽界內又云接據勒保來信劉朝選
湯思蛟度向瑤羅半年四股賊衆在東鄉屢被剿

欽定剿平三省邪匪方略

正編卷二〇一

賊向東北逃竄囑其就近截剿而如何截剿之處
並不提及惟稱探得劉湯度羅四股賊匪已由東
鄉竄走太平有竄通江竹峪關之勢現在帶兵前
往迎截亦未見上緊剿辦其所稱龍唐苟張四逆
已經入陝川匪尙未肅清未便越境追捕言若近
是而其實輾轉遷延並未遇見一賊一味取巧濫
奏賊匪及該處民人多有遭染瘟疫者或兵丁及
領隊得力之員間有患病德楞泰亦應據實陳奏
今既未奏及則並無此事看來竟係德楞泰等因
賊匪有乞降之說遂爾頓兵不進此乃誤會朕旨
辦理大錯現在張子聰龍紹周等逆並不肯出降
可見前此賊匪藉詞觀望不過欲緩我兵力而德
楞泰等爲其愚弄試思剿辦教匪調集如許官兵
糜餉無算而生靈遭其荼毒者更不可勝計焉有

欽定剿平三省邪匪方略

正編卷二〇一

功屆垂成之時竟思招撫此一二亂民將就完事耶此後斷不准再有差人諭降之事即使張子聰龍紹周等實係窮蹙乞命亦斷不允其投出必當悉數殄除不留餘孽至各路軍營節經降旨不准令所剿賊匪逸出本境今德楞泰於川省竄匪一任闖入陝省已有應得之罪而本日奏摺又滿紙虛詞毫無實際若論其如此居心即應將德楞泰官職斥革令其戴罪自贖姑念伊今春在嘉陵江川西剿辦賊匪尚為迅速稍有微勞是以不即加之嚴譴但德楞泰自帶兵剿辦川東川北賊匪以來從未見認真出力與春間如出兩人實非意料所及現據稱劉湯度羅四股德楞泰已帶兵前往會同勒保截剿此事朕現存記着伊續到之摺能否將劉湯度羅四股全行掃除若又藉詞延宕或

稱此四股賊匪又復他鼠則是德楞泰所奏剿辦四股賊匪又成虛語其種種欺誑獲罪甚重朕必立將伊革職治罪不能再待矣德楞泰著先傳旨嚴行申飭再苟文明一股前據姜晟倭什布等奏有竄至湖北房縣之信今德楞泰摺內又稱苟文明現與龍唐二逆在西鄉合夥究竟以何言為准其前竄湖北之賊究係何股並著查明具奏至所稱察看何路緊要或赴陝境或向楚界帶兵前往剿辦之語亦聽伊所為總之德楞泰離川後若川境尚有賊匪潛匿僅交勒保一人或又如春間肆竄必將德楞泰從重治罪慎之所有打仗陣亡之士守備王應保著咨部賜卹

初六日乙酉額勒登保奏言查前此逆首宋麻子就殲後所餘之張添倫辛聰顏勝可魏棒棒及

聖祖聖訓卷三百

三

聖祖聖訓卷三百

古

楊開甲餘匪被剿請急捨命奔逃臣恐其復出
棧東遁入南山當即一面飭令楊遇春慶成等
竭力趕剿并令防堵之德忠汪啟等亦即帶兵
截擊其南山內之江口一處尤為要隘並即派
令兵勇預為扼堵臣一面即由楊家店趕赴棧
中以為各路策應此一帶道路本屬叢雜該匪
等隨處躲避官兵總由老林深密之處穿越臣
由棗林欄廟臺子火燒店等處潛竄楊遇春慶
成等將兵分路追剿斬獲約有二百餘人德忠
汪啟隨時偵探賊蹤亦即抽帶兵勇前赴離卡
百餘里及八九十里之大壩溝九條梁李家灣
等處截殺并搜獲之賊共一百八十餘名其敗
竄各股賊匪晝夜狂奔從九條梁逃入歪壩河
老林翻至黑河兵勇緊跟追擊於二十三日合

欽定剿平三省邪匪方略 正編卷二〇一
五

竄至茶子店等處維時慶成楊遇春帶領馬隊
先繞至沔縣迎截慶成旋又帶兵赴黃壩河阜
川以防賊匪東奔漢江南岸之路楊遇春即由
白巖河一帶追殺賊匪果徑趨江岸探知官兵
即折奔胡家壩慶成得信遂率兵趕擊適楊遇
春亦將抵胡家壩兩路截殺共斃賊一百六十
餘名是日楊奎猷追剿小股之賊至蔡壩適遇
九十帶兵至彼兩相夾擊殺賊四十餘名生擒
十一名餘賊奔歸大股各路官兵會合時已昏
暮又兼雨大泥滑不能再進滿擬次日五鼓發
兵併力合剿乃賊匪疊被剿殺黑夜四竄楊遇
春等分路搜捕只斃賊八九十名臣於二十五
日晚趕至新集偵探賊匪千餘人已竄出黃官
嶺一帶而我兵七八日以來刻不停留鍋帳等

欽定剿平三省邪匪方略 正編卷二〇一
六

均未得到勢不得不畧為整集楊遇春慶成節
次打仗於梁山溝地方有頭目苟瑣帶領四十
二人投出又在茶子店地方有小頭目劉步雲
帶領六十三人投出又胡家壩地方有旗手劉
彪帶領七十九人投出均係臨陣哀懇_臣先經
屢出告示開導如有真心投出之人必當推廣
皇仁不惟宥其死罪而且妥為安插俾得仍為良民

聖朝實錄卷三百

七

但從前屢次打仗時亦令該將領等傳布
恩旨令其及早投出而疑懼固結實未經投過一人
茲乃三次臨陣棄械投出一百八十餘名明係
自知窮蹙已甚冀求生路然賊情狡詐其中亦
有借此緩兵及窺探消息以為內應等計_臣先
經飭知楊遇春等臨時不可不詳察虛實茲疊
據楊遇春等具報隨時查詢投出者實出真心

並此內有王宏儒等當經飭令隨兵追賊眼見
其戮斃賊匪數人可無疑義其中川省人居多
並有欲在軍營出力之苟瑣劉彪等聲稱願帶
領數十人以為前驅楊遇春擇其人畧明白可
作眼目之劉步雲等八十餘名留營跟同苟瑣
等効力其餘均交台布分別遞籍安插_臣今又
將劉之協解京處治原委遵

聖朝實錄卷三百

六

旨刊刻告示明白曉諭該匪等知畏知感當更聞風
解散仍嚴飭各領兵大員及將領等不得因此
稍事遷緩再據苟瑣等供稱張添倫前本與辛
德等合為一處後節經官兵打潰張添倫已去
冉學勝夥內且言王廷詔眾人俱稱為師傅並
不管事亦在冉學勝股內而現在各股賊匪係
辛聰顏勝可魏輝棒三人為首又楊開甲被官

兵殺死後尙有其弟楊開第楊開辛兩人亦爲

元帥所以仍稱楊家營等語其言亦未必甚確

容臣隨時再加察訪至伍金柱餘孽原派有阿

哈保穆克登布等帶兵在彼剿辦並令定住廣

厚專堵階文往龍安之路相機截擊臣又因相

距較遠會札致長麟將該處一切情形具奏二

十五日適接阿哈保穆克登布來信賊由五馬

河竄至梅子園元壩子十九日穆克登布帶領

兵勇取道化子埡進兵阿哈保桑吉斯塔爾帶

領馬兵由馮家河陽壩抄截兩路殺賊一百二

十餘名生擒三十餘名該匪又翻箐林逃遁有

出賀家河之勢因伍逆已死又以伍金柱之姪

伍懷志爲帥帶領四竄現在極力趕剿等語長

麟如接有此信自當詳晰具奏又臣前聞四合

頭一帶尙有打散餘匪二三百人曾派總兵觀

祥在彼搜緝茲據署兩當令誠忠稟報觀祥在

三分屬之磨盤溝王家溝殺賊甚多看來餘賊

有限臣伏思數日以來節次殺賊并疊斃逆首

且辛聰等欲急奔南山又未得闖入事機尙順

惟甘省現在尙有賊匪而陝之西鄉一帶既有

前竄之賊目下殘敗之衆又復竄去頗爲牽綴

甘省伍金柱餘匪臣雖經札飭阿哈保穆克

登布等務須就地殲淨卽或不能必須逼至陽

平關虞關等處使入陝之沔畧境內以便一併

剿洗而賊蹤難定甘省一日未得淨盡臣若深

入西鄉究不放心是以帶領札克塔爾慶成暫

行駐紮漢南之新集一帶以便隨時策應并搜

捕餘孽恐恒瑞綸布春在西鄉地方因賊股較

多不能痛剿即派九十帶原兵千餘趕往協剿

又令楊遇春同格布舍馬玉魁帶兵緊追辛聰

等賊匪由紅廟堂私渡河前進與恒瑞等聲勢

聯絡合力剿辦又派副將游棟雲帶兵勇千餘

名轉赴唐藏一帶以備迎截甘省竄出之賊况

長麟亦深知南山為重自斷不肯使賊仍竄棧

東倘此旬日之內甘境之賊全行掃蕩臣另當

籌畫妥善即赴西鄉督剿再楚匪據報有在洵

陽陝楚交界之地奔竄者臣早已飭知慶溥等

加意防堵又遵查岱森保病勢雖已漸退而面

目消瘦迥不如前且每日祇飲米湯數次斷難

帶兵臣囑令前往漢中安心調養俟稍痊後再

令緩程進京又查大小金川屯練官兵除節經

傷病隨時遣回外現隨臣營尚有郎卡耳結等

共二百零二員各該官兵等隨征日久疲乏患

病者已有九十名臣酌加賞資令原管之綠營

把總外委等安行照料一併由漢中府送至四

川成都令其均歸原處

同日明亮奏言臣於本月十五日行抵姚家灣

接到姜晟倭什布八月初二三日咨保調孫清

元一路官兵往房縣堵禦是日適孫清元等趕

到與臣合營面告已於途次接到倭什布來札

毋庸該鎮前往房縣仍令同臣一路追剿徐逆

等情臣隨飛札詢問姜晟倭什布將現在川匪

竄入情形是否需兵之處詳晰札覆至本月二

十三日在竹谿途次接到各處滯留公文七十

餘件始見姜晟倭什布飛咨以及房縣知縣李

維本等具報川匪竄入情形始知倭什布奏明

維本等具報川匪竄入情形始知倭什布奏明

維本等具報川匪竄入情形始知倭什布奏明

帶兵往房縣堵剿查各處發來咨稟日期有遲至月餘二十日十餘日不等軍情緊要隨到隨辦似此遲延貽誤匪淺實深駭異已飛咨姜晟倭什布查明何處遲悞嚴加懲創外至臣追剿徐添德一股賊匪其始該逆夥黨原有萬餘自三省勁旅到楚後經臣帶領痛剿數次屢獲活賊供稱賊眾連馬探矛手以及大小男婦僅剩二千餘人披靡已極不料該逆等自竄渡黃龍灘之後晝夜狂奔已入陝省白河洵陽縣境臣恐該匪懼陝省官兵迎頭截擊乘隙由二竹旁竄入川因與孫清元等抄至竹谿縣屬之北义河該處係陝楚毗連若慶溥温承惠等兵到卽可夾擊集事臣前已飛咨相機迎截適接慶溥來札已趕至董家梁堵截温承惠在紫陽堵禦

《聖朝實錄卷一百一十五》

三

未能前來查徐逆殘敗餘匪已竄至仁河口若趕至白土關董家梁能與慶溥夾擊固屬甚善若已深入陝境臣亦應緊躡追剿以期撲滅但以目前地方輕重事之緩急而論則楚重於陝故不得不通盤籌畫據實入

告查川省竄匪入楚情形現據叅將蔣濤稟報川匪龍紹周唐大信二逆已竄至房縣之上龕據南漳縣楊子果稟報准房縣札開川匪苟逆一股由巫山陰條嶺竄入房縣之九道梁舉人坪灣腰樹一帶並據房縣李維本稟報訊據麻灣被擄逃出汛兵供稱賊首係冉徐張王四姓不知其名男婦約有萬餘人並不屯聚一處或一二百人一隊或三四百人一隊不等自松香坪袁杜坪至博羅坪一帶數十里俱有賊匪業經

《聖朝實錄卷一百一十五》

三

破山垭應子灣二寨攻破等語復據保康縣楊開鏡稟稱川匪已竄至該縣所屬之壽陽坪馬橋口滋擾復接總兵李紹祖七月二十七日報稱奉德楞泰勒保照會派令帶兵三千名馳赴房縣截擊本日自開縣起程現抵何處尙未報到臣接到倭什布來札因苟逆分股肆竄勢甚猖獗帶兵前往房縣相機堵剿所帶兵力甚單現在臣與孫清元兩路會合在營兵丁二千餘名鄉勇千餘忽散忽聚實不足恃正當追剿喫緊之際未便撥往是以飛札前派在穀城收集各營落後官兵之廣東參將馬德舒挑選兩粵得力之兵一千名就近先行馳赴倭什布處聽候調用又派遊擊拉哩由二竹先赴倭什布行營聽調一面補派總兵德昌至穀城收齊各營

官兵趕起來營查倭什布自帶兵不足一千名馬隊二百名合之臣派往兩粵新兵一千名調往竹谿鄉勇一千名共兵勇三千餘名雖可禦敵然尙不放心倭什布帶兵本非所長且帶兵之員亦少久歷戎行之人至於馬隊原屬勇往若非知賊情形明曉地勢之人帶領亦恐無益且楚省地勢平行樹林稠密賊匪易於竄匿而楚省百姓容易驚慌善造流言若再令賊匪在境內游奕恐散出被擄人民難安反側查川陝覓食維艱兩處賊匪恐俱欲竄入楚省且漢江綿長千里秋深水涸亦不可不慮及由棧偷渡雖現有豫省臬司完顏岱嚴密防範恐力有不及稍致疎虞使完善之區復令賊匪竄入是楚境若不迅速廓清於剿辦全局大有妨礙查臣

與孫清元兩路官兵本有五千餘名落後病兵皆在其內若臣追趕青號入陝孫清元勢不能同往兵分兩路彼此見單於剿辦實無裨益况自川入楚之賊若無大員統剿恐不得力以臣愚見設徐逆深入陝境臣就近告知慶溥緊躡或逼入川或仍趕回楚省自易剿辦一面飛咨額勒登保札飭慶溥溫承惠實力剿辦臣即擬帶兵由竹谿竹山至房縣幫同倭什布一路剿辦由川竄來之賊若果賊眾鴟張自應速加痛剿設該匪等人數無多即可立刻掃除楚省一靖臣即酌帶得勝之兵或陝或川聽候額勒登保德楞泰調度協剿均奏入

上命軍機大臣傳諭額勒登保曰張添倫辛聰顏勝可魏捧捧及楊開甲餘黨被剿緊急捨命奔逃額

欽定剿平三省邪匪方略 正編卷二〇一

勒登保恐其竄出棧東遁入南山飭令楊遇春成德忠汪啓等竭力趕剿扼要堵截俱有斬獲現在額勒登保帶領札克塔爾慶成駐紮棧城之新集地方相機策應所辦俱合機宜至甘省伍金柱餘孽已責成長麟督同定住阿哈保穆克登布廣厚等在彼足資剿辦此時額勒登保竟不必兼顧甘省况據額勒登保摺內稱陝境西鄉一帶現有前竄之賊目下殘敗之眾又復竄去頗為牽綴本日又據明亮奏徐添德一股竄入白河洵陽一帶又前據德楞泰奏高二馬五戴家營一股賊匪已入西鄉川省龍唐二逆及苟文明張子聰等竄入陝省紫陽界內是各股賊匪俱闖入陝境而西鄉尤為扼要額勒登保務當即赴西鄉督率剿辦將各股賊匪在陝境剿盡不可令賊竄過棧東亦不

欽定剿平三省邪匪方略 正編卷二〇一

可令其偷越漢江向陝西東北奔竄必不得已寧
逼令入川以便併力合剿亦勿逼入鄖陽至川楚
陝三省竄匪本責成額勒登保德楞泰明亮三人
分辦乃德楞泰近日大非前比奏報多係敷衍虛
詞意在招撫中賊緩兵之計而明亮更負委任本
日奏到之摺因徐添德已逃往陝境僅委之慶溥
溫承惠伊轉藉稱欲赴房縣幫同倭什布剿辦由

《聖祖聖訓編卷三》

三

川竄來之賊蒼滑已極明亮在楚帶領多兵剿辦
徐添德一股無多賊匪延緩日久終任其逃入陝
境委之他人是春夏以來該省兵力餉項均屬虛
糜看來德楞泰明亮二人俱不足恃而朕所恃者
惟額勒登保一人此時各股賊匪總在川楚陝三
省邊界爲遁逃之藪額勒登保身任經畧受朕厚
恩務當先將陝境竄匪迅速殲淨其餘添德一股

已降旨令長齡帶領勁兵前往幫同慶溥上緊剿
辦至現在湖北房縣一帶據明亮奏有龍紹周唐
大信苟文明等股賊匪竄入又有冉徐張王等賊
亦在楚境游奕湖北軍務甚爲着重明亮既不可
靠亦斷非倭什布所能辦理惟望額勒登保辦盡
陝賊前往湖北朕方可放心若陝境各股竄匪正
資額勒登保剿辦實在不能分身前往當派令慶

《聖祖聖訓編卷三》

三

成酌帶兵力速赴湖北幫同明亮倭什布剿辦然
總不若額勒登保親往之爲愈也又摺內稱據楊
遇春等具報查詢投出之賊實屬真心并有王宏
儒等卽經飭令隨兵追賊眼見其戮斃賊匪數人
可無疑義等語此則未可深信賊營中裹脅難民
甚多安知非賊匪詭計將難民故意戮斃以示真
心投誠若領兵之人信以爲實令其在營効力以

致賊匪得以探聽官兵虛實轉為肘腋之患否則
在營乘間或有放火等事亦是惑亂軍心此等投
出之賊多半為緩兵之計現在川省德楞泰等因
賊匪有乞降之說頓兵不進賊匪旋即奔竄即受
此病額勒登保當分飭帶兵各員務當留心慎重
不可為賊所愚以致剿辦稽延再德楞泰前摺所
稱高二馬五戴家營竄入西鄉龍唐等逆竄入紫
陽何以額勒登保摺內未經提及豈陝省地方官
未經稟報經畧耶著額勒登保查明具奏至明亮
以宿將自居總不出力今復縱令徐添德竄陝伊
以剿辦川省竄匪為詞明係有心趨避本應將伊
革職拏問祇因一時乏人更換暫為姑容額勒登
保到楚後務須密為查訪如明亮實有避賊玩愒
情節即傳旨將明亮革職查問按律定罪具奏如

聖朝通鑑卷三

三

額勒登保一時未能赴楚派令慶成前往即密告
慶成確查具奏

上又命軍機大臣傳諭明亮曰明亮自帶兵剿辦教
匪以來總未肯認真出力一味觀望遷延有心取
巧早應將伊明正典刑以肅軍紀惟念伊曾受

皇考厚恩於帶兵一事向為熟悉是以仍復加恩棄瑕

錄用並將徐添德一股賊匪交伊專辦此即係予

以立功自贖之路並屢次批諭訓勉諭以如能將

徐逆一股在楚剿盡將來仍加恩賞還伊原襲伯

爵原期伊激發天良改過自効乃伊剿辦徐添德

一股總未設法截擊痛加殲戮夏間惟以雨水暑

熱為詞頓兵一月有餘任賊奔竄以致賊匪由荆

宜南漳穀城一帶來往自如因循至今尚未辦竣

而本日摺內稱徐逆敗殘餘匪自竄渡黃龍灘之

聖朝通鑑卷三

三

後晝夜狂奔已入陝省白河洶陽縣界現已咨會慶溥相機截擊如能夾擊集事固屬甚善若已深入陝境伊亦應緊蹙追剿但以目前地方輕重事之緩急而論則楚重於陝等語朕閱摺至此已知明亮之意欲將徐逆一股付之慶溥及閣至摺尾則稱設徐逆深入陝境卽就近告知慶溥緊蹙或逼入川或仍趕回楚省明亮卽擬帶兵由竹谿竹山至房縣幫同倭什布一路剿辦由川竄來之賊是其連篇累牘巧語浮言注意實在於此不過欲將徐逆一股諉之慶溥自圖卸責果不出朕之所料實屬蒼滑之極明亮係專辦此股賊匪之人今縱賊竄入陝境並不親往截剿又未派員前往夾擊竟似與伊無涉其獲罪甚重而摺內稱川匪龍紹周唐大信二逆已竄至房縣之上龔苟逆一股

由巫山陰條嶺竄入房縣之九道梁一帶並稱冉徐張王四姓不知其名男婦約有萬餘人自松香坪至博羅坪一帶數十里俱有賊匪其所奏賊股姓名與德楞泰昨日奏到情形迥不相符或係地方官探聽不確均未可定明亮不過藉此以掩飾其縱逸徐添德之罪又欲鋪張賊勢為將來卸過地步此等伎倆竟敢於朕前屢為嘗試耶卽如龍唐二逆前於本月初二日據德楞泰奏報在西鄉界內屯匿旋有苟文明一股賊匪約二三百人張子聰一股賊匪約三四百人先後附合等語是龍紹周唐大信苟文明張子聰等股賊匪近日甫據德楞泰奏報尙在西鄉界上何以遽能竄入楚境其說已不足憑信明亮之意以此數股賊匪為重豈徐添德非緊要賊股乎又摺內稱飛札叅將馬

德舒在穀城收集各營落後官兵挑選兩粵得力
兵一千名就近馳赴倭什布處聽候調用並補派
總兵德昌至穀城收齊各營官兵等語各省派調
官兵原爲剿賊喫緊之用何致各營皆有落後之
兵若云明亮追賊行走甚速官兵不能趕上伊卽
應追及賊匪何以又任徐逆竄至陝境是其帶兵
全無紀律已可概見乃明亮尙稱倭什布帶兵非

《製言彙纂編卷三》

美

其所長其意居然以宿將自居試思明亮之長於
帶兵者安在且稱設該匪無多立可掃除尤屬無
恥若以明亮奏報而論居心巧詐又應革職拏問
從重治罪姑念伊究係曾經行陣之人今伊旣稱
權度事之輕重楚省之急較重於陝伊自願帶兵
與倭什布會合剿辦卽姑如所請准其前往所有
由川竄楚之賊卽專交明亮剿辦看伊如何奮勉

自贖現在已屆秋深風高氣肅更無雨水連綿溪
河漲發之事可以藉口明亮如能感知懼將此
股闖入楚境之賊趕緊剿滅淨盡尙可稍贖前愆
倘仍前觀望遲徊不能上緊截擊致此股賊匪或
又深入楚境蔓延滋擾則是明亮有心貽誤罪無
可追凜之慎之明亮著先傳旨嚴行申飭且俟伊
如何剿辦川省竄匪再行降旨

《製言彙纂編卷三》

美

上又命軍機大臣傳諭姜晟倭什布曰楚省剿辦徐
添德一股賊匪屢經降旨令姜晟督率地方官團
集義勇擇要設卡嚴密防守以便大兵追剿賊匪
到彼卽可迎頭攔截以成夾擊之勢訓諭不啻至
再至三乃賊匪在荆宜南漳穀城一帶任意奔竄
往來自如從未見該省有團勇堵剿之事今賊匪
復由黃龍灘竄往陝境固由明亮遷延縱玩所致

而姜晟等未能嚴督所屬設卡防堵實難辭咎至軍營來往公文皆關緊急軍情難容刻緩今據明亮所奏積壓公文有七十餘件之多遲延日期至月餘二十餘日之久殊堪駭異可見地方官全不以軍務為重實屬藐玩已極而督撫之毫無覺察竟同木偶即此已可概見姜晟倭什布均著傳旨嚴行申飭並著將此次壓擱公文係何州縣因何留滯多日不行馳遞徹底查明據實嚴叅辦理

上又命軍機大臣傳諭長齡曰徐添德係著各首逆日久稽誅茲復竄入陝境不可不迅速殲除長齡竟當帶領勁兵幫同慶溥上緊夾剿徐添德一股若能奮力夾擊將徐添德一股悉行殲除並截住陝省之賊勿令入楚即長齡慶溥之功朕必優加懋賞其徐添德一犯亦不必欲生致即果能生擒亦不必解京辦理倘臨陣殲斃必須查驗明確方可信以為實長齡若僅將徐添德擒而餘匪未淨仍任四散奔竄即不得謂之有功矣至陝楚交界地方究竟有幾股賊匪在彼長齡經過處所見聞自確並著查明具奏

同日長麟奏言臣於八月二十一日趕至虞關晝夜嚴防並多差遠探偵察二十三日據報辛聰等股賊匪已由留壩廟臺子竄入褒城縣屬之紅岩溝涼垭子大柳樹一帶係西奔沔陽黑河之路額勒登保率領楊遇春慶成緊躡追剿賊匪已在虞關之南不致折回甘境等因查賊匪既已南竄臣自應移兵趕赴階州與阿哈保穆克登布等會剿伍金柱餘黨以期先行肅清甘境二十三日接額勒登保來信稱有小股賊

聖祖聖訓卷一百
三

聖祖聖訓卷一百
美

匪四五百人由唐藏太渠折回甘境因總兵觀
祥帶領臣營馬步兵勇一千二百名追賊現至
鳳縣額勒登保即派委觀祥就近剿辦查唐藏
太渠相距虞關三百餘里臣恐觀祥由鳳縣折
回唐藏太渠一帶追剿是在賊匪東面該匪若
直向北趨即可徑達秦隴若折竄西南即可復
入階州與伍金柱餘匪合夥臣自應兩路兼顧
當於二十四日折回徽縣由茹椒壩栗子園一
帶自西北兜截途次接據觀祥報稱賊匪先於
二十二日竄至唐藏太渠迤西之磨扇溝老林
內藏匿觀祥即於二十二日五鼓發兵辰刻趕
至磨扇溝賊匪一見官兵即翻山越嶺四散逃
遁官兵趕至周家埡殺斃賊匪二十餘名賊匪
遁入老林向胡店溝奔竄觀祥現在緊跟追剿

欽定剿平三省邪匪方略

正編卷二〇一

又據探報伍金柱餘黨於十三日竄至階州所
屬之梅子園一帶屯聚十四日穆克登布由化
子埡進兵直搗賊巢阿哈保桑吉斯塔爾由馮
家山陽壩抄截兩路並進穆克登布帶兵甫越
化子埡山梁正值賊匪起竄當即督兵下壓沿
途斬賊數人搶獲騾馬數十匹追至圓壩子賊
匪情急奔向對面大山穆克登布亦即緊追直
上又殺賊四五十人生擒十五名因山陡雨大
未能搶上阿哈保桑吉斯塔爾亦由陽壩抄來
沿途各有斬獲賊匪復向老林翻山竄至太平
川穆克登布阿哈保桑吉斯塔爾等現在追剿
各等情近日穆克登布等會否接仗臣因現由
虞關折回距階州將及千里尙未得信又據廣
厚報稱該司與提督定住因奉經畧札派攔截

欽定剿平三省邪匪方略

正編卷二〇一

賊匪竄往龍安去路現在四山壩五馬河何家河一帶相機堵禦又據階州報稱有賊匪一股由禮縣屬之雷家壩竄至黑石溝屯紮十六日早賊探已入該州之柳林里賈家硬坡等語臣查觀祥所追之小股賊匪現在奔竄處所係在黃牛舖唐藏太渠一帶左近觀祥既與賊匪接仗自必跟追且賊匪不過四五百人觀祥現帶兵勇一千二百名卽或賊匪折回甘境實亦足敷剿辦其伍金柱餘匪既有阿哈保穆克登布桑吉斯塔爾帶兵剿捕又有定住廣厚在要隘堵截自亦無難迅期得手惟階州稟報由禮縣雷家壩竄入該州之一股賊匪未據聲明人數多寡亦未知係從何來如果實有此股賊匪何以未據禮縣具報或係從前大兵剿捕緊急之

時賊匪分股亂竄在於雷家壩一帶深山老林內藏匿今見大兵遠去復出滋擾亦未可定臣自應兼程趕往確切查探如該州所報屬實臣卽將此股賊匪迅速剿辦如該州所報不確臣一面將該州叅辦一面趕赴阿哈保穆克登布一路會剿伍金柱餘黨奏入上命軍機大臣傳諭長麟曰現在辛聰等匪竄入秦城一帶額勒登保業已率領楊遇春等趕赴陝境緊躡追剿所有甘省伍金柱餘黨卽專交長麟會同阿哈保穆克登布桑吉斯塔爾定住廣厚等認真剿辦其馳報軍營奏摺著長麟列名在前並著傳知阿哈保等如有打仗得勝情形俱隨時咨報長麟轉奏至伍金柱餘黨實屬敗殘匪逆今長麟等帶領多兵專辦此股餘匪務於甘境上緊兜截

不得以擒擊一二賊目即爲了事總須將賊匪悉

數殲擒毋使一名漏網方屬長麟等之功倘稍有

疎虞又任伍金柱餘匪或南竄龍安或東竄陝省

則長麟等即不能辭罪也統俟甘省餘匪辦竣後

長麟再赴陝西幫同額勒登保協剿辛聰等股賊

匪此時勿得顧此遺彼又據奏階州報稱有賊匪

一股由禮縣竄入該州長麟相隔較遠擬即兼程

聖鑒事

聖

趕往查探等語地方官稟報賊情帶兵大員必須

探聽確實統兵前往方於剿辦有益若輕聽州縣

稟報不察虛實率爾趕赴該處既疲兵力於事無

濟而於現在所剿之賊轉多疎縱長麟未免失之

冒昧矣

欽定剿平三省邪匪方略正編卷二百二 庚申年

九月初八日丁德楞泰勒保奏言竊臣勒保前

因湯思蛟等股匪衆向南壩場一路竄逸就近

先行剿辦十二日行抵南壩場據七十五遣人

報稱度向瑤湯思蛟劉朝選已與趙麻花等合

夥十一日五鼓七十五分兵三路進剿午刻趕

至豐城寨地方適遇度向瑤等一股正向山溝

聖鑒事

聖

下走當被恭領武隆阿副將張良槐都司羅思

舉等率領兵勇直前衝殺賊衆猝不及防並未

拒敵即四散奔逃我兵趕上斃賊四百餘名生

擒郝長壽等一百十二名七十五正在督兵追

殺據報後路又有湯思蛟等賊匪將都司保洪

玉等一路官兵衝動保洪玉猝被子傷陣亡守

備陳德欽同時被害兵勇亦傷亡數十名七十

五卽親督大隊趕回迎擊賊見官兵擁至旋卽紛紛折竄七十五追殺四十餘里直至大團包又殺賊一百二三十名生擒楊如山等五十三名時已昏黑暫爲紮住訊據郝長壽等供稱此起賊匪係趙麻花在前度向瑤居中劉朝選湯思蛟在後分三路行走今日官兵將度向瑤一股攔截殲殺甚多致成三段七十五隨據探報度向瑤趕入趙麻花前股向官渡奔竄劉湯二逆折向下八廟逸去臣勒保得信後卽知會七十五追剿度趙等逆臣督同總兵薛大烈永寧等帶兵直趨下八廟一路追剿劉湯二股之賊十五日酉刻提至黃土梁探知賊衆正在茅坪屯紮相距二十餘里當於五更冒雨發兵薛大烈侍衛花品等爲一路臣與永寧等爲一路由

左右山梁下壓直至茅坪賊衆正在移營一見我兵卽率衆千餘人搖旗吶喊直前拒敵我兵奮勇競進立斃執旗賊目及騎馬賊匪三人賊卽潰走兵勇分投追剿斃賊三百餘名生擒趙爾河湯陳氏等一百三十八名口時值大雨如注前路菁林甚多祇能隨搜隨進遙聞官渡一帶鎗礮不絕知七十五一路亦已遇賊接仗據報殺賊一百餘名生擒三十餘名亦因大雨未及深入當卽知會七十五暫在後路搜剿餘匪臣勒保卽督兵由羅紋壩一路進發適臣德楞泰所派溫春賽冲阿等帶領馬步兵勇於十九日行抵兆堂壩與薛大烈永寧等會合探知賊匪大隊正由尖山坪一帶奔竄相距不過五六十里當卽星夜冒雨追躡二十三日至倒流水

製書館彙編卷三

二

製書館彙編卷三

三

13. 01 4 13. 01 5 6 2. 1. 3

地方正值賊匪踞淺渡河溫春賽冲阿所帶馬隊官兵先已趕到當即奮勇衝殺賊匪立時奔潰有撲河搶渡溺斃者有分竄山野滾巖跌死者鎗箭所到斃賊尤多正在趕殺間薛大烈等所帶步隊亦即到來乘勢掩捕通計殲賊六七百名生擒賊目王曰榜並男婦張尙賢熊楊氏等四百六十九名口渙散跪投者一百三十八名隨令王曰榜等於賊屍內認出偽副元帥湯思舉係湯思蛟之兄偽總兵王三魁當即戮割梟示並據供稱此夥賊匪係湯思蛟廣向瑤劉朝選並張金連趙麻花及苟文明股內元帥杜應杰等在東鄉境內被官兵追剿情急各股人數漸少遂商量合夥由長壩過河五股共有四千餘人惟趙麻花一股被官兵在官渡截住未

聖朝聖恩編卷四

四

能過來湯思蛟等原想要到太平尋覓龍紹周等竄赴陝境因聞太平現有大兵所以就近在通江境內奔逃不想又遇官兵打散湯思蛟等先已騎馬過河各等語溫春賽冲阿一面即帶兵過河追躡_臣等聞信先後趕到該處提犯親鞫無異並據探報先竄過河之賊尙有一千餘名由呂家坪向絲蘿壩橫逸仍欲折竄後河現有溫春等緊追惟後起未經過河之賊尙有五六百名由馬鞍山石窩場竄去_臣等即派永寧帶領參將田朝貴等覓路抄截並聞七十五從官渡追剿趙麻花等股之賊亦祇有數百名現從石窩場一路而來正可與永寧兩面夾擊_臣等因川省腹地現在只有此數股敗殘餘孽必須先為辦竣騰出兵力再辦川陝邊界之賊庶

聖朝聖恩編卷五

五

不至受其牽制且頃據太平文武稟報唐大信
張子聰二股合夥由白笋坪明通井一路奔竄
龍紹周一股由西鄉折回大竹河有奔往城口
之勢均在太平東北境內設廣向瑞等竄往合
夥辦理轉費費手臣等公同商酌一面分飭溫
春等盡力窮追臣德榜奏即一面督兵於二十
五日由後河清花溪一路兜截臣勒保暫住一
日審辦現獲各犯將被擄未及及臨陣投出之
徐良士等二百二十六名口酌給銀米遞籍安
插其賊目王日榜並八經從賊打仗之張尙賢
等三百四十一名均分別凌遲正法奏入

王三魁生擒賊目王日榜等所辦皆好德榜奏勒
保均屬奮勉可嘉其分路帶兵出力之七十五等
八員統俟川省賊匪辦竣再行奏明一體加恩德
榜奏勒保務當督同七十五等上緊將剿賊之廣
劉等股賊匪魁日殄滅肅清四川腹地再將太平
界內之龍唐等逆上緊剿淨成功愈速則恩賞愈
重不可不倍加奮勉也現在各處賊匪勢俱窮蹙
總於川陝楚交界地方老林內為遁逃之藪此即
天
考默佑使賊匪竄聚一處正可趁此機會一鼓殲除如
川境賊匪剿完勒保係四川總督七十五係四川
提督不但該省善後事宜正資經理而邊界防守
之事尤關緊要勒保不可因前經獲罪必欲越境
剿賊惟當會同七十五督率文武各員嚴防邊界

要隘以堵為剿勿令由川竄出之賊仍行折回亦不可令陝楚之賊竄入川境即為出力至德榜泰雖係成都將軍但身為參贊陝楚軍務皆當籌畫徐添德辛聰張添倫及高二馬五等股賊匪皆由川境竄往陝楚德榜泰自當帶領勝兵隨賊所向緊躡追剿或赴陝幫同額勒登保或赴楚幫同明亮總當臨時相度賊匪緩急情形朕亦不為遙制務於冬令內一律蕩平受朕厚恩不可稍有遲緩又昨據明亮奏由川竄至湖北房縣一帶賊匪共有萬餘何以德榜泰等此次摺內並未提及著查明具奏此時德榜泰等即將廣劉龍唐各股賊匪辦淨而川東川北零星賊匪尚須搜捕並恐明亮在房縣一帶堵剿之賊復行竄回德榜泰如已帶兵離川則當責成勒保七十五在川督率堵剿不

欽定剿平三省邪匪方略 正編卷二〇二

可復任蔓延所有此次打仗陣亡之都司保洪五守備陳德欽俱著咨部賜卹
 初十日巳明亮奏言查青號徐逆賊眾經臣在楚省叠次痛剿殘敗已極該匪畏懼官兵追殺遁入陝省洵陽屬之仁河口由烏龍池一帶欲翻董家梁至汝河腦過渡臣即由關埡入陝星夜兼程前進二十七日行抵平利縣屬之白土關接據探報賊探竄至長岡嶺離汝河不遠查汝河因連日陰雨連綿水勢稍長跣涉維艱正是極好機會臣當即派副將樊雄楚王懋賞遊擊承祿胥泗起守備陳應彪等帶領官兵八百餘名剽勇一百名由長沙舖尋覓水淺處先行過河兜截臣親率馬步兵勇馳抵汝河腦正遇賊匪在山坳據險林立查該處道路羊腸一線

二四七

官兵難以排列進擊臣飛飭馬步官兵緊逼衝

撲守備王占鰲把總劉陞首先衝上山梁該匪

滾放插石王占鰲身帶石傷二處劉陞身帶矛

傷二處富翰等繞過隘路搶上山頂直前衝殺

立斃賊匪數十人步兵不避鎗石各覓路仰攻

斃賊百餘眾匪潰散官兵乘勝下壓緊逼河邊

遙見騎馬賊匪捨命搶渡人馬被衝大小男婦

聖朝聖編卷五

十一

大半漂流下游侍衛富翰塔津保江鼎雙福等

挑選馬隊數十人趕緊過河追殺三十餘里至

徐家壩該匪情急亡命回撲三次富翰等因山

路窄狹不能痛殺飭令馬隊佯作奔回誘賊匪

追趕前來箭斃數十人該匪猶來衝撲見臣前

派繞道過河之副將樊雄楚等帶兵趕到由山

梁衝下鎗斃齊發雨而夾擊復斃賊匪二百餘

人生擒朱致和鄭全氏等一百三十四名口臣

提訊活賊除川中積匪朱致和等七十七名概

行正法其馮仕貴鄭全氏等五十七名口就近

經平利縣察首劉宗瑞指認李義元等保釋安

插外其餘即交同知蕭與潔訊明隨即給予路

票盤費妥為撫卹剿散餘匪恐於樹林屋內藏

匿當即札飭平利縣知縣任奎光逐加搜捕查

聖朝聖編卷五

十一

該匪又經此次痛剿之後僅剩八九百人即由

牛黃溝凉水溝翻毛壩向獅子壩晝夜狂奔確

探賊匪奔竄路徑係由平利入川要路並據慶

溥報稱在烏龍池迎擊殺賊二十餘人已跟蹤

向平利追剿臣查據竹山令范繼昌稟報川匪

苟文明與後股之賊現已竄至保康大坪北峯

寺一帶又據參將曹星房縣知縣李維本稟報

後股賊匪已竄至後界坪情形尤為喫緊。卽由二竹星夜趕至倭什布一路迎探賊蹤或分或合期將竄楚各股川匪迅速掃除廓清楚境。後臣卽酌分官兵或陝或川馳赴額勒登保德楞泰處協剿奏入。

上命軍機大臣傳諭明亮曰昨據明亮奏徐逆一股竄入洵陽白河縣境明亮並不緊躡追剿轉稱川省竄匪唐龍二逆及苟姓一股俱竄至房縣並有冉徐張王四姓男婦約萬餘人亦接踵而至移會慶溥帶兵截殺明亮仍由二竹回至房縣朕披閱之下卽以伊所奏賊股姓名與德楞泰奏到情形迥不相同必係不實今據明亮奏報則又稱在汝河腦徐家壩等處痛剿徐逆殘敗餘匪而前摺所稱由川竄楚之各股賊匪其唐龍等逆此次摺內

聖表重慶續筆

十一

又未經提及祇有苟文明與後股之賊竄至保康其後股之賊自卽係徐萬富可見明亮前奏多係虛飾竟因追剿徐添德不能趕上輒將川省竄匪臚列多股張大其詞藉稱楚重於陝預佔地步思掩縱賊之咎以便將徐逆一股諉之慶溥自行轉回房縣希圖卸責居心蒼滑明亮著再傳旨嚴行申飭至徐添德係著名首逆與劉之協同為教匪渠魁方以明亮帶兵追剿若能將徐逆擒獲必當加之懋賞乃明亮全不知奮勵當此賊勢潰敗僅剩八九百人之際不卽跟蹤奮剿速擒首逆轉交慶溥帶兵追躡是明亮竟係無福承受重恩將此垂成大功讓之慶溥又與春間那彥成所辦之高二馬五情事相同試思高二馬五一股其狡猾遠不若徐添德前此那彥成未能卽時搜捕以致悞

聖表重慶續筆

十二

轉奔逃迄今未能剿淨今徐添德一股較之高二馬五尤為詭譎且看慶溥如果能將徐逆殲擒即屬伊之造化明亮之獲咎尚輕倘徐逆敗殘餘匪沿途襲脅又成大股則皆係明亮玩縱貽誤所致明亮業已玩悞於前此時由二竹趕至倭什在一路所有由川竄楚之荷文明等股即交明亮速辦務在楚境卽行剿淨尚可稍贖罪愆倘再不能實

製看龍編卷五

西

力奮擊或在其蔓延楚境或又將此二股賊匪逼令出境均不能解罪矣現在轉瞬卽交冬令若仍前觀望因循遷延時日則是明亮甘蹈重戾惟當執法從事斷不能稍為寬貸矣至所奏汝河腦首先衝殺賊匪之守備王占鰲把總劉陞尙為奮勉俱著以應陞之缺補用

十一日庚寅姜晟奏言查五六月以來臣將湖北

各處僱募鄉勇逐細稽查隨時核飭剛愎現在鄭宜兩屬鄂西巴東竹谿竹山等邊防各卡隘所設月給廩費之鄉勇除前此抽撤隨征外統計共有九千餘名房縣保康二邑有守城鄉勇共二千餘名俱係冊報有案其中亦尙須覈實請銷此外賊匪往來經由各州縣有因賊蹤窺近城垣臨時稟明僱勇二三百名或五六百名暫為守禦賊過卽行撤去者有各按舖戶居民出丁防守城廂無須給費者其省郭以外遠近村鎮市集皆百姓自相守禦或擇地暫時遷避近來地方官諭民建築堡寨從事興修漸有成規至山溪要隘處所屢經分飭各屬團結義勇認真堵截多方鼓勵不啻三令五申各該州縣咸皆申覆盡力遵辦乃賊至而衝突如故如穀

製看龍編卷五

五

城之盛家隸鄖縣之黃龍灘均不能堵截賊眾
以待兵臨殲剿皆臣飭屬不力之咎惟有稟遵
訓示督飭員弁另挑健勇加意嚴防襄陽鎮標遊擊
富慶毅城縣知縣孫光先均遵

旨先行革職俟一併查審明確從重定擬具奏至川
省闖入房縣賊首姓名據南漳縣稟稱係徐萬
富與川省原文相符昨接明亮處隨營道員依

欽定剿平三省邪匪方略

卷二〇二

精阿稟稱接與安府來信內有川省德恭贊在
儀隴一帶追剿苟文明之語是現在闖入楚境
賊首其並非苟文明似屬無疑惟據興山縣稟
稱賊目冉姓王姓傳聞不一臣已移詢倭什布
并飭隨營文武探明飛稟倭什布帶兵起程後
所謂副將滿倉帶領湖南兵丁六百三十二名
於八月二十四日抵營近日據探賊匪現在竄

至當陽縣境內倭什布自南漳之楊家坪拔營
由遠安一路進剿總兵李紹祖帶兵由東湖一
帶迎截夾攻尚未得有接仗捷音長齡於初一
日行抵襄陽因吉林黑龍江官兵一千五十名
及直豫撥濟馬匹分起接續行走尚未到齊臣

欽定剿平三省邪匪方略

卷二〇二

現在督飭局員將所需軍火器械鍋帳等件檢
齊整備長齡俟官兵馬匹到齊即擬帶兵取道
前進惟是連日接鄖竹等縣文稟偵探陝省賊
蹤並無提及高馬等匪在西鄉欲行東竄之事
而長齡自襄起行必經南漳保康房縣臣因與
長齡詳細籌酌就現在情形而論川省闖入匪
徒往來奔竄相距不遠此時倭什布等尚無接
仗信息若得長齡帶兵至彼相機會辦與倭什
布等勢成犄角定可迅速殲功其撥往明亮軍

營勁兵三百五十名臣即飭給銅帳馬匹等件
 現有明亮自營派來之候補參將雙福等在襄
 卽可交與帶領前往昨據孫清元等稟報青號
 敗殘餘匪現在陝境由白河入洵陽所屬之水
 磨河金河一帶屯擾該處地面與二竹犬牙相
 錯明亮孫清元等自竹谿合兵兜剿以冀尅期
 淨洗長齡將房縣一股辦有頭緒仍應由二竹
 入陝若此股殘匪明亮尙未殲淨並可順道協
 剿則楚境早得肅清至需用馬匹臣前調到荆
 州滿營馬隊挑用外所餘馬匹合之直豫協濟
 馬數計可足敷乘用
 同日倭什布奏言竊臣行抵南漳探知徐萬富
 股匪由房縣保康南山一帶竄至興山臣卽擬
 從保康徑赴興山截剿旋又據報自興山東竄

遠安在於毗連南漳之荷家壩店化店一帶分
 股滋擾有向東北奔竄之勢查南漳與遠安接
 壤尙被賊匪闖入則北面可趨均穀東北可達
 襄陽必須迎頭攔截遏其肆竄查百福頭一路
 逼近賊竄之荷家壩等處爲扼要隘口因卽率
 領兵勇迎前進發趕至百福頭詎賊匪又退回
 東竄至遠安屬清溪舖等處臣察其情勢欲將
 官兵誘向西南該匪復折而向東以遂其北竄
 之計當卽改道由觀音塘金相坪抄擊前進二
 十九日師次南屬巡檢司地方差探該匪果由
 洋坪一路前來臣於初一日五鼓發兵直趨賊
 人來路已刻馳抵紫山坪賊匪正在該處四山
 溝內搶掠糧食臣當令總管托爾托保持衛花
 尙保佐領和隆武等帶領黑龍江馬隊爲一路

分副將朱士奉都司宋吉典陳治文等帶領襄
鎮各營官兵及隨營鄉勇為一路臣親率參領
特克興額協領武成額參將烏爾卿額都司何
天標等帶吉林馬隊及湖南官兵為一路出其
不意同時並進該匪等一見官兵竟敢分投抗
拒經吉林黑龍江勁旅直前衝殺人人奮勇賊
匪不能抗拒分路亂竄官兵追殺二十餘里生
擒賊匪卜泰寧等三十七名殲斃二百餘名被
擄男婦散出者八十三名口追至洋坪金雞嘴
賊匪從山溝林內向南逃逸新到吉林黑龍江
官兵鎗箭本各嫻熟驍勇異常一遇賊匪無不
爭先競上因山溝路徑崎嶇箐林叢密未便馳
射不克深入窮追節在洋坪暫紮隨訊據獲賊
供稱營內共有藍黃白三號時合時分前因遇

聖朝聖恩編卷

平

而數日山內無糧大眾商量從百福頭到南漳
走出大路以便搶掠聞有官兵到來又回到清
溪舖今日只說官兵已向百福頭去所以由此
路前來不想又遇見官兵我等皆是白號後有
藍黃兩號營內有徐玉張冉四元帥不知名字
等語查該匪等俱係久經從賊曾經隨賊打劫
殺人當卽正法奪獲馬騾分賞出力兵勇散出
男婦給以路票口糧遣令回家伏查此股賊匪
臣於接仗時察看約有二千餘人但據供後面
還有兩營人數諒必相等總計亦復不少今經
官兵改道抄至賊前迎頭截殺不致擾及南漳
該匪又復敗回南漳勢必與黃藍兩號歸併臣
探聞鎮臣李紹祖帶領兵勇從巴歸一路入楚
以道東瀋遠安被擊前來臣一面專弁繞道趕

聖朝聖恩編卷

平

赴李紹祖軍營知會一面率兵乘勝躡剿以期
兩面夾擊將匪眾逼歸一路併力殲除均奏入
上命軍機大臣傳諭姜晟曰姜晟奏湖北各處僱募
鄉勇隨時核減情形總不免存惜費之見鄉勇一
項固須核實辦理但剿辦賊匪必先能堵而後能
剿果能於邊防各卡隘督飭兵勇實力堵禦使各
股竄匪無從奔逸得以迅掃賊氛卽需費稍多而

聖朝重農編查

三

於剿捕大有裨益倘任意刪減則防堵不嚴剿辦
稽時轉致勞師糜餉姜晟惟當擇其素不得力之
鄉勇量加裁汰其餘各要隘處所仍須嚴密佈置
分飭防守俾帶兵之員得以痛加剿殺姜晟不可
祇圖惜費此爲最要至所奏據南漳縣稟報川省
闖入房縣之賊係徐萬富並非苟文明而興山縣
稟報又稱賊目冉王二姓卽竹一帶亦無高馬二

逆賊蹤等語是明亮前奏苟文明竄房縣之語
竟屬不實其所稱冉徐張王四姓本日倭什布等
奏到摺內亦並未有賊數約及萬人之說而唐龍
二逆亦均未提及看來明亮竟係先因追剿徐添
德不能趕上輒將川省竄匪臚列多股張大其詞
藉稱楚重於陝預佔地步思掩其縱賊之咎著姜
晟密行查察明亮節次所奏由川竄楚各股賊匪
何以並不確實是否係地方官探聽不的奉行稟
報明亮卽據以入奏抑竟係明亮自行捏造希圖
卸責一經查明卽行據實密奏

聖朝重農編查

三

上又命軍機大臣傳諭倭什布曰此次徐萬富由房
縣竄至南漳分股滋擾倭什布率領兵勇迎前進
發探知賊匪聞信又退回東竄卽改道抄至賊前
截殺生擒賊匪卜泰寧等三十七名殲斃二百餘

人不令擾及南漳所辦尙好而吉林黑龍江官兵
遇見賊匪直前衝殺奮勇可嘉惟因該處山溝路
徑崎嶇菁林叢密未便馳射不克深入窮追殊爲
可惜此時倭什布所謂湖南副將滿倉現據姜晟
奏已帶兵六百餘名於八月二十四日抵營川省
所派總兵李紹祖亦帶領兵勇取道東湖遠安截
擊而長齡所帶勁旅由襄鄖入楚前赴陝境會經
降旨如沿途遇有竄匪卽令先行剿辦伊經過南
漳遠安一帶自必相機迎擊明亮亦由二竹前赴
倭什布軍營兵力極爲壯盛正可併力合擊倭什
布務須倍加奮勉將各股竄匪於今冬尅期辦竣
以副委任所有此次殺賊奮勇之吉林黑龍江官
兵著倭什布存記此後如再獲勝仗卽行據實保
奏另降恩旨

欽定剿平三省邪匪方略正編卷二百三 庚申年

九月十三日壬辰倭什布奏言竊臣將賊匪追殺

至洋坪金雞嘴地方因該匪竄入山溝林內卽

飭兵勇於洋坪紮駐暫爲憩息當選弁躡探賊

人去向該匪是夜竄至洋坪之南西風埡屯紮

距洋坪二十餘里臣以賊去未遠正可乘勝追

擊初二日五鼓率兵進發黎明趕至西風埡對

面山梁察看賊人竄匿之處山坎陡削樹木叢

密該匪見官兵臨近俱於林內擲石抵拒臣飭

令官兵於對山排列鎗礮轟擊并選派兵勇覓

路繞至西風埡後山抄出山巔亦用石塊向下

堆放賊匪站立不住始從林內穿過南山越嶺

而道臣卽率同將弁兵勇直前追殺沿途斃賊

六七十名生擒李貴等十三名該匪從許舊舖

向遠安縣城一路奔突臣追至鹿溪舖復據隨
 同李紹祖帶兵來楚之叅將黃定選守備銜李
 拱等馳報該匪自苟家埡折回之後黃藍二號
 與白號分路滋擾李紹祖帶兵追至遠安先於
 二十九日在兩河口截剿得有勝仗初一日因
 該匪竄至木瓜舖逼近縣城該鎮率兵移營牛
 鹿坡以扼賊匪趨擾縣城之臣初二日賊匪分
 一股衝撲該鎮營盤一股攻撲縣城李紹祖率
 兵出營追擊斃賊多名繼復匹馬追剿猝遇伏
 賊身受矛傷陣亡叅將沈慶春遊擊三家保千
 總蘇殿魁把總劉振邦俱因衝入賊隊奮力追
 殺同時被害臣聞信不勝憤恨一面分飭將備
 帶兵追擊白號敗竄之賊一面親自酌帶吉林
 黑龍江勁旅及各營馬兵繞道馳赴縣城應援

臣將次趕到其衝撲營盤之賊業經黃定選李
 拱及遊擊常羣等奮力擊退該匪合為一路併
 力攻城雖經都司張元善知州呂應熊率同守
 城兵勇施放連環用礮轟擊該匪不能直撲城
 根猶在南門關廂外肆行焚搶見有官兵飛馬
 策應該匪始行解退臣飭令兵丁分途追擊該
 匪俱向東南一路逃逸其時縣治居民頗形慌
 怯臣當即傳諭城中各安生業飭令該縣將關
 廂內外被焚民戶逐一安撫并將擒獲活賊李
 貴等即於該縣城外訊明正法以快人心臣查
 現在藍黃二號賊匪奔向東南營子崗一帶其
 白號敗竄之賊亦自茅坪向南逃遁相離不遠
 該匪等自必仍行會合統計三號賊匪共約有
 六七千人臣惟有趕緊督兵前進通歸一路相

聖朝實錄卷三十三

三

聖朝實錄卷三十三

三

機併力圍剿再鎮臣李紹祖所領山東雲南貴州湖北等省官兵一千三百餘名四川貴州鄉勇一千八百餘名業飭臣帶將備照舊管帶暫隨臣一路協剿將來或須分路前進或可遣回川省歸隊再行酌量情形辦理奏入

上命軍機大臣傳諭明亮倭什布曰賊匪在洋坪西風坵等處分投竄擾雖經倭什布帶兵追剿斃賊

欽定剿平三省邪匪方略

正編卷二〇三

數十名其攻撲遠安縣城之賊亦經擊退而李紹

祖於倭什布未到之前在兩河口截剿賊匪匹馬

追擊遇伏陣亡深爲可惜李紹祖著加恩照提督

陣亡例賜卹其同時衝入賊隊斃殺被害之衆將

沈慶春遊擊二家保千總蘇殿魁把總劉振邦俱

著咨部賜卹至南漳遠安一帶賊匪往來奔竄亟

須搜捕明亮所剿徐添德一股未經辦盡徐逆竄

至陝省洵陽白河一帶明亮置之不顧僅移會慶

溥剿辦並稱由川竄楚之賊甚多楚省較重於陝

伊由二竹回至房縣一帶會同倭什布截剿乃又

隔多日尙未趕到而遠安一帶藍黃白三號匪衆

轉至分股竄擾戕害總兵大員是明亮於徐逆既

未窮追而於川省竄楚之賊又未趕上剿殺現今

又在何處逗遛惟一味蒼滑所辦何事明亮久歷

欽定剿平三省邪匪方略

正編卷二〇三

戎行前於金川出師時曾任將軍獨當一路乃自

到湖北以來遷延多日所帶官兵多有落後卽此

可見其管束不嚴毫無紀律此時藍黃白各股竄

匪祇六七千人是明亮前奏賊匪共有萬餘之語

竟屬不確但總兵大員被其戕害賊勢自必鴟張

尤當奮力併擊况賊匪現向東南逃遁已近當陽

荆門州一帶該處地勢平衍吉林黑龍江勁旅弓

馬健銳正可施展明亮既不能將徐添德剿辦完竣已屬玩悞所有遠安等處黃藍白各股竄匪即交明亮專辦其李紹祖原帶兵丁俱歸明亮帶領務須自知愧慚上緊辦竣倘仍延緩不能再為曲貸也

十四日癸巳姜晟長齡奏言查房縣闖入川匪屯聚遠安當陽毗連各處初六日據高廉鎮李紹

《聖朝聖紀卷三十三》

六

祖并署遠安營遊擊張元善該縣知縣呂應熊等稟報八月二十八日探明賊匪在距遠安三十餘里之兩河地方二十九日黎明該鎮帶領兵勇進發行近兩河口即遇賊七八百名經該鎮派令將弁兵勇迎擊共殺賊一百七十八名生擒王金貴等十七名奪獲旗幟刀矛等件兵勇並無損傷旋於初八日據原任蘇松鎮守備

銜李銜貴州丹江營參將黃定選山東武定營遊擊常羣會稟八月二十九日賊匪潰敗之後即向西南逃竄初一日移營牛鹿坡旋據探報賊匪在木瓜舖一帶屯聚李紹祖於初二日黎明即帶兵起行至遠安縣屬之教場壩過河正在濟渡忽有賊匪三四千名由左右兩山及溝底大路潛來李紹祖催兵急渡迎敵斃賊百有

《聖朝聖紀卷三十三》

七

餘各忽兩山左右賊隊衝出抄在我兵之後在後官兵濟渡不及互相攪殺均有傷亡李紹祖同廣東欽州營參將沈慶春山東高唐營遊擊三家保等均手刃數賊同時被戕陣亡原任蘇松鎮守備銜李銜同參遊都守等帶領兵勇奮力衝突而出現在牛鹿坡扎營等情臣等接閱不勝駭憤查房縣境內闖入川匪分股竄擾臣

姜晟先慮倭什布處現有兵力不敷截剿與臣

長齡酌籌帶兵順道前往會籌剿辦茲李紹祖

猝被戕害不特該營官兵急須收集管領更當

添益兵威以壓賊匪鴟張之勢查後起吉林黑

龍江官兵一千五十名業已全數抵襄豫省之

馬亦已到齊直省前三起馬匹日內亦可趕到

現在趕緊料理軍裝定於初十日臣長齡帶領

自襄起程順赴倭什布軍營會同酌籌痛剿其

分撥明亮軍營兵丁三百五十名亦應由南漳

一路行走臣長齡一併便道隨帶前進俟中途

相度情形并確探明亮駐營處所再行分往奏

入

一命軍機大臣傳諭姜晟日遠安一帶竄匪正在鴟

張本欲令長齡帶領吉林黑龍江勁兵會同倭什

布剿辦又恐長齡已過襄陽由鄖西前往陝西平

利剿辦徐添德一股若令其中道折回徒勞跋涉

是以未經降旨令姜晟與長齡會晤酌量令其帶

兵自襄起程赴倭什布軍營會同剿辦正與朕意

相合已另諭長齡會同倭什布實力剿辦此時倭

什布與長齡俱赴遠安一帶剿賊明亮又已帶兵

赴倭什布一路離二竹鄖西等處已遠恐徐添德

一股賊匪經慶溥在洵陽白河一帶奮力截擊賊

匪不能深入陝省必仍折回楚境是二竹鄖西等

處甚為緊要現在該處無兵駐紮著姜晟速派得

力將弁抽撥兵勇在彼實力防禦勿令徐逆折回

竄擾為要

上又命軍機大臣傳諭長齡日據姜晟等奏聞知李

紹祖等陣亡之信恐房縣境內闖入川匪分股竄

擾倭什布現有兵力不敷截剿與長齡商酌令其
 帶領後起吉林黑龍江官兵由襄起程赴倭什布
 軍營會剿正合朕意覽奏稍慰長齡年力精壯前
 曾隨同福康安出兵於軍營事宜素所諳悉今所
 帶吉林黑龍江官兵俱係生力勁旅銳氣方新長
 齡務當倍加奮勉會同倭什布將遠安一帶藍黃
 白三號匪眾一鼓殲除若長齡於期未以前
 已將賊匪殲擒得有勝仗伊即據實專摺馳奏如
 明亮到後協同剿辦凡有軍報仍令明亮居首長
 齡居次俟肅清楚境長齡再察看各路賊匪情形
 帶領勁兵或仍往平利剿辦徐添德一股或徑赴
 經畧軍營總視賊情緩急與明亮應分應合臨期
 酌定朕亦不為遙制也

同日長麟奏言竊臣帶兵兼程前進途次接據

署陽縣稟報伍金柱餘匪竄至文縣平武昭化
 寧羌等州縣交界有沿白水河之姚家渡壁口
 一帶直趨杭店之勢沿河船隻均經收攏南岸
 大小橋梁盡行拆斷是以未能偷渡若再上數
 十里係白水源頭即可淌渡過河竄入龍安臣
 聞信一面飛行札催定住阿哈保桑吉斯塔爾
 穆克登布廣厚等迅速繞路設法兜截臣一面
 鼓勵弁兵盡棄馱載鍋帳裹帶乾糧冒雨兼程
 趕往截剿途次接據探報穆克登布同阿哈保
 桑吉斯塔爾由旱道河覓路連夜馳往二十五
 日午刻趕至姚家渡定住廣厚亦先後趕至趙
 錢壩一帶扼住去路賊匪不能躡淺渡河即由
 紫竹園向西奔竄潛赴盤峪河一帶竄伺仍欲
 由文縣繞竄龍安定住廣厚聞信分赴史家山

王家壩截剿山險路窄不能乘騎定住等徒步
率師於二十六日行抵老盤峪探知賊匪在葦
子溝屯聚距馬鞍山不遠卽督兵趕往剿捕甫
上馬鞍山梁見賊匪一百餘人正在上嶺定住
督率弁兵向前撲殺賊匪一見官兵輒紛紛竄
遁官兵追過兩道山梁殲賊十餘名該匪卽鑽
入老林內藏匿因連夜大雨山頂已有積雪山
下泥濘兵力難施仍回馬鞍山暫紮廣厚亦仍
在王家壩堵截旋探賊匪復折至打爐寨老莊
一帶奔竄穆克登布等卽滅去錫帳挑帶吉林
索倫兵之能步行者並廣東貴州官兵及鄉勇
三千餘名棄馬登山親率前往深入老林追剿
其軍裝馱載馬匹等件卽交待衛愛星阿墨爾
歡保留紮姚家渡以防賊匪折回穆克登布正

在督兵前進聞該匪折竄打爐寨之信立刻催
兵趨行乃路更險窄步行尙須攀援於次日趕
上賊蹤該匪又復由小溝渭河等處竄匿二十
八日於窄口子追及賊尾分兵兩路進攻該匪
捨命狂奔官兵隨後追殺斃賊數十名生擒十
六名時值雨雪交作賊匪於半夜潛翻大水溝
出恒寧溝老林遁逃二十九日五更副將富蘭
參將楊芳先帶鄉勇趕往復於林內追殺賊匪
二十餘人生擒七名賊匪卽從並無路徑之陡
巖滾溜而下跌斃四五十人餘匪卽由五馬河
崔家壩竄出老林翻山過長壩一帶東奔因探
知白馬關亦有_臣處官兵在彼防堵又折向北
面翻大石山竄紙坊鎮一帶查紙坊鎮已出階
文交界無虞再竄龍安現在定住廣厚帶兵由

西面向北抄截臣帶兵東面向北截剿阿哈保
 桑吉斯塔爾穆克登布等由中路小川子一帶
 緊躡前進並恐其又由徽兩關入棧道以東竄
 往陝省南山業經額勒登保奏派臬司王文湧
 都司綽克圖謹防二里關黃牛舖等處要隘總
 兵德忠謹防草涼驛方石舖七里坪等處要隘
 總兵汪啟謹防鐵爐川一帶要隘副將舒隆阿
 駐紮留壩江口謹防桅杆石五道梁一帶要隘
 以堵賊匪竄入南山之路臣復諄諄札飭該鎮
 司將等務須加意嚴防毋稍疎懈臣仍與阿哈
 保桑吉斯塔爾穆克登布定住廣厚等趕緊協
 力剿辦務將該匪痛殲卽有潰敗餘匪亦必逼
 向東南沔寧畧陽界內現在額勒登保駐紮南
 鄭所屬之新集地方藉可乘勢剿洗庶大兵不

致日久牽綴其觀祥所追之小股賊匪頃據鳳
 縣稟報前月二十八日竄至該縣之隘口初一
 日至三岔河距黃牛舖三十里觀祥於二十九
 日抄至鳳縣初一日趕至黃牛舖將該匪截回
 初二日分兵從三岔河紅花舖進溝兜剿未致
 竄過棧道以東額勒登保又恐觀祥一人不能
 迅加剿滅復派副將游棟雲帶兵千餘名趕赴
 協同搜捕諒可卽就殄除至階州前報由禮縣
 雷家壩竄赴該州之賊臣當差弁兵馳往查探
 並無蹤跡旋接該州稟覆查係官兵追敗之賊
 僅有六人已被堡民用鎗石擊斃等語查該州
 稟稱賊匪一股由雷家壩竄入該州境內今經
 札查又稱僅止餘匪六人被堡民擊斃顯係該
 州以道路傳聞率行妄報查知州慶熙業因辦

糧不善經臣 恭革應請將該革員飭交兩司審訊治罪奏入

上命軍機大臣傳諭長麟曰此次伍金柱餘孽欲由文縣繞竄龍安經官兵堵截該匪即遁入老林專恃路僻林深官兵不能進剿得以輾轉藏匿實爲可恨而定住穆克登布等帶兵步行攀援而上緊躡追剿實爲勞動殊堪憐憫此時伍金柱餘賊已

欽定剿平三省邪匪方略

正編卷二〇三

出階文交界不能再竄龍安其由徽兩入棧處所又經額勒登保派王文湧等分駐各要隘嚴密防範可以不致闖入所辦俱好長麟阿哈保定住等務須上緊剿辦分路抄截若能將伍金柱餘匪痛加殲戮在甘境辦竣即屬長麟等之功否則亦須逼向陝境汚畧一帶與額勒登保駐紮處相離不遠正可乘勢截剿斷不可令其竄過棧東以致剿

捕費手爲要再昨長麟奏一聞階州稟報有由禮縣竄來之賊即帶兵前往當經降旨以長麟不察虛實趕赴該處未免失之冒昧今據長麟覆奏查明該州所報賊數僅有六人已被堡兵用鎗石擊斃並請將知州慶熙審訊治罪等語果不出朕所料可見地方官於探聽賊情不過據道路傳聞率行妄報此等最爲軍營惡習且該州竄來之賊祇係追散餘匪六人乃慶熙張皇稟報其懦怯情形已可概見慶熙前已降旨革職並著長麟即將該革員交藩臬兩司嚴行審究治以妄報之罪按例定擬具奏

欽定剿平三省邪匪方略

正編卷二〇三

十五日甲午 德楞泰勒保奏言查倒流水地方先竄過河之賊係湯思蛟劉朝選張金連杜應杰等剩有一千餘名由呂家坪一路奔竄該匪等

因賽冲阿温春在後緊追復由草壩場折竄龍

鳳壩欲出通江之洪口地方遁入陝境臣德楞

泰探知即於二十五日連夜由土城子抄至洪

口迎截二十六日申刻正遇賊匪前隊百餘人

竄至當即督兵截殺殲斃偽總兵唐邦順並賊

匪五十餘名生擒戰手王依相等二十三名訊

知各首逆俱在龍鳳壩屯紮派令唐邦順先赴

製書

大

洪口探聽有無官兵再定去向臣德楞泰一面

即發兵馳赴龍鳳壩詎匪眾探知洪口有兵前

隊業經被殺又連夜由古林寨折竄羅壩壩我

兵跟蹤緊躡於二十九日巳刻追至長壩地方

經阿穆勒塔色爾滾馬瑜帶領前隊馬步官兵

趕上賊匪正在躡渡後河殲戮及淹死者二百

餘名臣德楞泰正催官兵淌渡進追忽聞後面

鎗聲甚緊探係賽冲阿等之兵追殺一股賊匪

祇有七八十人由後山竄下臣德楞泰立時帶

兵迎擊賊見上下有兵即從山腰旁竄欲向王

家壩潛逃正值臣勒保由此路帶兵前來迎面

截住該匪等一見又復折回經前隊花品等所

帶馬兵箭斃數名賽冲阿等馬隊亦即衝出該

處係一線窄徑下臨深淵兩面鎗箭並發賊匪

製書

大

無路可走均各滾巖跳水當於巖下擒獲黃俞

等十三名餘俱被急流衝去並無一名漏網查

此股賊匪緣在倒流水被官兵擊散不能過河

度向瑤帶五百餘人由石窩場一路竄逸先經

臣等派令總兵永寧帶兵追截於杜家灣趕上

斃賊一百餘名賊即折竄箭竹壩二十八日向

石榴坪奔來猝遇賽冲阿等之兵由山溝衝出

匪衆一見驚逃至箭口河撲水過去淹斃六七十人餘向張家嶺逃遁我兵亦卽涉水衝失兵丁十二名官兵追殺八十餘里沿途又斃賊一百餘名生擒王選等五十一名訊知庾向瑤祇帶數十人潛逃賽沖阿溫春以賊匪所剩無多卽有逆首在內必須剿捕淨盡連夜帶兵追趕正值^臣等先後到來賊衆無路奔逃盡數殲擒淹斃雖庾向瑤屍身尙未撈獲而訊之現獲黃俞等亦僉稱庾老師傳實在同路奔來見其跌崖落水是庾向瑤之死已屬可信而此股餘孽業經殲戮無遺再接再據署太平縣鍾蟠雲署都司李廷臣稟報探得苟文明帶有二百餘人歸入龍紹周夥內現由田壩河道入西鄉之木旺山屯紮惟唐大信與張子聰合夥後在干江河

《聖朝實錄卷三十一》 二十

一帶遊奕屢至附近各寨嗣滋擾寨民朝夕不寧緣白水洞貯有兵米該寨首龐鬪然恐被賊破洞搶糧於八月二十二日商同各寨首抽出丁壯團勇五百餘名乘夜潛赴賊營吶喊放鎗該匪等正在飲酒歌唱猝不及防立時慌亂狂奔各壯勇乘勢掩殺斃賊一百餘名陣亡團勇龐習元等十八名其時本不知首逆鎗斃緣二十四日有逃出難民馮萬榮文德義等告知是夜賊衆將唐大信擡至甘龍嶽因胸中鎗傷業經殞命衆議立李顯必爲僞元帥宰牛祭旗二十五日賊果前來攻撲聲稱唐元帥被爾等鎗斃特來報復幸該寨早有預備旋即擊退賊向後烟山黃溪河一路遁去並經鍾蟠雲等派令効力職員聶愈煥等前往查點賊屍及被害各

《聖朝實錄卷三十一》 二十一

團勇屬實該縣隨帶龐聞然等來營備訊臣等

親訊無異當將龐聞然賞給八品軍功頂戴並

令查明出力團勇及陣亡之龐習元等家屬酌

賞銀兩以示優卹現據探報此股賊匪已出甘

龍礮老林由渡口巖高頭壩一帶逃竄係通東

鄉開縣之路現在湯劉等逆已竄過後河亦入

東開界內臣等即分兵由東鄉中河後河兩路

追擊顧住西南腹地要路至七十五一路官兵

據報近因雨大阻水未能趕上賊匪接仗現在

匪眾既經過河臣等即知會該提督就近速赴

開縣温湯井一帶迎頭截剿遏其東竄入楚之

路以期將各股匪眾即日併力殲除

德楞泰勒保又奏言臣等欽奉

諭旨以廣興所奏四川省計征防各兵約共有六萬

餘名與臣等前奏現有征防兵二萬八千九百

餘名之數大相懸殊飭令詳悉具奏查臣等前

奏兵數係截至本年六月二十日據各處查報

實數為憑縱或偶有遺漏參差之處何至較廣

與所奏少至三萬餘名隨飭營務翼長馬瑜薛

大烈等會同確查去後茲據該翼長等將近

續行裁撤遣發疲病各兵扣除開單稟復臣等

覆加察核現在臣等及七十五三路隨征兵丁

實有二萬三千四百六名鄉勇五千五百三十

二名各處防兵共有一萬四千三百三十八名

除隨征鄉勇不計外統計現有征防兵三萬七

千七百四十四名其中如巡防嘉陵江岸分駐

陝甘楚三省交界之松潘龍安廣元太平夔州

大寧巫山等處卡隘並達州及羅紋壩兩處糧

餉重地共兵一萬一千七百八十八名刻下斷
難裁撤其留防各州縣城池兵丁通計不過二
千五百五十名各就地方情形多則三四百名
少則一二百名甚至有數十名者為數不多無
可再撤因思從前各路軍營招募隨征鄉勇本
多而各州縣就地雇募之防守鄉勇更數倍於
隨征自經^臣等疊次裁減飭令將鄉勇改為團
勇現據各州縣稟報有全行裁撤改團者有一
時不能驟撤酌留一半並照舊暫留者參差不
齊難以定數又春夏之交^臣等未經將疲病官
兵查明裁汰而阿哈保百祥李紹祖等均未赴
甘赴楚且附近川北重慶松潘夔州等處鎮協
各營各州縣每遇賊蹤漸近卽就近暫撥官兵
馳往協擊凡一二百里以外卽須酌給鹽糧賊

欽定剿平三省邪匪方略

正編卷二〇三

欽定剿平三省邪匪方略 正編卷二〇三

遠旋即撤回原營歸伍本無定數並各官兵所
帶跟役餘丁亦有口糧分例想廣興所奏六萬
餘名之數自必連前項兵勇跟丁一并計入是
以所奏不符再^臣等前准額勒登保咨會以甘
省賊匪竄至階文必須嚴飭松龍一帶文武認
真堵禦因查本年二月四月兩次調撥省城滿
漢兵丁一千一百名赴柴門關及保寧白水一
帶征防早經撤回刻下松龍一帶在在與甘境
毗連兵力不敷分佈當卽札飭藩臬兩司並三
標中軍酌派兵一千名委員帶領交與副將張
志林統領防禦一俟甘境肅清並現有土兵均
可酌量裁撤並將派防開縣之陸防滿兵五百
名撤令回至成都以歸節省而資彈壓又從前
^臣勒保自黔來川帶有銅仁鄉勇三千名除陸

欽定剿平三省邪匪方略

正編卷二〇三

二六七

續事故刪裁外尙有一千餘名派在夔巫一帶
防守因從隔省帶來一時未便驟行裁撤是以
暫留又餉銀一項自托津廣興進京後於六月
間查明達州保寧兩局共存軍需銀二十三萬
一千餘兩嗣又蒙

恩兩次撥銀六十萬兩統計實有八十餘萬兩自六

月至今已逾兩月緣各路征防各官兵鄉勇應

不製看舊集編卷五

美

支鹽糧夫價及各州縣臺站運糧脚價並製辦

軍火軍裝等項需費浩繁近雖將不得力之兵

勇大加裁汰而運脚銀兩較之兵勇月餉所用

本多不能不隨時給領以期毋悞兵糧其中長

短不齊統計每月約需銀二十餘萬或三十萬

不等昨因部撥餉銀四十萬兩在陝境棧道阻

滯需用緊急有由司庫設法墊用者有將運脚

等項拖欠未發者八月初部餉到來方資接濟
豫餉二十萬兩現據稟報八月十八日已抵川
境茲又仰蒙

賞撥粵海關稅銀二十五萬前來臣等尤當倍加撙

節不敢稍任虛糜再查賽冲阿現奉

諭旨補授固原提督自應遵

旨令其迅赴西鄉分兵千餘名交令帶往會同綸布

不製看舊集編卷五

若

春等專辦高二馬五戴家營各股賊匪但念臣

德楞泰一路官兵惟吉林索倫馬隊七百餘人

最為得力吉林兵向交賽冲阿一人管帶已越

三年該提督深得兵心人皆用命且東三省人

之性情最為忠直一經悅服終始不移而吉林

索倫又各自為其風氣昨聞賽冲阿蒙

恩授為提督吉林兵無不同聲歡舞及聞其須赴西

鄉即紛紛至臣德楞泰處環跪乞留臣之淚下

臣等前因剿賊必須馬隊衝擊方能制勝曾經

札商額勒登保擬於續派吉林索倫兵一千五

百名內酌派數百名來川此時川省正當剿捕

喫緊之際自不能將現有吉林兵撥交賽冲阿

帶赴西鄉正籌議間適接額勒登保來信亦深

知賽冲阿向得吉林兵心恐其不能即時赴陝

《聖祖聖訓編卷三》

天

專札致詢臣等已將實在難以驟離情形致覆

且聞額勒登保現又續派將軍恒瑞總兵九十

等馳赴西鄉協剿刻下似已足資辦理但賽冲

阿係固原提督不便久留川省一俟川境肅清

臣德楞泰即當遵其緩急或與賽冲阿一同前

夫或先令其赴陝斷不敢久為稽留

德楞泰勒保又奏言臣等欽奉

諭旨以徐萬富一股賊匪由雲陽竄至大寧巫山界

內總兵德英額在水口王家河等處帶兵堵截接

仗身受鎗傷現在曾否痊愈令臣等查奏等因查

總兵德英額原派在巫山一帶領兵勇二千三

百餘名於川楚扼要地方分設營卡堵禦節經

臣等檄飭實力嚴防以遏賊匪東竄德英額係

在巫山所屬兩河口地方紮營七月十二日該

《聖祖聖訓編卷三》

天

鎮間有黃號徐姓等股賊匪由雲陽竄至大寧

之羊橋壩當派遊擊蔡天章帶領兵勇七百餘

名馳赴水口王家河一帶堵截該鎮於十三日

亦帶兵勇六百餘名前往接應飭令守備李大

發看守營盤是日已刻有賊匪探馬數十人竄

至王家河即經蔡天章帶兵擊退午後賊匪齊

至眾寡不敵將兵勇衝散千總高貴力戰陣亡

定德英額趕至水口賊匪正分兩股順河竄來該鎮督兵迎擊左肩猝中鏢傷尚能催兵將賊壓退因又有一股自山竄下鎗子掃過該鎮右額角賊即蜂擁而來不能抵禦旋即退回山梁賊向大昌奔竄維時守備李大發在兩河口營盤因聞德英額一路失利即帶兵勇二百餘名前來應援未及趕到大昌即值賊匪大隊奔來李大發帶兵迎擊殺賊十餘名因賊勢較衆李大發力竭陣亡外委汪有昂楊元宗唐榮等亦同時被害賊即將兩河口營卡衝破惟帶領貴州銅仁鄉勇之軍功滕世朝卡隘賊圍一晝夜堅守未失並斃賊十餘名賊於十六日由八石坪竄逸兵勇陣亡八十餘名帶傷三十餘名查兩河口營卡德英額因帶兵出敵原留守備李

聖朝聖訓編卷三

三

大發在營防守茲李大發因德英額受傷赴援業已禦賊陣亡所有守卡不力之處應請毋庸查議至德英額因賊由該鎮所管營卡衝出甚為畏懼又因受傷尚不甚重即稟明抽撥兵勇協同李紹祖赴楚以冀將賊截回嗣因追至歸州距本管營卡太遠將兵勇分撥八百餘名交李紹祖帶往該鎮即行轉回臣等因此路防兵稍單即於各處留防兵勇內抽撥一千五百名交德英額管帶令其嚴密防堵以觀後效查前此賊竄營卡本係該鎮所管但究因禦賊身受兩傷可否免其查叅之處出自

皇上天恩均奏入

上命軍機大臣傳諭德楞額奏勒保曰此次德楞額馳赴龍鳳壩後探知賊匪由古林寨折竄絲羅壩我

聖朝聖訓編卷三

三

兵卽跟蹤緊剿斃渡河賊匪二百餘名賊由山
腰旁竄適值勒派帶兵前來迎截而賽冲阿之馬
隊亦卽衝出賊匪無路可走均各滾崖落水當經
擒獲黃俞等十三名餘俱被急流衝去其逆首度
向瑤屍身雖未撈獲而訊之黃俞等僉稱度向瑤
同路奔來實見其跌崖落水是度向瑤之死已屬
可信至唐大信一股在太平千江河一帶游奕經
寨首龐閣然帶領團勇乘夜掩殺斃賊百餘名逆
首唐大信胸中鎗傷殞命此實

欽定剿平三省邪匪方略

正編卷二〇三

天

考垂佑之恩覽奏實深欣感此次打仗官兵甚爲出力
俟川省賊匪剿竣時再加恩賞寨首龐閣然能於
黑夜率同團勇將遊奕之賊乘勢掩殺并鎗斃賊
首唐大信實屬奮勇可嘉該叅贊等已賞給軍功

欽定剿平三省邪匪方略 正編卷二〇三

八品頂戴著再加恩賞給把總并賞戴藍翎如伊
情愿出任卽令隨營効用如不愿隨營卽賞給把
總銜以翎頂榮身令其回歸本寨駐守其陣亡之
團勇龐習元等十八名俱著咨部照例賜卹現在
德楞泰剿辦完竣者祇度向瑤唐大信二股其餘
川境之賊如劉朝選湯思蛟張金連趙麻花王士
虎冉添士羅半年張子聰杜應杰等股數雖多但
統計賊數不過五六千人勢已潰散現在湯劉等
逆已竄過後河至開縣界內而七十五一路官兵
因大雨阻水尙未與賊接仗德楞泰勒保應飭令
該提督赴開縣一帶迎截以遏賊匪東竄之路德
楞泰等務須併力上緊會剿卽於川境辦淨不可
又令竄入楚境爲要至川省各路兵勇現據德楞
泰等查奏不下二萬餘名爲數不啻三倍於賊所

欽定剿平三省邪匪方略

正編卷二〇三

二七一

剩餉銀尙有八十餘萬兩又有新撥豫粵二省餉銀四十五萬以如許兵力如許糧餉剿數千敗竄之餘匪自無難卽口辦竣朕惟屈指計日以待德楞泰勒保務當乘兵威勝勢將川省腹地及邊界之賊痛加殲戮不留餘孽大功早竣一日卽伊等之功亦大自邀重賞倘稍有稽遲其功旣小賞亦較輕若任意延緩勞師糜餉日久不能辦竣則德

《聖祖聖訓卷三十三》

三

楞泰勒保之罪亦深身家性命亦難自保伊等當知自擇慎之至川省賊匪雖漸次肅清所有竄赴湖北徐萬富一股賊匪係由川省巫山竄往而在西鄉之高二馬五戴家營等股賊匪亦由川境龍安輾轉奔逃擾及陝境現又有徐添德餘黨竄至陝省白河洵陽一帶此股亦係川賊皆德楞泰未竟之責况德楞泰係屬叅贊陝甘湖北之賊皆應

協同剿辦俟川省腹地賊匪剿淨後勒保七十五仍在本省防守邊隘德楞泰或應赴楚或應赴陝惟相度賊勢情形斟酌緩急帶兵前往剿辦朕亦不爲遙制也至賽冲阿在川帶領吉林勁旅深得軍心自未便遽合離川更易生手至此次長齡所帶吉林黑龍江官兵一千五百名因楚省剿賊喫緊已先撥四百五十名交倭什布帶赴房縣嗣因

《聖祖聖訓卷三十三》

三

徐萬富一股在楚猖獗復諭令長齡將此一千五百名勁兵全數帶赴楚省幫同剿賊是此項兵丁卽額勒登保處亦不能酌量撥給又焉能分派川省此時賽冲阿旣已留川惟當責令管帶原有吉林兵丁奮勇剿賊如川省賊匪剿淨後賽冲阿究係固原提督彼時德楞泰等再當酌量情形令其帶領原兵赴陝剿賊可也又據奏總兵德英額前

在兩河口紮營被賊衝卡因該鎮禦賊受傷請免查叅一節所辦姑息錯悞前此德英額與阿迪斯同在巫山大寧等處藉防堵爲名一味株守並不將川東各股賊匪奮力剿辦其畏葸無能早已經朕看出此次黃號徐萬富等股賊匪衝出兩河口由八石坪竄往楚省卽係該鎮所管營卡雖據奏稱德英額聞信時馳赴水口王家河一帶堵截身受兩傷然詳閱摺內所敘德英額在水口迎擊賊匪時左肩猝中鏢傷尙能催兵行動是受傷本不甚重其受鎗之處亦僅掃過頰角乃該鎮旋卽退回山梁以致賊匪卽向大昌奔竄衝破營卡徑趨楚省迨李紹祖帶兵追剿時該鎮既經稟明抽撥兵勇協同前往自應奮力剿辦將賊匪截回猶可稍贖前罪乃迨至歸州又以距本管營卡太遠

《聖朝實錄卷三》

美

祇將兵勇交李紹祖帶往該鎮卽行轉回尤爲畏難巧卸當賊匪衝越營卡時該鎮所轄備弁被害多名而該鎮僅以身受微傷藉詞退轉現據倭什布等奏到李紹祖因追此股賊匪又在楚省陣亡而德英額轉置身事外其縱賊貽悞之罪不可不嚴辦示懲著德楞泰等卽傳旨將德英額革職拿至軍營會同嚴審并將德英額所得傷痕親自驗看如受傷本輕卽將該鎮種種玩悞之罪一併定擬不可輕縱卽或受傷較重亦應據實奏明仍按例問擬候降諭旨

《聖朝實錄卷三》

美

欽定剿平三省邪匪方略正編卷二百四 庚申年

九月十六日乙未額勒登保奏言臣前因張辛顏

魏各逆及楊逆餘黨剩有一千餘人當帶楊遇

春格布舍帶領馬步兵緊躡追剿臣因甘肅

伍逆餘黨尙未掃除又因觀祥所剿之敗殘餘

孽數百人尙在棧西是以未經卽往西鄉於漢

南之新集一帶暫駐以爲策應近據楊遇春稟

剿平三省邪匪方略正編卷二百四

報該提督等從法慈院回軍壩一帶追剿張辛

各逆該匪等總在深山老林中藏匿節次所殺

不過零星落後之賊四十餘人於初三日追至

馬桑壩適箭桿山突有一股賊匪衝出勢甚克

猛經楊遇春等鎗箭並發疊斃二十餘人該匪

又翻入老林楊遇春督兵由小巴山五間房紅

巖子跟剿初六日巳刻行抵羅家壩探得該匪

等竄至螞蝗溝隨派叅將應元寬遊擊張超都

司吳廷剛守備璩嘉驥帶領兵勇翻羅家壩對

面山梁由中路向螞蝗溝進擊格布舍豐紳及

巴圖魯侍衛等帶領馬步隊由左路順山而下

楊遇春與馬玉魁帶兵從右山梁抄出兵勇趕

抵螞蝗溝該匪等正在溝內掠食兵勇奮力掩

擊左右兩路馬步兵均亦趕到併力衝殺斃賊

剿平三省邪匪方略正編卷二百四

三百餘名生擒八十餘名賊匪潰竄我兵乘勝

趕過數重山坡計程四十餘里沿途斃賊百餘

人生擒七十餘名該匪被剿情急均向小溪翻

老林逃遁計此次殺賊四百餘名生擒男婦一

百六十餘名口訊據獲賊供稱此股係高二戴

四掌櫃竄到西鄉界內向總在老林遊奕約有

三四千人近由黃黑壩竄來不料遇見官兵張

辛顏魏等逆所剩不過數百人已與高戴二逆

竄合等語訊明後分別辦理此次打仗兵勇均

極奮勇前此從賊營投出之苟璜等數十人亦

均能隨同兵勇爭先殺賊內郭從星徐文魁並

被矛傷陣亡應請照鄉勇陣亡例賞卹其餘兵

勇亦傷亡數名甘省之伍逆餘黨據阿哈保穆

克登布稟報已將賊匪追至青木川在階州畧

聖朝聖編卷三

三

陽交界之所因賊匪遁入老林未經得手日來

尙未報到聞定住廣厚帶兵堵剿亦與穆克登

布相距不遠又有長麟在彼督辦當可尅日蕪

除又觀祥所剿之餘賊三百餘名據報向黃牛

舖一帶奔向棧東業經觀祥及附近防堵之德

忠等攔回兩當地界臣所派之副將游棟雲同

從九品維昂帶領兵勇二千餘名由唐藏五嶺

子而進臬司王文湧等亦帶領遊擊紳克圖在

黃牛舖截堵此種餘孽總因隨處翻山躲避官

兵故尙苟延殘喘然以此數路官兵併力兜圍

剿捕不日自可殲盡且不能闖入棧東南山更

可無慮又疊據恒瑞札稱馬五等匪在西鄉之

東十字路乾溝河一帶屯聚前月二十一日分

撥兵勇從白沔峽一路由北面兜截恒瑞同綸

聖朝聖編卷三

四

布春帶領馬步兵勇由楊溪河進擊該匪聞風

已從十字路先竄我軍趕至倒座廟追及賊匪

跟追三十餘里沿途計殺賊一百餘名生擒三

十七名內有賊目陳世富訊明後凌遲處死餘

亦正法又於初一日探得馬五等逆有仍竄堰

口之信恒瑞因適患痢症不能躬親行陣帶兵

三百名在五觀子攔截遂派綸布春帶侍衛保

那協領佛爾卿額等帶領馬步兵勇由順水峽
 向白溪而進副將李天林協領祿成等帶領馬
 步兵由土地嶺而進兩路官兵行有三十餘里
 均遇賊匪該匪等竟敢分撲官兵綸布春與李
 天林等盡力截殺共斃一百數十名賊匪捨命
 衝突遊擊札隆額身中鎗傷協領佛爾卿額身
 受矛傷同時陣亡侍衛保那佐領孝順太關喜
 等首先帶領馬兵從溝內追殺射死時馬賊匪
 數人不意樹林中設伏之賊突出保那孝順太
 與千總張發祥等俱力戰陣亡佐領關喜防禦
 郭仁布驍騎校巴格俱受矛石傷不重兵勇內
 間有傷亡綸布春帶領遊擊李朝顯等趕入溝
 內奮擊斃賊三十餘人賊遂翻山亂竄官兵亦
 在溝內山坡割營該匪等夜間時來偷撲俱經

聖祖聖孫編查高

五

官兵擊退次日各處搜查擒獲賊匪三十餘名
 內有頭目張耀訊明均即正法是西鄉一帶賊
 勢較重臣前恐恒瑞處兵力尙單先派總兵九
 十侍衛吹扎布定色鶴帶馬步兵一千一百
 餘名前往計早抵恒瑞一路刻下楊遇春等又
 於螞蝗溝等處剿賊獲勝軍威大振更可聲勢
 聯絡究恐伊等剿辦不能深合事機臣即帶同
 扎兒塔爾慶成自新集起營取道南鄭之茶房
 子大坪壩等處已入西鄉縣境又查江之北岸
 石泉以東派有劉之仁帶兵防堵石泉以西至
 城洋一帶派有關騰在彼防堵並據石泉令李
 樞煥稟報賊匪竄至梅湖距江岸不遠有劉之
 仁等在北岸防堵自下江水尙漲一經秋深水
 落即不足恃臣已添撥兵力前往協防又據慶

聖祖聖孫編查高

六

溥並平利縣知縣任奎光報稱楚匪由洵陽之
大小仁河滋擾慶溥帶同副將李逢春恭將槐
他哈等於二十六日趕抵烏龍池溝口遇見賊
匪卽驅兵進剿殺賊二十餘名執旗賊曰一名
該匪敗退因霧雨交加未能追擊該匪竄至長
岡嶺經明亮於二十八日由白土關追至該處
殺賊百餘名生擒及淹斃者亦多該匪向牛王
溝茅壩狂奔明亮於二十九日自長沙鋪仍帶
兵回營剿辦另股竄匪旋探此股賊匪由苦竹
關可竄安康境界慶溥於初一日帶兵由百家
灣獅子壩跟蹤截剿又據藩司溫承惠稟川匪
龍紹周股匪於二十三日雨中竄進陝界繞溪
河入鐵佛寺溫承惠卽督飭各勇由權河趕至
高橋因雨勢過大卽於高橋暫割相距賊匪十

五六里該匪夜間竟敢前來衝撲營卡幸有準
備預架鎗礮轟打先後斃賊一百餘人二十八
日天色微霽由土木垭進剿在腰店與賊接仗
斃賊五十餘名二十九日並派令守備王英陳
袁等兩路共帶兵勇四千餘名由五竹園斑鳩
關抄截斃賊二百餘人生擒八十餘名鄉勇內
亦有受傷陣亡者連次所獲男婦一百六十餘
名口嚴加訊問將戰手八十二名正法其餘均
卽釋放該匪又向官園東竄初一日又有搜獲
之賊三十餘名一併正法查慶溥所剿楚匪恐
與龍紹周股匪於安康界內合夥但有兩路兵
勇併力合剿自可不致深入平行之地至紫陽
一帶額勒亨額帶馬步官兵二千有零防堵刻
下安康西鄉又有竄匪左右均須兼顧臣已派

總兵喜明帶兵千餘名趕往協同分佈防剿

臣

暫在西鄉邊界與恒瑞楊遇春等兩路官兵遙

為聲援何路緊要即趕赴何路策應並一面飛

催穆克登布觀祥游棟雲迅速將甘省餘孽剿

洗淨盡騰出棧道防兵以之添設漢南一帶川

陝交界之緊要隘口派令鎮將兵勇嚴密堵剿

臣即可深入西鄉竭力剿辦各股賊眾俾免折

竄漢南若能將賊匪即于西鄉境內殲洗完竣

固為甚幸倘該匪情急或有他竄或入川境

臣

酌量緩急一面派員帶兵追剿一面將陝界防

守事宜佈置妥協相機而進再此時官兵多在

南鄭西鄉剿賊應需糧餉已咨明台布妥為籌

辦無悞師行奏入

上命軍機大臣傳諭額勒登保曰此次額勒登保飭

令楊遇春等追剿張辛顏魏及高二戴四掌櫃各

匪多有斬獲各路官兵亦俱奮勇出力而額勒登

保帶同扎克塔爾慶成現入西鄉縣境駐劄可以

兼顧川楚竄匪甚為扼要其漢江北岸一帶又分

派劉之仁關騰等認真防堵所辦俱屬妥協現在

高戴二逆僅有三四千人張辛顏魏等逆所剩不

過數百人而陝西官兵不啻數倍於賊且逆匪等

竄合一處正可乘兵威勝勢乘而殲洗事機極為

順利惟馬五等一股賊匪前此屢經戕害提鎮大

員乃逆匪中之最狡黠兇悍者現經綸布春等盡

力截殺所斃之賊不過一百數十名而陣亡官員

竟有六人實為可恨額勒登保務當奮力截擊如

將馬五生擒即當戮割祭奠前此被伊股匪戕害

之提將鎮弁等以慰忠魂即臨陣殲斃亦必驗明

屍身寸磔祭奠不可再任他逸至所稱楚匪由洵陽之大小仁河滋擾慶溥帶同副將李逢春等追擊等語此股賊匪卽係首逆徐添德該逆係著名首犯並著額勒登保飭令慶溥認真截剿若能將徐添德殲擒卽係慶溥一人之功額勒登保應卽加緊馳報捷音倘未能悉數掃除亦當令慶溥由東逼向陝省西面該處有額勒登保等大兵在彼正可迎頭截擊一鼓殲除其龍紹周一股經溫承惠督飭兵勇奮力抄截斃賊二百餘人所辦亦好若慶溥所剿楚匪徐添德與龍紹周合夥兩路兵勇正可併力合剿並著額勒登保轉飭該藩司實力剿辦勿令蔓延所有打仗陣亡之遊擊扎隆額協領佛爾卿額侍衛保邦佐領孝順大關喜千總張發祥俱著咨部賜卹至前此從賊營中投出之

數十人內郭從星徐文魁爭先殺賊陣亡亦著照鄉勇陣亡例賞卹

同日台布奏言臣接辦糧餉當將各路兵勇應需銀數約計每月五十萬兩及經畧參贊兩營來陝後又有不敷各緣由先後具奏茲自二月二十六日起至八月二十六日止已閱七月統計節次收過帑銀二百四十萬兩以每月五十萬計算短絀銀一百一十萬兩係向藩庫借墊業已告罄現在年例應放兵餉早已逾期各路鹽菜經畧大營僅放至九月半其餘各路八月分應行找補者尙多而糧運腳價亦須按時核給若不計日發價糧石亦難起運省局銀兩旣已告罄漢中更無可通挪不得已再懇天恩賞撥銀一百五十萬兩迅解來陝以便支發再

由晉省所撥銀五十萬兩尚未准伯麟知會其
浙江餉銀准延豐來咨亦止三十萬兩現尚未
經到陝奏入

上命軍機大臣傳諭台布日前因陝省軍需緊要不
待台布奏請又由晉省酌撥銀五十萬兩以資接
濟今據奏晉省餉銀尚未接伯麟知會而陝省年
例應放兵餉及各路鹽菜在在需用現已諭令伯

麟將前次撥給五十萬兩速行解往合之延豐處

所撥三十萬已足八十萬此外另為籌撥七十萬
以符台布所請一百五十萬之數該撫務須妥為
應付勿致缺乏

上又命軍機大臣傳諭伯麟日前曾諭令伯麟於晉
省撥銀五十萬兩解陝備用嗣據該撫奏於藩庫
存貯款內奏足星速解往何以本日台布奏到之

摺尚稱未經接准伯麟知會著伯麟查明此項餉
銀會否解往即行覆奏現在陝省軍需浩繁尚需
接濟著再撥銀七十萬兩遵委妥員解至陝西軍
營備用倘無項可撥即速覆奏以便另為籌撥

二十日巳 倭什布奏言查藍黃白三號賊匪經

官兵分路進剿俱竄往東南至遠安屬之張爺

廟會合直趨當陽之消溪河等處 臣查該處東

通荆門東南可由當陽而至荆州東北可由鍾

祥宜城而達襄陽設令該匪等竄出山徑擾及

荆襄重地未免益形滋蔓必須逼歸山內庶可

扼要截剿 臣自初三日率兵前進抄出賊匪東

面兜截該匪遂自東南折回東北官兵且追且

剿初七日巳刻追至天保寨正值該匪圍撲后

民山寨並將寨外牛隻肆行搶掠官兵競進擊

剿斃賊三十餘名擒獲活賊九名該匪翻山疾竄民寨得保無虞所掠牛隻食物遺棄滿山臣

一面派員收集傳領一面督兵進追三十餘里

申刻至觀音寺地方趕及賊蹤該匪竟敢佔據

山梁放鎗抗拒臣相度山勢左面係臨溪陡坎

仰攻難以得手惟右首路稍寬坦遂親率副將

滿倉等帶領兵勇迎面進剿作直前攻撲之勢

欽定剿平三省邪匪方略

正編卷二〇四

欽定剿平三省邪匪方略

正編卷二〇四

派總管托爾托保侍衛花尚保協領武成額副

將朱士奉叅將烏爾卿額等帶領馬步兵丁從

山溝內抄向賊匪右首擊其旁面該匪等分投

下壓我兵先放連環轟擊繼以馬隊直前馳射

賊匪抵敵不住退往山後兩路官兵乘勢一擁

而上併力壓剿斃賊五十餘名生擒執旗馬賊

一名矛手步賊二十一名賊眾越坎穿林由馬

家寨一路亂竄是日官兵追擊賊匪計程八十

餘里連接二仗因恐馬力不繼且天色已晚未

便窮追提訊獲賊僉供此股賊匪有藍黃白三

號藍號首逆係丹添士王士虎黃號係樊人傑

徐萬富白號係張三掌櫃不知名字丹添士等

初意欲由當陽分竄荊州屬之沙市及荆門屬

之仙居各鎮搶擄衣食因被官兵兜截折回西

北山內並與徐萬富等商量或說要回四川或

說要在山險處理伏抗拒官兵等語內有執旗

馬賊名張啟武久經習教樊人傑起事時即授

為偽先鋒前日在遠安與川省兵勇接仗鎮臣

李紹祖即係該犯用矛股害訊明後當即臠割

梟示其兩次擒獲活賊三十名內蕭金亨等十

二名俱被擄未久即行釋放餘皆正法連日以

來該匪因被追情急分爲前後兩隊西竄或於
深林密箐之中或於山路分歧處所留伏多人
以爲牽制官兵之計經臣分派兵勇沿途搜剿
日有二三十名不等現在竄及南漳西南邊界
之重陽坪一帶有仍由房保入川之勢臣率兵
已至通城河相距賊蹤不遠當探明前途道路
隨時相機籌辦初七日與賊接仗索倫兵丁內
委防禦音得布身被矛傷陣亡其餘兵勇亦有
傷亡另容查明咨部辦理奏入

上命軍機大臣傳諭倭什布曰朕盼望楚省軍營奏
報甚爲殷切本日倭什布報到朕以爲必係與明
亮會合將川省竄楚賊匪痛加殲戮及加披閱仍
係倭什布一人督兵剿辦而明亮並未趕到不知
逗遛何處遷延觀望此次藍黃白三號賊匪合爲

一夥欲由當陽分竄荊州荊門各鎮市搶掠經倭
什布督率托爾托保等直前抄擊不使賊匪竄往
荆襄所辦尙爲出力倭什布一路兵力稍單尙能
以少擊多將賊匪逼回西北山內此時明亮長齡
自必趕到與倭什布會合添此生力勁旅軍威壯
盛務須奮力截剿卽在南漳一帶將冉添士王士
虎樊人傑徐萬富張三掌櫃各首逆悉數殲擒肅
清楚境不可再令四散奔竄並著倭什布迅速咨
催明亮長齡會合剿辦所有打仗陣亡之委防禦
音得布著咨部賜卹至明亮本月初一日所發摺
內稱咨呈額勒登保就近移會慶溥搜剿餘逆伊
以竄楚川匪緊要卽由二竹星夜趕至倭什布一
路迎剿竹山竹谿距南漳一帶卽有千餘里明亮
亦早應趕到乃本日倭什布之摺係十一日拜發

距明亮折回之期已閱十日不但並未趕到而倭
什布亦未提及明亮現在何處可見相離尚遠當
此剿賊緊要之時明亮豈不應兼程趕往尙爾緩
程行走耶明亮一路自必有湖北隨營員弁倭什
布係本省巡撫向其密爲查訪無難得實若明亮
蒼滑性成果有避賊逗遛情事卽行據實嚴參或
因年老有病不能振作以致落後遲延或中途又
遇另股竄匪在彼剿辦亦著密爲奏聞勿稍徇隱

二十三日
寅

上命軍機大臣傳諭額勒登保曰台布自任陝西巡
撫後旣不能督率堵剿而辦理糧餉及地方事件
又每形竭蹙是以前經降旨革去翎頂因思伊於
蒙古一切事宜尙能諳曉已降旨賞給頭等侍衛
授爲西寧辦事大臣所有陝西巡撫已著陸有仁

補授令其馳驛前往台布現駐劄漢中一帶該處
係賊匪往來扼要處所不可無大員帶兵防堵處
成近日帶兵尙爲出力卽著在漢中專辦堵剿事
宜並暫護巡撫印務至陸有仁係屬漢員未曾經
歷戎行伊到任後所有各路糧餉及團練鄉勇並
地方事件自應專交陸有仁辦理其一切堵剿用
兵機宜仍著慶成專辦不得互相推諉稍有貽誤

同日

上諭內閣曰現在陝省軍務將次告竣一切善後事
宜均應寬爲籌備著於部庫內撥銀十萬兩廣儲
司庫撥銀十萬兩解往應用至浙省墊解商捐銀
二十萬兩前據延豐奏報分起委員解部計此時
尙應在途著沿途督撫查明該委員行至何處卽
飭令改道迅速解赴陝省以備要需

欽定剿平三省匪方畧正編卷二百五 庚申年

九月二十四日 癸卯 長麟奏言 臣 前由龍安邊界

截回仇逆餘匪當經帶兵分路抄截嗣據稟報

觀祥在燕家溝趕上賊蹤殺賊百餘人生擒男

婦二十八名口餘匪由紅石窰逃遁適有候補

通判維昂帶領鄉勇迎截在吳家溝殲斃賊匪

十三人又在搗蔡溝殺斃賊匪七十餘人生擒

製香那匪方畧卷二百五

十一名又於林內搜殺賊匪七人賊匪即由天

門河潛向南遁適額勒登保所派之副將游棟

雲亦經帶兵趕到商同維昂緊躡追剿觀祥即

由留壩沔縣一帶自東面攔截已追過畧陽鍋

場崖各等語是此股賊匪業經逼向畧沔境內

已在漢江以南無虞再行折竄至 臣 與穆克登

布等所剿之伍金柱餘匪由下柳巷廟兒壩一

帶向西北奔竄 臣 即與穆克登布等商議阿哈

保桑吉斯塔爾穆克登布由麻沿河一路抄截

倘該匪被截折回必由黃樹關向東南竄逸 臣

即帶兵由黃樹關一路兜擊並一面飛札定住

廣厚抄赴秦州緊顧北面以防該匪偷渡渭河

初八日阿哈保等趕至麻沿河 臣 亦即趕至黃

樹關查探賊蹤是日屯聚熊背口距麻沿河僅

製香那匪方畧卷二百五

二十餘里穆克登布等即擬連夜進兵乃是晚

大雨傾注火具不燃兵力實在難施初九日黎

明雨勢稍歇穆克登布等分帶官兵向熊背口

進發直抵賊屯 臣 亦帶兵趕往策應詎該匪探

知官兵前來已於五鼓大雨中由左家溝向木

蘭溝潛遁穆克登布等督兵緊躡追趕直至木

蘭溝腦詎賊情狡詐先於山壩左右設伏經穆

克登布等察知虛實分兵左右衝擊一擁齊上立斃賊匪數十名生擒十餘名內有偽元帥朱有貴一名腿中箭傷被獲餘賊即紛紛逃上山。亞官兵緊跟搶過山堽自上壓下賊匪情急分爲三股亂竄官兵亦分三路追殺兵勇奮力直前追殺三四十里穆克登布追過解板溝桑吉斯塔爾追過新店子臣與阿哈保追過花園子聖沿途各有斬獲三路竄去餘賊每股均不過六七百人至晚先後竄至白蠟峽合夥時天色已黑官兵即於木家磨暫紮計此次殺賊共三百餘人內有偽先鋒譚開勇一名被鎗擊斃生擒七十三名內有執旗頭目魏珍一名已受重傷奪獲大小旗鳥鎗刀矛二百五十餘件馬騾二十餘匹訊據朱有貴供稱自伍金柱死後係伊

姪伍懷志爲總帥會芝秀爲左元帥朱有貴爲右元帥大家商議本欲搶船過河到龍安去不想被官兵截殺因想南山必已無兵要由秦嶺赴五郎鎮安一帶老林躲避又怕遇見官兵截殺是以日夜緊走等語當即凌遲梟首餘賊均係矛手概行正法初十日探知賊匪已由白蠟峽起竄臣與穆克登布等即帶兵躡蹤緊追趕至紙廟溝腦正遇賊匪狂奔官兵鎗箭並施斃賊數人生擒張耀先等三十九名賊匪即紛紛搶上東面山梁逃遁時天已向暮雨霧迷濛只得暫行紮住差弁廝探賊蹤十一日黎明據投出被裹難民供稱賊匪被剿後又分爲兩股一股係會芝秀帶矛手四百餘人其餘俱係徒手及婦女老幼四五百人於初十日夜間向東河

口奔逃後股係伍懷志自帶精壯矛手一千餘名亦由高橋一帶向東南奔竄等語^臣等料知

賊匪奸計必係分股牽綴官兵以便乘隙遠颺

第^臣與穆克登布追剿賊匪連接兩仗後^臣等

已在賊匪後路不能抄至賊前攔截當即飛札

臬司王文湧總兵德忠都司緯克圖等遵照額

勒登保指派沃地加意嚴防勿任該匪竄出棧

道^臣一面與穆克登布等晝夜跟追前進途次

探聞後股賊匪向唐藏一路奔竄欲由該處直

奔棧道^臣與穆克登布等即分路抄至唐藏方

石舖等處先行扼住去路該匪於十五月初更

時正由利橋一帶奔來^臣當即帶兵迎往該匪

探知信息即於相距唐藏二十餘里之吳家溝

翻山逃遁官兵緊追沿途搜獲潛匿賊匪劉幫

池等十一名均係矛手即行正法餘匪未能出

棧連夜潛遁是夜五鼓即竄至相距唐藏一百

餘里之楊家店因有穆克登布等正在方石舖

堵截該匪不敢出棧又由楊家店順河南趨查

該匪竄往之路可由虞關直出畧湯亦可由黑

河徑竄沔縣現在穆克登布等追躡賊蹤前往

^臣即由棧道向南攔截亦不致令該匪闖入南

山惟前股曾芝秀於十二月初更時即已竄至

棧西之百靈寺山梁自初十夜至十二日傍晚

該匪已奔竄五百餘里時總兵德忠正在該處

防守帶兵躡上百靈寺山梁賊匪復奔入老林

藏匿德忠即令弁兵用鎗礮向林內轟擊該匪

又潛行下山向油房溝奔突更餘時竄出溝外

大路德忠即趕緊下山撲殺斃賊四十餘人生

擒十一名賊匪仍折入溝內潛竄德忠正偵探防範問該匪復於三鼓後翻越白家店山梁竄出棧道查白家店均係陡山並無山溝及盤折路徑該匪漫山而下紛紛散竄適有額勒登保派來協剿之總兵汪啓已至鳳縣聞有賊信卽連夜趕赴德忠一路協同堵截行至白家店正遇賊匪越過大路絡繹東奔汪啓卽催兵乘勢衝截斃賊七十餘人生擒七名賊匪俱翻上東面大山鑽入林內汪啟見賊匪竄匿無蹤月暗林深難以搜捕暫行紮住十三日五鼓德忠趕赴江口一帶攔截汪啓卽帶兵由葦子坪一帶追躡前往嗣該匪由蒿壩河一路奔向留壩江口適德忠已帶兵先經趕到江口扼要堵截該匪知江口有兵卽由並無路徑之夾沙溝一帶

老林內繞向南山以內之二郎壩等處奔竄刻卽飛札德忠汪啓趕緊追剿前往並恐山內路徑叢雜德忠汪啟兩路兵力不敷剿辦臣復飛咨提督定住趕緊帶兵入山由北面抄截臣俟將後股賊匪伍懷志逼過褒沔以南亦卽就近由城固洋縣入山會同剿辦務期竭力剿洗淨盡以免牽綴至此大賊匪竄過棧道係由總兵德忠沃地逸出現在該鎮追賊入山正當喫緊之際未便遽行撤回臣已嚴飭該鎮令其戴罪圖功倘再任賊匪輟轉奔竄臣卽會同額勒登保將該鎮嚴參治罪奏入

上命軍機大臣傳諭額勒登保長麟曰觀詳由棧道截回一股賊匪節經趕殺多有斬獲現已逼向畧沔境內無虞其再行折竄至伍金柱餘匪經長麟

督同穆克登布等緊躡追趕殲擒偽先鋒詳開勇等伍懷志分股向唐藏一路奔竄復經穆克登布等追蹤前往長麟亦即山棧道向南攔截不令闖入南山所辦俱好惟會芝秀一股竄至棧西翻越白家店山梁竄入南山老林深為可恨必應迅速剿盡此時甘省已無餘匪而賊蹤俱向畧沔一帶竄逸所有伍懷志一股長麟自必乘勢逼向褒沔以南其會芝秀一股即專交長麟督辦該督既飛札德忠汪啓趕緊追剿並咨會定住帶兵入山由北面抄截務須將此股搜捕淨盡勿令再有裹脅或由南山竄及鎮安一帶復至蔓延現在江水漸次消落長麟並當督飭所屬於江口扼要嚴防勿令各股賊匪折竄漢江北岸俟會芝秀一股辦淨再分兵赴沔畧一路協剿長麟即在漢中一帶防

聖朝聖鑒編卷三五 九

堵以遏賊匪分竄之路至賊匪竄過棧道係由總兵德忠泐地逸出德忠向日帶兵尚能與賊打仗即此次賊匪竄至百靈寺山梁亦尚與汪啓協同剿殺此時正當剿賊喫緊之際自未便遽行撤回著長麟會同額勒登保查明該鎮若能將此股賊匪迅速剿盡逼令折回尚可將功抵罪倘再任賊匪輾轉奔竄則該鎮既疎防於前又不能奮剿於後即當據實嚴叅治罪

同日明亮奏言竊臣因追剿緊急無暇搜查山林內衝散餘匪會飭地方各卡巡擊均經報有擊獲就近訊明分別辦理臣回抵白土關復分飭兵勇於山溝林內搜獲藏匿落後餘匪潘恒祿等四十六名發交糧員蕭與潔訊辦仍即取道關垵回楚由二竹房縣行走沿途經過村莊

聖朝聖鑒編卷三五 十

市鎮見民人紛紛歸家復業途次接據平利縣
任奎光稟報青號殘匪由熊家壩竄入安康屬
之蘭河磚坪一帶離楚已遠臣復節次飛飭鄖
房二竹邊卡仍當認真嚴堵一面將趕到落後
各營官兵查其情有可原者仍令歸伍其無故
落後者分別枷責示懲臣行抵房縣據川省鎮
臣李紹祖德英額稟報帶兵追剿竄匪已入楚
省巴東境內復據德英額稟報接奉勒保劄知
賊匪等業從黃草坪竄入房境賊蹤已向東趨
毋庸同李鎮前往該鎮卽分兵回川又據李紹
祖報稱賊匪深入楚境卽由香溪渡河抄前截
擊臣馳抵保康據南漳縣楊于果稟報川匪
竄至當陽屬之清溪河又據該縣稟稱自賊營
逃出難民供稱賊衆男婦約有六七千人騎馬

者頗多賊目係樊姓王四貓王谷賢冉添元等
四股合夥等語十四日途次接准姜晟來信川
匪現在竄至當陽清溪河觀音寺一帶倭什布
統兵追躡長齡現在率領滿漢官兵由南漳進
剿臣從瑪瑙觀一路追剿正在迎探進兵間
適據哨探來報該匪業已竄至歇馬河離保康
一百二十里臣卽督率孫清元等星馳前進行
抵後坪前隊首領黃興龍擒獲探信賊匪魏登
洪等三名訊據供稱川匪竄楚共有四股係黃
白藍綠四號白號掌櫃樊人傑約有千餘人綠
字號有數百人亦歸樊人傑股內黃號係王元
帥不知各字藍號係冉添元尙有賊首王四貓
子營中騎馬者有二三百人矛手共有一千餘
人男婦大小約有四五千人因在四川無可擄

原纜到湖北遠安一路聽說青號大股萬數多

人被官兵剿殺所剩無多等供十六日督兵進

剿據前探黃興龍飛報賊匪連夜拔營向歐家

店前竄等語復李獲落後賊匪劉起章等二名

訊據供稱樊人傑等聞知保康又有大兵馬兵

甚多大眾慌懼商量不如仍回四川等語臣查

賊匪竄徑必由歐家店往栢木受陽逃遁彼處

聖祖聖孫編卷三

三

係四達之區東北界連均穀襄宜西北地接鄖

房二竹正南可通興巴入川大道臣若躡蹤追

擊必得到歇馬河始能尾追不但不能趕上痛

剿倘賊匪旁竄均穀二竹又致無兵攔擊聞倭

什布已緊躡前來自可無虞折竄臣必須先制

賊匪奔竄之路扼要進攻是以逃卽折回保康

偵探賊蹤迤頭直過西北大路臣已飛咨倭什

布並商長齡合圍夾擊頃接姜晟來劄總兵

李紹祖暨參將沈慶春等均遇賊打仗被害臣

不勝憤恨現在鼓勵將弁兼程抄截奏入

上命軍機大臣傳諭明亮曰此次摺內所敘由川入

楚賊匪奔竄情形及李紹祖來楚截剿俱係半月

以前之事其餘亦皆敷衍塞責之語仍未趕上賊

匪與倭什布長齡會合剿辦明亮於本月初一日

聖祖聖孫編卷三

四

所發摺內卽云移會慶溥截剿徐逆伊以竄楚川

匪緊要卽由二竹星夜馳至倭什布一路迎剿乃

遲至十七日始在保康拜發此摺遲緩已極不知

伊在何處逗遛觀望尙稱追剿緊急耶且摺尾將

李紹祖等打仗被害一節敘入而前半尙稱李紹

祖由香溪渡河抄出賊前截擊鋪敘滿紙不知是

何肺腸明亮種種欺飾蒼滑伎倆貌爲持重實則

畏怯今遷延多日無可藉口祇可將已往賊情及李紹祖來楚之事湊成一摺希圖蒙混著傳旨嚴行申飭至所稱偵探賊蹤迎頭直過西北大路之語亦係預為巧卸地步若賊向東南逃竄伊卽可以搗截西北為詞諉罪他人居心欺詐豈能逃朕洞鑿今賊匪既由歐家店一帶奔竄明亮與倭什布長齡預定夾擊之計而各股賊匪現在不過千餘人可見前次萬餘人之語係屬欺誑該省原有各兵合之續調兩粵官兵及新添吉林黑龍江勁旅共有萬餘不啻十倍於賊卽祇用吉林黑龍江千餘勁旅剿此千餘賊匪亦勢同拉朽摧枯况勁旅悉係生力而賊匪久被官兵追剿疲乏已甚豈能抵禦明亮務當乘此兵威上緊剿辦若能將各股竄匪卽在楚省剿淨不但可贖前愆尙當加恩

欽定剿平三省邪匪方略

正編卷二〇五

欽定剿平三省邪匪方略 正編卷二〇五

獎擢卽或賊匪被剿緊急折回川境倭什布孫清元必當在本境防堵明亮本係專剿徐添德一股因該逆竄往陝省明亮以由川竄楚各股賊匪正在緊要折回迎剿自應責成伊一手辦理緊躡賊蹤入川追擊總之黃白藍線四號賊匪交明亮一人剿辦若不能悉數殲除顯係有心縱賊明亮更有何顏朕亦不復再行降旨訓飭斷不因伊係老成宿將再為寬貸凜之慎之

欽定剿平三省邪匪方略

正編卷二〇五

同日長齡奏言臣自襄陽起程因探知賊匪由

觀音寺竄至南漳縣屬之東南交界東鞏石硤

坪一帶當卽帶兵自北而南查該處距襄陽三

白餘里臣於十二日辰刻行至栗溪離石硤坪

八十餘里途遇差探鄉勇報稱賊匪連日有探

馬數十名沿途絡繹往返於十一日已全數往

西南逃竄所向何處尚未得有確信查賊匪竄

往西南必由南漳之馬良坪重陽坪螃蟹溪歇

馬河等處該處南通興山歸州西達房竹臣思

倭什布現在緊躡賊蹤自東而西明亮由二竹

自西而東臣自應由東北向西南前進不但可

成三路兜剿之勢亦可防其北竄臣即於是日

帶兵由南漳之五盤山長坪雙柏壩兼程前進

剿平匪黨編卷三五

七

連據探報並獲由賊匪逃出之南漳縣民人張

廷弼等帶至營盤訊據供稱賊匪四股線白二

號是大掌櫃樊人傑徐萬富管領黃白二號是

兩箇王姓四川人爲元帥不知其名男婦老幼

共有七八千人能打仗者不過千餘人馬騾五

六百頭已知有索倫馬兵數千自北而來賊衆

甚是畏懼晝夜狂奔欲竄回川現已竄至南漳

西界歇馬河一帶其勢甚形狼狽被裹良民乘

間逃出甚多等語查賊匪如果由該處南竄必

走房保出境倘明亮等能攔截擊回北向臣仍

可迎頭截剿若竟由西南歸巴出境臣即可取

道向西由二竹一帶赴陝會同慶溥剿辦徐高

馬戴等逆奏入

上命軍機大臣傳諭長齡曰賊匪竄至南漳地界聞

剿平匪黨編卷三五

六

長齡帶有吉林黑龍江馬兵自北而來即晝夜狂

奔欲竄回川若明亮由房縣保康帶兵趕上正可

與長齡夾剿適據明亮奏報賊匪情形摺內稱帶

兵折回保康直過西北大路並飛咨倭什布長齡

併力夾剿等語是此時大兵想已會合正可分路

兜圍剋期剿辦長齡應即將所帶官兵自爲一隊

會同明亮等奮力剿殺務在楚境辦竣不可令賊

匪乘間他竄又致稽延時日倘萬不得已賊匪竟由西南歸巴一帶竄入川境自當明亮前往追剿長齡卽帶領吉林黑龍江官兵及落後粵東粵西兵一千各仍赴陝省察看情形或徑赴平利截剿徐添德或往經畧軍營剿辦高馬等股屆時自行酌量可也至吉林黑龍江勁旅聲威久著為賊人所震懾必須乘其銳氣遇賊接仗方展所長若每日兼程行走徒勞跋涉則日久亦必形疲乏甚屬可惜長齡務須設法籌畫或繞徑抄赴賊前迎頭截擊或偃旗息鼓設法誘賊庶可痛加殲戮不得將此項勁兵整隊長驅徒壯聲勢總須趁賊匪窮蹙我軍精銳之時一鼓作氣奮迭攻剿至明亮行走遲延將徐添德一股移會慶溥剿辦伊自陝境回至二竹房縣截剿川匪又未能星速趕上半月

欽定剿平三省邪匪方略 正編卷二〇五

欽定剿平三省邪匪方略 正編卷二〇五

內伊所辦何事究在何處停頓此時長齡與明亮諒已會合仍須加意訪查如明亮實有蒼滑玩悞確據卽行據實密奏再明亮所帶廣東廣西兵丁因何有落後之事或係明亮追賊行走迅速該兵丁等未能趕上或兵丁等另有遲遲別情並著長齡確查具奏

二十五日甲辰額勒登保奏查張辛等股前經

楊遇春格布舍等在馬桑壩追剿之後所剩不

過數百人與高二戴四二逆竄合從元坪子一帶遁入川陝邊界老林嗣楊遇春等因李子坪一帶又有賊匪適在我軍之後初八日與格布舍豐紳帶同侍衛巴圖魯將備等分帶兵勇作為三路向李子坪進剿至舊司河地方該匪等竟敢前來迎拒官兵分投奮擊鎗斃騎馬戴翎

頂賊匪一人賊勢稍却官兵齊力追趕斃賊數十該匪又搶上山梁官兵亦即追上從山頂下壓斃賊二百餘人賊眾又向大葉廟而遁官兵沿溝順嶺直至龍池場約計五十餘里又斃賊三百餘人前後生擒一百餘人於二更時收兵將獻到戴翎頂首級令活賊指認僉稱係偽總兵楊永祥並稱此股賊匪係高藪二營分出之賊欲抄截官兵後路等供當將獲賊舒子隆謝士福等五十七名正法其餘周仁羅田氏等七十三名口均係附近甫經脅從之人概行釋放又據額勒亨額呈報探得冉學勝張世龍股匪在康家壩一帶滋擾額勒亨額即率領馬步官兵趕往迎擊先將探馬賊四人全行拿獲二十八二十九兩日在媽蝗堽葉家壩土地嶺等處

追殺此股賊匪共斃賊八十餘名又生擒王學存等十六名並先經拿獲之賊探張老么郝二劉芳王學義等四名訊明俱係隨同冉張二逆日久一併正法又有被裹之門廷傑等十一名均經省釋此在臣派令喜明等未到之前額勒亨額帶兵所剿旋又據額勒亨額與喜明報稱該匪等有向官姑灘搶渡江岸之勢額勒亨額喜明等帶領馬步官兵一千餘名由瓦房店出譚家堽攔截斃賊匪三十餘名該匪等折向大馬坡而遁恐賊情狡獪又從別路竄近江干現在暫劄防堵又據溫承惠稟報龍紹周股匪在桃園子一帶奔竄該司帶領守備王英等率同鄉勇連日趕擊斃賊一百七十八名生擒康世泰王士滿等七十三名訊明實係隨同龍逆

戰手並卽正法該匪等仍往繞溪河折竄適接
平利縣稟報湖北後股賊匪又竄至房縣之九
道梁平利情形關係緊要龍逆股匪已轉回繞
溪河距江岸稍遠該司已知會慶溥會剿並據
慶溥呈報該副都統在磚坪一帶遇龍紹周分
股之賊帶兵趕剿斃賊六七十名該匪折竄四
季河而徐添德一股賊匪於初五日夜竟敢前
來撲營官兵鎗礮齊發該匪等逃逸次日發兵
跟追該匪等捨命狂奔未能痛剿聞該匪有向
通草坪繞向興安之信該副都統現帶兵探蹤
抄剿又興安府知府周光裕帶壯勇於戴花嶺
一帶扼堵又據恒瑞札稱連日由紅椿壩王黑
壩等處兜剿馬五等股賊匪於十四日趕至大
石川同綸布春等追殺沿途斃賊三十餘名拏

聖朝聖德

圭

獲活賊袁有德等六名十五日趕抵觀音堂聞
該匪有竄赴灘口之信且聞楊遇春由五塊石
而來業已飛行知會併力剿捕各等因再頃接
長麟來信阿哈保穆克登布桑吉斯塔爾等追
剿伍金柱餘匪在新店子花園子地方共計殺
賊三百餘名生擒七十三名所餘賊匪無多該
匪等若向東奔卽達唐藏太渠長麟已帶兵趕
往唐藏一帶又觀祥所剿之零賊數百人據沔
縣令馬允剛稟報該鎮與副將游棟雲維昂等
帶領兵勇緊追擒殺一百餘名賊勢甚為窮蹙
尙有餘匪在黑河老林藏匿該鎮等正在搜捕
臣通查各路具報情形賊勢大形殘敗甘省伍
金柱餘匪及零星賊匪無多長麟等分路趕剿
當可剋期殲除其楚中賊匪徐添德先經入陝

聖朝聖德

圭

且現據溫承惠稟報後股賊匪亦有從九道梁
欲竄陝省之勢現有明亮帶兵由房竹與山一
帶兜剿此時惟西鄉紫陽安康平利賊股既多
賊勢較為散漫然亦有四五路官兵追截屢經
獲勝自應乘勢迅速掃蕩臣已分檄各路領兵
官員倍加努力上緊趕辦至臣現在西鄉紫陽
邊界一帶原當帶兵深入但查甘省之賊究未

聖朝聖訓卷三皇

五

全完棧道一路防兵尙不能撤而現在西紫等
處之賊總在川陝邊界既恐其偷越漢江關入
江北又慮在川之賊折回寧羌南鄭漢南一帶
祇可隨進隨駐沿途刻為控扼之計并為各路
策應總須甘肅之賊全完騰出剿賊之兵並棧
道防堵之兵臣與長麟等將川陝交界之處布
置妥協臣一鼓而前庶辦結一處再辦一處易

於為力至西紫等處之賊經各路官兵緊剿難
保其必不入川入楚而以川楚而論川中現有
德楞泰勒保督兵剿辦楚省尤關緊要候臣酌
量情形或不能親往楚北即當遵

旨先令慶成酌帶官兵由安康平利前入楚境趕往
明亮等一路協剿再新授固原提督賽沖阿臣

聖朝聖訓卷三皇

美

隊必須熟手帶領將賽沖阿暫留川省是賽沖
阿急切不能前來陝省而固原提督一缺未便
久懸查有江南提督定住隨同長麟剿賊不日
可來陝省若以之署理固原提督將來與長麟
等辦理陝省防堵事宜自更得濟俟賽沖阿回
至陝西定住再行交代又山西新平路營參將
德爾精額甘肅嘉峪關游擊岱什依現年均已

六十五六歲實屬衰老該二員從前帶兵打仗
著有微勞應請以原品林致陝西洮岷協副將
常格年逾五旬患病數月又舊有腿疾時發時
止帶兵不能得力應請

旨勒令休致又查副都統岱森保於抵漢中後病勢
日增醫藥罔效於九月十二日身故現派守備
徐占魁一員護送回旗奏入

聖朝實錄卷三十五

三

上命軍機大臣傳諭額勒登保曰此次楊遇春等在
舊司河地方追剿高戴二逆分出之賊斃斃五百
餘名額勒亨額與喜明迎擊冉學勝張世龍股匪
亦先後斃賊二百餘名慶溥溫承惠追擊龍紹周
分股賊匪恒瑞兜剿馬五等股亦均有斬獲所辦
尙好惟徐添德一股竟敢乘夜撲營慶溥帶兵奮
擊該匪捨命狂奔有由逆草坪繞向興安之信實

爲可恨徐添德係著名首逆輾轉奔逃急須搜捕
現在慶溥雖已探蹤抄剿究恐兵力有限額勒登
保務須酌量情形如相距不遠或即親自督兵迎
頭截擊否則亦須酌派勇幹將領帶兵前往協剿
趁該匪窮竄之時速行擒獲加緊具奏如能生擒
卽將徐添德派員解京盡法懲治倘臨陣殲戮亦
必須詳細驗明首級屬實再行戮割梟示斷不可

聖朝實錄卷三十五

天

復任他竄致搜捕又稽時日昨據長麟奏甘省賊
匪伍懷志分出之僞元帥會芝秀一股至棧西翻
越白家店山梁逃入南山老林藏匿已交長麟督
剿其伍金柱餘匪亦向木蘭溝一帶潛遁經穆克
登布等跟蹤追躡此次額勒登保摺內未經奏及
自尙未得實信所有會芝秀一股既竄入南山老
林卽爲額勒登保後路關係緊要不可不加意防

龍應前派將弁帶兵堵剿勿令再有蔓延再據奏
溫承惠一路接平利縣稟報有湖北股賊匪竄
至房縣之九道梁逼近平利此股又係何股分出
之賊未據奏明並著查明具奏至明亮剿辦楚省
竄匪屢次逗遛不追總未認真殺賊竟係蒼滑性
成節經降旨飭諭或伊因老病不能帶兵有力不
從心之處亦未可定已令長齡帶領吉林黑龍江

聖朝聖訓卷五

五

勁旅并力協剿慶成竟可無庸赴楚即著遵照前
降諭旨令其暫署撫篆仍在漢中督率堵剿可也
至額勒登保現在駐劄西鄉可以兼顧川楚竄匪
甚為扼要此時該處四面俱有賊匪奔竄尤須在
彼通盤籌畫慎重防範相機調度使各路擊剿悉
合機宜轉不必遠離該處其所奏賽冲阿尙須留
用帶領吉林馬隊請令定住暫署固原提督一節

即照所請辦理其在軍營病故之副都統岱森保
著照軍營病故例賜卹

上諭內閣曰山西新平路營叅將德爾精額甘肅嘉
峪關遊擊岱什依二員年力衰老從前帶兵打仗
著有微勞俱著加恩以原品休致陝西兆岷協副
將常格舊有腿疾時發時止帶兵不能得力著即
勒令休致

聖朝聖訓卷五

五

同日伯麟奏言 前奉

諭旨令於晉省藩庫撥銀七十萬兩解赴陝省備用
當即飛飭藩司先撥銀三十萬兩迅速委員分
起解茲復督同藩司陳文緯查明藩庫現存
之項湊撥銀四十萬兩以足七十萬之數即遵
委委員連夜裝輪陸續起程解赴陝省應用奏
入

上命軍機大臣傳諭伯麟曰昨日降旨由京籌撥二十萬兩並將延豐墊解浙江商捐銀撥給二十萬兩共四十萬兩迅解陝省以濟要需今伯麟業於庫貯各款內動撥銀四十萬兩委員解往陝省應用著伯麟遵照前旨將由庫撥解及浙省墊解商捐共銀四十萬兩於解至山西時卽截存藩庫另候備撥

欽定剿平三省邪匪方略

正編卷二〇六

欽定剿平三省邪匪方略正編卷二百六 庚申年

九月二十七日丙午台布奏言查額勒登保現在統兵前往西鄉一帶督辦楚匪徐逆一股竄入平利之烏龍池滋擾經副都統慶溥剿敗後竄往安康之楊園子慶溥仍趕回博坪扼住興安郡城要隘於初五日馳至平溪河見有騎馬賊匪已入博坪大路慶溥隨率副將李逢春等分帶官兵兩路衝殺立斃賊匪六七十名官兵乘勢緊躡復又斬獲二十餘名賊仍由南奔竄其川匪龍逆一股前竄陝界經藩司溫承惠派兵截擊後奔至斑鳩關對面大梁老林藏匿該藩司復派鄉勇分爲三路抄截賊亦分作三隊迎拒鄉勇鎗礮擊三路共斃賊一百六十餘名生擒二十餘名該匪連夜由桃園子逃逸守備

欽定剿平三省邪匪方略

二九九

王英等復督勇繞道邀擊又殲賊七八十名生擒四十餘名該匪遂由大小圍圈奔安康之四季河南竄此近日南路情形也其西路由甘折回小股賊匪竄至唐藏隘口一帶冀圖闖入棧道俱經防守官兵截回折竄至兩當靈官殿鄧家嶺經副將游棟雲從九品雒昂帶領兵勇乘霧衝殺殲賊七十餘名賊遂由妖魔洞翻山竄入黑河分股竄至畧陽之張家壩亦經游棟雲雒昂乘夜趕殺斃賊八十餘名生擒三十一名餘匪無多該副將等現仍跟蹤搜斬此外位逆餘黨千餘人由甘竄近鳳縣之油房溝督臣長麟帶兵來至方石舖已繞出賊前總兵汪啟亦已帶兵迎剿棧內本有經畧原派之總兵德忠臬司王文湧副將舒隆阿等分段防守布置極

皇朝通志

二

為嚴密尚可不致闖入惟時近冬令漢江漸形淺涸沔縣南鄭城固洋縣江水深祇四五尺淺不及三尺一交十月淺處更多經額勒登保派令總兵關騰帶兵巡防江岸綿長究恐未能周密臣復親乘小舟由南鄭城固沿江而下逐處測量於最淺地面安設礮位酌派兵勇晝夜看守使賊匪對岸不敢窺伺免致疎虞俟該二處佈置妥協後再往洋縣一路察看安設奏入上命軍機大臣傳諭台布曰台布前已令往西寧辦事伊接奉前旨自應將撫篆交付慶成即日起程其堵禦截剿事務不復再降諭旨如此旨到時台布尚未前赴西寧即着將該處情形及應辦事務告知慶成令其接辦可也

皇朝通志

三

同日

上命軍機大臣傳諭各路軍營領兵大員陝甘四川湖北各督撫曰剿辦教匪五載以來所發餉銀不下數千萬兩此項餉銀原係供支軍營官兵鹽菜口糧之需乃所發帑金總不敷用自由承辦官員遇有餉項到省先將例不開銷之款任情支發轉將官兵應領之項拖欠藉口餉銀缺乏甚至兵丁有因拖欠鹽菜口糧竟致結隊潛回者現在承辦各員雖未必敢如從前濫行支用但遇有解到餉項或將本省他項應給之款先行給付以致支發軍需轉形支絀此則不知事體之輕重緩急試思頻年在京在外撥給帑項原為軍需而設則支用亦應以軍需為主如有牽混之處將來報銷時部臣亦必議駁若地方偶有災賑自當專摺奏請如本年夏間陝省地方秋禾被旱有應行賑濟之處

欽定剿平三省邪匪方略

四

一經台布奏請於軍需撥銀七十萬兩之外另發去銀三十五萬兩辦理賑務原屬兩無牽混斷不准將此次所發軍需再於他項動支著傳諭各路軍營領兵大員及各督撫等嗣後餉銀一項於撥解到局時皆當一體遵照儘供軍需之用至兵丁口糧雖例支大米前經降旨詢問額勒登保據奏現皆米麵兼放即小米亦堪支食是經畧一路並不單支大米各路軍營自應做照辦理若必欲倉大米則是有意刁難所有各路領兵大員及各督撫等皆應遵照通融籌畫妥為經理軍營既可米麵兼放自易採辦倘再有貽誤或小米麥麵亦竟至缺乏則承辦糧員咎無可辭必當嚴叅辦理再各路領兵剿賊管理糧務之員原應隨時供應不得稍有遲悞乃帶兵之員往往藉口糧運不繼以

欽定剿平三省邪匪方略

五

致剿賊不能得力而承辦糧員亦以軍行無定隨時轉運維艱並非糧儲不足似此互相推卸何日始能滅功總之各路領兵大員及地方督撫等均係同辦一事現在各路賊勢已形殲敗不過數月即可辦竣當此功收一篲之時尤為喫緊在地方官辦理軍需因應於軍營所到之處多方設法運送務期無誤而領兵之員亦當令該弁兵等隨時酌量裹帶口糧即使糧運稍遲亦不致枵腹從事庶於剿賊機宜更有裨益此係朕指示所及並非他人條奏經此次通諭之後該領兵大員及各督撫等務當協力同心和衷共濟於年內一律辦竣同膺懋賞不可不倍加奮勉也

二十八日丁未長齡奏言竊臣連日帶兵兼程前

進途中接據保康等縣稟報並探信鄉勇回稱

聖朝聖德編卷六

六

賊匪直往房縣南山一帶狂奔並未燒燬民房逃出被脅良民甚多賊匪所剩祇三四人竟欲仍由原來路徑走九道梁由竹山出境現在明亮帶兵由房縣之珠莊洞等處前往截剿等語臣帶領馬步兵丁正在加緊趨行本日接准陝西布政使溫承惠來信內開曹家營戴家營冉學勝張士龍唐明萬五股皆聚集西鄉境內該縣緊與紫陽毗連賊匪以紫陽僅有額勒亨額之兵希圖乘隙竄入溫承惠率領鄉勇趕至紫陽會剿探得已有一股竄入紫陽之朱溪河隨與額勒亨額帶兵趕赴毛壩關迎截又探得川匪龍紹周一股已由太平邊界竄入紫陽之繞溪河查繞溪河在紫陽之東我兵均在西路竊恐賊匪東竄安康溫承惠即帶兵由捷路抄

聖朝聖德編卷七

七

前赴雙河塘一帶迎截等語又接竹山縣稟報探得龍紹周一股經溫承惠帶領兵勇連日痛加殲剿並訊據逃出難民蔡勝貴等供稱龍紹周賊夥約有七八千人聞說要竄往湖北如不能東去即想渡江北竄現經溫承惠派令守備王英帶兵由五柞雲斑鳩關抄截溫承惠於九月初一日親自帶兵自西而東由江之南岸

《聖朝聖紀編卷真》 八

前赴廟溝攔截兼護江岸等語伏思前奉節次諭旨令臣帶兵赴陝會同慶溥截剿高馬戴徐等股賊匪途遇竄入楚省川匪即行剿辦等因前因聞知李紹祖陣亡之信臣當即帶兵前進以期先清楚境後辦陝匪今楚省川匪已由房縣南山狂奔其勢必由原路出境况有明亮倭什布兩路官兵前後夾擊料不致再有蔓延之事現在

陝省情形重於楚省臣自應帶兵趕赴該處或會同溫承惠慶溥等和衷商議併力剿辦總不使竄入楚境為要臣現已至保康屬之前坪此路即可歸入房縣大道由二竹赴陝之紫陽計程一千餘里倘賊匪由紫陽東竄楚境僅止四百餘里深慮賊近兵遠臣帶領馬步官兵惟有竭力速行趕緊出境早得迎頭痛殲賊眾以期

《聖朝聖紀編卷真》 九

迅速戡事惟是楚陝連疆路徑叢雜邊防尤重於剿賊臣業已飛咨姜晟明亮倭什布趕緊設法嚴防勿使竄越再查現在陝省賊數較多山路險窄必須馬步兼用方期得力至明亮倭什布兩處所帶吉林黑龍江馬隊已有八百五十名似足敷用無需再為分撥所有臣現帶之吉林黑龍江官兵一千五十名及兩粵官兵一千

名一併帶往奏入

上命軍機大臣傳諭長齡曰朕盼望平賊安民日夜焦急本日長齡報到朕以爲必係已與明亮倭什布會合將由川竄楚之藍黃白線四號賊匪痛加殲戮及披閱所奏情形長齡以楚省川匪已由房縣狂奔必從原路出境明亮倭什布兩路官兵足資夾擊不致再有蔓延現在陝省情形重於楚省

不製書壘彙編彙

十

長齡帶兵由保康取道二竹前往陝境會同度薄溫承惠併力剿辦是竟置楚省竄匪於不問矣長齡所帶吉林黑龍江官兵俱係生力勁旅涉歷數省行走數月甚不易易茲帶赴楚省自應及鋒而試俾得展其所長乃長齡自抵楚以來總未遇賊接仗前次奏到之摺據稱賊匪在南漳石碇坪一帶焚掠長齡於十二日辰刻行至栗溪相離石碇

不製書壘彙編彙

十一

坪不過八十餘里並未兼程趕上今又棄楚省之賊遠踰千里轉由保康二竹赴陝迎剿紫陽東竄賊匪舍近圖遠是誠何心似此來往奔馳將有用勁兵徒勞跋涉必致又形疲乏况軍行一日卽須一日口糧而所謂馬匹馳驟日久亦不能得力豈朕遠調此項勁兵健馬籌撥無數餉銀當此秋高氣爽之時不用以打仗殺賊僅供保護長齡於無賊處遊山玩水乎且明亮前因楚重於陝置徐逆於不辦折回楚境此時長齡又以陝重於楚並不與明亮倭什布在楚會剿徑赴陝省顯係各懷私意互相推諉全不以軍務爲重賊匪何時始能剿盡耶長齡甫經帶兵不應卽沾柴軍營積習若此著傳旨嚴行申飭長齡現已由二竹前赴紫陽正龍紹周等股賊匪由陝東竄來路伊旣稱速行趕

緊出境迎頭痛剿則係伊自任之事所有此股賊
匪卽責成長齡剿辦若能痛殲賊眾或剿淨一股
仍當加恩優獎倘不能上緊截擊致令闖入楚境
或抵陝後復稱賊匪已聞信先行逃竄又欲移兵
他處防堵則是有心避賊必將長齡按律治罪另
派他人前往帶領吉林黑龍江勁旅不可不倍加
儆凜也至長齡如在途次遇賊打仗得勝自當專
銜馳奏若已抵紫陽後應受經畧節制凡有剿賊
情形著報明額勒登保轉奏以符體制

製者聖鑒編卷真

十一

三十日已姜晟奏言竊臣自明亮帶兵回楚以

後當經疊次飛飭鄖陽府及竹谿竹山二縣厚
集義練各勇與各卡隘原設兵勇會同該處守
卡之叅遊等協力商籌擇要固守旋據該府縣
等稟請飭留孫清元帶兵千名率同練勇於二

竹適中之地作為遊兵截擊以資邊防等語正
在咨商明亮抽撥間茲欽奉

諭旨令臣派撥將弁兵丁前往二竹防禦查廣西總

兵德昌在穀城收集明亮軍營落後兵丁先經
收集兩粵兵一千名業經長齡帶往隨征又續
收粵兵七百五十餘名適德昌管帶過襄臣咨

製者聖鑒編卷真

十二

明亮卽飭令德昌帶領前往二竹與該處文
武會籌擇要嚴防不使徐逆及陝省別股賊匪
折竄闖入已於二十三日自襄啟行至陝省竄
匪頃據隨營道員依精阿並保康縣稟報該匪
等因官兵緊躡十九日回竄房縣西南之松香
坪紫竹一路距九道梁僅數十里前途山徑散
漫卽屬川境後有追兵似可無虞折竄臣查徐
逆竄入陝境川匪又已逼回原路各處邊防實

屬當務為急日內接據竹山縣轉據平利來信
稟稱青號徐逆賊探復由安康屬之小鎮折至
平利黑虎溝一帶距平利縣一百餘里等語是
二竹邊防尤為喫緊伏思二竹邊界綿長數百
里原設緊要卡隘十五處共計兵勇一萬二千
餘名本年正月倭什布撤帶隨營外尚存五千
四百餘名加以現在派往粵兵七百餘名是否

聖主睿覽編卷其

古

足資防禦須臣親往查勘且專仗兵勇為邊防
實非久計近聞各該處應設卡隘較往年漸有
加增蓋緣兵勇在彼駐守日久伐木築屋及採
取柴薪以致本無路徑之老林踐踏成蹊賊匪
易於穿越邊界綿遠勢不能多設兵勇常川堵
守是以臣前次奏及該處山徑老林凡罅隙可
通之處必當相度形勢設法以人工彌補堅實

其萬難補苴之隘口酌派本處標兵固守設或
有警益以本地團勇臨時堵禦庶可計一勞永
逸臣前次奏蒙

恩准發楚之候補道海昌張映漢及陞任丁憂知府
田澍均經先後到襄現在飭派海昌先往竹谿
一帶會同履勘籌辦設防事宜臣亦即於數日
內起身前赴鄭竹各處因地制宜熟籌妥辦務

聖主睿覽編卷其

圭

期固防節費再臣欽奉
諭旨明亮節次所奏由川竄楚賊匪並不確實是否
係地方官探報不明抑係明亮自行捏造希圖卸
責令臣查明據實密奏臣查此次川匪竄入房縣
境內臣處初據房縣李維木來稟亦稱賊目冉
徐張王四逆均有萬餘人其蔣觀濤稟稱唐龍
二股及苟文明俱竄至房縣之處臣處未接此

稟近據竹谿縣探得龍紹周一股九月十五日
由安康屬之四季河羊溪河竄至平利苦竹關
花栗樹等處滋擾勢向東北慶溥移師堵剿苦
竹關距竹谿縣城三百餘里等語是龍紹周股
匪並未竄至房縣該文武等多憑差探無據之
詞據以具稟明亮雖無自行捏造情弊其率據
各屬稟報鋪叙入

聖鑒至明

奏

告業蒙

聖鑒至明亮軍營落後兵丁爲數過多詳細體訪並
於總兵德昌到襄面加詢問據該鎮稟稱明亮
前由均穀房鄖一帶往來剿賊每日行走總在
百里內外時係六七月間兵丁多有觸暑臥路
不起者及賊折回房保一帶又由南漳均穀躡
蹤追擊愈加迅疾兵丁腿脚疼痛每日紮營查

點時或少數十名至一二百名不等無暇查催

且至由陝折回始行派員收集現除已經收集

一千七百餘名尙少四百餘名其中養病及病

斃逃亡之兵尙須細查又直隸河南協濟馬匹

並於北省滿漢各營酌調及襄局原存喂養共

馬二千五百九十二匹內應付吉林黑龍江官

兵隨營員役乘騎並撥付明亮倭什布軍營共

聖鑒至明

奏

馬二千二百七十二匹又倒斃四匹尙存馬三

百十六匹現飭襄局好爲喂養以備軍營調撥

或應撥補各營調缺馬匹臨時酌量辦理各路

軍營兵丁隨征日久必須添補衣履以資禦寒

若由原管製解遠不及濟先經臣飭令襄陽局

製辦棉襖套褲等項五千分現已分路解交散

給所有工料銀兩係軍需項下動支墊辦俟飭

取管分花名清冊到日照例分別各行各原管
坐扣歸款奏入

上命軍機大臣傳諭姜晟曰藍黃白線等股竄匪由
房縣西南一路竄回川境明亮等未能迅速趕上
痛加殲戮仍任其逸出楚境此係明亮等之罪與
姜晟無涉但賊匪既竄回川則楚境現已無賊明
亮係專派剿賊之員早經降旨諭知如賊匪折回

聖祖聖孫編卷真

大

川省令其追剿入川明亮自己遵照諭旨赴川剿
辦此時楚省防堵最關緊要姜晟與倭什布孫清
元俱當在本境防堵倘賊匪經德楞泰等分飭鎮
將迎頭截擊亦難保其不又竄回楚境再徐添德
一股現在平利一帶奔竄經慶溥温承惠等併力
剿殺雖有長齡前往迎截亦難保其不折而向東
是房竹巴東一帶均應嚴行守禦雖楚省邊界與

川陝毗連地方道路綿長然賊匪數年以來由川
陝竄入楚省已非一次必有往來熟徑該省地方
文武寧不知之即如姜晟摺內所稱山徑老林罅
隙可通之處設法以人工彌補亦係因地制宜之
法姜晟務當與倭什布督率所屬厚集各該處兵
勇於扼要處所一律嚴防以期聲勢聯絡毋任川
陝賊匪一名闖入俟大功告竣必將姜晟倭什布

聖祖聖孫編卷真

九

與帶兵大員一體加恩倘有疎虞則姜晟倭什布
及派出防堵之員均當從重治罪至總兵德昌收
集落後粵兵已經姜晟查明係因明亮行走緊急
以致落後此項兵丁既形疲乏若令其前赴明亮
處剿賊已屬無及著即交德昌帶領幫同在楚境
堵禦將來事竣即可就近撤令回粵至兵丁內有
實係患病難愈者留於軍營亦屬無益著姜晟等

查明撤令先行回粵並此外如有傷病老弱無用之兵亦當查明令其各歸原伍以節糜費

同日吳熊光奏言竊臣前接探報湖北川匪竄

至南漳之巡檢司一帶長齡帶領吉林黑龍江

官兵趕赴南漳會同明亮倭什布等剿辦現聞

賊匪又竄往房縣歐家店是賊已有折回西竄

之勢但青號一股竄至陝省洵陽平利境內二

製著龍臺編卷真

羊

竹一帶現無官兵截剿仍難保其不復折回而

紫陽等處聞尙有川匪窺伺目下既交冬令江

水漸就消落楚境未經肅清南路防範總應加

嚴臣現在鄂州就近督率臬司完顏岱護南汝

光道林樹芳都司楊景芬等於江岸嚴密巡防

不敢稍存大意至西路賊匪情形現准鎮臣常

林田永桐等札稱探得陝省賊匪二股由沔縣

缸廠竄入南鄭屬之南山一帶一股向青戶關

有入蜀之勢一股已自行投出一股向南鄭交

界之二郎壩東竄西鄉境內楊遇春由二郎壩

拔營進剿經畧額勒登保現已移營南鄭屬之

茶房子駐劄督辦等語臣查二郎壩在漢江以

南現有額勒登保督同官兵剿辦自無虞其向

東北奔竄但漢江上游一交冬令水勢更淺臣

製著龍臺編卷真

壬

已登札常林田永桐督率將弁隨時偵探陝境

賊蹤於盧浙各口隘加意嚴防不可稍涉疎懈

奏入

上命軍機大臣傳諭吳熊光曰現在由川竄楚藍黃

白線四號賊匪經官兵截剿有折回西竄之勢適

據姜晟奏報楚省竄匪因官兵緊躡已於十九日

回竄房縣西南之松香坪紫竹一路距九道梁僅

數十里前途即屬川境後有追兵似可無虞折鼠

等語此時楚境已無賊匪現又諭令姜晟等扼要

守禦但已屆冬令江水漸次消落豫省江岸仍須

防守該撫既在邳州駐劄務當督率完顏岱等於

沿江一帶嚴密巡防不可稍存大意至陝省竄匪

現在西鄉一帶遊奕額勒登保分飭將領截剿自

不敢向東奔竄惟昨據長麟奏伍金柱餘匪會芝

聖著龍鳳編卷三

三

秀一股從白家店山梁竄入南山老林藏匿已為

交長麟定住等入山抄截此股係在漢江之北南

山老林一帶與商維相連距豫省邊界不遠吳熊

光當督飭鎮將等於盧浙各口隘仍前實力防堵

俟功竣之日一體加恩

欽定剿平三省邪匪方略正編卷二百七 庚申年

十月初一日 戊 明亮奏言查賊匪由歐家店向

柘木受陽奔竄後有倭什布帶兵緊躡其勢必

由房縣屬之上龕竄出北可竄房保西可走二

竹 督催官兵星夜由保康房縣兼程前進二

十日馳抵獅子巖探得賊匪從園土坪白衣菴

竄近上龕 躡得捷徑由羊叉河至上龕計程

聖著龍鳳編卷三

一

一百二十里路徑險窄官兵魚貫而入二十一

日三鼓至白玉坪據長探行營外委黃興隆報

稱各股賊匪俱已竄至上龕中龕一帶屯紮 臣

當令官兵稍歇五鼓發兵由土洞子沙包抄道

進剿及抵上龕遙望各股賊匪四散焚掠察看

該處山勢層疊林箐深密各山腿皆有窄路莫

辨賊匪大隊所在當派總兵孫清元等由左手

四溝進擊派富翰江鼎雙福等帶領馬隊從中抄截復派副將樊雄楚等從左手山梁進發派副將王懋賞等緊隨馬隊前進臣督率遊擊承祿等從中策應計各股賊匪分投抵禦情形極為兇悍孫清元督兵下壓賊匪始猶抵死抗拒被官兵鎗箭齊發立斃賊匪百餘人賊即分為三股逃奔孫清元追擊大隊富翰江鼎雙福分路馳射殺死賊匪百餘名藍翎部委驍騎校花連布射斃戴白頂藍翎賊目一名賊匪退入深林內吶喊搖旗散而復聚撲壓三次千總劉洪昇把總吳全仰攻陣亡千總王大魁額外外委海世魁均受矛傷臣細窺兩旁密林內層層埋伏飛飭樊雄楚王懋賞分為兩翼遠用劈山礮轟擊近施進步連環下山衝壓官兵之賊被富

聖祖聖孫編卷三

二

翰江鼎雙福左衝右擊殺死多人賊始潰敗我兵乘勢進擊復殺賊匪二百餘名擒獲蕭維宗等二十七名奪獲鎗矛旗幟騾馬無數該匪翻山狂竄而各山梁林箐內望哨賊匪或一二百名或五六百名不等往來牽綴遂派首領陳九思千總和祥等帶領二竹暨陝西鄉勇搜剿殺賊一百餘名生擒蔣起貴等十八名各路官兵正在乘勝追趕間忽青峯溝突出賊匪千餘人抄截官兵臣等併力追殺富翰江鼎等馳射深入立斃賊匪數十人將賊眾逼入山峽內兩旁林內又有伏賊肆出富翰江鼎雙福等腹背受敵齊力衝出江鼎箭全射完馬受鎗傷遂身受矛傷數處陣亡甲兵納依濟保上前救護身受矛傷二處孫清元催兵截殺遊擊孫應萃首先

聖祖聖孫編卷三

三

衝入賊隊右膊受傷猶搶賊矛手心帶矛傷一

處外委江化春力敵陣亡千總向開武額外紅

得福俱受石矛傷不重臣督催官兵飛馳接應

殲斃數十賊餘眾均折回青峯溝竄走時已酉

正暫令紮住隨提訊獲犯夏應魁等僉供川匪

竄楚共有四股係黃白藍線四號白號元帥是

樊人傑還有大頭目張三掌櫃有一千餘人線

製者龍鳳編卷三

四

字號只有幾百人大頭目陳天才已死今歸入

樊人傑股內黃號元帥是王四猫子還有大掌

櫃王國賢有二千餘人藍號從前原是再添元

管領因在四川被官兵打死現在係伊兄弟內

添士即冉添亨是冉文儂姪兒在藍號管事亦

有一千六七百人白藍二號有楊孟袁三總兵

沈蕭葛三先鋒現在黃白藍線四號若遇官兵

就合攏打仗若不遇官兵即分開各自覓食今

日因官兵在後追趕得緊元帥等商量留數百

人埋伏在老林內抵敵官兵帶大隊先來想奔

房縣官渡將官兵誘入山內還繞到均州穀城

南漳擄些牲口糧食再回四川不想又遇大兵

在前攔截殺傷許多人馬如今大眾逃散亦不

知去向等語當將夏應魁等三名即行剝割盛

製者龍鳳編卷三

五

正相等二十四名本川中積賊概予誅其餘

未世舉江陳氏等二十八名口均係楚省被擄

人民即散給盤費路票逐一省釋臣查賊供後

面尚留埋伏數百匪眾抵當倭什布一路官兵

恐倭什布直前追擊墮其詭計因飛派都司毛

秉剛等帶領兵勇連夜搜剿前去如遇伏賊正

可與倭什布一路官兵夾擊肅清後路詎日間

敗散之賊在山頭林內見有官兵向後路搜剿
該匪膽敢於三更時結隊直撲營盤欲使官兵
兼顧擊應經放哨各兵瞭見稟報臣飛飭兵丁
迅速整備俟賊匪臨近鎗礮兼發賊人一夜偷
撲三次及至黎明察看賊屍甚多山溝林內跌
巖滾死者不計其數臣查各股賊匪雖屬鴟張
經此次痛加剿殺已挫其鋒頃接房縣稟報長
齡已帶領馬步官兵行抵南漳臣飛劄囑其迎
探賊蹤前進可期合攻集事倭什布一路官兵
相離不遠即日到來臣等會商妥協或分或合
不與以暇兵威益壯剿辦自易得手此次打仗
兵勇間有傷亡容俟查明各部辦理奏入
上命軍機大臣傳諭明亮曰此次黃白藍線四號賊
匪竄至上龕一帶屯紮經明亮率領弁兵分路進

聖朝聖德編卷三

六

擊賊匪分股翻山逃竄復併力追殺先後斃賊五
百餘名甚為認真出力所辦可嘉本年九月節交
立冬京師即得雪四五寸極為優渥本月朔日時
享
太廟朕親詣行禮旋於坤寧宮祀
神天色晴明氣候暄暖此皆仰荷
天
祖恩眷適遞到明亮捷報尤深叩感著頒發祀
神饌一分交明亮與帶兵將領等一體分嘗俾得共邀
天
祖福佑迅速藏功又賞給奶皮一匣令明亮分賞出力
將弁以示眷念至此次帶兵殺賊各員花連布射
斃戴白頂藍翎賊目一名甚為奮勇著以應酬之
缺即用其深入賊隊馳射截殺之孫清元富翰雙

聖朝聖德編卷三

七

福孫應奉及甲兵納依濟保等著明亮查明分別
 保奏候朕加恩其陣亡之江鼎年來帶兵打仗最
 為出力今馳射賊匪因遇伏賊衝出箭已射完受
 傷身死甚為可惜著交部照副都統例賜卹千總
 劉洪昇把總吳全外委江化春殺賊陣亡俱著咨
 部賜卹黃白藍線四號賊匪經此次官兵痛剿勢
 已潰敗昨據姜晟奏該匪等已由房縣西南一路
 竄回川境前屢降諭旨如楚匪折竄川省明亮必
 當帶兵入川緊蹙擊剿今此四股賊匪既仍由原
 路竄回明亮自應遵照前旨赴川剿辦倘明亮以
 伊係湖北總兵將賊匪逼剿出境後即置不顧則
 辦理大錯料明亮受

多年教育深恩亦不忍出此必應奮力所有此四
 股賊匪即交明亮專剿若能於川楚交界處所速

行剿淨即屬明亮之功倘賊匪已入川境明亮必
 當跟蹤奮擊將各股匪眾悉數殲除不得專以擒
 獲賊首樊人傑等即為完事總須剿辦一股即殲
 淨一股俾餘匪不致散而復聚庶可尅期蒞功明
 亮一俟此四股賊匪剿淨即在川幫同德楞泰剿
 辦川省各股竄匪務期年內一律辦竣迅奏膚功

初二日辛亥德楞泰勒保奏言臣等探得劉朝選

湯思蛟張金連杜應杰等竄過後河分作兩股
 劉張二逆走渡口巖湯杜二逆走井溪壩分路
 奔竄又據探報七十五所剿趙麻花一股因官
 兵在鎮龍關一帶阻水該匪即乘間東奔已過
 關口坪關入雲開境內張子聰李顯必等折竄
 太平開縣連界之濛濛溪而大寧老林內尚有

零星餘孽在彼出沒游奕均須併力兜剿肅清

東路臣等於初四日自清花溪分兵臣德楞泰
取道白沙河至井溪壩追剿湯村二逆臣勒保
取道舊縣壩至渡口巖追剿劉張二逆並知會
七十五即由太平邊界緊貼西北一面而來臣
德楞泰於初七日至井溪壩知湯思蛟等已由
榨井壩竄赴東開交界之栢木園當即連夜督
兵冒雨前進初八日二更至瓦屋坪距栢木園
祇二十里賊因雨大未動當即探明道路派令
副將託雲泰蒲尙佐等為左路由後山觀音巖
埋伏派令賽冲阿溫春色爾滾等為右路由西
面圍寨子進發臣德楞泰督率阿穆勒塔馬瑜
等為中路由子母壩進發天甫黎明臣與賽冲
阿兩路官兵同到賊在山梁亦分兩股悉力抵
禦我兵不避鎗石奮勇競上賊見官兵勢猛盡

欽定剿平三省邪匪方略

正編卷二〇七

欽定剿平三省邪匪方略 正編卷二〇七

棄輜重牛馬由後山滾巖越澗而逃官兵乘勢
掩殺殲斃偽總兵胡之魁並賊眾一百三十餘
名生擒李芳陳趙氏等八十三名口滾巖跌斃
者五十六人餘匪四散奔潰復經託雲泰等一
路官兵分投掩捕殺斃四十餘名生擒賊目湯
思川係湯思蛟之弟並謝貴等三十三名餘匪
由向家溝翻山奔逸十二日追至長店房適七
十五亦由溫湯井一路前來正遇賊探十餘人
到彼立時追捕擒獲探馬頭亢正剛訊據供稱
湯思蛟等現剩二百餘人在燈草壩山溝潛匿
隨留七十五在彼堵截臣德楞泰於十三日即
帶兵馳往該處詎賊已聞信由高橋一路逃奔
當派賽冲阿等帶領馬隊追躡越過五重大山
趕至紫水壩又斃賊五十餘名生擒蕭得信等

欽定剿平三省邪匪方略

正編卷二〇七

欽定剿平三省邪匪方略 正編卷二〇七

三十餘名尙有一百餘人向大梁深林竄逸至

臣勒保一路於初八日至渡口巖據逃出難民

吳世郎供稱該匪等連日亡命狂奔劉朝選與

張金蓮相商分作兩路行走約在蒲家壩會齊

探聽官兵若俱向雲陽一路追去該匪等仍欲

折回太平臣勒保當派總兵永寧叅將田朝貴

等帶兵覓路抄截臣即督同薛大烈侍衛花品

聖朝勦擒逆裔

主

塔什拉等緊蹙追趕十一日申刻至蒲家壩賊

已知有追兵正在踞渡前河即經我兵趕上殺

斃八十餘名生擒瞿金玉等男婦一百十三名

口淹斃數十人我兵亦即連夜淌渡追躡被急

流衝失兵勇八名十三日追至楊子嶺正值永

寧等由馬家坡一路抄出遇賊迎擊臣勒保即

督兵兩面夾攻匪衆四散奔逸官兵分投追殺

又斃賊一百餘人生擒偽先鋒陳元旗首黃之

華等五十六名餘匪向路陽三壩竄遁維時臣

勒保因聞臣德楞泰在紫水壩一帶相距甚近

當令永寧等追躡竄匪前進臣勒保即至紫水

壩會合適據探報張子聰等尙在蒙濛溪老林

口屯紮而徐添德一股業從楚省竄至平利有

折回四川之勢趙麻花已從大寧老林勾合青

聖朝勦擒逆裔

主

號夥匪王姓由香坪桂壩一路轉回查現剿湯

劉張杜等四股所剩不過二三百人即商令七

十五取道明通井等處顧住太平西北一面以

防陝匪竄逸派令永寧託雲泰各帶兵勇二千

餘名分投兜截搜捕臣等即督兵由江口一帶

迎剿趙麻花等股之賊十五日行抵蘆花嶺探

知匪衆現屯楊柳坪王擬分兵進剿詎十六日

兩日大雨不止各處溪水驟發不能即過江口
當即多紮竹筏趕搭浮橋於十八日連夜冒雨
而渡直至十九日午刻渡竣探報賊匪約有八
九百人正於是日由寒池壩向大水田一路竄
來臣德楞泰即督同賽冲阿温春馬瑜等帶領
馬步官兵由溝內迎擊臣勒保督同阿穆勒塔
色爾滾薛大烈由右手山梁下壓該匪等正在
溝內行走不防迎頭遇見兩路官兵奮勇衝殺
斃賊一百餘名生擒甘賢書等七十五名口賊
即奔上左手馬鞍山倚險拒敵施放鎗石連壓
我兵三次我兵鼓勇直上攻撲愈緊匪眾旋即
潰奔追過馬鞍山頂我兵已得地勢奮勇下壓
殲獲賊二百餘名追至石虎嶺時已昏暮查該
處週圍三四里俱係箐林賊即奔入林內藏匿

聖朝實錄卷三

古

黑夜難以搜捕臣等恐其乘夜鬼脫即將兵勇
四面擊卡圍圍飭令各將備毋任一名逸出是
夜賊於大壩口衝撲三次均經侍衛達勒精阿
慶昌副將蒲尙佐參將達自祥等帶兵擊退追
至天明臣等即督兵進林搜剿賊見四路有兵
竟捨命衝突放鎗擲石兵勇間有受傷我兵四
圍並進箭斃大頭目李思印林士純鎗斃偽總
兵何崇信有賞戴藍翎之四川步兵何有富見
有一人身穿紅馬褂率領七八人向東奔逸知
係頭目何有富即帶兵勇二十餘人盡力追捕
至溝底追及連斃兩矛倒地割取首級呈驗所
有潛匿之賊均經各官兵斬獲淨盡亦有在樹
林縊死者並無一名漏網統計點驗賊屍二百
二十八軀生擒探馬頭王添爵大旗首張杭並

聖朝實錄卷三

圭

趙麻花之妻張氏等男婦大小二百五十一名
 口當將割獻首級逐一飭令驗認僉稱所殺穿
 紅馬褂之賊實係趙麻花即趙易應而其妻張
 氏一見即痛哭不止據供趙麻花係達州人乃
 徐添德之徒與汪瀛同夥自汪瀛在川西剿散
 被擒趙麻花即稱偽元帥出川西竄回總在川
 東一帶奔竄嗣經七十五在東鄉地方剿敗該
 逆即率眾由太平遁入大寧老林近在湖北邊
 界遇見青號賊目王珊帶有三四百人逃回與
 該逆一同折竄因聞徐添德將回四川欲赴太
 平老林接會連日大雨在寒池壩紮住三日趙
 麻花率其夥匪八百餘人先走令王珊斷後不
 期至大水田猝遇官兵盡被擒殺王珊在後未
 來不知逃往何處等語_臣等訊供後即將賊目

《聖朝實錄卷三》

六

王添爵張杭等凌遲處死趙麻花首級解交達
 州臬示趙張氏例應緣坐亦解達州監禁彙辦
 其從賊日久之符德元等二百五十四名均即
 正法被擄未久之男婦陳田硯李劉氏等一百
 三名口酌給銀米發交雲陽縣分別遞解回籍
 搶獲騾馬二百四十餘頭匹與衣物器械等件
 均賞出力兵勇_臣等伏查趙麻花一股亦曾竄
 擾川西罪大惡極今幸仰仗
 天威全行撲滅人心靡不稱快至刻下湯思蛟等四
 逆雖未殲獲所剩實祇二三百人現有永寧等
 兩路官兵前往追截自不致日久稽誅惟王珊
 等三四百人既在川楚邊界竄回又有欲赴太
 平接取徐添德四川之說亟須及早剿滅以免
 蔓延_臣等現已分兵二路先將此股兜剿完竣

《聖朝實錄卷三》

七

腹地肅清即可就近併力相機探剿張子聰等
並川陝邊界之賊以冀剋期掃蕩奏入

上命軍機大臣傳諭德楞泰勒保曰此次德楞泰勒
保分投剿辦劉朝選湯思蛟等股賊匪多有斬獲
所剩不過二三百人令總兵永寧副將託雲泰各
帶兵勇兜截搜剿德楞泰勒保復會合迎剿趙麻
花等將該逆截斃並殲淨此股餘匪實爲奮勇可

欽定剿平三省邪匪方略

正編卷二〇七

嘉德楞泰勒保俱著先行交部議敘其賞戴藍翎
之四川步兵何有富見有穿紅賊目奔逸卽盡力
追上連戮兩矛倒地割取首級呈驗係首逆趙麻
花尤爲出力卽著以千總拔補其餘打仗出力各
員仍著德楞泰勒保奏明候朕再降恩旨但須秉
公查奏俾軍營賞罰嚴明用昭激勸現在湯劉張
杜等四股賊匪祇有二三百人德楞泰勒保卽當

嚴飭永寧等上緊搜捕淨盡勿令他竄至摺內所

稱王珊等三四百人欲赴太平接會徐添德自應
及早剿除以免延蔓德楞泰勒保已分兵三路務
須將此股兜剿完竣肅清川省腹地並合力剿辦
張子聰等及川陝邊界高馬戴龍賊匪再前據姜
晟奏到楚省藍黃白線四號賊匪俱將折回川境
昨據明亮奏在房縣地方得有勝仗本日又據倭

欽定剿平三省邪匪方略

正編卷二〇七

竹布奏將賊匪殲獲多名逼向西竄賊匪被剿緊
急自必仍由原路折回川東已令明亮跟蹤追剿
此時德楞泰勒保在雲陽一帶截擊王珊等一股
正係藍黃白線四股賊匪折川來路德楞泰勒保
正可與明亮兩面夾擊一鼓殲擒轉不必將賊匪
截回楚境惟當督率將此四股竄匪在川境剋期
游盡再徐添德一股已竄赴安康平利一帶經慶

清溫承惠截剿恐其竄赴大寧今摺內又稱王珣等欲赴太平接取徐添德可見該首逆亦有入川之勢德楞泰勒保並當派委得力鎮將酌帶兵勇前往迎截各路賊匪俱漸次逼入川境雖川陝楚地方均關緊要但賊匪竄至陝楚必致散漫不如聚集川境殲除較易德楞泰勒保不可不知此意總之竄川之賊無論何股須有官兵剿辦不可任

聖朝聖鑒編卷三

三

其遊奕又致裹脅多人務於年內將各處賊匪悉數殄平共膺懋賞

同日倭什布奏言竊督兵緊躡前進賊匪由

南漳保康西南邊界竄及房縣南山栢木坪白

衣菴一帶該匪狡詐異常每日大夥賊眾直前

狂竄後留三四百人於深林或窄狹山徑處所

埋伏抵拒臣查探路徑欲抄赴賊前兜截不特

道路迂遠且恐一經截剿該匪折竄深入房保腹地官兵轉落其後不若儘力追擊每過林密山險之處加意留心遇有伏賊搜剿前進以清後路因選派奮勇步兵數百名在前繼以馬隊勁旅探蹤進發十七日於保康之馬橋口二十日於房縣之雙峯壩遇賊伏於山溝俱經官兵先期探明從山頂覓道下壓鎗箭並發斃賊三

聖朝聖鑒編卷三

三

四十名五六十名不等兩次搜擒活賊二十七名並連日拏獲假扮隨營人夫及冒充難民之任國選等十九名概與駢誅二十二日師次袁杜坪探知該匪大隊竄往上龕官兵須取道荷花朶一帶該處兩山聳立多係老林更恐賊匪據險設伏嚴飭官兵小心戒備二十三日黎明整隊而進辰刻行至荷花朶前隊官兵甫經轉

過山灣賊匪從兩山樹林衝出約有三四百人

幸官兵早經防備迎前施放連環擊斃賊匪數

名餘眾猶捨命撲壓馬隊勁旅繼以箭射斃賊

二三十名賊始敗走官兵追擊至七里壩適明

亮聞有伏賊派來策應之都司毛秉剛等帶兵

趕到迎住截殺前後夾剿賊匪惶急仍竄入兩

旁老林步隊兵丁亦即趕入林內分投殲戮總

纂著邪匪彙編卷三

三

共斃賊一百六七十名餘賊穿出老林翻山向

西南疾竄官兵追剿二十餘里生擒傅益勝等

三十四名俱即正法竄逸之賊約百餘名因四

散亂竄當派鄉勇分投搜捕臣詢問毛秉剛等

知明亮已率兵馳抵上龕將賊人前隊擊剿得

勝臣即於是日酉刻趕至上龕與明亮會合現

在賊匪均從青峯溝一路西竄俟將進剿機宜

與明亮合商妥協另行具奏奏入

上命軍機大臣傳諭倭什布曰此次前竄賊隊經明

亮迎頭截擊大加殲戮其留後伏賊又經倭什布

與明亮派到兵勇併力夾攻多有斬獲所辦俱好

現在倭什布已與明亮會合而四股賊匪亦均從

青峯溝一路西竄自當乘賊匪聚集一處之時合

力奮擊如果能在川楚交界地方悉數殲除不留

纂著邪匪彙編卷三

三

餘孽即屬明亮倭什布之功朕必優加懋賞倘賊

匪被剿緊急竄入川境明亮自應遵照節降諭旨

帶兵緊躡本日已降旨令德楞額保迎截與伊

亮成夾擊之勢倭什布孫清元不必越境邀功仍

當酌留兵勇在本境督率嚴防並與姜晟於二竹

房縣巴東等處一體堵禦俟功竣後防堵之員與

帶兵之人當同邀恩賞况又留德昌及粵兵千餘

名足資分布惟在汝等調遣得當方能以堵為剿
收功迅速若竄回川省之賊經明亮追往抄截仍
復折回楚境或陝省之賊由二竹一帶闖入則姜
晟倭什布孫清元派出防守之員均當從重治罪
凜之勉之

初四日癸丑長麟奏言臣前追剿伍金柱餘匪擒

殺多名該匪分爲兩股奔竄前股竄過棧道後

聖朝聖鑒編卷三

三

股已逼向南奔嗣據探報後股伍懷志賊匪自

楊家店順河逃遁後已於十六日晚奔至磨刀

石灣屯聚穆克登布等於十七日五鼓帶兵趕

往剿捕是夜雨雪交加泥淖沒脛穆克登布鼓

勵兵勇迅速前進奔馳三十餘里行抵磨刀石

灣天甫黎明賊匪正在起竄一見官兵即紛紛

逃遁兵勇直前撲殺副將楊芳首先衝入賊隊

截斃賊匪十餘名賊匪見勢緊急回身抗拒楊

芳正在奮力追殺猝不意防左膝受矛傷一處

落馬復跌傷左臂兵勇一齊趕緊救起幸傷不

甚重兵勇仍前追殺該匪情急翻上元壇山大

梁滾石抗拒此時雨雪愈大山徑陡滑穆克登

布督率兵勇冒石上攻屢次力撲未能得手當

令遊擊桑漢帶兵勇數百由左手亂石溝穿繞

聖朝聖鑒編卷三

三

密林撲上山梁賊未及防登時奔潰官兵一齊

奮力壓下斃賊七八十名生擒三十四名均係

矛手概行正法餘匪即由化坪老林向南天門

遁走時天色已黑難以窮追暫行紮住當經隨

探賊蹤又有竄出後川折向甘省兩當之勢臣

正在棧道一帶攔截賊匪東竄之路因接此信

即連夜趕赴兩當縣屬之楊家店堵截以防賊

匪折竄甘境是夜賊匪果由南天門後川腦西溝峽火地菴一帶奔向楊家店臣卽於五鼓督兵迎往截殺詎該匪聞信復於黎明折向滾子坪占壩一帶潛遁沿途搜獲賊匪十三人適穆克登布等翻山趕來又搜獲賊匪十一名前後獲賊均係矛手並據供稱仍懷志於十七日打仗亦帶箭傷令人攙扶行走等語當卽概行正刑

法查該匪竄走占壩一路可由兩河口直通畧陽亦可由五郎坪奔赴沔縣是賊勢已經逼向南奔直趨沔畧現在阿哈保桑吉斯塔爾穆克登布緊跟追剿已可無慮折回甘境臣卽擬帶兵由城固洋縣趕入南山督同汪啟德忠協剿前股曾芝秀賊匪適接德忠來稟十五日午後探聞曾芝秀股匪由銅坡嶺向夾山嶺溝奔竄

德忠卽帶兵趕往初更時直抵該處正遇賊匪竄出溝口該匪遙見官兵卽紛紛奔上山梁官兵奮力仰攻鎗礮齊發擊倒賊匪十數人生擒三名餘匪潛入深林躲避官兵四處搜捕因天陰月暗不見賊蹤候至天明探知賊匪已向獅子嶺奔竄德忠卽帶兵由桑園壩平定關一帶抄截將過桑園壩適遇大雨官兵衣履濕透仍連夜冒雨前進十七日四鼓趕至大牛尾河賊匪得信分爲六股奔上山梁官兵亦卽分投搶上山梁盡力追殺鎗斃賊匪數十名該匪連夜由獅子林太白河竄赴盤屋縣屬之二郎壩一帶向北奔逃德忠現已緊追前進汪啟一路由藤牌溝折向梨園追剿沿途亦有搜擒各等語查太白河可通斜峪關二郎壩可通辛峪口現

在北面沿山一帶並無防兵萬一該匪乘虛竄

出峪口擾及平原致令殘敗餘匪得資擄掠更

屬不成事體且賊蹤既向北趨距城洋一帶較

遠臣若仍由南面入山道路轉覺紆迴臣即於

二十日自楊家店起程帶兵疾馳由斜峪關一

帶迅速兼程行走務期抄至賊前與汪啟德忠

等將會芝秀一股賊匪殄除淨盡斷不肯令其

製著刑馬纂編卷三

天

口久牽綴俟將山內餘匪搜捕肅清臣即移兵

趕赴紫陽西鄉一帶與額勒登保籌辦別股賊

匪再甘境業已肅清廣厚所帶之兵自當駐防

甘境臣已飛札該司帶兵駐紮楊家店並於唐

藏太渠等處安設卡寨以防甘省門戶奏入

上命軍機大臣傳諭長麟曰據奏穆克登布追剿伍

懷志一股長麟恐其折向甘省即帶兵趕赴兩當

要截該匪竄走占壩一路南奔直趨沔畧現在既

有阿哈保桑吉斯塔爾穆克登布緊躡追剿且經

畧額勒登保駐紮西鄉亦可就近督剿是伍懷志

一股無慮其折回甘境惟會芝秀一股係伍金柱

餘匪在甘肅境內奔竄時本交長麟在彼督剿乃

長麟未能剿盡以致該匪翻越白家店山梁由德

忠防守汛地逸出竄入南山老林旋經長麟派令

製著刑馬纂編卷三

天

汪啟前往協剿今據奏會芝秀復由獅子嶺太白

河竄赴蓋屋縣屬之二郎壩一帶長麟德忠汪啟

均有應得之咎而德忠之咎尤甚且據奏該處可

通斜峪關辛峪口北面沿山並無防兵萬一賊匪

乘虛竄出即係平原此皆係長麟不能預為布置

咎將誰諉伊現由斜峪關一帶迅速兼程抄赴賊

前迎擊若能與德忠汪啟奮力攔截即在南山附

近地方將此股賊匪殲除淨盡則功過尙足相抵
 或賊匪業經竄出峪口闖入平原地方長麟等尤
 當上緊攔截斷不可令其北竄以致未經被賊之
 區遭其蹂躪務當不遺餘力迅速剿盡若再有蔓
 延必將長麟德忠汪啟與前罪一併懲治決不稍
 貸長麟俟此股賊匪一經辦竣卽當移兵赴西鄉
 紫陽一帶與額勒登保籌辦高二馬五等股賊匪
 俾得於今冬一律蕪事至副將楊芳追剿伍懷志
 一股首先衝入賊隊戮斃賊匪十餘名賊匪被追
 緊急回身抗拒楊芳猝不及防致受矛傷落馬復
 跌傷左臂現在受傷處所會否平復該副將打仗
 甚爲奮勇如未得有花翎卽著賞戴若已有花翎
 未得巴圖魯名號著卽奏請賞給倘該副將已有
 花翎及巴圖魯名號亦著該督查明覆奏俟奏到

另降恩旨將楊芳交部議敘以示獎勵此時甘肅
 雖無賊匪而邊界仍當一律嚴防長麟已札令廣
 厚帶兵駐劄楊家店並於唐藏太渠等處安設卡
 寨所辦尙是長麟自應隨時飭知廣厚嚴密守禦
 不得稍有疎懈至甘省業已寧謐長麟原帶之兵
 俱赴陝省辦賊所有甘省餘剩餉項著卽解交陸
 有仁歸入陝省軍需備用

欽定剿平三省邪匪方略正編卷二百八 庚申年

十月初五日 甲寅 額勒登保奏言竊 臣 前因甘省

之賊未完不能即撤棧道防兵又慮在川之賊

折回寧羌南鄭故在西鄉之明陽關一帶控扼

相機辦理昨於十九日據差弁探報有一股賊

匪自川省之簡池壩過巴山嶺一路竄入西鄉

罐子山距 臣 駐營之地二百餘里 臣 是夜四鼓

擧著聖鑒編卷三頁

發兵轉由堰口二十日晚間趕過柳樹店連夜

偵探賊匪有由罐子山出私渡河之信當令官

兵飽餐即帶同慶成札克塔爾等整隊啟行至

私渡河口天甫黎明該匪等在該處空房內分

散歇息不料官兵趕到經札克塔爾慶成分路

圍截該匪等拋擲器械慌忙逃奔我軍於上下

溝坎追殺叠斃賊匪二百餘人餘匪四竄尚有

三四百人攢聚翻山行走慶成等又帶領馬步

兵勇趕上於樹林中殺斃一百餘人該匪全行

逃散分兵四路追捕二十二十二兩日共擊

獲賊匪五百二十五名口內訊出羅大為蔣三

福段從五土夢才大小頭目四人僉供此股賊

匪係張子聰股內分出張子聰尚在川界因擄

食不足派令羅大為楊允貴帶領小頭目男婦

擧著聖鑒編卷三頁

共一千餘人向西鄉一路探聽官兵我等聽說

經畧統兵已往紫陽料得西鄉無兵所以前來

等語當將該犯凌遲處死此外二百八十二名

訊係從賊日久均即正法其餘附近被脅之男

婦大小二百四十三名口概行給票釋放奪獲

大小旗四十四面鎗斃刀矛共一百八十餘件

據該犯所供約計尚有二三百人未獲然俱散

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

遁老林已無蹤跡臣另派兵勇搜拏並令寨上團勇等一體緝以期淨盡旋接長麟來信知伍逆餘匪分爲兩股前股曾芝秀帶領矛手四百餘名及婦女老幼四百餘人已繞入南山之二郎壩華陽等處奔竄其後股伍懷志所領餘匪現在穆克登布等追剿已至華坪與兩當沔縣接壤並稱此次曾芝秀股匪係由總兵德忠所管白石舖汛地逸出棧東等因刻下德忠緊跟追捕汪啟又經帶兵往剿並續接長麟知會亦由大峪口帶兵前去當可無虞散漫但不及早撲滅官兵多爲牽綴臣隨派慶成於軍營抽撥馬步兵勇二千由城洋捷徑抄入趕擊並以該一帶老林過多官兵艱於搜捕又令候補通判雒昂帶原領之鄉勇前往協剿臣復嚴飭穆

聖朝聖編卷三頁

三

克登布等將伍懷志一股趕緊剿殺並圍觀祥等所剿零星賊匪亦在沔縣之北黑河一帶或與伍懷志餘孽合夥又札知穆克登布等如卽時併力剿淨固屬甚善否則逼入沔縣南鄭以便臣派兵協力夾擊至臣近因賊匪分路四竄所有官兵節經分派各路剿辦臣與札克塔爾現帶官兵祇一千數百名暫劄城固之二郎壩遙爲聲勢以扼川匪折竄南鄭漢南等處至楊遇春與恒瑞前由西鄉進擊該處賊匪一聞兵至卽遁入紫陽界內楊遇春等帶兵趕往現同額勒亨額會合已從瓦房店金山梁緊蹙而前該處係馬五張世龍冉學勝張允壽各股竄匪分合無定人數較多溫承惠現在平利一帶堵截龍紹周股匪東竄之路慶溥在磚坪一帶攔

聖朝聖編卷三頁

四

剿並據深報徐添德股匪尙在川陝交界似有

與馬五等合夥之勢目下通計全局楚中白巴

東竄去之賊聞在房縣一帶此時明亮倭什布

長齡俱經在彼剿辦且新到之馬隊亦必得力

况該處三面濱臨大江似可無虞曾芝秀竄匪

若入五郎一帶臣已派慶成前去又有長麟汪

啟德忠帶領多兵四面兜擊當可卽了此時江

製香齋彙編卷頁

五

之北岸水勢漸落固宜緊防而各股匪或又折

回南鄭沔縣輾轉追逐更不成事應俟穆克登

布觀祥等將所剿之賊截淨帶兵前來臣於南

鄭一帶酌量分兵固守卽深入紫陽安康督率

趕剿緊截東竄楚境之路俾免蔓延再查德忠

本係派在棧道堵賊之人乃伍逆餘匪曾芝秀

不及千人竟敢由該鎮留防處所竄過卽或德

忠自知獲罪已重認真出力剿完此股賊匪亦

不能抵其疎防之咎應請

旨將巴里坤總兵德忠革職以昭炯戒俾各該將領

益知儆懼又西鄉紫陽等處賊夥前來侵擾恒

瑞綸布春帶兵剿擊未能全行殲滅臣恐本隊

兵力單微派

乾清門二等侍衛巴圖魯吹扎布頭等侍衛巴圖

製香齋彙編卷頁

六

魯定色鼐帶領黑龍江馬兵一百名隨後償行

協力擊剿於本月初九日自木果園起程約四

五日內可到乃吹扎布等不遵臣指示之路由

石泉縣渡江自江北漢陰紫陽等縣復渡江而

南遲十餘日始到恒瑞綸布春軍營似此緊急

之時率意遲延貽誤軍機理應從重治罪但吹

扎布定色鼐俱出兵一二次曾經被傷著有勞

續請

旨將伊二人革去巴圖魯名號降為藍翎侍衛仍留

軍營効力贖罪嗣後若果超眾出力再行據實

奏

聞鼓勵奏入

上命軍機大臣傳諭額勒登保曰據奏川匪張子聰

因聞官兵前赴紫陽令賊月羅大為等分出一股

製書館彙編卷三頁

七

向西鄉竄擾額勒登保偵探得信即帶同將領分

路圍截殺賊三百餘名擊獲賊匪五百餘名賊目

四名餘匪遁入老林另派兵勇搜捕所辦甚好其

竄入南山之伍逆餘匪曾芝秀一股雖為數不及

千人但南山一帶半載以來早經寧靜今又被滋

擾若令竄出平原必至地方復遭蹂躪前據長麟

奏到朕正為此日夜懸厪本欲令額勒登保遴派

大員前往協剿今額勒登保因該處雖有德忠汪

攷跟蹤追躡長麟亦帶兵前往究恐不能及早撲

滅致官兵多為牽綴業派令慶成抽撥馬步兵勇

二千由城洋捷徑抄入趕擊額勒登保仍暫劄城

固之二郎壩遙為聲勢以扼川匪折竄之路所辦

甚是惟當轉飭慶成督率官兵趕緊奮擊將南山

竄匪迅速殲盡並飭穆克登布等將竄往沔縣之

製書館彙編卷三頁

八

伍懷志等股趕緊剿辦其馬五張世龍冉學勝張

允壽龍紹周各竄匪亦令慶溥溫承惠實力堵截

額勒登保俟騰出兵力亦即前赴紫陽安康督剿

至長齡現已帶領吉林黑龍江官兵迎赴紫陽平

利一帶會同慶溥溫承惠等協剿該處竄匪但吉

林黑龍江兵丁皆係生力勁旅正宜及鋒而用長

齡素未經歷行陣若將此項勁兵徒事往來奔涉

恐又漸形疲乏著額勒登保派員迎赴前途將長齡作為領隊大臣聽候額勒登保調派於剿捕更資得力至所奏巴里坤總兵德忠縱令曾芝秀竄過棧道請旨革職一節昨據長麟奏伍金柱餘匪翻越白家店山梁係由德忠防守汛地逸出是德忠疎防之罪為尤重本欲即將該鎮革職因伊現隨長麟在南山附近一帶領兵協剿賊匪是以未

聖祖聖訓卷三頁

九

即降旨著傳諭額勒登保將德忠革職之處暫緩宣示若此旨到時德忠能協同長麟等將曾芝秀一股即行撲滅淨盡則德忠從前之罪止於革職仍可留於軍營効力如尚有別項出力之處額勒登保不妨據實奏明候朕酌奪倘仍前延玩不能速行辦竣則其罪不僅止於革職額勒登保即將該鎮調至軍營傳旨革職審訊按例定擬具奏至

吹扎布等係巴圖魯侍衛遇有派委打仗理應迅速勇往今不遵調度繞道遲延甚屬可惡數年以來軍營大臣等從未奏奏巴圖魯侍衛額勒登保係吉林人能不拘情面秉公奏奏甚屬可嘉吹扎布著退出乾清門與定色彙均革去巴圖魯名號降為藍翎侍衛留於軍營効力贖罪以觀後效

聖祖聖訓卷三頁

十

同日台布奏言竊照陝省用兵以來節年奉發帑銀千數百萬領銀雖屬戎行易錢總由市肆因之銀價日賤錢價日昂而漢南州縣中隔棧道錢文更艱於流通民間所用市平轉比庫平為大每銀一兩僅核錢七百數十文及八百文不等兵丁夫役口食等項在在需錢零星易換市儉不免居奇於兵役大為不便查嘉慶二年興安商州等處會因錢價昂貴於實陝局撥錢

一萬六千串解往應用照搭餉之例每錢一串
作銀一兩於軍需項下提銀歸款經前任藩司
倭什布奏蒙

恩允造冊報部在案現在漢中錢價亟須調劑臣謹

於寶陝局提錢五千串委員解送漢中酌量搭
放以期市價漸就平減兵役均沾利益此後局

鑄錢文得有成數源源接運俟市價稍平再行

停止奏入報

聖朝聖恩編卷三頁

十一

聞

初八日丁巳長齡奏言臣日來深慮賊近兵遠惟

恐堵截稍遲加緊趨行官兵極爲奮往於二十

八日已抵竹谿節據差探回報青號一股已由

紫陽入道河竄近川界高家營龍紹周一股由

孟石嶺化龍山東竄距竹谿縣西南竹葉關西

面河卡隘相近又接明亮倭什布來信黃白二

號一股已由房縣之南山竄入竹山之洪坪似

有入川之勢又據探報自紫陽竄來一股賊匪

已至平利之魏家壩洞河一帶滋擾不知賊首

姓名勢向洵陽白河一帶北竄離白土關六七

十里各等情臣查賊匪雖分股逼近邊卡尙未

竄入楚境沿途悉心訪察楚省之二竹與陝省

之平利安康洵陽白河處處犬牙相錯竹谿之

西南則有石店河西面河竹葉關三處邊卡俱

係賊匪往來熟路竹山之西北則有銅錢關西

垭子吉陽關左季關等處亦屢經闖入若竄進

竹谿尙在邊隅猶可攔截若由洵陽白河竄入

竹山東趨則由鮑家店直至黃龍灘下達均州

襄陽南行則房保南漳興遠均在腹地此路實

聖朝聖恩編卷三頁

十一

關緊要現在明亮倭什布帶領滿漢各兵於房
縣之關東河一帶追剿自東北而向西南竹谿
邊卡可以兼顧臣現由竹谿之西北關垵入陝
省之洵陽董家梁一帶截剿以堵賊竄竹山之
路免致蔓延腹地並一面咨報額勒登保分兵
夾擊以期迅速賊事再欽奉

諭旨令臣查訪明亮有無避賊逗遛之事據實密奏

聖諭編纂卷三頁

三

臣前抵襄陽悉心採訪衆論僉稱明亮帶兵最
久軍務原所熟練惟近來年力稍衰心思遲鈍
尙有希功之念未免迴護已短致有不得人心
之處是以剿辦事宜不能迅速賊事臣此次分
道進剿未能見面聞明亮近日頗知畏懼於追
剿餘匪尙屬認真並無避賊逗遛之事一切剿
辦遲延誠如

聖諭實由不能振作之故荷蒙

皇上格外姑容嚴加教訓稍有天良必當盡力圖報
且經畧額勒登保近在平利臣亦相離不遠又
與倭什布合爲一處兵力不薄諒不敢再有疎
懈之處自取重戾奏入

上命軍機大臣傳諭長齡曰長齡於前月二十八日

奏稱西鄉屯聚各匪有一股竄入紫陽縣境又龍

聖諭編纂卷三頁

西

紹周亦竄入紫陽之東陝省情形重於楚省帶兵
由保康取道二竹前往陝境會同慶鴻溫承惠并
力剿辦已隔十日本日報到朕以爲長齡必係迎
禦紫陽竄匪及龍紹周一股督率勁兵奮力剿殺
具奏打仗得勝情形及加披閱尙在竹谿一帶取
道行走並未遇見一賊接仗一次而摺內尙稱官
兵加緊趨行極爲奮往若果長齡行走迅速豈有

日久總未遇賊打仗之理長齡所帶吉林黑龍江官兵俱係勁旅且有粵省兵一千名足資剿賊之用乃轉欲在洵陽董家梁一帶堵賊竄入竹山之路竟係有心取巧擁兵自護若迅速赴紫陽一帶將龍紹周等股痛加殲戮以剿為堵則賊匪又何能東趨入楚耶長齡在京時於朕前頗形踴躍奮迅乃自抵楚以來不過節次奏報行走路程總未

欽定剿平三省邪匪方略

正編卷二〇八

趕上賊匪打仗似此觀望遲延虛糜兵餉轉瞬即

屆沍寒又得以冰雪凝滑藉詞掩飾賊匪何時始

能辦竣不又為那彥成之續乎至所稱明亮近來

年力就衰心思遲鈍尙有希功之念未免迴護已

短不得人心近日頗知畏懼等語所論尙是明亮

係久經帶兵出力之人今因年力就衰不能振作

經朕屢次嚴飭尙知畏懼長齡正當壯盛之年又

係甫經帶兵寧轉不知畏懼出力乎昨已諭令額

勒登保派員迎赴前途將長齡所帶官兵即行接

管歸入經畧軍營長齡作為領隊大臣聽候額勒

登保調派長齡於未奉此旨之前在途次遇賊得

有勝仗仍當自行具奏如祇係沿途行走毋得再

行發報徒勞驛站若業經歸入額勒登保軍營自

當受經畧節制即派出打仗得勝均當報明經畧

具奏以符體制

初九日

戊午

德楞泰勒保奏言查青號分股賊目

王珊自大寧老林駁同趙麻花一股轉回欲向

太平迎徐添德來川在大水田地方被官兵將

前股趙麻花截殺淨盡王珊即向雲陽折竄經

該縣梁敦懷率勇堵截又復竄往高陽

臣等因

太平一帶現有七十五一路官兵在彼可以截

其竄陝之路而温湯井等處地勢險窄亦有路可通老林當派副將褚大榮帶兵扼住要隘

德楞泰督同賽冲阿等過南溪河由元灘一路

追躡臣勒保督同温春等由江口至脾壇口一

路兜截臣德楞泰於二十三日午後至開縣之

禮復山探知賊於是日早間已由該處起身當

卽連夜督兵追逐至二十四日申刻趕至大茅

坡正值賊匪在彼造飯一見官兵卽紛紛奔潰

我兵奮勇追殺至磨子巖時已昏黑斃賊一百

餘名生擒賊目鍾應昆等九十三名訊據供稱

王珊在濫泥溝身帶箭傷不能行走經官兵連

戮兩矛斃命當卽查驗屍軀割取首級認明屬

實餘匪尙有一二百餘人出郭家坡折竄維時

勒保聞信卽督同温春等於二十五日抄至巫

山坎截擊詎賊匪探有官兵又向八廟橋奔逸

經新寧縣保全寨等處團勇截殺斃賊二十餘

人生擒三名團勇亦有傷亡二十六日巳刻我

兵追至觀音槽臣勒保卽同温春等帶領馬隊

趕上直前衝殺賊衆大潰滾巖跌斃並殺死者

二百二三十名生擒旂首傅有萬等五十七名

內有王珊之師李思槐係徐添德徒弟衆稱爲

四老師父又經天元寨軍功團勇喻永福等搜

獲劉顯壽等八名查此股賊匪本祇有四百餘

人茲連次殺斃二百五六十人生擒一百六十

一名口首逆王珊業經殲斃其師李思槐亦已

被擒首夥剿淨川東實已肅清當將李思槐寸

磔示賊目鍾應昆傳有萬凌遲處死從賊日

久之陳友高等一百五名均卽正法惟被擒未

獲餘匪尙有一二百餘人出郭家坡折竄維時

久之向思得羅李氏等五十四名口酌給銀米
遞籍省釋^臣等原思辦完此股之後川東川北
腹地已無賊匪惟張子聰劉朝選湯思蛟等各
逆在太平大寧老林內潛匿所剩賊匪無多先
派總兵永寧託雲泰等帶兵進山搜捕^臣等亦
當卽赴太平一帶督辦以期川省全數肅清再
剿陝西邊界之賊緣據署通江縣徐廷鈺稟報
有李炳陳朝官夥內賊目朱九齡帶有三四百
人由陝竄至平溪壩經該縣督率壯勇迎擊殺
死並淹斃八九十人正欲過河追剿復有陝西
竄來張添倫張世龍齊國謨等餘黨千餘由金
溪河溝口突出當卽率勇衝殺斃賊一百五六
十人生擒偽總兵魏超賊目王三級李惠等十
三人投出龔序賢等一百五十餘人訊知該匪

欽定剿平三省邪匪方略

正編卷二〇八

欽定剿平三省邪匪方略 正編卷二〇八

等在南鄭黃官嶺被經畧額勒登保一路官兵
打散由羊圈關竄入川境隨後尙有李炳陳朝
官與楊開甲餘黨由灰灘等處竄來賊勢較多
該縣請派兵剿捕並稱此次打仗軍功首領郭
俸殺賊最多左目被賊矛傷壯勇亦間有傷亡
又據署巴州田文煦稟報陝省竄來賊匪四出
滋擾闖入該州所屬伍家河經元山寨團勇堵
禦殺賊二十三名現仍折回通江並據劉清探
報各股竄匪現因通巴境內寨硯堵禦嚴密無
處掠食欲由廣蒼一帶竄越嘉陵江各等情^臣
等伏查自陝竄來各股匪衆被經畧一路官兵
節次痛剿均係敗殘餘孽剿賊大局^臣曾與額
勒登保彼此札商如果將陝甘之賊全數逼入
四川官兵併力圍攻而川省各州縣寨硯自

欽定剿平三省邪匪方略

正編卷二〇八

三三五

年夏間經_臣等遵

旨籌辦堅壁清野鄉團各勇極為奮勇出力剿堵自

易得手今川東腹地已清陝匪甫入川境正可

騰出兵力馳往川北截剿_臣等現即取道營渠

至保寧一帶隨探隨進先行顧住嘉陵江西面

相機剿辦以冀速就殲除至七十五一路官兵

前令其在太平一帶堵剿昨據報稱於太平之

《聖朝實錄卷三頁

三

雙石子地方遇見劉朝選夥內打散餘匪數十

名即行擊斃二十餘名生擒王士友等五名緣

聞通巴又有陝匪各夥竄入亦欲移師往剿第

思川北一路既有_臣等前往剿辦而龍紹周一

股聞經溫承惠由紫陽截回且徐添德又有回

川之說東北面不便空虛_臣等已知會該提督

即由太平至通巴東北一帶偵探賊蹤帶兵截

剿夔巫一帶防堵事宜現派副將褚六榮前往

接管嘉陵江西岸嚴飭總兵許文謨副將趙得

功並專責防堵之道府各員督率文武兵勇實

力嚴防奏入

上命軍機大臣傳諭德楞額奏勒保曰王珊一股匪眾

經德楞額勒保督率將領分路兜截奮勇追殺斃

賊一百餘名生擒九十三名王珊身帶箭傷經官

《聖朝實錄卷三頁

三

兵截斃餘匪向八廟橋一帶奔逸復經勒保帶領

馬隊趕上衝殺斃賊一百二三十名先後生擒六

十八名內有李思槐係王珊之師當即寸磔梟示

並將其餘賊目分別凌遲處死此次連獲大勝仰

荷

天恩益無涯涘叩感之餘實深敬畏王珊股匪本祇四

百餘名業經殲擒淨盡不留餘孽現在川東腹地

實已肅清所辦甚屬可嘉且據稱與額勒登保彼此札商欲將陝省之賊全數逼入四川以便併力圍攻等語覽奏更爲深慰數年來陝甘四川湖北各股竄匪雖叠經官兵痛剿但賊情狡猾奔竄靡常而各省帶兵大員又不免各存意見僅將該省之賊驅逼出境卽爲了事不復顧及隣省其隣省帶兵之員亦復如是賊匪輾轉奔竄日就蔓延最

《聖朝實錄卷三頁

三

爲軍營惡習現在陝省之賊如能逼歸川省剿辦較易此等情形朕所稔知今德楞泰勒保能見及此籌慮大局可謂無分畛域方不愧大臣任事之道德楞泰著賞給白玉帶頭綠玉喜字搬指大小荷包勒保著賞給綠玉喜字搬指大小荷包用示優獎又發去翎管搬指及搬指套各十個一兩重銀牌五百面五錢重銀牌五百面著德楞泰勒保

分賞在事出力將弁兵丁俾咸知感奮現在額勒登保駐兵城固一帶陝省各股賊匪勢俱逼向西南德楞泰勒保統領勝兵取道營渠前往保寧一帶先顧住嘉陵江西面以期與額勒登保等兩面圍攻所辦甚是嘉陵江一帶防守最關緊要現據奏各股竄匪因通巴境內寨洞嚴密無處掠食欲圖竄越若嘉陵江防堵不嚴又致偷渡擾及川西

《聖朝實錄卷三頁

三

完善地方更復成何事體德楞泰等務須加意防範嚴飭許文謨等實力攔截不可稍有疎虞看來川省近日團勇事宜尙屬認真辦理各州縣寨洞頗爲得力可收堅壁清野之效德楞泰勒保若能與額勒登保將陝省竄川之賊卽在川省悉數剿除廓清全境以伸五年來朕之夙願仰慰

皇考在天之靈功大賞崇當同心加勉也至張子聰劉

朝選湯思敏等股俱在太平大寧老林內藏匿已
 派永寧託雲泰前往搜捕德楞泰勒保當轉飭七
 十五就近督剿此等雖係剿敗餘匪為數無多然
 必須殲除淨盡當責成永寧等上緊搜剿勿令竄
 往他處別有裹脅為要署通江令徐廷鈺率勇堵
 禦連次擊斃竄匪實為奮勇可嘉著加恩賞給知
 州銜以應陞之缺陞用其殺賊最多之軍功首領
 郭倅亦屬出力伊如願出仕即加恩以外委拔補
 否印賞給八品頂戴榮身以示鼓勵此時川東地
 方已就肅清而楚省藍黃線等股俱有西竄之勢
 經明亮等在房縣等處截剿緊急難保不又逸出
 楚境竄入川東所有夔巫一帶防堵事宜業經德
 楞泰等派令副將褚大榮前往接辦務須飭令該
 副將在彼率領兵勇認真堵截如楚省竄匪闖入

聖朝聖編卷三頁

三

即當與明亮等兩面夾擊勿令再有竄逸至此時
 川省軍營連獲勝仗而額勒登保等即日將陝境
 之賊上緊逼剿勢必併歸川北一路軍威更為壯
 盛勝兵所到之處賊匪等窮蹙畏懼自必紛紛乞
 降德楞泰勒保當察看光景如果賊匪誠心投出
 自應允准受降但賊情狡詐不可不加意嚴防恐
 該匪等被大兵剿急計無所出相約詐降勾結轉
 為大營肘腋之患此最應隨時留心者德楞泰勒
 保尤當慎之又慎也

聖朝聖編卷三頁

三

十一日 庚申 長齡奏言 臣 於途次接據陝西平利

縣任奎光稟報竄匪高二馬五現由大貴坪蔡
 家河炭河等處東奔已飛稟慶溥溫承惠分兵
 追剿恐其竄入楚省等情 臣 細詢隨營知府周
 季堂據稱該匪既向東奔則由洵陽之銅錢關

大營盤七里關入竹山之北境心得抄往迎截
 方免竄越之虞臣即督率勁旅改由小道並催
 趙兩粵官兵遊行於初二日未刻即抵竹山之
 界嶺探得該匪屯聚洵陽之王家坪一帶臣乘
 其不備分派滿漢官兵為三路令侍衛特依順
 保並吉林黑龍江協領佐領驍騎校等官分帶
 馬隊又派叅將雙福等分帶步兵臣督率各侍
 衛章京等帶領官兵居中策應三路接續馬步
 並進直撲賊之大隊該匪不知官兵突至情形
 慌亂即紛紛各據山梁分投抗拒臣細揣賊勢
 惟有正西之大山賊勢較眾必有首逆在內即
 催令中路馬步官兵及鄉勇等繞道搶上山梁
 賊匪拚命抵敵吉林索倫馬隊鎗箭本好馬又
 得力奮勇衝撲立時殺斃二百餘人北面山梁

聖訓寶笈編卷三頁

七

賊匪見我兵得勢即分兩股抄襲後路臣派叅
 將海麟遊擊拉里等率領步兵遠用大礮近放
 聯環鎗箭並發斃斃七八十名適左右兩路馬
 隊又已抄上山梁直往下壓賊匪情急四散奔
 竄三路馬隊乘勢追殺二十餘里沿途坡溝斃
 賊又有三百餘名生擒一百餘名該處山徑險
 窄紛歧時已昏暮即於該處紮營當將獲犯彭
 大順等審訊據供我等三十五人俱在陝西四
 川住家此股大掌櫃且高二馬五前月在安康
 之銀硃壩被楊提督官兵殺斃即由小路竄入
 平利魏家壩地方探得官兵俱在西南邊界東
 路並無官兵堵截大掌櫃商量楚省年成尚好
 糧食容易即向大貴縣一路奔入洵陽今早起
 到王家坪原想擄些糧食印由銅錢關竄入竹

聖訓寶笈編卷三頁

天

山之界嶺就可活命我等俱拜高馬二掌櫃爲
 帥我與王必貴王四現當衝隊頭目張仁李二
 虎俱係探馬其餘徐大武等都是戰手屢經打
 仗統共有六七千人探聽新來官兵已往竹筴
 平利實不料官兵從此路抄來今日被殺戰手
 及受傷者甚多他們此時逃往何處實不知道
 等語該匪等俱係正賊當卽正法其餘男婦大
 小李正興等八十七名口係陝西被擄良民各
 釋放回籍又探得該匪現向東北陝省洵陽之
 仁河大小金河一帶逃竄查此路直向東南則
 由白河之鮑家店可竄楚省之黃龍灘下達均
 穀臣已飛咨棧什布就近嚴飭地方官實力堵
 禦而黃龍灘一處尤關緊要臣此時若跟蹤追
 剿反在賊後惟有踞探捷徑迎頭堵截兼護楚邊

聖朝實錄卷三頁

三

並接慶津來信已由安康之四溝壩向西北一
 帶兜剿臣現由東北迎截更可夾擊萬不敢予
 賊以暇致有遲悞此次打仗兵勇間有損傷查
 兩另行咨部奏入
 上命軍機大臣傳諭長齡曰高二馬五二逆狡詐異
 常奔越數省屢次戕害提鎮大員較之首逆徐添
 德輾轉逃竄尤爲可恨今長齡探得該匪屯聚洵
 陽之王家坪一帶分派滿漢官兵同時並進直撲
 賊匪大隊奮勇衝殺殲擒賊匪七百餘名吉林黑
 龍江官兵初次遇賊接仗卽獲大勝所辦可嘉之
 至長齡著交部議敘並頒發一兩重銀牌五百面
 五錢重銀牌五百面著分賞打仗出力官兵以示
 獎勵前因長齡素未經歷戎行領帶勁兵恐難得
 力會降旨令額勒登保派員迎赴前途將長齡所

聖朝實錄卷三頁

三

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

帶官兵卽行歸入額勒登保隊內長齡作爲領隊大臣聽候調撥今長齡截剿賊匪打仗得勝軍聲已振此時賊鋒大挫正當乘勢搜捕長齡又未便遽離該處現已降旨諭知額勒登保毋須令長齡帶領勁兵前赴大營所有高二馬五一股賊匪卽責成長齡帶領勝兵協同慶溥溫承惠併力剿辦務將此股逆匪在洵陽地方速行剿淨如能將該

聖祖聖孫萬歲

三

又稽時只總須將此股迅速剿除淨盡若賊已垂敗不可又棄而之他如那彥成前此不將高馬餘孽剿竣貽累至今也

上又命軍機大臣傳諭額勒登保曰前因吉林黑龍江兵丁皆係生力勁旅正當及鋒而用長齡素未經歷行陣降旨諭令額勒登保派員迎赴前途將長齡所帶官兵歸入額勒登保隊內長齡作爲領隊大臣聽候調派本日據長齡奏到途次接平利縣稟報並詢知高二馬五一股賊匪由大貴坪一帶東奔長齡隨改道前往截擊共殲擒賊匪七百餘名高二馬五二逆於賊黨中最爲兇悍屢經戕害官兵損失提鎮大員今長齡能痛加剿殺軍威大振已降旨命長齡會同慶溥溫承惠實力剿辦額勒登保接奉此旨竟可不必派員迎調所有此

聖祖聖孫萬歲

三

項吉林黑龍江兵丁仍著長齡帶領以資剿捕再額勒登保現在剿辦之賊為數無多即日辦竣後亦應帶兵前往督同長齡慶溥溫承惠等相機截擊並著將現在剿辦情形及長麟所辦會芝秀一股目下曾否剿除淨盡一併據實具奏

《聖朝實錄卷一百一十五》

三

欽定剿平三省邪匪方略正編卷二百九 庚申年

十月十二日辛酉額勒登保奏言據楊遇春等呈

報帶兵追截賊匪於九月二十二日黎明至安

康縣屬之麻柳壩見民房外有白旗數桿驛馬

數十匹隨即分兵兜圍屋內之賊待矛四出悉

數繳擒共計五十一人訊之活賊始知俱係賊

探在彼歇息造飯據稱馬五王廷詔冉學勝張

《聖朝實錄卷一百一十五》

一

世龍等股合夥人數眾多在銀硃壩一帶屯紮

徐添德一股又在鐵爐壩相隔約二十餘里楊

遇春與格布舍豐紳喜明等會商將馬步兵勇

分為三路又知會總兵馬玉魁帶領官兵並原

任總兵遊擊長春賁道截斷鐵爐壩之路就近

先向銀硃壩剿殺午間趕至銀硃壩山梁果兒

順溝十餘里內俱係賊匪我兵抄前斷後並從

中下壓該匪始猶鳴鑼號召經巴圖魯侍衛將領等率兵衝入立斃賊匪二百餘名賊隨順溝翻山奔逃隨處兜截緊追二十餘里直至吳家河沿途斃賊約四百餘人先後生擒男婦五百七十餘名口時已傍晚且山勢過大不能再進甫經駐營探報鐵爐壩有分出之賊已遇馬玉魁等接仗楊遇春與格布舍趕撥馬步兵七百餘名策應賊匪折奔趕殺八十餘名將及初更馮玉魁等亦即歸營於獲賊內訊出大頭目郭合左清明李其舉柯如德四名令將首級指認又查出偽副元帥徐二貓大頭目張誠詹如貴首級郭合等僉供此賊賊匪元帥係馬五老掌櫃係王廷詔并有冉學勝張世龍前來合夥所殺之徐二貓即係馬五之副帥我等是大頭目

欽定剿平三省邪匪方略

正編卷二〇九

徐添德昨在深溝與馬五等會見囑令在前行走伊在後抄截官兵所以向在鐵爐壩其餘訊出實在賊匪二百三十三名已同郭合等悉行正法附近被擄之人概行釋放楊遇春一面由安康一帶趕剿馬五王廷詔等賊一面知會恒瑞額勒亨額等探蹤抄擊西竄之賊嗣又據額勒亨額報稱二十四日賊由芭蕉口竄出該副都統率兵趕剿斃賊五十餘人拏獲鄭德平等十七名訊係楊遇春等剿敗之賊已從西遁有奔雙和塘一帶之勢額勒亨額帶兵仍防守原卡並接據恒瑞札稱二十四日晚在雙河溝口紫營有賊一股撲近營盤恒瑞同綸布春等出營迎擊斃賊三十餘名賊即奔竄天晚不能趕拏探得北殺賊匪向全河口而去是夜整兵於

欽定剿平三省邪匪方略

正編卷二〇九

二十五日刻趕抵全河賊之跡淺過河者已有大半恒瑞同綸布春九十等緊跟追擊斃賊一百餘名緊追過河翻越兩重大山又斃賊八十餘名生擒唐國安龔文貴等三十七名訊出探馬頭王貴據供此股賊匪係湖北竄來之徐添德并有馬五營內剿潰之賊在內當俱正法該匪現從星子山逃竄恒瑞帶兵由箭桿山巴山林一帶抄剿又據溫承惠稟稱上月二十日龍紹周股匪由金雞坪一帶翻化龍山東竄該司帶領兵勇由曾家壩白沙河等處攔截該匪由謝家灣竄來守備王英等帶勇趕剿鎗斃賊匪五十餘名賊匪慌亂過河淹斃者甚多餘匪四散二十四日帶勇至文彩溝賊眾竟來迎拒千總衛李連貴率勇持矛衝殺斃賊二名賊匪過

聖朝紀事編卷四

四

眾身受矛傷七處陣亡鄉勇亦有傷亡溫承惠同王英等督勇奮力趕擊賊匪始退追殺十餘里斃賊六七十名該司恐此一帶東南有通竹谿之路現往攔截又據劉之仁稟報二十六日探有伍逆餘黨八九百人由寧陝廳之火地嶺奔入銀杏壩銅錢峽等處該鎮恐賊東竄即於江岸抽調官兵四百七十餘名同候補參將曹德趕赴池河松樹壩迎頭截擊仍飭江岸各卡加意嚴防孰料該匪知後有官兵追擊捨命狂奔該鎮已截其東去之路賊匪全行折回柳溪徑出江岸該鎮翻山由九店壩跟剿二十七日黎明在途次接據探報賊匪於二十七日四更時竄至長尾溝突撲柳溪江岸營卡遊擊李有貴餘礮並發賊匪又轉向後山齊執火炬下壓

聖朝紀事編卷五

五

燃燒卡房李有貴黑暗之中帶兵搶上山梁率
兵放鎗抵禦賊匪乘間搶過江之南岸李有貴
右手帶有矛傷兵勇間有傷亡實因防江之兵
已經抽出一時不能截住迨至該鎮二十八日
趕到並候補通判雒昂率勇到時賊已遠遁該
鎮現仍在江岸嚴堵等情查會芝秀闌入南山
時人數原屬無多恐有滋蔓且慮南山有賊引
線西紫之賊不無覬覦過江是以於長麟督率
汪啟等追剿之外臣又派令慶成率兵二千餘
各由城洋一路前去抄截乃該匪狂奔疾走於
追兵未到之先竟思東竄幸劉之仁於江岸抽
兵攔截賊於黑夜奪路過江守卡兵單未能痛
殺亦屬實情該匪於三十日逃赴王黑壩大石
川向南晝夜竄遁而南山已經肅清官兵庶無

欽定剿平三省邪匪方略 正編卷二〇九 六

牽綴臣已分檄楊邁春等即行乘勝於安康界
內會同慶溥上緊趕擊而溫承惠平利一路所
帶只係鄉勇亦經飭知不在貪擊賊匪而在杜
其竄楚之路又查穆克登布與觀祥等所剿之
伍懷志及零星餘匪已經合夥所剩不過千餘
人先據該鎮等具報在畧陽附近搜剿日內未
接稟報復飛飭上緊分投兜截務於數日內剿
竣斷不許再有延蔓計目下紫陽安康一帶之
賊較重臣必須親往督率剿辦方為有濟是以
臣即帶同札克塔爾自城固之二郎壩起程初
三日已抵西鄉之柳樹店但思南鄭寧羌一帶
防堵不密倘各股賊匪又經被剿折回則勢又
散漫且此時防堵之處非比從前之道路綿亘
臣一面飛行知會長麟定住等即各帶原兵前

欽定剿平三省邪匪方略 正編卷二〇九 七

來酌量安設聞慶成業已過江倘數日內長麟不能趕到慶成前來即將一切堵剿應辦事宜告知慶成以便與長麟會商安設卡隘嚴加堵禦務絕賊匪折竄之路至臣深入紫陽安康等處仰仗

天威能將各匪全行剿淨更為欣幸倘有餘股或致

竄楚或致入川臣臨時惟當權其緩急輕重酌

量辦理總之目下賊勢實形殘敗聚則方為大

八

股散則無非小股而且著名頭目東遁西逃或

在此股或在彼股亦無定向此時各路領兵人

員亦不在急獲頭目惟能人人出力遇賊緊剿

黨與既淨頭目亦難獨存臣躬膺

任使惟當策勵各路大小官員嚴明賞罰俾共圖迅

速肅事再本年二月內總兵多爾濟扎普在三

三

谷河陣亡所有隨同陣亡各員臣謹查明開單奏請

旨賜卹入

上命軍機大臣傳諭額勒登保曰此次額勒登保分

飭楊遇春等剿辦馬五王廷詔冉學勝張世龍合

夥賊匪多有斬獲又恒瑞綸布春等迎擊徐添德

及馬五營內剿潰之賊亦有殲擒其龍紹周一股

九

亦經溫承惠奮力趕擊截住賊匪竄往竹谿之路

合計各路殲擒擒獲賊匪共有一千六百餘名所

辦俱屬認真可嘉著賞給額勒登保黃面貂皮馬

褂一件楊遇春烏雲豹馬褂一件札克塔爾舒倫

馬褂一件慶成天馬馬褂一件並發去一兩重銀

牌五百面五錢重銀牌五百面分賞打仗出力官

兵以示獎勵至所稱伍逆餘黨會芝秀一股竄過

漢江南岸南山已經肅清此實意外之喜南山一帶向爲賊匪逋逃之藪該處山逕險仄林深箐密官兵入山搜捕甚爲費力且恐爲所牽綴今於慶成等未到之先該匪狂奔疾走欲思東竄經劉之仁抽兵攔截賊匪於黑夜奪路過江劉之仁雖不能截住截擒然不令其直前東竄逼過漢南功過足以相抵至遊擊李有貴於曾芝秀突撲柳溪江

剿平匪黨編覽

十

岸營卡時施放鎗礮賊匪轉向後山下壓李有貴於黑暗中帶兵搶上山梁賊匪乘間搶過漢江南岸李有貴實因防江之兵已經抽出一時不能截住該遊擊又帶有矛傷尙非畏縮者可比劉之仁李有貴尙可免其治罪此時該鎮等仍在江岸防堵江水日見淺涸賊匪既可南竄亦可北竄尙南竄之賊復令北竄過江則劉之仁李有貴疎縱之

罪甚大著額勒登保傳知該鎮等令其實力嚴防不得稍有疎虞致干罪戾目下紫陽安康一帶賊匪較多額勒登保帶同札克塔爾取道西鄉前往督辦所見甚是其南鄭寧羌一帶額勒登保已咨會長麟定住等各帶原兵前來酌量設卡並令慶成與長麟會商妥辦調度悉合機宜額勒登保當知會長麟定住慶成於陝省西南一帶分設卡陞

剿平匪黨編覽

十一

嚴密防禦務絕賊匪折竄之路至沿江一帶現屆冬令水落之時尤應加意嚴防勿任賊匪躡淺偷渡北岸又據稱現在賊勢日形殘敗著名頭目東運西逃亦無定向各路領兵人員不在急獲頭目惟能遇賊緊剿黨與已淨頭目亦難獨存等語尤爲扼要之論前此領兵大員總以擒獲一二首逆希冀邀功置餘匪於不辦以致敗逃之賊仍推一

入爲首暴脅蔓延又成大股數年以來未能蕩平
教匪實由於此若將賊匪黨與殲淨則首逆勢孤
何難卽時就獲此等機宜朕已屢經降旨通諭軍
營令額勒登保遵照妥辦已操勝美此時額勒登
保帶同札克塔爾親往紫陽安康一帶督剿聲威
壯盛想此等殘敗賊匪無難一鼓殄除額勒登保
務於年內將各股賊匪悉數殲擒奠安黎庶伊等

《聖朝聖訓卷三

十一

早成一日之功朕亦早減一日之過但額勒登保
又不可因欲迅速蕪事辦理稍有草率務使餘孽
勿至復萌地方永臻寧謐方爲盡善至賊匪見官
兵勢盛圍剿日逼自知不能逃竄相率乞降冀延
殘喘其有臨陣棄械投誠悔罪者自當予以一綫
生路然當此大兵痛剿之時成功在卽斷不可先
存招撫之見總當以剿爲主俟賊匪畏懼懾伏實

心投順再行議撫方爲正辦昨長齡奏在洵陽地
方迎擊高二馬五一股賊匪獲有勝仗已降旨諭
知額勒登保不必派員迎調吉林黑龍江勁兵仍
令長齡帶領與慶溥溫承惠併力合剿高二馬五
一股賊匪此時楊遇春亦已帶兵追躡若將此股
兇悍賊匪悉數殲除其餘剿辦更易爲力看來紫
陽安康各股賊匪勢已窮蹙非東竄入楚卽南竄

《聖朝聖訓卷三

十一

入川額勒登保大兵一到能將各股卽於陝境剿
盡實所深望否則與其令賊入楚毋寧令賊入川
楚省兵力無多明亮年已衰老倭什布帶兵亦難
倚恃恐賊匪一經竄楚又致蔓延棘手川省有德
楞泰勒保大兵在彼賊匪竄合一處兩面夾擊正
可聚而殲洗總在額勒登保斟酌機宜妥爲調度
再摺內稱穆克登布與觀祥等所剿伍懷志及零

星餘匪日內未接稟報想未得手此等零星竄敗之賊易於剿捕穆克登布等在畧陽附近搜剿何以日久尙未殲盡著額勒登保嚴飭迅速剿辦不可再有遲緩所有文彩溝打仗陣亡之千總銜李連貴著咨部賜卹

同日

上諭內閣曰額勒登保奏查明本年二月內隨同總

剿平三省邪匪

古

兵冬爾濟札普等在三分河陣亡各員請旨議卹著照所請驍騎校部委佐領阿爾松阿瑚可慎領催部委防禦富克金布阿達那協領那全佐領那徵全福防禦倭克濟那協領盛柱防禦世襲雲騎尉德昌驍騎校南山拴柱薩勒杭阿前鋒藍翎委官佛爾果布叅將郭承緒都司劉振邦守備馬昌傑趙天相宋顯玉千總陸喜把總朱宗貴李永田

繼秀俱著交部議卹

同日姜晟奏言臣接准倭什布來咨川匪已由

房竹邊界洪坪馬鬃嶺竄往四川大寧境內所

有房縣邊境陰條嶺五墩子年旺壁馬鬃嶺等

處經倭什布就近分派將弁兵丁嚴行堵守臣

一面諄飭該府縣等此時邊境肅清正當趕緊

團結練勇著落首領分別管帶訓練造具清冊

剿平三省邪匪

圭

無事則各安本業設有鄰境殘氛逼近一呼雲

集分防堵剿到卡之日給與口糧以本地之勇

防本地之邊自必倍常得力至二竹與陝省平

利洵陽交界處所賊股紛紛竄近現在鄖陽府

王正常督同該縣及營員等厚集練勇協同防

兵固守聞長麟於初三日前抵洵陽又接陝省

藩司溫承惠來稟與守備王英奮力夾擊似各

匪距楚較遠臣定於初十日起身由鄖陽查勘

以至竹谿俟取次勘明應如何籌辦邊防之處

奏請

聖明訓示辦理奏入

上命軍機大臣傳諭姜晟曰據奏接准倭什布來咨

川匪已由房竹邊界竄往四川大寧境內二竹與

陝省平利洵陽交界處所賊股紛紛竄近等語此

聖朝聖訓卷三

六

時川匪既經明亮等追剿出境川省又無後來之

賊明亮自必帶兵趕赴大寧剿辦更可無慮賊匪

折回滋擾是房縣邊境業已肅清惟該省二竹與

陝省平利洵陽在在毗連昨高二馬五即欲由平

利大貴坪東奔經長齡帶領吉林黑龍江勁旅痛

加截擊殲戮多名長齡恐賊匪由白河之鮑家店

竄入楚省之黃龍灘已飛咨倭什布就近嚴防是

此一股賊匪較多奔竄靡常二竹邊防最關緊要

姜晟業經預為籌備所辦尚是前此該督將續收

落後粵兵七百餘名已交總兵德昌帶往二竹功

守川匪現又出境倭什布孫清元並無剿捕之事

亦可會同經理姜晟等務須擇要設卡督率文武

嚴密防範斷不可使陝匪一名闖入姜晟係該省

總督俟將二竹邊防籌辦妥協仍當回省辦理地

聖朝聖訓卷三

七

方事務

同日台布奏言前因大兵分剿各股竄匪城

洋西石一帶糧運最關緊要分派道府督率州

縣間段存貯以便隨營接濟臣復親自巡查催

饋行抵二郎壩值額勒登保福寧前來當即請

營面商適奉

諭旨令臣前赴西寧臣查大兵分剿正在喫緊之時

鹽菜等項均係刻不容緩新任撫臣陸有仁到

漢尚須時日臣自應將各路鹽糧妥為安頓再

行起程惟現在漢局存項不敷支放不得不酌

量緩急通融散給是以將各路鹽菜截至九月

底止悉數找清餘銀二萬兩交與額勒登保軍

營作為十月分鹽菜仍飛催西安省局一俟晉

餉入境立即撥解漢中應用此外各州縣應領

欽定剿平三省邪匪方略

正編卷二〇九

運腳採買等項銀兩臣本係逐款查核前後牽

扯給發興安府各屬至七月底止應找銀十四

萬二千餘兩漢中各屬至八月底止應找銀八

萬八千餘兩計兩府十七州縣通共未發銀二

十三萬餘兩又湖廣米價運腳銀兩業經該省

移催均可俟後餉解到陸續覈發不致貽誤至

於兵糧江楚十一萬石俱已次第抵興臣亦已

分撥城固洋縣西鄉石泉漢陰安康紫陽等廳

縣存貯備供足敷散放奏入

上命軍機大臣傳諭陸有仁曰台布奏安頓各路糧

餉一摺據稱各路鹽菜銀兩截至九月底止悉數

找清此外各州縣應領運腳採買等項及湖廣米

價運腳銀兩均可俟後餉解到陸續核發不至遲

誤其兵糧亦已分撥城固等廳縣存貯備用足敷

欽定剿平三省邪匪方略

正編卷二〇九

散放等語台布自辦理糧餉以來奏報情形頗形

竭蹶此次奏到之摺雖據稱足敷支放但恐台布

因業經交卸故為此言著陸有仁將現在陝省所

存餉銀若干及山西節次續撥若干又甘省現已

無賊存剩銀兩歸入陝省軍需者尙有若干一併

詳細確查通盤合計足敷幾月之用是否年內無

須再撥卽行據實覆奏不可稍有隱飾朕於各路

軍餉隨時撥發從不稍有吝惜陸有仁甫經出京於內帑情形自所深悉此時大功將次告竣各路官兵分剿正當喫緊之際一切軍火糧餉更當源源接濟陸有仁務須悉心籌畫樽節備用勿致稍有缺乏

台布又奏言據石泉縣知縣李樞煥於縣屬保安寨獲逆犯李正祥一名訊據供係賊目王

萬禮徒弟本年三月內從張家營起事後又會

合戴家營高馬等逆屢次與官兵接仗因傷害

札總兵王萬禮將伊封為元帥等語將該犯解

赴漢中臣親提嚴訊逐一供認不諱臣查該犯

跟隨賊目王萬禮屢次抗拒官兵又復戕害總

兵大員實屬罪大惡極審明後恭請

上命飭委漢中府知府趙洵署漢中協副將馬斌將

該犯綁赴市曹寸磔梟示並設扎勒杭阿靈位剋取該犯心肝設祭致奠以慰忠魂奏入報

聞

十三日王長麟奏言臣於前月二十日自楊家

店起程鼓勵官兵由斜峪子午峪一帶兼程疾

馳至大峪口接據探報會芝秀股匪業已竄過

五郎金雞河直向東趨德忠在後跟剿汪啟已

由子午峪內之夾嶺小路抄赴鎮安截擊等語

查金雞河距鎮安不遠該匪奔竄迅速倘賊匪

逸過鎮安則汪啟德忠兩路官兵均落賊後現

在東西並無防兵該匪或由秋林川竄向東南

即達楚界或由舊縣關竄向東北即通豫省所

關均屬緊要臣即由大峪口趕至藍田抄赴商

州扼住東面要路探聽賊蹤又由金雞河斜趨

南路石泉縣屬之梧桐溝鐵爐壩一帶狂奔距
東路稍遠臣卽帶兵由商州山陽馳赴鎮安向
西南迎剿維時汪啟業經抄至鎮安之雲蓋寺
德忠亦覓捷徑抄至鎮洵交界之界牌石兩河
關等處均已抄至賊前扼要堵截適額勒登保
復派慶成及候補通判雒昂帶領兵勇由城固
洋縣入山緊追前來臣亦趕至秋林川探蹤截

剿匪方略卷九

三

剿詎該匪見四路官兵扼住要隘無路奔逃卽
於二十七日由澗溝一帶連夜竄至石泉縣之
梅湖江岸時總兵劉之仁遊擊李有貴聞信卽
於五鼓發兵二十八日黎明趕至梅湖該匪正
在試探江水淺深一見官兵卽捨命撲水由淺
灘處所紛紛躡渡李有貴催兵趕殺施放鎗礮
擊斃賊匪百餘人餘匪搶過漢江南岸四散奔

逃查該匪竄過南岸黑溝地方東可由本市川
入紫陽南可由麥子坪入西鄉現在慶成及雒
昂均已先後跟追過江汪啟德忠亦探蹤追剿
前往計此股賊匪自前月十三日竄過棧道遁
入南山因官兵追截甚緊該匪晝伏老林夜出
奔走旬餘卽逼過漢江該匪無搶掠裹脅之暇
是以居民尙未過遭蹂躪至穆克登布等所剿

剿匪方略卷九

三

伍懷志賊匪前在畧陽雒窩石地方已與觀祥
游棟雲所剿之小股賊匪合夥頃接穆克登布
來信十九日酉刻在甲魚石追及賊蹤該匪依
恃山深雪厚路徑險窄料官兵不能深入正在
屯聚未動一見官兵趕到張皇失措時兵未到
齊穆克登布卽先率前隊兵勇極力衝殺立斃
賊匪百餘人生擒五十六名有大旗手梁貴探

馬頭汪世傑二名其餘俱係矛手當卽概行正法該匪卽由陽山溝竄赴金池院一帶係趨畧陽之路穆克登布俟後隊到齊亦卽緊追前進是現在甘境卽已肅清而陝省南山亦就寧謐各路官兵不致仍前牽綴所有棧內設防之兵均移撤漢江以南全力堵剿又接藩司溫承惠來稟該司帶領鄉勇在平利縣之漆扒地方截

剿龍紹周賊匪殲斃二百八十九人生擒戰手

吳有法等七名當卽梟示該匪分股由竹溪河

險子城向鎮平南竄該司卽在漆扒暫紮防其東竄務將該匪逼剿入川不令竄往楚界又據探報高二馬五賊股已竄入平利之大桂坪一帶慶溥已由平利之高望山等處截擊額勒登保又派恒瑞楊遇春帶兵由紫陽趕赴平利洵

陽一帶迎剿是各路官兵雲集更可乘賊匪逼

至一隅聚而殲洗臣連接額勒登保來信囑臣

前赴西鄉軍營面籌一切並囑速調棧內各路

防兵前赴西鄉以便分撥防堵臣當卽飛檄各

路防兵迅速前往臣亦卽趕緊移營由漢陰石

泉一帶探迎額勒登保軍營務期協同各路官

兵竭力剿辦若能將各股賊匪卽於陝境剿滅

淨盡固可迅圖蕩事卽或不能亦務將賊匪逼

剿入川嚴防邊境俾額勒登保得以整師前往

一意剿洗不致有東牽西擊之虞奏入

上命軍機大臣傳諭額勒登保長麟曰長麟奏會芝

秀一股賊匪竄過五即直向東趨長麟帶兵馳赴

鎮安督同各路官兵向西南迎剿賊匪無路奔逃

搶過漢江南岸四散竄逸所奏情形與昨日額勒

登保奏報相同惟穆克登布等所剿伍懷志一股
在甲魚石追及賊蹤奮力剿殺一節額勒登保未
經奏及自因相隔稍遠尚未得信此股賊匪經穆
克登布等殲斃百餘人擒獲賊目矛手五十六名
所辦亦好現在甘境業就肅清會芝秀逼過漢江
陝省南山亦就寧謐但刻下江水日見淺涸賊匪
既可南竄亦可北竄尤不可不加意防範此時陝
省應防地方惟有漢江南岸不似從前道路綿長
扼要堵截亦易爲力長麟現由漢陰石泉迎赴額
勒登保軍營務將防堵事宜會商妥辦所有漢江
南岸及南山一帶俱交長麟督飭員弁實力堵禦
勿令賊匪復行闖入倘再任北竄過江或又逸入
南山以內則長麟不能辭罪至會芝秀一股前此
翻越白家店山梁竄過棧道係由德忠防守汛地

聖朝聖訓編覽

三

竄越已據經畧叅奏革職當經降旨諭令額勒登
保以德忠入山趕賊暫緩革審如德忠果能奮力
追擊迅速剿淨尚可以功抵罪革職留營効力予
以自贖之路今據長麟奏會芝秀竄過五郿一帶
時汪啟由子午峪抄赴鎮安截擊德忠祇在後跟
剿是此股賊匪竟係德忠疎防縱令逸出而賊匪
逃至石泉時劉之仁尚能趕上追擊德忠又不能
截住痛剿實屬有罪無功德忠著革職拏問交額
勒登保長麟會同審訊如德忠於會芝秀逃竄時
竟未帶兵攔截則縱賊不剿自應從重治罪倘會
經堵截實因帶兵無多衆寡不敵以致賊匪乘夜
奔逸德忠亦有應得之罪著卽按律定擬具奏

聖朝聖訓編覽

三

欽定剿平三省邪匪方略正編卷二百十 庚申年

十月十四日亥明亮倭什布奏言查黃白藍線

四號賊匪經臣等在上龕等處夾擊之後該匪

即由洪坪分為三股日夜向西南一帶狂奔當

據獲賊馬貴等僉供三股賊匪冀誘官兵追剿

入山奔回房保即向二竹竄走總思在楚省擄

掠等候別股會聚等語臣等察看賊勢四散必

《聖祖聖訓纂要卷三十一》

須分路兜截臣明亮由一碗泉洪坪一帶追擊

以防賊匪竄回滋擾臣倭什布由馬欄坪官渡

河一路兜截以扼匪衆旁竄西北兩路官兵分

投競進詎該匪等畏懼馬隊總在萬山仄險中

捨命奔跑滾巖跌死者甚多沿途拋棄老幼婦

女日有十餘名或數十名不等臣等於二十日

均至順風峪會合逐日搜獲四散落後賊匪將

發祥等共一百七十三名訊稱四號賊衆在上

龕一帶打敗營中矛手頭人帶傷甚多或背或

拾因山路偏仄所以分為三起日夜奔逃大衆

原約躲過官兵再作擄人覓食之計不料連日

官兵追剿緊急愈逼愈近衆人畏懼只可逃回

四川等供查該犯等均係從賊日久到處焚掠

俱即正法復據哨探報稱該匪等均由向家壩

《聖祖聖訓纂要卷三十一》

徐家壩一帶竄回川省大寧縣當即飛咨德楞

泰勒保撥兵截剿臣等思該匪雖已窮蹙回川

難保其不復北竄趁此楚境肅清趕緊籌布邊

防先為準備固守邊圉遂將臣倭什布所帶之

兵儘數分撥查陰條嶺九道梁等處最為緊要

雖經姜晟前派參將西星督率鄉勇七百名在

彼堵禦恐不足特添派都司何天標陳德文帶

兵四百名分布五墩子烏雲頂年旺壁等處各卡扼要防堵派副將滿倉帶兵六百餘名協同原任總兵守備銜李銜自川帶回湖北官兵二百名並暫留四川練勇一千八百餘名赴向家壩馬鬃嶺一帶分段堵禦俟湖北練勇到齊即交原帶員弁首領就近撤回川省臣明亮正擬帶兵赴川跟剿前進適據鄖陽府王正常參將

聖朝聖紀卷三

三

姚國棟平利縣任奎光等報稱龍紹周等股在平利屬之石岔河文彩溝一帶焚掠又另有一股賊匪由安康溢河翻界嶺竄入南坪獅子壩賊眾甚多亦往東竄若由東而北即入竹谿境內復據陝西藩司溫承惠稟稱帶兵至謝家灣一帶剿賊獲勝該匪退回文彩溝亢喜坡一帶查東南漆扒西界嶺等處係通楚省唐家坪西

面河豐溪一帶溫承惠一隊鄉勇若趕赴漆扒等處迎攔恐該匪延及東北勦辦益形棘手又稱高二馬五等股已竄入平利之大貴坪蔡家河一帶其勢東趨臣等查看各處稟報大畧相同臣倭什布所帶官兵悉數分布川楚卡隘防堵賊匪折竄僅剩馬兵四百五十名月來入山追勦道路崎嶇馬匹亦多疲乏此外止有總兵

聖朝聖紀卷三

四

孫清元一路官兵一千二百餘名現查陝匪數股逼近二竹邊境恐乘間突入則楚省甫經廓清又被蹂躪臣明亮所帶兩粵官兵三千五百名經長齡奏帶一千名赴陝續派總兵德昌在穀城收集各兵共八百餘名復經姜晟派該鎮帶赴二竹防堵再除傷亡病故外現在兩粵官兵僅有一千二百餘名至川省派來之兵勇除

陣傷亡故以及派撥防堵外現存兵一千一百

餘名臣明亮所帶馬隊四百名追剿多時馬匹

亦疲現查有馬者不過十之四五臣明亮現帶

三省勁旅並兩粵四川河南官兵共三千餘名

若追剿入川而陝匪又接踵而至楚省兵力分

更見單於堵剿均屬不敷臣等再四思維不得

已復飛咨德楞泰勒保撥兵兼顧一面即帶現

御覽續編卷三

五

有之兵趕赴二竹確探賊蹤趕緊迎剿川陝逆

匪先行移會慶溥溫承惠設賊匪已入楚境即

與兩面夾擊若賊匪尚在二竹邊境游奕臣明

亮即帶兵赴陝剿辦維時經畧額勒登保定已

統領大兵前來如將此股賊匪會合掃除臣明

亮帶兵趕赴四川上緊協剿以次掃犁臣倭什

布馳抵二竹將邊防一切事宜悉心布置妥協

行會同姜晟奏

高奏入

上命軍機大臣傳諭明亮倭什布曰前此令明亮專

辦徐添德一股原望其殲擒首逆速行辦竣仍加

恩還伊伯爵乃伊無福承受日久因循總未與賊

接仗及至徐逆竄往陝境明亮並不跟蹤追剿以

川省有藍黃白線四號竄入楚境楚重於陝為詞

御覽續編卷三

六

帶兵趕回迎截遂置徐逆於不顧今四股賊匪折

回川境明亮又不追賊入川乃以陝賊竄楚為詞

帶兵趕赴二竹迎剿又置黃藍白線四股賊匪於

不顧兩次俱未追賊出界巧於趨避全不以軍務

為重大負朕節次格外矜全重恩若以明亮此次

罪狀而論即當在軍前正法因伊在

自奉時屢經帶兵出力且念其年已衰邁稍從寬典實

不免失之姑息明亮著革去總兵降爲藍翎侍衛
仍傳旨嚴行申飭所有湖北宜昌鎮總兵員缺著
長齡調補卽令明亮隨同長齡在二竹一帶認真
堵剿明亮不必再行具摺奏事伊所奏軍情亦不
過虛誑之詞若仍前蒼滑不思感激圖報復縱陝
賊入楚明亮更有何言巧辯朕亦無詞再爲寬宥
至明亮現帶官兵三千餘名已降旨交長齡管帶

聖祖聖訓卷三

七

長齡才到二竹之前此項官兵仍著明亮暫行帶
領至倭什布雖同明亮帶兵剿賊但伊係巡撫地
方防堵事宜是其專責且帶兵本非所長故不加
斥革然此次四號賊匪皆自行折回川境並非經
官兵痛剿畏懼潰逃且殲斃者不過落後零星老
弱之賊倭什布隨同明亮具奏塞責無能已極倭
什布亦著傳旨嚴行申飭現在藍黃白線四號賊

匪折竄川境楚省未已無賊其陰條嶺九道梁等
處倭什布已派都司何天標等帶兵分路堵禦伊
馳抵二竹布置邊防事宜此則倭什布之責無可
諉卸務須督率嚴防若竄往川陝賊匪仍任闖入
楚境倭什布不能逃罪矣稟之勉之

上又命軍機大臣傳諭額勒登保曰明亮倭什布奏
楚省藍黃白線四號賊匪竄入川境因平利賊股

聖祖聖訓卷三

八

勢欲東趨明亮卽帶現有之兵以趕赴二竹確探
賊蹤上緊迎勦爲詞明亮前於賊匪徐添德竄出
陝境時則稱川省竄楚賊匪尤爲緊要及帶兵回
楚總未趕上痛加勦殺今賊匪竄回川境又稱三
竹緊要帶兵前往是以兩次俱未追賊出界看來
竟係居心蒼滑全不足恃若再姑容必致悞事已
降旨將伊革去宜昌鎮總兵降爲藍翎侍衛令長

齡調補宜昌鎮接管明亮原帶之兵及粵東粵西
弁兵趕回二竹防堵至長齡原帶吉林黑龍江勁
兵本爲剿賊之用今長齡既回二竹防堵所有明
亮原帶之兵及粵省兵丁已足敷用可以無須此
項勁旅現在藍白黃線四號賊匪竄入大寧川東
夔巫一帶德楞泰等所派之副將褚大榮在彼
防堵如將賊匪截回又必折竄楚省倘因兵力較
單不能攔截勢必又任其深入川境蔓延滋擾此
時明亮等雖飛咨德楞泰勒保撥兵迎剿然德楞
泰等現在川北剿賊相距較遠額勒登保現在紫
陽安康一帶距大寧較近且身爲經畧川省之賊
卽與陝省無異額勒登保自應無分畛域一體籌
辦著於楊遇春札克塔爾二人中派出一員酌帶
兵力前赴洵陽並將長齡所帶吉林黑龍江官兵

聖祖聖訓卷三

九

接管取道速赴大寧一帶上緊剿辦藍黃白線四
號之賊現在各匪竄聚川省正係極好機會務當
妥籌全局以期速就蕩平
上又命軍機大臣傳諭長齡曰湖北宜昌鎮總兵員
缺著長齡調補其明亮一路官兵並著歸長齡統
領至長齡所帶吉林黑龍江勁旅現今額勒登保
卽日派員前來接管由該處赴大寧一帶截剿藍
黃白線等股賊匪東三省勁兵原爲剿賊及鋒而
用非爲防堵而設長齡俟將此項官兵交代後帶
領粵省兵一千名趕回楚省二竹地方會同倭什
布認真堵禦倘令陝省賊匪闖入則惟伊等是問
再明亮在楚剿賊屢經玩悞節次降旨飭催總未
見奮勉殺賊今已革去總兵卽令隨同長齡帶兵
防堵並著留心察看如明亮尙知愧懼有立功自

聖祖聖訓卷三

十

贖之處卽行具奏若尙不肯認真出力或實因年力衰邁不能振作亦卽據實奏聞毋得稍有瞻徇隱飾

十五日甲子德楞泰勒保奏言臣等兩月以來督

兵在川東痛剿各股賊匪零星散竄通飭各州縣嚴密搜拏茲據署開縣知縣張陳鉉稟報督同黃土漕磊石硯寨長陳希武彭朝祿等拏獲

《聖朝聖訓》

十一

一賊到縣審訊始猶狡供嗣又續獲任三才一名指認爲白號元帥張子聰該犯不能抵賴旋卽供吐實情經該縣錄供稟報委員押解前來臣等當派備弁迎提到營卽令現獲各犯李貴芳王坤並調到先經投首賞給金頂之伊姪張廷鳳到營逐一認明屬實查張子聰籍隸東鄉與王三槐徐添德等同時習教起事稱爲白號

經王廷詔僞封元帥數年來率衆滋擾川東川北並陝楚各邊界今春同冉添元等竄越嘉陵江與雷世旺度向瑤皆爲白號首逆自雷世旺

於新店子地方經官兵殺斃該逆等竄回嘉陵江東岸六月間與度向瑤分夥張子聰潛匿東鄉之全安鄉伊姪張廷鳳乘間逃出該逆本亦有悔罪之意緣心存疑懼不敢卽投迨團勇領

《聖朝聖訓》

十二

首羅崇遣其兄羅芳等進營告知張廷鳳業已得官勸令及早投出該逆正與賊目李德先等商議適有張金連並度向瑤劉朝選各股前來合夥力阻以爲不可當將羅芳等八人殺死各向太平境內奔竄張子聰因與李德先不和祇帶三百餘人欲尋唐大信合夥緣聞唐大信已被團勇殺死卽在濛濛溪一帶老林游奕手下

聚黨陸續逃散所剩無多探聽湯思蛟等在栢

木園屯紮即往奔投詎九月初九日甫到栢木

園山溝正遇臣德楞泰一路官兵追勦湯思蛟

等股匪衆紛紛潰竄該逆即向山桐潛藏直至

三日後見無官兵始行走出扮作難民祇在山

中沿途求乞欲俟另股賊匪到來再行入夥不

期於二十三日至磊石寨被該處寨長陳希武

彭朝祿等盤獲解縣臣等詰以習教起事及歷

年竄擾地方並與官兵節次打仗情形據供歷

歷如繪該逆罪惡貫盈訊明後即在軍營對衆

梟割仍將首級梟示犯事地方以彰

國憲而快人心署縣鹽大使張陳鏞督率寨長捐

納訓導陳希武團勇彭朝祿等擒獲渠魁審明

檻送洵屬能事合無仰懇

聖慈一併俯賜鼓勵再臣等於方山坪營次接據各

路稟報李炳陳朝觀並陝省竄來張齊辛等逆

夥匪均由南江吳姚二壩白山寺一帶向廣南

交界之木門場先後折竄高家營內顏楊二姓

之賊由西鄉鹽場壩竄入太平官渡灣經該處

防守官兵擊退龍紹周一股與唐冉餘逆由紫

陽折回太平在高頭壩冉家壩一帶游奕又有

大夥賊衆由楚省房縣竄出老林已至巫山八

石坪洋溪河臣等查自陝竄入川北之賊既向

木門場道逸勢必仍回陝境則川北之賊勢較

輕七十五先聞通巴有賊業已移師往剿現向

通南一路進發似不便令其轉回太平應將川

北堵剿事宜交與七十五前往相機辦理臣等

自不便以重兵俱往川北現在太平大寧巫山

一帶既有賊匪自陝楚竄入刻下又以川東邊界爲重^臣等卽改道由東鄉太平一路進發俟至前途確探賊蹤官兵或分或合另行熟商籌勦

同日德楞泰勒保又奏言^臣勒保前奉

上諭令將知州戴如煌提至軍營詳悉研鞫按律定

擬具奏伏查豫楚川陝各處邪教滋事大率皆

聖朝聖訓卷三

五

以官逼民反爲詞而於達州知州戴如煌尤爲

衆所指摘^臣等前此先後來川勦賊均有所聞

緣無實在確據是以未及嚴奏上年^臣勒保奉

旨查辦遵卽遍加訪察僉稱該牧老病無能一任書

差黃登彥王國學等狐假虎威在外滋事以致

民恐沸騰業經據實覆奏竊思教匪起事至今

四載荼毒無數生靈神人共憤如果戴如煌以

查拏邪教爲名勒索銀兩得有確據則係啟釁

罪魁斷不敢任其輕縱適於現獲各犯內有達

州人數名逐加訊問均未有的被詐賊據惟李士

懷則與王學禮同時起事據稱嘉慶元年秋間

該犯曾經出銀二十兩與王學禮轉交總差頭

王國學馬貴二人收去得免查拏是勒索已非

無據查戴如煌尙在重慶並未回籍州差王國

聖朝聖訓卷三

六

學先經被賊殺死馬貴則必有其人一面札飭

重慶府石韞玉查拏戴如煌解營一面密札現

在達州總理糧餉之永寧道陳預再行確查並

拏馬貴解審去後嗣據該道稟稱達州上下兩

班九房書辦及壯快捕皂各役原有四千餘名

尙有戴如煌任內卯簿可稽至劉佳琦接任始

行大加裁汰是戴如煌任內濫設衙役實已確

切無疑差頭馬貴已於嘉慶二年病故無從傳訊其查拏邪教藉端索詐之處絲習教之人俱已同時入夥爲逆實在無從查考等語嗣據重慶府將戴如煌委員押解到營臣等親加嚴訊據供達州書役向係四季輪班因典史差頭節次稟請添募實有四千餘名之多嘉慶元年邪教起事之先有鄉約胡泳言於九月十三日赴州稟報戴如煌因其無據卽面斥其非並未責打是晚該鄉約又稟有製辦火繩實據當卽派差拏獲羅啟文李大防等數人起出軍器號片各匪因事已敗露旋於十五日拒捕造反質以查拏邪教訛詐銀兩一節堅稱乾隆五十九年係奉福康安派委茂州知州徐麟趾等前來查拏均經解省審辦嗣於六十年又奉孫士毅行

《聖朝實錄卷三》

七

知以四川邪教應俟平定苗疆再行查辦自此不復再拏實無得銀縱放之事惟書役人數本多在外藉端訛詐實恐覺察難周但身爲地方官邪教充斥不能先爲防範卽屬咎無可辭只求從重治罪等語臣等又提賊匪李士懷與之質對該犯亦稱實在出過銀兩爲衙門使費是否則係州官收用不敢妄供查王學禮早經拏獲正法王國學馬貴二人又先後被戕病故此外更無可質証之人若以此卽坐戴如煌以貪污激變之罪不足以折服其心惟查該員於乾隆五十三年初到達州時因盤費不敷將衣服交與差頭張居式王國學等赴省變價致累差役賄賂經前督臣李世傑查出撤回未經參辦是該員之聲名列任卽屬平常又查該員現年七

《聖朝實錄卷三》

六

十八歲從前卽因年老多病不能辦事每逢緊要案件常調所屬東鄉新寧兩縣令赴州代辦今既查明該員任內書差卯簿竟有四千餘名之多一任伊等在外詐錢滋事釀成邪教謀逆巨案未便因其查無貪婪切實證據致有輕縱相應請

旨將戴如煌卽在達州枷號三個月滿日發往伊犁

聖朝聖德編卷三章

九

充當苦差子嗣不准出仕以示懲儆均奏入

上命軍機大臣傳諭德楞泰勒保曰張子聰爲著名首惡竄擾日久今被盤獲指認屬實德楞泰等將張子聰對衆臠割所辦甚是看來事機已順而朕所尤欣慰者更在德楞泰等帶兵前赴川東剿辦一節昨因明亮等奏楚省藍黃白線四號賊匪竄入川省大寧其川東夔巫一帶雖經德楞泰派有

副將褚大榮在彼防堵尙恐兵力較單不能攔截正深慮念因德楞泰等正在川北剿賊相距較遠未經降旨諭及已令額勒登保揀派大員酌帶兵力並將長齡所帶吉林黑龍江勁旅接管速赴大寧協剿終恐緩不及急德楞泰等接據稟報酌量情形以川東邊界爲重卽改道由東鄉太平一路進發兼顧川東所日甚深爲可嘉著賞給德

聖朝聖德編卷三章

十

楞泰貂皮馬褂一件賞員給勒保烏雲豹馬褂一件以示優獎此次將張子聰擊獲之寨長捐納訓導陳希武團勇彭朝祿於該逆扮作難民求乞潛竄時能留心盤獲俾首逆早正刑誅尙屬能事陳希武者加恩以六品州同等官陞補團勇彭朝祿著加恩賞給千總如伊等情願出仕卽准其補官効用若不願當差卽賞給頂戴榮身用示鼓勵其畧

縣鹽大使張陳鉉雖未親自拏獲張子聰但該逆到案後即時審鞫究出實情尙屬細心者加恩遇有應陞之缺陞用至德楞泰等現已帶兵前赴川東而額勒登保所派官兵自亦接續到彼所有該處四股竄匪正可兩面夾擊乘勢截剿德楞泰等務須倍加奮勉卽在川東地方迅速剿淨斷不可復逼入楚地一經殲獲渠魁卽行加緊馳奏必當加之重賞其張子聰手下逃散餘匪若不亟爲安集輾轉潛匿恐致餘孽復萌已另降諭旨令勒保等督率地方官實力訪察妥爲安頓矣

《聖朝實錄卷三》

三

上又命軍機大臣傳諭勒保長麟姜晟陸有仁倭什布曰現在各路竄匪屢經官兵痛剿克捷楚省已無賊匪惟接近川省大寧巫山一帶及二竹毗連之平利紫陽等處尙有賊匪滋擾陝省漢江以北

及南山內均已肅清祇漢江以南與川省交界處所賊匪尙在奔竄而川省之賊亦惟在嘉陵江以北奔逃游奕合計賊數雖有二三萬然脅從者居其大半賊蹤所至不及千里此時各路統兵大員四面攻圍漸逼漸緊正可聚而殲戮實爲極好機會惟是因獸猶鬪自必尙思抗拒此等賊匪其實在怙惡不悛屢次抗拒官兵戕害領兵大員荼毒生靈無數自屬法所必誅而內中無知愚民被其裹脅迫而從賊者亦復不少若概就誅於朕心尙有不忍如額勒登保德楞泰等節次得有勝仗投出者甚多俱稱給與銀米交地方官分別安置此在帶兵大臣專以剿賊爲急自不暇詳細查辦而地方官等如何安插得所並未據奏及看來不過虛詞搪塞並未實力安撫此等原係平民因被

《聖朝實錄卷三》

三

賊焚搶無路謀生不得不陷身賊黨若投出以後
不過酌給銀糧仍聽伊等自覓生計伊等流移日
久漸至口食無資即不敢有心謀叛而爲饑所迫
勢必又去而從賊萌蘖仍屬未淨或聚於山谷之
中爲摸樁之事即如本日德楞泰等奏生擒首逆
張子聰一摺據稱張子聰因與李德先不和祇帶
三百餘人欲尋唐大信合夥緣聞唐大信已被圍
勇殺死即在老林游奕手下人陸續逃散所剩無
多等語張子聰本係大股賊匪因夥黨逃散其勢
立孤致被擒獲逃散之人豈能枵腹藏匿自必各
思謀食若安撫無策勢必至復思從逆總當飭令
地方官實力稽察各令得所並恐胥役人等因伊
等係曾經從賊之人藉端訛詐致投出者存身無
地仍復驅之從賊此等情弊尤當實力嚴禁以期

聖朝龍臺編卷三

三

安一民即少一賊嗣後各路軍營於投出之人如
果訊問明確實係被裹難民應行省釋者責成各
該督撫務須遴派明幹道府大員如川省之劉清
陝省之楊護等前赴各路軍營隨時經理設法安
頓俾其衣食有資各安生業難民既不致流徙無
依賊黨亦可聞風解散此即一面剿賊一面安撫
爲善後應辦之事以期事半功倍原不待賊匪剿
淨後始辦理善後也至賊匪內如徐添德王廷詔
高二馬五樊人傑龍紹周張添倫等皆係著名首
逆自當悉數殲除如各路軍營業經投各生致或
臨陣殲斃驗明屬實自不慮復留餘孽倘或潛行
藏匿逃散無蹤則必須嚴密搜查期於必獲一二
皆有著落此等首逆人人共憤即使乘間竄匿亦
不過在附近幽僻處所延喘偷生地方官無難隨

聖朝龍臺編卷三

三

時搜捕並著該督撫等一體遵照督率辦理不得以查無蹤跡或經殲斃為詞以致寬惡漏網日久又滋事端也

同日

上諭內閣曰前因戴如煌老病無能任聽書差在外滋事以致民間多有怨言凡習教之人無不遭其索詐不能安身遂萌異志是戴如煌實屬激變啟

聖祖聖孫

聖

釁罪魁不可不嚴加懲治因降旨命勒保提至軍營悉心研鞫今據德楞額奏勒保審訊戴如煌並無貪婪切實證據而檢查任內書差卯簿竟有四千餘名之多一任差役在外詐錢滋事雖事隔四年書役王國學馬貴等均已先後被戕病故此外更無質証之人而戴如煌濫設衙役四千餘名任聽藉端訛索以致達州教匪首先滋事自未便因其

現無索詐入已確據致有輕縱戴如煌著照德楞泰勒保所擬在達州地方枷號三個月滿日發往伊犁充當苦差子嗣不准出仕以示懲儆

臣等謹案我

皇上籌辦軍務以來

憫茲蠶頑皆吾赤子

申諭再三兼施剿撫其悔懼來投者給以資斧謀以

聖祖聖孫

聖

安插立法至詳且盡是以元戎所指臨陣顯求者實繁有徒而

聖德如天痾瘵在抱此次因賊首張子聰股內逃散

人多

慮及地方官安撫不力或酌給銀錢聽其自覓生計

未免日久流移又復饑驅為匪

特命督撫等遴派明幹大員妥為經理設法安頓伏

讀

聖諭云安一民即少一賊

仁心仁聞實足以感召休和至於

簡循良斥貪墨如戴如煌之殃民激變雖訊無實據

而冗設書役至四千餘名之多任令詐錢滋

事民怨沸騰今蒙

聖明洞照按治遣戍則尤同民出治之道所為熬操

聖者邪匪卷三

毛

化原者也

同日

上又諭內閣曰近來川陝楚各路軍營連獲勝仗本

口又據德楞泰勒保奏擒獲首逆張子聰事機極

為順利川省善後事宜需用繁多自應寬為籌備

著於部庫內撥銀二十萬兩廣儲司庫撥銀二十

萬兩解川備用並著伯麟於應行截留浙省解到

銀二十萬兩入境時即飭令該解員迅速解川倘
業經交庫亦即派員速行解往

聖者邪匪卷三

天

欽定剿平三省邪匪方略正編卷一百十一 庚申年

十月十七日 丙寅 長齡奏言 臣 前於王家坪將高

二馬五股匪截剿該匪等向東北逃竄現有慶

溥在後追剿北濱漢江南有 臣 所帶勁旅其勢

必向東行由洵陽入白河直達黃龍灘雖經飛

咨倭什布派員防堵猶恐緩不濟急隨細詢隨

營帶領竹山鄉勇之從九品陳用梁據稱有捷

剿平三省邪匪方略正編卷一百十一

徑至鮑家店即可抄至賊前因令其引路行走

初八日趕抵該處節據鄉勇探報該匪已在大

坪一帶焚掠知有官兵迎截存紮未動相離不

過數十里 臣 於初九日五鼓率領馬步官兵探

迎進剿辰刻始至大坪一面令兵勇先為誘敵

該匪萬分詭詐於各山嶺險窄之區安設偵探

之賊甚多知有兵來即率眾抗拒漫山遍野不

分路徑面面有賊繞我後路使我兵前後不能

兼顧 臣 帶領各官兵分為四隊各佔山梁靜待

賊匪弛懈再行衝壓該匪相持一二時之久衝

撲三次勢頗兇悍我兵屹然不動 臣 見眾匪漸

有懈意即督率喜常阿呢瑪善常祿等先帶兵

勇分投衝壓馬兵擇稍平坦之處抄至賊後奮

勇攻擊立殲賊一百餘名賊眾大亂馬步並進

剿平三省邪匪方略正編卷一百十一

鎗礮圍剿約殺有四百餘名擒獲七十餘名該

匪四散狂奔我兵追殺三十餘里沿途俘戮四

百餘名滾巖跌斃者不計其數被擄男婦大小

自行散出及擒獲者又有二百餘名口該匪折

回西南奔逃侍衛特依順保藍翎守備羅綸均

受有矛傷吉林委協領觀成千總頂戴藍翎外

委劉德明外委劉建祖各受石傷皆不甚重兵

勇間有損傷查明另行咨部臣此次抄至賊前

原為過其東竄以免偷渡黃龍灘今已擊回西

南一經深追必入竹山反致滋蔓卽於瑪瑙溝

紫營派令兵勇分路偵探再行截剿當將獲犯

審訊據孫必榮李五董士志等七十七名僉供

高馬二掌櫃說索倫馬兵利害必得由山僻小

路逃走馬力不能施展如果緊追就可設伏打

《聖祖聖訓彙編卷三》

三

仗又說此去直往東走就是鮑家店可以踰渡

黃龍灘彼處想無官兵鄉勇過了堵河地面便

覺寬濶我等共有黃藍白三色旗號今日起到

大坪聽說官兵又抄到前頭高馬二掌櫃說今

日打仗先佔難走的山梁四面圍裹使官兵馬

不得力方得便宜我等俱當戰手探馬等語當

卽正法又訊據陳君華徐紹芳等供係平利洵

陽白河被擄居民當卽給票回籍臣猶恐水洄

之時灘淺河窄不得不過為籌慮適接督臣姜

晟咨會派有廣西總兵德昌帶兵前來二竹防

堵臣卽飛咨德昌就近在黃龍灘駐紮實力嚴

防再查竹山與白河毗連處處可以竄越地方

官勸集義勇尙屬急公防堵無如未嫻紀律一

遇賊勢克惡多有散避實難深恃查此股賊匪

《聖祖聖訓彙編卷三》

四

經大兵追剿日久奸猾已極東擊西竄牽制官

兵勢所不免似應分路剿辦較易蕪事但臣所

帶吉林黑龍江馬隊分帶乏人而兩粵官兵雖

有一千能打仗者祇五六百名實有不能分道

剿辦之勢業已咨會倭什布或留孫清元堵禦

西南一帶倭什布移駐竹山在境內相機防堵

以資嚴密奏入

上命軍機大臣傳諭長齡曰高二馬五一股狡詐異常屢次戕害提鎮大員深為可恨長齡帶領吉林黑龍江勁兵前在王家坪地方迎頭截剿得有勝仗今因該二逆欲圖東竄抄至鮑家店分隊衝壓殲擒賊匪一千餘名連獲勝仗軍威已振殊屬可嘉着賞給烏雲豹馬褂大小荷包用示獎勵前因明亮在楚剿賊遷延不進已將明亮降為藍翎侍

聖祖聖孫編卷五

五

衛令長齡補授宜昌鎮總兵帶領粵兵趕回二竹堵禦其吉林黑龍江官兵令額勒登保派員接管前赴大寧截剿竄匪原因川東大寧及夔巫一帶兵力較單德楞泰遠在川北有鞭長莫及之勢是以如此指示昨據德楞泰勒保奏業經帶兵前赴川東是該處已有重兵足資剿辦而現在長齡截剿高馬二逆兩次小勝正當以趨捷之兵擊兇悍

之賊且賊勢已經屢挫而長齡剿辦得手兵與將彼此相習尤可乘勝奮擊速擒賊首向來帶兵大員剿賊未經辦竣一股捨而之他以致輾轉蔓延實為鋼習仰如高馬二逆亦因那彥成前在甘塔未及剿淨貽患至今長齡務須以那彥成為戒將此股殲洗淨盡不留餘孽現已降旨諭令額勒登保毋庸將吉林黑龍江勁旅另行派人帶往川東

聖祖聖孫編卷五

六

剿賊所有高馬二逆即專交長齡統領原帶官兵奮力追截即於該處剿盡俟剿竣後再回二竹防堵若額勒登保業已派員前來竟可幫同長齡協力剿辦如能生擒該二逆即當臚割將從前被高二馬五戕害之提鎮各大員設位長齡親往致祭即臨陣殲斃亦當割取首級祭奠以慰忠魂而洩眾憤一經克捷即加緊馳奏朕必立施重恩長齡

一第 707 升 貴 參 四 庫 全 書 第 4 卷 臣 臣

務加奮勉剋期奏績以副委任至此股賊匪剿竣後長齡應帶粵兵前赴二竹防堵其所帶吉林黑龍江官兵應赴何處當馳稟經畧聽候派撥可也上又命軍機大臣傳諭額勒登保曰前因湖北藍黃白線四號賊匪竄入川境明亮並不趕緊追剿轉赴二竹防堵平利賊股已降旨令長齡帶領粵省兵丁一千名並接管明亮原帶兵丁前赴竹山竹

製著重纂編卷五

七

谿堵禦以截賊匪折竄楚省之路其長齡所帶吉林黑龍江勁旅令額勒登保於楊遇春札克塔爾二人內酌派一員前赴洵陽接替管帶卽取道速赴大寧一帶追剿竄川賊匪彼時原因川東大寧夔巫一帶兵力較單而德楞泰等遠在川北鞭長莫及之故昨據德楞泰勒保奏已由東鄉太平一路進發兼顧川東是川東一帶已有重兵剿辦本

日據長齡奏攔截高二馬五一股竄渡黃龍灘之路抄至鮑家店迎頭痛剿殲擒賊匪一千餘名長齡前在王家坪地方擊剿高馬賊匪大獲勝仗此次又復克捷是吉林黑龍江勁旅軍威大振高二馬五一股賊匪兇悍狡詐於諸賊中情罪尤爲可惡今長齡兩次痛殲其勢已形衰敗且長齡剿辦此股正在得手之時兵將甫經相習未便將所帶

製著重纂編卷五

八

勁兵調令他往已諭知長齡卽將此股賊匪上緊剿辦俟剿竣後再赴二竹防堵若額勒登保已派員前往正可幫同長齡剿辦高馬二逆亦不可將長齡原領勁旅帶赴他處想長齡兩次得勝額勒登保亦已得信自必以長齡一路事機順利爲喜斷不肯將所帶勁兵撤交他人接管也至楊遇春係派往洵陽一路剿賊之人何以長齡所剿賊股

未見楊遇春合力兜擊該提督究現在何處耶至
陝境賊匪會芝秀一股已竄漢江南岸而伍懷志
一股前據長麟奏經穆克登布等剿敗後尙在畧
陽一帶此處爲額勒登保後路自應倍加留意其
額勒登保所剿之冉學勝張添倫戴家營等股賊
匪現在作何剿辦會否得有勝仗剿淨何股之處
並著迅速覆奏

《聖朝實錄纂要》

九

二十日已明亮倭什布奏言查黃白藍線四號
賊衆潰逃入川臣等就近撥兵分佈邊防並移
師截剿逼近二竹之陝匪適據各卡盤獲奸細
蔣貴等十一名訊據僉供黃白等號賊匪已竄
至川省徐家壩合夥因川省貧食維艱又折回
兩交界游奕希圖等候大兵西去乘間折竄楚
境擄掠寺語即將該犯等正法當據參將蔣觀

濤守備胡宗典等稟報兩股賊匪不知姓名只
在相近竹山屬之平峰寨界外游奕設臣等帶
兵趕赴二竹匪衆折回併力撲卡反爲牽綴當
卽於所帶官兵內抽派遊擊全祿守備孫欽等
帶兵勇一千四百餘名前往招峯崖一帶迎探
遏擊臣等卽在豐溪山梁安營扼要策應探得
何路喫緊卽統兵馳赴剿辦茲據全祿等稟稱

《聖朝實錄纂要》

十

途次老鴉頂有一股賊匪約數百人由茂古坪
至桐樹坪一路焚掠而來一見兵勇卽翻山奔
逃被兵勇追趕十餘里因天色已晚前途林箐
深密恐墮賊人詭計卽在該處安營未便深追
次日隨派首領胡承烈等帶鄉勇三百餘名繞
赴老鴉頂蕭家坡迎探賊蹤復派守備孫欽首
領鄭光明等帶領兵勇七百餘名前往牛屎壩

一路迎探賊蹤初八日接據陝省藩司溫承惠稟稱龍紹周等大股賊匪竄入平利之毛家溝草草河一帶其勢東趨經該司連次打仗克捷該匪等已竄近漆扒西界係通楚省豐溪要路並與竹谿之西面河相接復稱探得由紫陽竄來一股賊匪已奔至安康境內之銀硃壩有東奔平利之勢現在川陝賊匪據各處稟報股數不一會聚在楚省西南邊界乘隙窺伺各卡隘晝夜嚴防自當重兵暫紮隨時策應以為聲援方為有益臣倭什布自襄帶來弁兵悉數分撥卡隘臣明亮現帶馬步官兵三千餘名設追剿入川楚省僅存總兵孫清元所帶兵勇千餘名不但邊界綿長堵剿不敷分撥且川陝賊匪均逼近邊界再四籌商查豐溪為川陝楚適中扼

欽定剿平三省邪匪方略

正編卷二二一

要之地必得暫紮以壯聲勢既可保護楚省全局並為川陝接應時刻四路偵探何處緊要即赴何處追剿頃據守備郭朝鳴稟報提督楊遇春督兵追賊前來已抵平利臣等正以鄖縣與洵白交界一帶無兵防堵為慮適接長齡來信剿辦高二馬五之賊昨於王家坪接獲勝仗該匪現竄洵陽屬之仁河大小金河即與楚省即

境毗連已飭總兵德昌帶兵八百餘名在黃龍灘嚴密堵禦並據溫承惠稟稱慶溥已從洵陽之大小仁河一帶抄截此一路似可無虞又接

陝甘總督長麟咨開伍逆前股餘匪已竄入五

即金雞河有東奔之勢臣等飭令邊卡兵勇小心防堵臣等當即飛飭道員恒慶督同鄖西縣孔繼楨原集練勇堵禦該處鄉勇素稱驍健

自不虞其闖入臣明亮本宜遵

旨跟蹤入川現值川陝竄匪處處窺伺楚境兵力單

薄是以暫在楚省幫同剿辦俟賊氛稍遠迅即

統兵趕赴川省台力夾剿奏入

上命軍機大臣傳諭倭什布曰本日倭什布等六百

里報到仍不過籌辦堵剿情形自係明亮接奉前

此令其追賊入川諭旨伊未經前往故以此奏塞

皇朝通志卷一百一十五

三

責而倭什布亦隨同列銜但明亮等前奏以陝賊

竄楚緊要為詞帶兵趕赴二竹迎剿今又不往二

竹轉在豐溪無賊地方駐紮老奸蒼滑巧於趨避

實不知其是何肺腸明亮在楚剿賊種種遲悞前

已降旨將伊降為藍翎侍衛至倭什布係湖北巡

撫堵剿是其專責乃亦並不認真出力惟知附和

因循無能已極倭什布着再傳旨嚴行申飭外省

惡習總以朕所差去之人朕必迴護其短殊不知

朕之心至公至正即如那彥成台布以及魁倫皆

朕去年所用何嘗有所迴護耶伊等既以邊防自

任所有楚省防堵各事宜向何諉卸即責成倭什

布帶同明亮督率嚴密守禦倘稍有疎懈無論川

陝竄匪由何處逸入楚境惟倭什布等是問至明

亮自剿辦楚省教匪以來稽延多日屢經詢問倭

皇朝通志卷一百一十五

四

什布將明亮因何玩悞之處查明覆奏總未見倭

什布據實查奏自因明亮係朕特派帶兵之員未

免心存袒護今明亮已降為藍翎侍衛無可再為

掩飾明亮或係老邁無能或現在患病竟不能支

抑實係居心蒼滑不肯出力着倭什布據實查奏

經此次詢問之後該撫若仍代為徇隱倘經他人

叅出或經訪聞得實必治倭什布以欺飾之罪決

不姑貸再摺內所稱黃白等號賊匪已至川省徐家壩合夥因該省覓食維艱復折回交界處所游奕又龍紹周已竄近漆扒西界高二馬五等股竄近大小金河倭什布等如何督率堵禦至伍逆前股餘匪竄入五郎金雞河有東奔之勢倭什布業經飛飭恒慶督同孔繼楫集勇守禦現在會否截回並着一併查明據實具奏以慰廑注

欽定剿平三省邪匪方略

正編卷二二

二十二日辛未額勒登保奏言臣前因紫陽安康

等處賊勢較重擬由西鄉之柳樹店前進於初六日起程從分水嶺木竹壩王黑壩高莊子等處行走十一日抵紫陽所屬之王家壩額勒登保額令喜明由瓦房店前來接見據稱初六日探得會芝秀過江數百賊匪由繞溪河有向東南奔鐵佛寺之勢額勒登保與喜明帶領馬步官

兵迎擊未刻至華陽寺遇賊追殺三十餘里斃賊一百三十餘名生擒王光等十六名該匪等四散奔逃初七日又於深林內搜出活賊十七名訊據供稱實係會芝秀股匪所剩不過數百人並續探該匪南向大竹河一帶深林奔逸已入川界又准恒瑞札稱徐添德股匪前經官兵剿潰向星子山一路逃竄恒瑞恐其仍復西折

欽定剿平三省邪匪方略

正編卷二二

遂於西鄉之箭桿山巴山林龍池場一帶迎頭攔剿該匪等連夜從漁渡壩翻老林遁入川境又據探報楊遇春等帶兵由安康溢河磚坪一帶追剿口在平利地界尚未接楊遇春等呈報接仗情形又據慶溥報稱跟追高二馬五股匪於初四日督同將備等從大小中溪馳至偏頭山遇賊在彼掠食當即追過數重山包斃賊二

十餘人生擒陳世德賴承光李成等三名訊據
供稱在陝連日被官兵剿殺欲向無兵處竄逃
好往湖北等語當俱正法該副都統恐兵力稍
單已就近知會長齡帶兵由紫木樹堽吉陽關
前來以便合擊臣查此一帶地方山勢頗險該
處路通鄖陽所屬之鮑家店黃龍灘等處現有
總兵德昌帶兵防堵并聞明亮倭什布統兵在

聖祖高皇帝實錄卷一百一十七

七

竹谿之西面河一帶截剿高二等股匪大勢不
能竄楚臣當卽札知慶溥務須會同長齡趕緊
剿辦且此內有老掌櫃王廷詔尤為賊中要犯
并囑慶溥等留心擒拏又接據駐防太平之遊
擊李廷臣稟報探得賊匪王士虎樊掌櫃等已
由湖北折竄川省大寧之徐家壩天坪現有總
兵永寧追剿并稱德榜泰勒保等已向巴南前

來剿賊等情臣查核各路軍情目下惟龍紹周
及冉張股賊在川陝邊界高二馬五王廷詔等
賊股尙在竹山白河一帶其餘如徐添德曾芝
秀并先經奔竄之張添倫辛聰魏棒棒顏勝可
戴家營等股登經剿潰所剩賊匪每股或數百
人千餘人至二千人為最多俱經逸入川境是
現在賊股以川省為重且高二馬五王廷詔等

聖祖高皇帝實錄卷一百一十七

七

楚中若攔剿緊密又經楊遇春慶溥等趕擊勢
必亦歸川境伏思川楚陝同係腹地而近年以
來剿辦不易得手者實緣賊匪隨處分股奔逃
官兵每為牽綴之故今賊眾漸已歸併入川我
兵雲集剿辦轉可期速嚴事功此時已去川省
之各股賊匪尙在太平南江通江等處德榜泰
勒保等已向巴南前進此外尙有七十五帶兵

剿辦一時不能滋蔓臣本應卽入川省而陝楚之賊未竣未便遽離所統之兵亦難分撥惟查有阿哈保侍衛墨爾歡保所帶馬步兵勇共二千餘名并副將唐朝臣海常尙可先行撤出是以飛札知會阿哈保等卽行帶兵或取道西鄉或由寧羌廣元先行入川協剿臣俟楚陝兩處肅清再行整旅入蜀至各賊匪均歸入川境一

《聖鑒事稽彙編卷三十一》 十九

經剿急必致又思他竄倘川陝毗連之處防堵不密又致散竄無歸臣計陝甘現有之兵約有三萬全行留陝其統率大員有長麟慶溥尙有恒瑞定住觀祥汪啟胡定泰楊奎猷九十關騰劉之仁等均係領兵大員逐段管理可專責成副將以下等官更復不少并副都統額勒亨額慶溥綸布春等三員亦擬留在陝省帶領馬隊

分佈營卡以備擊賊之用至甘省已經寧謐賊匪非週陝不能入甘自寧羌南鄭西鄉紫陽安康等州縣均與川境毗連其地亦復綿亘萬山層疊若處處設兵亦斷不能有如許兵力其中各有險要可扼總路此外小路本多只可暫行創挖并砍伐木植堵塞令民人暫歸大路行走且官兵設卡之後株守一隅仍屬無濟臣意亦

《聖鑒事稽彙編卷三十一》 二十

不在多設卡隘須於總路地方分駐大營於扼要小道安立卡座遠探賊蹤卽行出擊不惟以逸待勞并可以少勝衆種種機宜亦難枚舉臣昨晤慶成已爲逐一言之名爲防堵其實卽以堵爲剿而素嫻軍旅近與臣相處最久者莫如慶成常與之論及行軍應機畫策亦無有出其右者此一帶地理情形較之各提鎮尤爲熟悉

臣 雖已將何處安營何處設卡何提鎮應在何處駐劄之處開單指明而因時調劑以及細微曲折總當責成慶成周歷巡查隨時佈置方為妥協其防堵剿捕調遣事宜慶成並與長麟商定列銜具奏至新任撫臣陸有仁到陝慶成將糧餉及結寨團勇之事均交陸有仁辦理更可專以堵剿為事况寧羌南鄭城固西鄉以至紫陽安康平利緊連川界如安設周密該匪等斷不能再竄陝疆又有防江之兵在於裏層再加慎密更不慮其深入但查南鄭黃官嶺等處已派楊奎猷胡定泰帶兵在彼西鄉鍾家溝貫子山一帶亦有恒瑞駐守此外陝甘官兵向以伍懷志等零星賊股未經掃除不能立即分設又伍懷志一股於前月二十日經穆克登布等趕

至鐵爐川殺賊一百餘名生擒十七名該匪分奔老林所剩四五百人昨據署留壩同知喻文鏗稟報該匪等於初二日夜在棧道之廟臺突過維時有解餉赴漢中交明回省銷差之候補縣丞崔立楷在店住宿猝然被害該匪由蒿壩河向東逃遁穆克登布等已隨後跟追等情各該處本向有防兵因前股會芝秀東竄俱往跟剿所以無兵攔截但該匪等已經殘敗五郎鎮安一帶尚有汪啟德忠帶兵探剿並有通判雒昂帶勇截擊又有穆克登布等緊追斷不能更有滋蔓其觀祥等所剿零星賊匪前報尚在畧陽地界此數日內臣行走較遠未據報到已飛飭趕緊剿竣速帶官兵前來以資分設防堵再查現在高二馬五王廷詔等賊若長齡與慶溥數

聖祖御覽彙編卷三

三

聖祖御覽彙編卷三

三

日間辦完固為甚善否則逼向平利安康臣前
往併力剿洗務於年內將大局戡定仰慰

慈懷奏入

上命軍機大臣傳諭額勒登保曰現在各股賊首徐
添德曾芝秀並先經奔竄之張添倫辛聰魏棒棒
顏勝可戴家營等股俱已逸入川境祇有龍紹周
高二馬五王廷詔及冉張等逆尚在陝楚交界之

聖訓

三

竹山白河一帶游奕額勒登保以陝楚之賊未盡
未便遽離札知阿哈保等帶領馬步兵勇二千餘
名先行入川協剿無分畛域實為可嘉高二馬五
係賊匪中最兇悍者屢次戕害提鎮大員罪大惡
極而王廷詔亦屬教匪要犯俱在陝省東西奔竄
必須盡行痛剿現在額勒登保札知慶溥會同長
齡趕緊剿辦與朕指示適相符合額勒登保務當

督催慶溥等趁賊窮蹙之時奮力截擊若能即在

陝楚交界地方將高二馬五王廷詔擒獲即行

割致祭前被戕害之提鎮各大員若臨陣殲斃亦

當割取首級祭奠以慰忠魂而洩眾憤並將此股

賊匪悉數殲除不得僅以擒獲首逆即為成功總

以去疾務盡為要此事已遲至五年之久早完一

日百姓早受福一日然不可草率苟且又留遺孽

聖訓

雷

捷音一到必將慶溥等優加獎擢此朕所所又企
望者即或不能剿盡不得已亦當將高二馬五王
廷詔逼入川境長齡即可帶領勁兵緊躡賊蹤與
川省大兵合力剿辦現在竹谿西面河一帶雖有
倭什布明亮等在彼防堵皆不足恃若一經折回
楚境又致蔓延棘手額勒登保不可不飭知慶溥
等上緊剿盡仰邀恩眷也至此次漢江以北祇有

伍懷志一股竄入南山老林不過四五百人額勒登保務當轉飭慶成穆克登布等趕緊搜剿斷不可令其竄匿致滋裹脅若高二馬五王廷詔龍紹周伍懷志各匪俱能剿盡額勒登保自當振旅入川會合德楞泰勒保等將川省各匪於年內一律蕩平又據稱陝省防堵之事不在多設卡隘應於總路分駐大營於扼要小道安設卡座以逸待勞

以少勝衆等語所辦俱合機宜並稱面晤慶成已一一告知慶成前在川省剿賊遲延經朕棄瑕錄用伊近來屢次帶兵打仗甚屬出力前已加恩賞給三品翎頂簡任總兵現在定住舊傷復發着卽緩程來京陛見所有固原提督着慶成兼署並加賞二品頂戴額勒登保赴川會剿後恐川境各賊又思他竄所有川陝楚毗連各處防堵尤宜嚴密

俟經畧入川後所留陝甘兵三萬名俱歸慶成節制一切安營設卡周歷巡防各事宜著慶成隨時布置轉飭各路卡隘防守嚴密若遇賊匪竄近能卽行截回無論何處員弁之功皆慶成之功若稍有疎懈致竄匪闖入陝境無論何處員弁之罪皆慶成之罪以專責成再觀祥等在畧陽所剿零星賊匪何以尙未辦淨並著額勒登保嚴行飭催毋任稍有延玩其押解餉銀遇賊被害之候補縣丞崔立楷著咨部賜卹

欽定剿平三省邪匪方略正編卷二百二十一 庚申年

十月二十四日癸酉長齡奏言查高馬二逆剿敗

後直向西南之北塔三岔順水寺一帶狂奔該

處西北兩面均通陝界東來則有臣勁旅南達

竹山匪眾既因陝省乏食必思闖入楚地若不

乘此勝兵盡力殲除難免蔓延之勢臣於十二

日即由陳家莊葛藤壩一帶進擊察看匪徒屯

剿平三省邪匪方略正編卷二十一

聚之區俱係深林窄徑並將道路挖斷間有不

能行馬之處該匪見有官兵或分或合盡據陡

坎拋擲石塊我兵無從著力實為憤懣隨派侍

衛常祿章京喜尙阿等帶吉林馬兵分為二隊

章京常泰五達子定柱等帶黑龍江官兵分為

三隊參將海麟馬德舒遊擊拉里等帶兩粵官

兵分為二隊共分七路臣率領侍衛呢瑪善知

府周季堂等接應各隊分投繞覓小徑逐漸圍

裹該匪情急拚命抗拒勢極兇悍相持三時之

久經各隊馬步兵勇鎗箭礮轟不下三百餘名

滾巖跌斃者不計其數見有手執大白旗賊目

率眾於深溝內撲我馬隊臣督率兵勇直前衝

殺鄉勇頭人武童王定富朱上錦首先衝入賊

隊當時被害呢瑪善及驍騎校阿穆昌阿腮受

剿平三省邪匪方略正編卷二十一

矛傷佐領忠福委官青山外委曹正榮均受石

傷馬步兵勇無不憤恨奮力迎擊立時殺斃賊

匪二百餘名並擒獲執藍旗之賊二名餘匪慌

亂盡棄馬騾旗矛翻山疾竄由馬溜溝大影坡

高橋出東河口至齊家坪官兵乘勝追擊八十

餘里沿途俘戮賊匪二百餘名時已昏暮鍋帳

平未隨帶即諭令各員攬集各隊稍為憩息隨

營糧員知州魏耀解到乾糧軍火當即分給各
 兵勇臣復於五鼓率兵進追該匪徹夜未停由
 藍峪河進猪腸溝石佛寺田溝翻貨寶山直竄
 鄧家河似有向保豐之勢一日夜已奔一百五
 十餘里臣復踰寬抄徑由桃園一帶兜截我兵
 甫到而匪眾已至馬步兵勇併力夾擊斬獲五
 百餘名生擒白布裹頭身穿紅襖之馬賊二名
 步賊一百餘名匪眾紛紛潰敗仍向西南陳家
 河一帶狂奔因官兵兩晝夜窮追即於該處暫
 紮當將獲犯審訊據鄉順供認係偽先鋒屢經
 打仗本四川達州人在營三年高掌櫃旗上寫
 高家營馬五旗上寫馬元帥營裏是馬掌櫃管
 事本是兩營高掌櫃是黃號馬掌櫃是藍號手
 下五路先鋒有陳張廖石同我共五人他們係

四川陝西湖廣江南人我們本意為陝省短少
 糧食要來湖北想搶渡黃龍灘就可下至均州
 穀城襄陽容易焚掠因索倫馬箭利害兩次喫
 虧不能過河馬掌櫃說翻嶺走小路至竹山過
 堵河到房縣就可到保康南漳亦可到襄陽不
 料官兵日夜追殺馬掌櫃說如不能過堵河仍
 回舊路向黃龍灘總要下湖北省去又據馬賊
 二名供係楊大順王興俱充大頭目餘匪馮大
 富等一百零五名俱是探馬矛手實係正賊均
 即正法其餘散出之李宗盛男婦等一千餘名
 訊係陝省良民給以路票概行釋放所獲騾馬
 器械已分賞兵勇伏查高馬二逆蓄意竄楚非
 由黃龍灘即思偷渡堵河欲向保南均穀襄陽
 以為苟延殘喘之計現就臣兵力祇能顧此一

路惟有踞覓抄徑設法兜剿一面飛咨倭什布如邊卡賊蹤稍遠卽移駐竹山相機堵截其黃龍灘一路業經臣屢次札囑總兵德昌並咨會姜晟派委委員實力嚴防毋使竄越此次傷亡兵勇容俟查明咨部奏入

上命軍機大臣傳諭長齡曰長齡前在王家坪鮑家店大坪等處兩次剿賊得勝此次復率勁兵抄道

聖諭

五

迎截七路並進窮追兩晝夜共殲擒賊匪一千四百餘名孳獲偽先鋒鄒順賊目楊大順王興又散出男婦一千餘人連獲勝仗三次實屬奮勇可嘉長齡著賞給白玉喜字牌四喜玉搬指大小荷包並發去搬指搬指套各十件分賞軍營出力人員再前此因吉林黑龍江及兩粵官兵打仗出力會賞給銀牌一千面此次又復殺賊多名實爲出力

著再發去一兩重銀牌五百面五錢重銀牌五百

面交長齡賞給打仗奮勇官兵以示獎勵高二馬

五等股賊匪最爲兇悍今經長齡設法兜剿若能

趁此兵威勝勢將二逆一鼓殲擒不留餘孽再當

加以恩獎長齡俟肅清此股賊匪聽候經畧調遣

再往他處剿辦倘高馬二逆一時未能剿盡或折

竄入川長齡當率領勁旅隨賊所向奮力殲除不

聖諭

六

可任其竄匿爲要至所奏訊據獲賊供稱高馬二

逆因陝省無糧可掠總思竄往湖北長齡已飛咨

倭什布移駐竹山並札囑總兵德昌又咨會姜晟

派委委員防堵黃龍灘一路此則倭什布德昌專

責著姜晟行知伊二人實力防堵毋使賊匪一名

闖入倘稍有疎虞惟伊二人是問昨據額勒登保

奏高二馬五王廷詔等股俱在竹山白河一帶何

以長齡摺內祇稱高馬二逆未經提及王廷詔該首逆係屬教匪要犯或隱匿姓名希圖逃竄長齡於獲賊時當留心訪問勿任漏網再額勒登保昨奏稱高二等股賊匪大勢不能竄楚札知慶溥會同長齡趕緊剿辦今長齡屢次將高二馬五等股截擊何以未見慶溥會同剿辦亦著長齡遇便查奏鄉勇頭人武童王定富朱上錦首先衝入賊隊

聖旨 著照所請 欽此

七

被害著各部照把總陣亡例賜卹侍衛呢瑪善驍騎校阿穆昌阿佐領忠福委官青山外委曹正榮均打仗受傷今皆愈否並著長齡查明保奏遇有應陞之缺陞用

上又命軍機大臣傳諭吳熊光曰據額勒登保奏賊首徐添德曾芝秀並張添倫等股匪衆俱經竄入川境祇有龍紹周高二馬五王廷詔等逆尙在陝

楚交界遊奕經額勒登保督飭慶溥長齡奮力截擊本日又據長齡奏將各股賊匪痛加剿殺殲擒一千四百餘名賊匪被官兵擊敗勢已窮蹙自可無虞他竄其在湖北竄擾之藍黃白線四號賊匪亦已逼歸川境是豫境西南兩面防堵事宜現非著重吳熊光離省日久藩司馬慧裕業已擢用湖南巡撫不日即應前赴新任臬司完顏岱亦在邊界防堵省中並無大員吳熊光應即回省辦事至該省江防現在尙非緊要並著吳熊光酌量情形於防守官兵鄉勇內有可以裁撤之處即當量爲減去以歸核實

二十五日

甲戌

上命軍機大臣傳諭陸有仁曰陝省各處軍營剿捕賊匪屢有克捷正當喫緊之時所需餉項自應寬

爲籌備但昨據額勒登保奏各股賊首徐添德曾
芝秀並先經奔竄之張添倫辛聰魏棒棒顏勝可
戴家管等股俱已逸入川境祇有龍紹周王廷詔
及高馬冉張等逆尙在陝楚交界游奕已令阿哈
保等帶兵二千餘名先行入川額勒登保不日亦
當帶兵赴川督剿陝省防堵之兵僅有三萬名較
前減少用項自可大加節省今特於山東江西二
省封貯銀內共撥銀五十萬兩先令解陝足資十
一月之用倘屆期尙有不敷不待伊等奏請自當
豫行陸續籌撥無虞缺乏陸有仁務須加意撙節
事事核實辦理勿令稍有糜費

二十六日^{乙亥}明亮倭什布奏言查藍黃白線四

號賊匪雖經^臣等剿敗竄回川省大寧地方離
楚稍遠尙有剿敗餘匪或數十人或百餘人分

欽定剿平三省邪匪方略 正編卷二二二

欽定剿平三省邪匪方略 正編卷二二二

起總在界嶺一帶假扮難民冒充鄉勇希圖混
入卡隘經前派參將全祿守備孫鈇等帶領兵
勇分投剿捕并續派守備王占鰲首領黃興隆
等帶領兵勇入山搜捕節次擒獲葉萬全等一
百七十三名陸續解到^臣等逐加細訊僉供四
號賊匪逃到川省地方因無糧食可掠令我等
裝扮難民鄉勇探聽官兵信息並詢出放火賊
丁奉等五名係黃白二號執旗賊目帶領百餘
人前來到處放火擄人誘大兵追入山內即合
力轉回撲卡等語當將該犯等交遲葉萬全等
一百十三名均係從賊日久即行正法其餘馬
士貴等五十五名實係被擄良民概予寧釋復
據參將全祿探報一股賊匪約千餘人不知姓
名由招峰巖一帶滋擾竄至柳葉店乘夜偷撲

欽定剿平三省邪匪方略 正編卷二二二

三三七

營卡經守備孫武等在山頂卡內望見因該處地勢陡險未許兵丁施放鎗礮待賊匪上至半山卽令衆兵滾放插石斃賊甚多該匪當卽敗退由長城壩奔回四川大寧屬之通城坡一帶臣等連日分派兵勇四路偵探四號賊匪均已遠道餘匪搜捕淨盡楚省西南邊境添設兵勇飭令嚴密防堵斷不可因賊蹤已遠稍有疎懈

正在布置間接得長齡來信已由鮑家店抄至賊前獲有勝仗在瑪瑙溝紮營過其東竄之路并飛咨鎮臣德昌就近在黃龍灘扼要堵截但賊匪狡詐異常路途分歧兵力不能周顧等因又據竹山縣范繼昌稟報高馬二逆賊衆已竄至白河屬之平頭山漫營等處切近楊家牌樓翻越山嶺卽係竹山吉陽關地面相隔不過二

三十里賊勢甚緊請撥兵截剿等語臣查該匪所竄路徑北有大江阻隔東有長齡帶領勁旅截擊又有德昌在黃龍灘堵禦勢必奔竄竹山西北邊境設賊匪一經闖入上通竹谿下達房保深爲可慮是以臣等趕緊於十三日帶兵由豐溪石板河雙竹園兼程馳赴竹谿并派兵勇星夜迎探賊蹤相機截剿復飛咨長齡德昌合力夾擊以期上緊掃除臣等於十六日趕抵保豐隨據首領黃興隆等探報賊衆大隊在陳家河屯紮賊探已至鐵掘寨溢水一帶焚掠卽於十七日五鼓發兵已刻各路官兵馳抵溢水正遇賊衆大隊該匪遙見官兵馬步賊衆分爲數隊各佔山包吶喊搖旗蜂擁而來臣等察看山勢散漫必須分路抄截方能制勝遂派副將吉

聖朝聖編卷三

十一

聖朝聖編卷三

十三

林泰朱士奉王懋賞等帶領兵勇分佔左右四道山腿臣明亮督率侍衛富翰塔津保恒坤龔福等帶領馬隊由中路迎前直擊臣倭什布督率副都統銜總管托爾托保侍衛花尙保等由山後抄上山頂分路下壓分派已定官兵同心努力鎗箭齊發立斃馬步賊匪百餘人該逆等捨命衝撲正在攪殺之際臣倭什布督率兵勇

欽定剿平三省邪匪方略

正編卷二二二

繞上山頂分投壓下賊始慌亂官兵合力圍剿斃賊二百餘名賊卽四散敗竄官兵追賊三十餘里至獅子溝地方沿途又殲戮賊匪二百餘人人生擒男婦二百三十四名口乘間投出被裹男婦老幼九十六名口奪獲大礮四尊鳥鎗一百二十四桿騾馬七十三頭匹大小旗幟三十面沿途拋棄幼孩米糧包裹不計其數官兵

追殺一日暫令歇息一面派撥幹練兵勇跟蹤偵探當將獲犯細加審訊據賊探曹建成張明等供稱賊營內祇有黃藍二號藍號大掌櫃是馬五高二黃號掌櫃是王元帥賈元帥不知名字營內男婦大小共有六七千人王元帥管領馬隊賈元帥管領鎗手黃號先與白號合營後與白號分夥纔與藍號合營前在陝西漆樹溝

欽定剿平三省邪匪方略

正編卷二二二

被楊大人打敗他們商量說湖北兵少可以到彼搶掠衣食不料又遇官兵老師傅令我等來探信今被拏獲不知他們向何處去等語并訊出執旗賊目吳昌茂等十七名又領馬步賊匪小頭目徐魁等二十一名均立行鑿割其盛貴等八十六名訊係馬步打仗矛手概行正法又據曹月發梁何氏等共一百十名口僉供實係

被擄未久其民除就近傳知各寨首領分別認

領外其餘何先富等當即給予路票盤費各回

原籍臣等查賊匪原欲向田家壩竄往房保以

圖擄掠今被官兵迎頭痛剿仍由來路折回一

路可竄白河一路可至竹谿臣等現從馬鞍山

追剿邊住竄往竹谿路徑並可迎頭抄截一面

飛咨長齡迅即帶兵前來夾擊并飛飭鎮臣德

皇朝通志卷三十五

昌在黃龍灘實力堵禦臣等隨時互相咨會惟

有併力同心務將高一馬五大股賊匪即在楚

陝邊界剿除淨盡此次打仗攪殺之際守備韓

瑛身受矛傷二處尙不其重千總職銜首領章

景龍竹山營外委梁大成均受矛傷陣亡并有

鐵角寨寨勇首領陳紀見官兵打仗率領寨民

二百餘人助陣殺賊亦受傷陣亡其餘兵勇間

有傷亡另行查明咨部并將實在打仗出力各

員開寫名單進呈伏祈

施恩鼓勵實於剿賊有裨奏入

上命軍機大臣傳諭倭什布日黃白藍線四號剿敗

餘匪在界嶺一帶假充難民混入卡隘經參將全

祿等帶領兵勇分投搜捕並將竄擾柳葉店之賊

匪擊退此係全祿等剿辦出力至高馬二逆在鐵

皇朝通志卷三十六

掘寨溢水一帶焚掠則係倭什布明亮督率官兵

馳抵該處派委將領分路抄擊其殲擒賊匪八百

餘名所辦尙好倭什布前因不能攔截川匪致令

逸入楚境是以降旨將伊翎頂革去今能親率兵

勇繞上山頂分投下壓痛加殲戮頗知奮勉伊係

本省巡撫頂戴乃視瞻所係著先賞給四品頂戴

俟再有出力之處不但給還原品頂戴花翎並當

15281 十 6 29

加之懋賞明亮於徐添德竄陝時以川省藍黃白線四號賊匪竄楚緊要為詞並不跟蹤追剿及聞股竄匪折回川境又駐劄豐溪以防堵竄匪為詞兩次俱未追賊出境是以革去總兵降為藍翎侍衛今自知愧勉奮勇殺賊著加恩賞給三等侍衛作為領隊大臣幫同倭什布在楚境堵剿遇有奏事著倭什布單銜具奏明亮不必列名伊二人前經獲咎今一知奮勉朕即立予恩獎不可不倍加感勵也外發去洋玻璃盒翎管撥指套日昇各五件分賞出力將弁又發去一兩重銀牌五百面五錢重銀牌五百面賞給此次打仗出力官兵用示獎勵高二馬五一股在賊匪中最為詭詐兇悍今摺內以此賊現在捨命奔竄無多伎倆未免稍存輕視倭什布明亮當益加振奮隨時留心設法抄

欽定剿平三省邪匪方略 正編卷二二二 七

截即在保豐一帶將高二馬五擒獲制致祭從前被害提鎮等以慰忠魂但又不可因首逆既擒即置餘匪於不問必須殲盡此股餘匪方為伊二人之功若稍有遺孽未淨即不得謂之賊事萬一賊匪一時未能剿盡或又竄往陝境現有長齡在彼跟剿明亮不必前往即在湖北與倭什布實力防堵毋使再行闖入至藍黃白線四號餘匪雖現在竄入川境但恐經德榜泰等剿捕緊急或又折回楚省所有該處防堵事宜即責成叅將全廉等實力守禦不可稍有疎懈所有此次打仗陣亡之干總職銜首領章景龍竹山營外委梁大成俱著咨部賜卹其寨首陳紀殺賊陣亡著咨部照把總例賜卹

欽定剿平三省邪匪方略 正編卷二二二 六

同日

上諭內閣曰明亮等將軍營出力人員開單進呈總

兵孫清元著賞給騰柯特依巴圖魯名號乾清門

頭等待衛富翰賞給多克慎巴圖魯名號二等侍

衛雙福賞給愛木希克台巴圖魯名號仍照例均

各賞銀一百兩馬甲飛濟保著賞戴藍翎以示鼓

勵

二十九日戊寅長齡奏言臣於本月十二三四等

製著聖恩編卷三

九

日自鄖縣之葛藤埡進剿生擒偽先鋒鄒順等

殺斃匪衆一千餘名賊衆狂奔西南陳家河一

帶查該匪若往南行則由江西溝鄧家寺溢水

塘向西則由東川保豐均可竄渡堵河繞赴房

縣東竄臣即由關口觀音寺水磨河一帶繞截

行抵丁角山據兵勇探報賊衆於十七日早直

奔溢水塘適值明亮倭什布自竹谿帶兵迎探

前來不期而遇迎頭截剿大得勝仗該匪已折

回敗逃臣即折向西馳截擊匪衆又見勁旅緊

追萬分披靡鎗箭到處無不應手立斃其翻山

滾巖者不能計數拋棄器械騾馬幾滿道路被

裹良民紛紛而出隨給路票均各釋回本籍該

匪情急即分兩股一向西奔現有明亮倭什布

帶兵窮追一向北竄臣偵探已向馬鞍橋吉陽

製著聖恩編卷三

十

關一帶總於山僻小路奔逃並不焚掠臣即抄

道繞出界嶺於十九日午刻趕至白河之東西

壩地方追及賊蹤該匪正在覓食實不料官兵

突至旋佔險窄山梁並樹林房屋內埋伏抗拒

臣見該處山勢險窄路徑錯雜林深樹密若直

前衝擊必墮奸計當派參將馬德舒雙福等各

帶步兵鄉勇頭人武舉賈學魯行營千總賽廷

衫等各帶健勇分頭迎敵另派章京常泰等率領吉林黑龍江馬隊由旁通之路擇其稍爲平坦者繞出賊匪之後使該匪前後不能相顧可期痛洗臣帶領侍衛特依順保等督率兵勇從山溝內抄向賊匪之前衝擊該匪等分投下壓亂石如雨我兵奮勇搶上山梁立斃執旗賊目一名餘賊七八十名該匪抵敵不住退避山後

我兵馬步兵勇三路或擊其前或斷其後或從中壓鎗箭並發斃賊三百餘名生擒活賊矛手七十一名訊俱正賊當卽正法餘匪翻山越嶺不擇路徑亡命奔逃仍向西北狂竄查該匪去向係白河洶陽一帶臣現由楚省界外緊躡追蹤一面飛咨明亮倭什布在楚省界內攔頭截擊內外兩路並進不予片刻之暇兼顧東竄道

欽定剿平三省邪匪方略

正編卷二二二

路以絕其再折回楚之計如能趕至前途與明亮等會合夾擊一鼓殲除固屬仰賴

天威卽或逼入陝境暫且肅清楚省似於剿捕稍有裨益此次傷亡兵勇容俟查明另行咨部奏入上命軍機大臣傳諭長齡倭什布明亮曰長齡前在王家坪鮑家店大坪等處連有克捷此次帶兵截竄匪復於溢水塘迎頭剿殺並趕至白河之東西壩地方躡蹤追擊官兵奮勇搶上山梁斃賊三百餘名生擒矛手七十一名自因吉林黑龍江勁旅勇往得力用能屢得勝仗所辦尙好現在賊匪向西北分段奔竄長齡由楚省界外帶兵追躡并飛咨倭什布明亮在楚省界內截剿此二股賊匪自卽係高二馬五分股該二逆屢次戕害提鎮大員最爲可惡今該官兵剿急分竄必須速行殄滅

欽定剿平三省邪匪方略

正編卷二二二

淨盡著交長齡倭什布明亮三人分投夾擊乘勝

奮剿一經殲擒賊首卽遵照節降諭旨將首級

覽破皆各員但必須將此二股匪黨悉數殲除勿

留餘孽不可祇擒賊首卽爲完事至長齡等三人

分剿此二股竄匪不拘何人先行剿竣一股卽帶

兵歸人一路併力協剿統俟此二股全行辦竣倭

什布明亮仍赴楚省邊界督率防堵長齡應赴何

聖看程彙纂卷三

三

路剿辦之處聽候經畧調度再長齡現向西北一

帶追剿賊匪而經畧額勒登保在紫陽安康一帶

紮營督剿相距不遠長齡豈有不得信息之理何

以摺內未據奏及此後奏報之摺應探明經畧一

路情形一併具奏

欽定剿平三省邪匪方畧正編卷二百十三 庚申年

十一月初一日 已 長麟慶成奏言竊 長麟由

鎮安安康一帶馳抵漢陰接額勒登保來信知

額勒登保由西鄉王黑壩一帶東移已入紫陽

境內囑 臣 不必繞道紫陽卽就近趕赴西鄉與

慶成面籌防堵事宜 卽由漢陰起身趕抵石

泉途次接據探報伍懷志股匪原有一千餘人

聖看程彙纂卷三

一

經穆克登布等在鐵鑪川一帶節次剿殺之後

僅餘五六百人於初二日翻越老林竄出留壩

廟臺子棧道桑吉斯塔爾緊躡追剿穆克登布

由江口抄截該匪由葦子坪北奔桃號二川因

臬司王文湧都司綽克圖帶領兵勇在方柴關

堵剿該匪仍卽折回楊家溝初七日午刻遁

入南山內之佛保寺桑吉斯塔爾趕上賊蹤極

力掩殺斃賊二三十名生擒六名該匪情急奔入礮溝腦連夜走紅巖溝青草山一帶十三日竄至葦子壩內鐵冶河華陽山一路奔逃穆克登布抄至石塔寺截住賊匪殲賊三十餘人生擒戰手十餘名均卽正法餘匪不過四五百人竄入西溝穆克登布截殺二十餘名賊匪翻上大山絕頂桑吉斯塔爾穆克登布等現在合兵由九齒壩截擊又經額勒登保添派總兵汪啟及候補通判維昂等在四畝地鐵爐壩等處堵截所剩賊匪僅四五百人三路兵勇七千有餘無難就地剿滅又觀祥游棟雲由畧陽追剿小股賊匪逼過漢江追至螞蝗溝殺賊一百餘人生擒二十餘名餘匪由大小沙河竄入廣元境內雖已逼出陝境然尚在邊界老林內游奕未

聖朝御覽卷三十三

二

經遠去又連日據南鄭城固西鄉等縣稟報月匪一股於十三日由花石梁竄至城固之小盤壩同日又有川匪一股由螞蝗溝竄至西鄉之鍾家溝又有一股賊匪於十八日由南鄭之法慈院竄至旗桿山板倉大壩一帶又有一小股竄至西鄉之細辛壩各等情均經 臣慶成與恒瑞及楊奎猷胡定泰等并 臣長麟札催觀祥分兵截攔業已先後逼出陝境但亦仍在界嶺一帶老林內游奕尙未遠去且據探報尙有賊匪數股在通江之烏林壩方山崖雄壩子及南江巴州接壤之兩河口等處潛匿希圖乘隙北竄陝境是現在南鄭西鄉寧羌西縣一帶最關緊要 臣長麟即趕緊由洋縣城固前往相機堵截於二十日行抵洋縣適 臣慶成亦因截剿賊匪

聖朝御覽卷三十三

三

路過洋縣與^正長麟會晤熟籌防堵之策查西鄉南鄭等處自軍興以來節年堵禦而從無一次堵住者實緣川陝連界之處自寧羌以至西鄉表延幾及千里中隔界嶺一道界嶺之上路徑叢雜隨處可通且賊匪窺而走險官兵祇能於可通路徑之各要隘分設卡座零星散布而賊匪於並無路徑各處攀援衝突無論各卡官

《聖朝聖訓卷三》

四

兵均屬鞭長莫及即使趕往堵禦倉猝之際賊匪以全力攻撲亦難望其必能得力一經闖入再無截剿之兵遂至肆行奔竄深入蹂躪甚至有前股之賊翻山竄過勢須暫撤卡隘官兵前往截擊而後股之賊即由暫撤官兵之卡隘乘虛衝入以致官兵前後不能兼顧此節年未能堵住之情形也此次堵禦必須先以從前節次

覆轍為鑒不宜過分兵勢除於實在要隘處所按設防兵外仍須於每縣適中總要處所酌留剿兵俾得堵禦截剿兼施縱使賊匪翻山越入衝過卡隘尚有剿兵可以迎頭截回庶不致再如從前之紛紛深入查額勒登保派留陝省官兵除額勒亨額慶溥喜明在東路剿辦及關騰劉之仁分防江岸所帶官兵外其餘可以調來

《聖朝聖訓卷三》

五

西鄉南鄭寧羌沔縣等處防堵者不過萬有餘名此內尚有前在棧道防堵已調未到者亦有現在堵截伍懷志賊匪不能遽行撤調者又派留西鄉南鄭等處之領兵大員內如提督定住因前在階州剿賊墜馬觸損舊傷力疾行至寶雞不能動履暫留該縣調養茲據寶雞縣稟報定住病勢日加沉重難冀速痊德忠現已奉

旨拏問汪啟亦因截剿伍懷志賊匪未能撤出是刻

下官兵尙未齊集若卽以現有兵力堵剿兼施

一經分布卡隘則防兵之外不能再留剿兵卽

防兵亦未免尙形單弱仍屬於事無益臣等熟

加商酌惟有與恒瑞等就現在已到之兵分擇

各縣適中之地扼要駐紮遠探賊蹤何處緊要

卽趕赴何處截擊暫且以剿爲堵仍彼此聯絡

《聖朝實錄卷三十一》

六

聲勢盡心竭力斷不令賊匪深入俟各路官兵

調齊之日再行分布卡隘堵剿兼施益臻嚴密

奏入

上命軍機大臣傳諭長麟慶成日長麟等遞到六百

里奏報朕以爲必係打仗得勝情形及加披閱祇

係籌商陝省南面一帶堵禦事宜旬日以來所辦

何事怠玩故態復萌矣其伍懷志一股遁入南山

實爲可恨此股剿敗餘匪現據摺內稱經穆克登

布等節次剿殺之後僅餘四五百人而兵勇共七

千有餘較賊多至十倍何以不能設法兜圍尅日

剿淨或桑吉斯塔爾穆克登布以剿盡此股賊匪

又須另往他處故爾養寇遷延卽伊等稟報極力

掩殺之語恐亦不免虛捏焉有兵勇數千剿賊數

百名可謂極力掩殺乎長麟慶成務當嚴行督催

《聖朝實錄卷三十一》

七

速將伍懷志一股迅卽辦竣俾漢江以北一律肅

清若有怠玩之處卽行嚴叅治罪不值因此股殘

敗賊匪牽綴數千兵勇也至川省竄匪經德楞泰

勒保屢次剿敗且該處築堡團勇諸事認真辦理

賊匪無可搶掠俱不願回川德楞泰勒保帶兵總

由西南向東北逼壓賊匪非東入楚省卽北竄陝

境該省防堵事宜係長麟慶成專責該督等務當

督率地方文武實力堵禦雖川陝連界之處自寧
羌以至西鄉表延幾及千里然其中必有扼要之
地若以道路綿長處處排列官兵不但此時無兵
可調卽再增兵數萬亦不能到處分佈長麟慶成
總當於扼要處所安設卡隘聲勢聯絡以剿爲堵
毋使川匪一名闖入倘有疎虞惟長麟慶成是問

初二日庚辰額勒登保奏言竊臣先因紫陽境內

有數股賊匪出沒旋於十四日自王家臺起營

由月池清山梁及干門埡等處前進十六日晚
間探有賊匪在婁家溝屯劄相距只二十餘里

正擬稍爲停息卽發兵剿擊孰料該匪一聞官
兵將至乘夜逃竄十七日自雙和塘一帶進入

斑鳩關日暮時見賊匪上對面山梁臣當卽督

兵下溝上山趕剿賊匪亡命奔竄所殺僅二十

四名林菁昏黑不能再進擊獲田大登張正萬
等十一名嚴加鞫訊內張正萬係探馬頭據稱
現在此一帶係冉學勝張世龍及龍紹周苟文
明收匪因川省不能掠食故又陸續越過界嶺
前來或分或合意欲東竄餘無要供當將該犯
凌遲處死其餘訊係實在賊匪亦卽正法次日

臣仍卽親督官兵帶同札克塔爾喜明分路旋

探旋進至曹家壩入道河黑灘溝一帶賊又乘

夜由老林分逃一股向六道河鐵佛寺繞溪河
等處西南逃竄一股向安康界內小道河鐵爐

壩東竄我兵趕往殺斃賊匪三十餘名擊獲活
賊劉世富等十六名臣察看此一帶山大林密

溝澗深狹賊匪隨處潛躲莫測所向馬步官兵

實難施展該逆旣已分遁自應先顧東面且查

紫陽以西有額勒亨額帶兵在瓦房店扼要堵截西鄉一帶。有慶成在彼安設卡隘。長麟并亦帶兵至西鄉與慶成商辦防堵其所撤之防兵亦俱陸續可到。向西南竄去之賊可以不致蔓延。惟東竄賊匪漸近平利。必須趕緊剿辦。臣於二十一日繞抵安康之木蘭橋。接得長麟自楚來信於鮑家店地方將高一馬五之賊痛加截

剿平三省邪匪編卷三

十

剿斬獲甚衆。計算該匪等屢被長齡剿殺。兵威已震。此外尚有明亮倭什布攔截。如不敢深入楚疆。又必折回陝境。臣刻下自磚坪一帶追賊而進。并聞楊遇春等帶兵在孟石嶺獅子壩剿賊適當東面。臣即飭知加意堵截。期與臣夾擊殲除。如長齡所剿之高二馬五股匪。西折亦必即奔平利。該匪最爲狡猾。倘現在東去之龍紹

周苟文明等或與合夥。則人數較多。長齡所帶官兵即與慶溥會合力量尙單。臣到時務當相機趕剿。與長齡等將此數股賊衆合力洗盡。庶楚境廓清。再移師西向。專辦川陝邊界各股賊匪。較易爲力。再查總兵觀祥副將游棟雲所剿零星賊匪。被該鎮等在八廟莊螞蝗溝等處先後剿殺。所剩祇百餘人。據報鑽遁老林奔七眼

剿平三省邪匪編卷三

十一

洞已近川界。仍派鄉勇入山搜捕。現在沔畧境內肅清。又接據穆克登布稟報所剿伍懷志股匪屢經剿殺人數實已零落。僅有四五百人。總向箐林深山穿越。十六七等日趕至洋縣石塔寺紙廠等處。殺賊三十八名。生擒十六名。訊無要供。亦即正法。是伍懷志股匪已成釜底游魂。臣亦分飭該鎮等鼓勵兵勇竭力搜剿。不可再

有延緩看來各股賊匪東竄西奔不出陝之南
鄭西鄉紫陽安康及川之太平南江通江川陝
交界萬山層疊密林深溝之處尙易藏匿然川
省德楞秦勒保已在緊剿而長齡慶成又在川
陝邊境設防堵截臣若於安康平利境內仰仗
天威將數股賊匪辦竣實為至幸或有剩潰餘孽亦
卽逼向西南竭力籌辦將來各路官兵雲集愈

聖鑒事

十一

逼愈緊該匪等亦斷不能苟延時日矣
額勒登保又奏言竊江南提督定住前來軍營
在陝省孟家灘帶兵剿賊卽有失利臣因其甫
到營中不熟地勢且行軍勝負亦所常有曾以
好言勸慰嗣經派在甘省同廣厚帶兵截剿賊
匪因廣厚熟悉地勢故令合為一路及查節次
所殺賊匪不過一二百名散賊臣當卽以廣厚

究係文職而該提督係武職大員自應率領將
備身先士卒不得稍事因循再三剴切札知其
後亦未能痛剿賊匪臣念其久任提鎮究係熟
悉營務於甘省肅清後飭令帶兵前來陝中設
防堵剿並以固原提督賽冲阿在川不能到任
奏懇

聖恩令其暫行署理以便辦理各事呼應較靈旋據

十三

該提督報稱行抵寶雞因在甘省剿賊於波羅
山踰嶺陟險乘馬滾巖壓傷左腿並稱昔年出
師金川原受鎗傷此次墜馬跌壓舊傷并發不
得不於寶雞暫住就醫等情臣又卽行文該提
督如緣舊傷復發不便乘騎不妨卽坐兜椅來
至漢中一面接管印務并辦防剿事宜去後該
提督竟不前來漢中茲接其來信聲稱自揣不

能勉強請臣另為揀員奏署臣伏思帶兵大員

偶有傷病等事自應調治就痊再行盡力剿賊

該提督因墜馬跌傷并致舊傷復發亦在情理

然究係外病調治可愈何至不能行動且該提

督本係旗人當此軍務喫緊理應分外出力乃

似此延玩若人人效尤又藉何人辦理且該提

督既不署理固原提督又豈能勝江南提督之

任應據實具奏或令定住解任回旗調養或予

革職之處伏候

欽定所有固原提督印務賽冲阿未經到任之先應

請

旨交慶成暫行兼署再臣前以陝安鎮總兵柯藩在

山陽防守不能截剿賊匪具摺奏奉

旨將柯藩革職卽于軍營枷號俟軍務完竣之日再

行發往伊犁臣隨即遵

旨在於鎮安適中之地將柯藩枷示在案臣近日統

兵來至紫陽安康一帶該處寨長民人等均來

謁見無不以柯藩為念並稱該鎮在任時帶兵

殺賊約束官兵甚嚴從無累民之事臣伏思柯

藩係屬武職於小民本無關涉今臣所過之處

嘖嘖稱善其平時之馭兵愛民可以概見臣從

前因其不能截擊賊匪有干軍紀不得不據實

奏奏茲柯藩既為此問百姓愛戴不敢壅於上

聞可否仰懇

皇上格外天恩將柯藩釋放令其在紫陽安康一帶

隨同額勒亨額辦理堵剿并團勇結寨事宜以

贖前罪倘果著有成效再行請

旨酌量施恩均奏入

上命軍機大臣傳諭額勒登保曰額勒登保自上月二十二日奏到酌籌各路剿賊情形後又閱十日本日遞到奏摺以爲必係打仗得勝或剿滅賊股及加披閱則仍係籌剿各股賊匪緣由而摺內惟稱現督官兵旋探旋進及至趕上賊匪而賊匪已乘夜分逃總未痛加剿殺試思各股賊匪見有官兵追躡豈有不先行逃竄之理額勒登保自應察探賊情設法佈置或於要隘處所派兵堵截或抄赴賊前迎頭攔擊方可得力若趕上賊匪又任向前逃竄似此東奔西逐徒疲兵力何日始能辦竣現在氣候日就嚴寒在地雜糧包穀等項均已收割官兵則有衣履可以禦寒糧運可以充腹而賊匪既無食可掠卽逃入山內亦焉能有口食接濟且輾轉奔竄衣不蔽體焉能當此嚴寒是以飽騰

之士馬剿此飢疲之賊匪天時人事實惟此時最爲得力設再有遷延一交春令則氣候日就和暖南方耕種較早轉瞬青苗遍地賊匪又可隨處掠食剿辦必至費手額勒登保豈可不乘此機會趕緊奮擊尅期蕝事若能於年內將各股賊匪悉數殲除不留餘孽捷音奏到朕必格外施以重恩卽不能一律剿淨或將大股賊匪於年內殲除辦定大局其餘零星匪黨以次分投搜捕尙可謂之有功若至歲除時仍與現在情形無異則辦理濡遲雖有功亦不足錄試思剿辦賊匪將及五年朕未親政以前姑置弗論卽自上年至今辦理亦已二年賊匪一日未淨則地方一日不安荼毒生靈不可勝計而糜費國帑猶其小者且以內地亂民頻年剿捕不能竣事何以宣示國威而朕受

皇考付托之重曷由仰慰

在天之靈若屆明歲釋服時軍務未竣亦難另簡大員

復行督辦朕惟有親統六師用申撻伐則帶兵大

員等之罪更何可言額勒登保實為罪首將來有

何面目見朕耶此語實不忍加之汝身然時勢相

催亦無可奈何自額勒登保任經畧以來朕節次

添兵添餉不知凡幾更不得諉之兵少糧乏且舉

聖祖聖訓卷三

六

劾人員一經奏到無不照所請行從未駁飭即如

現在所奏柯藩定住二員俱照擬辦理即他人陳

奏亦多有交伊查核虛實者是信任不可謂不專

事權不可謂不重更有何掣肘之事有誰為從中

阻撓之人乎額勒登保數月以來經朕疊加訓飭

屢知奮勉近日又似漸形延玩矣凜之慎之至高

馬二逆最為可惡即額勒登保亦知其狡猾異常

尤應即時撲滅據稱該二逆現已西折或與東去

之龍紹周苟文明合夥長齡等兵力較單額勒登

保即當相機趕剿合力洗淨等語自應如此辦理

若高馬二逆竟與龍紹周苟文明合夥亦不足慮

賊匪分股奔竄官兵即須分路追剿往往為賊牽

縱即如伍懷志一股經官兵剿殺之後僅餘四五

百人而兵勇轉有七千餘名在彼剿辦是其明証

聖祖聖訓卷三

九

今高二馬五等如果與龍紹周苟文明歸入一夥

正可聚而殲戮况各股賊匪東折西奔皆祇在陝

之南鄭西鄉紫陽安康及川之太平南江通江一

帶而各路俱有官兵設防堵截似此潰竄之賊無

難乘勢剿殺迅速藏功額勒登保當此事屆垂成

之時不可稍有疎懈致失機宜至定住前在陝省

孟家灘帶兵剿賊既有失利之事彼時額勒登保

卽應據實叅奏何以隱忍不言直至此時始於摺
內畧爲敘及昨據長麟奏定任現在患病沉重已
有旨令其來京其固原提督之缺早經降旨令慶
成暫行署理今據額勒登保奏定任因在甘省剿
賊乘馬滾巖壓傷左腿舊受鎗傷復發屢經札催
總未前赴漢中著額勒登保傳旨飭令該提督緩
程來京候旨倘傷患不重藉詞諉卸有意抗違卽

聖朝罪惡彙編卷三

三

應據實叅奏將定任留於軍營聽候查辦至柯藩
前在陝安鎮任內帶兵駐守山陽城外不能截剿
竄匪經額勒登保叅奏是以將伊革職先在軍營
枷號俟軍務完竣再行發往伊犁茲復據奏近日
統兵至紫陽安康一帶查知該鎮在任時尙能馭
兵愛民等語柯藩著加恩釋放枷號作爲兵丁在
紫陽安康一帶隨同額勒登保辦理堵剿并團勇

結塞事宜以贖前罪並著額勒登保留心察看如
果奮勉再行奏明酌量加恩倘仍前怠玩卽據實
叅奏必當加倍治罪

聖朝罪惡彙編卷三

三

15. 07 升貴 6 RE 9

欽定剿平三省邪匪方略正編卷二百十四 庚申年

十一月初六日甲申德楞泰勒保奏言竊臣等於

本月初七日行抵清花溪據報由陝竄來高家

營內顏楊二姓之賊自太平官渡灣被兵勇擊

退又從簡池壩闖入通江界內龍紹周與唐冉

餘孽俱由高頭壩折竄陝境老林維時太平境

內已無賊匪臣等查簡池壩距清花溪不過四

製看龍夏編卷四

站自應就近分兵先往剿辦惟楚省折回之賊

在巫山大寧邊界遊奕若一入雲開向萬縣新

寧等處奔逸恐腹地又遭蹂躪是以商定臣德

楞泰即赴簡池壩一路進剿臣勒保取道新開

遏賊西竄初十日臣德楞泰甫至通江竹峪關

探知賊聞大兵前來即連夜奔回西鄉辛子山

旋據通巴一帶文武稟報陝境之賊又折回數

股經劉清徐廷鈺等派令縣丞職銜劉炳從九

品徐若瀛帶領壯勇五百名並前在鮮大川夥

內投首之王登忠輩貴趙思朝等十八人假扮

教匪模樣初四日在通江縣芝坪地方適遇楊

開甲之弟楊開第一股賊匪千餘人竄來王登

忠等詐稱鮮大川餘黨被官兵衝散情願歸附

同行楊開第令其暫紮邊營明日點驗劉炳等

製看龍夏編卷四

恐被窺破即於三更時先令王登忠等潛入賊

營到處放火各壯勇齊聲吶喊直前衝殺黑夜

中賊衆驚亂奔逃自相踐踏追殺五十餘里至

烏林壩時已天明因賊匪遠颺不便再追統計

殺死及跌斃賊三百餘名投出男婦周太鼎等

一百三十七名口搶獲馬騾鎗礮刀矛旗幟甚

多並據周太鼎等供稱楊開第尹老掌櫃俱受

傷棄馬而逃。偽先鋒杜星貴已被殺死。當卽指認屍首屬實。又據署巴州田文煦稟報初六日有李炳陳朝觀股內分出賊匪至棗林地方。乘夜摸樁經署州判羅德嚴把總陳安邦等帶領兵勇堵截。密令前此投首之楊仕山鮮文屏等帶人於四更時混入賊隊放火。賊衆驚潰。殺賊三十七名。撲水淹斃十餘名。生擒耿貴等八名。至七十五一路官兵於初五日抵南江范家山。探聞揚開第一股由陝竄來。被通江壯勇擊敗。竄至關門子。與辛聰齊國漢張添倫等股合夥。七十五卽連夜發兵進剿。賊分兩路抵拒。一在溝內埋伏。一在空山嶺山腰。吶喊誘敵。七十五先派都司蒲佑盛等帶領兵勇進溝將伏賊搜殺。殲斃五六十人。繼卽統領馬步隊搶上大嶺。

聖朝勳業編年

三

追殺三十餘里。至小寨地方。共計殺死及滾斃。跌斃賊匪三百餘人。生擒唐泳章等五十三名。餘向石觀壩竄去。七十五又帶兵追躡。十一日戌刻抵麻柳灣。賊在陳家峽屯紮。相距不過十餘里。正擬五更發兵詎該匪等於二更後竟分三路前來撲卡。將鄉勇頭卡攻破。又復圍擾副將張良祝。都司蒲佑盛營盤。七十五卽帶兵奮力轟擊。斃賊五十餘名。生擒十二名。蒲佑盛左手雖受矛傷。尙能悉力堵禦。營卡得保無虞。訊據活賊鍾治谷供稱。係李炳與張添倫辛聰等商量。如果此次偷營得手。卽赴保寧。一路欲過嘉陵江。若不能得勝。仍回陝西等語。七十五於天明後發兵追剿。賊衆捨命狂奔。分作兩股竄逸。一由大小壩竄入陝境。一由西河口折赴通。

聖朝勳業編年

四

江_臣 德楞泰聞信後卽晝夜馳往截擊十五日

抵平溪壩正遇李炳等一股賊探十餘騎奔來

一見官兵卽踉蹌折竄經賽冲阿阿穆勒塔李

領頭隊馬兵趕緊追逐箭斃三名生擒五名訊

知李炳等因廣元南江一路官兵堵剿嚴密不

能竄出保寧張辛等逆已回陝境該匪欲由通

江至巴州儀隴等處竄往順慶可圖掠食_臣德

聖朝聖編卷五

五

楞泰卽由梓潼廟繞出賊前十八日辰刻至柳

林溪正值賊匪竄至我兵迎頭截住賊匪見兵

卽逃由兩河口撲水過河官兵亦卽跟蹤躡渡

趕剿一百二十餘里直追至西鄉之石虎壩共

計殲斃賊匪二百三四十名淹斃者亦多生擒

曹繼開等一百十三名據稱鎗斃賊目楊總兵

不知其名_臣 德楞泰本擬卽向陝境追去緣接

_臣 勒保知會楚來之賊已由開縣遁入太平楚

省旣無兵追來自應先顧其急且川北境內現

無賊匪當卽札會七十五令其在通南邊界扼

要暫紮探明何處賊來卽赴何處截剿_臣 德楞

泰卽帶兵直趨於二十二日至八台山後槽地

方與勒保會合至_臣 勒保自清花溪分兵以後

十一日趕至新寧途次接據總兵永寧託雲泰

聖朝聖編卷五

六

稟報湯思蛟劉朝選等所剩三百餘人遁入老

林由紅池壩至南天門一帶竄遁該鎮等追至

核桃壩據報後路徐家壩有楚省竄來大夥匪

衆恐腹背受敵卽帶兵轉回初三日已刻至徐

家壩匪衆正在起營該鎮等卽分兵兩路追襲

殺賊一百三四十名生擒李潮元等三十五名

訊係黃白藍二號及楚人傑一股合夥竄回惟

線字號張姓賊目一股被馬兵衝斷未來該鎮等正在追趕之次又據大寧場鹽大使米喬齡專差前來告急附近鹽場之舌條嶺隘口有賊一股由楚竄至經都司沙念聖帶兵擊退賊又從西溪河竄來距場不遠必欲暫請赴場截剿該鎮等以大寧鹽場烟火萬家未被賊擾今賊竄將近未便置之不顧當即密派參將田朝貴馬應國抽帶兵勇千名在百六溪硎口埋伏賊果由此竄入我兵鎗石並發斃賊七八十名餘衆驚退即由界嶺折回永寧等仍即帶兵西來追剿樊逆等夥之賊查該匪等自大寧尖山嶺竄出沙沱子經雲陽開縣兩處團勇截殺殲獲二三十人至十餘人不等復由羊子嶺大梁等處竄出十二日至開縣之大旺山正欲從臨江

市奔竄新寧至梁墊一帶滋擾適遇臣勒保帶兵趕到賊即連夜由燈草壩竄入東鄉之土黃壩我兵即取道普光寺迎截賊又折竄太平輓轉奔逃十九日永寧託雲泰之兵適由溫湯井一路來至白沙河臣勒保亦到該處探知賊在天池壩屯紮即連夜分兵三路進剿該匪等恃其人衆直前抵拒官兵左右衝擊相持兩時之久鎗箭所到斃賊六七十名並射死執旗賊目一名賊始潰遁俱奔上八台山我兵乘勝追殺直至後槽地方沿途殺死賊匪二百餘名生擒廖貴等一百零四名訊據供稱白號樊人傑王谷賢黃號徐萬富藍號王士虎並線字號張元帥不知其名自到湖北去後在遠安地方與李大人官兵打仗得勝原想到荆襄一路因聞湖

北新到馬兵利害不敢下去就在遠安竹谿房縣一帶摸樁擄人在上龕地方忽被馬兵趕來衝殺樊人傑等卽連夜逃至川境惟線字號衝斷未來樊人傑等商量本要由新寧梁山一路下壩過嘉陵江因到開縣觀音山聞大兵從新寧前來就翻山過東太境內躲避等語當將從賊日久之張有旺等六十八名卽行正法餘俱被擄訊明釋放並據署城口主簿張雲漢稟報張子聰之分股餘匪李德先從陝西敗回圍攻楊家寨經該主簿督率團勇擊退擒獲偽總兵汪固嘉次日追剿在三聖寨夾溝埋伏斃賊六七十人奪獲馬牛十八頭匹又徐添德一股自南溪竄入川境疊次攻撲城口之太和寨並經該處團勇竭力抵禦鎗斃賊匪多名仍竄過陝

欽定剿平三省邪匪方略

正編卷二二四

欽定剿平三省邪匪方略

正編卷二二四

西漳河地方_臣勒保因八台山之賊旣竄後槽其勢非奔開縣卽走城口正擬進兵追剿間_臣德楞泰趕到接據探報徐添德苟文明等有由漁渡壩竄入太平之勢正可合力馳擊又據夔州文武稟報自楚竄來後股線字號賊匪已從大昌竄入雲陽沙沱子地方勢必又至開境_臣等現在商酌如果此股亦由太平竄來正可聚而殲洗若西竄新寧必須分兵截擊斷不使該匪又入川東再擾腹地致有蔓延上煩_臣慈廑

欽定剿平三省邪匪方略

正編卷二二四

德楞泰又奏言竊_臣於竹峪關營次奉到十月初一日

諭旨跪誦之下敬畏悚懼不能自己伏念_臣自統兵剿賊以來未能迅奏膚功撫衷循省負咎實深

四〇九

刻下軍務情形本無掣肘之事又安有空礙難言之隱乃荷

淵懷垂詢飭令據實呈陳臣益不禁欽佩感服之至

查川楚陝三省賊匪奔竄靡常自夏秋以來經

各路官兵悉力殲除十去六七此時股數雖多

但俱係敗殘餘孽勢皆窮蹙臣早與額勒登保

札商自以全數逼入川境為正辦現在楚境之

製者聖鑒編卷四

十一

賊俱已入川該省業經無賊正須全力責以堵

禦臣已飛咨姜晟妥什布務於川陝交界地方

扼要嚴防毋任東竄至陝境即日肅清之後想

額勒登保自必將該省守禦事宜布置周密再

行來川督辦維時川境又添各路征兵專司剿

辦更易為力查刻下川省現有征防兵勇共二

萬餘名出敵者祇有萬餘昨接額勒登保咨會

將阿哈保一路現帶官兵二千有奇撥令回川

並挑撥甘肅營馬數百匹前來足資濟用况陝

楚賊匪既須全逼入川是陝楚兩省重在堵而

不在剿川省重在剿而不在堵且查自廣元以

至巫山凡與陝楚交界之處綿亘三千餘里本

不能處處設防多則徒費兵力少則更不濟事

惟嘉陵江西岸必須添設兵勇遏其西竄至臣

製者聖鑒編卷四

十二

現與勒保在太平一帶籌剿川東邊界之賊恐

該匪等被剿情急又復東竄官兵勢難抄前迎

截查明亮一路之兵現奉

諭旨飭令赴川協剿刻下尚未入境自係該省防堵

事宜尚須會同料理臣現已咨會先將前撥李

紹祖帶去兵勇三千餘名撥出派員由大寧一

路管帶前來即可就近迎截惟念陝楚之賊分

通入川陝楚之兵均必跟蹤追剿餉糧亟須豫
籌查川省糧運事宜辦理本覺安速現經勒保
督率州縣臺站源源儲備並於各寨碉堡爲存
貯官兵隨到隨供從無缺悞卽或深入老林寨
碉希少不能處處充盈尙可設法籌辦惟餉銀
缺乏時形掣肘刻下川省軍需除兵勇月餉運
糧脚價等項之外實無絲毫浮費但需用旣多
勢難拖欠現聞司庫並無存銀先經勒保奏請
賞撥自邀

聖慈鑒察第念此後賊聚於川大兵雲集萬一用餉

不敷當此功虧一簣之時未免可慮緣蒙

聖慈鑒察第念此後賊聚於川大兵雲集萬一用餉
不敷當此功虧一簣之時未免可慮緣蒙
垂詢用敢據實直陳臣具有天良惟知勉力帶兵殺
賊現與額勒登保交相勗勉儘力將川陝境內
之賊務於年內將大局辦完卽有一二未盡餘

氛尙須搜捕並酌辦善後等事總當於明春趕
赴

闕廷瞻觀

天顏斷不敢稍有遷延自取咎戾均奏入

上命軍機大臣傳諭德楞額奏勒保曰德楞額奏勒保一
路軍營二十日來未見報到本日遞到六百里奏
報係於十月初四日發摺後直至二十三日始行

拜發前後實逾二旬且摺內所稱情形不過將楊

開甲餘黨等股夥匪藏擒多名仍未能辦完一大

股殄除一首逆而德楞額所帶之兵亦未與賊接
仗並無可慰朕懷之處何必遲延多日始爲此奏
此二十晝夜焦急之懷實難言喻據稱德楞額由
簡池壩一路進剿勒保由新開一路進剿伊二人
分辦之處朕早已料及但旣經分路剿辦何難各

行具奏乃必俟伊二人會合後始行聯銜奏報以至遲延二十日之久不特朕朝夕盼望殷切卽內外廷臣亦俱傳爲詫異况本年春間有賊匪偷渡嘉陵江之事今德楞泰等奏報遲遲未至更易啟猜疑伊二人何不曉事若此至摺內所稱各路兵勇分投堵剿陝楚竄來匪衆不令闌入腹地並咨會姜晟倭什布等於川陝交界扼要嚴防及嘉陵江添設兵勇遏賊西竄所辦俱是但德楞泰等既知與額勒登保札商將賊匪逼入川境爲正辦何以張辛等逆又令其竄回陝境耶又所稱陝楚兩省重在堵而不在剿所論甚是至川省重在剿而不在堵之語尙未盡善川省各股竄匪自應痛加剿殺但亦須邊界要隘防堵嚴密賊匪無從竄近腹地漸逼漸緊方可剷除淨盡豈可令其在川境

散漫是川省固重在剿而亦兼在堵摺內已用硃筆改正又另摺陳奏感悚情形多係無謂空言支吾塞責德楞泰等既知感恩圖報伊等受朕之恩尙淺受

皇考之恩甚重若不迅奏膚功使朕不能早慰

皇考在天之靈朕卽爲不孝德楞泰勒保尤爲不忠定難辭罪至德楞泰現係一等子爵較伊原得封爵

已復其舊若違心存自盡或以爲卽奮勉圖功亦未必再邀異數此則非是若德楞泰果能於年內迅掃賊氛必當加恩進爵倘辦理遲延不但伊現在子爵不能保全必當治以除悞之罪至勒保則係屢經獲咎之人尤當倍加感奮伊等總須時時以殺賊立功爲急全不在鋪叙感恩悚懼之詞試思朕之所以加恩訓飭者豈徒欲伊等以虛詞覆

聖祖遺訓

五

聖祖遺訓

六

奏耶至經畧剿盡高二馬五自當帶兵入川此時
德楞泰等惟應併力一心無分畛域設法將賊匪
逼歸一處庶可收事半功倍之效再摺內稱陝境
折回之賊經縣丞職銜劉炳從九品職銜徐若瀛
帶領鄉勇並投首之王登忠等假扮教匪歸附賊
營又署州判羅德嚴把總陳安邦等帶領投首之
楊仕山鮮文屏等混入賊隊俱設計放火使賊匪
驚潰奔竄痛加殲戮此等機宜在投首之人尙能
設計誘賊何官兵計不出此况賊匪見官兵追剿
自必先行逃竄若僅事追逐徒勞無益必須設計
掩襲使賊匪猝不及防無從豫遁方可聚而殲洗
劉炳徐若瀛羅德嚴陳安邦張雲漢及投出之楊
仕山鮮文屏王登忠等誘賊出力著德楞泰先行
存記俟再有出力卽行奏請加恩至都司蒲佑盛

欽定剿平三省邪匪方略

正編卷二一四

帶兵擊賊殲斃多名及至受矛傷尙能奮勇堵禦
不令衝破營卡甚爲出力著以應陞之缺陞用至
川省軍餉又已撥給志功在卽軍需自較增添朕
必當豫爲籌計不待伊等奏請但須撙節支用不
可稍有糜費亦不得過事苛刻致兵丁多有苦累
並著遵照前旨將剿賊情形隨時具奏以慰厯注
同日陸有仁奏言臣自省起程由棧道馳進經
過寶雞之東河橋黃牛舖鳳縣之草涼驛留壩
之南星廟臺子等處向來俱係熱鬧村鎮今盡
成瓦礫之場幸賊匪現已遠竄麥田又均經播
種出土青慈民心尙屬安帖臣於途間接據洋
縣稟報伍懷志零匪一股由整屋小牛嶺竄至
該縣屬之華陽地方總兵穆克登布等帶兵兜
剿又沔縣稟報自川折回賊匪一股約七八百

欽定剿平三省邪匪方略

正編卷二一四

人由寧羌西流河竄入沔縣之黃草坪老林內
 總兵楊奎猷帶兵搜剿又南鄭縣稟報賊匪一
 小股由城固五郎竄至該縣回軍壩距府城九
 十里督臣長麟帶兵馳至漢中卽赴牟家坪一
 帶堵剿又東路探報紫陽賊匪由許家河自連
 橋一帶奔竄其安康香河賊匪由平利之泗郎
 廟東奔漸近縣城又高二馬五股匪自楚省邊
 界折回由洵陽竄至安康之蔣家河距興安郡
 城八十里各等因臣查核所報情形洋縣華陽
 之賊本只數百人日來勢更窮蹙穆克登布等
 各路兵勇足敷剿辦其沔縣南鄭之賊亦俱係
 殘敗餘匪長麟帶兵旣到漢中督剿總兵楊奎
 猷又在沔縣截擊且恒瑞慶成又在西鄉之鍾
 家溝關東山寺處分布官兵嚴密堵截其勢斷

不能肆竄惟紫陽平利安康之賊人數稍多高
 二馬五又係著名首逆情形較爲著重聞經峇
 額勒登保已至紫陽之斑鳩關切近川界得信
 後自必折回督同楊遇春慶溥溫承惠等剿辦
 此時在陝之賊俱已漸近川界而在川之賊經
 德楞泰勒保帶兵緊躡追剿亦俱逼近陝境其
 楚省邊界之賊又經折回安康經畧大兵自應
 留陝先將安康等處之賊以次殲除再移近川
 界與德楞泰等隨地通知兩面夾擊似更易於
 得手臣現卽馳抵漢中一面趕緊督運糧餉源
 源接濟務俾士飽馬騰兵氣益增勇銳一面先
 與長麟慶成會籌一切倘額勒登保大營移近
 仍當馳往熟商總期和衷共濟早靖逆氛奏入
 上命軍機大臣傳諭陸有仁曰洋縣沔縣等處敗殘

聖朝聖德編卷三
 九

聖朝聖德編卷三
 三

餘匪有長麟穆克登布等帶兵剿辦自必刻就賊除其竄入紫陽一帶之首逆高二馬五於賊股中最為狡悍經官兵疊次痛殲勢已日見窮蹙又有額勒登保統領重兵由紫陽截剿而長麟辦竣河南零星賊匪即可與經畧會合剿辦似亦無難剋期蕺事現在一切軍火糧餉最為緊要前已降旨令山東江西共撥銀五十萬兩迅速解往昨據惠

製著龍臺編卷四
三

齡奏東省所撥銀兩業已分起赴陝自足敷用若日內額勒登保將高馬等股殲擒即移師赴川則陝省存兵較前減少軍需自可大加節省倘該處因防堵未能全撤以及善後事宜尚有需用之處朕當酌量情形隨時接濟不待該撫奏請即行撥給該撫務當督率屬員妥為經理不可稍有虛糜仍當於樽節之中俾軍營供支毫無闕乏方為妥

善

同日

上諭內閣曰陝西扶風鳳翔等處本年秋收款薄會經降旨加恩賑卹至岐山一縣地界毗連且為棧道往來大路會有團勇防堵之事聞秋收亦屬歉薄自當一律矜恤著將該縣本年應徵錢糧一併緩至來年麥秋後征收

製著龍臺編卷四
三

初七日 乙酉 慶成奏言竊 臣 接護撫篆後因分防各兵尚未抽調到齊即在西鄉督催各路糧餉并籌辦防堵章程查西鄉東南扼要地方原擬總兵胡定泰汪啟駐紮王黑壩分截川匪折竄之路此時汪啟因伍逆後股餘匪尚在終南山竄匿該鎮尚在石泉一帶堵截胡定泰在黃官嶺檄調尚未到來因連接稟報川省各匪經德

楞泰勒保督兵剿急分投折竄陝境盡入西鄉東南邊界臣連夜趕回西鄉適副都統阿哈保接經畧札調帶兵入川由西鄉南路前往正可沿途迎擊但東南山徑叢雜賊匪往往此截彼竄東南王黑壩一帶原擬防堵之總兵等均未帶兵到來現有叅將海洪阿奮勇出衆已奉經畧題補副將臣隨奏齊兵勇三千名派該將管領由東路進發與阿哈保均於本月二十三日起程兩路並進以壯聲勢今該將至五塊石王黑壩地方適中扼要先行安設營卡以便胡定泰到彼統率堵剿詎海洪阿等於二十四日行抵馬家灣地方卽遇川省折回之賊接仗施放鎗礮自卯至申屢次衝壓殺死賊匪甚多并礮斃偽元帥朱朝閣忽後股賊匪踵至敗匪退而

復回海洪阿身先兵勇奮力衝殺深入賊隊衆寡不敵受傷陣亡守備穆克登布猝被戕害弁兵亦有傷亡兵勇力單均據守山梁民寨該匪等尙四面攻圍臣聞信卽連夜抽帶馬步兵勇馳往接應適副都統綸布春患病在西鄉調養漸愈一同前往該匪等知有援兵前去膽敢前來迎敵二十五日行抵板橋垭土地嶺一帶卽遇該匪等蜂擁而來搖旗吶喊兇悍異常臣親率兵勇搶上山梁鎗礮並施馬隊由道上衝壓自辰至未賊數次撲上皆被我兵擊退猶敢公然抵敵臣自帶數人首先直衝賊隊綸布春同遊擊吳亨衍分帶兵勇從旁抄擊賊衆始慌亂敗退我兵乘勢追殺刀矛並舉先後殺賊二百餘名賊匪由漢溪河原路奔竄兵勇追殺二十

餘里又殺賊一百餘人。生擒活賊李華等。傍晚兵勇少息。連夜鼓勵。跟蹤向南。緊追中途。據差探回報。兩股賊匪。一股由馬家灣原路奔逃。一股於四更時向北折竄。白沔峽係走瓦脊溝七里壩江岸之路。臣伏思一月以前。伍逆餘匪。會已偷渡。刻下江水涸淺。更甚處處。可涉。雖有卡勇防堵。甚不足恃。當卽帶兵折轉抄截。行至瓦脊溝地方。該匪果突衝卡勇。正在涉淺。洶渡。猝見官兵趕至。紛紛亂奔。臣與綸布春各帶馬隊分投剿殺。登時將南岸未渡之賊盡行殲斃。其洶至江中。身帶鎗箭之賊淹斃尤多。臣等復帶領馬兵過江。跟追三十餘里。又殺賊一百餘名。生擒活賊二十七名。餘匪數百人紛紛向東奔散。訊據獲賊供稱。此股賊目係冉學勝與川楚

製看龍夏編卷三

美

擊散各股零匪。合夥有三千餘人。連被官兵剿殺。昨日打散。各自奔逃。冉學勝帶數百人。半夜折回北竄。又一股仍由原路回川。等語。所獲之賊均係強壯戰手。立即正法。查瓦脊溝七里壩西通洋縣。東接石泉。俱可竄入。南山總兵江啟近在石泉之銀杏壩一帶堵截。臣飛咨該鎮先卽帶兵探迎。此股截剿。臣剿賊途次。又連接漁渡營稟報。賊匪由木竹河竄至平西山。入七里溝。又另股賊匪由五塊石至麻柳灘。又西鄉稟報。賊匪苟鮮王徐等逆自漁渡壩至毛埡塘。紫陽稟報。龍逆一股由鐵板溪向北奔竄。入西鄉之小河口。此時東南一帶。據報北竄入陝。股數較多。阿哈保所帶兵力。不過截剿一路。西鄉東南道路紛歧。萬分喫緊之際。防堵大局未定。該

製看龍夏編卷三

美

處現無大員臣若徑往追剿此股賊匪恐由川

折回各股匪徒復尋前蹤北竄是以先令汪啟

就近截剿且毋庸前來西鄉總兵穆克登布亦

在南山剿捕伍逆餘孽卽此起偷渡殘匪竄往

合夥兵力亦敷剿洗臣復與長麟札商趕緊於

陝甘防兵內酌抽精壯者另派幹練將領馳往

協剿期以迅速殲除聞撫臣陸有仁月內可抵

聖祖聖訓卷三十四

七

漢中因將巡撫關防文案於二十九日委遊擊

韋洪齋送府城候交臣現在先分探各股折回

竄匪何股賊蹤較近卽奮力迎頭堵截斷不使

復由前蹤北遁至此次分股賊匪自瓦春溝偷

渡之處因防兵陸續未齊先儘分撥東南堵剿

之兵尙未於該處安設營卡臣剿賊到彼乃知

係劉之仁關騰等分防之所不及祇有本地鄉

勇不足抵禦以致該匪踴淺偷渡實屬疎漏愧

悚無地臣仰蒙

天恩棄瑕錄用

特命辦理防堵事宜未能籌及於前斷不敢事後隱

飾諉卸惟乞

聖明將臣嚴加治罪以爲疎防者戒奏入

上命軍機大臣傳諭額勒登保慶成曰川省賊匪經

聖祖聖訓卷三十四

天

德楞泰勒保追剿緊急分投折竄陝境慶成派海

洪河與阿哈保帶兵分路並進扼要堵剿海洪阿

因衆寡不敵受傷陣亡慶成卽抽帶馬步兵勇馳

往接應在板橋埡土地嶺一帶遇賊接仗賊賊三

百餘名生擒一百五十餘名賊匪一股由馬家灣

原路奔逃一股向北折竄白河峽慶成復帶兵抄

截於瓦春溝見賊匪涉淺淌渡漢江將南岸未渡

之賊盡行殲斃過江跟追又殺賊一百餘名此股
北竄賊匪經慶成訊據獲犯供稱係賊目冉學勝
其自瓦脊溝偷渡因防兵陸續未齊先儘分撥東
南堵剿之兵尙未於該處安設營卡爲劉之仁關
騰等分防之所不及伊二人尙無大過慶成則係
額勒登保奏明派令總統防堵之人不能先事豫
籌致任賊匪踴淺偷渡究屬疎防其自請嚴加治
罪本所應得姑念慶成此次殲賊多名餘匪偷渡
之處防兵未集祇有本地鄉勇不足堵禦尙非有
心玩愒免其治罪仍著傳旨嚴行申飭卽責令慶
成戴罪立功自贖督飭汪啟穆克登布等將此股
竄匪卽在陝境辦竣勿令再折回川至額勒登保
前奏稱陝楚肅清後卽當整旅入蜀今冉學勝一
股旣折竄漢江以北而苛鮮王徐等逆又自漁渡

欽定剿平三省邪匪方略

正編卷二一四

竄至毛壩塘龍逆一股由鐵板溪竄入西鄉之
小河口是川匪各股又折入陝境額勒登保此時
仍當在陝督剿不可遽往川省現在西鄉東南並
無大員防堵最關緊要且瓦脊溝等處西通洋縣
東接石泉俱可竄入南山慶成現已札會汪啟帶
兵迎截而穆克登布亦在南山剿捕伍逆餘匪可
以就近截擊額勒登保再當嚴行督催務將陝境
各股竄匪迅速殲除不得再有遲緩况冉學勝剿
敗餘匪不過數百人卽與伍逆合夥亦祇千餘人
而穆克登布一路兵勇共有七千餘名又有汪啟
帶兵前往以數倍賊匪之兵力擊此敗竄之賊何
難速行撲滅現在慶成札商長麟於甘省防兵內
酌抽精兵派員帶領馳往協剿究恐緩不濟急額
勒登保前所稱防兵三萬究在何處應卽扼要防

欽定剿平三省邪匪方略

正編卷二一四

堵其竄川之賊專交慶成督令防江各員嚴密堵剿倘再令竄入陝境必當從重治罪决不寬貸所有殺賊陣亡之副將海洪阿守備穆克登布俱著咨部賜卹

剿平三省邪匪方略卷一百十五

五

欽定剿平三省邪匪方略正編卷二百十五 庚申年

十一月初八日 丙戌 倭什布奏言查高二馬五六

股賊衆經 臣 等在溢水痛剿後即亡命逃竄由

楊家牌樓小文峪河魯家坡等處直向西南奔

竄沿途搜獲程志興等十四名僉供高馬二掌

櫃因陝省兵多又擄不出糧石繞到湖北不料

馬兵利害連次擊敗前日在溢水地方被官兵

剿平三省邪匪方略卷一百十五

殺死許多矛子手後回追兵又緊是以不敢行

走大路連夜翻山緊走我等因黑夜落後想等

官兵過去再走等供查該犯等係積年猾賊當

卽一併正法 臣 與明亮籌商該匪翻山亂竄若

不分路兜攔不能痛加剿戮適接長齡來咨已

帶兵抄往鮑家店一帶迎頭截剿東北二百既

有鎮臣德昌在黃 北 灘帶兵堵禦又有長齡統

率勁旅抄前迎擊該匪斷不能東竄惟二竹一

帶道路綿長必須四面扼截方能有濟臣當與

明亮分路各帶馬步官兵緊躡賊蹤不與以暇

十九二十等日臣由竹山之談家溝一帶截擊

明亮由竹谿之得勝坡等處攔剿兩路官兵跟

蹤躡逐二十一日至覃家坪會合兩路擒殺賊

探曹健成等八十一名散出被擄難民李世奉

聖朝聖編卷三

二

楊氏等三百十七名口均係附近甫經被擄良

民隨交候補同知阿霖候補縣丞周以焯逐加

撫卹發給路票釋回不使失所該匪經我兵逼

剿緊急行走倉忙沿途拋棄騾馬器械糧食不

少其所過之處並不焚燒房屋二十二日已由

竹山屬之周家灣一帶分起由銅錢關逃回陝

省向白河西南奔竄臣同明亮正在追剿間途

次小河口據叅將姚國梁稟報自陝省平利屬

竄來一股賊匪由八卦廟松杉河一帶焚掠賊

探已至連線河明亮當即帶兵趕至距連線河

十五里之黑龍洞天色已晚據前探報稱該匪

等聞有大兵到來連夜翻山走雜篋巖到竹谿

河屯紮明亮即於三更率領富翰塔津保恒坤

總管都當阿協領依桑阿等帶領馬隊乘夜衝

聖朝聖編卷三

三

撲賊營臣倭什布督率侍衛雙福花尙保副將

吉林泰朱士奉叅將烏爾卿額等督兵接應至

五更時分明亮督兵甫抵草場壩即遇孽匪賊

匪驚賊賊衆潰逃翻山四竄明亮乘有月色督

率馬隊射斃賊二百餘名生擒楊中林等四十

七名正在攬殺適臣帶兵趕到復斃賊匪數十

名該匪即由七里溝翻界嶺出銅錢關奔回陝

竟當即提訊楊中林等供稱此股賊匪係高家
 營高二掌櫃帶領只有一千五六百人怕與官
 兵打仗聞得高三馬五已到湖北所以趕來找
 尋合夥營中還有管事楊元帥袁元帥俱不知
 名字昨夜被官兵衝散營盤不知去向我等是
 矛子手等供當將該犯楊中林等三十一名均
 卽正法其餘廖新客等十六名訊係被擄未久
 概予寧釋查此股賊匪經官兵擊敗現由七里
 關一帶遁回陝省相隔不遠勢必歸併合夥道
 接長齡咨會已帶兵由東北赴界外截剿臣等
 乘勝由西南進逼二十五日起至陝省銅錢關
 飛咨長齡夾擊合攻趁此賊氛殘敗趕緊會剿
 集事以冀少慰

聖鑒再臣遵

聖鑒再臣遵

四

旨傳諭明亮據明亮呈
 關免冠碰頭並稱明亮係滿洲世僕受
 恩至重乃福薄糊塗謬存在楚顧楚之愚見未將兩
 起賊衆緊追赴陝夾擊今蒙
 聖訓嚴明惶悚愧悔無地自容復蒙
 天高地厚之恩不卽從重治罪
 賞給藍翎侍衛
 宥過生成惟有竭此血誠隨同長齡認真堵剿以冀
 稍贖前愆等情伏查明亮凡遇打仗殺賊從不
 稍留餘力其兩次不行出境追剿因顧楚心殷
 以致錯謬非敢有心取巧今蒙
 皇上格外施恩明亮實知愧知懼理合據情代謝
 天恩奏入
 上命軍機大臣傳諭倭什布曰高二馬五在賊首中

聖鑒再臣遵

五

最為兇悍可惡今馬五股中復有高三附入必須
迅速搜捕此次倭什布等所辦尚好該逆等既經
同竄陝境自必歸併合夥現在長齡已帶兵由東
北追剿倭什布等由西南進逼正可兩面夾擊痛
加殲戮倭什布等務須倍加奮勉協力會剿若能
將此二股賊匪在陝楚交界搜捕淨盡殲擒賊首
卽係伊等之功朕必加之重賞一俟此二股竄匪

聖訓

六

辦竣倭什布係湖北巡撫應帶領廣東廣西之兵
仍回楚省邊境督率防堵其馬隊官兵皆係吉林
黑龍江勁旅自不應置之閒地專為堵禦之用此
時川匪竄入陝省者股數較多需兵協剿明亮應
卽帶領馬隊並侍衛富翰等與長齡同赴陝省聽
候經畧調度至明亮本係

皇考所遺宿將是以朕疊加委任卽累獲愆尤朕猶屢

行寬貸非不欲加意保全如果此後知感知懼痛
改前非帶兵奮勉立功自効朕仍當加之重賞若
始終蒼狷性成復蹈故轍朕亦豈能以伊係舊人
會著微績遂廢

祖宗之國法耶著倭什布面行傳知明亮看伊此後之
福分如何耳

初九日

聖訓

七

上命軍機大臣傳諭長麟陸有仁慶成曰剿辦教匪
大局總宜將各股賊匪逼入川省則賊勢不能散
漫官兵得以併力剿辦年來朕與在廷諸臣均持
此議蓋川省辦理團勇築堡等事極為認真該處
民人同心禦賊實能踴躍急公是以辦理較易卽
該省民人忿賊日久亦深願賊匪竄入川境後可
以痛加剿殺近日額勒登保德楞額奏到之摺其

大意亦思逼賊入川乃各股竄匪皆不肯在川境屯集卽被官兵逼剿緊急折而入川亦不過暫時躲避旋即竄回就目前情形而論賊總在陝境爲多可見川省團練認真爲賊人所畏憚而陝省地方則民心散懈於團勇築堡等事不能實力奉行任賊來往自如總由地方官不能善爲勸諭督率辦理以致賊來多有裹脅而守禦事宜全屬有名無實似此相率玩愒堵剿焉能得力朕思百姓之久經從賊怙惡不悛者固無足惜至良善之民亟應力爲保護俾各安生業不致去而從賊則安一民卽少一賊數年來剿辦賊匪總爲安民人情孰不愛生惡死彼去而從賊亦非得已皆由貪生耳日見百姓流離朕所刻不能忍者該督撫不可不仰體朕意也卽如陝省之龐洪勝本係南山內居

剿平看那雙喜編卷五

八

住平民並非賊黨前次一聞賊匪將至轉燒燬房屋甘心投入賊黨亦由地方官平日不能安輯所致著長麟陸有仁督飭親民之吏實心實力綏撫良民務令得所卽曾經被賊裹脅悔罪投出者亦當加意撫恤以期民心日固衆志成城賊匪之勢日孤無從搶掠亦必凍餒自斃其鄉勇中有能禦賊出力者卽當奏明獎擢若臨陣捐軀則更當倍加賞恤俾共知鼓勵至於地方州縣果有盡心民事者必當據實保奏候朕加恩若不肖劣員則嚴行參劾治以應得之罪不可稍存姑息庶地方官及鄉勇等共知激勸不致仍前弛懈卽現在川省地方亦豈盡皆賢員惟在鼓舞作興則人思盡力該督撫又不可因有此旨將平口心喜之人率行保奏冒濫邀功而實在出力者轉不知所勸勉至

剿平看那雙喜編卷五

九

川陝交界處所山嶺叢雜道路綿長豈能處處安
兵設卡卽闢築堡寨該省力有不能且現在大功
將次告成亦緩不濟急然賊匪經由熟路必有險
隘地方可以扼禦此事專責成慶成會同長麟督
辦總須就該省現有兵勇擇要防守以剿爲堵則
賊匪自不能闖入現在川省竄匪雖有數股折竄
陝境但俱係敗竄餘匪陝省兵勇現有數萬何難
奮力截剿慶成惟當督率將弁上緊兜擊將賊匪
逼入川境並於漢江南岸嚴密佈置不使賊匪一
名得以偷渡若再疎於防範致令賊匪踴淺渡江
必將伊等從重治罪決不寬貸慶成等一悞不可
再悞也再教匪自滋事以來焚掠村莊並不蓄意
佔據城池蓋緣賊匪慮及據守城池轉被官兵圍
困不能四散竄逃是以不敢擾及而府州縣等知

欽定剿平三省邪匪方略

正編卷二一五

欽定剿平三省邪匪方略 正編卷二一五

賊匪向無攻擾城池之事往往一聞匪衆竄入境
內藉守禦爲名卽將城門關閉任聽賊匪在城外
四鄉焚燬房屋擄掠人畜並不督率兵勇前往救
援使村民橫遭荼毒殊堪憫惻况城外鎮市郵莊
多有人烟稠密之處其富商大戶較之城內居民
或有更爲殷實者若楚之樊城陝之龍駒寨蜀之
太和鎮皆非城內而被賊殘害皆朕子民地方官
不爲保護賊匪豈不肆掠而去總緣府州縣等以
城池失守律有明條而殘燬郵莊向不追問遂視
同膜外置之不顧試思城外郵民偶有盜劫之事
該管官尙有應得處分何況遭賊焚掠其失於防
範之罪尙可恕乎著長麟陸有仁嚴飭地方文武
各員毋論城內城外均須認真防守如果有親率
兵勇出城奮力堵賊不使滋擾郵莊俾居民得以

欽定剿平三省邪匪方略

正編卷二一五

四二五

安堵無虞即將該地方官據實保奏朕必優加獎
擢倘一聞賊至心存畏怯仍前閉城自守致賊匪
將城外郵莊肆行蹂躪必當查出指名嚴叅治罪
用示勸懲

臣等謹案邪匪滋事有年其伎倆總在不據
城池惟向鎮市劫聚潛伺劫掠一遇官兵圍
躡即復鼠竄狼奔是以不能聚而殲旃剿捕
稍稽實由於此我

聖訓卷之三

十三

皇上軫恤創痍如傷在抱

籌諮指示所以保衛民生者無所不至而小醜一日
未靖即

聖心一日不寧此次因陝境賊匪較多以良民之去
而從賊皆由於愛生惡死之心

申諭該省大吏善為撫綏鼓勵鄉民實力捍禦其有

郵莊被害者責成地方官設法堵擊程以功
罪此即堅壁清野之法所以決勝千里者蓋
皆
昏謨之廣運不疾而速也

初十日 戊子

上諭內閣曰昨據額勒登保奏將營內沒出之張效
元解京審訊據供於本年三月間同李廣榮袁有

聖訓卷之三

十三

得王應惠等攜帶銀兩前赴喀什噶爾地方探望
邪教遣犯王發生該犯等行至肅州地方換票原
籍印票祇有李廣榮袁有得王應惠三人張效元
因票內無名嘉峪關盤查嚴緊該犯不能私自出
口從肅州折回蘭州到韓家店地方投入王廷詔
賊營嗣見王廷詔一股賊匪到處殺人放火肆行
掠食該犯曾向王廷詔勸令投首或可免死王廷詔

詔不依張效元害怕反悔逃出賊營至經畧軍營
投首當經降旨令保寧等截拏出口之李廣榮等
三犯審明具奏今據保寧奏將李廣榮袁有得王
應惠三犯拏獲錄取供詞呈覽朕詳加披閱該犯
等所供情節與張效元供詞均各相同惟該犯等
供係張效元之父張全使令伊等前往探望一節
張效元前此未經供出當經提訊張效元亦據該
犯供認不諱是張效元一犯本係習教之人聽從
伊父携銀欲往新疆探望同教匪徒因不能出口
折回投入王廷詔賊營種種不安本分實有應得
之罪但朕節經降旨從前曾經習教而並未從賊
者卽與齊民無異概免查辦若糾眾謀逆抗拒官
兵卽當一律剪除罪在不赦其自賊營投出者亦
無不一體妥爲安置今張效元雖經習教因在王

聖朝實錄卷五

十四

聖朝實錄卷五

十五

廷詔賊營內見賊兇橫其心害怕反悔投誠尙知
畏法稍有一綫可原張效元一犯着加恩釋放交
該部行文順天府派委委員解至直隸所有經過
地方一體派員小心接遞至安徽省交與荆道乾
督同藩臬兩司將伊父張全傳到向其明白宣諭
以張全令伊子私自潛往新疆探望教匪王發生
本屬不法今因伊子張效元尙知畏懼從賊營內
投出不特伊子免罪卽張全應得罪名一併加恩
寬免令張全將張效元領回俾伊父子團聚嗣後
務須安靜守法各務農業毋許再有滋事如該犯
等不知悛改仍前糾約同教互相傳習煽惑愚民
一經發覺必當加倍嚴懲決不姑寬
臣等謹案邪教之說託於荒誕不經鄉曲愚
民往往爲所煽誘迨至同教倡亂之後自知

湔被為難甚至甘心陷於罪辟亦在所不免
我

皇上俯鑒氓蚩前於捕獲劉之協時

特降諭旨誅叛逆而不誅邪教固已使無知被誘之

人知所感畏而悔悟矣茲因張效元一犯雖

經習教而投至賊營旋知逃出首罪仰蒙

聖主格外施仁貫回原籍並將其父罪名一體宥免

聖主格外施仁貫回原籍並將其父罪名一體宥免

六

咸與維新此雖庶頑讒說有不洗心而革面

者哉

十三日辛卯額勒登保奏言竊臣由磚坪蘭河口

一帶前進於上月二十五日趕抵平利之白土

關查高馬股匪前由鮑家店逃竄經長齡帶兵

截剿雖未深入楚境尙在竹谿白河界內游奕

而龍紹周苟文明等股竄王安康平利地界楊

遇春溫承惠分路帶兵以賊轉截剿隨時擒斬賊

匪或數十人或一二百人不等總遏其東趨之

路該匪向西逃往滔河一帶二十二日師次豐

口壩又探有賊匪一股竄至長沙舖亦欲向白

土關東竄楊遇春等聞信連夜督兵由 羅河

抄出賊前二十三日天明時前隊探信兵勇甫

到白土關遇見賊探七八騎經兵勇等擒獲四

聖主格外施仁貫回原籍並將其父罪名一體宥免

七

人訊稱此股即係徐添德與前由石泉過江南

竄之伍逆餘黨會芝秀等數百人在洋溪河合

夥因川陝艱於擄食官兵又緊追勦殺故繞向

東北要過白土關仍赴湖北等供楊遇春以該

匪既知我兵在前攔截未必肯由此路前來勢

必折向碾盤石壩河遶向東北而竄遂知會溫

承惠酌帶鄉勇於白土關山梁施放鎗礮故作

聲勢揚遇春格布舍豐紳各率侍衛將領帶馬步兵勇由嚮潭河孟溪溝老虎溝長岡嶺分投抄出午後先後趕到壩河果見該匪結隊竄來楊遇春等率兵迎擊該匪始猶抵拒後見我兵勢猛卽折回奔竄我軍乘勢追殺四十餘里斃賊三百數十名箭斃偽副元帥陳添保生擒探馬頭莫榮周志林等六名散賊二百六十四名餘賊向清潭溝逃竄查清潭溝路通金河仁河皆係入楚之路次日五更仍帶官兵赴董家梁抄截約行二十餘里至廣木溝又有賊匪自連綫河竄來楊遇春與格布舍豐紳分路進溝截殺該匪糾衆搖旗吶喊自嶺下壓我兵奮力攻擊斃賊二百餘人生擒賊匪一百餘名內有賊首黃國忠等五名又自行散出就近被擄民人

一百餘名訊知此係前由高家營內分出與戴家營合竄之賊自西鄉地界被官兵剿潰之後近日又與戴家營分夥由滔河一帶潛遁意欲尋高馬二逆同竄湖北等語格布舍豐紳仍帶兵跟蹤搜剿前進沿途搜殺賊匪又有百餘名臣查詢情形如此旋據楊遇春報到亦屬相同查賊匪總在陝楚邊境奔逃臣若徑尋蹤進剿竊恐該匪聞風疾走轉致逼令東趨必須帶兵前往竹谿竹山由東北邁向西南迎剿較易得手遂酌留總兵喜明帶領兵勇在白土關暫駐以資控扼臣抽帶馬步兵勇二千餘名卽取道關垵入楚由竹谿周家灣安和塘一帶前進沿途察探高馬各股賊匪正往東來臣由得勝舖文峪河趕緊督兵冒雪前進一百札知長齡由

吉陽關抄出白河順水寺先於東面遏截賊竄

鮑家店之路臣於初二日翻界嶺晚間進抵燕

家扒探得賊匪從茅坪竄來相距四十餘里適

在迎頭遂詢明道路初三日四更時令札克塔

爾率同福忠阿副將陳尙德劉瑞百祥等帶步

隊由山梁進發臣率同安福捫欽保墨新王兆

夢張元麒烏爾希訥等帶領馬隊由溝內進發

剿平番匪稟編卷五

三

已刻至棗樹嶺坡下遙望見賊匪蟻聚各山頭

已有準備而山勢又極高峻隨督飭官兵併力

上攻乃旁路又有賊匪下山冀繞出我軍之後

臣亟令官兵分路抵禦正在攻擊間札克塔爾

亦帶領步兵順山到來一齊攻撲侍衛安福福

忠阿捫欽保墨新副將王兆夢參將百祥遊擊

高萬春哈國瓏等帶領兵勇鼓勇而進鎗箭所

發斃賊紛紛遊擊哈國瓏躍馬衝入賊隊猝受

矛傷數處陣亡官兵人人憤恨進攻愈力搶上

山梁刀矛並舉斃賊三百餘名賊匪潰竄臣督

飭官兵併力壓下適楊遇春格布舍慶溥等亦

由旁路之大山廟安家莊茅坪一帶追賊前來

遂與之合力趕擊沿山追逐四五十里天色已

晚卽傳知楊遇春慶溥等不必合兵畧為停息

剿平番匪稟編卷五

三

仍奮力窮追次日遂趕至皮家河界牌山臣亦

率兵由大雙河歇馬廠趕剿途間均有斬獲計

兩日共斃賊四百餘名先後生擒四百七十餘

名內訊出賊目董大位吳有法探馬頭饒成王

自強等十七名供稱此數股係高三馬五徐添

德王廷詔張賈元帥帶領陸續湊合乘此人衆

勢大要在湖北昨日被官兵趕殺我們不敢存

紫往前奔竄不料今日到茅坪來迎頭又遇官兵等語訊明後將從逆者正法被脅者釋放凡係賊目與探馬頭皆凌遲處死臣隨詢之楊遇春格布舍慶溥等據稱日前該匪等先後竄合因聞白土關有兵一股轉向三岔河狗脊關一股又轉向磨溝其勢欲遮道潛遁楊遇春由四溝壩追勦慶溥由亂木壩趕赴觀音堂均由大石板抄出初二日午後兩路官兵趕到姚家河賊匪甫經竄過馬步官兵併力追逐賊匪知有兵來齊上山坡拚命迎拒我兵數路仰攻奮力競進擒斬共計二百餘人皆係精悍矛手賊匪仍向東向茅坪遁去楊遇春等紮營萬山寨昨早帶兵趕來聞有鎗礮之聲是以催兵從旁路抄出等語該匪現向西南折竄洵陽界內查徐

欽定剿平三省邪匪方略

正編卷二一五

添德及高馬等股或分或合到處牽綴我兵實為可恨今該匪等均欲合竄楚境臣帶兵適扼其前不任東竄趁此賊匪折奔之時惟有督同楊遇春慶溥等顧住東北趕緊向西勦辦並飛札長齡一百搜捕零星餘匪前來以便調撥仰仗
天威如於洵陽平利安康一帶勦除一二股實為幸甚否則亦必將該匪逼向川境大兵合擊以期迅速集事至再學勝張世龍賊匪昨經臣帶兵在斑鳩關截擊後由鐵佛寺繞溪河竄往楊柳樹泰山廟經額勒亨額於上月二十一二等日帶兵截勦向西鄉地界竄去所有陝省西南一帶防堵事宜長麟慶成現在會籌趕辦諒該匪等不致蔓延至疊次打仗兵勇間有傷亡容另

欽定剿平三省邪匪方略

正編卷二一五

查明咨部辦理

額勒登保又奏言竊查現在各股賊匪經大兵隨處剿殺且因川陝辦理防堵及團勇結寨各事均極周密賊匪艱於掠食均欲向楚境奔逃查楚省房竹一帶疊嶺層山尙屬有險可扼至均穀一帶則地勢平行益形散漫剿辦更形費手臣實深焦慮是以此次親督官兵由二竹兜

剿平番匪彙編卷五十五

五

向白河將賊匪逼向西南遁去第賊匪雖向西南其蓄意實在東北是此時防勦事宜實關緊要楚省邊境綿長在在與陝省接壤辦理亦非易事臣昨抵竹山之安和塘適倭什布明亮帶兵至七里關銅錢關一帶堵截西北面長齡帶兵由得勝舖分路探勦賊匪皆距臣不遠長齡明亮先後來營會晤明亮屢奉

嚴旨萬分惶懼臣已將防勦事宜與之講論倭什布

明亮日內定已趕緊籌辦至楚省現有官兵計數已不為少大員內有明亮德昌孫清元等帶兵往來督率楚省民風強勁若再加以團練則聲勢益壯倭什布係湖北巡撫呼應皆靈自可就近督率各屬妥為趕辦至臣連日親歷二竹境內見民人寨落不如川陝之稠密自係賊匪

剿平番匪彙編卷五十五

五

一向奔竄不能修築今賊已出境正當趁此時辦理庶使百姓有以自衛賊匪不能肆其擄掠即可杜其窺伺再向來官兵所需糧餉每逢追賊緊急亦有不繼之時此後官兵分段防堵鹽糧亦須分路源源供給使之衣食有資方可以得其心而用其力至長齡所帶兩粵官兵自應留楚分佈防堵其馬隊皆係勁旅未便全留為

防勦之用臣已札知長齡帶兵搜捕餘匪前來
俟到營後與之商定再行奏

聞奏入

上命軍機大臣傳諭額勒登保曰高馬股匪經長齡
帶兵截勦在竹谿白河界內游奕龍苟等股竄至
安康平利地界經楊遇春分路截擊已向西逃而
徐添德一股又與伍逆餘黨會芝秀等合夥繞向

聖朝聖訓卷五

三

東北奔竄並有高家營內分出與戴家營合竄之
賊在西鄉勦敗後復與戴家營分夥由滔河一帶
潛遁欲尋高馬二逆同竄湖北雖經官兵分路追
勦殲戮多名但訊據賊目供稱高二馬五徐添德
王廷詔及張賈各賊目奏合匪徒欲乘此人衆勢
大前往湖北看其情形自因川省團勇築堡防堵
嚴密不敢竄入陝省又值收成歉薄難於掠食總

思乘間闖入湖北以圖延喘額勒登保抽帶馬步
兵勇入楚由竹谿一帶前進適扼其前並顧住東
北趕緊向西勦辦所見甚是而此時湖北堵禦尤
為十分緊要額勒登保已與倭什布明亮會晤將
防守事宜面為囑咐現又降旨諭令姜晟等督飭
各屬嚴密防範額勒登保務須乘各股賊匪潰敗
之時合力奮擊卽於陝楚之交勦除淨盡必不得

聖朝聖訓卷五

三

已亦應逼向川境以期大兵會勦於年內一律辦
竣迅速成功早來見朕切勿再有因循至再學勝
一股前據慶成奏該匪等由瓦脊溝偷渡折竄江
北今額勒登保摺內未據提及自係尙未得信冉
學勝勦敗餘匪不過數百人卽與伍逆合夥亦祇
千餘人慶成已札會江啟帶兵迎截穆克登布在
南山勦捕伍逆餘匪亦可就近截擊並有桑吉斯

塔爾緊躡追勦兵勇共有七十何以至今尙未勦
竣柔吉斯塔爾穆克登布汪啟等究在何處作何
勦辦或伊等三人惟恐此股賊匪勦淨後又當派
往別路勦賊卽心存觀望與賊日久相持俟各路
竄匪勦盡而伊等亦同時告竣此等軍營積習亦
難保其必無着額勒登保嚴行飭催令伊等三人
奮力擊勦尅期搜捕淨盡勿留餘孽倘竟有心延
玩卽行據實叅奏若剿捕不力或任賊匪竄入商
雜一帶則其罪更重必當按律懲辦決不寬貸再
恒瑞現在何處堵勦賊匪總未據提及從前恒瑞
奏報亦多粉飾或恒瑞染患疾病不能帶兵亦着
額勒登保查明恒瑞如一時未能就愈留住軍營
亦屬無益不妨據實奏明令其回至西安調養所
帶兵丁另行派人接管或卽交付慶成方可得力

至所奏長齡原帶兩粵兵丁應留楚分佈防堵一
節與朕前旨相符且前經降旨長齡令於勦淨高
馬二逆後卽赴經畧軍營聽候調度今各路竄匪
均欲合竄楚境長齡係宜昌鎮總兵自應在楚督
率防堵不宜遠離長齡所帶兵丁內吉林黑龍江
官兵俱係勁旅自當歸入經畧軍營以資勦捕其
兩粵官兵卽着長齡仍行帶領回至楚省邊界一
帶擇要防堵不得稍有疎懈所有此次殺賊陣亡
之遊擊哈國瓏著咨部賜恤

上又命軍機大臣傳諭姜晟倭什布長齡曰現在楚
省賊匪皆已奔竄出境但陝省無食可掠又有經
畧在彼督辦而川省勦賊緊急地方辦理團勇築
堡等事亦皆認真楚省邊界綿長在在與川陝接
壤此時各股賊匪節節官兵截擊逼向西南其意

總欲折回東北是楚省防堵事宜實關緊要况當賊匪遠竄之時各處寨堡止可及時修補先事預防姜晟倭什布身任地方定其專責長齡亦係本省總兵現已諭知額勒登保將長齡所帶吉林黑龍江勁旅令赴經畧軍營應用其兩粵官兵皆交長齡帶回楚省會同倭什布孫清元德昌明亮等擇要防堵楚省原有兵丁為數已不為少今又加以兩粵官兵聲威更為壯盛可以聯絡布置姜晟等務須審度地勢於賊匪向來熟經之路扼要堵禦毋令竄匪一名闖入至姜晟雖已調任直隸總督但書麟尙未到任此時軍務地方皆仍係姜晟之責倘存五口京兆之見有意觀望以致稍有疎虞又令賊匪擾及楚境則仍准姜晟是問再湖北所需餉銀本年由部庫及廣西河南先後發往者

為數將及百萬皆不待伊等奏請先行籌撥此時該省辦理防堵事宜駐守官兵為數尙多應用糧餉亦須源源接濟該省原領餉銀若干其支用者共計若干核之現在官兵所需是否尙足敷用亦從未據該督撫奏及現據額勒登保奏該省每逢追賊緊急糧餉有不繼之時是辦理已屬支絀或伊等以現在經費浩繁強作解事不敢奏請殊不知軍行餉隨必須士馬飽騰方足鼓其銳氣倘稍形缺乏焉能實力禦賊是伊等所見者小而所悞者大並著姜晟倭什布將現在餉銀所存實數是否敷用抑或卽須接濟之處速行具奏另候籌撥總期於事有益切莫鯁鯁過計錙銖較量也

欽定剿平三省邪匪方略正編卷二百十六 庚申年

十一月十四日 壬辰 陸有仁奏言竊 臣 馳抵漢中

於十一月初二日接印任事接據沔縣稟報前

竄回軍壩黃草坪之賊經長麟率同總兵楊奎

猷等帶兵堵截竄回南江之陳家巖等處現又

折至褒城屬之乾溝河並有另股零匪欲與竄

合總在通川老林左近潛匿長麟楊奎猷仍在

《聖朝勦擒逆裔稟》

牟家壩銅廠一帶堵剿又洋縣稟報伍懷志零

股賊匪竄至盤屋屬之大尖溝總兵穆克登布

等帶兵由二郎壩一帶堵截又據西鄉縣稟報

賊匪冉學勝一股竄至西鄉之五塊石馬家灣

等處正遇慶成派往防堵之副將海洪阿等當

即接仗海洪阿及守備穆克登布力戰陣亡慶

成得信同綸布春馳往截剿賊匪敗竄即分爲

兩股一股折赴川界現復回至西鄉楮河一股

於二十六日由瓦脊溝踞淺渡江慶成即派綸

布春跟追並知會長麟挑派兵勇前往會剿又

苟鮮王徐等逆由西鄉漁渡壩竄至毛壩塘其

龍紹周一股亦竄入西鄉之小河口慶成現與

阿哈保分布堵截又興安府稟報二十五日賊

匪一股在郡城正東五樹壩曹子壩一帶焚掠

《聖朝勦擒逆裔稟》

距城六十里該府周光裕現派壯丁馳往堵截

又平利縣稟報賊匪數千人於二十一日夜攻

撲縣城該縣任奎光同因公在城之知縣汪玉

衡及武弁等分督教佐民夫竭力用鎗礮轟擊

直至黎明始行擊退斃賊八十餘名執旗賊目

十餘名鈎獲雲梯十數架即回東南女媧山奔

竄並據陝安道朱勳稟報二十三、四等日提督

楊遇春於平利之到草街廣木溝等處將兩股
賊匪痛剿大獲勝仗額勒登保挑帶兵丁於二
十五日由平利白土關馳赴竹谿與楊遇春分
路夾擊大營仍紮白土關各等因臣查平利興
安之賊如果情形著重經畧近在咫尺自必馳
回督剿斷不致任其蔓延其褒城邊界零星賊
匪一見官兵卽行逃避現經長麟楊奎猷帶兵
堵剿自亦不致竄越惟西鄉賊股較多慶成阿
哈保現有兵力尙覺稍單諒已稟知經畧另行
添派至過江之賊慶成雖已知會長麟酌帶兵
勇馳往協同綸布春剿辦並經臣飛咨穆克登
布汪啟等相機截擊但聞冉學勝素稱狡悍於
南山路徑最爲熟悉誠恐竄至東北則商州所
屬及近省峪口皆須預防臣已分投飛飭嚴密

欽定剿平三省邪匪方略

正編卷二一六

欽定剿平三省邪匪方略 正編卷二一六

堵截並將各隘糧餉源源運供斷不敢稍有缺
誤
陸有仁又奏言竊思結寨得宜可以堅壁固守
團勇得力可以禦賊衛民兩者俱爲急務陝省
結寨之事自上年松筠那彥成台布飭辦至今
歲夏間完竣臣入棧後沿途查察一廳一縣境
內結寨至數十處不等有距最高山頂結構完
固自成天塹內可存數千人者亦有在山勢不
甚陡峻之處潦草結成僅容數百人及百餘人
者在山高人衆之寨聲勢既壯又復有險可憑
卽無官兵亦能自守此等守寨之人卽不使再
令守卡惟平衍小寨人力旣單又無險要可據
一經敗匪攻圍官兵不能朝發夕至不惟藉資
盜糧兼恐盡遭屠戮轉不若散處村落者之尚

欽定剿平三省邪匪方略

四三七

四三七

易奔逃是結寨一法又必須急籌善計也臣現

在派委委員分投確勘凡有寨低人少不足深

恃者即酌量捐資協助令移於險要山巔或歸

併近處大寨以杜賊匪窺伺倘就近既無大寨

可歸而形勢斷不足恃者則與其守寨而受困

無寧合力以守卡統俟查勘到日另行籌辦至

於團勇事宜向有官兵民勇之別如派出各路

《聖朝通志編查吳

五

隨征及調撥守江守卡長久用其力者是為官

勇當雇募之初即須給與安家銀兩並日支口

食添補衣履等項費用較繁而得力者實與勁

兵無異此等鄉勇皆久隨軍營慣於打仗即分

守各處汛卡亦係練習技藝并熟悉地勢情形

之人且並非伊本鄉自應官給分例至各村各

堡自為團集賊近則聚賊遠則散者是為民勇

俱係自食其力不肯輕去其鄉陝省峪口一帶

似此民勇頗多而惟川楚邊界賊匪出沒之處

向來認真團練此等地方廣濶至二三千里卡

隘甚多若必處處以官勇防守不但所費不貲

抑且人數既多焉能逐加訓練於事實屬無益

臣再四思維惟有責成地方官專辦民勇現已

分飭各處先將路通川楚地方親身履勘其來

《聖朝通志編查吳

六

路逼窄可以塞斷者即用木石堵塞有險可守

者立即挖濠築壘以資捍衛一面勸諭各該處

紳衿及生監人等招集居民選派壯丁練習技

藝一遇賊匪竄近立即飛赴隘卡堵禦該民勇

等自顧身家自必十分出力較為可恃如遇賊

已遠去仍可各歸農業果能奮勉出力截住賊

蹤許以懇

恩嘉獎如此處處布置使賊匪不能一到即過臣再

與長麟面商各路防守官兵擇臨近緊要之地

分隊駐紮為犄角之勢一遇賊來不待入境即

可帶兵迎剿庶賊匪進退維谷立見窮蹙而兵

勇聲勢亦可隨處聯絡至戰守之兵有向形單

薄者自須隨時增給官勇以資派撥臣現在遴

選熟諳行陣信實可靠之首領等令其招募壯

欽定剿平三省邪匪方略

正編卷二一六

健得力鄉勇一二千人官給口食逐日派令鎮

將勤加操練必使鎗礮刀矛技藝件件精熟以

資添赴各營之用仍隨時酌量情形如賊蹤漸

遠各路官勇有可裁撤者即當酌減務期堵剿

實有裨益而餉項絲毫不致虛糜以仰副

聖主諄諄訓誡之至意奏入

上命軍機大臣傳諭陸有仁曰陸有仁奏結寨團勇

情形所論皆是但防堵之說必須實力辦理方為

有益即如前此那彥成長麟台布於初到陝時亦

未嘗不知以防堵為重於結寨團勇等事娓娓陳

奏其後總未實力辦臣仍任聽賊匪奔突自如所

謂堵之一字不過僅託虛言毫無實效試思防堵

如果得力則界外之賊豈能一名闖入即間有逸

入者亦不能更竄他處又何難盡力追剿陸有仁

欽定剿平三省邪匪方略

四三九

既為此奏知以防堵為重惟當督率所屬認真經

理言行相符方為實力毋僅以一奏塞責也又另

摺奏報各路竄匪情形與經畧等所奏皆合此時

陝省褒沔西鄉等處各股賊匪業已零星敗竄又

有將領跟追自可不致肆臣即平利興安之賊經

畧近在咫尺諒能督辦惟中學勝一股賊匪過江

以後該匪於南山路徑素為熟悉兼恐與伍懷志

一股竄合不可不加意嚴防昨據慶成奏派令桑吉斯塔爾穆克登布汪啟等合力堵剿已諭令額勒登保督令上緊剿辦所有商雜等處關係緊要陸有仁尤當留心督飭地方官團勇結寨嚴密巡防不得稍有疎懈致令乘間東竄為要

十五日^{癸巳}長麟慶成奏言竊^臣等在洋縣面商

一切防堵事宜後^臣慶成當即馳回西鄉^臣長

麟亦即趕赴南鄭褒城沔縣寧羌一帶恒瑞在

九

西鄉南鄭兩縣交界之鍾家溝一帶分投照料

防堵^臣長麟當派總兵觀祥在牟家壩駐守並

防附近各卡隘總兵楊奎猷在鋼廠駐守兼防

附近各卡隘^臣長麟居中策應旋據寧羌營遊

擊王興朝稟報有賊匪一股已至寧羌州之大

桃樹一帶奔竄^臣長麟當即撥兵五百名交守

備李懷玉隨同遊擊王興朝趕赴附近大桃樹

之毛埡子地方堵剿去後賊匪自大桃樹照圭

河突至毛埡子山下直撲上山該遊擊等鼓勵

兵勇鎗礮並施並用滾木壘石擊打賊匪即退

回對面山梁遍放號火勢甚猖獗該遊擊等差

入下山潛探對面山梁號火盡是虛放賊匪俱

在山旁深林內埋伏似欲誘令官兵追至即可

《聖朝實錄編查真

十

突出掩殺該遊擊等探破賊計傳令兵勇掩藏

旗幟徐察動靜候至半夜賊匪見無官兵墮其

奸計齊聲吶喊直來攻撲兵勇鎗礮木石一齊

施放擊斃賊匪十餘人帶傷賊匪甚多仍竄回

大桃樹原路賊匪不能北竄次日黎明復奔至

毛埡子山下搶過蒙子灘河向西奔竄該遊擊

等隨即帶兵自中梁衝下並傳知香爐山馬鞍

山兩寨鄉勇分左右衝壓乘賊半渡極力撲殺賊匪捨命撲水淹斃數人兵勇亦即過河追殺賊匪竄向觀音壩一帶係通川省廣元縣野人村之路官兵因聞後路尚有賊股未敢離汛遠追旋又據總兵楊奎猷報稱賊匪一股約二千餘人於初二日由沙河竄往沔縣所屬之乾溝河一帶滋擾請兵前往策應臣長麟當派革職副都統防禦銜和興額叅將張應魁羅全亮等帶領馬步兵勇一千餘名前往附近乾溝河之唐口子白巖河等處截擊甫經出隊又據副將舒隆阿報稱賊匪下餘人在南鄭縣屬之大石壩對面山梁窺伺勢將撲卡亦請分兵策應臣長麟又派遊擊馬忠都司張聯奎帶領兵勇一千餘名前往大石壩截擊臣長麟亦即督同副

聖朝實錄卷之三

七

將蕭福祿叅將韓自昌等分赴各路督催接應初三日辰刻和興額等馳抵乾溝河地方探知賊寨相距僅四五里之遙當即催兵疾進賊匪已蜂擁前來官兵奮力迎撲賊匪並不接仗輒即回頭奔竄官兵料有埋伏一面緊追一面防範趕至五岳壩地方忽見左右山旁伏賊撲出分為三路迎敵和興額及守備朱保帶領馬兵直衝賊隊射斃賊匪數人叅將張應魁把總金玉葉五品頂戴軍功首領胡文秀帶領鄉勇從中路撲殺叅將羅全亮都司郭洪守備宋英帶兵從左手山梁截殺都司朱章守備張應昌帶兵從右手山梁截殺賊匪捨命抗拒三路兵勇施放連環鎗礮擊斃執旗賊匪五人戰手三百餘人賊匪紛紛竄回官兵直前趕殺追至毛家

聖朝實錄卷之三

七

永井賊匪搶上對面大山，他頂合聚一處恃險併力抵禦。張應魁、金玉、劉文秀首先帶領鄉勇自下仰攻官兵，一齊撲上，賊匪不能抵禦，復由山後奔竄。兵勇乘勢追殺，又斃賊匪數十人。生擒賊管管事大頭目一名，矛手十三名。逃出被裹難民數十人，奪獲騾馬牛隻，烏鎗火藥旗矛甚多。當官兵追殺之時，又有矛手二十餘人

《聖朝實錄卷三十一》

三

濺入路旁草房內，官兵瞥見，隨即點火燃房，將藏匿之賊全行燒斃。餘賊俱遁入老林內，計自白巖河追殺至此，天色已黑，山中積雪甚深，未便再事窮追。官兵皆行紮住大石埡，一路賊匪約有千餘人，亦於初二日直奔大石埡卡隘。業將小卡攻破，陣亡官兵數十名。復來攻撲大卡，甚急。副將舒隆阿帶兵迎擊，立斃賊匪二三十

人，奪獲白旗一桿。賊匪攻撲愈力，並不少退。正在危迫之際，適_臣長麟派往之遊擊馬忠都司、張聯奎帶領兵勇趕到，奮力衝壓，殺賊數十人。賊匪折奔梨樹坪林內，初四日五鼓，馬忠、張聯奎等仍帶兵勇前往搜追賊匪，即從二口灣翻山竄往川境。訊據擊獲賊目供稱，名傅思貴係四川岳池縣人，其竄主白巖河賊匪係李裁縫

《聖朝實錄卷三十一》

四

為元帥與楊開第合夥，共有二千餘人。營內有先鋒三人，管管事大頭目三人，我就是管管事大頭目。因四川山內無食可採，所以要求陝西擄食。其一股竄至大石埡之賊匪，是阮正龐有一千餘人。我等一同商議分路，齊到陝西，計使官兵不能策應，不料被官兵打散。等語。餘無要供。當即凌遲處死其餘矛手，行正法。逃出被裹難

民訊明遞籍安業是日又據探報賊匪數百人

竄至沔縣屬之西流河向板倉壩元壩子一帶

奔竄臣長麟復派遊擊劉滿貴帶鄉勇五百餘

名連夜趕往隨楊奎猷前赴元壩子一帶激擊

據報賊匪見有官兵不敢攻撲卡隘現又折向

乾溝河一帶奔竄臣長麟仍多差弁兵四路分

探該匪等竄抵何處卡隘卽撥兵趕赴何處相

聖諭恭錄

五

機截殺務期四路兼顧隨處堵截斷不敢稍涉

疎虞致令賊匪闖入陝境連日各路打仗兵勇

間有傷亡容俟查明另行咨部至臣慶成自

江追殺冉學勝賊匪後途次據報西鄉東南一

帶賊股較多勢不能趕緊折回西鄉堵禦適總

兵胡定泰亦奉調趕來卽派撥兵勇交該鎮帶

領前往十字路堵截並派總兵九十帶領兵勇

前赴堰口堵截臣慶成帶兵前往板橋壩居中

策應賊匪見數路官兵扼住要隘其苟文明鮮

大川及王徐等逆卽由三元梨壩折竄馬家壩

龍紹周一股亦竄往太平皮貨舖未致深入滋

擾其前此過江北竄之冉學勝一股賊匪臣慶

成恐汪啟一路官兵不敷剿辦又挑撥兵勇九

百名馬隊一百名交綸布春帶領過江追擊並

聖諭恭錄

六

札派現在山內防堵之候補通判維昂帶領鄉

勇三千名由五郎一帶堵剿臣長麟亦派遊擊

綽克圖守備何萬金分帶官兵一千餘名就近

趕入南山隨同綸布春汪啟等剿辦並飛飭臬

司王文湧帶領鄉勇在棧道及南山北面相機

防堵近據探報綸布春汪啟已由洋縣及老關

口等處迎剿維昂亦由洵手河兜擊俱已趕上

賊蹤不致散漫至穆克登布等所剿之伍懷志
股匪僅四百餘人現在洋縣三岔河屯聚穆克
登布由厚畛子一路而圍桑吉斯塔爾等由華
陽二郎壩一路截殺日內已緊逼賊屯設法轟
擊因賊匪深入老林總不與官兵接仗是以尙
未得手一經轟出無難就地剿滅再查此次出
力各員謹開單呈

製著勳業編卷五

七

覽又褒城縣知縣汪銓前於署留壩同知任內會同
候補通判維昂先後打仗三次殺賊多名嗣經
長麟調至軍營辦理糧務該員籌備周妥從
無貽誤此次四路分兵禦賊該員來往各前敵
供運軍糧俱能充裕實為奮勉出力可否量予
鼓勵之處出自

鴻慈奏入

上命軍機大臣傳諭長麟曰川省賊匪在寧羌州之
大桃樹一帶奔竄經長麟派撥弁兵趕赴毛堽子
地方奮力剿殺賊匪竄向觀音壩一帶此股係何
賊目何以未據奏及其竄至乾溝河之賊目李裁
縫楊開第因川省乏食欲闖入陝境擄掠又阮正
隴一股在南鄭縣屬之大石堽山梁窺伺攻撲卡
座均經官兵奮擊共殺賊四百數十人餘匪翻山

製著勳業編卷五

十六

竄往川境其竄至沔縣之另股賊匪亦經長麟派
兵截擊所辦尙好長麟著交部議叙但此數股竄
匪雖經截回川省不致深入陝界而前此過江北
竄之冉學勝一股尙未剿竣此股賊匪最為屢念
冉學勝剿敗夥匪不過數百人卽與伍逆合夥亦
藏千餘人而桑吉斯塔爾穆克登布汪啟等所帶
兵勇共有七千况續經屢成派令綸布春帶領馬

隊兵勇一千名候補通判維昂帶領勇三千名
出五郎一帶截剿長麟又派遊擊綽克圖等帶兵
一千餘名趕入南山協同剿辦是此一路共有兵
勇一萬二千餘名以十倍賊匪之兵力剿此潰敗
之賊有何難辦乃迄今尙未竣事若非帶兵各員
有心逗遛卽係長麟等所報兵數不實或藉爲開
銷地步二者必居一於此前已諭額勒登保將桑
吉斯塔爾等三人是否心存觀望慮及此股賊匪
剿竣又當派往別路剿賊故與賊匪日久相持之
處令其據實查奏此時長麟慶成當再嚴行督催
務令伊等併力合剿剋期搜剿淨盡勿留餘孽倘
再有延玩或任賊匪竄入商維一帶必當按律治
罪决不寬貸至苟文明龍紹周等股昨據額勒登
保奏竄至安康平利地界經楊遇春等截剿已向

欽定剿平三省邪匪方略

正編卷二二六

西逃竄王徐等逆亦奏合匪徒欲竄入楚境至鮮
大川早經德楞泰奏報殲斃今長麟奏稱鮮苟王
徐等股折竄馬家壩何以又有鮮大川之名恐又
係誑報而龍紹周一股據稱竄往太平又與經畧
所奏不符並著長麟確查此數股究在何處奔竄
何以賊股內尙有鮮大川一股是否係該匪餘黨
一併據實具奏

欽定剿平三省邪匪方略

正編卷二二六

上諭內閣曰革職副都統防禦銜和興額前經獲罪
今深知愧奮打仗出力著陞授佐領遇有缺出卽
行補用叅將張應魁帶領鄉勇攻潰賊匪尤爲出
力著加恩賞換花翎並著長麟知會經畧額勒登
保遇有軍營副將缺出卽行陞補守備朱保千總
金玉彙著賞戴藍翎其五品頂戴軍功首領胡文
秀著加恩遇有千總缺出卽行補用襄城縣知縣

汪銓前於署留壩同知任內殺賊多名此次供運各路軍糧俱能充裕亦著加恩遇有同知缺出卽

行陞補

同日

上命軍機大臣傳諭瑚圖禮曰吉慶奏廣東捐監銀

兩除補足封貯原數三十餘萬兩外尙餘銀二十

餘萬兩現在陝省軍務將次告竣善後事宜需用

《聖朝實錄編卷三》

三

較繁著瑚圖禮於捐監封貯及盈餘項下撥銀五

十萬兩派委妥員迅速解往陝西應用

十六日

甲午

上命軍機大臣傳諭陝甘四川湖北各督撫曰現在

川陝各股竄匪正值窮蹙之際亟應剿撫兼施俾

始終怙惡者搜捕無遺而悔罪投誠者各安生業

方足以散賊黨而輯民心速圖蕩事惟近來川陝

各路軍營奏報內所稱被脅難民及從賊隊中散

出者不過以酌給銀米路票了事並未見實心撫

輯使之各遂其生此等投出窮民所得銀米無多

數日後口糧不繼饑餓難堪必仍思去而從賊是

以軍營中竟有孳獲賊匪搜出路票者試思伊等

節次奏報給予銀米路票之人不計其數而賊勢

總未見渙散其故實由於散而復聚朕屢經降旨

《聖朝實錄編卷三》

三

令各督撫專派賢員認真安撫並清查叛產酌給

難民勿令稍有失所反覆申諭至再至三而該督

撫從未將如何酌定章程實力妥辦之處詳悉覆

奏各該督撫等多係由京員簡放外任京中各部

院大臣有奉旨特交事件斷無日久不辦之理若

稍逾期限必干處分何況此等關係軍務重大之

事耶且教匪俱係內地亂民非比征討不庭祇須

徵兵發餉即可完事當其抗拒官兵固殺之無赦
而一經散出盡屬良民必當隨時隨地設法撫綏
卽屬目前應辦善後之事若待大功一律告竣始
行經理則節次投出之民豈能久忍饑寒靜以相
待非轉於溝壑卽故智復萌似此因循玩愒何日
始能蕙事現在剿辦緊急正賊匪解散之時如果
安撫得宜多一民卽少一賊何患不剋日奏功而

聖諭

三

該督撫竟視爲緩圖並不遵照節降諭旨悉心籌
議看來屢次所奏酌給銀米之處恐未必盡能給
發或預爲將來開銷地步其實招撫之事並未認
真辦理若云接奉諭旨後其中別有難辦緣由亦
應據實陳明設法妥議斷無將投出難民置之不
顧聽其流離四散無所歸著之理勒保長麟陸有
仁身任川陝督撫是其專責伊等接奉此旨後務

將現在作何撫輯應專派委賢幹之員如王文瀾

楊蔭元福方積劉清等責令妥爲經理俾難民等

生計有資不僅爲目前苟且之計各處現在辦理

情形據實具奏勿但以空言搪塞致干咎戾再揚

護會派往南山清查並刨挖溝濠如果辦理得法

賊匪卽不能任意出入現在該員究在何處辦理

何事並著長麟陸有仁查明遇便覆奏又湖北從

聖諭

三

前剿捕賊匪之時投出難民亦復不少並未見該
督撫將如何設法安輯情形具奏現在該省已無
賊匪正當辦理撫綏事宜所有散出難民作何安
插之處並著姜晟倭什布據實覆奏

十七日未 德楞泰勒保奏言查黃藍白三號及

樊人傑一股賊匪自經官兵於八臺山剿敗之

後忽分數股向水古壩子江河白果壩王家壩

甘龍謙等處老林內四散奔竄其意總欲於萬

山之中牽綴官兵臣正擬分兵截擊緣後路瀕

渡壩據報有徐添德苟文明自陝竄至而由楚

竄來後股線字號賊匪已從沙沱子闌入開境

又將擾及川東腹地必須先為兼顧臣等當派

賽冲阿永寧帶兵兩路先行進山追剿樊逆等

股臣德楞泰由馬鬃嶺一路迎剿漁渡壩竄來

之賊臣勒保由七里溝一路探剿沙沱子之賊

均於二十四日先後發兵二十六日臣德楞泰

至馬鬃嶺探知陝來賊匪正在諸葛壩一帶滋

擾即分兵三路截擊詎賊聞兵至連夜翻瑪瑙

山竄遁我兵僅追及賊尾殲斃三四十名擒獲

伍日美等二十三名訊知此股並非苟徐二逆

乃係楊開甲符日明夥內剿剩餘孽波巨楊奉

朝伍總兵帶有七八百人向在西鄉鹽場關遊

奕近聞徐添德要回四川遂假充該逆名號來

至太平境內臣德楞泰因目下賊氛潰散無論

著名與不著名之賊總須一律辦完當即督兵

追躡二十九日追至大竹河地方正值匪眾踞

淺過河隨督温春阿穆勒塔色爾滾馬瑜等帶

領馬步官兵儘力追趕該匪捨命狂奔殲戮並

淹斃二百數十名生擒男婦黃連秀韓嚴氏等

一百十七名口餘匪遁入黃草梁老林當據賽

冲阿永寧兩路先後稟報二十七八等日賽冲

阿一路官兵於水古壩地方遇見黃號徐萬富

二股殺斃賊匪一百二十三名生擒吳以福等

四十五名永寧一路官兵於邱家灣地方遇見

王士虎分出夥黨數百人圍攻該處寨洞該鎮

帶兵擊退斃賊七八十名生擒曾廷桂等七十
四名^臣勒保於二十七日至七里溝探知線字
號股匪由長店房竄來並未敢至開縣大道係
翻雪泡山向雞鳴寺一路奔逸^臣勒保卽連夜
督同薛大烈花品等由大灘口倍道抄出賊前
迎擊二十八日未刻至漢場河正值賊衆竄來
一見官兵竟敢佔住山梁吶喊抵敵我兵奮勇
直上鎗斃執旗賊目並馬步賊十餘名餘衆潰
遁向明通井王家壩一路狂奔我兵追殺四十
餘里沿途斃賊一百餘名生擒李玉潮等八十
六名訊知此股首逆係張金連與線字號餘匪
共有千餘人自湖北竄來找尋樊人傑等前股
之賊現欲奔赴城口一帶合夥等語^臣等連日
在太平境內分路督兵打仗統計殺賊六百餘

欽定剿平三省邪匪方略

正編卷二一六

欽定剿平三省邪匪方略 正編卷二一六

名生擒三百四十五名搶獲賊旗鎗矛三百十
八件牛馬一百三十餘頭匹現獲之賊均各訊
明將從賊日久之黃連秀等二百十一名卽行
正法餘俱被擄未久各給銀米路票省釋又七
十五一路官兵先經^臣德楞泰令其在通南邊
界扼要暫紮嗣據報稱十月十七日有楊開第
及李炳股內之賊竄至瓦子坪該提督卽於十
八日督兵前往截擊該匪恃衆抵拒經三路官
兵奮力痛殲直追至南鄭境內花石梁地方殺
死偽總兵張子訓田倬並斃賊二百餘名生擒
孫開榜等七十三名搶獲刀矛旗幟二百三十
餘件續據報稱該匪等在梅子壩經陝省官兵
截回由靈官塘竄至廣元大桃樹壩七十五恐
其奔竄保寧現已帶兵馳往截擊^臣等因太平

欽定剿平三省邪匪方略

正編卷二一六

四四九

境內之賊日來被剿情急俱零星竄向東北城
口奔逸該處俱係老林在在與陝省安康紫陽
連界並通大寧開縣等處若以重兵前往追剿
不特老林以內糧運維艱且恐驅之入陝然亦
未便任其在山內游奕是以_臣等相約移營至
白果壩地方會同籌畫_臣德楞泰即統領馬步
官兵直趨城口偵探賊蹤如果有逸入陝境之
賊聞經畧額勒登保現在斑鳩關一帶相距非
遙正可約會兩面夾擊倘額勒登保已移師遠
去_臣德楞泰亦當設法兜截回川老林路徑險
窄兵力難以施展總當驅之出山至太平開縣
境內痛加剿殺自易為力至_臣勒保因城口為
川陝兩省交界賊匪出沒之所向無存糧均須
由太平運往刻下餉銀未到各州縣運腳太平

拖欠夫驢裹足不前大兵一進城口斷難枵腹
從事是以暫在後路太平官塘灣一帶駐紮督
率總理糧餉及地方臺站各員將夫驢等項雇
備齊全並設法籌措餉銀現已飛飭司道於省
城重慶達州三處向商民暫借銀數萬兩並咨
商陝楚兩省就近酌借俟粵餉及續撥餉銀經
過陝楚時即行截還以期早日應用並商定俟
_臣德楞泰到城口後擬派總兵託雲泰帶領兵
勇三千名在渡口場一路駐守以杜賊匪折竄
老林之路惟因現帶之兵不敷分撥查副將褚
大榮前令其在夔巫一路堵禦該處地勢散漫
斷非千餘兵勇所能濟事況此時陝楚之賊方
思逼入川境夔巫境內似不必設兵嚴防已令
褚大榮即由大寧取道核桃壩一路來至城口

倘有散賊潛匿老林可查搜捕臣勒保一面酌

留兵力暫駐太平後路籌辦糧運並策應諸路

川北一帶現有七十五在彼何處有賊卽往何

處截擊并令督辦江防不致稍有疎懈其前次

打仗出力各員臣等謹開寫名單進呈伏候

施恩鼓勵奏入

上命軍機大臣傳諭德楞額奏勒保曰此次賽冲阿永

聖旨

聖

寧先行帶兵追剿樊逆等股德楞額奏復與勒保分

路截剿漁渡壩沙沱子兩股賊匪在大竹河漢場

河地方各奮力追剿俱有斬獲共殲賊六百餘名

生擒三百四十餘名其七十五一路有楊開第及

李炳股內之賊竄入瓦子坪一帶自卽係長麟所

擊退者亦經官兵奮力痛殲殺死賊目及裝賊二

百餘名生擒七十三名所辦甚好其巫夔一帶既

去賊蹤較遠自應將原駐之員移向要隘處所實

力防堵惟所稱太平境內之賊被剿情急俱向東

北城口一帶奔竄該處俱係老林在在與陝省連

界德楞額現趨城口偵探賊蹤約會經畧夾擊倘

經畧移師遠去卽當設法兜截回川並驅之出山

至太平開縣境內痛加剿殺一節賊匪等遁入老

林路徑險窄兵力難以施展自應驅之出山以便

聖旨

聖

合力痛剿但必須設法逼剿使賊匪無可容身方

可乘其散出上緊截殺殲除淨盡若僅托之空言

與賊相持再閱旬日德楞額又必以現在正值冰

雪難以進兵爲詞而勒保或又以糧餉不繼駐劄

籌辦互相藉口是驅令出山籌辦糧餉二語竟欲

爲年內展限地步汝二人必欲效學魁倫在達州

安坐度歲任賊匪摸樁耶轉瞬卽交春令青苗在

地賊又可擄掠充食剿捕何時完竣現屆年底不過月餘若隔數日奏報一次止係殺賊若干名總未能剿得一股似此怠惰因循恐難辭罪德楞素勒保務須各知奮勵逼賊出山痛加剿殺使糧運源源接濟毋再延緩至兜截回川一語尤非易事現在陝境賊匪俱欲竄楚不肯折回川境德楞素等剿辦川省竄匪尚不能一時撲滅焉能復有餘

《聖朝聖訓卷之三》

三

力將竄向陝境賊匪兜截回川所奏仍係虛詞但陝境之賊經額勒登保等大兵追擊窮竄入川若川省官兵不過驅出川境於剿捕大局仍屬無益德楞素等固不能越境兜截然遇有竄川之賊卽當奮力截殺不使一名折回陝境方爲無分畛域至所奏現獲被擄民人各給銀米路票當釋一節此等難民最宜安撫得所方不致仍思去而從賊

各路軍營奏報往往僅以酌給銀米路票了事究竟委何人承辦作何安頓之處總未奏及恐係有名無實昨已降旨飭諭各該督撫等專派賢幹地方官員實力經理務期撫輯得宜多一民則少一賊以散賊黨而輯民心勒保當遵照昨旨督率妥辦毋僅以一奏卽爲完事也至川省餉項近又撥解銀六十萬兩極爲充裕如餉銀未到勒保當行文沿途催令速解自可無慮缺乏也

《聖朝聖訓卷之三》

三

同日

上諭內閣曰德楞素勒保遵將打仗出力各員開單進呈頭等侍衛花品著賞給多克希特巴圖魯名號吉林委防禦領催富爾松阿賞給德勒格鈞巴圖魯名號黑龍江委叅領驍騎校哈馨察賞給武魯克特依巴圖魯名號仍照例均著各賞銀一百

兩其領兵之副都統溫春副都統銜阿穆勒塔色
爾滾提督賽冲阿總兵薛大烈馬瑜頭等待衛阿
納保達勒精阿富僧德二等侍衛慶昌二等侍衛
塔什拉佐領阿納庫協領明德委協領穆騰額委
叅領防禦達椿扎呼岱防禦額楞保額外驍騎校
額勒登額委官領催長載總管遜多保委管總額
外總管副總管富登阿委管總佐領蘇清阿西靈
阿委叅領佐領巴圖達什驍騎校依克城阿額外
驍騎校巴揚阿佐領七十九副將蒲尙佐叅將李
應貴劉惟馨遊擊馬元何君佐都司向春煦涂陞
守備張紹緒馬成林等三十七員俱著交部議敘
其節次打仗殺賊最爲奮勉之副前鋒叅領武隆
阿著匠授頭等待衛三等侍衛法依當阿著陞授
二等侍衛委叅領驍騎校舒隆阿著賞換花翎委

聖朝聖恩編卷三

三

叅領領催那爾善叅將李廷臣遊擊廣福等三員
著賞戴花翎委官領催阿昌阿委官披甲額靈額
訥親保委驍騎校披甲庫德布委官披甲色伯克
扎布驍騎校烏永阿守備周士貴千總趙琴任映
剛把總李秀外委杜珠華戰兵余伸余占鰲鄉勇
謝錦章等十四員名俱著賞戴藍翎其在通江巴
州城口等處打仗殺賊最爲出力之留川委用從
九品徐若瀛著遇缺先儘補用義勇首捐職縣丞
劉炳著歸部選用通江縣壯勇頭鄧興文曠榮巴
州軍功張進思太平縣城口團勇張瑩冷光輝林
向陽等六名著以外委拔補名山縣典史署城口
主簿張雲漢力疾堵禦擊斃多匪並登擒賊目保
護寨落洵爲奮勇出力張雲漢著加恩賞戴藍翎
以示鼓勵

聖朝聖恩編卷三

三

上又諭內閣曰前因德英額在巫山大寧等處防堵不能將川東各股賊匪奮力剿辦迨黃號徐萬富等股賊匪衝出兩河口由八石坪竄往楚省德英額不能實力堵截以致賊匪卽向大寧奔竄又不奮力追剿祇將兵勇交李紹祖帶往德英額卽行轉回顯有畏難巧卸情事因令德楞泰等將德英額革職拿至軍營嚴訊並將所報傷痕親自驗看據實奏明按例問擬茲據德楞泰等查明德英額前在巫山等處帶兵防守係阿迪斯兩次派令移駐維時該處並無賊匪是以未得剿辦尙非藉防堵爲名一味株守及帶領兵勇赴水口堵截寬楚賊匪實因衆寡不敵未能攔截且親驗德英額右額角鎗傷結痂未脫左肩鏢傷較重現尙潰膿發腫並訊知德英額受傷昏跌下馬經兵丁陶春榮

等背上山梁質之該兵供稱屬實尙非捏傷退縮德楞泰等因德英額身受兩傷恐不得力是以另派李紹祖赴楚專剿批令德英額回至本管營卡並非自行退轉置身事外是其疎防之咎固屬難辭但委因賊衆兵單兼身受兩傷尙非有心貽誤且其歷次出師著有勞績德英額著加恩賞給遊擊職銜仍留軍營帶兵自贖以觀後效

欽定剿平三省邪匪方略正編卷二百十七 庚申年

十一月十八日丙申陸有仁奏言查刻下各路剿

捕正在喫緊之時連日探得寧羌褒城沔縣邊

界之賊經長麟率同總兵楊奎猷等堵剿已於

五岳壩唐口子等處兩次接仗殲斃多人餘匪

尚在沿邊一帶老林潛匿又洋縣稟報伍懷志

零匪在該縣涼風壩大尖溝一帶奔竄穆克登

布等躡蹤追剿又前在瓦石溝竄過江北之冉

學勝一股由寧陝廳屬之四畝地竄至洋縣四

兒壩寒風洞一帶總兵汪啟通判雒昂帶領兵

勇堵剿並有慶成所派綸布春長麟所派參將

綽克圖俱已先後帶兵馳往會剿又西鄉縣稟

報苟鮮王徐等股餘匪向西路馬家壩漁洞河

一帶奔竄慶成同九十胡定泰等在板桷壩峽

口等處分投堵禦其東路龍紹周一股已竄至

四川太平之皮貨舖地方又平利縣及糧員謝

國楨稟報提督楊遇春藩司溫承惠在平利之

長崗嶺蒙家溝一帶剿辦徐添德高二馬五合

夥之賊連得勝仗殲獲甚多賊匪由洵陽五道

梁奔竄並據經畧糧員陝安道朱勳等稟報賊

匪已至白河縣屬之冷水河額勒登保由洵陽

小河西壩一帶馳往督剿又安康縣稟報賊匪

一股由洵陽折竄至該縣之牛蹄嶺焚掠距興

安郡城十餘里現在嚴守城池並飛稟經畧等

撥兵至郡剿辦各等因臣詳核情形寧沔邊界

之賊經長麟督兵堵剿當不致令竄入其西鄉

各股餘匪有慶成九十胡定泰等分布防堵雖

兵力未厚聲勢尚為聯絡亦可不致蔓延惟南

山以內既有伍懷志零匪未除又增冉學勝一

股分竄則軍綴官兵合夥則賊數稍衆現經繪

布春汪啟穆克登布綽克圖等各路官兵截擊

臣復嚴飭通判維昂帶領鄉勇上緊堵剿賊匪

自不能東竄但刻下時屆嚴冬冰雪滿山兵勇

未免倍形勞苦且糧運路徑紛歧尤關緊要臣

實不勝焦灼現在督率各路地方官將糧餉竭

力設法趕運不敢稍有遲誤奏入

上命軍機大臣傳諭陸有仁曰南山以內有伍逆餘

匪未除又有冉學勝一股分竄則牽綴官兵合夥

則賊數稍衆朕因此甚爲焦急已屢降諭旨令額

勒登保嚴切飭催如桑吉斯塔爾穆克登布等有

逗遛觀望情事卽據實叅奏至陸有仁係該省巡

撫無帶兵之責但供支軍餉一由勇築堡安撫難民

等事皆其專辦昨以安撫一事屢降諭旨總未見

伊等將如何酌定章程實力妥辦詳細覆奏復經

降旨明白宣示令各督撫等妥爲經理陸有仁接

奉後務須遵照指示一面悉心妥辦一面據實覆

奏毋得視爲緩圖再有遲誤現在陝西軍餉不待

伊等奏請又已撥銀五十萬兩解赴該省存貯計

此項軍需已敷明年正月之用該撫務須加意撙

節核實支發俾軍營得以源源供支而經手各員

亦不至侵蝕冒濫方爲妥善至各路軍營如探有

打仗得勝切實情形仍應隨時附報具奏

上又命軍機大臣傳諭額勒登保曰陸有仁奏探報

各路賊股與額勒登保長麟前後奏報相符額勒

登保前在西鄉剿捕賊匪因高二馬五等逆在洵

陽一帶滋擾最爲兇悍額勒登保遂由竹山竹谿

一帶兜剿固應如此辦理然額勒登保聲威素著
爲賊匪所畏懼其駐兵處所賊匪每聞風遠竄即
如前此額勒登保駐劄西鄉該處即不過零星賊
匪四處奔逃而一經移赴二竹現據長麟陸有仁
慶成奏西鄉縣稟報苟鮮王徐等股餘匪又向西
路馬家壩漁洞河一帶奔突又有冉學勝偷渡漢
江之事即其明驗經畧總統軍務自應擇各股賊
匪中最要者親往剿辦但一經移師即應預爲布
置交駐守之員遵照妥辦庶不致顧此失彼此次
額勒登保已離西鄉之後將堵剿事宜專交慶成
辦理而慶成未能先事預防以致冉學勝一股又
復偷渡漢江乘勢北竄現已嚴飭慶成令其戴罪
立功此次祇因該處防兵尙未調齊是以姑從寬
恕儻此後慶成再有疎虞伊係棄瑕錄用之人斷

欽定剿平三省邪匪方略

五

無再爲寬貸之理但帶兵大員祇此數人一經革
職治罪又委何員接辦乎可見經畧之移營不可
輕率况汝決非一遇退縮之輩又如伍逆餘匪不
過數百人即合之冉逆亦祇千餘而桑吉斯塔爾
穆克登布汪啟等帶領兵勇一萬有餘以十倍於
賊之穴剿千餘窮竄之賊曠日持久至今尙未剿
淨似此與賊相持豈不又與上年張漢潮餘黨在
南山內奔竄情事相同已節經降旨令額勒登保
嚴飭督催桑吉斯塔爾穆克登布汪啟皆係額勒
登保派剿賊匪之員如伊等果能奮勇剿捕將此
股餘匪迅速殄平伊等之功即經畧之功儻伊等
有心逗遛貽誤軍務則伊等之罪亦即係經畧之
罪額勒登保不可不倍加慎勉也所有南山一股
餘匪額勒登保務當遵照節降諭旨嚴行飭催倘

欽定剿平三省邪匪方略

六

再有延玩卽當據寔奏毋稍寬假至西鄉一帶尤關緊要雖有慶成等在彼防守但現在冬令沍寒江水日見消涸亟應加意嚴防毋任賊匪再有偷渡北竄之事額勒登保尤當妥為籌畫分布嚴密劄飭慶成等奮勇堵剿無得再有疎虞方不負經畧之任朕屢念軍務日夜焦勞現已仲冬中澍距歲暮不過月餘前此額勒登保曾有歲內成功

聖訓 卷之三

七

之奏今閱節次奏報情形賊股尚多究竟年內是否可以竣事並着額勒登保通盤計籌據是覆奏毋得徒托空言虛作寬慰之語也

二十日 戊戌

上命軍機大臣傳諭倭什布長齡曰倭什布半月以來並未續有奏報現在楚境雖無賊匪但陝省無食可掠又有經畧在彼督辦而川省地方團勇築

堡俱屬認真竄匪不能停留總思折回窺伺楚境該處防堵事宜在在均關緊要況賊匪適當遠竄之時各處寨堡卡隘正可及時整飭修補為先事預防之計該省原有兵丁為數本屬不少昨又將兩粵官兵交長齡帶回聲勢更為壯盛可以聯絡布置現在兵數共有若干其疲乏者自應酌令歸伍所有離賊較遠之處從前原設防堵官兵當相

聖訓 卷之三

八

度形勢或併歸緊要卡隘或酌量裁撤其楚省與川陝毗連地方何處最為扼要何路必須嚴防皆係倭什布分內應辦之事何以許久總未見奏報殊為不解再本年楚省餉銀朕皆不待伊等奏請先行籌撥發往者為數不下百萬現辦防堵事宜駐守官兵尚多應用糧餉亦須源源接濟該省原領餉銀若干其支用者共計若干核之現在官兵

所需是否尙足敷用亦從未據倭什布奏及如果
供支無缺不煩請撥固所深願若該撫因目下需
用帑項過多強作解事不肯奏請或竟有派累民
間之事則大謬矣楚省民情素不安靜倘因軍需
苛派別滋事端倭什布能當此重罪乎若倭什布
以伊現在帶兵剿賊糧餉事宜係姜晟經理何以
姜晟亦總未具奏此時楚省防堵事宜既屬緊要
而綏輯安撫尤爲督撫專責若復任意匪關入及
地方民情稍不寧帖惟伊等是問慎之

《聖朝聖訓卷七

九

二十二日庚子額勒登保奏言查徐添德及高馬

等逆被剿折竄連夜狂奔由洵陽之霸河黑山

先後逃向安康之狗脊關初六七等日臣督師

由五條梁金嶺子截剿楊遇春慶溥格布舍豐

紳等帶兵由四溝壩前進恐該匪仍由大貴坪

東竄并派令守備王英帶領鄉勇攔截楊遇春

等卽由大貴坪抄擊溫承惠因狗脊關逼近平

利縣城亦帶領兵勇趕赴平利截剿該匪聞知

四面有兵折向四郎廟西竄其磚坪蘭河口有

東出平利孟石嶺之路一面派令遊擊棍他哈

守備王英率領兵勇馳往獅子壩攔截楊遇春

等一面帶兵趕到四郎廟該匪因追剿緊急又

《聖朝聖訓卷七

十

復分股一由杜家壩左龍溝向西路鐵爐壩奔

逃一由嵐河口大道河小道河潰竄慶溥先已

帶領兵勇趕赴磚坪蘭河口堵禦格布舍豐紳

由左龍溝臨隄剿辦連日各路俱有斬獲共計

不過三百餘人陸續逃出被脇民人甚多臣帶

領札克塔爾等由金嶺子前進正擬督率楊遇

春等合力剿辦乃於初八日行抵董家梁接據

慶成報稱冉學勝股匪近由川省邊界折回經慶成帶兵剿殺於上月二十五日夜間由瓦脊溝竄過江之北岸因所報人數不多已有綸布春帶兵跟追且穆克登布桑吉斯塔爾剿辦伍逆餘匪於深山老林中分路搜捕叠次斬獲所剩只有二三百人現在華陽都督河一帶進剿並查總兵汪啟帶領兵勇現在銀杏壩兜剿冉逆如竄與伍逆合夥穆克登布等固可併力剿辦如各自奔逃已有綸布春汪啟之兵分投兼顧臣又恐該鎮等所帶馬隊無多或該匪闖入平衍之地不敷衝擊又派令副將游棟雲侍衛噶拉等帶馬隊官兵二百名由安康漢陰前往策應並札飭綸布春穆克登布汪啟等相機緊剿剋日肅清臣仍卽帶兵由白土關平利而進

聖朝聖德編卷三十一

途次又據石泉令李樞煥稟報又有一股賊匪由西鄉漁壩街過江至北岸銅磬溝等情臣實深焦憤此股賊匪首逆何人人數多寡尚未據詳晰報到第查賊匪既有兩股過江穆克登布等一時恐難顧及卽或慶成聞信進剿所慮已在賊後倘賊匪竟致蔓延東向商維一帶逼近豫疆則較之竄楚倍為緊要臣此時不得不以江北為重刻查徐添德高馬等逆已竄紫陽之左龍溝漸行向西安康屬沿河以內亦川陝接壤之處尙有龍苟另股賊匪在彼出沒臣酌派慶溥溫承惠帶領原有兵勇並另派吉林索倫馬隊二百名又令總兵喜明馬玉魁二人管帶廣東兵一千數百名協同慶溥溫承惠分合截剿寧將各股賊匪逼向西竄斷勿任其東趨臣

聖朝聖德編卷三十一

卽督率札克塔爾楊遇春等取道安康渡過江
北帶兵從漢陰前進極力趕剿如該匪東奔卽
由鎮安一帶迎頭截剿以遏商雒之路再臣頃
接德楞泰來信川中竄匪屢經剿潰敗竄太平
西紫一帶老林現帶兵由渡口塲大竹河進剿
看來川省賊匪均將入陝德楞泰不日自必跟
蹤前來亦可與陝中堵剿之兵兩面夾擊臣在
江之北德楞泰在江之南彼此聲勢並可遙爲
聯絡至楚境現尙有高家營分股賊匪數百人
前臣由二竹進發該匪震懾兵威潛匿山內迨
臣截剿大股自白河至洵陽入平利界後據報
該匪由竹山竄入房縣嶺洛河一帶倭什布已
同孫清元等在彼剿捕長齡昨來至白土關與
臣會合臣因楚境賊匪已屬無多將其所帶

欽定剿平三省邪匪方略

正編卷二一七

隊接留五百名其餘仍令帶領由關垭入楚茲
接其來信已令副將樊雄楚帶領兩粵官兵一
千五百名侍衛定住等帶領馬隊一百餘名留
於竹谿以備堵剿長齡已會同明亮加緊償程
趕剿計長齡明亮現帶馬隊一千餘名合之明
亮倭什布所帶兵勇爲數已多臣已知會長齡
將該匪撲滅仍暫在楚境邊界備禦以杜別股
賊匪闖入奏入
上命軍機大臣傳諭額勒登保曰額勒登保奏稱據
石泉令李樞煥稟報又有一股賊匪由西鄉漁壩
街過江寔爲可恨現在額勒登保以江北爲重率
同札克塔爾楊遇春等取道安康渡過江北帶兵
從漢陰前進迎頭截剿以遏商雒之路所見甚是
至竄入南山之伍逆餘匪現剩二百餘人卽合之

欽定剿平三省邪匪方略

正編卷二一七

再逆爲數亦屬無多而桑吉斯塔爾穆克登布給布春汪啟等帶領兵勇一萬有餘不啻十倍於賊何難卽時剿滅此時額勒登保已至漢江北岸卽當查明伊等何以日久未能辦淨之故據實具奏再徐添德及高馬等逆並龍苟另股賊匪俱在安康一帶川陝接壤之處奔竄額勒登保務飭慶溥溫承惠等認真截擊並知會長麟慶成等嚴密堵

聖朝聖訓卷之三

五

剿斷不可再任東竄復有偷渡之事此爲最要至所稱接據德楞泰來信川中竄匪屢經剿潰敗竄太平西紫一帶老林勢將入陝德楞泰自必跟蹤前來可與漢南堵剿之兵兩面夾擊更爲得力且額勒登保在漢江之北德楞泰在漢江之南彼此聲勢聯絡布置嚴密賊匪更無從逃竄又所稱高家營分股賊匪由竹山竄入房縣葭洛河一帶現

已降旨諭知姜晟倭什布長齡等上緊剿辦矣至現由西鄉過江賊匪首逆究屬何人賊數其有若干該處江岸係何員防守並着額勒登保查明先行具奏

同日姜晟奏言 於十月初十日自襄陽起身

經行穀城光化均州於十九日前抵鄖陽查得鄖郡南臨漢江東北界連豫境正北正西二面

聖朝聖訓卷之三

六

與陝省商南白河等縣交錯鄖西縣在郡西北隅三面界陝地居要隘該縣邊境蒿坪壩上津堡漫川關一帶現在防守兵勇雖統計僅一千三百餘名而團練義兵一時呼聚可得一二萬人道員恒慶督同知縣孔繼楨調度得宜近聞陝省間有仍竄江北零匪該道等設備嚴防似可無虞疎失鄖縣係鄖郡首邑亦有防江義勇

數處沿江布置俱係附近民人自相聚守與河
南臬司完顏岱所帶兵勇聲勢聯絡臣因從前
賊匪竄擾卽縣悉由黃龍灘偷渡該處是爲最
要隨自卽啟行帶同該縣商賜禧由花果園繞
道前赴查看現在廣西總兵德昌紮營駐守詢
據德昌告知所帶兵丁七百餘名之外卽縣添
僱鎗勇四百名其餘難淺處所均尙有本處義
勇防守查鮑家店距黃龍灘六十里爲陝匪入
楚來路花果園距黃龍灘三十里係均穀至二
竹要路皆卽縣所屬該二處必須築堡團勇藉
資保聚當飭該縣勸諭速辦嗣經房縣之磬口
化口而抵竹山所過之區民居氣象均各安恬
竹山縣從前並無城垣嘉慶元年被賊蹂躪經
將軍恒瑞帶兵剿淨以范繼昌請補知縣四年

《聖朝勳績錄卷七

七

以來營建石城捐修衙署廟宇俱已次第興舉
縣城內外居民甚爲稠密而該縣與竹谿練勇
俱向稱得力現在該二縣鄉勇除隨征外另有
與官兵協同分卡守禦者爲數尙多隨時調撥
亦均定有章程查竹山縣境南北綿長八百餘
里正北迤西之青銅關黃土嶺寬坪等一帶界
連陝省白河洵陽距城二百餘里俱設卡坊堵
南接四川大寧距城六百餘里邊界過遠稍近
之馬鬃嶺適中扼要地連房縣之陰條嶺烏雲
頂五墩子等處經倭什布派令均房營叅將曹
星帶領兵勇分撥堵守該處有險可恃據該將
稟報現在整修牆濠工竣後所需兵勇數尙無
多知府王正常在任有年人本結實於所屬二
竹房保各縣邊要情形瞭如指掌連日與之熟

《聖朝勳績錄卷七

六

籌當將臣之所見與該府計議之處詳細札致倭什布酌定奏

聞辦理至連日據報各股賊匪尚在陝楚交界之安

康平利竹谿竹山一帶往來折竄經畧額勒登

保總兵長齡俱督兵在陝境分路截擊倭什布

與孫清元合為一路明亮帶吉林泰為一路均

在二竹邊境抄迎剿辦諒此窮蹙餘氛不難迅

《聖主親征方略卷三十一》

九

速掃蕩再襄鄖宜三府及荆門州各屬被賊往

來擾害市鎮村落應須建築堡寨團結練勇用

資捍衛之處臣於三月間札飭襄陽府張瑤卽

就襄陽一縣繪具築堡團勇圖說通飭遵照勸

諭士民實力趕辦數月以來節據稟報並委員

查勘實在興工修葺者約計已有十之五六築

成一堡卽團練一堡之丁勇大率平原堡多而

山居結寨此外尚有應行趕建各處所現在專

委原陞辰沅道田瀨會同各府親加董率飭催

務期及早一律辦竣庶所在民人均知團聚守

禦以免再有驚擾并隨處曉諭練勇首領互相

勸導安分守法勿致滋生事端

姜晟又奏言臣欽奉

諭旨令將徐添德股匪竄至穀城之盛家壩驪淺渡

《聖主親征方略卷三十一》

三

河時所有堵禦疎縱員弁嚴審定擬當卽將各

該員革職先後提解到襄訊據供出情節必須

履勘查訊始足以昭覈實時臣已擬啟程前詣

二竹隨帶同革員等順道至盛家壩黃龍灘次

第勘視並加訪察查穀城南門外有漢江支河

一道名為沙盛家壩地居上游距城三十里

一帶山溪細流灘淺易涉為賊匪奔竄熟路居

民一聞有警集勇自衛寨落設有兵勇官卡其
距城三四里舟渡往來處所因相近城廂民居
舖面稠密革縣孫光先自四月到任卽與富慶
商定傳知城內每戶出丁一名得七百餘人賊
近卽與兵丁上城守護城外得二千餘人分撥
布置南河沿岸排列鎗礮防守最爲嚴密八月
初七日賊匪竄入縣境之廟灘茅坪等處狂奔
急走並不焚燒裹掠富慶孫光先聞信分帶兵
勇在近城扼要之過山口泰山廟防堵初八日
午刻據報由盛家塘涉淺北竄富慶等恐其擾
近城垣卽趕回守城旋於申刻有驢馬數十人
至南河喚渡口稱官兵衆義勇俱知賊走盛家
塘一路官兵自必跟追恐係馬賊捏冒分股前
來報知富慶孫光先往查果係官兵明亮帶同

欽定剿平三省邪匪方略

正編卷二一七

大隊旋亦踵至該處船隻本屬無多又因賊近
慮有疎虞趨往漢江北岸大營兵馬衆多以致
濟渡耽延時刻明亮曾將富慶等加之呵斥是
夜卽在城外教場紮營據富慶孫光先供悉前
情傳詢該典史蘇昶並紳勇阮明信張之槐等
僉供無異至鄖縣屬之黃龍灘由漢江南岸陡
河口溯流而上距河口六十里爲路通竹山之
支河其間節節皆灘水落易於裹涉訊據革職
巡檢黃士杰供稱八月十一日賊從均州折回
伊先已齊集義勇在西岸防堵賊人乘夜從黃
龍灘東岸擁來義勇開放鎗礮賊卽退走不料
四更時繞到上游過樓溝松樹灘偷渡迨趕往
堵截馬步賊匪已過去無數義勇鎗礮齊發擊
死賊匪數十名捉獲十二名次日將軍帶兵趕

欽定剿平三省邪匪方略

正編卷二一七

至差官查驗賊屍當將捉獲十二人提往大營
 審明分別正法釋放實因河水太淺無險可守
 又在黑夜以致賊匪大股偷竄過去等語訊據
 該處士民張丕傑劉永瞳等供稱黃龍灘至皮
 鼓灘一帶五十餘里實有團勇三千餘人想來
 賊營必有被裏附近民人引路是以得知水淺
 敢於黑夜偷過等語臣當派外委等逐節騎馬
 試探所有皮鼓灘及過樓溝松樹灘等處中間
 可通舟行處水深亦僅一尺三四寸復檢核郎
 縣知縣高賜禧當日稟報情形均屬相符臣查
 富慶孫光先因賊匪逼近同督兵勇設守城垣
 一聞官兵猝至即時趕往照料委因一時船少
 是以兵馬過渡稍遲訊非捏飾但均係守土專
 員於本境要隘並不設備固防一任賊匪往來

無忌其黃龍灘一帶雖屬河水淺涸但義勇人
 數既多且究有河可恃賊匪屢次躡涉巡檢黃
 士杰亦不能督率堵禦均非尋常疎玩溺職可
 比應將已革遊擊富慶知縣孫光先巡檢黃士
 杰一件請
 旨交與倭什布分派邊防卡隘隨同効力當差如再
 懈忽滋咎卽行加倍治罪以昭懲儆再查本年
 閏四月間陝匪楊開甲等竄入鄜西蒿坪地方
 有義首武生守備職銜陳必富千總職銜柯隆
 忠帶同義勇首先迎剿殺賊甚多旋因力戰陣
 亡當經該縣孔繼樞稟報臣卽批飭留防局照
 例彙辦茲復據知府王正常稟稱陳必富柯隆
 忠二人年來督勇剿賊勞績最著為逆匪所深
 怨被害時備遭慘毒鄜西士民至今言及無不

流涕等語臣察訪屬寔可否仰懇

優恤以慰忠魂而愜輿情出自

聖主天恩

姜晟又奏言查郎陽改設鎮道一事奉

旨悉心籌議臣於郎陽竹山兩處地方情形業已勘

察明晰竹谿邊境綿長未遑周歷亦已講求得

其梗概郎陽一協額兵六百七十九名分撥郎

陽及郎西保康三處訊防外存城不過三百餘

名

各本屬過少竹山竹谿各設額兵四百八十名

均房營額兵七百三十名各立參遊專營若郎

陽改協為鎮則各營均就近有所統率其間將

弁兵丁移駐分合各事宜業經咨商提臣議有

成規核之部咨原議有詳無畧其鎮標兵數過

少擬以現設新兵六百四十名一併添入如再

不敷或於督撫兩標酌移各糧四五百分合計

鎮標各營可得額兵三千三四百名洵足以壯

聲威而嚴守備其郎鎮建署駐兵原議於竹山

竹谿擇要安設查郎郡至竹谿五百餘里竹谿

去房保亦較遠惟竹山地屬適中距竹谿房縣

均止二百里內外離郡城亦僅三百餘里平時

考驗操防徵調俱為便易修建衙署兵房地面

亦尚寬展似應於竹山駐鎮為宜至添設道員

一節臣查郎陽本屬簡缺所屬六縣內保康房

縣事務已屬無多而郎陽郎西竹山竹谿民情

更為醇良即今曾被賊擾之市鎮鄉村商民俱

如常樂業陝屬竄匪瞬息掃淨則郎郡各屬一

切頓復舊觀若設道事在必需自不得憚煩措

費茲臣再三籌度如康熙十二年裁撤撫治以

後百二十餘年來鄖陽閩郡安順處常不聞廢事似未便以適然之醜類遽事更張且漢黃德道所轄多係繁郡而又責在防江原議歸併糧鹽二道分巡查鹽道已兼轄武昌首郡糧道按年押運北上往還數月勢難常川兼顧屬郡臣前在省曾與司道商及僉稱漢黃道缺難以移汰是添設者未見其益裁移者徒虞有損亦非

《聖朝實錄卷三》

三

慎重官司之道臣愚以為治事惟在得人今鄖陽即改協為鎮駐劄竹山屯住多兵該守有約束經理之責漢江上通陝省本為水陸衝途應將鄖陽府改為衝繁難要缺如遇缺出於通省知府中遴選實在賢能之員調補凡巡防緝捕諸務悉與鎮臣通商辦理而安襄鄖荆道所轄荆門直隸州距省較近一應案件例不由道勘

轉安陸府政事亦簡襄鄖相距五百里一水可通應即照防邊之例更番巡歷况鄖郡秋錄例應該道往審更可隨時親赴稽查彈壓則添設道員之議似可停止以省紛更臣悉心酌議伏祈

訓示奏入

《聖朝實錄卷三》

三

上命軍機大臣傳諭姜晟倭什布長齡曰姜晟自前月遞到奏報已閱四旬本日始由四百里遞到各摺朕逐加披閱不過查勘鄖竹一帶防守情形及將一切事件彙總具奏並不仰體朕日夜懸盼殷懷實太遲緩姜晟著傳旨申飭若再如此延玩嚴譴即至矣現據額勒登保奏高家營分股賊匪前此潛匿楚境山內迫額勒登保由白河洵陽入平利界後該匪自竹山竄入房縣地方等語而姜晟

此次摺內並未提及前據倭什布奏稱楚省已無賊匪邊界廓清如果屬實何以房縣又有竄匪逸入之事且該匪潛匿山內日久何以地方官全無知覺抑係明知有賊潛匿不行具報姜晟倭什布屢次奏報俱以籌辦防守為詞今賊匪仍在山內該督等尙未聞知是所謂防堵者仍不過紙上空談並未實力奉行地方官疲玩積習不可不查明

欽定剿平三省邪匪方略

正編卷二一七

示懲姜晟雖已調任直隸總督而書麟到楚尙需時日一切剿堵事宜本係總督專責此時楚境既有賊匪自應迅速殲除淨盡或剿逼出境方可實力防堵長齡所帶吉林黑龍江兵丁額勒登保祇留五百名其餘勁兵仍屬長齡管帶姜晟當知會長齡倭什布明亮會商速將房縣竄匪剋期剿淨不使再有蔓延至額勒登保已過漢江北岸追擊

賊匪漢江以南高馬二逆及各匪眾聞知此信或又思竄入楚境均未可定是此時楚省防堵最為緊要姜晟倭什布等尤應督率所屬實力嚴防不使一名竄近倘堵禦稍疎致陝省賊匪乘間闖入則姜晟倭什布等恐不能當此重罪也所有本年閏四月間陣亡之義首守備銜陳必富千總銜柯隆忠俱着姜晟咨部各照原銜賜卹其從前賊匪

欽定剿平三省邪匪方略

正編卷二一七

囉淺渡河不能堵禦之已革遊擊富慶知縣孫光先巡檢黃士杰既經姜晟審明並非退縮且黃士杰曾齊集義勇施放鎗礮賊即退走嗣因賊匪繞道偷渡亦已革職著即照該督所請交與倭什布分派各卡隘効力當差如再有懈忽即行奏明加倍治罪又據奏即陽改設鎮道一節俟書麟抵楚後姜晟即移交書麟核議再行具奏請旨可也

欽定剿平三省邪匪方略正編卷二百十八 庚申年

十一月二十三日 辛丑倭什布奏言查高馬等逆

大股賊眾並高家營小股賊匪均經 臣同明亮

先後剿敗逼回陝境探得尙在洵陽白河一帶

毗連楚省地方往來滋擾希圖乘間折回額勒

登保帶領大兵由關隘至竹谿向東北抄道兜

擊恐該匪被剿情急必由西北一帶狂奔查二

聖祖聖訓

竹西北邊界兵力稍單 臣即於銅錢關一帶扼

要堵截一面派侍衛塔津保副將吉林泰等帶

領馬步官兵一千餘名由七里關跟剿小股賊

匪並據哨探報稱高家營小股賊眾竄至關兒

口逼近竹谿界內經 臣先派塔津保吉林泰等

趕至關廟河正值該匪折轉竄來我兵向前衝

撲賊匪即四散奔逃由柳樹溝大柞子溝小柞

子溝三路逃遁該侍衛等帶兵追殺十餘里沒

途殺賊一百餘名生擒二十六名內有執旗賊

目滕臣中鄧二珍等二名訊稱高家營高二掌

櫃今日本欲與高三馬五合夥下湖北省去不

料被官兵截殺東奔西散當將該二犯即行戮

割其餘二十四名亦係正賊槩行正法適接額

勒登保來咨囑明亮帶兵由七里關向東而進

聖祖聖訓

並會同 臣轉飭鎮臣孫清元來營帶兵 臣與明

亮商酌塔津保吉林泰所帶官兵未免稍單明

亮即於初三日帶領馬步官兵千餘名由大廟

接續前進沿途擒殺賊匪將其貴等六十餘名

陸續解送前來訊稱高三馬五賊匪竄至白河

屬茅坪高家營賊匪竄入秦家坪至水坪晝夜

狂奔復接明亮來信已與塔津保吉林泰至得

勝舖合營由竹谿攔剿高馬大股賊衆臣飛卽

帶兵由伍家壩一帶抄覓捷徑星夜兼程尋蹤

躡剿詎該匪狡謫異常其大隊賊衆由白雞壩

竄出官渡河復分一股晝伏夜行零星散竄至

大峯寺李家河一帶焚掠臣飛派副將朱士奉

協領武成額等乘夜帶領馬步官兵趕至大小

西河搜剿殲斃賊匪數十餘名擒獲吳慎朝等

三

三

四十九名並獲騾馬旗幟鎗矛等件訊據吳慎

朝供係執旗賊目並稱高家營賊匪是高二掌

櫃帶領原有一千五六百人前在草場壩一路

被官兵殺死數百人高二掌櫃想要到高三馬

五大營合夥又被官兵截斷現在大家商量後

面官兵追殺緊急只可向無兵地方躲避令我

帶一百餘人前來到處放火引誘官兵追入山

內他們就可向村莊擄掠餘無要供並訊各匪

等均係罪大惡極當卽一併正法查高家營一

股賊匪人數雖少均係精壯矛手積年猾賊其

携帶婦女幼孩無多是以翻山遁逃日行一二

百里狂奔折竄情形尤爲可恨偵探該匪去路

已至袁杜坪有奔竄歐家店歇馬河之勢臣若

從上龕一路追剿恐轉迫賊匪東向若我兵抄

四

四

道迎截又慮賊匪由馬欄大黃溝折竄房保轉

爲非計是以臣飛飭孫清元帶領馬步兵勇四

千餘名星夜趕赴保康迎頭截擊臣卽由獅子

岩黃龍堰向青峯跟躡兜剿杜其北竄蔓延並

接長齡明亮來信現奉經畲飭令帶兵前來協

剿臣將一切情形隨時咨會以期合攻夾擊再

查鄖西邊界臣節次飛飭道員恒慶遊擊周龍

章都司鄒宗夔知縣孔繼梓等撥派兵勇分路防堵茲據恒慶稟稱探得賊匪由西鄉瓦溪溝搶過江北七里壩出松樹溝奔竄大路有欲東趨之勢又探得西鄉牛羊河賊匪翻饒峯嶺進蒲溪河一帶查蒲溪河東通銀杏壩西通展龍壩北通貓兒嶺均距鄖西不遠臣復飛飭恒慶等督率文武員弁厚集練勇實力堵禦查鎮臣

聖朝重農務本

五

德昌在黃龍灘帶兵堵禦此時陝省洵陽白河境內賊蹤漸遠該處防守暫可從緩已照會該鎮如遇賊匪竄近鄖西邊境卽帶兵就近渡江趕赴該處協同堵剿聲勢較壯自無虞其闖入奏入

上命軍機大臣傳諭姜晟倭什布曰昨據額勒登保奏高家營分股賊匪潛匿楚境山內經大兵截剿

該匪由竹山竄入房縣漳洛河一帶未據姜晟等奏報正深慮念今據倭什布奏高家營分股賊匪竄至關兒口逼近竹谿經塔津保等向前衝撲殺賊一百六十餘名其高馬大股賊衆經明亮等在竹谿一帶堵截該逆等分出一股賊匪零星分竄李家河等處復經倭什布派令副將朱士奉等趕往搜剿殲擒淨盡所辦尙好高家營一股賊匪卽係首逆高二轉竄擾經年屢次戕害大員最爲兇惡可恨現在倭什布已飭孫清元趕赴保康迎擊倭什布亦跟蹤兜截又有長齡明亮帶兵協擊務須同心併力將此股賊匪卽在竹谿一帶乘勢剿淨其首逆高二一經擒獲殲斃卽遵照節降諭旨將其首級致祭前此被害大員以慰忠魂而伸衆憤但倭什布等必須將此股賊匪剿捕淨盡方

聖朝重農務本

六

為伊等之功不得僅將首逆殲除仍留餘孽或又蔓延他處也至鄖西邊界倭什布雖已飭令道員恒慶等分段防堵但西鄉賊匪有欲東趨之勢而徐添德高三馬五及龍苟等股賊匪俱在安康一帶川陝接壤之處奔竄經畧額勒登保已過漢江北岸統兵追擊各股賊匪聞知此信難保其不又思竄入楚境姜晟倭什布務督飭文武員弁實力防堵勿令一名闖入其高家營一股賊匪尤應速行剿淨庶可專心辦理堵禦事宜不致顧此失彼也

聖朝聖鑒編查

七

上又命軍機大臣傳諭湖廣總督書麟日前已有旨將書麟調任湖廣總督並令馳驛速赴湖北接印任事此時應已在途昨據經畧額勒登保有高家營分股賊匪由竹山竄入房縣之奏本日倭什布

奏高家營小股竄近竹谿即係此股賊匪高家營賊首係屬高一在諸賊中最高為兇狡可惡此時分股竄入楚境人數不多已降旨諭令姜晟倭什布實力堵剿務在楚境殲除淨盡而長齡明亮現已帶兵馳往自可將此股兇逆速就殄平惟是陝境竄匪如徐添德高三馬五及龍紹周苟文明等股俱在漢江南岸逼近楚省額勒登保現已督兵至漢江北岸剿賊恐陝境賊匪乘間竄楚該省防堵尤關緊要姜晟年老於軍務未能諳悉書麟曾出師金川上年辦理滇省禦黑亦甚妥協戎行素所經歷著途次接奉此旨由驛兼程行走不必前赴湖北省城即速赴竹谿一帶軍營會同倭什布督率辦理將剿堵事宜悉心籌畫務臻妥善以副委任

聖朝聖鑒編查

八

同日

上命軍機大臣傳諭伯麟長麟陸有仁曰昨因湖北需用餉銀已降旨姜晟倭什布令於廣東省解陝餉銀五十萬兩過境時截留二十萬兩其陝省短少餉銀二十萬兩之處尙須籌撥足數今晉省庫貯銀兩既屬寬裕著傳諭伯麟卽就近再撥銀二十萬兩派委委員迅速解陝交陸有仁湊足前欠五十萬兩之數至此項銀兩起解後如可無須撥還著卽據實具奏倘晉省尙有別項支放不敷之處亦卽速行奏明再由部庫撥往該省歸欸

二十五日 臣長齡奏言竊 臣前於陝省白河之

東西壩追剿高馬二逆正擬乘勝剿除又據探報川陝各股匪徒俱向東趨並知經畧額勒登保由竹谿繞道前來兜剿於十月二十九日在

《聖朝實錄卷之九

十

得勝坡迎晤當經派 臣由吉陽關抄出白河屬之順水寺先於東面遏截賊竄鮑家店之路嗣緣初三日額勒登保督率大兵從茅坪至棗樹嶺迎剿大獲勝仗該匪肆竄狂奔復奉札令 臣肅清後路沿途搜捕日有俘戮於初十日旋至白土關復與額勒登保見面探知高二一股又已折竄楚境該匪素稱狡悍跟隨俱係精壯矛手雖有倭什布明亮跟追仍令 臣迅馳前往幫辦 臣卽於十一日趕至竹谿縣城適值明亮自七里關一帶逼剿竄匪邊隅業已寧靜帶兵回至竹谿正擬踰路進剿 臣原帶吉林黑龍江馬隊官兵除額勒登保撥調外現止有五百餘名竹谿一帶不可無兵防守因將原帶兩粵兵一千名馬隊一百餘名派委副叅領魁德定住部

委叅領卓爾渾保副將樊雄楚留於竹谿防堵

臣帶領馬隊三百餘名卽與明亮歸併一路於

十二日由竹山界嶺行抵房縣陳家舖等處接

據探報倭什布在大小西河一帶沿途截剿頗

有殲獲卽由房縣之獅子岩黃龍堰抄赴保康

之青峯攔截東趨之路臣等揣度賊情該匪既

知東面有兵必向南竄臣於十五日率兵疾走

聖朝御製編卷三

十一

趕至柏木坪正值該匪於各村莊肆行焚掠當

與明亮熟商賊匪散漫山徑分歧必得四面圍

裹逼歸一處以期得手當派侍衛恒崑喜常阿

皂祿等各領馬隊分爲四路由各山溝蹣探前

進又派叅將吉林泰雙福等帶領步兵搶上山

梁覓徑搜捕臣會同明亮督率兵勇分路競進

該匪見有官兵情悍矛手齊上山坡拚命迎拒

我兵數路壓擊立斃一百餘名擒獲吳登科等

二十一各該匪情急俱向老林深窰復派兵勇

尋蹤擊追殺斃四五十名餘匪不擇路徑翻山

越嶺仍向南奔逃當將獲犯吳登科等訊供據

稱高馬二掌櫃前在鮑家店陳家莊益水等處

屢被官兵殺敗原想逃回陝省途次遇見徐添

德王廷詔賈文謨樊希孟各股因大兵趕來俱

聖朝御製編卷三

十二

向東奔只得一同折回行至確兒口關廟河又

遇官兵攔截各自覓路逃命高掌櫃計議官兵

必向西北追趕大股我等由山僻小路竄入竹

山如果東面無阻可圖下窰覓食倘不能下去

暫由與山巴東一帶逃往四川躲避我等俱是

戰手久隨高掌櫃打仗等語實係正賊當卽正

法臣乘此賊匪窮蹙惟有緊躡追蹤以期一鼓

殲除一面星飛知會倭什布兒剌前來俾免憂
延所有軍營出力人員謹遵

旨查明開單呈

覽奏入

上命軍機大臣傳諭長齡曰此次長齡探知高二

股折竄楚境由竹山房縣一帶踰徑抄截行抵柏

木坪地方正值該匪等在各村莊肆行焚掠派兵

《聖祖實錄卷三十三》

三

四面圍襲分路競進立時殲斃精壯矛手一百餘

名所辦尚好高二一股自春間那彥成在甘境未

經剿淨遺孽至今現經官兵剿殺人數無多但該

犯最為狡悍長齡務須與明亮同心併力乘其窮

蹙之時即在房竹一帶殲戮淨盡不得僅以驅出

楚境遂為完事徐添德及高三馬五龍紹周等逆

俱在漢江南岸奔竄此時川省築堡團練防禦嚴

密旨不敢竄往川境而經畧額勒登保現已督兵

至漢江北岸剿賊該匪等聞知此信必仍思合夥

竄楚其湖北邊界一帶防堵事宜尤關緊要長齡

務須會同姜晟倭什布等督率將弁於扼要處所

實力堵禦毋使一名闖入倘稍有疎懈又致賊匪

乘間竄入楚境長齡等不能當其咎也

一諭內閣曰長齡奏軍營出力人員內三等待衛呢

《聖祖實錄卷三十三》

四

瑪善委前鋒侍衛特依順保委叅領喜常阿佐領

徹布登俱著加恩陞一等補用叅將雙福佐領觀

成委叅領阿穆昌阿佐領忠福俱著加恩賞戴花

翎守備羅綸著加恩賞換花翎馬甲雙喜青山鄉

勇首領從九品陳用梁俱著加恩賞戴藍翎千總

頂戴外委劉得明著加恩以千總即用外委曹正

榮著加恩以把總即用候補知州魏耀亦著加恩

賞換花翎以示鼓勵

二十六日辰長麟慶成奏言竊臣長麟因李裁

縫阮正滢等賊匪雖經逼剿出境尚在邊界老

林遊奕各路卡隘每日均有搜獲餘匪或三五

名或十數名不等竊計寧羌沔縣褒城南鄭各

邊界綿長四百餘里賊匪現在分投窺伺誠恐

有顧此失彼之虞是以臣仍在黃官嶺一帶居

剿平三省邪匪方略

五

中策應旋據寧羌州稟報川匪一股約三千餘

人由廣元李家壩麥子坪一帶北奔有竄入陝

境之勢提督七十五由廣元追剿前來又據報

稱賊匪一股約千餘人由廣元兩河口竄入卦

子山一帶滋擾各等語臣長麟當即派令革職

副都統防禦銜和興額叅將張應魁羅全亮等

帶領馬步兵勇馳赴寧羌一帶堵截並派遊擊

常祿劉滿貴等帶領兵勇趕往與總兵楊奎猷

分路防守細廠鐵鎖關一帶並飛札遊擊王興

朝守備李懷玉等分帶兵勇商同寧羌州知州

馮裕定在於南棧大路左近擇要嚴防以杜賊

匪西竄甘省之路嗣據稟報廣元竄來之賊於

初十日竄至七里壩後河一帶距寧羌州城僅

十里經守城鄉勇施放鎗礮賊匪不敢由城

剿平三省邪匪方略

六

下西奔卽於是夜三更徙向荷葉嶺潛竄直趨

黃壩驛大路欲奔甘省時守備李懷玉帶兵先

至荷葉嶺扼住要隘賊匪直來攻撲卡隘軍功

首領張廷魁率領鄉勇迎敵身受鎗傷經李懷

玉鼓勵兵勇鎗礮並施擊斃賊匪數人生擒矛

手胡廷義等三名賊匪當仍由猪槽溝麥子坪

一帶折回廣元境內其卦子山賊匪經和興額

向西鄉東路逃竄均經督率兵勇或扼要堵截或迎前擊剿各有斬獲俱將匪衆力截回川至本月初十日據駐劄東路總兵胡定泰探報冉添元樊人傑等餘匪約有二三千人由紫陽向石泉之銅車壩一帶狂奔距江岸不遠該鎮恐賊匪仍尋冉逆前蹤搶渡卽帶兵抄至白沔峽先截瓦脊溝一帶淺灘之路臣慶成聞信親帶

欽定剿平三省邪匪方略

正編卷二二八

兵勇卽於是夜三更馳往接應丑刻趕過白沔峽探知賊匪在大紅石地方乘月夜踡淺偷渡經關騰施放鎗礮擊該匪退回復前繞上游十餘里之茶鎮地方馬賊先經淌過北岸衝突防江兵卡都司張萬寧帶兵二百餘名奮力抵禦寡不敵衆受傷陣亡傷亡兵丁三十餘名餘匪俱各紛紛搶渡臣慶成卽先帶馬隊馳抵茶

鎮正遇該匪蜂擁搶渡兵勇尙未趕至臣慶成先率馬上弁兵往來剿散胡定泰亦帶步兵趕來併力殲擒先後斃賊二百餘人生擒六十餘名及淌至中流身被鎗箭撲水淹斃者約數百人逃出被裹難民尤多搶獲旗幟刀矛騾馬無數其先已過江逃逸者尙有千餘人臣慶成當

欽定剿平三省邪匪方略

正編卷二二八

令胡定泰將原帶官兵二千餘名鄉勇四百餘名卽日過江緊躡追剿毋使蔓延此次賊匪由茶鎮過江係總兵關騰所管汛地該鎮未能隨時策應致有疎失相應據實奏請將總兵關騰革職現在賊匪肆竄無人更替仍留該參員暫在江岸防堵以觀後效再有疎虞加倍治罪至前次過江之冉學勝一股賊匪經綸布春汪啟等自老關口一帶逼截該匪卽由城固之龍

清石一帶西奔直趨留壩江口綸布春汪啟奮力追擊於十三日黎明馳抵玉皇廟趕上賊蹤賊匪搶上山梁分爲三路抵拒綸布春帶領馬步兵勇由胡麻溝一擁齊上汪啟帶領官兵由右手山梁抄殺副將玉福等帶領兵勇由左手山梁抄殺賊匪抵敵不住登時潰散官兵乘勢追壓殲斃賊匪五百餘人生擒二百餘名內有新近被裹難民八十餘人訊明釋放其餘均係戰手槩行正法餘匪俱由土地垵四散奔逃已經竄至廢邱關酒店溝一帶綸布春等趕至廢邱關截擊該匪復分股折回江口奔竄有仍行入山之勢至伍懷志一股餘匪經穆克登布桑吉斯塔爾連日轟擊該匪遁入三岔路峽內穆克登布等步行帶兵入峽追捕該匪聞信卽翻

上大山極頂穆克登布等激勵兵勇向上仰攻我兵久被牽制人人憤恨當卽奮力搶上山頂立斃賊匪四十餘人生擒七名該匪情急四竄兵勇分投追逐又斃賊二十餘人餘匪僅二百數十人復由老林向核桃壩一帶奔逸適再學勝股匪由東南竄來分出矛手四五百人與伍逆合夥穆克登布與桑吉斯塔爾仍分兵兩面抄剿餘孽究屬無多可期搜撲淨盡

同日陸有仁奏言竊臣連日探得袁沔邊界之賊因各卡俱有兵勇堵截漸已南趨惟接據寧羌州稟報有賊匪一股攻撲該縣荷葉嶺卡隘經鄉勇義首張廷魁率勇堵禦右腿帶傷守備李懷玉帶兵接應殲賊數人賊匪折回麥子坪與另股川匪竄合又西鄉縣稟報賊匪焚人傑

冉添元等約有三千餘人初十日至茶鎮衝撲都司徐景寧營卡並將遊擊王官卡兵衝散賊匪馬隊先行過江步賊正在晒渡經慶成帶兵趕上奮力截擊共斃賊二三百名生擒六十餘名慶成卽派總兵胡定泰過江追剿日下西鄉之下楮河馬家壩小蒙壩一帶尚有賊匪奔竄慶成九十在峽口一帶堵禦叅贊德楞泰提督賽冲阿由太平馳入陝境分投截剿又洋縣稟報伍懷志零股賊匪由該縣椒溪河往寧陝廳一路奔竄總兵穆克登布緊躡追剿又留壩廳稟報賊匪冉學勝一股由洋縣平洛河竄至屬江口擾及棧道高椿舖松林驛大路綸布春汪啟帶兵由廟臺子一帶繞截現在文報以及糧餉軍火均暫爲停運又據白河洵陽安康等

縣稟報東路徐添德高二馬五等股賊匪經楊遇春慶溥溫承惠帶兵節次剿殺並遇經畧大兵截擊勢已分散現在竄至安康嵐河西牛蹄嶺一帶滋擾經畧及楊遇春官兵緊躡追剿臣詳核各路情形惟南山以內已有賊匪三股且西鄉石泉一帶尚有後來窺伺江岸之賊情形較爲著重此時德楞泰等大兵已入陝境兵數益增糧餉更關緊要查江西協撥之米因白河洵陽沿江一帶水淺船少且時有賊匪出沒尙未能迅速挽抵興安臣已節次專員馳往催償並飛傳山東江西二省解員將奉撥餉銀兼程趕解臣仍一面竭力設法籌辦務俾各路源源接濟以期不致缺乏長麟陸有仁又奏言臣等伏查投首難民被脅

有人暫之分則安頓亦須區別如各處寄居買
 易及肩挑步担隨地營生者猝遇賊來被裹旋
 卽乘間逃出此等暫時被脅之人受累尙輕其
 原有產業並未損動投首後只須酌給路票盤
 費卽可各自寧家毋庸另籌安插惟向來落業
 之戶賊至裹去房屋被其焚燬資產爲之一空
 不得已苟且偷生隨賊往來奔竄此等愚民推
 原其心初非甘於從逆祇以爲日既久一經逃
 出誠恐爲兵勇所不容卽已知

聖訓彙編卷五

五

湯網宏開予之生路而投山後謀生無術亦必饑寒
 交迫以致疑懼不前此脅從者之所以尙未全
 散也現在各路官兵連獲勝仗剩剩餘匪已如
 阱獸釜魚趁此機會宣布

皇上如天好生之德俾脅從者相率歸誠誠爲事半

功倍但思此等被脅之人習染已久若投首後
 不爲熟籌長久資生之計必又去而從賊萌蘖
 仍屬未盡自必須給予恒產方足以固其恒心
 前奉

諭旨飭令清查叛產以備安頓難民曾經前撫臣台
 布派令道員楊護查辦嗣經畧額勒登保在甘

聖訓彙編卷五

五

時與_臣長麟面商因各處清查事多窒碍是以
 僅將著名首逆龐洪勝叛產清查其餘俱請從
 緩今_臣等詳查卷案陝西叛案尙有元年剿辦
 完竣之白河安康紫陽等處賊匪首逆多名均
 係彰明較著其叛產可以清查備撥又此外如
 實在全家被害無人承業現爲親鄰侵佔之產
 以及南山客民開墾試種尙未升科旋因賊近
 拋荒之地俱可確切查勘以備安插之用_臣等

面為籌酌意見相同此後投首無歸之人擬即以前項產業均勻分給並未經承種之先酌量捐給籽種口糧以資養贍倘向不敷安頓並可令其承充在官丁壯夫役藉以羈縻約束總令各遂所生毋許胥役人等稍有滋擾以上會籌情形臣長麟因正在帶兵堵剿臣陸有仁卽一面飭屬清查並刊刻詳明告示於賊匪經過之地偏處張貼愷切曉諭以期賊勢益孤大功速歲至於著名各首逆如有逃匿者自當嚴密搜擊斷不任其漏網均奏入

上命軍機大臣傳諭額勒登保長麟陸有仁曰昨額勒登保奏據石泉令稟稱有一股賊匪由西鄉漁湖街過江額勒登保以江北為重率同扎克塔爾揚遇春渡過江北迎頭截剿極力辦理其情詞甚

為激切額勒登保自因賊匪過江恐致散漫且不

知此股係何首逆賊數究有若干不免過於焦急

朕亦恐此股賊匪延及漢江以北陝省東路又致

著重正深懸念今長麟慶成報到情形其由川省

竄至七里壩後河一帶賊匪欲奔往甘省經長麟

派員截住仍竄回川所有李冉苟鮮龍紹周曾芝

秀各匪亦經長麟恒瑞慶成等督率兵勇或扼要

堵截或迎前擊剿各有斬獲將匪眾力截回川所

辦甚好並據奏明前此由漁湖街過江之賊係冉

添元樊人傑等匪約有二三千人經慶成率同胡

定泰帶兵追趕賊擒二百六十餘名淹斃數百人

過江逃逸者祇有千餘人慶成已令胡定泰過江

追剿現在冉學勝一股復經綸布春注啟等截擊

殲擒七百餘名而伍懷志一股所剩僅二百數十

人卽與冉學勝合夥亦止六七百人再合之冉添元樊人傑賊股亦不過二千餘人陝省漢江北岸官兵本有萬餘額勒登保又率同札克塔爾楊遇春等帶兵過江慶成又派胡定泰帶兵二千餘名鄉勇四百餘名協同剿辦軍威更覺壯盛以幾及兩萬兵力剿此二三千敗竄賊匪又有綸布春桑吉斯塔爾穆克登布等協同剿辦自能卽日殲淨漢江以北可期一律肅清額勒登保轉不必過於焦急惟川省賊匪刻思竄至陝界雖經長麟等截回尚在川陝接壤之處游奕且高馬二逆最爲狡悍聞知額勒登保業已過江必又思從陝竄往楚境現據倭什布等奏徐添德一股已由尚家壩竄赴八角廟勢在東趨漸近楚境果不出朕之所料看來慶溥溫承惠在陝剿辦祇能帶兵防堵究不

能跟蹤追擊以致賊匪復又乘間東趨而額勒登保前此移兵江北未免輕率冒昧以目前情形而論漢江北岸賊匪尙易剿辦而南岸轉爲著重額勒登保當察看情形將北岸竄匪剿殺得有勝仗或交綸布春桑吉斯塔爾等或再留楊遇春在彼剿辦額勒登保仍應回至南岸督辦俾各股竄匪知經畧在彼駐劄心懷畏懼不敢覬覦東趨此爲最要勿以奔馳道路爲盡心轉令賊人知所趨避東牽西掣又稽時日况追賊未見得力而我兵先形疲乏於事何益耶至長麟等摺內稱冉添元樊人傑等匪係從總兵關騰所管汛地逸出過江請將關騰革職現在無人更替仍請留關騰在江岸防堵等語所奏非是關騰聞知賊匪在大紅石地方乘夜躡渡僅施放鎗礮轟擊可見關騰並未親

身前往督率堵禦獲咎甚重此等玩悞之員豈可
仍令帶兵自贖關騰著革職拏問交與額勒登保
審明按律定擬具奏都司徐萬寧雖未能嚴守卡
座但賊匪衝突時該員尙知奮力抵禦因寡不敵
衆受傷陣亡徐萬寧仍著各部照守備例賜卹至
慶成本係棄瑕錄用之人額勒登保派令專在陝
境防堵前此冉學勝由瓦春溝偷渡北岸已難辭
咎此次冉添元樊人傑復有竄過北岸之事本當
治以應得之罪惟念慶成業已帶兵趕上賊匪殲
斃多名且有截回之賊姑免深究若此後再有疎
虞不能復爲寬貸矣再伍懷志一股賊匪祇剩二
百餘名合之冉逆爲數不過六七百人而綸布春
桑吉斯塔爾穆克登布汪啟等帶領兵勇一萬有
餘不啻十倍於賊何以未能迅速剿滅如果有故

意逆迨情事著額勒登保據實參奏再川陝楚各
股教匪自剿辦以來節次將起事各首逆殲擒殆
盡現在祇有徐添德王廷詔張添倫龍紹周數名
其後起之賊惟高二馬五最爲兇悍此數股賊首
必須設法剿捕按名擒獲斷不可任其潛匿稽誅
然額勒登保等又不可因有此旨僅注意首逆一
經殲獲卽置餘匪於不問如近日之伍金柱楊開
甲雖經殲斃而伍懷志楊開第等仍復四處奔竄
其與伍金柱楊開甲未經殄斃何異嗣後帶兵大
員獲一首逆卽當將此股餘匪殲除淨盡方爲肅
清一股不可復留餘孽至剿辦教匪已及五年尙
未竣事試思從前

皇考辦理準夷回部大小余川拓土開疆至遲亦不過
五年大功全竣今剿辦內地亂民五年尙稽成績

朕之運籌指示遠不如

皇考實愧且懼本年夏秋之間各路軍營屢得勝仗賊勢日就窮蹙滿擬於歲內一律蕪功乃近聞伊等奏報情形賊股尚多歲內又成虛願現距釋服之期不過四月若再有稽遲不能於釋服以前班師奏凱朕何以仰慰

皇考在天之靈而額勒登保等更有何顏對朕乎况朕

聖訓 聖訓 聖訓 聖訓

節次指示辦賊方畧不外剿堵二者其於何路進兵截剿何處扼要防堵從未預為遙制聽伊等相度機宜隨時酌辦而所需兵餉又不待伊等奏請俱係先期撥給即額勒登保等節次保奏軍營出力人員無不悉照所請加恩其有玩愒軍務者額勒登保即可一面稟問一面奏聞朕亦不以為專擅是事權不可謂不重此外更有何掣肘難辦之

處乎若額勒登保等或另有籌畫不據實陳明

候朕指示總須於明歲釋服以前將各股賊匪悉數辦竣方不負朕諄諄訓諭所及懸盼至意又軍營打仗兵丁最為辛苦上年松筠在陝甘時曾自請捐廉製備衣履近來並未有各督撫奏請捐賞當此冰雪沍寒之候兵丁從征日久衣履恐有不

全殊深慮念本日已續撥該省銀五十萬兩著長

麟於此項內提出銀一萬兩解交經畧軍營傳旨

賞給兵丁為寒冬添補衣履之用俾三軍挾纊咸知感奮可期踴躍從戎一鼓集事額勒登保務當遴派隨營文員實心經理並將動支數目造冊報部查核令兵丁等均沾實惠又據陸有仁奏稱寧羌州一股賊匪經鄉勇義首張廷魁守備李懷玉奮勇堵禦該匪仍行折回又再添元樊人傑等匪

由茶鎮搶渡時經慶成等趕到奮力截擊獲獲多人已派總兵胡定泰追剿等語以上情節與長麟慶成所報大畧相同惟有冉學勝一股由城固竄至留壩據長麟等十九日拜發之摺稱該匪擾及廢邱關經綸布春汪啟等帶兵趕上奮勇截剿賊匪仍分股折回而陸有仁十七日拜發之摺則稱賊匪竄至留壩江口擾及棧道高橋舖松林驛等處看來竟有入甘之勢此股竄匪是否如長麟等所奏業已截回殊為慮念甘省地方久已肅清若令賊匪竄過棧道勢必又致蔓延入甘更屬不成事體長麟本派綸布春汪啟在彼堵剿務當督飭該員等上緊攔截將此股竄匪掃除淨盡為要又據稱德楞泰賽冲阿由太平馳入陝境分股截剿此語亦未經長麟等奏及此時額勒登保現在江

欽定剿平三省邪匪方略

正編卷二一八

北剿賊而長麟又駐紮漢中德楊泰既已入陝恐西鄉等處賊匪見大兵追逼緊急皆思竄入江北德楞泰等務須乘各股賊匪窮竄之時與陝省官兵兩路夾擊卽在西鄉一帶併力殲除必不得已亦應仍逼令入川勦辦易於得手其漢江北岸防堵尤關緊要前此賊匪已經兩次偷渡皆防堵各員疎懈所致今關騰業經治罪著額勒登保另派妥幹大員前往更替長麟慶成係總辦之員尤當督飭文武官員一體扼要堵截勿使南岸賊匪一名竄入為要至摺內稱南山以內現有賊匪二股但西鄉石泉一帶尚有後來之賊情形較重又德楞泰等大兵入陝為數益增糧餉更關緊要朕因該省餉項須寬為籌備不待伊等奏請已於本日續撥銀五十萬兩解陝應用該省軍餉自可源源

欽定剿平三省邪匪方略

正編卷二一八

接濟不致缺乏但不可因帑項充餘任聽屬員稍有冒濫至長麟陸有仁會籌解散賊黨安撫難民一招該督撫等將叛產等項逐一查清撥給難民以資養贍自應如此辦理若果能給予恒產固其恒心俾難民生計有資何至甘心去而從賊總在督撫等實力奉行嚴禁胥役藉端滋擾不可徒托空言也

上又命軍機大臣傳諭德楞額奏勒保曰據長麟等奏川省各股賊匪竄近陝境經長麟慶成督率兵勇或扼要堵截或迎頭擊勦將匪衆逼回川境邊界而冉添元樊人傑大股夥匪約有二三千人經慶成等趕上殲擒及淹斃外搶渡過江者有千餘人是此時川境腹地尙有何賊德楞額奏勒保自本月十七日奏報截勦漁渡壩沙沱子兩股賊匪後至

今總未見續有奏報未知德楞額保現在何處勦賊此時正關緊要豈可任意怠玩所有川省邊界折回竄匪務當設法兜截勿令蔓延滋擾又據長麟等奏川匪一股由李家壩一帶北奔有竄入陝境之勢提督七十五由廣元追勦前來正可與長麟派往迎堵之和興額等兩面夾攻乃未見七十五進躡入陝豈七十五將賊驅逼出境遂爲了事耶至軍營打仗兵丁最爲辛苦上年松筠在陝甘時曾自請捐廉製備衣履近來並未見各督撫奏請捐賞當此冰雪匝寒之候兵丁等從征日久衣履恐有不全殊深廑念前經撥給該省銀六十六萬兩著於此項內提出銀一萬兩傳旨賞給兵丁爲寒冬添補衣履之用俾三軍咸知感奮以期一鼓集事德楞額保務當遵派隨營文員實心經

理並將動支數目造冊報部查核令兵丁等均需
實惠正在降旨飭諭問接據陸有仁奏報德楞泰
與賽冲阿由太平馳入陝境分投截剿等語此信
未據德楞泰奏報該叅贊等既已追賊入陝看來
川省已無大股賊匪現在額勒登保帶兵至漢江
北岸剿賊德楞泰追躡前來正可與經畧等併力
截擊將各股賊匪卽在陝境殲除淨盡必當優加
懋賞否則仍將竄匪逼回川境該省築堡團勇素
爲認真賊匪無食可掠剿辦更易得手德楞泰等
務當上緊籌辦奮勉圖功不可稍有延緩

同日

上命軍機大臣傳諭姜晟倭什布曰昨據長齡奏報
由竹山房縣踰徑抄截高二一股殲斃賊匪一百
餘名而倭什布等前已跟蹤追截此時自與長齡

聖訓

堯

會合夾擊無難將高逆剋就殲除但高二馬五等
俱在漢江南岸奔竄經畧額勒登保已督兵至漢
江北岸剿賊該匪等本屬同夥與高二彼此聲息
相通恐乘間竄入楚境是該省防堵尤爲緊要著
姜晟倭什布等分飭將弁於扼要處所實力堵禦
切勿稍有疎虞至軍營打仗兵丁最爲辛苦當此
冰雪沍寒之候衣履恐有不全殊深厪念現已撥

聖訓

罕

給該省銀二十萬兩著卽於此項內提出銀一萬
兩傳旨賞給兵丁爲寒冬添補衣履之用俾三軍
咸知感奮以期一鼓集事所有此項銀兩該督等
務遴派隨營文員實心經理並將動支數目報部
查核令兵丁等均沾實惠本日據書麟奏業經兼
程趕赴新任姜晟俟書麟到楚時將防堵一切事
宜交代清楚卽可來京陸見若書麟未到之先美

辰仍須認真飭屬防堵不可稍有疎懈

同日長麟又奏言竊臣接准叅贊大臣德楞泰

署四川總督勒保來咨內開川省軍營索倫吉

林官兵所乘馬匹多因日久疲乏而川省各營

馬因節次調派已多均未能買補足額勢難多

調囑將甘肅調備之軍需馬內挑撥五六百匹

解送川省以資馳騁等因伏查官兵追剿竄匪

《聖訓彙編卷五》

聖

全賴馬隊馳驅衝擊方能克敵制勝川省軍營

馬匹既屬短少自應不分畛域亟籌協濟臣與

額勒登保札商意見相同惟查甘省前此調備

各營戰馬三千匹除陝省調備新至吉林索倫

官兵戰馬一千二百匹外尚存一千八百匹其

時正當盛暑官兵逐日追賊各營馬匹久承更

換多有疲乏倒斃均經陸續調撥各路軍營更

換添補業已無存臣當即飛札總理甘肅軍需

局務蘭州道蔡廷衡在於甘省各標營馬內續

調健馬六百匹以五百匹作為正馬以一百匹

作為餘馬以備中途疲乏更換之用委員押解

前赴廣元除交足正馬五百匹外其挑剩餘馬

一百匹仍令委員解回漢中製養以備陝西各

路調用並一面移咨勒保派員趕赴廣元接收

《聖訓彙編卷五》

聖

轉解以免遲滯奏入報

聞

同日倭什布長齡奏言竊臣等查探高二股匪

一起由龍口河直奔興山大路一起由公坪向

東奔走均係興山地面臣等正在會商剿辦接

據陝省藩司溫承惠來信知徐添德一股賊匪

已由尚家壩南坪竄赴八角廟其勢東趨漸近

楚境囑令督飭邊防加意堵截等語查高一二股雖素稱兇悍究屬人數無多徐添德一股復向東來保無邀集餘匪探知官兵俱向南追討圖乘隙滋擾現在二竹雖有邊卡分兵堵禦並無大員督率辦理一經闖入所關匪細是以倭什布即由後界坪率同副將吉林泰酌帶官兵六百名前赴二竹就近抽調兵勇偵探賊蹤相機堵剿臣長齡會同明亮孫清元緊躡高一臣一股如能一鼓殲除擒獲首逆即當欽遵節次諭旨辦理萬一逼入川境亦必隨賊所向跟蹤進剿不敢稍有疎懈奏入

上命軍機大臣傳諭倭什布長齡日前因額勒登保已帶兵至漢江北岸剿賊徐添德及高馬等逆俱在漢江南岸奔竄川省築堡團練防禦嚴密賊匪

欽定剿平三省邪匪方略

正編卷二一八

欽定剿平三省邪匪方略 正編卷二一八

不敢竄往必仍思合夥竄楚節降諭旨令姜晟等督飭員弁於湖北邊界實力堵截今據倭什布等奏徐添德一股由尚家壩南坪竄赴八角廟其勢東趨漸近楚境等語果不出朕之所料此股賊匪本在安康一帶奔竄今又復東趨自由慶溥溫承惠等祇能帶兵守衛本境未能跟蹤追剿所致但楚省堵禦事宜為姜晟等專責早經降旨令其加意防範自應預為籌畫派撥員弁扼要堵截乃此時尚稱二竹雖有邊卡分兵堵禦並無大員督率辦理一經闖入所關非細等語豈節次所降諭旨伊等竟未寓目抑竟不遵照籌辦為此臨渴掘井之計所辦何事現在徐添德一股已向東趨其高馬五等逆亦必接續竄楚若再任其先後闖入漢及均房一帶又成散漫何日始能蕪功此時倭

欽定剿平三省邪匪方略

正編卷二一八

四九一

什布業由後界坪帶兵前赴二竹探蹤堵剿務將此股賊匪迅速殲除卽屬倭什布之功若能截賊不入楚境尙可將功贖罪倘仍前玩悞致徐添德等深入楚境朕惟有執法從事斷不能曲爲寬貸矣至高二一股經長齡等帶兵擊剿如能迅速剿淨固屬甚善倘遁入川境自應酌分兵力跟蹤追躡但長齡等仍當以防堵二竹爲重務須會同倭什布併力堵剿勿令徐添德等股乘間竄入再有延蔓

同日姜晟奏言竊臣自今春抵楚督辦軍需以來軍營餉項約計官弁兵勇馬匹夫驟日應支給數目飭局陸續接解均勻支放近接撫臣倭什布及隨營道員伊精阿來信知驟價等項多有掛欠當卽添解接濟不致短缺此時各營俱

聖訓

聖訓

在二竹邊界凡省城運襄銀兩隨到隨卽儘數運交卽局咨明倭什布就近調撥昨臣將收過餉銀共計一百一十七萬現僅存銀七萬兩附摺陳明而未經奏請

賞撥者因本年楚省經徵地丁錢糧共有若干現飭藩司通盤籌計一面酌撥墊應且豫省密邇襄卽卽有不敷亦尙可就近酌借以濟急需臣接准經畧額勒登保暨德楞額泰咨到摺稿均稱川陝竄匪歲內大局可定則楚北留防費用以兵勇之多寡爲準應聽倭什布等臨時酌量情形核實奏明遵辦至邊防事宜臣綜核大勢卽西竹山二縣知縣孔繼樞范繼昌團勇堵禦辦有成規已屬可靠卽房縣陰條嶺等處邊陲亦有險可恃現分布兵勇嚴防自無難於堵截惟首

聖訓

聖訓

谿邊界臣雖未親歷其境據先經派往之候補道海昌暨郎陽府王正常俱稱邊境綿長來路分歧現在倭什布長齡明亮孫清元等各領官兵於賊匪往來熟徑會籌併力迎探堵剿且竹谿團勇向稱得力值此川陝餘氛蕩平在即其襄鄖宜昌及荆門州所屬勸諭民間修建堡寨已有十之五六其尙未與修處所昨復專委原陞辰沅道田灝會同各府親加督催一律趕辦堡成卽令團勇以資捍衛仍飭令田灝於辦理事竣通報查核奏入

上命軍機大臣傳諭姜晟日前因楚省邊界綿長與川陝接壤之處防堵事宜甚關緊要是以諭知姜晟以書麟未到之前仍係該督之責不可稍存諉卸致有疎虞乃伊等從前所辦團勇設卡各事徒

託空言有名無實日前高二一股賊匪已由竹山竄入房縣向南逃遁現據倭什布等奏徐添德一股賊匪由尚家壩南坪竄入八角廟其勢東趨漸近楚境而高二一股現亦在興山一帶分起奔竄等語從前因此數股賊匪逼近楚省是以節次降旨諭令嚴防至爲明切乃本日倭什布等摺內又有二竹邊卡並無大員督率之語是朕節降之

旨姜晟等總未遵照妥辦於無事時任意疎懈及至賊至始露張惶爲此臨渴掘井之舉該督究竟所辦何事現在高二尙在興山奔竄而徐添德一股又漸近楚境其高二馬五二逆亦必思接續闖入若川陝邊界各股賊匪因楚境兵防疎懈紛紛竄入擾及均房一帶其勢又致散漫何日始克戡功現在書麟到楚尙須月餘姜晟責任綦重尤應

督率所屬加意嚴防如書麟到後楚境已就肅清邊防寧謐始准姜晟來京陛見倘賊匪尙在楚境竄集剿捕未能蕪事卽書麟到後不但不准姜晟進京必將該督革職留於楚省隨同辦理防堵事宜効力自贖其直隸總督員缺不患無人朕必另行簡員補放姜晟此時勿謂交卸有人遽存諉卸之想也

《聖朝實錄卷一百一十九》

兗

欽定剿平三省邪匪方略正編卷二百十九 庚申年

十一月二十七日^{乙巳}山東巡撫惠齡奏言據膠

州協副將寧德稟稱本年十月內接准湖北襄

陽縣遣回該營傷病兵丁張福元等七名又高

維元等九名先後到營執有襄陽縣文移二角

當卽驗看該兵等傷病情形有現尙未愈者有

漸次就痊者及展閱來文見其格式乖異印文

《聖朝實錄卷一百一十九》

模糊似有情弊將原文稟送前來^臣查核來文

詞句乖錯清漢篆文俱屬錯悞其爲假造無疑

當卽一面飛飭湖廣總督查辦一面飭提該兵

丁到省交按察使方維甸嚴加訊鞫茲據錄供

詳報^臣逐一研訊該兵丁等僉供委因傷病留

襄陽業經驗明有店家魏明揚及長隨佟福

轉托襄陽縣家人汪姓及兵房書吏王姓任姓

許給謝銀始得給文回營張福元等七名給銀四十兩高維元等九名給銀二十五兩零是否假印實不知情等語但查該傷病兵丁在襄陽縣留養業經稟驗因何復免人賄囑領取文書種種疑竇必須解楚質訊方成信讞臣正在委員起解適接湖廣總督姜晟咨稱查出襄陽縣雕刻假印捏造文票給與傷病兵丁執持回營

聖祖聖孫編查亮

二

情弊並稱高維元等一起兵丁內徐成業有知情分賊之事咨查前來隨復提徐成業嚴訊堅不承認供係與佟福爭毆挾嫌誣扳顯係因質証無人藉詞狡飾現已將張福元高維元徐成業三名選派妥弁解交該督究訊定擬其餘兵丁于廷龍等訊供相同毋庸遠道解往已令該營嚴行管押俟楚省訊明知會到日再行辦理

欽定剿平三省邪匪方略 正編卷二一九

再查軍營患病受傷兵丁在各州縣留養如一時不能痊愈原應驗明遣回以節糜費但各兵回營多由各州縣給文遣發是留養各兵隨處皆可領文回營毫無稽考偽造印文詐騙之事皆由此起卽實係各州縣給文遣回之兵人數較衆亦難保無串通吏胥捏報傷病情弊嗣後傷病兵丁留存各州縣調養者應令該地方官報明經畧叅贊及該領隊大員派委軍營將領前往驗明實係養病受傷驟難痊愈者由驗明將領發給文票方准遣回如距軍營較遠卽報明該省督撫解送就近道府驗明屬實卽由該道府給文遣回所有驗明遣發兵丁名數均造冊申報經畧叅贊各該督撫及領隊大員查核以杜規避而除積弊奏入

聖祖聖孫編查亮

三

四九五

上諭內閣曰此案著交姜晟嚴審定擬具奏至軍營傷病兵丁在各州縣留養原應驗明遣回若不明定章程以憑稽核則各處留養傷病兵丁一屆大功告成均須回籍倘誤作逃兵沿途截拏成何事體但徑由州縣給與文移又不足以昭慎重其中捏飾賄囑串通弊混之事自所不免嗣後傷病兵丁經該營大員驗明交與地方官留養者如遣令回籍俱應報明督撫由該處道府大員發給文移不得仍前由州縣率行遣回著經畧叅贊等通諭各路軍營將各處留養患病受傷兵丁詳加查核早令回籍歸伍以示體恤而杜弊端

二十八日丙午額勒登保奏言竊臣前以漢江北

岸先後有竄去之賊關係緊要於十五日由安康過江連日由漢陰石泉緊顧東面趨程行走

聖朝聖編卷三

四

聖朝聖編卷三

五

茲於二十日已抵兩河五郎廳地界途次接據綸布春汪啟稟報再學勝股匪於月前竄過江北之後附近裹脅人數已有一千數百餘眾欲由石泉鎮安一帶徑竄東北適汪啟在銀杏壩探剿伍逆餘匪聞信即由五郎關扼竄鎮安之路該匪知有官兵折從甘家碾三河口向西而遁汪啟帶兵即由大白河東嶽廟石洋溝等處追逐該匪從深山密箐狂奔又由茅坪八里關竄至迎風壩汪啟於初八日趕至茅坪維時綸布春亦帶兵到來遂合兵由華陽一帶進剿賊匪連夜逃逸我兵於十二日追至留壩之磨子溝探得賊匪竄至王皇廟地方相距五十餘里遂於三更發兵天明時距王皇廟不遠拏獲賊探三人訊知賊匪聞有兵來已於兩邊山溝埋

伏汪啟帶兵卽由玉皇廟右手上山並令副將
玉福帶兵由玉皇廟左手上山綸布春帶領馬
步兵勇由溝內直入密採山灣樹林果有賊匪
潛藏我兵高聲喊令埋伏之賊莫逃該匪知已
識其奸計且見溝內馬隊業已衝出兩面山上
均有兵下壓不敢抵拒紛紛敗竄步行賊匪四
散奔入箐林騎馬賊匪順溝飛奔綸布春汪啟
等分路追擊自凌口子至土地嶺約計四十餘
里沿途殺賊共三百餘名生擒一百餘名奪獲
器械百餘件騾馬三十餘匹新被裹脅百姓散
出者不少餘匪向桃園舖奔逃次日仍帶兵進
剿等情旋又接據穆克登布報稱伍逆餘匪經
官兵節次搜捕之後所剩只有二三百人近於
都督河厚畛子菜子坪一帶逃竄一見官兵四

欽定剿平三省邪匪方略

正編卷二一九

散潛匿山林叢峻之處尋覓無蹤實為可恨十
二日探得該匪竄至女兒壩龍灘子一帶遂將
所帶官兵分為兩路令副將張鳳帶領一千餘
名跟蹤追剿穆克登布與桑吉斯塔爾等帶兵
勇一千餘名由周家坎東嶽廟顧住東北向前
抄截十三日晚間趕抵四畝地探得另有大隊
賊匪不知何股至太白廟相距只有三四十里
穆克登布黎明正在進擊又據報賊匪已分兩
路前來穆克登布桑吉斯塔爾率同碩敦保雅
林保副將富蘭遊擊桑漢等帶領兵勇數百名
向賊多處迎擊並令副將愛星阿侍衛明喜委
叅領德舒遊擊王成傑帶領兵勇數百名亦分
一路迎擊賊匪恃其人衆亡命直撲官兵我軍
各併力進攻兩路斬賊各數十人委叅領德舒

欽定剿平三省邪匪方略

正編卷二一九

力敵陣亡遊擊王成傑亦受矛傷賊已敗走穆克登布乘勢帶兵追逐而進早間因急於發兵營盤鍋帳未動留遊擊周國平照料乃賊匪又分股潛往衝突營盤周圍平塌力堵禦因各營內所留兵勇共三四百名本屬無多衆寡不敵且十三日晚間劄營已運墻壕未能設立堅固營內夫役慌亂以致賊匪突入營盤放火燒燬鍋帳並有甫經解到餉銀三千兩亦被搶失及至愛星阿帶兵回顧已屬無及委防禦全福筆帖式布詹皆在營奮力殺賊陣亡糧員候補知州畧陽縣知縣崔五峯頭帶矛傷一處不重其時穆克登布乘吉斯塔爾追賊去有十餘里又已殺賊一百餘名忽見後面有賊撲來諒係營盤有失立即帶兵首尾兼顧左右奮力衝殺賊勢

《聖朝通志編卷三十九》

八

稍却遊擊桑漢腿受矛傷二處幸未墜馬外委蘇耀昌熊泰陣亡天色已晚與副將愛星阿收集各兵佔劄山梁是夜賊匪仍分股環撲營卡均經我兵擊退將獲賊訊供此股係二次過江冉添士王思茂樊人傑之子等股賊衆前因湖北上龔被剿自徐家壩奔四川之太平竄入陝西過江由石泉饒峯銀杏壩五郎之青草關等處竄來等情臣查目下賊股分投亂竄此次穆克登布等分兵原擬截剿伍逆餘黨不意猝遇冉王樊等賊衆紛至沓來臨時又不得不酌分迎剿兵力過單以致留駐營盤失利實堪焦憤幸穆克登布等輾轉力戰官兵未至大有損傷必須大加整理臣已檄飭穆克登布並副將張鳳帶兵即來臣營聽候指撥此股冉王樊各逆

《聖朝通志編卷三十九》

九

續竄過江會經慶成派有總兵胡定泰追剿緣
於途次等候抽集官兵於十六日始得趕抵四
畝地是日賊已竄往洋縣之三郎壩東嶽殿呂
觀河等處該領卽跟蹤追剿惟查賊勢既衆胡
定泰所帶之兵二千餘名恐有不敷臣刻又派
楊遇春格布舍帶領馬步兵勇三千餘名馳往
合力剿辦又查綸布春所剿之冉學勝賊匪探
報已出車道河酒店梁逼近鳳縣地界並恐後
股之冉王焚各逆一經楊遇春等緊追亦尋前
蹤而去或合竄甘境我軍自當跟往剿洗則應
用軍糧甘省亦須趕辦長麟前在漢南將川省
竄出之賊業經截殺回川目下寧沔一帶無賊
且尙有總兵楊奎猷在彼駐守慶成雖在西鄉
聲勢亦可聯絡臣已札致長麟趕緊催辦糧餉

製者如聖編卷九

十

以利師行再查漢江以南之什添德高馬等逆
連日探報尙在紫陽安康交界處所慶溥帶兵
於泰山廟獅子壩等處叠次截剿斬獲一百數
十名惟外委牛奉林陣亡喜明馬玉魁温承惠
率領兵勇亦在大貴坪白土關攔截臣亦經飭
令慶成喜明馬玉魁温承惠等分投相機截剿
總以緊顧東面先杜入楚之路爲要但江水淺
涸難保該匪等又不竄江北並探伍逆餘黨尙
有零星在於附近老林潛匿者臣率同札克塔
爾於兩河暫劄遏截東竄道路一面撥派兵勇
搜捕伍逆餘黨一面控扼漢江以南之賊師行
移步換形亦難預行懸定惟當權其緩急上緊
籌辦奏入

製者如聖編卷九

十

勝一股賊匪由城固竄至留壩擾及廢邱經綸布
 春汪啟等趕上截回而陸有仁奏報則稱賊匪竄
 至留壩江口擾及棧道高橋舖松林驛等處朕即
 料及此股賊匪有入甘之勢今據額勒登保奏再
 學勝一股已逼近鳳縣地界并恐後股之冉王樊
 各逆一經楊遇春等緊追亦尋前蹤而去或合竄
 甘境等語果不出朕所料近日有從陝西來京之
 員朕詢知陝省收成歉薄是以賊匪無從掠食不
 能在陝境逗遛輒思他竄此正

聖祖聖訓卷之九

三

上天垂佑為剿賊極好機會但亦當盡人事以迓

天庥今閱額勒登保摺內所奏情形札知長麟趕緊催
 辦糧餉以利師行看來額勒登保又有追賊入甘
 之意此則不可再學勝一股為數無多即合之冉
 王樊各逆亦不過一三千人况甘省地瘠民貧賊

勢斷難在彼久住其意不過誑誘大兵赴甘復又
 乘間折回東竄若額勒登保墮其術中帶兵前往
 必又成尾追之勢况經畧總不可頻頻移動又恐
 漢江以南高馬等逆必致接踵竄至江北且昨據
 倭什布奏徐添德一股竄入八角廟其勢東趨已
 近楚境以目前剿賊緊要機宜而論與其令各股
 賊匪東竄湖北邊界或闖入鎮安商維一帶毋寧

聖祖聖訓卷之九

三

任其入甘剿辦轉易為力額勒登保斷不可帶兵
 入甘惟當堅持定見督同札克塔爾等在陝境適
 中之地扼要駐扎持以鎮靜既可遏賊匪東竄之
 路又可控扼漢江以南之賊現據勒保奏德楞泰
 已帶兵至陝省西鄉地方剿賊大獲勝仗是漢江
 以南既有德楞泰在彼足資剿辦其冉學勝一股
 及冉王樊各逆如果合竄甘境長麟係本省總督

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

卽責成伊帶兵入甘追捕額勒登保已派楊遇春
格布舍帶兵勇三千馳往正可幫同長麟上緊剿
辦額勒登保總以顧住東面爲要若漢江以北賊
匪剿剩無多或仍駐南岸更與德楞泰聲勢聯絡
又據摺內稱穆克登布發兵分擊賊匪其營盤鍋
帳留遊擊周國平照料乃賊匪突入營盤燒燬鍋
帳並搶去餉銀三千兩周國平係穆克登布派令

《剿平匪黨編卷三見

古

專管營盤之人於賊匪衝突時防禦筆帖式俱在
營殺賊陣亡而周國平竟不知下落著額勒登保
查明如周國平業經同時陣亡著降一等照都司
例咨部賜卹若未經陣亡卽當將伊革職嚴審定
擬治以應得之罪所有此次陣亡之委叅領德舒
防禦全福筆帖式布魯外委蘇耀昌熊泰牛奉林
俱著咨部賜恤至德楞泰在西鄉剿賊一節尙未

據奏到額勒登保是否聞知或德楞泰業經發摺
經過接道時竟有阻隔遺失之事並著額勒登保
查明具奏

同日勒保奏言查德楞泰統師進山節據探報
賊匪在川陝邊界老林輾轉奔逃德楞泰派令
總兵托雲泰駐防城口卽自帶馬步官兵突入
陝境追躡嗣在西鄉地方有賊乘夜偷撲營盤
當卽督兵擊退獲有勝仗所有此路糧運均經
各糧員設法運供幸無貽誤現聞德楞泰追賊
至通江邊界不遠昨又措銀二萬兩赴通江一
路迎交以濟兵餉又因老林內馬力易疲適經
畧額勒登保撥有營馬到川亦卽籌撥三百匹
就近解往接濟至七十五一路官兵駐劄廣元
現據探報有賊一股竄至寧羌廣元交界之麻

《剿平匪黨編卷三見

圭

池壩七十五已分兵兩路馳往截剿其餘川東
川北境內並無大股賊匪惟近據東鄉開縣稟
報有零星散匪百餘人在該縣連界之大旺山
深林內潛匿乘夜摸樁臣已派令總兵永寧率
領遊擊桂涵酌帶兵勇前往搜捕無論有無著
名首逆在內總須一律殲除各州縣察洞鄉團
並嘉陵江派防兵勇恐有日久怠生均已分派
聖聖著重軍備卷三 七
委員逐處曉諭利害點驗人數務各齊心協力
加意嚴防不可因現無賊氛稍有疎懈兵餉運
脚等項近因新餉未到太平一路存糧甚少擬
卽親赴東鄉一路逐站查催並設法添雇夫騾
源源運送以期有備無患並可就近督辦搜捕
餘匪仍偵探東北路何處有賊竄入卽往何處
迎擊斷不敢株守一隅自取咎戾

勒保又奏言伏查此次教匪不法到處裹脅良
民隨行助勢當官兵進剿之際難免玉石俱焚
迨臨陣出投並於生擒男婦內訊明被擄未久
或剿散後自向各州縣營卡報名投首者均經
遵照節次欽奉
恩旨給與銀米遞籍安置在臣與德楞泰兩路軍營
每遇打仗得勝凡應釋者或數百人或數十人
聖聖著重軍備卷三 七
均交隨營總理道員等於訊明後給予黃旗派
令將備等押赴附近州縣交與該地方官查照
姓名籍貫派差逐程遞送回籍並無途中流落
之事到籍後均令查照臣前奏通飭章程隨時
驗收酌給搭棚之資准其依附親友寨落編甲
居住查明田產給還可毋庸官爲照顧其無依
無業之民年強力壯有人具保者或點充團勇

或僱作夫役無人具保者或聽其各就手藝自
為謀生或地方有承辦土木工程令其受雇以
工代賑其實在無依之老弱婦女即在寬敞地
方搭葢草棚分別男女約五六人合住一棚每
日每名給米五合柴薪錢五文俾免失所行之
頗有成效本年臣到川後因通巴一帶向為賊
匪出沒之所專委劉清前往辦理招撫之事自

聖朝重農務本

大

六月至今陸續投出難民實有一千七百四十
七名均經給與路票銀米遞籍安插其餘向各
州縣營卡自行投首者更不一而足每日地方
官管收遞解均有報冊可稽經臣派員專司核
對清查並無冒濫遺漏情弊惟難民有在荒僻
處所自行逃出及離家較近亟欲奔回並未赴
營卡及地方官投首不請執照而自行回籍者

先經臣通飭只可聽其自便不可過於吹求致

滋疑懼亦不許親朋及寮長人等索詐攻訐查

此等各自回籍之人大抵皆有家可歸本不必

官為安撫惟令該管約保等隨時報明州縣立

案甚屬相安並不令胥役稽查斷不致有藉端

訛詐之事臣每遇帶兵經過城鄉寨祠查詢被

擄逃回之人其中割去髮辮者居其大半甚至

聖朝重農務本

九

有被擄一二次不等者訴其在賊隊中逼脅受

苦情形言之無不淚下察其情狀回籍後均得

各安生業自不致復思從逆間有一二於到家

之後仍復誦習靈文經咒者均經飭令地方官

查訊明確將無知者量予責懲有心者嚴行治

罪現各安靜守法毫無異心竊念此事本祇責

成該管道府董率辦理惟通巴一帶係派劉清

在彼經理茲蒙

聖訓查各府州堅壁清野等事本派有道府丞牧等

官如劉清方積淡士灝周景福等分段管理所

有安撫一事應即專責各該員督同地方官實

力稽察妥為安頓均令衣食有資以期仰副

皇仁不使一夫失所至每逢官兵打一勝仗即有剿

散餘匪或百餘人或數十人或一二十人在深

聖朝聖訓卷三

三

山樹林內潛藏出沒亟須分兵實力搜查現在

川省團練鄉勇極為認真此等零星教匪盤獲

解送者甚多現又遵

旨嚴飭各地方官以徐添德王廷詔高二馬五姓人

傑龍紹周張添倫等著各首逆現經官兵逼剿

愈緊自不難悉數殲除設或被剿情急亦如張

子聰等隻身潛逃欲於幽僻處所延喘偷生務

各隨時策勵團勇嚴密搜查按名弋獲並明定

賞格以冀觀感奮興自不致兇渠漏網再前奉

諭旨飭令清查叛產維時因恐從逆民人聞知田產

俱已入官無從歸業愈堅其從賊之心是以尙

未徹底清查然川東北境內自教匪起事以來

地方官先有隨時查辦召佃收租者亦有無人

承種連歲荒蕪者近因逃出投首之人甚多有

聖朝聖訓卷三

三

隨時給還復業者刻下川境日漸肅清善後各

事均須次第辦理臣現飭該道府會同委員督

率地方各官實力清查將習教謀逆同時起事

田產例應入官者為叛產被害民戶尙有

避難家口遠去未經搬回者為荒產全家被害

被害並無丁男婦女存留者為絕產分作三項

造冊立案此後無分教匪難民如果從賊隊中

真心出投仍當查明給還其餘荒廢田地普行
召佃收租自明年為始將每年所得租息據實
報明彙解該管府州作為歷次支撫難民項下
彌補開銷統俟事竣查有實數另行報部以歸
覈實再查川省自教匪滋事以來所有川東川
北兩屬地方屢次被賊蹂躪失業民人前經英
善宜綿任內奏請賑卹甫經查辦達州東鄉新
寧等處旋因賊蹤竄擾無定本未一律辦竣迨
臣到川後查被賊州縣較多若隨時給賑需費
恐難為繼是以未經奏請查辦嗣奉

恩旨如賊黨中受撫來歸者均令籌給居食之資旋
經通省司道議稟以被脅從賊民人投出概須
安撫而各州縣並未從賊之被難民人反不能
早為賑卹不特失業堪憐且恐難民等以從賊

之人尙邀

聖慈撫卹而伊等眷口被害房屋無存轉不得仰叨
仁澤未免向隅等情臣因各州縣被賊滋擾該百姓
等割寨保守在家產素裕者固可自謀生計而
困苦無依嗷嗷待哺者亦復不少然又不能逐
戶照例普行散賑是以奏明於

賞撥餉銀內撥出五十萬兩以十萬兩為賊隊中散
出難民居食之資儘此四十萬兩發給實無依
靠之極貧難民兩月口糧統計二十七廳州縣
輕重不一每處不過給銀一萬有餘及數千兩
不等當經飭令司道等妥議章程隨據川北川
東兩道籌議條款內稱向來川省報部民數戶
口冊籍俱就土著而言此次清查民數尙有被
難客商人等既經流寓有自應一律查辦以

免偏枯等情蓋緣川省地方土田饒沃各省流寓民人或因商販占籍或因耕作寄居生齒日繁遷移無定向來報部戶口俱由土著民人約畧而計核之各州縣實有民數則大相懸殊茲既被賊蹂躪則流寓之民與土著之民自應一律仰沐

皇仁不復稍為歧視當經臣批司核議旋經藩司林

○制審議軍需籌畫

○

構議以流寓之民部中並無戶口冊籍可稽應

請先行咨部以歸覈實緣司詳內聲敘不明致

干部詰而魁倫並未通查前後原案及歷年實

在辦賑情形祇將臣上年二月間覆奏安撫投

出難民之摺抄送到部實與賑撫無涉臣前奉

諭旨卽飭藩司楊揆詳細確查茲據該司查明上二

年奏請辦賑之四十萬兩各州縣有將極貧難

民全數賑訖者有祇賑一隅者有因賊匪不時

出沒難以查辦並未散給者所有前項撥出散

賑之銀四十萬兩尙存剩十餘萬兩辦理實爲

撙節並無冒濫開銷卽該司道原詳內亦止據

實聲明川省情形並未於賑卹案內另立流寓

一款以爲影射分肥地步刻下各州縣民人均

經分割硃寨各保身家且軍務未竣當夫充勇

○制審議軍需籌畫

○

尙可自謀生計現因餉項短絀不但前此存剩

之賑撫銀兩已歸入軍需項下動用不能於賑

撫案內浮冒開銷卽如本年嘉陵江以西各州

縣被難民人先經臣奏請賑卹嗣又查明百姓

漸次復業均各相安毋庸給予賑濟旋卽停止

更不至有所朦混奏入

上命軍機大臣傳諭勒保曰德榜泰現已帶領馬步

官兵追賊入陝在西鄉地方將偷撲營盤賊匪奮力擊退大獲勝仗尙未據德楞泰奏到或因棧道稍有阻滯抑或馳報在途日內自可遞到至川東川北看來已無大股賊匪其東鄉開縣連界處所有摸樁賊匪百餘人在深林潛匿勒保切不可因其人數零星稍存輕視此等賊匪其始不過百餘人若不及早撲滅則勾結裹脅必致日聚日多集

欽定剿平三省邪匪方略

美

成大股辦理轉爲費手今春偷渡嘉陵江卽係摸樁之賊魁倫未能加意嚴防身獲重罪勒保當引以爲前車之鑒現已派令總兵永寧等帶兵搜捕勒保務須嚴飭該鎮將等上緊剿辦殲除淨盡毋留餘孽此爲目前最要之事至所稱偵探東北兩路何處有賊卽從何處迎截等語此係勒保分內應辦事件又所奏酌給銀米安撫難民一摺據稱

難民內老弱婦女無有依靠者搭棚棲止每日每

名給米五合柴薪錢五文等語此亦非長久之計

該督仍須妥爲籌畫設法安頓務令得所至投首

回籍之人間有一二於到家後仍復誦習經咒者

原可不必深究前會屢降諭旨官兵剿辦係叛逆

亂民並非殲除邪教若如勒保所奏飭令地方查

訊確實將無知者皇子責懲有心者嚴行治罪如

此分別辦理則胥吏等又得以查辦爲名擾累滋

事前此川楚匪徒皆由地方官查拏邪教激成事

端勒保寧不知之此奏斷不可行其清查叛產分

別三項造冊立案自應如此辦理再據覆奏賑卹

難民銀兩一節係因魁倫未經通查前後原案及

歷年辦賑實情以致部臣駁飭著勒保另行分晰

查明咨部察核

欽定剿平三省邪匪方略正編卷二百二十

庚申年

十二月初一日己酉德楞泰奏言竊臣前在太平

白菓壩與勒保會商籌剿勒保暫回太平臣即

帶兵直趨城口進發十一月初八日行至平壩

三灣接據署城口主簿張雲漢稟報該處賊匪

聞大兵前來又被團勇截殺已經遠遁現在城

口地方已無賊股滋擾因思城口地居萬山之

聖清聖祖編卷三

中為太平紫陽平利大寧四邑往來適中要隘

歷年以來各逆藉為藏身之藪現當賊勢萬分

窮蹙之際若無兵駐防則各匪往來屯踞其間

而兵至賊去兵去賊來殊多窒礙當令總兵託

雲泰等帶兵勇三千名在彼擇要拿營以杜賊

匪竄陝之路並可搜剿山內餘匪正在哨探賊

蹤間接長麟移稱據南鄭城固西鄉等縣稟報

前在花石梁嗎蝗溝鍾家溝旗杆山細辛壩等

處竄擾各匪均已先後遁出陝境但仍在界嶺

一帶老林內遊奕尚未遠去又接提臣七十五

來信以現在川北賊匪時欲窺伺廣元蒼溪一

帶江岸賊眾兵單恐難兼顧各等情查太平山

內各逆業已遠颺臣自不便遠涉城口致疲兵

力且川北已有數股賊匪尤應先其所急况邊

聖清聖祖編卷三

界老林之賊未便令其盤踞自應逼令入川亟

為剿辦但我兵若由太平大道直赴川北又恐

邊界之賊聞風入陝臣遂由西鄉之漁渡壩簡

池壩等處邊境行走繞出賊之北面逼賊南向

十八日趕抵南江之舊城探得楊開甲等三姓

餘黨並李炳陳朝觀兩股合夥每股數百人于

餘人不等約共三四千人聞我兵由東北而來

不敢零星散處合為一股由賈元蒼境內走

南江之元潭子巴州之南亞場華溪寺一路向

東奔逃七十五因廣元旺蒼瀘等處尙須搜捕

零匪且可就近防顧江岸未便遽行移動臣又

撥給兵一千名卽令其仍在蒼廣南巴一帶擇

要駐守搜捕餘匪可以照應江岸並遏該匪由

川北竄陝之路臣卽帶兵星夜前進查楊陳李

等各逆業已東走非竄東達雲開卽去通江太

平勒保因聞賊有東趨之信已由太平趕至東

鄉臣卽札致勒保由東鄉探迎截擊臣帶兵卽

自西北而東正可收兩面夾攻之效務期將此

股賊匪卽於川境內趕緊掃除斷不令其復又

他竄頃又接據張雲漢稟報太平接壤陝境之

修溪壩高觀寺等處又有賊匪臣擾不知首逆

姓名現已稟明託雲泰各等語查太平山內團

勇素為得力現又添駐官兵聲威更盛當已飛

札託雲泰等會同張雲漢多集該處團勇分投

堵剿務須就地掃除否則亦當逼入川境總不

可令其再行折陝現在各道無非敗殘餘匪自

知罪惡貫盈滅亡在卽見兵卽逃惟以狂奔為

苟延殘喘之計臣旬餘以來自東北而西南西

鄉邊界一帶並無賊匪未得接仗憤懣焦急茲

已幸得將各匪逼令聚聚東竄惟有趕緊剿除

萬不敢稍予以暇自取遲延之咎奏入

上命軍機大臣傳諭德楞泰勒保曰德楞泰半月以

來未有奏報日深屢念嗣據勒保奏德楞泰統師

進山節據探報賊匪在川陝邊界老林輾轉奔逃

德楞泰派令總兵託雲泰駐防城口卽自帶馬步

官兵入陝境追躡在西鄉地方有賊乘夜偷撲營盤當即督兵擊退大獲勝仗其餘川東川北境內並無大股賊匪惟東鄉開縣有零星散匪百餘人在大旺山深林內潛匿乘夜摸樁已派兵前往搜捕等語方以德楞泰捷報當已在途或因棧道阻滯尤深盼切乃本日德楞泰奏報不但未獲勝仗且往來奔逐竟未與賊接仗其所稱由西鄉邊境行走繞截賊匪逼令聚聚東窺之處不過敷衍空言且摺內只稱楊開甲等餘匪及李炳陳朝觀兩股賊匪現在東窺而於黃白藍線各股賊匪絕不提及非巧言搪塞乎昨據額勒登保奏再添王思茂及樊人傑之子等股賊衆由川省太平窺入陝境渡過漢江北岸欲圖合窺甘境非即黃白藍線股內之賊乎看來德楞泰於此等大股賊匪

聖諭 聖諭編卷三

五

並不能實力攔截縱令竄出川境不過以截回小股賊匪支吾搪塞實亦並未跟蹤追躡又憚於赴陝惟藉稱川境賊匪未經剿淨留爲跼脚地步或伊在西鄉於賊匪偷劫營盤時竟至折挫失利未敢據實奏出亦未可定而勒保輒以德楞泰奮力擊退大獲勝仗具奏若非勒保探報不實即係德楞泰有意隱瞞思掩飾其挫衄之咎以致伊二人前後所奏互相矛盾二者必居一於此即所稱兵至賊去兵去賊來二語難辦之處固在於此但德楞泰等必當同心併力設法奮擊方可以次殲除若徒以剿辦窒礙爲詞任賊肆行竄擾毫無振作惟事往來追逐轉至兵力疲乏則兵至賊去兵去賊來長此安窮豈竟待賊自盡又安用集兵糜餉爲耶况該省兵力不爲不多所需餉項並不待伊

聖諭 聖諭編卷三

六

等奏請節經陸續撥解似此兵精餉足尙何可藉口而蕙事迄無把握所辦何事德楞泰自稱憤懣焦急試思剿辦賊匪如此延玩空言何益而朕之焦急實有刻難自釋者德楞泰寧不知之且軍務一日不竣生靈受其荼毒尤不忍言德楞泰何得泄泄若此實屬負恩著傳旨嚴行申飭勒保前奏不實亦著傳旨申飭並著伊二人將因何前後奏報彼此不符之處各行明白迴奏伊二人業已貽誤於前此時惟當各知愧懼奮勉自効務於年內將川境賊匪悉數辦竣德楞泰仍當赴陝協剿漢江南岸之賊且現在陝境如再添士王思茂樊人傑之子各股賊匪卽係川省不能實力攔截所致本卽應治罪今暫從寬若能將本境之賊先行剿淨移兵前赴陝省協剿竄匪尙可稍贖前愆倘仍

欽定剿平三省邪匪方略

正編卷二二〇

欽定剿平三省邪匪方略 正編卷二二〇

前忘玩 則是甘蹈重罪身家性命所係禍福惟其自誤此時卽革去花翎降其頂戴亦不足示懲姑俟伊等奮力自贖若屆期不能辦竣朕惟有執法從事按律懲辦斷不寬貸亦不患無人更換也稟之慎

初二日 庚戌

上命軍機大臣傳諭各路軍營帶兵大員四川陝甘

欽定剿平三省邪匪方略

正編卷二二〇

湖北各督撫曰自邪匪滋事以來剿辦已及五載總無蕙事之日近據各路奏報賊匪仍復東奔西竄官兵雖隨處追擊總不能遏其去路歸併一處聚而殲洗看來年內蕙功之說又成虛願推原其故總因帶兵大員及各督撫等仍存此疆彼界之見祇將賊匪驅逼出境卽爲盡職並不協力會剿以致川陝楚三省竄匪出彼入此來往自如卽被

五一一

一路防堵官兵剿殺賊雖多而前無擱截後無
追躡沿途裹脅又成大股仍與未經剿殺者無異
似此輾轉奔逐年復一年何時始能剿盡亦斷無
如此追逐卽能成功之理是堵之一字亟須實力
辦理從前降旨令伊等各在本境堵剿原因彼時
股數甚多不得不各顧疆界以專責成嗣經官兵
節次剿殺各股賊匪統計不過萬餘而奔竄地方
亦僅在川陝楚三省邊界伊等正當無分畛域或
併力合剿或互相策應以期一股殲除乃彼此推
諉觀望人各一心並不會籌協剿使賊匪得以紛
紛四竄其勢又將散漫譬諸行圍必須面面兜合
漸逼漸緊方能有獲若四散驅逐卽終日而不得
一禽此事之顯而易見者伊等寧不計及耶辦賊
之法不外剿堵擬三者而均以兵餉爲要現在各

路征兵不下十萬軍成不爲不盛而所需餉銀朕
不待伊等奏請無不預爲籌撥源源接濟卽如陝
省南山內伍逆餘匪所剩不過二百餘人而官兵
現在萬餘不啻多至數十倍尙未見搜剿淨盡若
似此辦賊卽百萬雄兵亦復可益伊等尙得藉口
於兵力不足乎至各路軍營若果因餉項不繼致
有掣肘則朕先認過軍機大臣不能先事預籌尤
難辭咎朕豈肯令伊等稍有缺之致悞事機斷不
必以此爲慮且朕之宵旰焦厘者蓋賊匪一日不
除則百姓多遭一日慘殺生靈荼毒村落爲墟言
念及此朕實寢食俱廢伊等尙不思激厲愧勉同
心敵愾耶此時東面有倭什布長齡西面有長麟
慶成南面有德楞泰勒保北面有額勒登保楊遇
春等總須四面嚴堵彼此通盤籌畫聯絡聲勢協

力以堵爲剿卽在川陝楚邊界將各股竄匪悉數
殲擒方爲不負委任大功告成八人同受厚恩是
朕昕夕代汝等默禱於

大之至願卽萬不得已亦祇許將陝楚之賊逼歸四川
剿辦易於得手斷不許令四川之賊竄往陝楚卽
如德楞泰昨奏因楊陳李等逆有東趨之勢德楞
泰卽自西北而東繞出賊前迎截伊旣知賊匪不

聖訓

十

可令其東竄陝境卽應遏其去路奮力剿盡何以
任其東趨始行繞道抄截而藍黃白線號內之丹
添士王思茂及樊人傑之子本由川省竄往湖北
嗣復由湖北竄回川省今又從川省逸入陝境復
圍合竄入甘此卽德楞泰勒保不能截住川省大
股賊匪之明証任四號逆賊由楚假途入陝蜀地
弁兵所辦何事今僅將楊李陳等小股截回於事

何益耶總之賊匪聚則易剿散則難辦兵力合則

厚集分則見單伊等接奉此旨後若再不同心合

力速將各路賊匪悉數掃除延至明春青苗在地

賊匪仍得掠食飽颺又稽歲事軍法具在朕亦惟

有將伊等按律治罪此亦伊等自貽伊戚實不願

國家有此事惟在伊等勉圖贖罪迅奏膚功勿負

朕諄諄教誡也

聖訓

十

等謹案兵貴神速蓋轉移進退之機有間

不容髮者此次剿捕之事自經

睿謨訓示嚴切督促以來各路元戎疊奏俘渠告捷

之功特以賊股散漫狡黠走險沿途復有裹

脅官兵馳逐往來尙稽蕝績

皇上宵旰焦慮以賊匪一日不除則百姓多遭一日

慘殺

軫念惻痌至於寢食俱廢且因四面分堵各專責成

伏讀

聖諭昕夕代為默禱於

天以冀大功告成八人同受厚恩仰見

至誠感孚

訓辭深厚不獨將帥之臣倍思振奮報

恩凡在戎行莫不聞而起舞同心敵愾是以疾風掃

聖諭恭錄

吉

箠之助不旋踵而立效也

初三日辛長齡奏言前因徐添德一股復自陝

省東趨必當預籌防堵倭什布分帶官兵轉回

二竹相機堵剿臣同明亮孫清元乘勝追剿臣

與倭什布分路後仍即向南跟追該匪知官兵

剿逼甚緊不及西向即由興山屬之公坪水月

寺馬湖山等處直往東趨所過並不焚燒房屋

盡夜疾馳一百數十餘里臣與明亮孫清元熟

為計議該匪素稱狡譎現在行走俱非常路大

山雪嶺溝深路窄誘我官兵深入以遂其下竄

荆宜之計就此窮追不特難以得手且恐墮其

奸計必得抄路兜迎是以改由保康之歐家店

歇馬河入南漳之馬良坪通城河進至遠安之

荷花店於二十二日途次楊家大廟探報該匪

聖諭恭錄

吉

現竄東湖屬之陳家坪交戰垭一帶滋擾臣趕

至符家坪暫為歇息於二十三日五鼓集兵進

發山峽甚窄馬步難行辰刻始抵廟垭見有瞭

探賊匪百餘名扼住垭口臣當派副將朱士奉

都司姜元祥帶領奮勇兵勇迎前仰攻垭口立

斃賊匪四十餘名該匪折回奔竄我兵緊向下

壓追至陳家坪又有賊匪三四百名吶喊抗拒

臣同明亮孫清元率領馬步各官兵連隊而進
匪徒見官兵勢衆卽向交戰臣率領侍
衛等正在督兵追擊又見山埡伏賊一千餘名
突行衝出該處路通一線兩面石壁極形陡險
既難分路進兵尤難搶佔得手頗形掣肘臣當
與明亮復將官兵撤出峽口臣孫清元帶同遊
擊常德署遊擊楊安等率同廣西宜昌官兵由
左手一路進攻臣明亮帶同富翰塔津保參將
德興晉泗起等率領馬步官兵同知蕭與潔帶
領竹山鄉勇首領黃富元鄭光明等各帶練勇
由右手一路前進臣長齡率同副都統職銜總
管托爾托保侍衛呢瑪善徹布登副將王懋賞
都司高派耀督率官兵從中分兩路進擊正當
各路官兵搶至半山該匪分投下壓勢極兇悍

《製看匪軍編卷三》

五

我兵奮力抵拒賊衆拚命抗敵亂石如雨自辰
至未相持三時之久副將朱士奉手受矛傷左
右膀各帶石傷都司胡俊鴻受矛傷五處都司
姜元祥受石傷二處俱各無妨千總唐盛高頭
頸胸膛脅背受傷九處甚重外委梁志光首先
搶撲力竭陣亡各官兵憤恨莫遏鎗箭並進大
礮轟擊仰攻直上立斃賊匪一百餘名生擒賊
匪一百五十二名該匪四路翻山滾崖而逃各
官兵乘勝趕殺二十餘里沿途殲戮不計其數
搶獲烏鎗三十五桿長子四十三桿大礮三位
旗幟二十六面騾馬五十三頭匹逃散難民甚
衆時已向晚山徑甚窄難以前進卽於黑石埡
駐紮當將獲犯訊供內任光萬楊尙年二犯係
四川人現當衝隊先鋒最爲驍勇據稱首逆高

《製看匪軍編卷三》

六

二是大掌櫃同王廷章楊一桂閔慎先俱為偽元帥有戰手一千餘人襄陽人多川陝人少新擄二千餘人共有三千餘人高掌櫃商議哄誘官兵入山險窄之處埋伏抗拒可得便宜總要找尋小路令官兵馬力難施如能竄至當陽遠安地面寬濶可以覓食度命等語當即禱割餘匪劉正貴等五十三名訊俱打仗日久均即正

法新畏男婦九十七名就近解交東湖縣查明

卹釋放回籍

現探賊蹤仍即緊躡追剿以期迅速蕪事仰慰

聖懷再連日二竹一帶徐添德尙無竄近楚邊之信

倭什布於此間分帶官兵六百名並可就近將

留駐竹谿之兩粵官兵一千名馬隊一百餘

各歸併統領再於各邊卡抽調兵勇自可以資

堵禦此次兵勇接仗實為奮勇出力謹分別開

單恭懇

聖恩鼓勵其傷亡兵勇容俟查明咨部辦理奏入

上命軍機大臣傳諭長齡曰高二一股聞知官兵剿

逼甚緊即由興山等處直向東趨長齡與孫清元

明亮等改由保康南漳一帶繞至遠安抄路兜迎

分投截剿在廟垭交戰垭等處陟歷山險奮力進

擊共殲斃賊匪一百四十餘名生擒一百五十餘

名此次打仗殺賊尙為認真出力惟擊敗餘匪仍

翻山逃逸首逆高二未能擒獲尙不滿意該逆屢

次戕害大員最為可惡即長齡等亦稱其狡諱竄

擾三省同深憤恨尤當倍加奮勉督率官兵即在

湖北境內將高二迅速殲擒遵照節降諭旨將該

犯首級致祭被戕之各大員以慰忠魂而雪衆憤

並將賊匪戮黨剷除淨盡勿留餘孽即為長齡等
 之功朕必加之重獎此時賊蹤距川省甚近不得
 僅以驅逼人山即為完事也此次帶兵員弁俱能
 奮勇內千總唐盛高身帶九傷尤為出力已同其
 餘各員分別加恩所有殺賊陣亡之外委梁志光
 著照把總例咨部賜卹至徐添德一股現未竄近
 楚省邊境自屬甚好但楚省邊防尤應嚴密現在
 倭什布已分帶官兵六百名並將留駐竹谿之兩
 粵官兵一千一百餘名歸併統領務須實力督率
 扼要堵禦毋使一名闖入倘有疎虞惟倭什布是
 問至高三馬五一股現在竄至何處是否距楚已
 遠與徐添德是否聯絡此數賊會否剿收一經得
 有信息著倭什布長齡速行具奏
 上諭內閣曰長齡奏請將打仗奮勇出力員弁懇請

欽定剿平三省邪匪方略 正編卷二二〇
 九

加恩副將朱士奉著賞戴花翎都司姜元祥同知
 蕭與潔俱著賞換花翎騎校委佐領果興阿驍
 騎校委叅領同善防禦委叅領塔斯呼里把總劉
 得貴鄉勇首領黃富元鄭光明俱著加恩賞戴藍
 翎都司胡俊鴻著加恩以遊擊補用至千總唐盛
 高一員身受九傷甚重實為奮勇可嘉著加恩先
 賞給守備頂帶遇有缺出即行題補並賞戴花翎

欽定剿平三省邪匪方略 正編卷二二〇
 十

欽定剿平三省邪匪方略正編卷二百二十一年

八年

十二月初六日甲寅額勒登保奏言竊查冉學勝

股匪經綸布春汪啟帶兵由車道河抄截而樊

人傑王士虎冉添士各逆亦有接踵向西之勢

臣正令楊遇春格布舍穆克登布等帶兵追剿

探報總兵胡定泰追賊至賈家山該匪等竄遁

老林晚間我兵甫經剗定營卡賊匪竟敢乘夜

《剿平三省邪匪方略正編卷二百二十一年》

一

前來攻撲胡定泰率兵鎗礮並發直至天明賊

仍不退胡定泰率同將備出營分擊擒斬數十

人賊方散去生擒二十餘人嚴訊知樊人傑等

逆本欲西奔行至女兒壩適有冉學勝股匪從

西而來即與會合因遇見官兵分股撲營其餘

乘空向東北而遁等情臣揣度各該匪竄蹤必

均向四畝地柴家關一帶老林潛遁當派楊遇

春穆克登布等即帶兵由展龍塹湯坪河五耶

關向東北截剿臣復恐該匪由太白廟竄出亦

即率同札克塔爾等由寧陝廳而進二十五日

楊遇春等行抵七佛溝偵得賊匪由柴家關入

豆坪金雞河一帶深山老林中亡命疾走係出

琵琶嶺赴江口之路即取道火地嶺進擊二十

六日抄出洵陽壩聞賊匪自琵琶嶺喬家溝口

《剿平三省邪匪方略正編卷二百二十一年》

二

前來前股已過後股尙屯聚冷水河等處相距

五十餘里楊遇春等恐其一聞兵到該匪仍捨

命奔逃遂令兵勇內勇敢者二百餘人假換服

色作為前隊詭稱另股賊匪欲與合夥誘住賊

匪以便痛殺是夜五鼓自洵陽壩發兵師抵喬

家溝鄉勇顧應全荷瑋等先已殺斃騎馬賊數

名並庄擒探馬頭一名訊知各股賊匪均已合

一書 丹 貴 日 在 全 書 第 14 版 文 內

夥又另分爲先後股逃竄冉學勝張掌櫃先竄
江口此股係樊人傑王士虎王國賢冉添士在
內由冷水河起竄緣該逆探馬被擒不知官兵
旁徑抄出正結隊而來維時格布舍穆克登布
同侍衛將備等由左手山梁下壓楊遇春豐紳
同侍衛將備由右手順溝衝出將該逆截爲兩
股一股順溝奔逃格布舍穆克登布帶兵追殺
一股手棄騾馬向對面高山密林中逃竄經楊
遇春豐紳帶兵趕剿自未刻至日暮追過數重
大山約計五十餘里天色已晚兩路官兵於雞
公嶺駐劄共計殺賊四百餘人生擒一百七十
二名奪獲騾馬器械甚多惟副將張鳳頭受石
傷該匪經過萬安嶺新寨寨民等見賊潰散用
鎗石斃賊五十餘名該匪詭詐殊甚是夜四鼓

《聖朝實錄卷三十一》

三

尙潛來偷撲邨勇營卡正抵敵時官兵策應鎗
箭斃賊四十餘人餘匪遂連夜向江口而逃楊
遇春等次日緊趕前進臣於二十八日由腰竹
嶺趕抵雞公嶺將楊遇春等所獲賊犯逐加訊
問內有偽總兵周珍徐得富二名據供冉學勝
樊人傑等因川中不能掠食故竄來江北日前
樊人傑本欲西走因會遇小藍號冉學勝現在
共有五六千人故仍東折商量總要前往河南
等語實堪痛恨當將該二犯凌遲處死其餘訊
無要供將從賊日久者一百二名均經正法其
餘新近被擄者給票釋回所有萬安寨殺賊出
力之寨首及民人等均賞給銀鏢銀牌示獎育
賊匪蓄意竄豫此時自以東面爲重且現探該
匪冉學勝等已過江口出舊縣關大山名相距

《聖朝實錄卷三十一》

四

西安藍田不遠冉學勝前此亦曾到過路徑熟
悉難保其必不北竄平原是東面固為緊要而
北面亦不得不兼行顧及臣查各股業經會合
綸布春汪啟等跟追亦屬無濟當即飭派副將
富蘭酌帶馬隊官兵同綸布春汪啟等由五郎
關前往鎮安山陽一帶顧住東面截剿第道路
紛歧若即藉扼竄豫之路尚不足恃臣與楊遇

聖朝聖德編年

五

春等目下若俱向大山岔跟追該匪等晝夜狂
奔偏賊愈緊勢必愈向東趨更屬非計再四躊
躇只得派兵勇八百餘名交都司朱集才千總
萬彪帶領令其緩驍賊蹤前往使賊知大兵在
後跟追不疑有兵前去攔截臣與楊遇春札克
塔爾等即取道高關秦嶺出子午峪大峪藍田
商州等處自北向東兜剿計算賊匪即從大山

岔東向已有綸布春等由鎮安而前臣統領大
兵兼程邁發旬日內當抵商州則北面既可無
虞亦可東扼竄豫之路迎頭剿辦庶賊匪不致
散漫至伍懷志股匪前疊經穆克登布等剿殺
所剩不過二百餘人在四畝地深山藏躲冉學
勝等股到彼自必隨從同行即或尚有零星未
淨亦不能再留兵力搜剿臣已飭令遊擊綽克

聖朝聖德編年

六

圖通判維昂帶領兵勇搜緝以期根株盡絕至
漢江南岸高三馬五及王廷詔賊匪先據額勒
亨額劉之仁呈報該匪近由安康竄至紫陽雙
河塘權河口毛壩子及石泉之梅湖柳溪油房
坎一帶經額勒亨額劉之仁兩路督率將弁等
沿江轟擊晝夜嚴防疊次均有斬獲該匪未得
窺伺江岸向茶鎮三官廟西竄又接慶成來信

該匪竄至筒車場漁壩上流正欲搶渡關騰在北岸施放鎗礮迎擊旋經慶成督率將弁趕到先於漁壩大梁設伏衝擊殺賊三百餘名生擒一百餘名並獲有賊目陳朝清一名該匪已向西南白沔峽逃竄等語又徐添德股匪接據慶成喜明溫承惠等報稱近由巴山線河盤陀溝一帶希冀東奔已率領兵勇奮力分路截剿斃賊一百數十名鄉勇頭目朱海白滋春殺賊陣亡其餘兵勇亦有傷亡而賊匪由西南之藍河逃遁未致東竄等因是漢南西紫一帶如高三馬五王廷詔徐添德等尚在川陝邊界此外沿河尚有龍荷股匪及散竄之餘孽俱近在江岸臣現又札飭慶成等務須加意堵剿勿令竄過江北但冬令水涸任在堪虞恐慶成一路兵力

欽定剿平三省邪匪方略

正編卷二二二

單薄又令總兵胡定泰帶原領官兵二千餘名即赴長麟慶成一路聽候調遣兵力諒敷堵剿若漢江以南之賊不致再竄江北臣將此間冉王樊等股賊匪竭力趕剿仰仗天威如能即時殲盡亦可早慰聖慈庸注

同日倭什布奏言竊臣於二十五日馳抵竹山途次接據總兵喜明陝西藩司溫承惠報稱徐添德賊股由南坪柳樹壩竄入線河經外委馬殿元等帶領鄉勇施放鎗礮斃賊數十名生擒十四名趕至獅子壩復又擊斃賊匪百餘名該逆等又從南坪孟石嶺逃至白沙河現帶廣東官兵趕剿並探得高三馬五已折竄至蘭河口東向等情查以上賊竄地面均係平利縣屬與

欽定剿平三省邪匪方略

正編卷二二二

二竹之西南邊境相近誠恐卡隘兵力單薄即派叅將烏爾喇額千總銜首領鄭光明等帶領竹谿練勇一千名馳赴西南邊界策應二十七日接據桃花山卡守備金洪嗣稟報二十二日賊探在近卡之土地嶺瞭望當率兵勇擊退二十三日黎明賊匪馬步數百人搖旗吶喊直撲卡隘當派把總李喜春外委張勝馬正林王機王家榮首領徐立忠等帶領兵勇施放鎗礮竭力堵截相持至午賊匪不能近卡始行退去遂即督率兵勇追殺二十餘里沿途斃賊十餘名該匪等奔入老林擒獲活賊劉紀富安光杜二名訊據供稱係屬青號掌櫃姓徐元帥姓張俱不知名字馬步約有二千餘人他們商量撥派數百人前來撲卡攔住官兵大眾要從老林翻

山竄入湖北等語該犯均係從賊日久即行正法隨即差探賊匪於二十四日由釘紀溝竄入二十五日已至王家山臣查王家山在竹山西南四百餘里該處南通房縣北達竹谿近來賊匪總向無兵之處狂奔且徐逆慣由熟路臣料其必向東趨隨派副將吉林泰即領臣分帶之兵六百名先行馳赴官渡河據險屯紮過其東向之路但兵力過於單弱飭令相機辦理慎勿輕視一面飛調前此長齡派留竹谿之兩粵官兵八百餘員名黑龍江馬隊一百餘員名即令副將樊雄楚管帶前來並撤回竹谿鄉勇俟日內到齊臣親率馳往策應吉林泰迎頭截剿惟查徐添德狡猾異常現據探報匪眾不過二千人馬騾約有六七百頭匹臣所謂兵勇馬步懸

《聖朝實錄卷之三

九

《聖朝實錄卷之三

十

殊查馬家營一股殘匪賊數不及千名先經

臣

派往之總兵孫清元由興山縣屬公坪侯家坪

一碗水追至水月寺而長齡明亮已從重馬二

坪百福頭一帶進發以期抄出賊前兩路官兵

如有一路趕及賊衆不難就楚殲除倘該匪等

仍前避兵狂逃日內計當出境臣現已札商長

齡明亮孫清元酌看情形如剿辦已經得手即

《聖朝實錄卷之三十一》

十一

協同圍剿以期淨盡如賊已出境無論長齡明

亮孫清元即分一人酌帶馬步官兵前來會剿

此次徐逆復又竄楚將弁兵勇無不切齒痛恨

正須厚集兵力滅此朝食至鄖西邊界現據道

員恒慶知縣孔繼楨等稟報探聞陝省竄過漢

江賊匪業已奔近洋縣地方經畧大兵於十五

日渡江由長鎗嶺前進自不容其東竄臣專

意東南而鄖西僻在二竹之北相距較遠雖恒

慶孔繼楨均能認真出力可靠但邊界綿亘三

百餘里僅有兵勇一千六七百名究恐顧此遺

彼復派長沙協副將滿倉即就伊現帶之兵四

百餘名速赴鄖西與恒慶商同籌佈其青銅坡

馬鬃嶺等卡亦派守備羅陞帶兵前往會同守

備銜李鎮將兵勇合操防守以固邊圉

《聖朝實錄卷之三十一》

十一

倭什布又奏言據布政使孫玉庭詳稱該司自

上年接收軍需項下並無存銀且已借過司庫

各款銀六十六萬餘兩嗣因江安二省餉銀未

到又借動銀二十萬兩除於徵收地丁內歸還

銀五十一萬餘兩外尙少司庫銀三十五萬兩

旋經收受徽江西二省銀一百萬兩部餉四十

萬兩遵

旨截留粵東進京修船節省銀十二萬兩籌撥湖南
省銀十五萬兩欽奉

諭旨轉撥豫省存餉十萬兩粵省關稅盈餘銀三十

萬兩另又借撥豫省銀五萬兩以上共收銀二

百十二萬兩歸還司庫從前借款銀三十五萬

兩外竄收銀一百七十七萬兩查即陽宜昌兩

處防邊經費每月約需銀十餘萬加以新兵等

聖恩俯賜撥銀六十萬兩解楚備用其司庫借項一

百

餉及製辦軍火器械買補調缺馬匹徵兵借製

衣履運米水脚等項月需銀一二萬兩雖刻刻

留心撙節實有必不可省之處前因粵餉未到

復又借撥司庫正雜各款銀四十一萬餘兩迨

收到粵餉三十萬兩業已撥解二十萬兩不但

不能歸還借款即全數撥解亦僅足供目前之

用謹請奏撥前來 查節蒙

皇上撥發餉銀本已足資應用因今秋剿辦黃藍線

白等匪川省派撥兵勇三千餘名來楚追剿內

有雲貴官兵已奉

旨交長齡管帶其川黔鄉勇一千八百餘名亦於十

一月初一初四等日始行回川又添兩粵官兵

以及長齡所帶吉林黑龍江勁旅經經畧撥往

五百名外合計前次由陝撥來馬隊尙有一千

聖恩俯賜撥銀六十萬兩解楚備用其司庫借項一

百

四百名馬兵分例較優餉項尤宜寬備可否仰

懇

聖恩俯賜撥銀六十萬兩解楚備用其司庫借項一

俟軍務告竣即將用剩銀兩儘撥歸欵又湖北

被賊滋擾各州縣新舊未完錢糧 謹查明另

摺開單恭呈

御覽奏入

王命軍機大臣傳諭額勒登保曰此次冉學勝張堂
樞樊人傑王士虎王國賢冉添士等股賊匪經楊
遇春格布舍穆克登布等連日追擊雖有斬獲而
冉學勝等已過江口有出舊縣關大山岔之信相
距西安藍田不遠竟思竄出峪口闖入平原大道
其勢又覺散漫額勒登保一面分派都司朱集才
等帶領兵勇八百餘名跟蹤追剿已與楊遇春札

《聖朝聖訓卷三》

五

克塔爾等出子午峪大峪入藍田商州等處迎截
務須遏賊東竄豫省之路由東北逼向西南再賊
匪既距西安藍田不遠其北面省城一帶額勒登
保亦當設法兼顧斷不可令賊匪竄出大路擾及
西同鳳繁庶之區此為最要至漢江北岸竄匪固
應奮力截剿而南岸之高三馬五及王廷詔龍苟
等股賊匪更應上緊兜截現在雖經慶成慶溥喜

明溫承惠等分路截擊未令東竄但總須實力堵
剿額勒登保又令胡定泰帶兵二千餘名即赴長
麟慶成一路此則伊二人專責務將高馬王龍苟
等逆悉數殲擒即或一時未能剿盡亦當由東北
逼向西南倘堵剿不力使南岸賊匪復有偷渡北
岸與冉學勝樊人傑等合夥賊數增多以致辦理
棘手或又乘間逃往楚境惟長麟慶成是問又據

《聖朝聖訓卷三》

六

稱伍懷志一股在四畝地深山藏躲近冉學勝等
股到彼自必隨從同行等語伍懷志股匪經官兵
剿殺所剩不過二百餘人乃以萬餘官兵剿辦多
日未能殲盡仍任其與冉學勝合夥又成大股綸
布春桑吉斯塔爾穆克登布汪啟等在彼所辦何
事並著額勒登保遵照前旨查明奏奏不可姑息
前此額勒登保等每稱賊匪竄入南山路險林深

官兵不能得力今冉樊等逆有出峪口之勢已近平原正可施展兵力若再不能乘機捷擊一鼓殲擒是賊匪入山既難追捕而出山後又任其四散奔逃則總無蕺事之期豈靜候賊匪日斃抑撤兵不辦乎又據稱賊匪乘夜攻撲營盤胡定泰施放鎗礮直至天明賊仍不退胡定泰率同將弁出營奮擊賊方散去二十六日夜間又有賊匪偷撲鄉勇營卡之事看此情形賊匪竟敢乘夜攻撲兵勇營盤甚為兇悍何曾畏懼官兵可見伊等節次所奏賊匪一見官兵卽行奔竄以致官兵不能遇賊接仗賊勢窮蹙之語尙蹈從前虛誑積習伊等果能認真殺賊蕺功卽無此鋪敘之詞其功自在若僅以虛言搪塞而無剿賊實效則伊等辦理遲緩之外又增一欺飾之咎矣至楊遇春等恐賊匪聞

聖朝聖編卷三十一 七

官兵到彼捨命奔竄令兵勇二百餘人假換服色作為前隊詭稱另股賊匪欲與合夥誘賊停留以便趕上剿殺所辦甚是所謂兵不厭詐也所有慶成一路殺賊陣亡之鄉勇頭目朱海白滋春著咨部賜卹正在降旨間又逃到倭什布奏報徐添德一股於十二月二十四日由釘鈿溝竄入楚境二十五日已至王家山該處東通房縣北達竹谿倭什布已派副將吉林泰帶兵六百名馳赴官渡據險屯紮遏其東向之路俟兵勇到齊後倭什布卽親往策應等語楚省邊界竹谿竹山一帶屢經降旨專交倭什布督飭防堵又任徐添德一股竄入楚境無能已極現降旨將倭什布仍革去頂戴稍示薄懲看來楚省堵剿之事倭什布等實不可靠已傳諭德楞泰將川境零星竄匪交與勒保七十

聖朝聖編卷三十一 六

五辦理令伊卽帶兵趕赴陝境漢江南岸幫同長
麟慶成等截剿高三馬五王廷詔龍苟等逆若高
馬等逆又復乘間東竄湖北之賊較多卽著德榜
奉跟蹤追捕此時額勒登保旣往商州一帶迎剿
冉學勝等股斷不可再行移動若因湖北剿賊緊
要或酌派一二大員帶兵赴楚協同倭什布剿辦
亦無不可總在額勒登保相機籌畫不致顧此遺

《聖朝聖訓編卷三》

九

彼方爲妥善再徐添德一股賊匪係額勒登保專
交喜明馬玉魁慶溥温承惠等堵剿今賊匪由釘
鈿溝竄入楚境並著額勒登保查明係何人疎防
卽行據實奏奏再現據御史茅豫條奏軍營陞賞
人員請核實辦理一摺年來帶兵大員每遇得有
勝仗卽紛紛將出力人員開列多名懇請分別陞
賞其中豈無冒濫朕念係帶兵大員所請無不降

旨允准亦未另交他人查核原欲使軍營員弁咸
激奮勉可以迅速成功而現在節次奏到軍務情
形賊勢仍形散漫自皆由各路文武員弁堵剿不
力所致所謂鼓勵者安在嗣後軍營保奏人員不
得以小獲勝仗卽行保奏卽有實在奮勉應行陞
賞者亦著於各員弁名下註明實在勞績不得將
欲保之員開單臚列多名毫無實據卽奏到之後

《聖朝聖訓編卷三》

十

朕亦不遽行陞賞當令軍機處存記檔案俟大功
告成後再予加恩庶足以昭覈實而杜冒濫此時
屆歲功之期不過數月如果各路軍營及地方文
武各員齊心奮勉尅期歲功朕原不靳優加恩賞
也

上又命軍機大臣傳諭德榜奏勒保日本日據額勒
登保奏冉學勝張掌櫃樊人傑王士虎王國賢冉

添土等股賊匪經楊遇春等連日追剿冉學勝等已過江口有出舊縣關之信相距西安藍田不遠又據倭什布奏徐添德已竄入楚境各等語樊人傑等股賊匪即係黃白藍線股內之賊前此由楚竄入川境德楞泰勒保會奏明赴川東一帶截剿乃二人並未上緊剿辦任此數股賊匪假道竄陝而德楞泰初一日奏到之摺但稱兜截楊開第陳

《聖朝聖訓卷三十一》

三

朝觀李炳等股賊匪回川於黃白藍線等股竟全不提及顯係將此數股大隊賊眾縱入陝省避難就易藉楊開第等股需兵剿辦以掩飾其不行入陝之咎此等蒼滑伎倆豈能於朕前嘗試楊開第等均係小股有勒保七十五在川一督一提儘敷剿辦其黃白藍線等大股德楞泰既不能在川剿盡即當跟蹤赴陝幫同剿捕方為無分畛域乃德

楞泰心存諉卸竟將大股賊眾委之陝省以致賊匪竄至漢江北岸額勒登保不能不移兵赴剿近又會合冉學勝等欲向商州一帶奔竄陝境官兵為所牽綴假令黃白藍線不通入陝省則額勒登保在漢江南岸督剿徐添德等即不能乘間竄楚是一年以來剿賊將有頭緒又因德楞泰等堵賊不力致全局又形散漫德楞泰勒保縱賊之罪實

《聖朝聖訓卷三十一》

三

無可辭德楞泰係一等子本應斥革姑念今春在嘉陵江以西剿賊尚為出力著加恩降為一等男稍示薄懲勒保前經賞給二品頂戴亦著降為四品頂戴暫留川督之任以觀後效德楞泰接奉此旨如楊開第等小股已經剿淨德楞泰即速赴陝剿辦漢江南岸之賊若川境零星小股尚未辦竣亦即交勒保七十五二人上緊剿捕漢江南岸賊

匪高三馬五二逆最為兇悍德楞泰帶兵到陝如
此股賊匪何在該處屯聚德楞泰即應奮力剿殺
務將此股迅速殲除若高馬等股有接踵入楚之
勢德楞泰應權其輕重帶兵赴楚會同倭什布等
剿賊如果將徐添德等逆迅速剪除尙當格外加
恩若又令竄回陝境再有蔓延恐不能當此重罪
至勒保剿辦川境餘匪是其專責務須督同七十
五等速行剿竣並將境內防堵事宜布置周妥勿
令他處之賊一名闖入倘稍有疎虞惟勒保是問
凜之慎之

上又命軍機大臣傳諭姜晟倭什布長齡日徐添德
一股賊匪由平利屬之南坪柳樹壩逃至白沙河
等處經倭什布分派將弁竭力堵截賊匪由釘鈿
溝竄入已至王家山並探得高三馬五已折竄至

聖訓

五

商河口東奔楚省竹谿竹山一帶係倭什布在彼
督率防堵節據該撫奏稱分派兵勇扼要嚴防何
以又任徐添德一股竄入可見前此實力堵禦之
說皆係一派誑言近因額勒登保移兵至漢江以
北朕即慮及徐逆等必思乘間竄楚節經諭令嚴
防今果不出朕所料而摺內所稱徐逆慣由熟逕
之語尤為支飾徐添德本係川匪雖曾經竄入湖
北邊界安能熟悉該處路徑豈楚省弁兵鄉勇生
長其地轉不如徐添德之熟諳乎且賊匪遠來能
探知何處無兵守禦乘間闖入而倭什布所派之
弁兵鄉勇獨不能探聽賊匪消息預先扼住乎又
摺內稱高二一股無難就楚殲除並有該匪避兵
狂逃計日即當出境之語不通已極伊等如此疎
懈賊匪有何畏懼而亟思出境耶賊一入境不思

聖訓

五

在本境剿滅先以出境二字預為垢脚地步尤屬軍營惡習前經加恩將該撫賞給四品頂戴今又任徐添德竄入無能至此實屬大負委任倭什布仍著革去頂戴暫留巡撫之任以觀後效倭什布務將徐添德一股即在楚境殲淨尚可稍贖前愆若再有延緩致徐添德在楚裹脅蔓延必將倭什布從重治罪至長齡明亮孫清元係專剿高二一股徐添德闖入楚境與伊三人無涉是以不加斥責但高二一股為數無多前經長齡等奮力截擊勢已殘敗務須速行殄滅以便騰出兵力前赴倭什布一路幫同剿賊不可以驅令出境即為了事至徐添德係由釘鉞溝竄入倭什布係派何員弁在彼防堵或竟無人防堵任賊逸入著倭什布據實查明奏再楚省防堵事宜屢經姜晟奏稱前

赴二竹地方籌辦今被賊匪來去自如其言全不足信且聞書麟將到伊即先回省城辦理交代急欲前赴直隸新任竟置湖北軍務於不問其居心亦屬蒼滑現在書麟自必前赴軍營督同堵剿不能到省姜晟既回至武昌所有一切軍火糧餉事宜即著姜晟率同孫玉庭妥協辦理俟湖北軍務全行完竣再赴直隸新任又另摺請撥餉銀六十萬兩一節不待奏請撥給廣東銀二十萬兩解往茲又降旨令山東江西各撥銀二十萬兩足成六十萬兩之數伊等一經奏請即如數撥給尙復何所藉口若伊等如此疎玩即再撥千萬豈能有濟耶該撫等務當樽節辦理不可因帑項寬裕稍有糜費

上又命軍機大臣傳諭惠齡張誠基曰山東江西兩

省封貯銀兩除前經撥解外現在捐監銀兩必
陸續加增今楚省需撥餉銀著憲齡張誠基卽於
捐監項內各撥銀二十萬兩遴委委員迅速解往
若捐項銀數稍有不敷卽於藩庫別款內湊足解
往

同日

上諭內閣曰倭什布奏查明湖北被賊滋擾各州縣

欽定大清會典事例

卷一百一十五

新舊未完錢糧一摺所有鍾祥襄陽宜城南漳均

州穀城鄖縣鄖西房縣保康竹山竹谿東湖歸州

興山巴東荆門當陽遠安等十九州縣並屯坐該

州縣之武昌荆州荆左荆右襄陽等衛應徵嘉慶

五年正耗銀十八萬三千九百九十九兩八錢二分

九釐又鍾祥襄陽宜城均州穀城鄖縣鄖西荆門

當陽遠安等州縣並屯坐該州縣之武昌荆州荆

左荆右襄陽等五衛應徵嘉慶四年夏秋冬三季

帶徵正耗銀八萬五千九百八十七兩五錢九分

一釐又襄陽宜城南漳穀城鄖西房縣保康竹谿

東湖歸州興山巴東荆門當陽遠安等州縣並武

昌襄陽二衛應徵嘉慶五年分隨漕淺船騾脚幫

津閑丁軍三安家等款正耗銀九千六十兩四錢

五分四釐又襄陽宜城南漳保康巴東荆門等州

欽定大清會典事例

卷一百一十五

縣應徵緩帶嘉慶二三四等年隨漕淺船騾脚正

耗銀四千七十四兩四錢九分七釐再荆門州尙

有未完嘉慶四年分南糧正耗米二千二百五十

三石七斗四合七勺水脚銀三百七兩三錢二分

四釐又嘉慶五年應徵南漕正耗米一萬七千七

十五石二斗一升八合七勺南漕水脚銀二千三

百二十八兩四錢四分均自嘉慶六年起分作兩

年帶徵以紓民力

聖祖聖孫編卷三十三 五

欽定剿平三省邪匪方略正編卷二百二十二

十二月初七日乙卯陸有仁奏言竊

命來陝前月二十二日在鳳翔途次接奉

聖諭令將解散安撫事宜妥為籌辦

各處被脅民人從賊非其本願一聞安撫

恩旨白即解散投誠而投出後必須使其長久資生

始可永消萌孽至資生之策無過於遵

聖祖聖孫編卷三十三

旨清查叛產以備安插迨行抵漢中知叛產一事曾

經前撫臣台布派委道員楊護清查旋經經畧

額勒登保督臣長麟會奏停止僅令將首逆龐

洪勝叛產查明

有白河縣屬之孤山塘安康縣屬之古廟嶺將

軍山光頭山紫陽縣屬之大小米溪五柞雲等

六處俱係元年剿辦完竣首夥多人彰明較著

與龐洪勝事同一律其叛產自可確查備撥
外如實在全家被害無人承業絕產及客民試
種拋荒尚未陞科之地俱可隨處查明當即一
面出具剴切詳明告示勸諭招撫一面飛飭各
屬分投查勘又凡被賊滋擾之處均應逐一確
查非一二人所能周歷自應分派專員親至其
地喚同鄉保客頭人等逐細履勘方免隱匿侵
佔之弊現在大兵剿辦賊匪各廳州縣有承辦
防堵糧運等事不能親身查勘者臣前已飭委
教官雜職確查並另委能事正佐多員分赴各
處會勘先將實在數目查明稟覆再派明幹大
員前往抽查勘辦方可酌定安插章程如此層
層察覈庶各廳州縣不得以並無遺產朦朧具
稟而解散來歸者得以日久謀生自不致復萌

欽定剿平三省邪匪方略

正編卷二二二

欽定剿平三省邪匪方略 正編卷二二二

故智至道員楊護臣於到省時派往安塞等處
覆查被災處所事竣即可調至南山總司其事
臬司王文湧現經帶領壯勇在寶雞一帶堵剿
賊匪未令查辦地畝惟臣昨晤長麟據稱前任
浙撫時知杭嘉湖道現今揀發陝省道員李嗣
官聲甚好辦事認真到省時亦可調來會同楊
護分投查核臣並可督同該二員辦理一切善
後事宜現當清查地畝未竣之際如有投出難
民臣當捐給口糧先行妥為安撫即將來已給
田產未經耕種之先亦當捐給籽種以資養贍
設叛產等項尚不敷分撥並可酌令充當在官
丁壯六役藉以羈縻此臣現經籌辦之實在情
形也至於挖壕築壘之事前聞長麟曾委楊護
於葭州一帶辦理臣接見南山各州縣隨路詢

欽定剿平三省邪匪方略

正編卷二二二

五三三

問據稱山內路徑分歧現據設立隘卡挖壕築

壘惟人戶稀少恐守禦未免力單臣當卽面爲

誠諭務須設法團勇分撥扼截並派員分路勸

導能堵斷一路賊匪卽少一路奔逃於事始爲

有濟而揆度情形總須官兵隨地兜截現據探

報賊匪冉學勝一股欲由鳳縣車道河直趨寶

雞號川經王文湧於北路兩河等處堵截賊卽

《聖朝和豐稟稿卷三十三》 四

竄回洋縣茅坪棧道大路已無阻滯其樊人傑

一股現又竄至洋縣之菜子坪一帶伍懷志零

匪總在益屋都督河等處潛匿經畧大兵已自

石泉進山距賊較近自必迎頭剿捕又東路徐

逆等股尙在平利安康一帶經畧派令慶溥溫

承惠喜明分路截剿諒可不致蔓延其西鄉之

賊亦在邊界窺伺昨接長麟札會叅贊德楞泰

已至廣元南江一帶日內將川界零匪剿淨卽

擬移兵入陝如果德楞泰由棧道向東迎剿額

勒登保由東北一帶扼截加之綸布春汪敬穆

克登布桑吉斯塔爾胡定泰等層層兜擊勢如

碁布星羅當可以次殲洗惟兵力加增糧餉更

關緊要伏讀

諭旨不待奏請又已撥銀五十萬兩解赴陝省存貯

《聖朝和豐稟稿卷三十三》 五

仰見

聖主垂厯軍儲務俾源源接濟臣實不勝感服惟有

設法妥辦斷不致稍有缺悞奏入

上命軍機大臣傳諭陸有仁曰陸有仁奏清查叛產

刨挖溝壕等事所言皆是但須實力奉行方爲於

事有裨若僅紙上空談仍屬無益卽如挖壕一事

該處前已派員辦理陸有仁又督飭各州縣分撥

扼截果能堵斷一路賊衆卽少一路奔逃而現在賊匪來往如常豈賊匪奔竄處所適皆未經挖壕之地乎又查辦叛產原爲安插難民之用統計元年以來剿辦首逆多名所有叛產何以至今始行查辦其白河縣屬之孤山塘等處叛產旣與龐洪勝事同一律自應一體清查惟該撫所稱派委正佐多員分赴各處會勘再派明幹大員前往抽查層層察覈一節雖爲杜絕朦混起見但派委多員逐加履勘恐不免擾累閭閻別生事端惟在該撫遴選賢員實心妥爲辦理旣可免隱匿侵占等弊又不致吏胥藉端騷擾方爲妥善至軍需糧餉是該撫專責前撥山東江西等省餉銀不日亦可解赴該省現有額勒登保等在漢江以北長麟慶成等在漢江以南帶兵分投剿辦糧餉尤關緊要陸

欽定剿平三省邪匪方略

正編卷二二二

六

有仁自應探聽各路軍營隨處供支俾無缺乏其派員運送時更須加意防護賊匪奔竄靡常倘途中猝被搶掠更屬不成事體該撫務須委派妥幹員弁小心護送不可稍有疎虞貽誤

同日

上諭內閣曰陝省寧羌洋縣城固西鄉白河商州雒南山陽等八州縣春徵錢糧曾經奏請緩至秋成

欽定剿平三省邪匪方略

正編卷二二二

後啟徵但各該州縣屢被賊擾尙未全行復業秋收亦未豐稔著再加恩將寧羌等八州縣本年應徵銀糧鹽課及民欠各項均緩至來年麥後徵收以示朕軫念窮黎恩施無已至意

同日勒保奏言查東鄉開縣連界之大旺山有零星散匪百餘人出沒撲椿臣恐其日久復多

裹脅當派總兵永寧遊擊桂涵帶領兵勇馳往

五三五

搜剿旋據該鎮等稟報十八日至開縣扇子山地方探明果有賊匪百餘人在彼潛匿當率兵勇圍剿殺賊四十三名生擒梅盛雙等二十四名並割獻賊目賀章祿首級呈驗餘匪向新寧梁山境內奔逃永寧酌留兵勇一面搜山一面派令桂涵挑帶健勇四百名不帶餉帳盡力窮追日行一百二三十里不等二十三日追至梁

聖朝實錄卷之三

八

山大竹連界之賽白兔山梁賊匪正在廟內造飯出其不意率勇掩捕該匪等尙敢抗拒當卽殺死二十九名生擒僞先鋒符大成並餘匪五十二名並無一名漏網另有新擄難民許正忠等五名正被該匪捆縛欲殺得以立時解救釋放其餘俱解交臣軍營審問據符大成供稱係首逆符日明之堂叔本與劉朝選張子聰等同

聖朝實錄卷之三

九

時起事迨符日明被擒該匪卽在劉朝選寮內封爲僞先鋒自認殺人無數今年三月間到大竹縣卽係該匪將知縣張位中戕害九月初九日在柏木園經官兵衝殺劉朝選隻身跳巖奔逃該犯帶有八十餘人進太平老林潛匿兩月來總在山內摸樁又陸續湊有一百四五十人現經官兵兩次殲獲淨盡詰以劉朝選實在下落據供營內因不見元帥曾向各處探訪聞得已被官兵殺死此外並無同夥在外摸樁等語臣查劉朝選一股屢經官兵痛剿剩匪本屬無多惟總未得劉朝選切實蹤跡是否一人潛逃抑或實已殺死今據符大成所供雖難憑信而其股內餘匪此次實已辦淨臣訊明後當將符大成凌遲處死其從賊日久之張先萬等五十

一名口亦卽正法惟被擄未久及年未及歲之
尹泰清等二十四名給予銀米遞籍安插臣因
現據探報楊開甲及伍冉二姓餘黨並李炳陳
朝觀兩股匪衆合爲一夥由廣元南江一路竄
入巴州地方聞德榜泰已跟迫前來恐前無攔
截致有蔓延適阿哈保已帶兵由陝省到來卽
令其隨同臣一路是夜由達州渠縣一帶進發
偵探賊蹤迎頭抄截並知會德榜泰兩面夾擊
以冀將此五股餘匪悉數殲除奏入

上命軍機大臣傳諭德榜泰勒保曰劉朝選一股屢
經官兵剿殺所剩餘匪在山內出沒模稜經勒保
派兵搜捕獲偽先鋒符大成將潛匿餘匪辦淨
覽奏畧慰其楊開甲陳朝觀李炳等股賊匪已合
夥竄入巴州地方德榜泰業經跟蹤前來自當與

勒保會合何以摺內未據奏及楊開甲等本非大

股賊匪前此竄回川省之黃白藍線等股俱經竄

至陝境昨已降旨令德榜泰速赴陝省剿辦漢江

南岸之賊所有川省境內楊開甲等股專交勒保

剿辦該處本有七十五及永寧託雲泰在彼帶兵

分剿今勒保又令阿哈保隨同協擊探蹤抄截務

須督率將弁將本境各股竄匪迅速殲除毋得再

有延緩至德榜泰在川剿辦業已踈縱於前此時

赴陝剿賊必須先將高三馬五二逆奮力剿殺該

逆現有接踵入楚之勢如尙未入楚德榜泰卽應

帶兵繞至二竹邊界如前此額勒登保之迎頭截

殺若該逆已竄至楚境德榜泰卽會同倭什布等

將徐添德高馬等股悉在楚境一律剿淨必不得

已亦應逼向西南寧使竄入川境不可任其深入

楚地此為最要賊匪如已向西南奔竄勒保轉不
必派兵在川省邊界攔截又致將賊匪逼回俟其
全行竄入川境德楞泰再與勒保兩路大兵合擊
剿捕自可得力再竄楚賊匪高二一股經長齡等
剿辦漸有入川之勢勒保應飭令該處駐守員弁
預為準備此股賊匪無多如已入川境即應在川
上緊剿淨不可又任假途竄陝為要

聖朝聖訓卷三十三 十三

同日協辦大學士調任湖廣總督書麟奏言伏
查高二徐添德等股餘匪因陝省官兵追剿分
股逃竄逼近楚境自應乘其殘敗全數殲淨
前自滇起程併站行走現於十一月三十日行
抵湖南之桃源縣探問桃源至湖北之竹谿一
帶約有二十站 臣 星夜兼程由驛馳往計於十
二月十二三日可抵該處探明賊匪現近何處

即會同撫臣倭什布將剿堵事宜悉心籌畫務
將已竄入境者全數殲戮竄近楚省者督飭官
兵嚴密防堵不使一名竄人以仰副

皇上委任至意奏入

上命軍機大臣傳諭書麟曰書麟奏接奉諭旨兼程
行走計於十二月十二三日可抵竹谿一帶現在
川省竄匪闖入楚境正深焦切書麟係協辦大學

聖朝聖訓卷三十三 十三

士經朕特旨調任湖廣總督伊久歷戎行於軍務
素為熟悉非姜晟倭什布可比前因高二一股竄
入楚境朕即慮及徐添德等逆俱在漢江南岸逼
近楚省難保不乘間竄入是以降旨諭令書麟兼
程赴楚督辦一切乃昨據倭什布奏徐添德一股
賊匪由鈞鉅溝竄入已至王家山並探得高三馬
五二逆已折竄至陂河口東向果不出朕之所料

徐高馬三賊爲害最久必須實力嚴辦竹山竹谿一帶防堵事宜屢經姜晟倭什布奏分派兵勇扼要嚴防今任賊匪奔竄自如毫無攔阻是伊等實力堵禦之語全係一派謊言姜晟置軍務於不顧徑回省城以待交卸倭什布又不能督兵嚴守以致賊匪接續竄入伊二人甚不可靠書麟到後務須會同倭什布將徐添德一股竄匪迅速剿捕卽在楚境殲除淨盡毋得再令他竄其高二一股賊匪現在東湖興山一帶奔竄有長齡明亮孫清元在彼緊躡追剿此股賊匪人數無多其勢已經窮蹙書麟務卽飭知長齡等將高逆一股竄匪卽在楚境剿滅淨盡此股賊匪剿竣後書麟務須督率鎮將將本境防堵事宜悉心佈置勿令川陝邊界之賊一名闖入並將地方百姓實力撫綏俾消反

欽定剿平三省邪匪方略

正編卷二二二

側書麟係朕特旨調任之人諒能仰體朕意安民剿賊爲國宣猷勉副委任也

初八日丙辰長麟慶成奏言竊臣長麟疊據各卡

稟報賊匪四五百人由廟壩竄來分爲數股向

梅子壩大石壩白巖河銅廠元壩子等處窺伺

卡隘游奕滋擾當卽派令副將蕭福祿都司張

聯魁分帶兵勇前往各卡策應去後旋據蕭福

祿等稟稱賊匪一見官兵並不接仗又不遠去

兵出則退入老林兵撤復出滋擾並探聞尙有

大股賊匪男婦四五千人在川省南江邊界之

羅棋山屯聚現來窺伺卡隘之零星賊匪卽係

大股賊匪前探等語竊思大股賊衆旣已逼近

邊界乃並不前來撲卡僅令四五百人分向各

卡隘滋擾其意總欲疲我兵力使人馬勞頓然

後逞其併力衝突之計若不將此分股之賊趕
緊躡逐兵勇晝夜不能稍寧必致墮其奸計

長麟當卽傳令蕭福祿帶領馬步官兵由梅子

壩出卡迎擊張聯魁帶領鄉勇由大石壩出卡

迎擊臣長麟帶領兵勇趕赴白巖河接應二十

四日黎明蕭福祿張聯魁等兩路兵勇一迎賊

頭一抄賊尾詎卡隘以外非係陡壁深溝卽係

聖朝聖訓卷之三十一

六

老林密籌官兵奮力追逼至龍池子地方地勢

稍寬將各處零星賊匪逼歸一處鎗礮並施擊

斃執旗賊目一人搶獲大旗一面斃斃矛手四

五十人餘匪紛紛逃竄翻上大山遁入老林蔽

匿山徑陡險不能乘騎蕭福祿等棄馬步行帶

兵緊跟追剿該匪竟敢於林內擲石抗拒因林

密雪深冰凝路滑兵勇跬步蹉跌不能搶上僅

能於半山之上用鎗礮向林內轟擊賊匪依恃

林木遮蔽潛伏不動天色將晚官兵人人憤急

蕭福祿復派張聯魁帶領鄉勇繞至山後進攻

叅將韓自昌都司米章帶兵從前面左手抄上

遊擊馬忠守備王殿甲由右手抄上蕭福祿鼓

勵兵勇齊聲吶喊奮勇攻撲三路兵勇互相掣

掖而上賊匪見官兵勢猛不能存立突出老林

聖朝聖訓卷之三十一

七

又翻上對面筆架山大梁向賈家溝一帶奔逃

兵勇乘其竄出老林之際趕緊追殺又斃賊匪

三四十人並斃執旗賊目一人搶獲大旗一面

生擒十三名餘匪卽由賈家溝竄奔廟壩又被

寨上居民用鎗礮擊斃賊匪十餘人賊匪竄過

廟壩歸入大夥連夜拔營俱向南江竄去訊據

獲賊何其義王宗富供稱我二人俱係矛子手

此股賊匪是四股合成共有四個元帥兩個姓
楊一姓李一姓張約有四五千人實在不知道
名字我們於二十日到羅棋山要想竄往陝西
南山又怕卡隘有兵不能衝過先派我們數百
矛手來奪卡另日再派人來替換總使官兵不
能歇息候官兵疲乏再合營前來衝卡不想被
官兵兩路擠住打死多人並兩個掌大旗手一
名王遇正一名楊用飛聽見元帥說要仍回四
川等語餘無要供即將何其義王宗富正法其
餘被獲十一名均係甫經被裹難民附近各有
家業當卽概行省釋至 臣 慶成連據興安紫陽
稟報高馬大股賊匪由安康紫陽地方西竄旋
據王黑壩差探弁兵回報大股賊匪於二十一
日已至西鄉之靖溪壩仍尋前蹤直趨江岸搶

欽定剿平三省邪匪方略

正編卷二二二

渡 臣 慶成一面飛札總兵關騰劉之仁嚴傳江
北各卡遠近哨探日夜嚴防查西鄉東南至紫
陽三四百里南岸地勢散漫無險可扼賊匪往
來竄徑在在逼近江干全賴官兵探蹤抄迎截
擊經畧額勒登保原擬防兵之數因南山未淨
不能撤調其酌量撤出弁兵先儘漢南一帶分
布西鄉東南抽調奏集各項弁兵陸續原有四
千餘名旋因冉樊兩股賊匪偷渡副都統綸布
春總兵胡定泰兩次由此分帶兵勇過江追剿
臣 慶成僅存兵一千數百名土地嶺板橙壩均
距西鄉縣城較近爲北通漢南要路須酌留兵
勇拏卡嚴防 臣 慶成抽帶兵七百名連夜向東
探迎抄截路過白河峽總兵九十帶兵數百名
防堵瓦子溝七里壩江岸之路 臣 慶成又抽添

欽定剿平三省邪匪方略

正編卷二二二

兵二百名共兵九百餘名並馬隊鄉勇俱隨身
 裹帶乾糧兼程馳往探迎賊前截剿二十三日
 未刻趕抵茶鎮探得大股匪眾已至麥子坪銅
 車壩一帶焚掠並有賊探在梅湖柳溪沿江往
 來窺伺該處係總兵劉之仁防江營卡布置尚
 為週密當經施放鎗礮轟擊該匪又自石泉南
 岸向西滋擾係總兵關騰營卡前次稍被衝失
 兵力較單適臣長麟撥給副都統綸布春兵內
 有寧夏兵三百五十餘名未及趕去令赴西鄉
 又有總兵胡定泰過江追剿時放卡落後兵一
 百名臣慶成差弁飛催前來當派遊擊常洪帶
 過江北漁壩一帶淺灘協堵至茶鎮亦係賊匪
 偷渡之所淺灘尤多賊匪竄至沿江均可躡渡
 雖有營卡恐不足恃臣慶成即帶兵迎往賊匪

來路老漁壩大梁預為設伏邀截隨令遊擊吳
 亨衍守備王登科帶兵勇在山梁左邊又令遊
 擊張奉廷守備李行正帶兵勇在山梁右邊臣
 慶成帶侍衛車森保三音庫之馬隊及鄉勇在
 山灣均各密為潛伏並派兵勇扮作民人分往
 各歧路登高瞭望午刻賊馬隊二三百人戰手
 三四千人一路順河一路沿山蜂擁結隊而來
 相離漸近似欲搶佔山梁招呼後隊匪眾臣慶
 成所帶馬步兵勇總計不過千餘人若該匪到
 齊截剿不及祇可乘其未備突然衝出以挫賊
 鋒當令我兵三處並起相繼內城直衝該匪等
 竟莫測官兵多寡鎗箭所到賊眾披靡驚惶失
 措拋棄鎗礮器械折回亂奔馬步官兵奮勇乘
 勢爭進剿殺二十餘里斃賊一百六七十名賊

衆狡詐扒上東南大山尙敢併力憑高滾石搖
旗撲下臣慶成身先兵勇力敵並令吳亨衍李
行正千總張起鰲劉仰景等各帶兵勇數十人
衝冒鎗石仰攻搶上大山賊見勢猛始紛紛折
回奔竄又殺賊一百餘名時已昏黑隨將兵勇
撤至茶鎮以防該匪等繞奔江岸此次先後殺
賊共三百餘名盡係強壯戰手並無老弱又生
擒一百十二名內有執旗賊目陳朝清一名搶
奪騾馬刀子大礮鳥鎗器械旗幟甚多據陳朝
清供稱四川大竹縣人係高三掌櫃大徒弟此
夥係高馬王賈四元帥合爲一大股黃白藍三
號人數衆多商量要從前股賊匪過江之處搶
渡約山寶雞奔秦州掠食不意到此忽遇伏兵
衝殺敗散向原路奔回等供當將該犯臠割其

欽定剿平三省邪匪方略 正編卷二二二

餘各犯就近飭交西鄉縣審訊分別辦理此次
仰仗
聖主天威以寡擊衆官兵人人奮力截回高馬王賈
等大股賊衆未令北竄過江現據探報該匪被
擊敗竄連夜向東南原路折回尙慮分股折繞
江岸臣慶成暫紮茶鎮俟探賊蹤向南遠遁仍
回板橋埡適中策應防堵查高馬等逆未經竄
至西鄉之前先在紫陽權河一帶卽有窺伺江
岸之勢經額勒亨額率同遊擊額爾畢濟呼委
叅領諾木色楞等出營迎敵斃賊數名賊匪退
回官兵緊追至雞鳴坡復殺賊二十餘人生擒
王黃山等十五名賊匪分股由尖山溝五郎河
一帶復奔毛壩子江岸經額勒亨額所設防江
官兵隔岸施放鎗礮賊匪折回又突出龍王灘

欽定剿平三省邪匪方略 正編卷二二二

江岸復經官兵施放威遠大礮擊斃賊匪十餘名賊匪始向西鄉蜡溪壩逃逸又接慶溥來信徐添德等股復從安康折竄平利因藩司溫承惠在白土關防堵該匪等即由獅子壩一路東奔慶溥催兵分路進擊斃賊五十餘人賊即敗走我兵追過山梁復殺賊十餘名天已昏黑暫行紮駐時至二更賊匪膽敢前來撲營官兵俱有准備立時擊斃賊匪數十人餘匪敗退官兵出營追剿又斃賊二十餘名追至泰山廟忽有伏賊二千餘人由老林突出蜂擁前來官兵奮勇迎擊斃賊四十餘人射死執旗賊目一人賊匪驚慌敗走官兵乘勝追殺三十餘里沿途殲戮甚多生擒蕭廷祥等五名餘匪翻山向南坪逃遁適總兵喜明藩司溫承惠聞信帶領兵勇

追擊斃賊數十名生擒十四名賊匪即佔據山梁抗拒時慶溥亦帶兵趕到合兵奮力攻擊搶上大梁又斃賊百餘人賊匪即從毛家溝竄往流石嶺一帶慶溥喜明溫承惠等現由清水河口分路兜截堵禦又冉學勝一股賊匪經綸布春等白棧道廢邱關截回仍自江口二郎壩一帶東竄已過華陽其二次過江之冉樊等逆竄至洋縣屬之釣魚臺經胡定泰帶兵截殺斃賊四十餘名生擒三名賊眾復折向茅坪由五郎河東奔其伍懷志一股餘匪亦竄至寧陝屬之柴家關一帶現在額勒登保已由兩河口移赴洵平河緊顧東北楊邁春穆克登布亦由寧陝屬抄截綸布春汪啟勛定泰等俱追躡前往再查龍紹周等股前已竄至安康平利地界經楊

《聖朝和聖朝編卷三十三》 五

《聖朝和聖朝編卷三十三》 五

遇春截剿折回西逃王徐等逆亦欲竄入楚境
 復經官兵截回亦向西竄由安康而西即與紫
 陽西鄉東界緊相毗連該匪等已入西鄉復向
 南趨即入太平境內臣長麟前摺聲敘情形與
 額勒登保所奏尚無歧異惟近據探龍紹周及
 鮮苟等股又有折竄陝境之信查該匪等總在
 川陝邊界老林遊奕來往無常是以趨向並無
 一定至鮮大川一逆前於八月間經該犯之叔
 鮮文芳殺斃投報業經德楞泰奏明在案其現
 與苟逆同竄之賊自係該匪餘黨昨據西鄉縣
 稟報未經聲明餘黨二字臣敘摺時僅據該縣
 原稟聲敘未明實屬疎忽致蒙
 聖明垂詢不勝悚惕至此次在事出力人員謹開單
 呈

欽定剿平三省邪匪方略 正編卷二二二

覽奏入
 同日額勒登保長麟奏言查臣長麟前奏曾芝
 秀賊匪竄過五郎金雞河德忠在後跟剿及該
 匪由金雞河斜趨南路石泉縣屬之梧桐溝鐵
 罐壩一帶德忠亦覓捷徑抄至鎮洵交界之界
 牌石兩河關等處業已抄至賊前扼要堵截等
 語是德忠入山追賊之初係在後跟剿及覓路
 繞至界牌石兩河關等處業已抄至賊前臣長
 麟摺內聲敘情形合之各州縣所報伍逆竄蹤
 並德忠行走路徑覈對日期均屬相符查德忠
 甫經入山時賊匪日夜狂奔華陽一帶本無繞
 出賊前之路一抵五郎該革鎮即由捷徑繞至
 界牌石兩河關等處堵截是以賊匪未能東竄
 且該革鎮所帶官兵僅止四百餘名兵力實在

五四五

過單是德忠尚無縱賊不剿遷延觀望情事但
此次曾芝秀賊匪竄過棧道究係由該鎮汛地
逸出咎實難辭合無仰懇

皇上格外天恩念刻下陝省軍務正當喫緊請兵費
在乏人仍遵照前降

恩旨將德忠革職留營効力以觀後效嗣有貽誤加
倍從重治罪均奏入

《聖朝通志卷三十三

天

上命軍機大臣傳諭長麟慶成曰長麟等連日將南
鄭境內零星賊匪全行逼歸川省並截剿高馬大
股賊匪未令竄越漢江所辦俱好川省南江邊界
屯聚之賊先令零星賊匪窺伺陝省卡隘經長麟
分派副將蕭福祿等出卡迎擊俱有斬獲賊匪大
駭向南江竄去不致闖入陝境其高馬大股賊匪
直趨江岸搶渡經慶成派令鎮將分投攔截伊復

帶領馬隊鄉勇密為潛伏慶成首先奮力截擊兵
勇衝冒鎗石乘勝截殺先後殲擒賊匪四百餘名
餘皆折回奔竄慶成此次打仗甚為出力本應即
加恩獎緣前次冉學勝冉添元樊人傑兩次偷渡
漢江不能攔截本應治罪姑令其戴罪立功今慶
成截回高馬王賈大股賊匪未令北竄過江其功
過足以相抵嗣後更當知感知奮實力堵剿如再
有立功之處必當格外加恩勉之望之至摺內稱
徐添德等股現經慶成薄喜明溫承惠等分路兜截
一節昨據倭什布奏徐添德一股賊匪由釘鉅溝
竄入楚境已至王家山地方想長麟等發摺時尙
未得有此信昨已降旨將倭什布革去頂戴以觀
後效其黃白藍線四號之賊原係在川省滋擾竄
住湖北後復折回假道竄陝而高馬等逆亦由川

《聖朝通志卷三十三

天

省竄入陝境德楞泰勒保並未認真攔截咎無可辭昨已降旨將德楞泰降爲一等男勒保降爲四品頂戴以示薄懲並諭德楞泰帶兵來陝剿辦高馬等逆慶成仍當悉力堵截再不可令南岸賊股竄過北岸一俟額勒登保剿盡北岸賊匪即可騰出兵力會同剿辦而德楞泰到陝亦可趁賊匪竄聚南岸之時一鼓殲擒再長麟截回南江之賊既訊據活賊供稱有想要竄到陝西南山之語是賊匪因四川築堡團勇頗爲認真不能掠食今雖已截回川境仍恐復思竄陝長麟慶成等尤當督飭鎮將及守卡各員隨時偵探迎擊勿令該匪等開入西鄉一帶爲要又據奏查明德忠尙無縱賊情弊請遵前旨革職留營効力等語此等債贖悞事之輩誅之不可勝誅姑念陝省剿賊正在喫緊之

欽定剿平三省邪匪方略

正編卷二二二

欽定剿平三省邪匪方略 正編卷二二二

際帶兵乏人德忠前已革職著照所請留於軍營効力贖罪倘再有貽悞必當加倍治罪斷不輕貸又據覆奏鮮大川早經殺斃前此奏報內有鮮逆字樣實因未將餘黨二字聲敘明晰此事尙屬小過無足深究若軍營打仗情形不據實奏報仍蹈從前撒謊惡習甚至以敗爲勝捏報軍情則蹈欺罔之罪矣稟之慎之

欽定剿平三省邪匪方略

正編卷二二二

上諭內閣曰慶成奏軍營出力各員內黑龍江部委叅領都爾博陝西遊擊吳亨衍均著賞換花翎吉林部委驍騎校扎蘭保黑龍江委驍騎校烏勒西保直隸把總聶士文陝西外委馬天賜河南六品頂戴軍功首領尙世蘭均著賞戴藍翎陝西縣丞馮國璋著以應陞之缺卽行陞補

五四七

欽定剿平三省邪匪方略正編卷二百二十三

庚申年

十二月初九日臣德楞泰勒保奏言竊臣前在

西鄉邊境逼賊入川因探知楊開第李炳等五

股匪衆合爲一夥向巴州南埡場一帶東奔當

卽督兵星夜追剿臣勒保亦探知此股賊匪人

數衆多亟須迎頭攔截適將劉朝選股內剿剩

餘匪辦完亦卽帶兵追擊查此夥賊匪自寧差

製卷第幾編卷第幾

廣元南江直竄巴州沿途並不殺人放火行走

甚速臣德楞泰連日緊追雖將落後賊匪及逃

出難民殲獲百餘名而其大夥亡命狂奔正慮

前無攔截適臣勒保於二十七日行抵渠縣余

家壩探知賊至佛樓寺地方係走營渠大道當

卽派令總兵薛大烈副將張績倭星額等帶兵

由復興場右手壓梁而進臣督同阿哈保承寧

侍衛花品莫爾歡保塔什拉並副將唐朝臣田

朝貴參將羅聲舉等直趨佛樓寺大路均於四

更發兵黎明將到安仁溪正遇賊匪探馬七入

十騎步賊數十人歌唱而來薛大烈在山梁瞥

見讓令過去旋卽帶兵下山截住適臣與阿哈

保前家馬兵趕到該匪等始猶衝突繼見官兵

勢衆卽折身奔逃我兵長驅追逐薛大烈亦卽

製卷第幾編卷第幾

迎截前來當將此起賊探立時擒殺淨盡臣勒

保因該匪等大隊在後既無賊探報信必不知

前有官兵正可出其不意痛加截殺惟令各官

兵掩旗疾走行未數里至騎龍寨埡口見對面

山梁賊衆紛紛而下一見官兵卽搖旗吶喊放

鎗抵敵我兵鎗礮齊發奮力下壓將山溝賊匪

殲斃數十人餘皆奔上山梁悉力抗拒阿哈保

薛大烈永寧帶領馬步兵不避鎗石首先搶
上大梁射死執旗騎馬賊目二名殺賊十餘名
餘衆大潰追過大山數重自渠縣安仁溪至巴
州之兩臺山約行一百二三十里時已昏黑沿
途殺斃並跌巖身死者約有一千四五百名生
擒七百七十三名凡經過之雷成寨插旗山九
嶺寨等處團勇均下寨幫同截堵悉聽其搶獲
牛馬行李包裹無算歡聲動地官兵奪獲大礮
一個鎗矛器械二百八十六件大小賊旗二十
八面騾馬牛四百五十五頭匹均經分賞出力
兵勇於活賊內訊出黃號齊家營股內偽總兵
熊魁元藍號李炳股內偽先鋒苟文忠探馬頭
陳國才白號楊開第顏勝可魏棒棒股內探馬
頭何才龍升張永富等六名並於賊屍內認出

藍白兩號旗首楊元左有貴探馬頭陳宗可方
得中等四名臣勒保一面密辦現獲各犯一面
派兵搜山當令阿哈保薛大烈挑帶馬步兵
卽行追躡該匪等經此痛剿亡命而奔竟連夜
翻山向儀隴境內竄逸臣德楞泰是夜至靈岡
寺間臣勒保一路已將賊衆截住得有勝仗並
探知賊匪蹤跡在水沱溪一帶相距不過二三
十里恐賊知覺隨紮營低窪山坳並傳令夜間
不許舉火查該處道路分歧因分兵兩路於二
十九日寅刻進發溫春阿穆勒塔色爾滾帶領
侍衛阿納保蘇爾伸總管富登阿副將蒲尙佐
叅將李應貴等督率馬步兵勇由右手水沱溪
前進天甫黎明抵走馬坪卽趕上賊尾遙見賊
衆蟻聚僨行我兵直前剿殺斃賊十餘名該匪

大駭竟敢佔踞大垵口搖旗吶喊放鎗拋石舍死抵敵溫春等當令步兵在前仰攻馬隊由山溝繞出賊後奮勇夾擊賊見前後皆兵立形慌亂我兵乘勢搶上斃賊百餘名侍衛蘇爾伸帶索倫兵數名衝入賊隊連斃馬賊十數名復有騎馬賊數人持矛直撲蘇爾伸身受矛傷幸不甚重當經色爾滾等督兵衝射賊始退却馬步

聖朝聖訓卷三十三

五

官兵奮力趕追沿途斃賊百餘人餘賊向儀隴觀音河逃逸維時臣德楞泰正督率賽沖阿馬瑜侍衛富僧德達兩精阿慶昌副將達自祥泰將唐玉龍等由梨山場趕抵觀音河當即迎頭截斃賊二百餘人將賊眾截為二段前後亂竄溫春等帶兵向玉青山追趕臣德楞泰督率大隊向官陞寨緊追遙見分有一股約百餘人

遁入寨下深溝當令侍衛達勒精阿慶昌遊擊馬文斌帶兵進溝查此溝祇有上寨一線之路寨勇用礮轟擊不敢直前我兵由溝內直入生擒楊昌壽等二十七名其餘賊匪一百十三名盡數殄戮據楊昌壽等指稱首逆齊國謨已被殺死當即割取首級呈驗至臣德楞泰與溫春等追躡兩股賊匪至高山旺地方仍合為一路

聖朝聖訓卷三十三

六

我兵協力圍圍箭射矛戳立斃賊匪四百餘名生擒藍號李炳之子李朝坤賊營內稱少元帥白號偽總兵王得江陳文及楊開第之師余國明副元帥馮中謙並旗首冉添福岳興才米勒王仕恒探馬頭蘭鳳林尹廷華楊昌年餘匪卽萃並難民趙惟芳張袁氏等八百三名口搶獲鎗矛器械馬騾甚多至首逆楊開第被官兵於

觀音河截斷祇帶百餘人向栢林場潛逃適臣

勒保先派阿哈保薛大烈帶兵追來該匪等一

見又復折竄我兵盡力窮追殺斃六十餘名生

擒王匡士等四十五名該犯等僉稱楊開第先

受箭傷繼被眾兵亂矛戮斃當於各屍內指認

確實剖取首級呈獻臣勒保並令熊魁元等逐

一辨認皆稱實係楊元帥無疑臣勒保隨即督

兵趕至臣德楞泰軍營會同查訊兩路官兵現

獲各犯僉供此起匪眾係藍號之李炳陳朝觀

白號之楊開第顏勝可張世龍魏棒棒黃號之

齊國謨等股兩月來總在南江廣元寧羌沔縣

等州縣邊境山林遊奕因陝西地道官兵防禦

不能竄去川東川北圍寨嚴緊無可撓掠想

要聚集各股人眾渡過嘉陵江到川西壩過年陸

續其湊有八千餘人探聞臣等兩路官兵均在

太平邊界已過陝西境內只有七十五在廣元

一帶駐劄各首逆相商若由廣昭一帶竄渡恐

七十五帶兵追截莫若分出李炳楊開第顏勝

可魏棒棒齊國謨等五千餘人直奔川東仍向

定遠合州一帶過江陳朝觀張世龍帶領三千

餘人暫在廣元寧羌邊界往來牽制迨七十五

知有大夥東奔帶兵追趕陳朝觀等即乘間或

渡白水河或過嘉陵江使其兩處不能兼顧不

料行至安仁溪忽有大兵到來攔住截殺次日

逃在儀隴境內又被官兵分路衝殺通其損傷

三四千人今所剩不過千名楊開第齊國謨兩

人首級我們已經認驗屬實至李炳顏勝可魏

棒棒等只帶數百人先走其餘零星散竄想不

欽定剿平三省邪匪方略 正編卷二二三

是躲進老山仍是歸入陳朝觀駁內等語當將

熊魁元李朝坤大小賊目十八名全行戮割示

衆又襄陽老教匪朱雨等一百七十五名從賊

日久之何有玉等五百六十三名即行正法被

脅難民趙惟芳張袁氏等九百零二名口其中

陝甘人甚多均交總理道嚴士鉉石作瑞酌發

銀米就近發交地方官給票遣令回籍安插

聖朝聖德編卷三

九

等伏查齊王氏餘黨係伊姪齊國謨爲帥楊開

第自伊兄楊開甲被戮後即自立爲帥總在川

陝邊界往來滋擾均係著名首逆日久稽誅今

幸仰仗

天威連斃二逆實足以快人心而彰

國法現據探報李炳等餘匪向恩陽河會口兩處

分竄臣等亦即督兵馳往追剿務將此起敗殘

餘孽并力殲除再行籌剿南廣邊境之賊並知

會七十五即在廣元一帶顧住江岸將賊截赴

南巴境內以便臣等儘力剿辦可冀尅期蕪事

此次兩路打仗兵勇僅傷亡數人另行咨部

德楞泰勒保又奏言臣等欽奉

諭旨飭令將辦理川省軍務究竟年內是否可以蕪

功之處據實速奏伏念臣等沐

聖朝聖德編卷三

十

恩昇以剿賊重任日久未能蕪事實無顏仰對

聖慈前因川境腹地肅清而陝楚竄匪均遁入邊境

老林若不設法兜回斷無株守邊隘待賊竄川

再行剿辦之理是以商定臣德楞泰帶兵赴川

陝邊界逼賊向西臣勒保即在山外截擊斷不

敢稍存畛域之見僅以驅出川境爲了事今因

楊開第等各股竄匪分竄欲竄過江當即分投

兜截斬獲三四千人大獲勝仗并將首逆楊開

第齊國謨鐵斃事機極為順利祇有李炳等

殘餘匪向北折竄現在分路追躡可冀剋日殲

除至陳朝觀等股尙在廣元境內現催七十五

上緊剿辦縱未能立時辦完必當遏賊竄陝逼

令東來庶剿辦更易為得力就目下川省軍情

而論將此數股餘匪趕緊辦竣年內原可肅清

製看邪匪彙編卷三十一

但川楚陝三省同辦一事縱使川省無賊而陝

楚境內或未一律蕩平均係等未竟之事是

以等會商原盼陝楚之賊全數入川可冀併

力痛剿若此後陝楚之賊竟不竄來則祇有此

川北境內賊匪等務於年內趕辦全完將邊

隘事宜會商料理妥當勒保與七十五只可

在本省剿堵德楞泰即移師入陝會同額勒

登保合力辦理斷不敢稍有因循自取咎戾至

節次打仗所獲被擄民人甚多等仰體

聖主如天好生之德各給銀米路票省釋均係隨營

道員嚴士銓石作瑞二人督同委員審訊明確

每起各給

盛世良民黃旗一面派令妥弁管押赴附近州縣

交地方官查明籍貫逐程遞送回籍各州縣均

製看邪匪彙編卷三十一

有經過收管報案冊籍可查到籍後俱令查照

勒保前在經畧任內奏定章程妥為安頓據

等愚見川省辦理安撫之策似已周妥縱或

有一二匪徒自行割去髮辮假充難民詭騙路

票到手又復潛逃或回籍後仍復習教滋事者

均經通飭各州縣隨時查拏業經嚴辦數起現

各畏法相安其中別無難辦之處轉不必多立

科條致生疑懼 臣 勒保惟當欽遵迭奉

諭旨督率妥辦務期撫輯得宜上紓

慈厪均奏入

上命軍機大臣傳諭德楞額保曰楊開第齊國謨

在川陝邊界往來滋擾日久稽誅今經德楞額勒

保督率官兵分路截殺先後共殺賊二千餘名生

擒七八百名截戮首逆楊開第齊國謨並擒獲偽

勦平番匪案卷

七

總兵先鋒賊目多名所辦甚屬可嘉前因德楞額

勒保將黃白藍綠四號之賊縱令竄陝是以降旨

將德楞額降為一等男勒保降為四品頂戴以示

薄懲今德楞額等擊剿川北境內各股竄匪大獲

勝仗殲厥渠魁德楞額著加恩賞給三等子勒保

賞給三品頂戴并各賞御書福字一個普逆春禧

所有打仗奮勇之阿哈保薛大烈永富俱著交部

議敘侍衛蘇爾伸帶索倫兵數名衝入賊隊射死

馬賊十數名身受矛傷甚為出力著德楞額等查

明蘇爾伸如係二三等侍衛即著陞一等示獎如

已係頭等侍衛即著奏明交部議敘至川省竄匪

經此番痛剿勢已潰敗為數無多德楞額本係叅

贊應即遵照前旨速赴陝楚剿賊其應赴何路朕

亦不為懸定德楞額威名素著且川省大獲勝仗

勦平番匪案卷

七

各處賊匪自必聞風喪膽德楞額惟當察探賊情

何處緊要即赴何處奮力剿辦迅奏捷音更應懋

賞其川省剿剩餘匪即交勒保與七十五等併力

搜捕務須乘賊匪潰敗迅速肅除一俟川匪剿淨

勒保即籌辦善後事宜並督率將弁仍在邊界嚴

防不必以越境兜擊他處賊匪為事但有竄入邊

界之賊勒保惟當督率官兵實力剿殺即於川境

游竣勿任賊匪復行他竄

同日吳熊光奏言竊臣接據西路探報陝省江

北冉樊各股賊匪經大兵分路疊剿該匪等台

併一處向東奔竄昨經大兵在冷水河等處復

痛加剿殺該匪等舍命狂奔竄近大山岔一帶

等語臣查鎮安山陽等處業經額勒登保飭派

綸布春等帶兵馳赴各該處遏其東竄之路并

欽定剿平三省邪匪方略 正編卷二二三

聞額勒登保統領大兵由子午峪前赴商州擱

頭截剿所有豫省盧浙等處各隘口從前安設

官兵並未抽撤節經臣札飭該鎮將等照舊嚴

防似可不至蔓延但商鎮一帶崇山峻嶺路徑

紛歧該匪等詭詐異常誠恐大兵截急鋌而走

險且臣駐紮省城距邊境遙遠一切調度未能

迅速臣自應親往盧氏地方就近督防以昭慎

重再漢南平利一帶尚有賊股在彼游奕即襄

江岸臣亦已疊札臬司完顏岱等加意嚴防不

敢稍涉大意奏入

上命軍機大臣傳諭吳熊光曰陝省江北冉樊各股

賊匪經大兵分路疊剿向東竄近大山岔一帶吳

熊光以河南省城距邊界遙遠調度未能迅速即

親往盧氏地方就近督防以昭慎重所見甚是現

欽定剿平三省邪匪方略 正編卷二二三

在額勒登保已帶兵由大峪口子午峪繞赴藍田

商州一帶遏賊匪東竄之路想賊匪自不能再竄

商雒但商鎮一帶路徑紛歧賊匪詭詐異常難保

其不鋌而走險吳熊光仍當嚴飭常林田永桐等

於盧浙各隘口督率兵勇實力嚴防為要此時額

勒登保迎頭截剿諒已得有勝仗該處距京稍遠

吳熊光如探有虛信即一面迅速奏聞以慰廑注

至漢南平利一帶尚有賊股在彼遊奕而徐添德
一股昨據倭什布奏已竄入楚境該省卽襄一帶
江岸與豫省毗連亦關緊要吳熊光務須飭令完
顏岱留心偵緝加意嚴防不可稍涉大意

同日

上命軍機大臣傳諭陝甘四川湖北各督撫曰各路
軍營剿辦教匪已閱五年之久迄今尙未肅事節

《聖朝實錄卷三十三

七

經降旨諭令各該督撫等務須督飭員弁實力堵
禦以便大兵出擊可期得力乃近日各股賊匪仍
前往來奔竄所謂堵禦者安在試思此等匪徒皆
係內地亂民經朕派有經畧叅贊及領隊大臣等
分路帶兵剿賊之事固其專責而各該督撫等身
任封圻於此等亂民寧不應同心併力各按地方
形勢扼要攔截若既不能督兵剿擊而於險要地

方又全仗統兵大員代爲防堵則各省邊境道路
紛歧豈能處處守禦嚴密賊匪出彼入此輾轉奔
逃必至官兵跟蹤追擊日形疲乏軍務何時始能
完竣卽如陝省地方前據該督等奏賊氛已遠南
山實已肅清未幾而川省各股賊匪又復紛紛闌
入湖北則於徐添德竄近楚境時尙稱二竹雖有
邊卡分兵堵禦並無大員督率爲臨渴掘井之計

《聖朝實錄卷三十三

八

卽四川築堡圍練較陝楚稍爲認真而黃白藍線
之賊由川竄楚後復經折回假道竄陝高馬等逆
田甘竄川復由川竄回甘陝各該督撫於堵之一
字竟屬有名無實不過以辦理糧餉藉口塞責似
此怠玩因循以剿堵之事俱諉之統兵大員而置
地方民生於膜視又安用此封疆大吏爲耶特此
再行申諭各該督撫等務須各知愧勵不但賊蹤

竄近之處必須督率兵勇實力防堵卽無賊處所
凡遇賊蹤往來熟徑亦當預爲籌畫飭令文武員
弁率勇嚴防自爲捍衛以期賊勢日就窮蹙兵力
可施倘仍前玩愒或於無賊處所退避不前僅行
文各地方官令其分投防堵仍以空言了事致賊
勢復成散漫剿捕不能得力則惟該督撫是問恐
不能當其罪也

欽定剿平三省邪匪方略

九

初十日庚午姜晟奏言臣欽奉

諭旨令將散出難民作何安插之處據實覆奏伏念
臣於本年二月甫抵襄陽卽以賊匪頻年滋擾
隨處裹脅必須招集流離始足散其黨與當經
仰體

聖主如天之德刊刷告示條約於賊竄必經之處遍
行張貼並札飭各府州縣於卡隘村鎮處所懸

旗設廠廣爲收撫并籌及就撫民人使其棲止
有所口食有資其籍隸遠方者酌給盤費妥爲
護送到籍之日或清查產業給還或分別量爲
安插嚴禁吏胥保甲人等欺凌恐嚇一切議定
章程均節次移知本省軍營並附摺奏

聞在案數月以來臣查本年安襄鄖荆四府州屬邑

內經賊匪竄擾處所居民大半俱已修築堡寨

欽定剿平三省邪匪方略

十

互相保聚且聞風遠避均知預備周防不致輒
遭裹掠至軍營臨陣投出難民止稱隨時訊釋
給照回籍而每次投出人數究有若干係何州
縣民人從未據分晰知會辦理臣現復遵

旨咨令倭什布長齡明亮等嗣後凡遇散出民人如
爲數無多卽從軍營遣回務當由翼長或糧員
點明人數開出住址詳晰移知以便轉飭各原

籍地方遵照收撫其人較多者應即照告示條例送交地方官查明安送回籍庶於體卹之中仍寓詳慎稽核之道奏入報

聞

十二日庚申額勒登保奏言竊臣於初一日由秦

嶺出子午峪山深林密冰雪載途抵大峪口道

路南就平行遂令楊遇春穆克登布挑健壯馬

▲聖訓彙編卷五

三

步兵儻程先進臣率同札克塔爾亦加緊行走

沿途探得賊匪仍分為兩股先後逃竄於上月

二十九三十等日竄至大山岔沙坪等處逼近

孝義廳該處城垣業已修築完固當經該署廳

孫樹率領兵勇等堵擊斃賊二十餘名賊匪未

能北竄折向東南走鎮安之舊縣關至山陽境

內初四日楊遇春穆克登布等所帶之兵追抵

商州據報前股冉學勝賊匪約有二千餘人於

初二日竄至山陽之九里坪次日竄牛耳川并

有探馬數十人徑至山陽城邊該令等在城施

放鎗礮賊匪未敢停留即由縣東出高壩店竹

林關一帶奔逸等情臣查得距商州一百數十

里之龍駒寨係赴豫要路往東可以抄出賊前

即飛飭楊遇春穆克登布等帶兵急由鵬林舖

▲聖訓彙編卷五

三

赴龍駒寨攔截冉學勝股匪初五日臣帶同札

克塔爾等亦抵商州偵探後股樊人傑王士虎

冉添士等逆共有三四人初四日從色和舖

峒峪口西溝有奔黑山向東之勢山路紛歧臣

一面帶兵在商州控扼一面即令札克塔爾乘

吉斯塔爾帶領馬步兵由金嶺川趕往黑山

截剿詎該匪聞有官兵連夜由馬家山復向西

南折竄又接楊遇春等具報由龍駒寨進發之後現已抵商雒鎮查冉學勝股匪已竄至上門一帶若該匪直趨豫境我兵已扼其前若旁竄楚境則我兵亦可顧及並查臣前經派往之綸布春汪啟等連日帶兵由鎮安躡蹤而進初五日已過山陽刻計可與楊遇春等兩路並擊臣復嚴飭該提鎮等務須緊顧豫楚在商雒邊界將冉學勝股匪併力掃淨至臣與札克塔爾雖已將樊人傑等匪截向西南而該匪等詭詐多端我兵一經追剿該匪若仍由別路東繞商雒與冉學勝股匪合竄轉恐恃其人眾任意衝突臣今於商州之東龍山暫紮察探兩路賊蹤相機策應如楊遇春等日內將冉學勝賊股掃滅我兵聲威愈壯倘賊剿後尚有零星餘匪亦令

聖祖聖訓卷三十三

三

逼向西南與臣自東而西併力趕剿逆等股自易得手此次各該匪晝夜東奔幸臣帶兵由子午峪藍田等處倍道西來分路兜截該匪等未得竄入豫楚臣惟有隨時酌度情形趕緊辦理以慰臣聖心廛注

額勒登保又奏言查教匪狂悖已甚據擊獲活賊僉供該匪等奸謀將鄉村掠盡城池自破并於深山疲我兵力實堪髮指臣本意欲逼賊全歸川陝之交聚而剿洗日前漸有歸宿不料又致變更該匪等傳言以河南為天下之中注意在彼又賊眾半屬鹽梟私鑄之流欲返故處蓄心又在湖北臣查現竄江北數股賊匪我軍分路兜截刻冀剿滅倘或未得辦盡仍逼過漢南

聖祖聖訓卷三十三

三

北岸肅清除將漢南之兵分撤厚集江岸嚴密堵截外大兵分路無論何股竭力跟剿向東南逼進務將各匪盡數驅於西鄉紫陽安康平利太平界內各該縣境俱係層山疊嶺密菁深林此時該匪一入西紫太平勢必於山林蔽匿一面飛咨川省於大寧開縣交界之所厚集兵勇設卡堵截并囑德楞秦帶川省重兵從界嶺之

《聖朝實錄卷五十五》

三

南由通太以西向東北而進陝省之兵由南鄭西鄉向東逼剿彼此併力趕辦卽一時不能掃除該匪不能逞其狂竄伎倆必困於山林之中亦屬易於辦理若於地勢急切不能得手我兵緊顧西南相機逼剿該匪既無食可掠不能久匿老林自必從東竄出令楚省竭力堵禦則川陝之兵列隊而進可收夾擊之效倘楚省路徑

叢雜無險可扼竟將該省兵勇撤歸荆襄大道各城并防江岸川陝之兵隨後緊躡追剿一面在剿兵之後趕修寨堡安設卡隘兵勇聯絡互相守禦總不使之折竄我兵步步逼進彼處三面濱臨大江不但不慮其蔓延定可一鼓掃蕩如此辦理較之散漫川陝終無收束者似較妥善夫兵貴神速

《聖朝實錄卷五十五》

三

聖心之盼掇孔殷臣身任經畧自應晝夜趕緊辦理惟是用兵已至五六年之久逐日奔馳刻無寧息壯勇者亦形羸弱法令所到能責以力之所不能強以情之所不能卽如賊匪分股奔逃我兵不得不分路跟剿一遇追逐甚緊未嘗不償程至一百數十里與賊相遇或斬其頭目或併獲淨其餘黨亦所間有而要非可必有時鍋

帳纔到方期駐營食息之時賊又往往乘夜潛
逃分而或合甚至伺我疲乏乘間劫營抄前斷
後我兵一經喫虧非一兩旬整頓不能復振情
事不一臣思維再四舊兵雖有疲乏究多熟練
續調補額之兵初到時亦覺奮迅登山涉水不
旋踵而亦形勞頓與舊者無二現在師行只有
漸漸逼賊一處再行緊辦又前此到處設防以
冀搗賊去蹤便於痛剿乃所設營卡疊遭衝突
治罪疊疊再三申令總以地方遼闊兵數單薄
前後左右難於兼顧竟鮮實效今擬將各處防
堵之兵除防江外悉行調撥入於現有剿兵之
內一體分隊圍偏但指定方向而前不必以速
遇賊匪日日交鋒爲事每日行程不過五六十
里如與賊相近原可整旅併力出擊賊匪敗遁

聖朝聖德

幸

亦可乘勝兼程剿滅如另股較遠又當相機再
逼似此我兵可以蓄養精銳糧運可無缺乏卽
馬匹亦不至倒斃過甚迨至賊匪盡歸一處四
面兵力俱厚自能設法一鼓掃蕩若剿堵兵力
不敷之處各州縣向會募有鄉勇又有團練倘
大兵至某州某縣剿賊卽將該處鄉勇團練壯
健者挑選一二千名隨同協剿過境仍留本處
防堵則該勇熟悉地勢我軍既得其力而該勇
漸知紀律回至本處堵禦亦可有爲再防兵旣
撤賊匪一無阻隔亦尙非萬全之策有如堅壁
清野實爲制賊要著現在川省寨堡結實民心
急公故賊匪不敢深入滋擾此其明驗而陝楚
兩省向會結寨甚屬寥寥是以賊匪東遁西逃
仍有人可處有食可掠而堡寨所以不能辦齊

剿至

天

之故又以賊之倏去倏來躲避不暇遷延耽擱
 今大兵分別排進兵過賊盡凡川陝楚邊界擇
 地悉可結寨團勇倘各邊界深入數百里之間
 層層俱有寨堡則民間共有蔽護收割之糧食
 悉歸存貯別無遺留設或賊匪逸至數百里之
 內無可擄掠即不能存活又焉能遠越他處地
 方官且可於各寨堡豫行運貯糧石以備官兵
 猝入剿賊支給之用賊則饑餓難行官兵則飽
 騰可戰寧有不克捷之理第查各該省通行結
 寨團勇非有專員督率勸導難期迅速此時用
 兵省分本任州縣均有應辦運送糧石軍火地
 方等事不及分身料理各該省雖有候補試用
 人員可以差委而甫經到來未曾得缺又資斧
 拮据竊思隣省及南方省分當

國家有事之際官員亦應分任其勞應請每省酌
 撥在任已久之道各一員府州縣等官數員前
 來分派川陝楚三省分段次第專辦既用各該
 員之材兼用各該員之力其結寨之處或用木
 竹或用土石隨其地之所宜給以鎗礮刀矛藥
 丸用資捍衛官員時以大義勸導民雖至愚亦
 無不顧其性命樂於從事但使辦之得法不數
 月可以全成如蒙

俞允應令各督撫轉飭各該員由驛速來毋許逗遛
 該員等到來數月之內分辦完竣實心出力者
 臣必會同此間督撫保薦陞擢或竟不認真辦
 理即予嚴叅治罪均於辦竣之日即行各歸本
 任

額勒登保又奏言竊 臣 欽奉

諭旨飭查恒瑞現在何處堵剿賊匪查恒瑞久歷戎

行節年因賊匪滋擾於一切防剿等事躬親督

辦亦屬認真惟從本年四五月間患病後以年

近六旬又未得加意調治時發時止總未復元

臣前在西鄉境內與之會晤見其精力難以支

持氣體實屬瘦弱臣亦曾為籌計恒瑞以受

恩深重惟思方圖報効不肯離營現在西鄉鍾家溝

製着... 卷三

堵截賊匪亦甚嚴密茲蒙

聖主特加垂詢臣竊念當此軍務緊急之際恒瑞自

未嘗稍即安閒但其疾病纏綿究屬不便查西

安為省垣重地臣近在子午峪見副都統祥保

文弼詢知存營滿兵尚有一千餘名祥保文弼

於一切操防事宜自能料理裕如而積年用兵

調派官兵以及撥用馬匹在在均須整理且西

安相距南山不遠賊匪出沒無定一時如須帶

兵堵擊祥保文弼到任未久究恐不能熟諳若

有恒瑞回至西安率同經理更為妥協臣今擬

以恒瑞所帶直隸等省綠營官兵悉歸慶成統

領所有隨帶西安滿兵二百餘名查有原任副

都統降為佐領之和興額舊係西安駐防官員

於滿營事宜熟悉應將此項滿兵即交和興額

製着... 卷三

管帶隨同長麟慶成等堵剿恒瑞尚有所帶西

安軍標兵五百餘名隨在既久恒瑞即可帶回

西安歸伍操防更可節省鹽糧而恒瑞在省藉

以將息病體且與祥保文弼等商辦一切於滿

營益見整飭其南山各峪口外以西為盤屋廓

鄂東南為藍田商州均不過二三百里之隔皆

係平原設遇剿潰等匪竄近峪外恒瑞就近直

可與祥保文弼三人商酌分帶馬步精兵出而
 截擊以顧平原更得放心剿賊再查止月十四
 日穆克登布帶兵在四畝地一帶與賊接仗留
 守營盤之兵只二百餘名賊匪分股衝撲營盤
 遊擊周國平始原率兵力禦後實因兵少賊多
 牆壕未能堅固夫役人等先行驚散以致賊匪
 撲近營卡周國平力不能支與各兵奮力突圍
 而出臣細加查訪周國平尚無畏慮豫先退避
 情事但紀律所在周國平未能顧住營盤罪無
 可辭是以臣昨於該遊擊到營之時當即摘去
 翎頂重責宣丁各營知悉今蒙

皇上訓諭謹詳晰奏明仰懇

聖恩將周國平革職留於軍營仍令奮勉自贖嗣後

果能愧奮出力臣即奏請降等補用若再有貽

悞奏明即行正法再臣更有請者用兵日久各
 將領備弁中始終奮勉者實不乏人而始勤終
 惰者亦所時有且其中更有憚於久役以革職
 為可置身事外者當此用人之際如遇此等官
 員若竟行參革一時熟諳之員既不多得且轉
 遂其苟且偷安之私意嗣後除有玩悞失機情
 罪較重者仍行按律定擬參奏嚴辦外其有過
 出有因尚可輕貸者臣即責懲示儆或摘去翎
 頂或降等補用核其情罪辦理責令自贖若能
 愧奮出力再行奏請陞賞如仍不出力復有延
 玩則是怙過不悛亦無可愛惜輕則革職永不
 敘用重則奏明即於軍前正法如此分別懲治
 各該員自無不咸知儆懼均奏入

上命軍機大臣傳諭額勒登保曰此次額勒登保率

聖恩將周國平革職留於軍營仍令奮勉自贖嗣後

皇上訓諭謹詳晰奏明仰懇

聖恩將周國平革職留於軍營仍令奮勉自贖嗣後

皇上訓諭謹詳晰奏明仰懇

聖恩將周國平革職留於軍營仍令奮勉自贖嗣後

同札克塔爾將樊人傑一股賊匪截向西南未令
北竄而冉學勝股匪現經綸布春汪啟等由鎮安
躡蹤而進額勒登保飭令該提鎮等在商雒邊界
併力截剿若能將冉學勝一股殄滅卽有零星餘
匪亦可遁回西南與額勒登保合力趕剿自易得
手務須努力迅速辦理毋稍遲緩至所稱將各股
賊匪逼歸楚境荆襄地方三面濱臨大江定可一

欽定剿平三省邪匪方略

正編卷二二三

鼓掃蕩一節所見非是斷不可行宜昌荆襄漢陽
等處寬廣數千餘里多係繁庶之區若令各股賊
匪由二竹一帶悉行竄往則沿途蹂躪戕害生靈
裹脅日衆賊勢必至鴟張卽有大江亦不能阻隔
焉有讓賊以完善地方再圖逼剿之理又所稱請
令各省道府州縣等官分派數員至川陝楚三省
協辦結寨團勇事宜亦屬非是該員等從他省調

欽定剿平三省邪匪方略 正編卷二二三

往於該處道路民情豈能熟諳必至呼應不靈徒
勞無益况大功將屆垂成復向各省紛紛檄調亦
非尅期可到實不成政體此等團勇守禦事宜本
屬川陝楚三省地方官之責節經降旨令該督撫
各飭所屬認真辦理所有節次發往陝省効用道
府人員已屬不少卽尙不敷差遣額勒登保亦當
與長麟等商酌具奏朕不難再行簡發至築堡一

欽定剿平三省邪匪方略

正編卷二二三

事川省辦理最爲認真本係官與民共任其事若
陝省民心不一原不能強以所難且斷非一兩月
所能猝辦之事朕盼望歲功日深焦切豈能坐待
築堡曠日持久乎額勒登保初意欲逼賊全歸川
陝邊界以便聚而殲洗所見甚是不可因目前賊
勢稍覺散漫輒思改弦更張漫無把握額勒登保
務當堅持本意先將漢江以北冉樊等逆剿辦淨

五六五

盡卽萬不得已亦當逼過南岸與高馬等逆驅令入川易於集事斷不可令賊竄往楚豫現已令德楞泰帶兵來陝額勒登保更可與之會合夾擊昨據德楞泰等奏殲斃首逆楊開第齊國謨共賊擒賊匪三四千人大獲勝仗而額勒登保自到漢北以後何以未能痛殲賊匪卽本日所奏亦不過分派截剿情形總覺遲緩現距釋服之期不過三月朕盼望歲事日甚一日總期賊匪早就蕩平則百姓早免一日荼毒而朕心亦稍安現在賊匪既不可用撫額勒登保惟當以剿爲主認真辦賊將各匪層層緊逼奮勇剿殺以期迅速集事不在議論紛更徒爲紙上空談也至所稱各處設防兵勇除江防外悉行調撥入於現有剿兵之內一體分隊圍備一節事屬可行此項兵勇以防堵爲名而賊

來仍不能截住剿殺且在無賊處所終年株守徒費廩給甚屬無謂額勒登保自當隨地調用多得剿兵並可免長途追逐之勞更爲有益再所奏請令恒瑞回至西安一摺恒瑞患病後氣體尙弱未能在營打仗自應准其回至西安藉資彈壓除恒瑞原帶軍標兵五百名令其帶回歸伍操防外其餘綠營官兵並西安滿兵額勒登保現已分交慶成等統領剿捕所辦甚是至遊擊周國平既無畏蕙退避情事著照所請將周國平革職留於軍營効力贖罪此外在營各員如有不肯出力者著額勒登保查明據實奏倘核其情罪過重必須按律定擬正法以肅軍紀朕必准所請斷不稍從寬貸也

欽定剿平三省邪匪方略正編卷二百二十四

庚申年

十二月十三日辛酉陸有仁奏言伏查西鄉江岸

自前月冉學勝樊人傑等兩股由瓦脊溝茶鎮

竄過之後此外並無另有過江之賊即如高二

馬五等股賊匪前由紫陽竄入石泉在沿江梅

湖柳溪一帶窺伺總兵劉之仁擊退後即竄至

西鄉之老漁壩江岸慶成帶兵趕到以少擊眾

欽定剿平三省邪匪方略正編卷二百二十四

大獲勝仗賊即向南奔竄又川匪一股竄至南

鄭廟壩欲圖乘間過江經長麟督同副將蕭福

祿等截擊復被該處守卡義勇放鎗滾石協同

剿殺賊即竄回南江臣當將義勇等獎賞鼓勵

近日祇有此兩股賊匪窺伺江岸俱經逼回並

未令其竄過江北額勒登保前奏西鄉漁壩街

竄過一股自即係樊人傑冉添元等緣茶鎮江

岸綿長漁壩街係小地名惟臣與長麟等所奏

皆係茶鎮而額勒登保據石泉稟報具奏又稱

漁壩街地名似屬兩歧其實祇此一股該處係

總兵關騰防守業經長麟等奏請革職至冉學

勝一股於前月二十四等日竄至棧道高橋

舖等處十八九等日據報綸布春汪啟等帶兵

由廢邱關一帶截剿賊即折回仍由留壩江口

欽定剿平三省邪匪方略正編卷二百二十四

東竄並未擾及甘境又前據西鄉縣稟報德楞

泰賽冲阿由太平帶兵追賊已至西鄉之仁村

一帶臣當即派委糧員攜帶餉銀馳往供支嗣

又准長麟知會接德楞泰來信已由西鄉移至

廣元擬即移師來陝剿賊臣復派員在寧羌一

路伺備近據探報德楞泰等因南江巴州一帶

尚有賊匪業由廣元折回剿辦尙不能即來陝

省等因此前後據報之實在情形也連日又據探報再學勝樊人傑等兩股賊匪在寧陝地方會合奔竄經楊遇春帶兵於喬家溝口截擊殺獲二三百名散出難民六七十名俱係被裹未久有家可歸之人當經酌給路票盤費派役護送寧家賊被官兵截為兩股一股折回寧陝之金雞河一股竄至孝義廳屬之沙坪一帶逼近廳城東南可通鎮安北面可翻秦嶺出大峪口又盤屋虎豹河一帶亦有賊匪滋擾該處距黑水峪等處甚近或係冉樊二逆分股或即係伍懷志股匪據報未甚明確現在飭查經畧額勒登保督同楊遇春綸布春汪啟穆克登布胡定泰等由五郎江口一帶取道進剿得信較近自已隨地分兵截剿如能統出賊前由東北逼至

西南辦理自易得手又東路青號賊匪徐添德及黃號股匪在平利孟石嶺一帶竄合總兵喜明馬玉魁藩司溫承惠等追至石紫河將賊截為兩段黃號一股潰入文彩溝青號一股尙存一千數百人竄入楚省邊界之漆扒地方溫承惠等現在分投截剿又安康滔河據報尙有龍紹周苟文明等股賊匪滋擾臣現已咨行喜明馬玉魁溫承惠等酌量分兵兼顧庶不致日久蔓延此時各路官兵分投馳剿所需糧餉隨處均應接濟臣惟有於趕緊籌運之中時時覈實樽節奏入

上命軍機大臣傳諭陸有仁曰陸有仁奏探報陝省各路剿賊情形與額勒登保長麟慶成等所奏畧畧相同至所稱德楞泰等因南江巴州一帶尙有

剿匪方略卷一百一十五

三

剿匪方略卷一百一十五

四

賊匪業由廣元折回剿辦一節昨據德榜奏勒保奏到殲斃首逆楊開第齊國謀並獲擒賊匪三四千人大獲勝仗想陸有仁尙未得信至陝省餉銀前已不待伊奏請又撥給銀五十萬兩支應軍需極爲寬裕倘明正陝省糧餉尙有應須接濟之處屆期自當預爲籌撥陸有仁不可因所發帑項充裕不加撙節致經手之員從中浮冒該撫總當隨時稽察爲要但辦理糧餉固係陸有仁專責而地方堵禦之事尤關緊要該撫身任封圻豈僅以籌辦餉項遂爲盡職卽如摺內咨行喜明馬玉魁溫承惠等酌量分兵兼顧一節喜明馬玉魁係派令帶兵之人陸有仁固當咨會剿辦尤應飭令所屬地方文武於各卡隘實力防堵以專責成且防堵一事節經降旨諭令該督撫一律妥辦現在川省

欽定剿平三省邪匪方略

五

辦理築堡團勇之事甚爲認真賊匪無從掠食不能入住是以接踵竄入陝省而陝省之防守不嚴亦可概見陸有仁尙當嚴飭各員悉力堵禦不得僅以遵照行文卽爲了事如陝省各股竄匪逼向西南或回川省或至甘境尙非該督撫之咎若不嚴密防範致賊匪向東北奔逸竄往楚豫甚至逸入西同鳳完善地方必將該督撫及地方疎縱各員嚴行治罪決不稍貸慎之

欽定剿平三省邪匪方略

六

同日倭什布奏言竊臣帶領竹谿之兵前赴官渡策應旋據探報徐逆由竹谿東南之蘿蔔灣至三去溝大小西河等處滋擾有北竄竹山之勢臣查竹山縣范繼昌捐創城池民俱復業附郭人烟稠密萬一被其蹂躪不成事體臣飛調派防官渡之副將吉林泰率兵趕回隨同迎剿

惟是賊情詭詐東南一路總屬可虞正慮兼顧
 為難於十二月初一日准長齡移知在交贊壩
 接獲勝仗大挫賊鋒高家營潰匪已向西奔並
 據孫清元知會高逆由樟村坪烟墩壩清陽河
 一帶逃竄現從金斗坪取道房縣抄擊是長齡
 明亮孫清元等之兵已從東來若遇徐逆東竄
 正可迎頭遏擊即飛致長齡等酌分兵力顧住
 東面臣率同吉林泰於初二日改由田家壩前
 進未刻行抵羊灘我兵正涉溪溝上山見有賊
 匪由西面山腰轉灣北竄路徑逼仄僅容一人
 上下均係陡險不能展布鎗礮亦難排放該匪
 等搖旗吶喊勢甚兇惡亦限地勢不敢壓撲吉
 林泰密令二竹練勇從後面爬上山梁臣即率
 馬步官兵躍溝遶至北面仰上施放鎗箭該匪

等拋擲石塊相持一時之久首領楊儒等同練
 勇十餘人已至山巔賊匪亦有從西面搶上俱
 經練勇擲石擊斃並推滾巨石下壓該匪等始
 行退走我兵逼過西面地勢稍寬該匪等拚命
 狂奔臣即派叅將烏爾卿額馬德舒遊擊蘇法
 那候補遊擊三福拉哩并叅領定柱等分帶馬
 步官兵隨同吉林泰追趕十餘里時已昏暮即
 行紮住訛據生擒賊匪程有才李亦供稱均係
 四川人掌櫃姓徐管事是張元帥前日從老林
 翻山過來不想百姓都已上寨無處擄食張元
 帥說此處離竹山不遠可分路前往城廂擄掠
 糧食就分一半人走東路一半從田家壩直奔
 縣城此間有七八百人兩個偽總兵帶領一姓
 任一姓梁俱不知名字還有一偽先鋒俞文志

適已滾跌崖下等語查該匪均係積賊當卽正法此次共斃賊匪七八十名臣查此股賊匪敗逃南竄必以我兵躡追正擬抄回迎頭截剿接據竹山縣范繼昌稟報探知賊匪現在秦口兩道河一帶滋擾探馬已至九里崗查秦口正在該縣之南離城僅八九十里臣隨於初三日趕抵霍河口查秦口迤東由羊子山大木廠可通均穀爲該匪熟逕如我兵南向秦口恐該匪已疾趨而東則成尾追之勢轉恐逼之深入正探賊蹤相機前進據房縣稟報高家營一股已從上龕北竄初一日擾至橫谷河與徐逆相隔不遠是日孫清元已抵房縣查此兩股賊匪必俱逼使西去方易辦理當卽飛移長齡孫清元明亮等分兵自南而北臣卽自北而南於陳家舖

聖朝聖德編卷九

欽定剿平三省邪匪方略 正編卷二二四

一帶攔其東竄大木廠等處之路適接長齡來字以糧餉急需接濟臣聞信甚爲焦急查糧餉行軍要需臣嚴催省襄鄖三局源源撥濟並因兵行無定往來深山頻多阻滯分飭各屬隨處探路運供前據保康縣楊開鏡稟報親身押糧解赴長齡等軍營並稱奉派差弁迎提解營餉銀先經襄局撥解赴卽嗣接另發傳牌由中途截回改道解至保康該縣楊開鏡探知長齡之兵由重馬二坪百福頭前進仍應由南漳一路解送以期迅速等情臣恐其輾轉稽延卽經飛移長齡孫清元飭知隨營糧員就近專差迎提並飭據南漳縣稟覆趕緊轉解今此項餉銀尙未解到自因長齡等率兵躡賊而西又致左誤現當剿辦喫緊之際誠如節奉

聖朝聖德編卷十

五七一

聖諭必使士馬飽騰方能得力查長齡明亮孫清元

之兵以次俱由房縣西向而高徐二逆勢將合

夥我兵不為牽綴可以并力聚殲正是極好機

會吉林泰自隨臣一載以來凡遇接仗無不衝

鋒克敵深得軍心足可獨當一面臣帶兵來往

後路催辦一切道路隔遠殊慮稽延已飭吉林

泰即帶現有之兵自北而南移會長齡等由南

而北以期夾擊集事臣暫駐竹山適中之地督

辦後路糧餉一俟解貯充裕再行酌量辦理此

次兵勇間有傷亡另容查明咨部

同日書麟奏言臣兼程行走沿途探聞賊匪情

形茲於十二月初七日行抵襄陽接據竹山縣

知縣范繼昌稟報高馬二股賊匪於十一月二

十三四等日由興山竄至東湖之廟垭一帶經

總兵孫清元統領兵練搶上廟垭將賊壓下追

至陳家坪約有賊匪數百突出抗拒兵勇連隊

擁進賊眾抵敵不住向交戰垭而逃兵勇正在

追剿突有伏賊千餘衝出以死抵敵兵勇即分

四路進發衝擊自辰至未追殺二三十里斃賊

五百餘名生擒百數十名逃出男婦難民無數

餘匪晝夜奔竄現已至房縣保康之柏木青陽

河一帶總兵孫清元帶領兵勇由房縣金斗坪

等處前進又探得徐添德一股屯聚竹谿之三

級垭該處與竹山房縣均屬連界恐致東竄現

經撫臣倭什布派撥兵練赴房竹交界之陳家

舖一帶攔截等情伏查竹山房縣均在竹谿之

東今經倭什布派撥兵勇前赴房竹交界攔截

自可無虞東竄臣現無兵可帶即趕赴房竹一

帶如遇官兵卽察看情形督率堵剿仍一面飛飭下游各營縣一體多募鄉勇嚴密防堵毋使竄擾再查襄陽軍需局應貯兵米已於十一月內運解無存續經藩司撥運荆門等處三千餘石及奉

旨截留漕米六萬石均尙未解到因思軍糧爲官兵

日食急需必應寬爲儲備庶源源接濟無虞匱

《聖朝聖訓彙編卷三》

三

乏且恐陝省官兵或因追躡賊匪前至楚省會

剿則兵糧卽應就近支給尤當預爲籌備楚省

撥解之米係溯流而上誠恐緩不濟急查有江

西省撥運陝省兵米一十萬石分作五批行走

其前四批米八萬石業由襄陽轉運前進現有

第五批米二萬石適到襄陽應於此內暫行借

留一萬石以備接濟其餘一萬石催令委員迅

速趕運前進在陝省已有陸續運到米九萬石

似不致卽虞缺乏而楚省得此一萬石實爲有

益臣一面飛行藩司將撥解荆州等處之米及

截留漕米迅速勒催趕運來襄俟貯米稍裕卽

將借留陝省之米委員運還不得遲誤

同日長齡奏言竊臣等於前月二十三日在東

湖交戰垵一帶將高二一股痛加殲洗該匪經

《聖朝聖訓彙編卷三》

四

此痛剿不敢東向仍折回西北由興山房縣山

僻小路狂奔臣會同明亮孫清元分道截剿正

擬乘勝殲除本月初三日起抵房縣馬攔口接

准倭什布知會徐添德一股於二十四日由竹

谿釘鈿溝竄入二十五日已至王家山等詔又

據房縣知縣稟報初三日已至房境之漳洛河

秦口一帶查該處直向東趨卽可下達均穀該

匪屢次竄擾楚省熟悉路徑一經竄過房境不特散漫難以收拾更屬不成事體自應先截其東竄之路又於初四日接據桃花山卡守備金鴻翮稟稱探得黃砮賊匪一股由陝省之化龍山一帶於二十七口由蓮花山竄入本境亦向東南而來等語又接兵勇探報高二一股已與竄來之二股合夥臣等熟為計議賊匪三股其勢稍重臣等現在帶領本省官兵及德楞泰前次派來山東雲貴官兵統計三千餘名隨於初五日統領卽由獅子巖迎頭截剿臣抵蒙古寺瞭探馬步賊匪四百餘名見有官兵卽折回奔逃臣等因其不拒而奔難保無設伏誘敵之奸計若就此追趕反虞疎漏必得分路進兵方可得手當令富翰塔津保托爾托保等帶領馬隊

分為三路臣長齡帶領侍衛常祿呢瑪善等為一路臣明亮帶領侍衛恒崑雙福等為一路臣孫清元帶領副將朱士奉王懋賞等為一路各自躡覓進剿行不數里各山坳伏匪紛紛突出竟敢抗拒臣長齡督率兵勇奮勇迎截立斃一百餘名眾匪毫無退怯前後左右蜂擁衝突極為克悍實為可恨正在相持之際臣明亮抄至賊匪之後臣孫清元從山梁下壓富翰等三路馬隊衝擊鎗箭並發立斃賊匪二百餘名兵勇乘勢圍剿復斃賊三百餘名生擒七十餘名搶獲旗幟騾馬器械不計其數該匪卽折回西北逃竄馬步各兵儘力追殺四十餘里直抵秦口時已向晚該處路徑紛歧難以窮追歸集各兵暫為紮住當將獲犯訊供據王楊等七十三名

供係青號掌櫃徐添德元帥張允壽前在陝省南坪茅家壩與官兵接仗逃至化龍山計議仍往楚省道路熟識容易掠食又據張尙力等供是黃號掌櫃樊人傑元帥張秦劉崔四姓不知名字前在平利一帶焚掠度日聽見青號一股從漆扒一帶已到湖北我們亦由化龍山繞至蓮花山跟著進來初三日在八寶溝趕上青號

製着匪黨編查書

七

合營又有高掌櫃一股亦在青號營內青號有二千餘人高掌櫃有一千餘人我們黃號有四五千人想由秦口奔三教堂大木廠入鄖陽府要想到均州穀城不料今日被官兵殺敗他們不知何往等供其餘牌頭戰手等三十三名久經打仗概行正法又王國清等四十名均係沿途被裹良民當卽給與路票釋回原籍查該匪

等歷次竄擾楚省蔓延最久此次復敢合夥而

來仰仗

天威得以迎頭痛剿不敢東向仍復西奔得免下竄均殺但各該匪俱係詭譎萬分趨向難定倭什布現在竹山已飛咨就近截剿_臣等探明跟蹤前進以期迅速蕺事此次打仗副將王懋賞副叅領富永吉林馬甲納蘇肯黑龍江馬甲伊里

製着匪黨編查書

六

善保均受矛傷兵勇間有損傷容俟查明咨部辦理均奏入

上命軍機大臣傳諭書麟倭什布長齡曰徐添德股匪在竹谿東南大小河等處滋擾有北竄竹山之勢倭什布率同副將吉林泰奮力截剿共殺賊七十八名並殲斃偽先鋒俞文志未令賊匪竄近竹山所辦尙好其高二一股現已據長齡奏到該逆

與青號徐添德黃號樊人傑偽元帥張泰劉桂四
姓合夥計圖竄往均穀經長齡與明亮孫清元由
獅子巖分路迎截殲賊五百餘各追殺四十餘里
直抵秦口賊匪仍復西奔不能下竄均穀所辦亦
好但高二徐添德兩股前經官兵剿殺人數已屬
無多今又有黃號闖入賊匪增添四五百人其勢
又未免鳴張尤應迅速搜捕倭什布已派吉林泰
帶領現有之兵自北而南現在長齡等探明賊蹤
跟躡前進正可兩面夾擊務須倍加奮勉乘賊匪
敗竄之際卽在楚省地方將三股竄匪併力殲除
若能迅擒首逆剿淨餘黨卽爲伊等之功必加優
賞如一時未能剿淨亦必將賊匪逼向西趨此時
已令德楞泰帶領大兵赴陝協剿正可迎頭截殺
乘勢合擊以期一鼓撲滅又據書麟奏於本月初

七日行抵襄陽探聞賊匪情形馳往會同剿辦其
軍營需用糧餉此時各路兵勇會齊合剿尤關緊
要所有餉項前據倭什布奏請添撥已照數撥給
銀六十萬兩自爲充裕至軍糧一項現據書麟奏
將江西運陝兵米截留一萬石並飛行藩司將撥
解荊州等處之米及截留漕米趕運來襄俟貯米
稍裕卽將借留陝省之米委員運還等語斟酌緩
急機宜通融籌畫所辦甚好且湖北中晚二稻據
倭什布奏收成其計七分有餘糧價自應平減軍
營應需糧石更可就近採買書麟務須與倭什布
悉心經理源源接濟俾得士飽馬騰一舉集事又
據長齡奏此次黃號賊匪據桃花山卡守備金鴻
翻稟報該匪由陝省之化龍山一帶於二十七日
由蓮花山竄入本境等語此一節應嚴行查辦楚

省邊界俱有派出弁員分投防堵何以竟任賊匪
闖入前此川匪竄渡漢江其守卡之員究因賊多
兵少力不能支並有禦賊陣亡者其咎尙屬可原
今該備金鴻副既駐紮桃花山何以於陝匪竄至
時並未見率勇堵截僅以一稟塞責著書麟查明
蓮花山接連楚境處所是否卽係該備金鴻副防
守汛地踈虞縱賊抑另有派防員弁一併據實嚴

聖朝聖訓卷之三

三

行參奏楚省防堵事宜向來廢弛貽誤書麟必須
大破情面力加整頓如該省文武有怠玩退避之
員皆當隨時叅劾一振委靡積習不可稍有姑息
如慮人不敷用卽行奏請揀選發往該督前在滇
省剿辦猘黑極爲迅速是以調用湖廣總督務將
一切剿堵事宜妥爲籌辦督飭所屬實力奉行惟
期將各股賊匪在楚境剿淨剋日成功佇膺懋賞

以副朕期望委任至意前此高二竄入楚境及徐
添德接續竄楚之處皆在書麟未經到任以前卽
現在黃號一股亦與伊無涉此後若再有他股賊
匪突入楚境書麟卽不能辭其責且高二馬五現
在平利一帶游奕難保其不接踵東竄書麟尤當
督飭弁員加意防範毋使乘間逸入爲要

十八日 丙寅

聖朝聖訓卷之三

三

上命軍機大臣傳諭額勒登保長麟陸有仁慶成曰
昨令軍機大臣訊問跟隨遣回吉林殘廢兵丁之
教匪子孫喜兒等據供賊匪裹脇之人並非甘心
順從恐被頭目殺害大家害怕不敢投出其所擄
婦女如遇官兵剿捕令其假扮男賊拒捕敗竄時
將不能行走者先行殺害各等語此種情形朕所
稔知自賊匪起事以來迄今五載焚燬村莊將搶

掠婦女幼孩隨地慘殺荼毒生靈實堪憫惻每念
及此寢食靡寧推原未能迅速蕺事之故總因賊
匪遇官兵剿敗後恃其熟悉路徑亡命逃竄使官
兵不能趕上而官兵每日奔馳卽精銳趨健者亦
必漸形疲乏不可不亟思改計此時各路征調官
兵不爲不多若復似此輾轉追逐卽使再行檄調
亦屬無益且所添者多係新兵更難得力朕思各
路派防兵丁於無賊之時與其空閒株守莫若令
原管將弁等隨時操練俾得嫻熟技藝悉成勁旅
並將可撤之防兵調令隨營征剿便可多得數路
剿兵一俟賊匪竄近卽令奮力迎敵跟蹤緊躡此
路追兵所不及之處又有他路接剿替換攻擊賊
匪自必救死不暇而官兵可以更番休息是防兵
皆可作剿兵之用使賊匪到處受敵我兵不致勞

乏於目前剿賊機宜自有裨益再賊匪伎倆總在
隨處裹掠雖經官兵痛加殲戮所剩無幾而潰敗
餘匪沿途逼脇難民不數日又成大股與未經剿
殺無異惟在地方百姓認真團勇築堡人自爲戩
保護室家多一自守之民卽少一脇從之賊近來
川省辦理此事最爲認真是以賊匪無從掠食不
能存住陝省卽間有一二處砌築堡寨而人心不
齊未能一律妥辦以致川匪接踵闖入雖該省百
姓未能如川民之富庶但小民亦具有身家豈有
任賊殘燬不思捍衛之理該督撫應勸諭居民以
賊匪擾及該處百姓等倘被裹脅則廬舍家室已
不能自保及官兵到時賊匪將裹脅之人迎前抗
拒我兵剿殺必致玉石不分何如悉力團勇築寨
俾賊來不能裹脅無從掠食百姓等均可自保身

家如有能殺賊立功之人必當奏明給予官職如
此剴切開導庶百姓等深知利害可收衆志成城
之效若云陝省民力稍艱亦當官爲設法豈可置
之不辦並著長齡等詳加訪察將陝省團勇築堡
應如何籌辦之處悉心妥議速行具奏總之地方
官實心出力則事半功倍矣

臣等謹案教匪之誘張爲幻也總在趨向無
定但於深山密林中枝竄疾馳不煩畏糧頓
宿之勞肆其擄人掠食之計官兵一經追蹙
卽健旅皆致疲困數年來伎倆益不越此我
皇上神謨遠燭以剿捕責之帶兵大員防堵責之地
方大吏且爲籌堅壁清野之策固已三令五
申

訓示周至茲因教匪子孫喜兒等跟隨兵丁過京

特命傳訊賊情知婦孺之多被慘殺

軫念生靈亟圖長策

諭令各路防兵隨時操演以作剿兵之用又以川省
團勇築堡有效令陝省實力倣行剴切勸諭
凡厥庶民各有身家其孰不爭先趨事奔走
禦侮以殲此羣醜哉

十九日丁卯德楞泰勒保奏言臣等前於渠縣之
安仁溪兩臺山並儀隴之走馬坪觀音河等處
兩次痛剿楊開第李炳顏勝可齊國謨魏棒棒
等各股賊匪殲斃首逆楊開第齊國謨並擒獲
賊匪三四千人李炳等率敗殘餘黨一千人向
巴州恩陽河折竄臣等於初一日探得賊匪分
爲兩股一由閬中之龍山一由巴州之南垓場
奔逃臣德楞泰取道魚溪過街樓等處追剿龍

山一路之賊初三日趕抵該處賊已西竄行走甚速隨取捷徑兼程趕在迎截初六日抄出餓子壩趕上賊尾該匪一見官兵亡命狂奔賽沖阿溫春阿穆勒塔色爾滾馬瑜等帶馬隊馳追殄斃步賊二百餘名生擒王貴等八十三名該逆等遂連夜翻山奔逃訊據王貴等供稱此股係李楊二逆餘黨李炳被剿情急有要進老山與另股合夥之語查獲賊王貴陳士禮等五十四名訊係老教戰手均卽正法其餘范祿等二十九名訊係新擄難民卽按名給發路票銀米遞回原籍妥爲安置臣德楞泰仍卽緊躡追剿勒保由晉口興龍場一路取道南埡場途次巴州之龍角寨登高寨據寨首杜國學楊宗聖等來營稟稱昨賊過山下經團勇截殺尾賊三

十一名拏獲活賊孫慶等十七名押解前來訊明俱係從賊日久逆匪均已一概正法寨首杜國學等已賞給銀牌面加獎勵旋由華溪寺趕至通江之烏林埡正值賊匪在山坳內炊飯阿哈保薛大烈永寧等帶領馬步官兵直前剿殺該匪等登時紛紛潰散當斃賊匪百餘名搜擒馮中坤各犯亦卽訊明辦理計兩路賊匪除疊次擒殄並沿途逃散外現在所剩不過六七百人旋探各逆狼狽已極日夜狂奔均至南江縣之乾溪合爲一股向平河北竄有入廣元寧羌老山之勢臣德楞泰於初九日趕至乾溪口勒保亦於是日由塘房壩前來兩路官兵會合遞接准提臣七十五來信廣元李家壩兩河口現有陝省竄來賊匪一股滋擾已派撥都司田

中桂帶兵五百名兼程前赴廣元與副將永寧
會同嚴堵又有一股賊匪在廣元銀磨壩一帶
屯聚約二三千人初二日分兵兩路進剿派侍
衛武隆阿營長傅森額等帶兵由乾龍洞左手
山梁出銀磨壩截其東北竄陝之路七十五督
同副將張良槐等帶兵由覽石壩截其西竄五
郎廟之路武隆阿傅森額等馳抵銀磨壩時雪
霧交作趕上賊匪立殺百餘名擒獲劉正等二
十九名追殺三十餘里賊向柘塢河竄走七十
五一路行至三溪寺卽有賊數百人前來當卽
督兵剿殺雲騎尉德克登額守備張君泰首先
衝入賊遂敗潰順溝奔上右手大山正在攻搶
間忽見柘塢河溝內突有賊匪抄來七十五督
率將弁兵勇分投力敵鎗箭齊發擊斃馬賊三

欽定剿平三省邪匪方略 正編卷三十一

各步賊十數名雪霧愈大山上之賊見溝內賊
至又復下壓守備張君泰把總張恩錫額外副
前鋒校倭仁額藍翎長阿林泰殺賊數名均力
戰陣亡適武隆阿追賊趕來併力剿殺賊卽敗
向茶店壩逃去其獲賊劉正向其才等五十二
名訊據劉正供稱此股賊匪元帥係辛聰約有
二千餘人由陝西七眼洞來川要在老山裡躲
兵不料又遇官兵打敗等語卽於訊明後分別
辦理惟雲騎尉德克登額受矛傷腿受石傷各
一處額外前鋒校廣太腿受石傷一處所有傷
亡兵勇俟查明另報等語查七十五所剿辛聰
賊股現竄廣元縣屬李家灣一帶又據探報李
炳等敗殘餘匪趕上辛聰等賊股業已合夥均
向趙家營一路逃去又探得廣元之鸞嘴巖亦

有賊匪滋擾據逃出難民張俊等供稱係張士龍阮正潮陳朝觀等合夥約有三四千人因陝西官兵卡緊不能過去又聽見楊開第等都被四川官兵殺斃不敢出山是以總在界上老林內藏匿各等語查各股賊匪先後向廣元寧羌邊界前竄如果各逆合夥正可聚而殲旃惟據川東文武稟報開縣雲陽一帶現有不知姓名賊股由大寧金竹坪竄來查川東一帶地方久已肅清是以臣等均在此西北剿辦川東實在空虛茲既有賊竄來若不分兵往剿勢恐蔓延臣等會同籌計臣勒保即自乾溪口帶兵折回徑赴川東探明賊蹤進剿臣德楞泰一面知會七十五由五郎廟三家壩一帶進兵迎截該匪等竄往西面江岸之路臣即親自帶兵入山

由平河野人村前進此一帶地方山高林密冰雪甚大但賊匪既在該處藏匿官兵自無不能行走之理再查辛聰張士龍阮正潮李炳陳朝觀等逆現在屯聚之處俱在川陝交界老山中我兵若由北面進剿必須由廣元繞出寧羌道路紆遠有需時日恐賊匪又行他竄必致追趕不及是以臣現擬由東而北令七十五由西而北務將各股賊匪逼令南入川境剿辦易於得手第賊股較多一經被剿或恐分股北竄當即飛行知會長麟慶成於邊界各要隘嚴密防堵萬一賊匪北竄可收兩面夾擊之效臣等惟有趕緊剿辦務期合境廓清仰祈臣霄旰奏入

上命軍機大臣傳諭德楞泰勒保日李炳等敗殘餘

聖朝聖訓

三

聖朝聖訓

三

匪由閬中巴州地方奔竄德楞泰勒保七十五帶
領官兵分投追剿三路殲擒賊匪五百餘名而辛
聰賊股又由陝竄入廣元李炳等敗殘餘匪趕上
與之合夥又張士龍阮正潮陳朝觀等亦在該處
老林內藏匿德楞泰等會同籌計德楞泰帶兵入
山搜剿勒保卽折赴川東探蹤進擊並知會七十
五由五郎廟一路進兵迎截所辦俱好前因川境

聖朝聖訓

卷

賊氛已遠漢江以南各股竄匪勢較鴟張是以諭
令德楞泰帶兵赴陝察看何處緊要卽赴何處剿
辦今陝省賊股又分路折竄川境復與前此情形
不同現在勒保已分兵前赴川東進擊若德楞泰
卽行赴陝則川北祇有七十五一人恐難得力此
時德楞泰又應仍在川省督率剿辦不必卽赴陝
境德楞泰現擬由東而北令七十五由西而北務

將各股賊匪逼令南入川境所見甚是且李炳等

餘匪疊經剿殺日夜狂奔狼狽已極德楞泰正宜

趁此剿除淨盡並將山內潛匿之辛張等逆設法

轟出一併殲除不必急於赴陝致剿剩餘匪乘機

裹脅又成大股應俟川省各股竄匪將次剿淨可

交七十五接辦再赴隣省協剿彼時察看何處緊

要或應赴陝或應赴楚相機辦理朕亦不爲造制

聖朝聖訓

卷

至竄入雲開賊股大約卽係高家營之賊自因楚
省追剿緊急是以復思闖入川境其餘添德一股
恐亦接續竄川勒保現赴川東務須趕緊剿辦與
德楞泰同心併力將各股竄匪卽在川東川北境
內痛加殲戮於朕釋服以前一律辦竣卽爲伊二
人之功朕必加之懋賞不可僅以驅逼出境卽爲
完事雖伊等未必能將陝省各匪全行兜逼入川

悉數辦淨其已竄入川者必當乘勢殲除不可復
 任逸出倘堵剿不力又致賊匪他竄則伊二人不
 但無功而有罪矣再此時已近歲除即交年節朕
 慮念軍務晝夜焦勞且在二十七月之內更復何
 心度歲即德楞泰勒保剿辦各股賊匪未能歲事
 亦自不因年節稍有鬆懈前此魁倫即因新年在
 雷音舖久住冬日致賊匪竄渡嘉陵江德楞泰等
 尤當引以為戒但賊匪無知惟以擄掠為事如徐
 添德前在川省曾有過生日之事此時節屆新年
 或教匪羣聚為樂人心渙散亦屬事之所有德楞
 泰等轉不妨陽為度歲示之以隙仍密探賊股如
 有因值年節酣歌懈縱之處即乘其不備帶兵奮
 擊亦未始非出奇制賊之一策也所有此次殺賊
 陣亡之守備張君泰把總張恩錫額外副前鋒校

倭仁額藍翎長阿林泰俱著咨部賜卹

欽定剿平三省邪匪方略正編卷二百二十五

庚申年

十二月二十日戊辰額勒登保奏言竊臣昨督師

由藍田至商州截剿竄匪維時冉學勝股匪已

由土門一帶奔竄楊遇春格布舍穆克登布由

商雒鎮龍駒寨等處截剿該匪等晝夜於山僻

小路分股疾走連日風雪甚大我兵衝冒備行

初七日未刻至新開嶺探報橋兒溝有步行賊

製者舊集編卷五

匪千餘人結隊竄來有出武關之勢楊遇春等

卽挑帶馬步健壯官兵飛速趕往溝口正值該

匪自溝內竄來先有騎馬賊一人頭戴翎頂領

路一見我兵卽率衆抗拒穆克登布先帶馬兵

數騎直前射死斷其首級梟示餘衆潰折我兵

乘勢進溝追殺斃賊二百餘名生擒數十名所

有新近被脅民人乘間逃出者不少楊遇春等

察看賊匪內步行者居多恐騎馬賊匪已從別

路繞向武關遂商令格布舍穆克登布帶兵追

殺敗竄之賊陽遇春豐紳帶兵趕至武關擊營

堵截時已昏暮追殺十餘里溝狹林深風雪不

止賊匪翻越大山向戴家河而遁穆克登布等

二更時亦至武關與楊遇春會合期於併力剿

堵甫在擊營據報離武關四五里之涼水灣有

製者舊集編卷五

騎馬賊匪竄來楊遇春等卽率領馬隊官兵

迎截該匪始猶衝突我兵鎗箭並發賊匪墜馬

者數人旋卽敗竄我兵於雪光中縱馬追殺十

餘里沿途約斃賊百餘名生擒三十餘人奪獲

驟馬百餘匹至三更時暫行收兵訊據獲犯供

稱日間殺斃戴翎頂之賊係偽先鋒彭副帥並

稱冉學勝與樊人傑等商定留樊人傑王士虎

冉添泗等在後綴住官兵冉學勝帶領賊眾先
向商南一帶開路出武關徑往河南俟官兵追
至豫省樊人傑再乘間由商雒東去如遇河南
邊境堵截嚴密即入楚境近日分爲馬步二隊
連夜奔走今日原想到武關割營不料官兵迎
頭殺來等語該匪等奸猾已極楊遇春等當將
所獲之賊悉行正法次日未刻該匪竄至太吉

製看匪變編卷三

三

河適綸布春汪啟等帶兵趕至賊匪一見官兵
即向太溝太字坪紛紛亂竄綸布春汪啟與副
將富蘭分爲三路追殺四十餘里擒斬二百餘
人賊匪竄向梁家墳楊遇春等於晚間偵知恐
賊繞路仍行東走初九日楊遇春等覓路抄往
普峪河初十日又抄往荆子關賊匪知到處有
兵遂不敢東向臣查據楊遇春等具報計料賊

匪既不能東竄或由鄂西邊界向西折奔山陽
而逃遂帶同扎克塔爾乘吉斯塔爾等出液村
勞峪口劉家莊緊顧東北而進十三日抵山陽
之桃園子查得十一二等日綸布春汪啟等又
於馬家坪天竺山魚洞河柳山坡老溝等處連
次追及賊匪帶兵奮擊又斃賊二百餘人賊之
滾崖跌斃拋擲器械者甚多奪獲騾馬二百餘

製看匪變編卷三

四

頭現在賊匪有過孤嶺逃向板巖黃龍廟者係
在山陽西南有逃向下關房黑山西溝腦者係
在山陽西北臣仍飭知楊遇春等緊扼東南而
前并派綸布春汪啟等仍帶兵刻即趕剿敗竄
之賊務期乘勝上緊剿淨至樊人傑王士虎股
匪前經臣率同扎克塔爾等於金嶺川截剿之
後仍由山陽九里坪等處折竄臣會派令都司

朱集才帶有兵勇數百餘名尾隨察其所向酌量剿辦茲據署鎮安令胡彬稟報賊匪於初七日竄至縣屬之午峪溝有賊百餘人直抵距城不遠之王家坪放火燒燬民房防守鎮安之遊擊廣亮率同千把外委等帶兵出擊不料大股賊匪從午峪溝竄出廣亮被圍力戰手刃二賊受傷陣亡千總年登亦被戕害該署令胡彬復會司營弁率領壯勇出城策應千總賈夢熊把總戴君禮均各受傷該匪於夜間直趨城下圍撲胡彬等率領兵勇用鎗礮轟擊都司朱集才等復一路揚言臣帶領大兵已到次日該匪遂從紙橋溝一帶向西奔竄所有傷亡兵勇另行查報查各該匪分股竄擾蓄意東向此次冉學勝等將及武關已近豫境仰仗

欽定剿平三省邪匪方略

正編卷二二五

天威揚遇春格布舍穆克登布豐紳等帶兵星飛速剿綸布春汪啟富蘭等又疊次截殺已將各該匪逼向西南且擒斬多人賊勢大挫但尚未擒獲首逆并立時辦竣一股無以仰慰臣聖懷愧懼之餘倍深焦灼兼之兩旬以來各路兵勇於深山水雪中隨處奮力剿賊實無不備形勞瘁臣一面獎賞一面整齊兵力鼓勵將領等仍顧定東北加緊向西南剿辦再臣欽奉諭旨伍懷志股匪經官兵剿殺不過二百餘人乃以萬餘官兵剿辦多日未能殲盡令臣查明參奏查總兵汪啟帶兵二千二百餘名前本在石泉銀杏壩兜截伍懷志股匪東竄之路因冉學勝竄過漢江慶成酌派綸布春由洋縣過江帶領馬步官兵一千一百餘名追剿旋與汪啟合為

欽定剿平三省邪匪方略

正編卷二二五

一路併力剿辦該匪竄至留壩地方有西去之勢綸布春汪啟率兵於玉皇廟等處打仗殺賊將賊截回臣旋飭由鎮安山陽一帶追剿現又登次獲勝將冉學勝股匪逼折西南均能出力實無紆緩逗遛情事至穆克登布桑吉斯塔爾前與阿哈保等留甘剿辦伍逆餘匪自伍金柱殲斃之後該匪伍懷志等人數尚有一千餘衆查經穆克登布在甘擒斬爲數日減該匪遁入南山零星潛匿穆克登布輾轉搜捕亦頻有斬獲但賊蹤飄忽南山一帶又屬非常險阻凡遇山林叢雜澗谷幽深之處無論馬不能行卽步兵亦艱於進取兼之該匪數十爲羣出沒無定官兵旣不能緊躡其後又無路抄截其前甚至幽僻處所或竟難覓賊之所向且臣先以賊匪

《聖朝聖訓編卷七》

七

有竄川省者又令阿哈保分帶馬步官兵二千餘名入川協剿而維昂鄉勇三千名又經長麟調去故穆克登布桑吉斯塔爾等一路兵勇存有一千餘名亦不甚厚穆克登布桑吉斯塔爾有特與將備等率兵終日步行剿洗迨至菜子坪等處僅存賊匪二百餘人正與張鳳分帶兵勇另路抄剿乃冉學勝股匪突然竄至四畝地穆克登布桑吉斯塔爾等只得盡力合剿現在之賊此時桑吉斯塔爾在臣處帶兵穆克登布與楊遇春一路業將冉學勝股匪加緊截剿不能東趨亦甚得濟是穆克登布桑吉斯塔爾二人未能將伍懷志餘孽殲盡誠以賊匪詭譎又限於地勢實非有意遷延且穆克登布隨同臣數載勇往可靠實非敢於取巧之人至慶溥溫

《聖朝聖訓編卷八》

八

承惠向在平利安康境內防剿賊匪屢有斬獲

臣昨因川陝楚谷賊匪時時往來平利安康一

帶添派喜明馬玉魁二人帶廣東兵一千餘名

前往協力堵剿又緣平利安康在在與川楚交

錯山勢綿亘四五百里兵勇不能甚多亦難責

慶溥等分段堵禦是以只令相機截剿前據來

稟慶溥於泰山廟獅子壩等處叠次截賊喜明

聖祖聖孫萬壽無疆

九

馬玉魁温承惠率領兵勇於孟石嶺大黃坪白

土關八卦廟化龍山九個包一帶攔截所有徐

添德股匪由巴山線河盤陀溝一帶希冀東奔

喜明等率領兵勇分路截剿斃賊多人而龍紹

周苟文明以及黃號各股探聞又向東奔喜明

與温承惠又須堵截大股東趨之路適徐添德

股匪由釘鈿溝竄入竹谿且稱該匪先係分出

數百人偷撲營卡而其大夥即從老林乘夜竄

出釘鈿溝賊之詭詐真堪髮指并據竹谿縣郭

淵極稟報温承惠派令守備王英在黃栢墳帶

領鄉勇用鎗礮轟擊徐添德賊匪多人是喜明

馬玉魁温承惠之不能深追徐添德股匪者自

以龍紹周等股牽綴之故目下慶溥一員又經

臣派往城洋一帶接管關騰所領官兵防堵漢

聖祖聖孫萬壽無疆

十

江北岸臣又嚴札喜明馬玉魁温承惠等實力

堵剿龍苟各股賊匪緊顧東北不得再有疎失

致賊又竄楚疆自取嚴譴是各該員從前情節

均有不同當此

聖心盼捷孔殷之際該員等不能迅速剿盡賊匪固

有應得之咎然統核該員等之堵剿情形尚屬

不遺餘力究與前此疎防各員有間惟有仰懇

皇上格外天恩均請免查議臣現已將欽奉

諭旨節錄切宣示各該員自必益知警惕倍加愧

奮趕緊立功自贖今後倘有貽誤臣必奏明從

重治罪至竄楚之徐添德股匪臣已札知長齡

倭什布等上緊趕辦臣俟南山之賊辦有頭緒

再行酌量分兵兼顧奏入

上命軍機大臣傳諭額勒登保曰此次再學勝等股

▲製書部彙編卷五十一▲

賊匪竄近武關蓄意欲往豫省經額勒登保派令

楊遇春等衝寒冒雪叠次剿殺多名緊顧東面使

賊匪不能逼近豫楚邊界截回西竄實屬不辭勞

瘁伊等如此出力朕亦不忍再為督飭惟自恨德

薄才疎五年之久不能平此逆匪實深愧悚之至

至賊匪經過處所並未見該地方官率領兵勇隨

處接應惟賊匪竄近鎮安縣屬該署縣胡彬會同

營弁出城策應而遊擊廣亮及千把外委已受傷

陣亡其餘竄過地方如入無人之所豈賊匪飛行

絕迹竟不經由州縣境地乎又覆奏查明綸布春

喜明等尚無遷延逗遛情事均請免查議一節綸

布春等既係躡蹤剿賊並未疎縱亦不必再加責

備惟賊匪奔竄靡常總由陝省地方官不肯出力

攔截實堪憤恨已另降旨將長麟陸有仁嚴行申

▲製書部彙編卷五十一▲

飭矣並著額勒登保查明陝省地方官如有仍前

疎懈不能實力防堵之員其職分較大者據實叅

奏其職分較小者一面摘去頂戴一面奏聞請旨

俾各知悚惕不可稍事姑容現在賊匪既經敗竄

額勒登保務當乘此勝勢堅持初見將漢江以北

再樊等逆剿辦淨盡即萬不得已亦當逼過南岸

驅令入川較易集事至再學勝等臣雖向西奔但

賊情詭詐多端恐乘間竄出峪口擾及西同鳳一帶完善之區關係非小尤當預爲防範額勒登保現檄調慶溥赴漢江北岸防堵慶溥當卽前往城洋一帶並未停留自應如此倘有不遵經畧調遣者著額勒登保卽行嚴叅治罪以重事權再溫承惠雖在平利一帶督率鄉勇究未經歷戎行不過紮營防堵若該處可無需伊在彼藩司大員未便

欽定剿平三省邪匪方略

正編卷二二五

久離任所卽令其回省辦理地方事務尙必須伊帶領兵勇防禦亦不必遽令回省也茲賞給額勒登保御書福字一個迺祝經畧與員弁兵民等共迓春祺大功速戴又賞給額勒登保墨刻御製邪教說一分俾伊等共知朕意祇誅叛逆亂民其誦習經文安分守法者斷不肯稍事株連也所有打仗陣亡之遊擊廣亮千總年登俱著咨部賜卹

上又命軍機大臣傳諭長麟陸有仁曰額勒登保奏報截剿東竄賊匪逼回西南未令竄近豫楚連日冒雪進兵不遺餘力而沿途並未見有該地方官率領防守兵勇出卡迎截惟賊匪竄近鎮安縣城時有該署令胡彬會同營弁出城策應其餘奔竄地方竟如入無人之境現在額勒登保查明伍懷志股匪未能剿盡及徐添德竄往楚省綸布春喜

欽定剿平三省邪匪方略

正編卷二二五

明等尙無延緩逗遛情事自不得歸咎伊等而陝省地方官總未出力防堵實堪痛恨長麟身任陝甘總督地方遇有賊匪剿辦是其專責所有帶兵各大員等乃係派往會同剿辦者長麟不知剿賊爲伊分內之事覲顏統轄兩省恃有經畧在彼督辦遂爾置身事外於一切軍務賊情心存膜視惟借防堵爲詞其實賊來仍不能堵禦是長麟竟與

防守偏裨無異且額勒登保摺內於漢江南岸賊
匪情形並未提及白係未經接據該處地方官稟
報是長麟既不隨時具奏又不咨明經畧任意玩
延實屬大負委任至陸有仁在京時於朕前論及
陝省剿賊之事頗覺振奮有為朕以伊曾任西安
藩司熟悉該處地方情形特授陝西巡撫乃伊到
任後屢次奏報並未見別有籌畫整飭地方伊係

聖祖聖孫編卷五

五

文員雖不責以帶兵剿賊而於該省賊匪出沒處
所及地方官如何防守皆應實力查訪隨時整飭
若徒以辦理糧餉卽為盡職如前此派往川省專
司軍需之廣興托津者然亦必用此巡撫為耶試
思川省地方團勇築堡極為認真竄匪無從掠食
不能久住卽昨據德楞額奏竄匪經過巴州
龍角寨登高寨經寨首杜國學等出寨截殺多有

斬獲可見川省地方官辦理團勇堡寨之得力而
陝省則從無此事豈川省官民皆知急公而陝省
竟全不曉大義耶總由督撫等不肯實心理事一
任地方官民泄泄沓沓賊來不知所自賊去不知
所向伊等不能悉力堵禦豈竟不派人偵探預為
防範乎似此渙散懈弛專恃一二帶兵大員代為
肅清地方何時始能肅事且伊等身為疆吏堵剿

聖祖聖孫編卷五

六

二事責無旁貸乃剿賊既委之於人而堵禦又未
見實效任賊往來自如地方官毫無防備接應長
麟陸有仁所辦何事俱著嚴行申飭在伊等之意
以大功告竣地方官不過隨同議叙卽肅事稍遲
亦係衆人之過不思與經畧同心併力奮勉圖功
若似此居心則非特姑息額勒登保成功竟欲阻
撓軍國重事天良何在長麟身係覺羅尤不應如

此現在防江之事有慶成在彼督率防禦長麟自應於西南一帶卡隘周歷巡防况據額勒登保奏冉學勝等股截向西竄賊匪詭詐或思逸出峪口竄近西同鳳一帶所關非細省城止有台斐音一人長麟亦當相機兼顧斷不可仍駐江岸以致顧此遺彼至溫承惠係陝省藩司在平利安康駐紮賊至則帶兵堵禦賊去則仍然安坐伊係文員亦

聖祖聖孫萬壽無疆

七

未必能臨陣殺賊並著長麟酌量是否必需溫承惠在彼駐守若無需該員在彼即令其回省辦事再甘肅省城僅有姜開陽一人藩司廣厚現在何處何以未見長麟提及豈任其日久在邊境閒住乎此等教匪不過內地亂民地方官果能實心出力何患不事半功倍前經降旨責成各督撫不令他省之賊竄入本境而本境之賊亦不許逸入他

省違者治罪乃陝省地方官屢任賊匪闖入毫無

關阻誅之實不勝誅今再為申諭該省地方官實

力防堵勸令居民鬪勇築寨毋令賊匪任意往來

俾經畧等在陝境辦淨各股賊匪計此旨到時已

屆春令長麟等務當消除舊習振作奮勉總期於

春令內一律肅功以贖前愆而膺殊賞並著長麟

陸有仁將以上指出各情節據實明白劄奏如別

聖祖聖孫萬壽無疆

八

有難辦掣肘之處已節次降旨詢問伊更無所用

其顧慮若再不據實直陳含混塞責或仍前延玩

蔽績無期必當從重治罪不忍令全陝赤子死亡

相繼也凜之慎之

二十二日^{庚午}長麟慶成奏言^臣等前將南鄭境

內零星賊匪逼回川境并截擊高馬等大股賊

匪逼向南趨未致竄越漢江嗣^臣長麟接據各

卡探報前在龍池子截回之賊自羅柴山連夜
拔營竄遁後已奔入儀隴巴州一帶其廣元境
內各股賊匪仍在邊界游奕時有零星賊匪向
各卡隘窺伺滋擾臣長麟卽派令佐領和興額
叅將張應魁羅全亮等帶領馬步兵勇駐紮寧
羌境內探有賊匪前來窺伺卽帶兵出卡迎擊
去後嗣據和興額等稟報初四日有賊匪一股
由老關坪竄至毛壩河一帶又有一股於初五
日由李家壩竄入棉子壩一帶均距荷葉嶺卡
隘不遠和興額與張應魁羅全亮等分帶兵勇
前往截剿甫經出卡賊匪遙見官兵並不接仗
輒卽折回奔竄其卡隘以外處處老林叢密斷
續直連川界該匪等卽由老林穿越潛逃遁歸
川境又據總兵楊奎猷稟稱賊匪一股於初二

日竄近元壩子一帶分投窺伺卡隘楊奎猷帶
兵出擊賊匪亦卽折回亡命狂奔楊奎猷驅兵
追殺殲斃賊匪數人餘匪仍遁入老林潛逸又
張世龍賊匪一股自廣元鸚哥嘴竄來初十日
至陝境八廟河經派防交子坪卡隘遊擊王興
朝率領兵勇前往截擊賊匪旋卽折回時至四
更賊匪忽分三股直至交子坪攻撲營卡因月
落天黑官兵不辨賊數多寡恐至衝失卡隘卽
於卡內施放鎗礮并擲石滾木擊斃賊匪數人
陣亡官兵一名賊匪猶抵死攻撲並不少退相
持半夜直至黎明王興朝帶領兵勇由卡內衝
出分兵左右鎗礮齊施又斃賊匪數人賊匪因
見官兵勢猛始行敗走仍由八廟河竄回廣元
蔡家坪當王興朝出卡攬殺之際有官兵三名

衝入賊隊賊退未見回營是否裹去或已被戕
害另行查明報部十三日該匪又向附近寧羌
州屬之流沙坡奔突經該處守卡鄉勇壘石擊
打該匪又翻青草塘下關平溝折向川界趙境
河一帶查刻下賊匪形勢日就窮蹙而賊情更
覺狡猾日間藏匿深林毫無蹤跡黑夜則分夥
肆出各處搶掠名曰摸樁并有裝扮貿易客商
難民乞丐混跡過卡者均經隨時盤獲送營審
辦是現在防堵事宜較前更當嚴密臣長麟當
即嚴飭各卡晝夜加意隄防斷不可以賊勢敗
殘稍涉疎懈至臣慶成自截剿高馬等賊匪後
恐該匪仍圖搶過漢江即暫在茶鎮一帶照料
江岸初六日接據探報東南一股賊匪不知姓
名由小河口田家壩至紅椿壩焚掠適總兵胡

定泰奉經畧派令帶兵前來漢江南岸防堵行
抵茶鎮臣慶成當即令胡定泰星夜馳往迎擊
及趕抵王黑壩該匪聞知官兵信息即由原路
奔回又唐明萬一股賊匪由通江竄入陝境自
盤龍河大茅坡一帶沿河繞竄小祥壩滋擾經
防卡兵勇用鎗擊并滾木壘石擊打未被衝架
該匪於初九日折竄星子山均未深入又據探
報一股賊匪由通江之絲蘿壩竄入陝境九元
關羊峪溝一帶翻山竄至西鄉之紅花坪被卡
隘兵勇嚴堵該匪於初八日繞竄川陝交界之
三溪口有西竄簡池壩之勢查該處西通大池
壩楊柳山峽口等處可達過江之路現已再差
偵探確蹤并飛飭各營卡嚴備以便截擊又臣
等接副都統額爾亨額來信由川省竄來一股

賊匪未知係何賊目從紫陽盤香河直奔洞河口岸於前月二十九日夜間詐稱官兵隔岸喚渡被防江參領佟湛色克圖等識破施放鎗礮擊斃賊匪數人賊匪折回金山梁深溝等處滋擾至初二日該匪復乘雪夜突至瓦房店江岸亦經參將圖興阿等督兵施放連環鎗礮賊匪於對岸抵拒不退至黎明始行逃遁現已東竄

製看龍彙編卷五

三

安康境內又接藩司溫承惠來稟徐添德股匪竄孟石嶺與黃號之賊合夥由黃栢墳一路竄走溫承惠派守備王英等挑帶鄉勇迎往截剿至石砦河地方正遇賊隊蜂擁東趨王英督率鄉勇奮力衝殺將賊匪截為兩段黃號之賊折入文彩溝內青號徐添德一股仍向東奔鄉勇鎗礮並施擊斃賊匪三百餘人騎馬賊五人奪

獲旗幟器械驟馬甚多投出安康平利洵陽白河紫陽等處附近居民四百餘人賊匪捨命狂奔鄉勇趕緊追剿又斃賊匪一百五六十人餘匪竄往楚省之漆扒地方溫承惠即派令王英帶領鄉勇前往抄截其青號賊匪已由文彩溝折竄安康之滔河一帶與龍紹周苟文明等逆合夥屯聚慶溥喜明馬玉魁溫承惠等正在籌

製看龍彙編卷五

三

剿適革職總兵柯藩趕到即日由四季河入山躡明路徑合力攻剿各等語至漢江北岸之再學勝樊人傑等股賊匪先後由寧陝廳東奔楊遇春穆克登布在喬家溝截殺殲斃賊匪數百人該匪等分股由冷水溝柿園溝一帶竄至孝義廳城下該處城垣業已修築完竣署孝義廳候補知縣孫奇率領兵勇堵擊殺賊二十餘人

生擒一名餘匪連夜由舊縣關東奔山陽縣境
賊探直至山陽城下經該縣督同鄉勇施放鎗
礮賊匪未敢稍停卽由縣東出高壩店竹林關
一帶奔逸適額勒登保已由藍田趕至商州楊
遇春穆克登布等亦經趕至龍駒寨均已抄出
賊匪東面迎頭攔截不致竄入豫境頃又據鎮
安縣稟報樊逆賊匪於初七日由九里坪折回
縣屬午峪溝屯聚賊探百餘人直抵王家坪遊
擊廣亮帶領弁兵前往迎擊該署縣胡彬亦帶
領鄉勇出城策應行抵王家坪不期大股賊匪
從午峪溝突出將廣亮圍困廣亮奮力衝突手
刃執旗賊目二人因寡不敵衆與千總年登力
戰陣亡該縣帶領鄉勇趕往救援殺斃賊匪十
餘名賊始解圍該縣乘勢搶出廣亮等屍身因

聖祖聖孫萬壽無疆

五

城內空虛卽回城防守該匪復來攻撲城池該
縣率領壯勇施放鎗礮斃賊七人相持竟夜至
初八日黎明該匪始由紙橋溝一帶奔逸等語
是樊逆賊股已自東面折向西奔距豫省邊界
已遠其伍懷志餘匪前亦由柿園溝一路東竄
現至甘家碛一帶仍在寧陝境內俟續得剿辦
情形另行奏

聞

聖祖聖孫萬壽無疆

美

同日陸有仁奏言臣查現在軍需餉項仰蒙
皇上隨時撥發茲據署藩司台斐音稟稱本年陝省
秋冬二季應發各營例餉因六七八等月軍餉
不敷借動銀六十二萬數千兩今就其中尚可
稍緩營分請俟來春再發外通計現在必須銀
三十萬兩此時軍營需餉浩繁勢不能歸還例

餉應請於附近省分暫為借撥臣覆加查核司庫別無存項可以通融所撥山東江西山西廣東等省軍需餉銀一百萬兩雖年底明春俱可陸續到陝而各路軍營兵勇鹽菜口糧及一切買糧運費等項俱係設法先行墊辦餉到補發已不免前缺後空合無仰懇

聖恩俯准於河南藩庫暫借撥銀三十萬兩以應陝

聖恩

毛

省急需俟來年麥熟後徵收錢糧再為酌解歸

欵均奏入

上命軍機大臣傳諭長麟陸有仁慶成以長麟自本月初八日到報後將及半月茲遞到六百里奏報朕以為必係殺賊得有勝仗及披閱摺內所奏情形僅係照常防堵雖將川境竄匪截回並未痛殲賊眾且張世龍一股賊匪於夜間攻撲營卡官兵

不辨賊數多寡即於卡內施放鎗礮相持半夜直至黎明遊擊王興朝帶領兵勇由卡內衝出祇斃賊數人官兵轉失去三名陣亡一名而摺內尚稱官兵勢猛賊匪敗走試思官兵僅殺賊數名有何勢猛尚靦顏為此奏乎據稱賊匪日間藏匿深林黑夜分夥肆出摸樁並有裝扮貿易客商難民乞丐混迹過卡等語賊匪晝伏夜動自係日就窮蹙但官兵日間既須防守卡隘夜間又被賊匪攻撲營卡晝夜不能安息豈不疲我兵力中賊詭計况黑夜中不辨賊之多寡施放鎗礮虛糜火藥更屬不值此等殘敗餘匪寧尚不思設法上緊剿淨轉令其分夥更番肆擾耶似此防堵情形長麟慶成早應隨時具奏何必遲至半月致朕朝夕焦慮殊不體貼矣其所稱漢江以北剿辦再學勝樊人傑

聖恩

毛

等股情形業經經畧奏聞而經畧昨奏並未提及漢江南岸剿賊之事可見長麟慶成一路剿辦多日不過殺賊數人故經畧摺內亦不值叙入試思辦理教匪已及五年倘再事遷延何日始能剿盡經畧及帶兵大員俱能認真剿賊不遺餘力早應悉就蕩平皆由督撫等不能督飭地方文武實力防範有剿無堵以致賊匪東奔西竄來往自如長

欽定剿平三省邪匪方略

正編卷二二五

麟身係總督若僅株守江岸與帶兵偏裨何異然

朕亦不令伊徒事奔逐總須將籌辦陝境各股竄匪情形通盤計畫佈置妥協方不致顧此遺彼乃藉防堵為詞將辦賊大局置之度外而陸有仁則專以辦糧請餉為事此外亦毫無籌策長麟陸有仁均著嚴行申飭此時惟有責成該督撫督率各府州縣於所管境內結寨團勇認真堵禦如府州

縣內有能出力防守著有勞績者該督撫即據實

保奏朕必不次陞擢但不可稍有徇私其團勇內

有能殺賊立功者亦著地方官報明督撫具奏朕

亦必格外加恩分別獎勵使官民聯為一氣而督

撫與帶兵大員互相策應併力一心何患不尅期

蕩事此時長麟等惟有使川楚之賊不能竄入陝

境漢江南岸之賊不令越過江北其江北賊匪竄

近南岸者勿又逼回總在川之北漢之南將賊匪

奮力殲擒一鼓殄滅即萬不得已亦須逼令入川

剿辦較易集事現在川省團勇築堡極為認真陝

省地方瘠薄即不如川省之富庶長麟等亦當設

法辦理焉有束手無策一任地方官民泄泄沓沓

乎目下已交春令若遲至明年三月尚稽蕩事即

豎壁清野之計亦不能行彼時若不令民乘時耕

種賊匪固無從掠食而百姓先已饑困若令其照

舊耕作則青苗在地徒齎盜糧賊匪多一日滋擾

則百姓多一日荼毒而虛糜糧餉寧有已時此旨

到日著將陝省如何鼓勵官民嚴密佈置使賊匪

到處不能搶掠裹脅早就殄平之處據實覆奏勿

稍含混又據陸有仁奏請於河南藩庫借撥銀三

十萬兩已另降旨諭知吳熊光即照所請撥往應

聖祖聖孫萬歲

三

用朕於軍營餉項從未有所靳惜每有先期籌畫

不待伊等奏請預行撥給今陝省又添此項餉銀

軍儲極為允裕尚復何所藉口耶

欽定剿平三省邪匪方略正編卷二百二十六

十二月二十三日辛未倭什布奏言竊臣因接長

齡來字以糧餉急需接濟當令副將吉林泰管

帶官兵自北而南與長齡明亮孫清元等南北

夾擊遏截賊匪東竄臣暫駐竹山督辦糧餉進

日查知高二一股賊數不多而散漫四竄長齡

等由重馬二坪百福頭取道兜截與山當陽遠

聖祖聖孫萬歲

安等處山徑迂迴糧運間有遲滯查郎局存糧

無多襄江水淺挽運為難臣飛飭沿途地方官

加雇絳夫勒限催趨先因下游已運之米到襄

尚須換載恐難接濟并飭碾動襄陽縣倉穀水

陸並運以期源源接濟現在陸續趕運無悞餉

銀一項已飭省襄二局速撥趕解無虞缺乏至

吉林泰等長齡以其兵力稍單派同鎮臣孫清

吉林泰等

元帶領襄宜兵丁及二竹練勇並撥馬隊四百五十名由陳家舖秦口逼賊西向茲據孫清元來字初八日探知徐逆賊股屯聚隆須埡一帶初九日五鼓進兵高塘河即見隆須埡有賊二三百名搖旗吶喊吉林泰及叅將烏爾卿額遊擊蘇法那帶兵奮力搶上乘勢壓下賊匪分爲二股一向漳洛河一向左山梁逃竄吉林泰等率兵順溝追擊遊擊全祿緊追左山梁一股該鎮帶同遊擊三福守備郭朝鳴帶兵搶上隆須埡詎後路紅蓮洞兩河口有賊五六百名突出抄截隨營試用知縣金克俊即同竹谿練勇首領鄭光明等奮勇追擊該鎮與總管托爾托保侍衛武成額及將備等帶領馬步官兵馳往歷擊鎗箭齊發賊始敗退追趕十餘里該匪等逃

欽定剿平三省邪匪方略

正編卷二二六

欽定剿平三省邪匪方略 正編卷二二六

向馬湖嶺一帶南竄時已昏暮未便窮追計共斃賊一百餘名惟金克俊身先遇敵衝入賊隊連殺二賊身受矛傷墜馬陣亡查長齡明亮之兵已抵玉口現在探蹤進剿復在長齡抄寄摺稿內稱訊據獲犯張尙力等供黃號樊人傑並僞元帥張秦劉崔四姓有四五千人由化龍山繞至蓮花山跟著徐添德一股進來初三日在八寶溝與青號合營等語臣查黃號樊人傑即係經畧額勒登保剿辦之賊先據桃花山卡守備金洪翮稟報十一月二十七日探有賊匪由化龍山竄入竹溪河等語該二處均係陝省所屬並非楚境但恐或有分股竄入情事當經分飭查覆去後茲據藩司溫承惠及邊卡地方員弁稟覆實無樊逆竄楚之事其爲賊匪混供無

欽定剿平三省邪匪方略

正編卷二二六

六〇一

疑又據鄖西縣知縣孔繼楨稟報阮文潮張世龍等逆於初九日由魚洞河九龍臺西竄其樊人傑一股仍在山陽西北二峪河一帶滋擾等語查各該處俱與該縣邊界毗連隨經飛催副將滿倉帶兵星馳前往並飭糧儲道恒慶協力防堵以杜竄逸其高二馬五賊股已竄川陝交界之涪河腦等處距楚稍遠新任督臣書麟已於初六日抵襄日內即可會晤俟面商籌佈妥協再行具奏奏入

《聖朝聖訓彙編卷五》

四

上命軍機大臣傳諭書麟姜晟倭什布長齡曰徐添德一股賊匪屯聚隆須埡地方經孫清元帶兵追擊斃賊不過一百餘名不足爲慰前據長齡奏樊人傑及張秦劉崔四姓四五千人竄至楚省人數較多朕心甚爲廕念今據倭什布查明係獲賊混

供並無其事是楚省賊匪祇有徐高兩股又經官兵屢次剿殺所剩無多若能在楚界奮力剿淨卽屬伊等之功萬不得已亦當將賊匪逼往川陝斷不可令其在楚境奔竄現在四川團勇築堡之事極爲妥協賊匪無從搶掠陝省雖亦有堡寨不能如川省之認真且該處本年收成歉薄米糧短少賊匪艱於覓食不能在彼久住是以蓄意竄往楚

《聖朝聖訓彙編卷五》

五

省是湖北堵剿之事較之川陝更爲緊要此時若將徐馬二逆驅逼出境其各處邊隘必當嚴密守禦斷不可使賊匪再有闖入楚省築堡之事雖較他省爲難亦已緩不濟急而團練鄉勇協助官兵則係目前急務書麟向來辦事可靠務須會同倭什布督飭各州縣多添練勇加意嚴防以期賊蹤遠絕至軍行糧隨刻不可緩稍有缺乏安能使官

兵等枵腹從事朕不待奏請先令截留粵餉二十萬兩昨又於山東江西兩處撥銀四十萬兩前此書麟又截留江西運陝兵米一萬石是該處糧餉已屬充裕姜晟係留楚專辦糧餉之員況湖北中晚二稻收成七分有餘米價自屬平減所有各軍營應需糧石卽著姜晟趕緊採買設法轉運俾得源源接濟士馬飽騰剋期蕙事所有受傷陣亡之

聖訓卷三

六

試用知縣金克俊著咨部照知州例賜卹

二十四日壬申德楞泰奏言竊臣於初十日在南

江縣屬乾溪口與勒保會合後臣帶兵卽由廣

元之野人村寶石溝一路探蹤前進途次板倉

溝據探哨兵勇先後拿獲賊探苟國玉何青等

七人解送來營訊據供稱係東朝觀張士龍辛

聰魏棒棒顏勝可阮正潮並楊李等餘匪各首

逆差遣出來探聽官兵信息當卽概行正法十

四日午後趕抵鹽井河據探報該匪等現在波

羅溝崖房溝黃石板龔家灣等處攻圍各寨臣

當卽帶兵由青堽口翻山進剿該處樹木叢雜

道路陡險又兼冰雪滑溜馬不能行遙見煙焰

騰空賊衆在各溝內薰燒火勢正熾已攻破王

家祠風斗巖灰朶子三祠卽令步兵鑽林越箐

聖訓卷三

七

分投競進該逆等尙未知覺官兵出其不意分

撲剿殺賊衆登時潰亂當卽殲斃二百餘名生

擒韓有元等七十八名餘賊奔上大堽口山頂

恃險抵拒飛石如雨兵勇冒石仰攻不能卽時

搶上臣查看山勢一路攻撲萬難得手一面另

派奮勇兵勇繞出山後小路攀援而上賊見我

兵從後抄來大形驚慌仰攻之兵乘勢飛奔搶

上山頂賊即潰散兩面官兵極力痛剿又殺賊
 二百餘名生擒向正孔李貴等一百十二名滾
 崖者亦多我兵緊跟追殺三十餘里又令兵勇
 喊叫被擄難民投出免死若不早逃大兵趕上
 一概誅戮富有投出難民馮光林許氏等三百
 二十三名口餘賊悉向嚴家壩母豬槽老林一
 帶遁逃奪獲衣物米糧牲畜等仍分給各峒難
 民訊據活賊韓有元等供稱首逆係陳朝觀張
 士龍辛聰魏棒俸顏勝可阮正潮並李楊餘黨
 共有五千人原想躲在川陝交界老山塩人
 出山不料官兵追進山來不及防備傷折甚多
 陳朝觀一股昨日在田家壩向李家壩前去等
 語查嚴家壩李家壩相距不遠該匪敗逃自必
 前往合夥當將韓有元等訊明分別辦理查此

聖朝聖德編卷三

八

一帶溝內共有十一峒攻破者止三峒其餘五
 家峒洛水峒响水峒趙家峒扶耳峒新廠鴛鴦
 峒野猪峒等俱得保全共救護難民男婦大小
 八百餘名口隨有峒首向真元高洪李連登等
 率領來營叩謝臣親加安慰曉以團練禦賊之
 法俱各歡欣感悅而去十六日臣即由濫添寨
 馬盤山一帶逼截賊即折向東南奔逃途次接
 據署巴州田文煦稟報初四日探得通巴交界
 灣栢樹地方有賊匪二百餘人向登閣寨一路
 滋擾該州會同把總陳安邦並吏目陳聲帶領
 武生何林樹馮兆緒等分路堵剿初六日賊匪
 攻圍登閣寨適陳安邦等帶領兵勇趕到賊匪
 疑是大兵捨命即逃乘勢殺賊二十九名附近
 之樓臺寨寨首武生李如華王宗夏李玉蘭帶

聖朝聖德編卷三

九

練勇三百餘名將青林場去路截住與陳安邦
兩路夾擊又殺賊五十一名投出吳敬相王夏
氏等四十七名口獲馬九匹餘匪向陳家壩遁
去旋於山林茨蓬內搜獲身穿紫色馬褂賊犯
一名當經衆難民指認係李炳營內總兵張以
文訊據該犯供認在賊營當總兵屬實前在觀
音河等處被大兵殺敗我帶二百餘人逃到新
場又被團勇劫營今日帶人想去破登閣寨冀
得衣物糧食不想遇見官兵我人少抵敵不住
上山躲藏被搜山人拿獲等語當卽批令該州
於該處將張以文臠割示衆各獲犯訊明分別
辦理並令將出力之寨首練勇人等酌量獎
一面鼓勵各寨團勇務將餘匪搜除淨盡不留
遺孽惟查川北現在賊匪約共不過四五千人

欽定剿平三省邪匪方略

正編卷二二六

忽分忽合俱游奕於川陝交界之廣南等處老
山之內其邊界地勢南北寬有百餘里二百餘
里不等東西綿長千數百里雖係老山米穀稀
少而包穀菽豆各種雜糧並牛猪實多各股賊
匪往往被剿窮蹙所剩無幾卽竄踞其間肆其
擄掠若不卽行剿辦日久復成大股且賊匪具
兵不卽出山官兵又恐逼賊入陝是以亦不進
山剿辦彼此觀望葺事無期又查陝境邊界卡
隘現經長麟慶成佈置嚴密常有竄近之賊俱
經擊回諒此數股敗殘餘匪斷不能衝卡越渡
提臣七十五前經臣奏明令其於廣元三家壩
由西北前進與臣兩面夾擊至今尙未到來頃
據來信伊恐帶兵突入逼賊入陝難當其咎等
語臣現在欽奉

欽定剿平三省邪匪方略

正編卷二二六

諭旨帶兵赴陝楚剿辦南岸各逆此間賊匪不能兼

顧查七十五原帶兵勇五千名續經臣撥添四

川官兵一千名現在共帶兵勇六千餘員各以

之剿辦自可得力臣現又飛行稜調令其帶兵

探明賊蹤星速進剿萬不可令賊匪又復蔓延

為患至勒保現在川東雲開一帶剿辦金竹坪

竄來股匪並零星散逃之賊是否即能分身北

《聖朝實錄編年表》

三

來勒保自能權其緩急辦理再固原提督賽沖

阿向隨臣一路帶兵剿賊刻下已入陝界查固

原提督印信現經慶成署理會同長麟辦理沿

江一帶防堵事宜慶成於陝省地勢情形較為

熟悉此時若將印信交出於防堵一切必致呼

應不靈賽沖阿平日帶領吉林官兵衆心極為

悅服打仗甚屬奮勇現當剿賊喫緊之際一易

生手竊恐兩無裨益應請仍令賽沖阿帶領吉

林官兵隨同臣前往剿賊俾得易於集事奏入

上命軍機大臣傳諭德楞額勒保七十五日此次賊

匪陳朝觀張士龍辛聰等攻圍各峒經德楞額率

領官兵前往奮擊共計殲擒賊匪六百餘名又投

出難民三百餘人所辦尚好但所稱欽奉諭旨帶

兵赴陝楚剿辦南岸各逆令七十五帶兵進剿一

《聖朝實錄編年表》

三

節殊增慮前因川省祇有零星摸樁賊匪勒保

七十五足資搜捕而陝省漢江南岸一帶賊數較

多額勒登保又前往漢江北岸是以令德楞額率

兵赴陝察看何處緊要即往何處剿辦嗣又因陝

省賊股分路折竄川境即降旨令德楞額不必前

赴陝境今據奏稱陳張辛魏顏阮各逆餘匪尚有

四五千人在南江等處老山遊奕而川東雲開一

帶又有金竹坪竄來股匪並零星散逃之賊勒保
是否即能剿盡尙未可定與前此情形迥不相同
本年春間德楞泰與額勒登保先後赴甘將川省
剿賊之事委之魁倫以致老林藏匿之賊乘間突
出搶越嘉陵江使川西完善之區頓遭蹂躪德楞
泰寧不知之茲德楞泰帶兵赴陝其川北賊匪僅
交七十五剿辦且七十五尙未帶兵前來倘賊匪
聞知復思乘間渡嘉陵江則德楞泰又如前此之
額勒登保而七十五不又成魁倫耶雖係朕過慮
及此然不可不深思熟計莫蹈覆轍爲要此時德
楞泰業已赴陝距川境邊界不遠亦不必復行轉
回但總須兼顧川省方於大局有裨伊係叅贊大
臣在川在陝豈可稍分畛域德楞泰若能將漢江
南岸賊匪立時剿盡固屬甚善否則仍須通歸川

聖朝聖訓

五

境以便併力剿辦斷不可再令漢江南岸之賊逼
歸北岸及東竄湖北地方此爲最要至所稱七十
五至今尙未到來頃接伊來信恐其帶兵深入逼
賊入陝等語實不成話七十五既帶兵剿賊自應
奮力兜截豈有竟置不辦之理且七十五既慮賊
匪入陝身惟重咎獨不慮其在川省到處蔓延獲
咎更大乎實不知該提督是何居心七十五著傳
旨嚴行申飭現在德楞泰旣已赴陝所有陳張辛
魏顏阮等股賊匪著責成七十五進兵搜剿伊現
帶兵勇五千名德楞泰又添撥四川官兵一千名
軍威不爲不壯務當實力剿辦悉數殲擒若再有
稽延致老林藏匿賊匪竄出或逼往陝境或竄越
嘉陵江七十五恐不能當其罪也又德楞泰勒保現
在川東雲開一帶剿辦金竹坪竄來股匪並零星

聖朝聖訓

五

逃散之賊等語勒保在雲開剿辦之賊究係何股
賊匪是否業已辦竣尙未見伊具奏勒保係該省
總督軍務情形自應通盤籌畫而防堵嘉陵江尤
關緊要勒保仍須督飭防江之總兵許文謨副將
趙得功及沿江道府各員加意防範不可稍有疎
懈勒保一俟將川東賊匪上緊剿盡即回川北與
七十五會合進擊老林竄匿之賊以期肅清川境

聖朝聖訓編卷五

六

至所稱彼此觀望歲事無期之語為五年以來之
通病若伊等果能無分彼此併力一心賊匪早應
殄滅何至遲至此日尙未歲功現在已交春令若
以此數日奏報一次殺賊數百名並未除一首逆
殲淨一股不過再有數報已至春深彼時青苗在
地賊匪又得掠食飽颺而一交夏秋伊等又得以
暑熱雨不能進剿賊匪為詞何時始能辦竣現

距釋服之期祇有九十餘日朕盼望軍營歲績宵
旰靡寧伊等具有天良豈竟與賊日久相持不思
滅此朝食德楞泰在軍營日久勒保兩任川督於
該處賊情皆所深悉究尙有何策可以速平賊匪
接奉此旨後著將如何設法佈置於春間一律辦
竣之處據實迅速覆奏勿稍支飾其奏請令賽沖
阿帶領吉林官兵一節自應如此辦理

聖朝聖訓編卷五

七

同日

上命軍機大臣傳諭四川陝甘湖北各督撫曰川陝
楚各路軍營剿辦教匪已閱五年之久尙未歲功
朕心日深焦慮在經畧額勒登保叅贊德楞泰及
帶兵大員如慶成明亮等皆受

皇考厚恩朕復委以軍務重任伊等往來剿捕實亦不
遺餘力此等敗竄匪徒久應殄滅而仍前西竄東

奔漫無攔截者總緣地方官不能實力堵禦所致
節經降旨飭諭該督撫嚴飭各府州縣認真團勇
防守不啻至再至三乃近日各股賊匪又復四散
竄擾可見伊等總未能實力奉行再帶兵大員等
隨賊所向奮力兜剿鞠躬盡瘁雖屬分所當然究
於剿賊大局何益且官兵往來追擊日久卽精銳
皆成疲乏現當剿捕萬緊之際豈可仍聽地方官
泄泄沓沓不亟思設法籌辦乎向來賊匪經過之
處州縣官往往以保護城池爲名閉門自守而鎮
市村莊任賊焚毀以致賊匪恣意搶掠裝脅日多
雖經帶兵大員節次痛殲餘賊無幾不數日各處
畏脅又成大股與未經剿殺無異此時惟有責成
該督撫令各府州縣認真團勇保護村莊使賊匪
無從搶掠方爲上策如地方文武果能認真防堵

欽定剿平三省邪匪方略

正編卷二二六

欽定剿平三省邪匪方略 正編卷二二六

賊匪竄近之時親率兵勇出城奮力堵截不使滋
擾村莊俾居民得以安堵無虞卽將該地方官據
實保奏朕必優加獎擢倘一聞賊至心存畏怯閉
城自守致賊匪將城外村莊肆行焚劫必當查出
指名嚴叅治罪但團勇禦賊必須強幹有爲素得
民心之員始能得力著各督撫將賊匪往來滋擾
地方如川省之廣元蒼溪儀隴營山達州新寧開
縣萬縣雲陽大寧太平東鄉巴州通江南江陝西
之鳳縣留壩褒城沔縣寧羌南鄭城固洋縣西鄉
石泉紫陽漢陰洵陽安康平利白河五郎鎮安山
陽商州孝義盩厔湖北之鄖西鄖縣竹谿竹山歸
州興山東湖遠安保康房縣均州穀城現在各州
縣詳加查核其中實能勝任者卽責令團練守禦
若不能勝任者卽行撤回另選幹員奏調如不敷

欽定剿平三省邪匪方略

正編卷二二六

六〇九

更調亦當奏請揀發再於道府大員內如楊蔭元
 福方積等派令親往分管各州縣團勇事宜以專
 責成而督撫大吏並當合力同心大加振作以期
 迅速蕲事並著出示曉諭川陝楚百姓以教匪滋
 事以來蹂躪地方擄掠男婦殘忍迫脅無所不至
 朝廷憐憫爾等慘遭荼毒徵兵撥餉於今五年爾
 等各具身家豈有不思自衛任賊殘破之理倘經
 賊匪闖入爾等廬舍室家皆不能自保且被賊匪
 焚脅後一遇官兵追剿賊匪即令爾等在前迎拒
 必致玉石不分身罹鋒鏑何如悉力團勇賊至奮
 力堵禦賊去則仍安業即如近日川省寨首陳朝
 會鎗傷首逆鮮大川賞給七品頂戴藍翎團勇彭
 朝祿盤獲賊首張子聰賞給六品頂戴爾等如能
 似此戮擒逆首即當保奏格外加恩給予官職翎

頂即不能戮擒賊首而悉力捍衛俾賊匪無從搶
 掠亦必優加賞賚既可受朝廷獎勵之恩又得免
 鄉閭殘燬之患豈不公私兩得乎如此愷切曉諭
 庶可收眾志成城之效書麟甫經到楚正資整頓
 至勒保長麟陸有仁倭什布等皆簡任封圻務遵
 節降諭旨認真妥辦仍各將如何籌辦之處先行
 具奏倘仍前怠玩並不實力奉行或僅以空言覆
 奏塞責再稽蕲事必將伊等從重治罪悔何及矣
 臣等謹案團勇禦賊之方固在民間自為衛
 護而尤賴忠信之長慈惠之師能督率而鼓
 勵之我
 皇上厯念瘡痍節經
 申諭督撫飭屬各固圉認真防守而潰殘餘匪猶
 得肆竄奔馳謂非地方官之奉行不力而何

茲特蒙

聖明訓示將川陝楚各州縣要隘一一如指諸掌並

於現任道府中擇其尤者以為矜式

諭令督撫率同經理大加振作且又曉諭閭閻優其

獎拔

綸言渥沛至再至三感人心而迓

天和是以疾風掃蕩之助收效於影響也

聖朝聖德編卷三

三

二十六日

臣書麟奏言竊

昨到襄陽將兵糧

等項漏夜查明設法辦理即趕緊起程探聞撫

臣倭什布在竹山一帶剿賊

不及從均州即

陽大路行走即由花果園一路併站過進沿途

屢被賊擾村市半成瓦礫灰燼情形極為可慘

聞有人煙稍密處所俱已築堡自衛亦有於山

嶺豎立寨柵一聞賊警撤入據守者

臣當即

加慰諭察看情形居民均知激勵眾志相安因

思賊匪屢經剿敗卒未剪除每遇村莊無非掠

食畏人為伎倆而深山荒谷中勢不能處處安

設兵勇莫若令場集之較大者一律築立堡寨

人口糧食收貯其內其附近零星村落遇急一

併歸入在居民各護身家自必志堅立集而賊

匪無從焚掠官兵截剿亦復易於得手

臣當即

聖朝聖德編卷三

三

遵飭被擾各屬及未經蹂躪之區一體趕辦並

派委安員分投勸諭酌量興修使之守望相助

似亦備賊之一法

臣

於十五日馳抵竹山軍營

會同倭什布將本境剿堵事宜悉心籌畫竊思

楚北軍興五載軍威不為不盛

發帑不為不多即帶兵各員無不切齒同仇力圖剿

洗而賊匪奔逸靡常即以楚境而論時而肅清

時而竄擾臣查閱形勢湖北邊境與川省毗連之處綿長二千數百里俱係危峯仄徑路路可通卽掘濠塹以斷賊蹤只可偶一施之亦非長策現除守卡兵勇外統計在營打仗兵丁六千數百餘名加以打仗練勇三千餘名賊退則派防邊卡賊至則酌調從征此項官兵大半久在戎行日攀涉於懸崖絕澗中衝冒風寒暑濕卽

《聖朝聖鑒編覽》

五

有勁兵漸成疲卒臣與倭什布再四熟籌俟賊退而堵之使不得入先應賊來而剿之使不得出卽有乘間踵至賊匪亦有聞風畏足不敢再萌窺伺之心昨據駐守黃龍灘之廣西右江鎮總兵德昌稟稱本年五月調來兩粵兵二千五百名從征至今除陣傷亡故及殘廢遣回六七百名外尙存兵二千七八百名現在帶駐黃龍

灘兵六百餘名精壯者僅十之五六若不更調補額兵力更賦查廣西右江鎮所屬鎮安協隆林營二處兵前曾跟隨打仗頗爲奮勇又係生長山谷登陟趨捷請調鎮安協兵三百名隆林營兵三百名來楚隨剿至該二處存營兵丁亦足資本地操防等語所稟自係實情若不准其抽換勢必日用日疲有名無實徒然耗費鹽糧

《聖朝聖鑒編覽》

五

臣當卽會同倭什布飛咨粵省抽撥更替於軍務庶有裨益頃據竹山縣探報徐高二股賊匪在葛藤口及大小西河一帶滋擾孫清元吉林泰由餉魚口抄剿長齡明亮由郭家洲進剿等因臣訪察賊勢似欲隨擾隨竄使官軍跟蹤剿捕不得休息其兇狡情形可恨已極臣思川陝楚三省邊界犬牙相錯在賊匪從支峯蔓壑人

跡不到之處東奔西走並不知為何省疆界若

不併力合剿仍復耽延時日刻下剿捕事宜臣

斷不稍存此疆彼界之見逼賊竄出楚境塞責

一時苟安旦夕現與倭什布確探賊蹤相度機

宜或分路兜擒或合營會剿剿賊而賊退則剿

即是堵堵賊而賊至則堵即是剿臣受

恩深重目擊居民殘敝賊蹤出沒各情形焦灼如焚

不聖素和聖編卷三

美

寢食俱廢惟有殫竭哀庸會籌剿堵但願軍務

早完一日早紓一日

宵旰憂勤

同日長齡奏言竊臣等前因黃藍青號三股匪

眾先後闖入楚境馳抵房縣之蒙古寺督率馬

步兵勇奮力截殺直抵秦口該匪不敢東竄折

回西北隨即跟蹤前進臣於初七日馳抵三教

堂接獲倭什布知會暫駐竹山督辦後路糧餉

派令副將吉林泰帶領兩粵官兵來至陳家鋪

攔截東竄之路臣查徐添德為著名首逆兼有

高二合駁又有黃號匪徒人數稍眾自應慎重

辦理吉林泰現有之兵究屬單薄況此股賊匪

素來詭譎亦非一路兵力所能剿辦臣與明亮

孫清元等熟為籌商當將吉林泰帶來兵勇及

不聖素和聖編卷三

美

臣現帶官兵均勻調撥襄宜兩鎮官兵一千八

百餘名二竹練勇二千名馬隊四百五十名即

令孫清元統領與吉林泰合為一路即由西南

漳洛河官渡一帶截剿臣與明亮將原帶兵勇

由西北一帶兜迎兩路並進逼歸一處以期易

於得手旋據探報該匪仍分三股青號一股向

泉溪行走黃號一股向黃栢溪行走藍號一股

向火燒坪前竄均在竹谿境內復據孫清元來
 信初九日正在帶兵前進遇賊二三百名吶喊
 抗拒當即督同吉林泰及將備等搶上山梁截
 殺又報後路紅蓮洞兩河口有賊五六百名突
 出抄襲我兵之後隨營候補知縣金克俊帶領
 練勇鄭光明等奮勇迎擊侍衛托爾托保遊擊
 毛秉剛守備郭朝鳴帶領馬步兵馳前接應
 擊斃賊匪一百餘名追至舊家山地方該匪情
 險撲歷知縣金克俊督率鄉勇首先衝入斃賊
 數名身帶重傷當時陣亡各官兵憤恨衝擊該
 匪始由馬湖嶺敗竄臣連日知會孫清元兩路
 緊躡不予以暇於十五日探得該匪仍復會合
 屯聚麻家壩和合埡泉溪一帶卽星飛知會孫
 清元自西南而東北臣等自東北而西南以成

兩面夾擊之勢卽於十六日五鼓兩路官兵約
 會前進行抵太平關卽聞鎗礮之聲計料孫清
 元兵勇業已接仗臣長齡帶領塔津保呢瑪善
 朱士奉等臣明亮帶領富翰雙福王懋賞等分
 帶馬步兵勇等兩路疾馳趕至瓦房口該匪正
 在攻撲該地寨砦並於山梁排立賊衆據險抗
 拒臣長齡督率兵勇於左邊山梁仰攻臣明亮
 帶領馬隊直搶右邊山梁該處山勢頗高路徑
 尙寬撲歷數次兵勇毫不退動愈撲愈進箭射
 鎗擊立斃賊匪二百餘名餘匪俱向大山翻越
 節次俱有賊匪埋伏接應臣等遠用大礮轟擊
 馬兵分路馳射步兵鎗矛到處無不應聲而倒
 復斃賊四百餘名連壓四重山梁該匪直往西
 竄又據探報孫清元同侍衛托爾托保武承額

帶領勁旅副將吉林泰督同將備等帶領奮勇
兵丁三路追剿該匪不敢西向仍復折回北竄
臣等兩路夾擊復斃賊匪四百餘名生擒活賊
六十一名搶獲騾馬旗幟鎗矛甚多賊衆身帶
鎗矛各傷滾巖跌斃者甚衆被擄良民分投逃
出者不計其數餘匪不擇路徑亡命奔逃我兵
自五鼓進剿馳逐十數重山梁追殺六十餘里
已盡竟日之力當於雙竹園泉溪等處分隊暫
爲歇息並令兵勇分投查驗被殺賊匪之內有
無首逆並訊獲犯王世貴蔡元希周大經周開
吉等十八名供稱俱係鎗手頭目青號一股是
徐添德大掌櫃元帥張允壽管事前日與藍號
合夥即高家營掌櫃高二後來趕上黃號元帥
叫樊榮華是黃號樊人傑一家樊人傑尙在陝

聖祖聖孫編卷五

三

西並未過來三營合夥有一萬餘人沿途裝脅
又有四五千人原商量要在竹山奔黃龍灘下
均穀襄陽過年連日官兵跟追甚緊存紮不住
要想覓路逃往川陝不料今日兩路官兵抄來
殺傷甚多我們掌櫃元帥不知下落亦不知向
何路逃走等語當將該犯等縛割其餘陳理等
四十三名俱係被擄良民卽行釋放所獲馬騾
鎗矛當卽賞給兵勇此次打仗兵勇內間有損
傷容俟查明咨部辦理臣等仍與孫清元兵分
兩路偵探該匪分合趨向乘勝剿除以期仰慰
聖厯均奏入

聖祖聖孫編卷五

三

上命軍機大臣傳諭書麟倭什布長齡曰書麟甫到
軍營卽以防堵爲重所見已得要領其勸諭居民
築立堡寨及更替疲兵等事均於軍務有裨摺內

所稱無分疆界併力合擊等語深得大臣之體覽
奏甚爲嘉慰特賞給御書福字俾書麟與員弁兵
民等共迓春祺大功速成正在降旨間又遞到長
齡奏報連日分道抄截青黃藍三股賊匪共計殲
擒一千二百餘名大獲勝仗欣慰覽之此次長齡
明亮分帶塔津保富翰等督率兵弁兩路疾馳趕
至瓦房口賊匪正在攻撲寨砦據險抗拒長齡督
率兵勇仰攻左邊山梁明亮帶領馬隊直搶右邊
山梁立斃賊匪多名孫清元同侍衛托爾托保武
承額副將吉林泰督率弁兵與長齡明亮會合夾
擊多有斬獲當此嚴冬歲暮涉歷冰雪均屬奮勇
出力長齡著賞給大小荷包鑲瑪瑙方盒孫清元
著賞給大小荷包並著交部議敘明亮著陞爲二
等侍衛並賞給大小荷包以示獎勵又發去搬指

搬指套各十個交長齡等分賞軍營出力各將弁
其餘隨同打仗出力將領如塔津保富翰托爾托
保吉林泰等並著書麟會同長齡孫清元明亮等
查明具奏候朕加恩至兵丁等衝寒涉險奮勇殺
賊實堪嘉獎前有旨賞銀一萬兩爲兵丁添製衣
履之用此次出力兵丁著書麟查明再提銀五千
兩分賞用示鼓勵湖北青黃藍三股賊匪聚脅多
人本欲往均穀襄陽一帶過年實爲可恨今經長
齡等痛加殲戮賊匪自己喪胆現在長齡明亮與
孫清元分兵兩路偵探該匪趨向進剿而書麟倭
什布已親往策應徐添德係起事首逆高二又係
賊中最兇悍者書麟卽當督同長齡等乘此兵威
勝勢將高徐二逆卽在楚境一鼓殲除勿留餘孽
至明亮前在金川曾與書麟共事今同在楚省辦

賊書麟自應勸令加倍奮勉以期補過桑榆若能將楚省之賊剿盡此卽伊等大功捷書一至朕必立沛殊恩倘一時未能殲淨或竄往川陝地方長齡明亮自當帶領勁兵隨賊所向緊躡追剿書麟係湖廣總督自應與倭什布孫清元仍駐楚省督辦防守事宜在該督素矢忠勤當此剿賊緊要之時自必思滅此朝食但職任封圻如果賊匪已竄往川陝斷不必越境追賊惟賊匪竄出楚境後所有該省毗連川陝各邊隘務須督率地方文武扼要守禦使賊匪無隙可乘不致再有一名闖入卽爲不負委任又書麟奏前赴竹山經過地方人烟稠密之處俱已築堡自守正可廣爲勸諭使百姓咸知自衛各保身家並綏撫良民堅心禦賊以收衆志成城之效至現在楚省糧餉雖交姜晟辦理

倭什布係本省巡撫亦當隨時照料不可稍有貽悞

二十七日乙亥勒保奏言竊臣前在川北各境內

因據開縣雲陽等處稟報有不知姓名賊匪由

大寧金竹坪老林竄出當與德楞泰會商三路

重兵俱在川北必須分兵兼顧川東是以臣卽

自南江之乾溪口帶兵轉回徑赴川東探賊迎

剿查川省各股賊匪每逢官兵痛殲一仗必有

零星四竄之賊潛匿奔逃緣大兵不能久駐窮

搜一經追賊遠去該匪等或百餘人或數十人

湊集摸樁民間猝不及防頗受其害節經臣等

通飭地方文武並派將弁等帶領兵勇查拿以

免日久滋蔓茲臣帶兵轉回據署巴州田文煦

稟報先因登高寨團勇將李炳股內賊日張以

文之妻喻氏擒縛解營張以文於初六日晚間率領夥匪百餘人至寨索討聲稱如不給還喻氏必攻撲報仇正在抵敵間適把總陳安邦吏目吳壽帶領兵勇於次日趕到匪衆一見疑係大隊官兵到來即紛紛潰逃我兵乘勢追殺獲賊二十九名追至樓臺寨復經該處團首李如華何林樹李玉蘭等率領練勇堵住與陳安邦等兩面截殺斃賊五十一名投出吳敬朝等四十七名賊目張以文鑽入茨林即時擒獲訊據該犯供稱與冉文儔同時起事現在李炳名下當僞先鋒因在觀音河被官兵殺散路過登高寨又被寨勇將妻喻氏拏去探知大兵已赴由江特帶百餘人前來報復不意被擒等語當經臣飭令巴州將該犯解至軍營訊明凌遲處死

所有出力之員弁寨長人等均各酌加賞資以示鼓勵又據渠縣大竹稟報自官兵於安仁溪痛殲大夥匪衆旋有七八十人晝伏夜行摸樁擄掠經該二縣團勇追捕殺賊十餘人餘匪逃至梁山縣柏林漕地方潛匿臣一面批飭嚴拏一面派令遊擊桂涵酌帶兵勇馳往搜捕以期淨絕根株又臣前赴川北剿賊之時據太平縣稟報該縣井溪壩一帶山內有摸樁賊一百餘人不時出沒當經派令都司楊春榮縣丞周一鳴帶領兵勇前往剿辦茲據該都司等稟報初十日探知賊在老雄灣屯紮即分兵由流水溝相思潭兩路進剿該匪等始猶抗拒嗣見兵勇勢盛即捨命奔逃追殺四十餘里斃賊五十餘名並殺死戴水晶頂賊目一名於該犯身上搜

《聖朝勳績編卷三十五》 美

《聖朝勳績編卷三十五》 毛

獲瀘寧管守備鈐記一顆生擒旗手鄧朝仲等
並逃出難民男婦蔣義富等七十二名口訊據
供稱此係湯思蛟夥內掌櫃李老七爲首卽此
次殺死戴水晶頂之賊瀘寧管守備鈐記乃李
老七從前打仗時所搶獲者自九月間在紫水
場地方被官兵打散李老七帶同鄧朝仲等百
餘人在太平西鄉邊境老林藏匿近聞官兵俱
赴川北所以出來摸樁不料盡被擒殺等語臣
已批令將現獲各犯交與太平縣錄取確供稟
請分別核辦是巴州太平境內兩股摸樁之賊
業已辦完惟梁萬境內尚有數十人未淨已催
令遊擊桂涵帶兵緊追斷不任其稍留餘孽致
有蔓延至大寧金竹坪之賊據報係白號湯姓
藍號岳姓共有千餘賊衆分有一二百人在雲

欽定剿平三省邪匪方略 正編卷二二六

開境內擄糧經該處團勇擊退仍向金竹坪屯
踞查臣於初十日由南江乾溪口起身至金竹
坪計程一千四百餘里於十七日行抵新寧距
大寧尚有六百餘里探得賊匪仍在該處游奕
並未出山當卽督同阿哈保薛大烈永寧帶兵
兼程前進相機剿辦以期剋日掃除再太平城
口一路現據總兵托雲泰稟報並無賊匪竄入
探聞龍紹周等股均在陝西安康屬之泊河漳
河一帶屯紮臣飭令該鎮祇須攔住老林要路
如有賊匪由陝竄來逼令歸入開太境內平坦
地方庶剿辦更易得手又松潘龍安一帶本派
高廉鎮總兵張志林督率防堵今新任松潘鎮
呂朝龍昨由裏塘查辦夷務事竣回營現聞伍
逆餘黨又從陝西竄入甘境所有松龍邊隘防

欽定剿平三省邪匪方略 正編卷二二六

守極關緊要臣已飭該鎮速回松潘本任督率
兵番實力堵禦以期呼應更靈並札飭張志林
俟呂朝龍到任後即赴白水嘉陵江一帶督辦
防江事宜用資得力奏入

上命軍機大臣傳諭勒保曰已州太平境內兩股摸
樁之賊經該處團勇等分投追捕兩處殺賊二百
餘名搜剿完竣所辦尚好至大寧金竹坪一帶尚

聖朝聖訓卷五

早

有白號湯姓藍號岳姓賊匪湯姓自即係湯思蛟
其岳姓又係何股賊匪既據奏該匪等祇有千餘
且在雲開境內搗掠時該處鄉勇即能擊退可見
賊匪無他伎倆易於剿捕此時李炳陳朝觀張士
龍及辛聰顏勝司魏棒棒阮正潮等各逆俱在川
北奔竄股數較多於川東而德楞泰已帶兵赴陝
勒保自向未經知悉若因川東零星小股牽綴我

兵致川北大股或有蔓延轉輿賊計且川北各股
賊匪僅交七十五一人在彼剿辦恐不可恃勒保
應察看賊情如大寧竄匪人數無多無需勒保自
行督剿即於阿哈保薛大烈永寧三人內酌派一
二員在彼帶兵搜捕務期淨盡勒保仍回至川北
率同七十五併力擊剿將川北大股賊匪迅速殲
除方不至顧此失彼並須督飭鎮將嚴防嘉陵江
岸不可稍涉大意其所奏探問伍逆餘黨又從陝
西竄入甘境尚未據額勒登保奏報所探情形如
果確實想額勒登保自當即日奏到其松潘龍安
一帶邊隘勒保已飭令總兵呂朝龍速赴該處實
力堵禦並令總兵張志林於呂朝龍到後即赴白
水嘉陵江督辦防江事宜惟當飭令該鎮等一體
嚴密堵截毋使賊匪入為要

聖朝聖訓卷五

早

欽定剿平三省邪匪方略正編卷二百二十七

辛酉年

正月初一日戊寅書麟倭什布奏言竊臣書麟親

赴軍營督同兜剿旋接長齡明亮來字業經抄

至賊前孫清元吉林泰帶領勁旅分路將徐添

德高二等股賊匪剿敗該匪星散奔逃在泉溪

黃柏溪火燒坪一帶百餘里深山之內分布十

數路每夜放火臣等揣量賊情焚東掠西以分

剿平三省邪匪方略

路放火為牽綴意欲誘惑官兵墮伊術中其實

放火之處未必有大股賊首在內況邊境包絡

大山老林數百里若欲處處兼顧官兵愈分愈

單尤非善策因思賊匪掠食裹人自應擇人烟

稠密處所力為堵剿內固藩籬其深山窮谷並

無居民糧食處所不妨驅逼賊匪竄入其中無

所得食無從裹人黨與日孤寇糧罄盡自然消

滅即飭各卡勇把守要隘捍衛村莊臣等酌帶

竹山鄉勇親自進山逐節搜捕行至長嶺該處

民人見臣等進山人人安堵二十一日行至太

平岡將難民面為安撫兵丁普加賞賜無不同

聲歡慶傳誦

皇仁臣等因山勢險峭僅有仄徑一線由山脚斜上

峯巔旁俱深澗下坡陡滑臣及隨員等均扶掖

剿平三省邪匪方略

步行正在踰路前進適得探報長齡明亮等在

瓦房口接仗殲斃賊匪數百名又據孫清元吉

林泰等報稱在太平關和合垵泉溪一帶兜截

與長齡明亮等兩路夾擊又斃賊四百餘名將

賊兜回不放竄出且截臣等因東川保豐

一帶係二竹糧運要路徐逆於諸賊中最為狡

詐設被折回所關匪細即連夜由東南兜向西

北以遏賊匪下竄之路是夜二更時分該匪在水坪等處放火距_臣等紮營處所十餘里適長齡明亮派撥馬隊一百名廣東步兵五百名前來排列山梁以助聲勢並諭百姓等以現在大兵數萬陸續到來令其傳說以定衆心卽派吉林索倫馬隊各兵馳赴南岡高阜處所賊匪正在岡西對面半山屯聚望見馬隊卽狂奔駭竄翻過山頭紛紛逃遁旋復據孫清元吉林泰等報稱該鎮等行至泉溪之陳家河左近適遇賊匪二千餘名攻撲該處民築寨洞一見官兵恃險抗拒經該鎮率同奮勇千總桂永泰陳天壽把總薛忠全張代鳳外委唐文林總管托爾托保等帶領練勇鄭光明等由右進擊遊擊三福等帶兵由左仰攻該匪亦分股下壓被官兵鎗

擊箭射斃賊數十名衆匪四散翻山逃竄遊擊三福守備郭朝鳴珠爾杭阿追擊唐家坪馬賊一股守備孫欽汪銘亮遊擊毛秉剛楊安常德追擊燕麥河步賊共斃賊四百餘名生擒六十一名搶獲騾馬旗幟烏鎗大礮刀矛各件衆匪帶傷奔逸逃出難民甚多獲犯王世貴等供稱此股係青號元帥姓張要奔黃龍灘下均穀襄陽一帶不料官兵截住殺敗各自散逃餘無要供該犯係屬正賊業經縶割其餘陳禮等四十三名訊係被裹概子釋放馬騾分賞兵勇鎗礮刀子存留備用兵勇損傷無多查明另報等情_臣等查青號賊匪業經剿敗分路逃竄現在一面探明賊蹤分合趨向加緊追剿一面知會各路兵勇兇截再查守備金洪翮前稟稱黃號賊

匪樊人傑由陝西化龍山竄至竹溪河一節竹溪河係隸陝境與楚境之竹谿縣毫無干涉並節據陝西藩司溫承惠陝安道朱勳同時稟報黃號賊樊人傑在陝境黑山等處滋擾係經畧統兵兜截並無竄入楚境之事長齡據獲犯張尙力稱有樊人傑由化龍山蓮花山逃竄等供恐化龍山之竹溪河卽係楚境是以敘供入奏

亦屬慎重之意並查青號徐添德股內有樊榮華係黃號樊人傑一家業經長齡續行奏明在案緣賊匪狡狴異常分合無定所有該守備金洪翻防守地方並無陝匪竄入奏入

初二日臣長齡奏言竊在太平關泉溪一帶會同孫清元兩路夾擊手斃賊一千餘名獲賊六十餘名隨偵探該匪分合趨向乘勝追剿查該

匪經痛剿之後青號徐逆夜奔西南高逆及黃號直竄西北當令孫清元原帶兵勇向西南跟追徐逆臣與明亮卽向西北緊躡高二及黃號一股連日隨探隨剿沿途俘戮甚多該匪勢已窮蹙晝夜狂奔臣於二十一日申刻趕至陝楚交界之大花園地方該匪尙未料及官兵如此迅速倚仗該處山險林多可以藏躲掠食臣等不敢稍涉遲緩臣長齡帶領侍衛塔津保呢瑪善參將德興等督率兵勇攀藤附葛翻越大山隨覓徑下壓臣明亮帶領侍衛恒崑富翰參將黃定選遊擊胥泗起等督率馬兵銜枚捷走從溝內抄出兩路並進該匪一見官兵分投抗拒拚命抵敵我兵奮勇當先鎗擊箭射刀砍矛戮立斃賊匪四百餘名賊匪極形慌亂四散奔逃

臣等儘力追殺沿途擒賊一百十三名拋棄驟馬器械填塞道路散出難民甚多該匪不擇路徑卽由粟子鋪桃花坪翻越界嶺逃入陝省平利界內時已三鼓雖有月色究屬深林密箐我兵已馳追數日自宜暫為休息卽於界嶺駐紮當將獲犯審訊據閩理元供我哥哥閻慎元楊子俊供我叔楊一桂俱是營內元帥我二人俱當掌櫃管領打仗矛手衝打頭陣前日三號合夥商量分股滋擾牽纒官兵時合時分我等就在湖北過年十六日在太平關一帶與官兵打仗傷折許多好戰手連日晝夜奔逃至大花園等候青號合營不料官兵連夜趕來不及防備又被官兵殺傷許多人不能再等青號莫如且逃往陝西並訊朱義呂二虎等一百十一名俱

係頭目鎗手實係正賊當卽正法臣長齡早經知會陝西藩司溫承惠就近堵截再查臣前奉諭旨以防堵二竹為重如果逼出楚境酌量分兵剿辦又奉諭旨如一時未能剿淨亦必將賊匪逼向西趨等因現據書麟知會已同倭什布行抵竹谿臣當派侍衛常祿委叅領皂祿帶領馬隊一百名叅將馬德舒等帶領廣東兵五百餘名迎赴前途接應以資沿途搜捕查孫清元現在剿辦青號一股分帶兵勇四千餘名馬隊四百五十名此時復又分撥書麟處廣東兵五百餘名馬隊一百名足資堵剿況書麟久歷戎行威望素重楚省邊隅自然籌防盡善臣等節奉諭旨專辦高逆此時必當跟追入陝以期會同陝西

領兵各員趁此窮蹙之時乘勝殲除臣卽帶前

此德楞泰派來之雲貴山東兵九百餘名河南

兩粵兵一千餘名馬隊五百餘名及隨營鄉勇

帶領前進所有各兵勇尙有應領餉項及

恩賞銀兩業已飛咨倭什布星速派員解送前來以

資分給兵勇此次打仗將領俱獲平善兵勇間

有損傷容俟查明咨部辦理奏入

聖朝聖訓卷三十一

九

上命軍機大臣傳諭書麟倭什布曰朕屢念軍務無

時稍釋茲新正元旦書麟等卽奏到捷音爲朕丹

臺批閱第一奏摺實爲安民平賊豫兆仰賴

天恩叩感不盡此股青黃藍三號賊匪在楚境竄擾經

長齡明亮孫清元在五房口一帶分兵夾擊大獲

勝仗書麟等復因東川保豐一帶爲糧運要路並

虞賊匪折回卽親往剿辦以扼賊匪下竄之路賊

匪望見馬隊狂奔駭竄孫清元吉林泰等得以趁

勢剿殺殲賊多名書麟一至軍營卽連次獲有勝

仗事機極爲順利不但楚境卽可肅清卽川陝竄

匪必當殲就殄滅其所奏賊匪伎倆惟在掠食裹

人今於人煙稠密處所力爲堵剿以固藩籬所見

甚是實中肯綮民心固而賊必散堵得要方能用

剿勉此一語立見太平矣正在降旨間據長齡奏

聖朝聖訓卷三十一

十

到追剿高二及黃號賊匪在陝楚交界之大花園

地方分投進擊斃賊四百餘名生擒一百餘名賊

匪翻越界嶺逃入陝省平利境內長齡明亮跟蹤

入陝等語覽奏深爲嘉慰前因長齡等剿辦高逆

等匪彼時朕卽料賊匪有竄出楚境之勢曾降旨

令長齡明亮跟蹤緊剿書麟仍應督率孫清元在

楚境防守今高二等股匪果已竄赴陝境而長齡

明亮已卽跟踪緊剿所奏與朕前旨相合是此時楚省境內祇有徐添德一股賊匪書麟如能督率孫清元等將此股賊匪在楚省剿盡卽屬伊等之功儻徐逆因被剿緊急又見高二等已竄陝甘其勢甚孤亦思接種竄陝恐書麟因長齡等業經追賊赴陝亦欲帶兵緊躡賊蹤越境剿辦此則斷可不必卽孫清元亦不必派令前往現在長齡明亮

聖旨

十一

已在陝境剿賊或卽知會伊等一併剿辦儻長齡等勢難兼顧書麟亦不妨酌量情形飭知馬玉魁溫承惠等合力剿辦斷不可因急欲殺賊立功自行前往書麟係協辦大學士湖廣總督非從前出師金川僅爲領隊可比且伊已年近七旬尤當持重朕所以將伊調任者原以從前該省辦理防堵事宜全係空言並未實心籌辦此時書麟惟當遵

照節降諭旨將團軍築堡安撫難民及善後等事悉心經理如徐逆剿平或驅出境後惟當督率地方文武嚴防邊隘毋令川陝竄匪再有一名闖入楚境卽爲不負委任且閱書麟摺內所稱山勢險峭僅有人徑一線書麟扶掖步行踰路前進覽秦深爲懸崖賊情詭詐深山窮谷之中難保無匪徒藏匿伺間竊發書麟係督辦軍務之人惟在調度

聖旨

十二

得宜指示策應轉不必以帶兵殺賊見長冒險輕誠現在我兵士氣歡騰昨於頒賞銀一萬兩外復有旨加賞銀五千兩自必倍加感奮踴躍爭先於此事機順利兵心鼓舞之時如將徐逆一股在楚境殲擒卽遵節降諭旨在此處籌劃臬示以伸國憲而快民情不必解京辦理其股內餘匪務須搜除淨盡不留餘孽以絕根株

久在外之理惟辦賊之法不外剿撫堵三者節經
降旨申諭至再至三可謂深切著明乃賊匪東竄
西逐四出奔竄帶兵大員未始不跟蹤剿殺而各
該督撫於防堵事宜未能認真辦理以致賊匪復
分竄藉誅現在賊匪既難於用撫勢不得不專意
用剿惟是此等賊匪不過內地亂民始而惑於邪
說地方官未能辦理妥協激之生變繼復迫於兵
威地方官又未能安撫得宜驅而從賊閱各路軍
營節次所奏情形賊匪有裝扮難民及冒戴翎頂
者此不過愚民無知妄希榮耀及苟延殘喘偷生
掠食並無豫謀巢穴屯積糧草以為要結人心佔
守城池之計其伎倆已可槩見為今之計自應將
三省邊界要隘處所嚴密防守俾帶兵大員得以
儘力追剿如能將賊匪逼入川境三路大兵得以

合擊固為上策否則亦須將各股賊匪驅至漢江
南岸仍在三省交界地方逼歸一處大兵漸圍漸
緊賊匪無從竄逸庶可以次殲除但計各股賊匪
人數尚多若必聚而殲戮實有不忍因思被脅從
賊之人如能悔罪投誠固當妥為安置即賊匪中
著名首逆情罪本屬重大但被剿情急如肯束手
請降亦不妨俯允所請許貸其一死以示法外之
仁各帶兵大員及督撫等務當明白宣示詳為曉
諭逆首等聞有生途自必各思投出於剿捕較易
集事免致數省生靈久遭荼毒亦所以廣朕並育
並生之意也再額勒登保自上年十二月二十日
長麟陸有仁自上年十二月二十一日奏到之後
迄今俱未見續有奏報伊三人並未具摺奏賀元
旦殊為不解即尚未殲擒首逆大獲勝仗亦應將

剿辦大槩情形隔數日馳奏一次此時陝省漢江
南北奔竄股匪正在剿辦喫緊之際又昨據勒保
奏稱伍金柱一股餘匪有闖入甘省之信更深屢
念朕盼望捷音宵旰莫釋伊等何不仰體朕意乃
爾耶著額勒登保長麟陸有仁將因何奏報遲滯
及現在如何設法堵剿之處迅速馳奏勿再延緩

初四日辛巳額勒登保奏言臣昨於武關等處將

剿辦大槩情形

十七

賊截回西南卽於十四日飭令綸布春汪啟
帶兵跟追冉學勝股匪前進十五日楊遇春格
布舍穆克登布趕來會合面爲籌商並傳集各
帶兵之滿漢將領諄切勉勵正在分路趕進擊
獲冉學勝股內細作楊可玉嚴加訊問據供冉
學勝雖已折向西南其意仍欲東向昨樊人傑
處有人到營告知他們幾股畏懼官兵業已西

折冉學勝說官兵現俱緊追我一股樊掌櫃等
人數又多正好衝出河南我等仍卽覓路繞出
東面當令來人假作難民前去今早冉學勝又
告知各頭目各自帶人分路在老山行走不許
合在一處行走幾日以放火爲號再行聚集有
路可以回至商雒尙須轉回差我前來探聽消
息等語該匪之詭詐一至於此實屬萬分可恨

剿辦大槩情形

十八

臣卽將楊可玉嚮割又探得樊人傑冉添土王
土虎等自由鎮安西竄之後蹤跡亦尙未遠儻
不分路攔截必至墮賊奸計仍至東逸十六日
臣又飛札綸布春汪啟帶兵由二官廟一帶緊
躡冉逆極力趕剿令楊遇春格布舍由木瓜園
木旺坪昌平五郎關一帶進發囑其緊備樊人
傑等東向并於本隊內酌量分兵於山僻小徑

設法截剿總以先杜其東北為要臣亦即率同
札克塔爾穆克登布由梅花鋪進發緊顧東面
向西南抄截而前冉學勝股匪果分為數股每
股或一二百人或三四百人前後左右零星奔
逃一見官兵輒即穿越林箐潛匿兵力難以施
展臣傳知將領等亦將官兵鄉勇分為多路凡
遇可以東折路徑均令預行抄扼得剿即剿二

聖朝聖訓卷之三

九

十日臣行抵大仁河據綸布春報稱沿途斬獲
賊匪一百數十人冉學勝遂不敢東折亡命西
向鎮安之茅坪燕子嶺黑水河松樹壩漢陰之
池河銀杏壩奔竄綸布春汪啟現在緊跟追剿
至冉學勝前又分出一小股二三百人向黑山
口舊縣關一帶竄逸臣派令侍衛捫欽保持特依
順保遊擊劉健標等酌帶馬步兵勇六百餘名

聖朝聖訓卷之三

十

追茲據報稱連日於東西牛槽萬登寺等處
追及賊匪該匪於樹林溝坎中四散躲藏兵勇
分投搜緝該匪復奔上山梁劉健標等又率眾
攻搶上山殺斃賊匪八十餘名滾崖跌斃數十
人餘俱乘夜向七里溝火地潰竄有奔五郎南
山之勢等情至樊人傑王士虎冉添士大股賊
匪知東面大兵分路兜截亦不敢東向於十五
六等日由水田坪竄至石泉之五里鋪乘夜擾
及近城之西關北關燒燬民房擄掠食物石泉
令李樞煥等率勇上城守禦鎗礮轟擊總兵劉
之仁聞信由柳溪星夜帶兵前來於次日早間
趕抵東關賊匪見有兵來遂由西北疾竄官兵
追出二十餘里該匪向饒峯竄往洋縣之良池
河馬家溝一帶計算楊遇春等當已過五郎距

賊不遠臣卽飭楊遇春格布舍帶兵速由茅坪

兩河一路向西緊剿因距臣較遠尙未據報到

情形臣連日由青銅關夏家店黑牛溝陳家臺

銅錢窖一帶緊顧東面而前刻已馳抵漢陰之

柳林子現在冉學勝樊人傑王士虎冉添士等

股賊匪經臣督率各路官兵盡力追逐離陝之

東面已及千里卽伍懷志敗殘賊匪亦在五郎

聖朝聖恩編卷三

三

迤西之黃瓜峪看來均不致東趨又據額勒亨

額報稱帶領馬步官兵在紫陽界內堵截十二

三四等日賊匪或二三百或四五百分股突出

攻撲汝洞二河沿江營卡連日晝夜嚴防鎗斃

賊數十人該匪等見備禦甚嚴不能竄越由大

道河向南逃遁第臣南抵漢陰境內接據興安

府知府周光裕稟報江之南岸有一股賊匪於

十八日三更竄至安康之五塊石該處江岸原

祇安鄉勇一百名探聞賊有窺伺江岸之信旋

卽撥派鄉勇二百名以資堵禦詎意賊眾勇少

不能抵敵鄉勇被傷十數人旋即潰散該匪隨

躡淺過江聞係高姓賊股有二三千人等語該

匪等現竄九條溝堰坪一帶在漢陰西南一百

餘里臣卽當探明一律剿辦伏思賊情變幻難

聖朝聖恩編卷三

三

以豫定臣此時惟有督率官兵嚴催各路激勵

將士先將此一帶之賊以次上緊肅清再辦他

處再據慶溥喜明溫承惠柯藩等報稱日前先

將馬五分股賊匪從陝楚邊界截回該匪竄至

滔河卽與龍紹周苟文明股匪及唐大信餘孽

合夥該匪又因滔河糧食無多不能存住與龍

逆等分股從安康平利竄往湖北十四五等日

慶溥柯藩由熊家堦蘭河口磚坪進剿適遇賊
 匪竄聚山梁兵勇分路搶上斬獲百餘人又喜
 明溫承惠率領兵勇於十四日抵東香河遇賊
 殺斃五十餘人賊匪連夜散竄花壩寡婦溝一
 帶該處路徑甚屬紛歧次日喜明溫承惠與副
 將國興阿各帶兵勇分路而進國興阿帶兵行
 抵花壩賊匪前來抵拒當經馬步官兵鎗箭齊
 發斃賊五六十人喜明溫承惠帶領馬隊鄉勇
 趕抵寡婦溝適賊匪從山梁奔下將出溝口兵
 勇奮力迎擊斃賊數十人該匪一股竄向玉子
 坪一股竄至小鎮其勢仍欲東竄慶溥柯藩同
 馬玉魁在磚坪暫劄喜明溫承惠在左林溝暫
 劄迺其要路十七十八兩日夜間賊匪竟敢攻
 撲營卡均經兵勇擊退節次打仗有候補把總

聖朝實錄卷三

三

劉國政殺賊陣亡其餘弁兵間有傷亡查明再
 報等情^臣又嚴飭各該員等上緊截剿以遏賊
 蹤
 同日長麟慶成奏言竊^臣長麟接據寧羌州稟
 報有賊匪五股由廣元竄至寧羌境內據逃出
 難民報稱一股係張世濫叔姪兩營一股係辛
 聰一股係楊開第餘黨新立元帥王姓一股係
 魏棒棒李裁縫一股係冉文儔餘黨賊首冉添
 元五股賊匪約有數千人商議一處併力攻撲
 陝西卡隘計圖竄入南山各等語^臣長麟當卽
 飛飭各卡隘晝夜隄防嚴加堵禦並另派遊擊
 馬忠都司米章張聯魁等帶領兵勇前赴梅子
 壩白巖河巫山亞各卡隘相機策應去後旋據
 各卡隘稟稱張世濫一股賊匪竄至寧羌邊界

聖朝實錄卷三

三

之大桃樹經革職副都統候補佐領和興額叅將張應魁羅全亮等帶領兵勇堵截該匪聞風卽於十六日折向青草灘黃丹梁一帶二十日復至陳家垵攻撲卡隘坐卡把總白玉喜鼓勵鄉勇出卡迎剿鎗斃騎驃賊目一人執旗賊目一人並殺死餘賊五十餘人生擒二十六名拾獲大旗一杆馬二匹餘匪卽向大壩奔往南江

縣境訊據活賊供稱打死騎驃之賊係總兵魏元伏掌旗大頭目係魏大富等語又辛聰一股賊匪於十六日竄近兩河口有防守巫山垵之遊擊常祿帶領兵勇追剿賊匪卽折向映水壩逃逸兵勇追襲賊尾斃斃一人生擒黃勇林羅宗正等二名餘賊復奔向油札坪大沙河雪山坪一帶適楊奎猷探知卽與遊擊李殿魁守備

欽定剿平三省邪匪方略

正編卷二二七

王殿甲帶領兵勇分三路抄截賊匪聞風折向燕子崖狂奔兵勇追至燕子崖賊匪已經遠遁僅能趕上賊尾斃賊四人生擒三名內有大旗頭目劉鳳仙一名又楊開第餘黨賊首王姓並賊首冉添元等兩股會合一處於十九日由壩壩來攻撲陳家垵卡隘把總白玉喜率領鄉勇出卡截擊鎗斃賊匪三十餘人生擒二十二名賊匪由五里境翻山逃竄是夜二更時復竄至巫山垵卡隘分三路攻撲營盤遊擊常祿督兵轟擊自二更起直至四更鎗斃弓矢齊施賊匪並不少退兵勇人人憤恨鎗斃愈緊先後擊斃六十餘人賊匪始懼而敗走常祿出卡緊追又殺賊四十餘名並於溝內搜獲活賊十一名據供昨夜鎗斃緊急賊匪受傷甚多俱已擡回

欽定剿平三省邪匪方略

正編卷二二七

等語又魏棒棒李裁縫一股賊匪由桃園寺竄至鐵爐壩焚掠並殺害探事兵勇七人勢頗猖獗經派往策應巫山垵之都司米章張聯魁等探知賊信帶領鄉勇一千名出卡迎擊途間擒獲賊探三名訊知賊匪在瓦店子屯紮米章等乘賊不備催勇疾趨直撲賊屯刀砍矛戳立斃賊匪一百餘人賊眾登時慌亂紛紛爬山四竄米章張聯魁督率鄉勇緊跟追殺至巖方坪山梁山上冰雪盈尺賊匪恃險佔據擲石如雨米章張聯魁喊令各鄉勇務須齊心努力一面傳令一面冒石首先搶上山梁五品軍功張鐸馬金魁聞令卽在前招呼鄉勇迅速搶上五品軍功寇大靖六品軍功馬士貴在後督催一擁齊上鎗礮並施賊匪站立不住卽下山奔逸鄉勇

乘勢追壓又殺斃賊匪一百餘人生擒二十餘人搶獲大旗二杆騾馬二十三匹餘賊遁入老林向大壩逃竄亦入南江邊境據擒獲活賊供稱此股元帥係魏棒棒又有李裁縫本係另股因他手下人逃散甚多止帶百十人新近纔來合夥方纔官兵撲營見他單身逃往溝裏等語米章等卽派令千總沙生桂帶領鄉勇數十人入溝搜捕見路旁空屋門扇掩閉時居民均已登寨沙生桂料係該逆在屋內潛藏撬門入室卽將該逆擒獲令賊眾指認僉稱實係李裁縫縛送到營訊據李裁縫卽李得陽供係四川廣安州人嘉慶三年九月間被楊開甲辛聰賊夥裹去在營內做針工後來見我明白能幹就派我當先鋒四年正月內舉我爲元帥在陝西甘

肅地方打仗十數次楊開甲被殺後楊開第爲
元帥我們彼時原有五千餘人今年八月間在
鳳縣二郎壩被官兵衝散楊開第先走我與辛
聰止剩九百餘人隨逃往四川廣元一帶後因
辛聰與我不和且營內人數漸少我就帶自己
手下人出來另投大夥適遇魏棒棒賊股暫時
合營同走本想渡過漢江到南山過年不料被
官兵打散被擒等語當將該匪凌遲處死其餘
生擒各犯並連日各卡隘盤獲賊匪及逃出難
民陸續解營共男婦二百一十九名口內訊出
真賊劉鳳仙等五十三名卽行正法其餘男婦
一百六十六名口係與羌褒城南鄭廣元等州
縣附近居民被裹未久俱有家業可歸當卽就
近解交該州縣查傳親屬領回安業此次各卡

欽定剿平三省邪匪方略

正編卷二二七

欽定剿平三省邪匪方略 正編卷二二七

隘殺賊先後共計三百餘名生擒及盤獲二百
餘名兵勇間有傷亡俟查明另行報部又回
瑞一路連日探聞邊界零星賊股竄至石鼓小
溪菩提河一帶滋擾恒瑞因卧病不能帶兵卽
派令協領祿成副將李天林遊擊李朝顯安慶
等帶領馬步兵由山羅家壩馳赴細辛壩等處
截剿沿途擊獲賊探十餘人賊匪聞風俱已折
回未能北竄至慶成因西鄉邊界賊匪均已
逼回川境距江岸較遠仍回板橋壩防堵忽接
洋縣稟報樊逆賊匪由子午鎮竄至該縣田家
嶺一帶焚掠慶成竊計樊逆賊匪沿江奔走
必思仍過漢江南竄慶成不敢以現在防堵
南面遂置江北於不顧當卽一面札致恒瑞在
鍾家溝嚴防邊界一面將江北防兵密爲撤過

欽定剿平三省邪匪方略

正編卷二二七

六三五

南岸並自行抽帶兵勇馳赴界牌適中之地掩
 旗息鼓潛行埋伏以待該匪半渡截擊詎該匪
 狡猾兩次竄至江干均即折回似有知覺未敢
 偷渡已由鐵冶河西奔臣慶成旋據西路探報
 有兩股賊匪自大小壩等處竄至天池寺馬家
 壩一帶當即連夜趕回西鄉長嶺崗以備截擊
 嗣據各卡隘報稱業將該匪等先後堵截折向
 清水河東竄未致竄入陝境又臣等接額勒亨
 額來信初七日有賊一股竄至紫陽縣城對面
 漢江南岸山梁經該縣文武督率兵勇隔岸架
 礮轟擊該匪翻山逃竄於初八日夜直奔油房
 灣洞汝河等處江岸搶渡額勒亨額督兵施放
 鎗礮奮力堵截該匪退上山梁連日忽出忽沒
 時來窺伺仍未遠竄又據藩司溫承惠稟報屯

聚泊河之龍紹周若文明等大股賊匪又分出
 兩股在溢河壩香河等處滋擾副都統慶溥總
 兵馬玉魁革職總兵柯藩帶兵赴溢河進剿總
 兵喜明藩司溫承惠帶領兵勇赴香河進剿慶
 溥等一路在熊家埡地方遇賊接仗殲斃賊匪
 三十餘人賊向磚坪敗走官兵追至磚坪又殺
 賊八十餘人生擒九名奪獲旗幟刀矛騾馬甚
 多喜明等一路在香河腦遇賊殺斃賊匪五十
 餘人賊匪連夜逃竄花壩兵勇分兩路緊追又
 於花壩及寡婦溝等處殺賊一百數十人逃出
 難民三十餘人兵勇亦有傷亡等語現在德楞
 泰遵
 旨帶兵來陝剿辦已由西鄉取道前進趕赴東路更
 可督同分路兵勇悉力剿殺痛加殲洗至漢江

聖朝聖德編卷三

三

聖朝聖德編卷三

三

北岸之冉學勝一股賊匪初六日在商州橋兒溝地方經畧額勒登保督率楊遇春穆克登布等率領兵勇迎頭截殺晝夜連接兩仗殲斃賊匪三百餘人生擒二百餘名奪獲器械三百餘件騾馬二百餘頭匹該匪由瓦房灘一路敗竄初七日至商南大吉河地方又遇綸布春汪啟帶兵追及分兵由山梁溝底一擁並進賊匪不敢抵敵紛紛亂竄兵勇追殺四十餘里殲斃賊匪及滾巖落水者約五百餘人生擒二百餘名餘匪分股向布政溝梁家墳等處狂奔初九日綸布春汪啟等追至趙川又連接三仗共斃賊七八百人生擒二百餘名搶獲騾馬無數十一日又於柳山坡追及分股賊匪四五百人痛加殲斃賊三百餘人生擒二十餘名餘匪由

欽定剿平三省邪匪方略

正編卷二二七

山陽縣屬之峒峪河西竄並聞冉學勝止分帶二三百人由山陽之乾溝逃遁其前股賊匪已由鎮安米糧川西奔均距楚豫邊界已遠其伍懷志餘匪尙在寧陝屬之黃官峪一帶老林藏匿又樊人傑一股餘匪自鎮安紙橋溝西竄於十四日三鼓直至石泉城下圍繞攻撲該縣督率鄉勇放鎗擲石盡力轟擊賊匪少退仍在距城不遠之西嶺屯紮適防守江岸之總兵劉之仁聞信帶兵於五鼓趕到賊匪見有官兵前來卽由高田舖向西奔逸劉之仁帶兵追躡二十餘里賊已竄過饒峯劉之仁因江岸緊要仍卽回汛防守該匪翻過饒峯嶺沿江西奔復於十八日竄至洋縣距城三十里之觀音堂田家嶺一帶探馬直趨城下適遊擊綽克圖候補通判

欽定剿平三省邪匪方略

正編卷二二七

雒昂聞信帶領兵勇趕至城外殺斃賊探二十
 人奪獲馬二匹時天色已晚該遊擊等商議乘
 夜進兵攻其不備是夜四鼓綽克圖雒昂分帶
 兵勇直撲賊營鎗礮齊施擊斃賊匪三十餘人
 殺死頭目三人搶獲光紅花紅亮藍頂帽各一
 頂驟馬三十餘頭匹大旗二十九桿賊匪莫測
 官兵多寡驚慌潰散官兵正在分投追殺天已
 黎明賊見官兵無多復吶喊哨聚擲石抗拒兵
 勇冒石攻撲雒昂身受石傷一處鄉勇陣亡五
 十餘名帶傷者八十三名綽克圖鼓勵官兵施
 放連環且戰且撤兵勇俱抵洋縣城下暫紮賊
 匪退入山溝分股由鐵冶河濫壩子一帶西奔
 二十二日翻五道梁大山由褒城所屬之馬道
 地方竄出棧道奔入武關西溝其後股一走五

道梁一走梃桿石亦俱跟蹤西竄查武關西溝
 西南可由沔縣畧陽入川正西可通虞關徽縣
 階州入甘賊匪趨向未定現在楊遇春綸布春
 汪啟等均已向西追剿前來容俟探明賊蹤趨
 向或係竄川抑或竄甘另行相機籌辦
 同日陸有仁奏言竊臣連日據寧羌州稟報川
 陝邊界魏棒棒辛聰張世濠李裁縫等股賊匪
 經叅贊德楞泰痛加剿殺後俱向寧羌東南一
 帶奔竄節次攻撲九角山鐵爐壩陳家壩等處
 卡隘經督臣長麟率同總兵楊奎猷副將蕭福
 祿佐領和興額等帶兵隨時截擊連得勝仗六
 計殲獲賊匪五百餘名生擒首逆李裁縫賊匪
 殘敗折竄又經義首白玉喜奮力邀截鎗斃多
 人生擒十三名並將偽總兵魏元伏領旗魏大

一書 306 冊 續修四庫全書 史部 紀事本末類

富俱經擊斃又義勇滿坤元滿有元等乘勢截
殺殲賊多名滿有元等陣亡七名臣常卽優加
賞卹以示激勸賊隨分股折竄通江時分路各
相距邊界尙近又紫陽縣稟報前次西鄉被回
賊匪竄至該縣權河洞汝河一帶窺伺江岸經
副都統額勒亨額擊退現向東南山內潛遁又
據山陽縣稟報再逆一股經提督楊遇春等帶
兵兜截折回該縣白玉河正遇綸布春汪啟兵
到殺賊七八十名賊匪竄至潘家溝趙川一帶
復經綸布春汪啟連次截殺共斃賊一千餘名
生擒二百餘名隨由商州之銅廠子西牛槽等
處奔竄又據商州稟報賊匪因州境鄉勇堵禦
嚴密已西竄商藍交界之大陽坡經畧大營暫
蒞山陽之桃園子先派綸布春等向西追剿至

聖朝聖鑒

三

樊逆賊匪經官兵截剿復分爲兩股向西奔竄
一股竄至孝義屬屬太白廟紅山洞一股前次
攻撲鎮安縣城擊退後卽竄至西南石泉縣境
又據石泉縣稟報賊匪由該縣水田坪竄至城
西五里舖乘夜繞出北關直至城下經城上鎗
石擊打未敢攻撲適防江總兵劉之仁挑帶官
兵四百名連夜趕到賊卽向西大路狂奔至西
鄉子午鎮洋縣槐樹關觀音堂一帶滋擾維時
遊擊綽克圖通判雒昂兵勇奉經畧派剿伍懷
志零匪正至該處臣卽札令就近截剿綽克圖
雒昂隨於半夜乘賊睡熟督率兵勇暗擊賊營
殲賊二三百名擒獲騾馬甚多因四面賊匪驚
覺蜂擁圍繞其勢甚衆兵勇且戰且退間有傷
亡賊卽由城固栗子坪小河口五道梁等處分

聖朝聖鑒

三

股奔竄並有一股已闖入褒城屬之馬道青橋一帶棧道大路適奈費德楞泰奉

旨帶兵入陝行至南鄭地方距賊甚近臣同長麟與

之會晤當即面商因棧道係文報餉鞘軍火往

來要路現在並無兵備誠恐被賊梗阻德楞泰

即帶兵漏夜前赴青橋一帶截剿詎該匪已先

期由留壩武關向西溝一帶奔竄該處西通甘

肅

肅

省秦階南通畧陽沔縣德楞泰因江北之賊已

竄西南經畧額勒登保緊跟追剿自可以次翦

除而南岸安康一帶賊匪急須殲洗未便稍有

停待隨即取道西鄉一帶前赴興安臣察看德

楞泰所帶官兵步伐整齊十分勇銳定能到處

克敵並據安康縣稟報高三馬五龍紹周等股

賊匪在安康涇河山內豎立木城為屯聚拒守

之計總兵喜明馬玉魁藩司溫承惠已帶兵由

平利前至涇河相機進剿德楞泰勁兵一到兩

面夾擊當可一鼓掃除至運川各起兵餉經臣

派委員弁帶領鄉勇於棧道一帶逐起護解俱

已趕過寧羌並無阻滯現在陝省兵勇益增各

路糧餉更關緊要臣趕緊分投督運俱經源源

接濟不致稍有缺誤清查叛產一事臣復嚴飭

肅

肅

委員妥為勘辦現已漸有頭緒並無絲毫擾累

此時各路軍營若有投出難民即可隨地安插

其團勇結寨並設卡防守事宜除前已派員查

辦外現又責成該管道府分投督飭認真辦理

並派臬司文需總司查核令延榆綏道楊護候

補道李嗣分投覆勘臣仍隨時親赴抽查均奏

入

上命軍機大臣傳諭額勒登保長麟陸有仁慶成曰
新正元旦遞到書麟倭什布奏報在太平岡長嶺
一帶搜捕竄匪並各路兜剿屢獲勝仗初二日長
齡報至緊躡高二及黃號一股賊匪在大花園地
方斃賊四百餘名生擒一百餘名喜音疊至深慰
朕懷惟經畧等一路軍營旬餘未見奏報正殷盼
望本日恭值

祈穀禮成天氣晴和回宮後適得額勒登保長麟等喜
報連日奏捷頻聞事機順利實為新年平賊安民
佳兆叩感

天恩不盡據額勒登保摺內所奏情形再學勝等股賊
匪經各路官兵奮力追逐離陝之東面已及千里
此係極好機會現在額勒登保堅持定見將各股
賊匪逼向西南截其分竄豫楚之路所辦已得要

領至摺內稱綸布春汪啟現在緊躡再學勝等股
一節現據長麟陸有仁奏報汪啟等在布政溝趙
川等處殲賊千餘人生擒四百餘人大獲勝仗想
額勒登保因西往漢陰相離較遠是以尚未得信
其躡淺過江之高姓一股自卽係高三離漢陰西
南祇有一百餘里額勒登保正可迎頭剿辦務當
趁賊匪殘敗之時先將江北一路趕緊肅清好盼
捷音之踵至又據長麟慶成奏截剿辛聰張世滌
等匪未令竄入陝境並生擒李裁縫殲斃偽總兵
魏元伏一摺所辦俱好辛聰等會合一處攻撲陝
西卡隘實為可恨經長麟分飭將領悉力堵禦賊
始敗退都司米章張聯魁喊令各鄉勇齊心努力
前進一面冒石首先搶上實為奮勇可嘉米章張
聯魁二人如未得花翎卽賞戴花翎並著以應陞

之缺陞用五品軍功張輝馬金魁聞令卽在前招
呼鄉勇迅速搶上五品軍功寇大靖六品軍功馬
士貴在後督催一擁齊上復乘勢下壓斃賊多名
俱屬可嘉張輝馬金魁寇大靖俱著賞戴花翎馬
士貴著賞戴藍翎並著長麟等詢問伊等如情願
出仕五品者卽補守備實缺六品者卽補千總實
缺又擒獲首逆李裁縫之千總沙生桂亦著賞戴

聖著勳績錄卷三

聖

藍翎以應陞之缺陞用此次陝西鄉勇認真禦賊
深可嘉獎除兵丁等前已賞給銀一萬兩外著發
去一兩重銀牌五百面五錢重銀牌五百面交長
麟慶成傳旨賞給各營出力鄉勇以示鼓勵至慶
成係專派督率防江之員乃於高姓一股在安康
五塊石地方躡淺過江並無防範且於本日摺內
亦不提及惟將伊在漢江南岸掩旗息鼓潛行埋

伏以待樊逆半渡截擊飾詞鋪敘而於竄過北岸
之賊伴爲不知亦並不派人追剿竟置之不顧況
知府周光裕既經稟知經畧具奏慶成豈有不知
之理雖此股賊匪竄過江北正值經畧來路自可
無虞東竄而慶成疎防之咎實無可辭著傳旨申
飭並著將因何不行據實奏聞之處明白迴奏其
安康五塊石地方係派何員在彼防堵並著查明

聖著勳績錄卷三

聖

參奏至賊情詭詐異常現在漢江南岸之賊如馬
五龍紹周苟文明等股總思竄往東北一帶長麟
慶成務須督飭文武悉心防堵勿令各股賊匪折
回楚境或乘間竄至鎮安一帶擾及經畧後路此
爲最要又據陸有仁奏到賊情與長麟等之摺大
畧相同惟所稱高三馬五在安康沿河山內安設
木城爲屯守之計若果屬實止是自取滅亡但高

三一股現又竄過江北未知落信是否屬實此時
陝省大兵雲集一切軍火糧餉係該撫專責務當
分投運往源源接濟不可稍有缺乏至所稱西同
鳳等處團勇結寨設卡防守事宜令臬司文需及
道員楊護李翮等督辦一節楊護李翮皆係特派
前往之員伊二人初至陝省未染外官習氣正可
督率各府州縣認真辦理並著長麟陸有仁傳知
該員等如能防守嚴密一律整齊使賊匪不敢竄
近邊界蕝功之日必將地方文武與帶兵打仗之
人一體優加陞擢儻不實心經理稍有疎懈亦必
一同治罪用昭懲勸總之陝省各股賊匪經官兵
屢次剿殺連得勝仗勢已十分窮蹙漢江以北之
賊有額勒登保督剿逼過江以南則可漢江以南
之賊有德楞泰督剿不准逼過江以北其各處要

欽定剿平三省邪匪方略

正編卷二二七

隘守禦之事責成長麟陸有仁慶成等督率地方
官實心防堵彼此聲勢聯絡併力一心務於三月
以前將各股賊匪悉數殲擒迅速蕝事同膺懋賞

欽定剿平三省邪匪方略

正編卷二二七

欽定剿平三省邪匪方略正編卷二百二十八

辛酉年

正月初五日壬午德楞泰奏言竊臣前於十八日

在寧羌之石羊關將張世隆辛聰陳朝觀等各

逆截剿折向東南移調提臣七十五探蹤剿辦

臣即由寧汙馳赴陝境茲於二十二日行抵漢

中府與長麟陸有仁會晤詳悉籌商陝境各路

賊情長麟即日仍回黃冠嶺軍營臣原擬次早

《纂要聖編卷五》

由西鄉進發隨接據城固洋縣稟報江北樊冉

等賊於二十一日分股一竄華陽濫壩子西走

即至馬道驛一竄板撓河勢向雞冠巖奔逃該

處西走即係北棧之馬道等情正在籌計間亥

刻陸有仁又令漢中府知府趙洵來營面稟雞

冠巖等處賊股已至馬道驛現在只有城守兵

丁數百名等語查棧道為川陝要路不但文報

往來且現在京餉陸續過境並西安解赴各路

軍火軍裝等項絡繹不絕未便致有梗阻況漢

中府城至馬道驛不過一百四十餘里相距甚

近臣既已帶兵到此自應權衡緩急就近剿辦

隨即連夜帶兵前進二十三日申刻兵至距馬

道驛四十餘里之青橋驛探得該逆聞我兵前

來已由馬道驛向武關西溝奔竄該處西南可

《纂要聖編卷五》

通川境西北即係甘省時又接到提臣慶成來

信以高馬等大股賊匪已被痛剿賊向東南奔

竄仍在邊界一帶遊奕又稱西鄜紫陽安康並

洎河等處均有賊股屯踞時分時合勢甚猖獗

業已札商總兵喜明藩司溫承惠由東面截剿

等語查漢江南鄭一帶賊匪屢來窺伺卡隘均

經長麟節次截剿未能入陝業已折回川省尚

江地方下西鄉迤西邊界賊蹤已遠惟迤東之紫陽安康並界連楚境等處賊股較多現在往來狂奔慶成雖知會喜明溫承惠由東截擊究竟賊眾兵單驟難得手因思臣前准額勒登保咨送欽奉

諭旨令額勒登保在陝境適中之地鎮靜扼駐如果各道合竄甘境已派楊遇春格布舍帶兵勇三千

聖諭節錄彙編卷三

三

馳往正可幫同長麟上緊剿辦等因是此股西竄

賊匪已有官兵跟蹤而來但賊股西竄非川即

甘倘由峽陽搶渡白水江則可由昭化直達川

西尤為緊要臣即飛咨勒保並嚴飭上游沿江

文武嚴密防堵臣即折回漢中仍向西紫探明

賊蹤趕緊籌剿務將南岸一帶賊匪次第殲除

並由北面逼歸川境設該匪等畏懼兵威相率

入川則川省賊勢又重嘉陵江岸水涸灘淺現

屆新正尤恐賊眾乘間窺伺勒保等兵力不敷

勢難兼顧臣總當查看賊勢輕重隨時酌量緩

急辦理期於大局均有裨益奏入

上命軍機大臣傳諭德楞泰曰江北樊冉賊股竄近

棧道德楞泰權衡緩急就近剿辦並欲將漢江南

岸之賊由北面逼歸川境飛咨勒保等嚴防嘉陵

聖諭節錄彙編卷六

四

江岸所見甚是此時勒保在川東剿辦零星賊匪

所有防江事宜惟七十五一人在彼究不足以資

彈壓前曾降旨令德楞泰總須兼顧川省茲德楞

泰帶兵在陝猶恐逼回川境之賊因嘉陵江岸水

涸灘淺乘間窺伺預為籌備實能顧及全局昨據

額勒登保奏冉樊等逆經額勒登保督率各路官

兵盡力追逐離陝省東面已及千里額勒登保現

馳抵漢陰剿辦又據長麟慶成等奏於巖方坪一

帶將首逆李裁縫偽總兵魏元伏殲擒並探聞綸

布春汪啟等剿辦江北之賊大獲勝仗殲斃一千

餘人等語看來陝省賊勢已極窮蹙德楞泰與額

勒登保相距不遠聲勢聯絡正當乘此兵威壯盛

之時分投剿捕以期剋日蕩平現在高姓一股已

由南岸躡淺過江經畧近在漢陰自能迎頭截擊

製香齋彙編卷五

五

惟紫陽平利一帶賊股較多往來奔竄而楚省高

二及黃號賊匪經長齡痛加殲戮翻越界嶺逃入

陝省平利境內徐添德一股其勢既孤恐亦接踵

竄陝德楞泰若能將漢江南岸之賊掃除淨盡實

所深愿否則必須逼令折回川境自易集事德楞

泰惟當察看何股賊匪緊要即先行剿辦次第肅

清朕亦不為遙制總須於三月以前一律辦竣

膺厚賞勉之望之

初六日癸未書麟倭什布奏言臣等接據探報青

號徐添德等大股在泉溪火燒坪水坪一帶百

餘里忽分忽合四散放火逃竄臣等一面飛檄

竹山竹谿鄖陽等處嚴加防範一面知會孫清

元吉林泰等將所帶馬步各隊分投兜截並派

參將姚國棟遊擊承祿同知阿霖帶領兵勇前

製香齋彙編卷五

六

往接應據竹山縣知縣范繼昌報稱賊匪探馬

竄至潘口黃毛關一帶該處練勇施放鎗礮轟

擊該匪等不能抗拒旋向山溝奔逃該勇等躡

蹤緊趕練勇陳秉寅鎗斃執旗騎馬賊目一名

餘匪四散不敢近城由田家壩深河一帶奔竄

即係孫鎮打散之賊呈繳賊旗上寫威鎮九州

總兵字樣狂悖已極今被該練勇鎗斃殊為痛

快復據孫清元報稱二十五日由水坪一帶前進賊在對面山頭探望一見官兵卽翻山奔逸追獲活賊四名訊據劉中生等供稱老師傅徐添德被官兵打敗甚是害怕原想偷過黃龍灘下竄均穀襄陽一帶搶掠不想又被官兵截打只得折回逃走徐添德有兩個僞元帥一名王登廷在四川被擒一名張允壽手下頭目名袁萬又探馬孫狗兒殺死金知縣前日在和合塢僞總兵衛雲被孫總兵鎗傷左脇旋卽斃命擡回燒化竄至泉溪想截官兵尾子不想又被馬隊衝散張允壽說孫總兵利害只得向老林裏並無路徑地方行走官兵難追再分十餘股放火牽綴官兵官兵趕來四散走開夜間舉火爲號就好聚集要搶糧食過年再走陝西合駁現

剿平匪黨編年

七

在徐添德股內還有僞總兵三人是王七兒何昇賴應舉探馬頭是陳天保都戴翎頂矛手二千餘名亦有鎗礮馬匹等語又據沈習成等四犯供稱大畧相同均係脅從分別辦理又據鄖西縣知縣孔繼榘報稱再逆在陝境石窰子一帶據軍功千總徐良九帶領鄉勇巡哨至教場關盤獲賊匪一名供稱我名黎明襄陽宜城人老掌櫃劉全義再學勝張世濼是頭目我師傅劉三現在陝境差我探聽兵勇多寡要想衝漫川關由鄖西鄖陽分股一往襄陽一往河南餘無要供當卽臬示各等情又接長齡來字協同明亮一路乘勝緊追高二賊股至陝楚交界之大花園經長齡帶領侍衛塔津保呢瑪善恭將德興等翻山下壓明亮帶領侍衛恒富富翰泰

剿平匪黨編年

八

將黃定選等於溝內抄出兩路並進鎗擊箭射斃賊四百餘名生擒活賊一百餘名該匪不擇

路徑由栗子舖翻越界嶺逃入陝省平利界內

乘勝跟追入陝等因臣等即督飭孫清元吉林

秦等上緊分投兜剿並檄飭鄖陽鄖西各路營

弁兵勇及把守黃龍灘總兵德昌等督率兵勇

嚴密防堵以杜竄逸查陝楚邊界犬牙相錯一

聖慈厘注奏入

九

過竹谿界嶺即係平利界內再過平利數十里

又入楚界山路盤旋繞曲惟當不分畛域互相

堵剿總期協力同心迅速滅功以慰

聖慈厘注奏入

上命軍機大臣傳諭書麟倭什布曰湖北此時肅有

徐添德一股在竹山邊界分竄經書麟等飭令鎮

將分投搜捕均有斬獲自新春以來連日遞到喜

報事機極為順利書麟等現又分投布置奮力兜

剿果能迅縛渠魁捷書踵至即書麟等之大功必

當倍加懋賞近日各處賊匪俱已饑困難堪惟聞

徐添德一股賊匪衣履尚全且據摺內稱練勇至

緞賊旗上寫威鎮九州字樣狂悖已極可見此股

尚未十分窮蹙徐添德為起事首逆最為狡猾兇

悍不可不迅速殲擒現據獲賊供出徐添德有兩

聖慈厘注奏入

十

偽元帥一係王登廷一係張允壽王登廷前經拏

獲正法其張允壽一犯素為徐添德管事而能打

仗在賊隊中著名之人必當設法殲擒如僅將徐

添德殄除而張允壽任其免脫即與未經殲滅徐

添德無異若生獲徐逆務須將該犯起事緣由及

數年滋擾地方各罪狀詳細訊明一面錄供具奏

一面即在該處寸磔傳旨川陝俾該處民人同聲

稱快倘臨陣殲斃亦當驗明屍身懲罰示眾其張
允壽一犯助惡已久亦當照此辦理一得喜音卽
由六百里加緊馳奏至摺內稱長齡明亮乘勝緊
追高二賊股至陝打仗得勝情形與前日長齡所
奏相同陝楚邊界本屬犬牙相錯書麟等所稱不
分畛域互相堵剿之語深得封疆大臣之體現在
高二股雖經長齡追剿入陝亦難保其不復行
折回而龍苟馬五等股在陝境竄擾經德楞泰大
兵在彼截剿亦恐其壓向東趨卽孔繼楨稟報再
逆在陝境石窪子一帶屯聚訊據獲賊供稱再張
等逆有要由鄖西鄖陽分往襄陽河南之語此股
賊匪昨據額勒登保奏報已竄至鎮安縣地方但
楚陝各處邊隘毗連均關緊要書麟等務當督飭
卡隘實力巡防嚴密堵禦勿使一名闖入楚境此

欽定剿平三省邪匪方略

正編卷二二八

爲最要至鎗斃執旗騎馬賊目之練勇陳秉寅甚
爲出力著賞給八品頂戴如情願當差卽補授把
總實缺如不願當差卽令其頂戴榮身以示鼓勵
初十日丁亥勒保奏言竊臣前因大寧金竹坪一
帶有藍白兩號賊眾千餘人出沒游奕當卽帶
兵由川北取道新開進剿嗣抵新寧探聽賊匪
尙在金竹坪游奕隨卽督兵兼程前進二十日
師次開縣探得該匪等竄屯紅花園地方遣有
零星散匪在譚家壩榨井壩一帶摸樁若我兵
專由此路進剿恐賊知兵至勢必仍由老林折
竄陝楚邊境必須取道南垓場進山先遏東北
竄路直搗中堅方易得手惟該處山高路窄馬
匹斷不能行當派薛大烈帶領副將田朝貴叅
將羅聲臯遊擊李錦麟等挑取奮勇步隊兵勇

欽定剿平三省邪匪方略

正編卷二二八

三千名由南垵場進發臣督率阿哈休承寧等

帶領馬步隊由譚家壩進發計算程途薛大烈

一路可於二十三日到紅花園本定次日進兵

詎該匪等已先期探知即由紅花園竄入白馬

廟薛大烈等自抵南垵場後官弁俱棄馬步行

二十四日至窰成壩探知匪眾尙在白馬廟屯

紮四更發兵該處多係一線羊腸雪深路險祇

製者聖編卷五

三

容隻身行走官兵於二十五日已刻抵一盃水

即有賊數十人在彼峭壁一見官兵旋即奔逃

我兵趕上殺死十餘名生擒三名直趨白馬廟

山梁賊眾竟分兩路前來迎敵官兵奮勇競進

鎗箭齊發斃賊一百數十名生擒劉克已等七

十二名投出男婦馮友學李楊氏等二十五名

口奪獲賊旗刀矛甚多時值傍晚賊眾退據大

灣平頭崖兩山之頂倚恃山險與官兵對面紮

營勢頗猖獗二十六日發兵三路進剿無如山

勢太陡仰攻不易僅鎗斃賊匪十餘名生擒彭

添奇等六名都司張拱辰並兵勇十餘名身受

石傷未能即時得手適臣於是日同阿哈保承

寧趕抵白馬廟當即督兵馳往夾擊賊知兩路

有兵連夜遁走大蓋頂山於椒園坪深林內留

製者聖編卷五

四

有伏賊欲俟前隊官兵過去抄我後路二十七

日黎明臣進抵平頭崖據逃出難民尤際昌等

告知埋伏情由當派田朝貴帶兵由山王廟山

頂下壓臣即督大隊進溝搜捕上下兜圍斃擒

七十餘名阿哈保薛大烈旋即催兵追殺直至

大蓋頂山我兵兩路並進悉力仰攻搶上山梁

與賊搜殺一處斃賊一百餘名生擒夏明照等

四十二名中鎗帶箭而逃者甚多餘眾潰散向
羅筐灣馬家營一路奔竄是日又陸續投出難
民男婦大小二百十三名口臣訊據活賊夏明
照等供稱此股賊匪係藍號羅半年徒弟楊步
青爲首並有岳姓先鋒不知名字自從湖北同
樊人傑冉添士等大夥竄回川境在太平境內
被官兵剿散楊步青帶有八百餘人鑽入川陝
邊界黃墩一帶老山林內到處摸樁現有一千
三四百人前在菜子壩地方有白號劉元帥只
帶四五人前來痛哭訴說被官兵將手下人殺
淨他假扮難民逃奔至此當經楊步青撥出三
百名戰手給伊管領同走該逆等因探聽大兵
俱在川北原想到雲陽開縣一帶出來擄掠忽
聞有官兵已到溫湯井劉元帥說白馬廟一帶

《聖朝聖鑒編卷三》 五

地勢陡險官兵斷不能進來所以退往屯紮不
料連日被官兵進山殺敗只剩幾百人要由馬
家營一帶老林躲避各等語餘無要供當將從
賊充當戰手之劉克已等一百四十一名立時
正法其餘被脅未久並自行投首者二百四十
五名口均給銀米路票遞籍安插臣查羅半年
本無其人係從前羅其清之綽號今據供藍號
楊步青係羅半年之徒自係羅其清夥黨無疑
白號劉元帥是否卽係劉朝選各犯俱稱不知
查前獲摸樁賊日符大成供稱劉朝選在板木
園隻身跳崖奔逃嗣聞已被官兵殺死等語臣
因未得該首逆實在下落符大成所供亦難憑
信茲夏明照等供白號劉元帥只帶四五人投
入藍號自係劉朝選無疑現在該匪等尙剩數

《聖朝聖鑒編卷三》 六

百人竄遁老林若再以重兵追剿勢必又竄陝境且現據探報有賊兩股從湯家壩紅池壩兩處闖入大寧諒係自楚竄來之賊如臣帶兵深

入老林設後股竄近雲開腹地無兵剿辦必致又形散漫是以臣飛飭總兵託雲泰即由城口

一路帶兵將現竄馬家營老林之賊盡力攔截遏其竄陝之路臣一俟託雲泰竄賊出山即可

臣督兵痛剿其自湯家壩一帶竄進之賊臣遵

旨不即派兵攔截俟其深入川境再行剿辦至此

官兵在山內剿賊三晝夜均係攀藤附葛躡雪

步行洵屬勞苦出力員弁兵勇十數人間受石

傷均不甚重再前據渠縣大竹稟報有安仁溪

打散餘匪數十人出沒摸樁在梁山縣栢林漕

一帶潛匿先經臣奏派遊擊桂涵馳往搜捕連

日登據該遊擊會同地方官督率兵勇盡力搜

捕有經桂涵追及殲擒者有梁山大竹寨勇捕

獲者除殲斃外統計又獲陳宗桃等四十八名

均經訊明正法是此股餘匪業已辦盡合併陳

明

勒保又奏言竊臣連日奉到十二月初一等日

上諭五道仰見我

臣皇上厘念軍務宵旰焦勞於剿堵撫一切機宜悉荷

廟謨廣運訓示周詳伏念此次教匪擾及四省事越

五年發帑徵兵時煩

睿慮每因賊勢散漫未能立就蕩平其中難辦情形

早邀

聖明洞鑒在川楚陝甘文武軍民人等或不免有各

守疆界之心而臣等係領兵大員又職任封圻

受

恩深重明知賊匪一日不完地方卽一日不靖安忍
 以驅之出境爲目前苟安自利之私圖惟賊匪
 奔竄靡常大率皆因被剿情急始行他竄而官
 兵往往於追逐之餘忽爲別股牽綴不得不先
 其所急以致敗賊遠颺實有不能辦完一股再
 辦一股之勢楚陝兩省與四川毗連處所自廣
 元以至巫山綿亘二千餘里均係崇山峻嶺本
 非用武之地官兵一經深入人力難施每多苦
 累必須設法轟賊出山始能剿辦得手而賊匪
 朝秦暮楚豕突狼奔又有不能竄到一處卽在
 一處辦完之勢川省堅壁清野之法本係臣於
 嘉慶三年到川後通飭辦理民間始猶畏難繼
 因賊匪滋擾硯寨百姓多有保全人心始各踴

躍本年臣又會同德楞泰遵

旨督率安辦並委員到處勸諭稽查築寨團練更有
 成效賊匪因不能掠食擄人欲圖他竄自係實
 情查各寨硯地勢本佔便宜人事亦俱奮勉然
 亦祇能自守或遇賊氛臨近爲官兵助勢並搜
 捕零星竄匪可得其力若竟責其堵截賊匪出
 入路逕勢有不能況堵之一說本較剿爲尤難
 川東川北州縣地方跬步皆山路路可通而陝
 楚沿邊一帶更復林深箐密道路綿長雖有數
 萬官兵安設營卡布置亦斷難周密欲使賊匪
 無從竄逸誠非易易前次臣與額勒登保德楞
 泰彼此札商均以逼賊入川爲聚而殲洗之計
 本未令邊隘堵截來路茲奉疊次
 諭旨飭令德楞泰帶兵赴陝責成臣及七十五在川

併力剿捕餘匪並籌辦善後事宜如陝楚之賊
向西南奔竄不必派兵在川省邊界攔截臣稟
承

睿訓仰見

聖主通籌全局實出於萬不得已之慈衷惟川民無

知以為本省祇德楞泰與臣及七十五三路征

兵今德楞泰一路官兵赴陝剿賊恐川省兵力

未製奏請重議

主

單薄賊勢又將蔓延來川多有以此為慮者臣

本不便將逼賊入川之議宜露通知惟諭以邊

隘既嚴寨洞又好賊衆斷不敢妄生窺伺縱有

大股闖入現有臣及七十五兩路征兵儘足以

資剿辦爾百姓祇須嚴守寨洞幫同官兵堵截

不特自衛更可立功因此民情亦頗安貼以川

省刻下賊情而論惟太平大寧廣元邊界老林

尚有零星餘匪其餘俱在陝楚境內距川均不
甚遠現聞楚境之賊已有闖入大寧山內在湯
家壩紅池壩一帶游奕者一經迎剿勢必折回

陝楚是以此時臣並不派兵攔截誘令各匪竄

進使之深入腹地庶兵力易於施展更可痛剿

得手以川省刻下兵力而論除防守嘉陵白水

江兩岸並廣元太平夔州各境外臣與七十五

未製奏請重議

主

兩路軍營打仗兵勇共有一萬餘名川省現無

大夥賊衆尼敷搜捕即或有一二股竄入而臣

現在川東七十五現在川北亦足資分剿然地

方實在遼濶設陝楚各股匪衆竄來較多勢難

兼顧必須陝楚之兵跟追前進方能收兩面夾

擊之益至嘉陵江為全蜀西南保障前此被賊

竄越茶毒川西數十萬生靈臣刻刻懸懷且屢

據獲犯供稱因川東川北寨洞緊嚴難以擄掠均欲西竄嘉陵江是防江最爲目前急務查刻下江水日涸處處可以躡淺而過前經臣專派文武員弁會同地方官督率團勇鄉勇分段嚴防因川省兵力無多臣曾與德楞泰會派總兵許文謨副將趙得功祇各帶兵勇千餘各作爲游兵上下分馳以備策應臣昨又添撥兵丁五百餘名並派總兵張志林在川北一路督防尚恐不能分布現又嚴飭該管道府會同委員添安團勇深挖淺灘以期有備無患如邊境之賊此時不卽竄來臣尙擬親往巡查妥爲布置萬一楚匪深入川東臣卽不能分身前往只可一面督兵剿賊一面就近顧住川東定合一帶江岸其川北境內防守嘉陵白水各事宜已諄囑

七十五隨時兼顧妥辦以專責成而資捍衛倘陳朝觀張士滢辛聰等大夥匪衆因德楞泰已帶兵入陝賊又折竄來川或卽由南廣境內深入巴儀逼近江岸臣自當權其緩急酌留官兵在川東境內預備迎剿臣卽帶兵馳赴川北相機督辦總之軍務移步換形局面不時更變臣惟有盡一己之心思智慮儘川省現有官兵熟籌辦理斷不敢存取巧欺飾及畏難推諉之見均奏入

上命軍機大臣傳諭勒保曰勒保奏督兵迎剿東路竄匪官兵於一線羊腸之路攀藤附葛躡雪步行未始不爲奮勉但不過殲剿零星賊匪並未獲一首逆殲盡一股卽各處摸樁賊匪亦未能搜捕淨盡似此玩悞耽延竟無成功之日矣覽奏甚爲不

愜至所奏陝楚賊匪竄回川境並不派兵攔截誘令各匪竄進使之深入腹地兵力易於施展等語所奏大屬紕謬朕前此降旨諭以賊匪竄川毋庸攔截者原以川省築堡團勇較他省為認真賊匪無食可掠易於就獲亦不過令伊等於賊匪竄近邊界時隨處勦辦毋得存驅逐出境之見以鄰為壑今勒保乃欲誘令深入腹地是誠何語試思川

聖訓 聖訓 聖訓

省百姓團練鄉勇築立碉寨兼之津貼費用實為出力良民今乃欲令陝楚竄匪入川滋擾豈朕顧惜陝楚赤子獨不顧惜四川赤子乎若使川省百姓聞知此語或至離心解體關係甚大勒保切不可稍有宣露此為最要據奏川省兵勇共有一萬餘名足敷搜捕勒保以現有之兵勦辦零星摸樁賊匪倘未能迅速殲淨若有大股賊匪竄入川省

腹地豈轉能施展兵力抑豈竟恃嘉陵江為之攔隔乎且所奏楚境之賊已闖入大寧山內在湯家壩紅池壩游奕等語亦係約畧之辭楚境賊匪祇有高二徐添德兩股現在高二已竄赴陝省平利界內而徐添德亦在竹山經書麟等在彼勦辦更有何匪竄赴川境或係從前藍黃白線股內落後餘匪然亦不過零星餘匪並非大股匪眾勒保近

聖訓 聖訓 聖訓

在川東豈於大寧一帶竄入之賊尙未知其姓名而亦為此傳聞之語乎勒保曾經獲罪棄取錄用擢任總督委以軍旅重任豈僅知感知畏等空言所能塞責自應通盤籌畫隨時相機妥為酌辦若賊匪竄入老林則以冰凝路險難以深入為詞而一經竄出平原又謂賊勢散漫難以兜圍似此兩無所據每隔旬日奏報一次不過勦殺零星賊匪

百數十名敷衍塘寨賊匪究於何年始能辦竣耶
再嘉陵江一帶為全蜀西南保障前因德榜奏已
赴陝境恐七十五不足深恃是以諭令勒保前往
該處督率剿堵事宜今勒保既知該處關係緊要
並稱刻下江水日涸處處可以涉淺而過而仍在
川東為零星賊匪牽綴朕心尤為懸慮勒保當酌
量情形遵照前旨於阿哈保薛大烈永寧三人內
酌留二員在川東一帶搜捕零星餘匪勒保即當
前赴川北一帶剿辦賊匪兼顧嘉陵江防堵事宜
遇賊即剿先將川境肅清若再玩延干咎決以國
法治罪

聖訓

三

同日書麟倭什布長齡奏言稿 書麟倭什布
連日布置兜剿徐逆分股竄匪各路均有殲擒
長齡會同明亮擊敗高二等賊逃入平利界

內旋即乘勝跟追入陝節據探報徐添德大股
知官兵剿辦緊急遂分路肆竄平口河白河口
鐵峪河橫峪河漳洛河七里溝等處又磨灘王
口羊王溝松樹嶺蒲溪嶺一帶均有賊匪忽東
忽西蹤無定向糧運文報間有梗阻之處竊思
徐添德係積年猾賊最為兇狡今在西南山內
屯聚肆擾向南則入川境稍北則係竹山竹谿
萬一東竄腹地則房縣保康而下即屬南漳穀
城襄陽並遠安當陽一帶向係賊人竄擾熟路
亦復處處可通地形漸入平坦各該處又無多
兵守禦更慮蔓延為患必得乘其紛無定向之
時分路剿辦 書麟倭什布所帶祇步兵五百
名馬兵一百名即孫清元吉林泰處馬步隊二
千三百餘名以之剿辦此股逆匪亦屬稍單並

聖訓

天

據獲犯張有遜等供稱徐添德探知湖北秋收尚好令夥黨回川勾結別股賊匪來楚搶掠等語若不趕緊撲滅楚民荼毒何所底止因思明

亮自元年在湖北剿辦教匪最為得力臣書麟

到營後歷詢居民及獲賊人等僉稱賊眾素極

畏憚且高二等敗殘餘匪業經遠竄而徐添德

現在楚境忽分忽合趨向靡常莫若將長齡明

亮得勝之兵先行剿滅此股使各路匪眾聞風

喪膽適探知長齡明亮追賊入陝自西而北距

臣等軍營不遠當即星馳前往當面熟商若不

將徐添德即在楚境剿除恐復與川陝他股賊

匪互相煽結臣書麟倭什布長齡與明亮通盤

籌畫意見相同遂一百抽撥馬隊一百名步兵

一千一百餘名派副將朱士奉帶領由竹山之

得勝舖一帶隨剿隨堵過其折竄黃龍灘之路

倘儘力窮追遇有陝省慶溥溫承惠總兵喜明

馬玉魁等帶兵截剿接辦有人該副將可帶原

兵回楚隨同臣等協剿徐添德庶幾兵力較厚

可望迅速蕪事並飛飭向駐黃龍灘之總兵德

昌帶領原駐官兵嚴密防禦毋任高二股內餘

匪潛竄入境臣長齡等即將原帶馬隊四百數

十名步兵一千餘名從平利之白土關一帶會

同臣書麟等相機進探聽徐添德首逆現屯

何路即從何路進剿並與孫清元吉林泰等知

會策應頃據孫清元等稟報連日從官渡河泥

灣等處進兵訊據被裹民人供稱該匪現由廟

坪至白虎溝查該處南通九道梁東通上龕紫

草等路若從手扳巖廟坪進兵轉成尾追之勢

必得由鐵峪河瓦房坪取道上龕即可攔截等語_臣等察看賊勢非入川境卽東竄房縣保康現無多兵分作數路截擊應以保護東面腹地爲要現在進兵道路俱係陡坡仄徑一線羊腸中間路路可通幸連日大晴兵勇行走踴躍飛囑孫清元吉林泰若能與_臣等兩面合擊使賊腹背受敵較易集事後路糧運節經委員分路防護債催可無缺悞再據防守邊境之糧道恒慶及鄖西縣孔繼楫稟報探聞陝省賊匪向西奔竄距鄖境稍遠等語_臣等仍飭率領各卡兵勇小心防範勿因賊蹤漸遠畧存大意奏入_上命軍機大臣傳諭書麟倭什布長齡日高二等逆本係長齡明亮專辦之賊今閱書麟等所奏情形是長齡明亮並未能趕緊抄擊痛加剿殺致令賊

匪遠颺現在書麟倭什布因徐添德大股賊匪在楚境忽分忽合趨向靡常恐其勾結別股蔓延滋擾馳往長齡明亮軍營當面熟商抽撥馬步官兵派副將朱士奉帶領堵剿以遏高二等折竄之路仍令長齡明亮將得勝之兵回楚併力協剿徐添德大股賊匪自應如此辦理徐添德係起事首逆最爲兇悍狡猾每遇官兵驅令難民婦女排列在前官兵遇賊打仗鎗礮所傷多係裹脅難民而實在賊匪見前列被傷轉得先行逃避漏網稽誅書麟等於帶兵接仗時務須飭令官兵先將賊隊前列難民設法解散注意中堅將實在教匪奮力剿殺以期悉就殲除如能將徐添德及偽元帥張允壽生擒卽遵照前旨詳細研審一面錄供具奏一面卽在該處正法傳首川陝地方俾他賊聞而喪

瞻卽臨陣殲斃亦須驗明身屍臠割傳首示衆並
 須將此股餘匪卽在楚境一律殲除勿留遺孽此
 卽書麟倭什布長齡明亮四人之功朕必優加懋
 賞若再令此股賊匪竄逸屆時復以防守邊界藉
 詞塞責則長齡明亮不能辭罪况似此往來追逐
 任聽賊匪出入自如何時始能辦竣耶至副將朱
 士奉旣帶領官兵追剿高一二等敗竄之賊如與慶
 溥溫承惠等會合剿殺得有勝仗書麟卽迅速馳
 奏以慰廑注

聖祖實錄卷三

三

欽定剿平三省邪匪方略正編卷二百二十九
 正月十一日戊子
 上命軍機大臣傳諭陝甘四川湖北各督撫曰自嘉
 慶元年剿辦教匪以來所需餉項部庫及各省撥
 解爲數已不下十千萬兩自朕親政之後疊降諭
 旨嚴飭核實辦理各該督撫及承辦之員尙不敢
 任意侵漁是嘉慶四年以後所撥餉銀核其成數
 較之從前減少不啻數倍外省經手支發尙有條
 理其嘉慶三年以前每次所撥餉銀動輒二三百
 萬不逾數月又復奏請續撥此三年內撥餉甚多
 伊等作何動用尙未報部核銷其中浮冒情弊自
 所不免卽如三年以前由部發出軍需各該省局
 內動稱平兌短少而四年以後所發之銀一經平
 兌多屬有贏無絀是從前經手之員有意侵欺捏

聖祖實錄卷三

一

報短少卽此一節已可概見若統俟大功告竣
并題銷則牽連弊混必致礙難稽核自應截明年
分畫出界限以清帑項所有嘉慶三年以前領發
軍需著各該督撫先行題銷務須逐款詳悉核查
如有浮冒分肥情弊卽行據實嚴叅治罪並著落
照數賠繳如從前辦理軍需之宜綿福寧英善素
承恩畢沅胡齊崙等俱早經離任抵罪亦無所用

聖著聖編卷五

二

其迴護各該督撫接奉此旨務須認真核查迅速
題報倘有扶同徇隱情事一經部臣核出則惟各
該督撫是問

同日長麟陸有仁奏言竊_臣等連次接奉

諭旨跪讀之下戰慄悚惶伏念_臣等身任督撫遇有

此等賊匪滋擾之事竟不能迅速剿滅上慰

天心下蘇民困已屬有靦面目若再不知急切籌辦

或留一分餘力或有一息偷安天良亦復何在
_臣長麟於未奉

諭旨以前因樊逆賊匪竄出褒城所屬之馬道驛已
入棧道本擬移兵西向以防該匪竄入甘省卽
就近追躡前往趕緊剿辦庶使額勒登保專意
剿辦山內賊匪不致分心兼顧並可不致多分
山內兵力適因張卒等股賊匪甫經截堵出境

聖著聖編卷五

三

尙未遠離勢又不得不畧爲停待已一面差探
一面將隨_臣征剿兵勇及派留漢南一帶防守
之兵勇開列清單咨明額勒登保慶成有案嗣
據探報寧羌南鄭邊界各股賊匪已入川省南
江通江界內距卡稍遠_臣長麟正在抽調兵勇
料理起營間適於二十八日欽奉

諭旨嚴飭_臣分身剿賊_臣更宜迅速欽遵辦理查現

在冉學勝前股賊匪於二十三日由石泉縣屬芝毛家河至土門溝口適楊遇春帶兵趕到奮力追剿擒殺賊匪五百餘名並殲斃偽元帥冉大志偽先鋒張定桂餘匪分股向洋縣茅坪一帶西竄其後股賊匪於二十二日竄至寧陝屬所屬之黃官峪與伍懷志賊匪合夥又冉逆分出小股賊匪二三百人於二十日竄至孝義廳屬之紅廟河距廳城二十餘里該署廳孫樹率同巡檢姚綸帶領鄉勇四百名趕至該處截殺賊匪數十人搶獲騾馬九頭匹逃出被裹難民男婦一百餘名口鄉勇陣亡一名餘賊四散遁入老林又漢江南岸一大股賊匪於十八日三更時由安康之五塊石躡淺渡江奔入漢陰南山適額勒登保由東面兜截冉逆已至漢陰城

《聖朝聖編卷五》

四

外正扼該匪東竄之路當即分兵截擊該匪現已由池河一帶西竄又徐添德一股賊匪由楚省折回竄入平利屬之塘坊壩明亮長齡隨後追剿已抵竹谿邊界又屯聚沿河之龍紹周苟文明等大股賊匪現由安康之馬鬃嶺西竄總兵喜明藩司溫承惠等帶領兵勇追剿又有德楞泰帶兵由西鄉趕赴東路是陝省賊匪股數雖多現在俱有官兵剿辦惟樊人傑賊股現由武關西溝竄入黑河一帶游奕查黑河既通川省亦通甘省臣長齡當將漢南防堵事宜移交慶成統率照料即於二十九日連夜催齊兵勇於正月初一日起程趕赴黑河追剿樊逆賊匪臣倘官兵未到之先該匪業已竄入甘省臣即帶兵入甘竭力剿辦若該匪尚未入甘務由北

《聖朝聖編卷五》

五

臣將該匪逼入川境後再行察看情形應堵應剿何處緊要即趕赴何處相機辦理至陝西藩司溫承惠雖係文員然節年在安康平利一帶辦理防堵為時最久於彼處路徑情形頗為熟悉且所帶鄉勇亦能訓練有方甚屬得力應請仍留安康平利協同堵剿又甘肅藩司廣厚現因患病留於秦州調養尚未痊愈不能帶兵臣長齡前因江北賊匪自東面折回慮及或有竄甘之事當經札致將軍蘇寧阿酌帶官兵以巡閱營伍為名先赴省城彈壓又飛札廣厚再調甘省各營官兵二千名交署總兵齊郎阿管領駐紮秦州以備調遣所有甘省應辦事宜臣長麟亦已先期籌畫惟以賊匪趨向尚在未定未敢遽行張皇入奏至於築寨團勇事宜誠為目

前急務屢蒙

皇上諄諄訓誨臣等何敢稍存泄視惟川陝情形實有不同之處川省地居天險如大成寨大團包方山坪等寨每處可容數萬人其小者亦容數千人非但賊匪不敢侵犯且團勇等均可恃眾乘機邀擊若陝省則於陡險山巔就勢結構每寨僅容數百人至千餘人不等並無寬廣可容多人之處川省膏腴之壤山地皆係稻田民居稠密其勢易合陝省南山以內多係老林外省客民苦力開墾僅能播種包穀各就其所墾之地構木而棲零星散處有隔十餘里始有居民十數戶者有隔數十里始有居民數十戶者若令每有一村各修一寨力單人少不惟無資修築即能修亦不能守若令糾合數村共築一堡

而相隔遠人心又復不齊南村之人欲於近南修築北村之人欲於近北修築紛紛爭論終無成議迨經官為勸諭百姓當面肯迺時仍不遵從是地勢民情實皆不如川省之易辦臣長齡於本年正月到任後即於二月間分委臬司王錕率同各委員專辦甘省築寨團勇事宜又委平慶道祝曾督率各委員專辦陝省築寨團勇事宜甘省地雖瘠薄均係土著民人一經勸諭無不欣然樂從於四五月間各處堡寨均已一律修築完固本年秋間賊匪入甘經過堡寨每以彼此各不相犯之好言央懇百姓而百姓每於賊匪過寨後亦必糾眾齊出趕截賊尾或殺賊數人或奪獲騾馬數頭匹總不令賊匪安然經過是甘省堡寨雖不能如川省之人多

勢眾幫同官兵打仗然亦實能各衛產業身家至陝省之西同鳳一帶居民亦皆土著共知利害一經勸諭即將各堡寨一律修齊其與安漢中兩府附近漢江南岸一帶亦有土著居民自奉勸諭之後每邑亦結有堡寨百餘處並數百處者臣陸有仁行抵漢中時即派明幹正佐各員一百馳赴邊界相度地勢挖壕築壘以杜賊匪竄越一面於經過地方親為察看凡地勢難以據守者即令歸於附近大寨其業已興築而民力不繼者官為捐助又恐結寨之後民勇但知自衛而於賊匪奔竄要隘轉無人攔擋殊於堵禦未便臣陸有仁復分委委員前赴各寨反覆曉諭以爾百姓但知守寨設賊匪竄入攻圍外無救援勢必日久仍致疎虞不若於堡寨之

外擇其總要隘口每寨分撥數百人或千餘人
合力守卡使賊匪不能入境則堡寨更可安堵
無驚且爾等如果能殺賊立功必當專摺奏

聞仰荷

皇恩獎賞如此剴切曉諭以上卡之日每名日給包

穀一升各寨勇頗知踴躍是以南鄭西鄉義勇

於廟壩陳家壩星子山等處協助官兵奮勇擊

賊並有義勇陣亡之事此即現在辦理稍有成

效者臣陸有仁到漢兩月以來早作夜思無刻

不以結寨團勇設防籌堵為兢兢惟是陝省北

面有七十二峪口南面緊接川省東面緊接豫

楚周圍綿亘六七千里斷不能處處有勇可團

即或出資僱募調赴要卡而非其本境伊等不

為保護身家起見亦不肯傾心出力勢必見賊

即逃難以倚恃至各村自團民勇固與召募者

不同但充不諳紀律不嫻技藝若賊數無多團

勇較衆尚能齊心追截一遇大股賊匪竄至亦

必驚惶逃散且一經敗走之後勢再不能復聚

縱使地方官加以鼓勵強為團集而無事之時

充名應卯有事之時仍多逃避實屬於事無益

是必須有官兵領率壯其膽氣勸令隨同堵剿

尚可以助聲勢而地方遼濶路徑分歧焉得有

如許兵力逐處分布領率臣等悉心籌辦無計

不施而萬分焦急情形實亦不敢冒陳

天聽今復奉

諭旨責成各督撫令各州縣認真團勇保護村莊不

得以保守城池為名閉門自守並蒙

指示陝省之鳳縣等二十二處州縣核其實能勝任

者責令團練守禦若不能勝任即行撤回另選
幹員奏調仰見

層慮精詳於防堵事宜尤為嚴密周至臣等伏查西

安府屬五郎孝義蓋屋之外尚有藍田鄠縣商

州並所屬鎮安山陽之外尚有雒南商南漢中

府屬尚有畧陽一處均係屢經賊匪滋擾之區

亦須查辦但僅委各廳州縣辦理誠恐未能妥

聖訓

三

速必須專派大員指定地方庶責有攸歸可期

即收成效應請將五郎孝義藍田蓋屋鄠縣五

處專派臬司文濡總司查辦商州鎮安山陽雒

南商南五處專派潼商道吳沂總司查辦平利

安康白河洵陽紫陽五處專派候補道李嗣總

司查辦石泉漢陰城固洋縣南鄭西鄉六處專

派延榆綏道楊護總司查辦鳳縣留壩褒城沔

縣寧羌畧陽六處專派護陝安道趙洵總司查

辦臣等仍不時親往查察如能加意團練堵剿

有功即行保奏若懈忽從事致令賊匪肆竄滋

擾立即據實嚴奏設州縣中有不能勝任者亦

即隨時撤回更換仍再欽遵現奉

諭旨出示剴切曉諭以收衆志成城之效奏入

上命軍機大臣傳諭長麟陸有仁曰陝省團練守禦

聖訓

三

本係長麟陸有仁等分內應辦事務近經朕籌及

節降諭旨指示長麟等始行遵照辦理茲於五郎

孝義等處選派臬司道府大員分投督辦各專其

責以期加意團練堵剿有功此目前要務自應如

此布置其各府州縣於所管境內有能認真出力

者該督撫即據實保奏倘懈忽從事任聽賊匪滋

擾不能堵禦自當查明嚴叅以示懲儆所遺之缺

即遣派安員更換至所稱徐添德一股由楚首折
回竄入平利屬之塘坊壩等語此信不確此股竄
入平利之賊昨據長齡奏到係高二一版並非徐
逆其樊人深股匪現由武關西溝竄入黑河一帶
長麟已赴黑河追剿務須在該處上緊剿淨或將
該匪由北而逼入川省庶易集事斷不可令其深
入甘境致無賊之區又遺踪跡再藩司廣厚現因
患病留於秦州調養不能帶兵一節何以該藩司
既未奏聞而長麟等亦不早具奏廣厚在甘近來
本無出力之處著查明該司如果患病未愈即奏
令解任回京倘病漸就痊此時樊逆業有竄甘之
勢該處防堵亦須大員督率仍令廣厚在彼帶兵
不可再有疎懈干咎又冉學勝前股經楊遇春在
石泉縣屬之毛家河一帶奮力追剿擒殺賊匪五

百餘名並殲斃偽元帥冉大志偽先鋒張定桂尙
未據額勒登保具奏想提督業已在途日內即可
報到再該省新設寧陝鎮地方萬山叢雜最爲扼
要現在伍懷志與冉逆後股合夥在寧陝廳屬之
黃官峪奔竄是該處堵剿尤關緊要所有該鎮應
行添募新兵是否現已足額並如何加意訓練足
資控禦之處總未據該督撫奏報所辦何事耶著
長麟等飭令上緊招募訓練俾成重鎮以杜賊匪
等竄入老林之路此爲最要
十二日已額勒登保奏言竊臣接據探報高馬
股匪自竄過江北之後連日於漢陰南山之九
條溝堰坪長尾溝漢陽坪一帶肆意擄掠以爲
度歲之計臣於前月二十六日督同札克答爾
穆克登布等西進抵龍王灣欲取道三官殿進

剿乃該匪聞有兵到折回漩窩地方向馬家營

漢王城等處有東奔之勢臣恐其由恒口東出

大路二十七八等日轉由漢陰馳赴雙乳舖一

帶截剿途次拏獲探馬頭李有德一名訊據供

再此股係高三馬五王廷詔亦在其內戰手及

男婦共有四五百人近由南岸竄過北岸希圖

掠食過年昨聞官兵向西他們折回欲向東走

臣又怕遇官兵令我假作買賣人打聽等語當即

正法臣查該匪甫經東折又復差探官兵消息

狡滑殊甚但逼近歲除衆心必懈正應乘間趕

擊二十八日晚間探報該匪竄聚五洋河蒿坪

河等處相距尚有一百數十里臣即於三更時

發兵派令總兵豐紳侍衛多隆武協領布蘭泰

副將游棟雲陳尙德參將張廷楷都司李應祥

等帶領馬步兵勇由右路小垵子進剿臣率同

札克塔爾桑吉斯塔爾穆克登布安福副將劉

瑞楊芳豆雷參將張元麒遊擊王得勝等帶領

馬步兵勇由左路之越嶺關恒口遙坡嶺八角

樹梁抄出二十九日午後豐紳一路兵勇先已

馳抵五羊河腦該匪得有信息即集衆由獅子

溝搶上獅子梁櫻桃垵見豐紳一路之兵不多

竟吶喊憑高下壓豐紳等亦已搶占山包幾次

賊匪衝撲被鎗箭擊退相持一時之久賊匪愈

聚愈多臣與札克塔爾所帶馬步官兵陸續已

到桑吉斯塔爾穆克登布鍾福等率領兵勇策

馬衝上山坡鎗箭並舉將持矛抗拒之賊殲斃

一百數十人臣並令架礮轟擊眼見孽斃紛紛

賊勢甫退天色已晚我兵紮定營卡時已二更

一齊搶上賊匪帶箭中鎗及滾跌死者約有二
 百餘人山徑愈上愈險臣與各將弁徒步而上
 時至申刻該匪亡命扒上極高山頂屯聚三四
 山尖滾放石塊該處兩旁無路若被我兵搶佔
 該匪即不能存立我兵連次攻撲該逆等抵死
 抗拒天色已晚山路陡峻既難搶上亦不便還
 撤臣遂與各官兵俱在山頭畧砌壻卡露處敵
 住俟天明時極力攻剿乃該匪等勢難久延於
 二更後捨死由山後無路處所旋折偷遁臣於
 黎明督師追趕山之陰坡冰凌果大見賊滾跌
 死者數十人驟馬倒斃更多官兵亦艱於行走
 直至三十餘里始得小路驅兵緊進沿途斬獲
 六十餘人賊匪過雙乳舖又翻入北山老林此
 三日間共計殺賊一千餘人生擒八百餘名所

有新近被脅之人解散殆盡奪獲器械驟馬不
 計其數師行尚為順利惟因限於地勢未得殲
 獲渠魁辦完一股焦憤倍深所有前後生獲各
 犯訊明旗手陳安順王朝順偽副元帥卜重敬
 周元貴凌遲處死從逆日人者三百四十餘名
 正法其近處隨從未久者審明交糧員散給銀
 米路票釋放官兵累日奔馳日行一百四五十
 里炊爨不遑且鍋帳均未趕到不得不畧加整
 頓而進再據楊遇春格布舍等具報十二月二
 十三日楊遇春等帶兵趕至石泉之兩河值冉
 學勝一股賊匪從溝內竄出楊遇春格布舍與
 總兵張鳳各帶馬步官兵分路衝擊斃賊數十
 名賊匪向西北潰逃我兵乘勢追趕將賊截為
 兩段一半由旁路翻山竄向漆樹嶺一半仍折

向土木溝翻山而去楊遇春格布舍等分頭趕
剿共獲賊三百餘人生擒男婦二百二十二名
殲斃偽帥冉大志先鋒張定桂二名該匪又先
後竄向九池壩合駁察其蹤跡有由石塔寺至
華陽西竄之勢楊遇春格布舍等遣將備酌帶
兵勇向九池壩緊追即帶兵趕至石塔寺山後
設伏以待二十七日未刻果有賊匪由石塔寺
竄來楊遇春等率同巴圖魯侍衛及鎮將備弁
等帶領伏兵分路出擊該匪猝不及防盡棄騾
馬向右向山梁扒越而遁我兵自下仰攻殺死
一百數十名生擒六十餘名獲犯中有偽副帥
秦玉升一名訊據供稱冉學勝之子冉更枝已
在山上被殺當即於賊屍中割驗首級屬實楊
遇春等一面帶兵搜山並將獲犯訊明分別辦

理一面緊蹙賊蹤前進等情臣又據地方官稟
報知冉王樊等逆由武關西溝逃竄現經長麟
帶兵由棧道前往督辦臣又經節次札知楊遇
春等務須盡力將冉學勝敗匪剿竣後乘勝即
協剿冉王樊等股不可使之滋蔓此間高馬賊
匪臣現督率官兵竭力趕剿又聞洵陽境內有
賊股竄過江北一面飛行查察並知德楞泰已
入西鄉距臣較近一面知會前來臣營面商一
切妥為籌剿至臣及楊遇春等兩路官兵連次
打仗弁兵鄉勇間有傷亡另行查明咨部辦理
再查有黑龍江委營總鍾福
盛京防禦阿爾松阿遊擊高萬春又寧古塔甲兵
烏林阿向俱勇往此次打仗尤為超眾出力並
有受傷者可否量加鼓勵之處出自

聖恩再臣 接據慶溥喜明馬玉魁溫承惠等稟報龍

紹周苟文明等股賊匪疊經追剿現竄向紫陽

一帶又接長齡來信並各處稟報知高二徐添

德兩股賊匪已先後竄出楚境等情是漢南之

平利安康紫陽等處賊匪較為著重又聞洵陽

南岸有賊匪一股於二十八日竄過江北之信

臣 前經奏明令慶溥赴城洋一帶防守江岸茲

聖恩再臣 接據慶溥喜明馬玉魁溫承惠等稟報龍

三

查該副都統在安康等處日久路運較為熟悉

當此截剿萬緊之際似又未便令其他往臣 權

其緩急另行札委總兵九十前赴城洋接管關

騰所帶官兵防堵江岸並飭令慶溥喜明馬玉

魁溫承惠等加意截擊毋任賊匪仍行折向東

北又查

乾清門行走副都統綸布春數月以來竟不出力

臣 訓飭數次仍不悛改前由山陽縣派伊帶領

兵弁追剿再學勝股匪賊已出石泉縣綸布春

並未追及亦未打仗楊遇春亦係由山陽縣帶

領兵弁於綸布春起身之次日前赴堵剿楊遇

春截住賊首打仗一次綸布春聞信即當赴楊

遇春處合兵協剿乃以臣 在漢陰縣督辦高二

馬五賊匪即帶兵回至漢陰如果臣 處需伊帶

聖恩再臣 接據慶溥喜明馬玉魁溫承惠等稟報龍

三

兵自必行文調取今並未奉調任意疲勞兵力

往來跋涉甚屬不識緩急任意遲延應請

旨將綸布春革退

乾清門侍衛副都統作為兵丁留於軍管効力以

示儆戒奏入

上命軍機大臣傳諭額勒登保曰此次額勒登保探

得高馬股匪竄過江北在漢陰南山地方擄掠額

勒登保由漢陰馳抵雙乳備一帶督率札克塔爾
桑吉斯塔爾等分投截擊且於新正元旦率同將
領直前奮擊復連日乘勝追躡官兵等無不人人
用命不避艱險隨進隨剿三日之間共計殺賊一
千餘人生擒八百餘名實屬不遺餘力額勒登保
著賞給白玉四喜大吉牌白玉喜字搬指大小荷
包又楊遇春在石泉之兩河石塔寺等處前後殲
擒賊匪七百餘名並殲斃偽帥冉大志先鋒張定
桂生擒偽副帥秦玉升並將冉學勝之子冉更枝
殺斃亦屬出力楊遇春著賞給白玉喜字牌玉喜
字搬指大小荷包又發去火鑲包十個磁翎管十
個象牙搬指十個交額勒登保賞給此次打仗出
力人員以示鼓勵自新正以來額勒登保遞到兩
次捷報現據摺內所奏剿賊情形官兵等於冰雪

欽定剿平三省邪匪方略 正編卷二二九

近寒之時乘夜進發累日奔馳不遑炊爨艱苦備
嘗是進剿不為不力殺賊不為不多朕亦不忍再
加督責但未能殲獲渠魁辦完一股於大局仍無
裨益向來各路帶兵大員剿辦一股賊匪勢已疲
敗奔逃本可一鼓殄除或因他股賊匪從旁路突
至不能不就近接剿以致敗逃之賊無兵追躡治
途裂脅不數日又成大股不獨帶兵大員前功盡
棄且使官兵徒然損折糧餉徒然耗費與未經剿
殺何異此五年以來軍營通病現在高三馬五王
廷詔皆係賊匪中著名兇悍首逆不可不迅速殄
除官兵已獲勝仗即須專注此股賊匪併力剿辦
以期滅此朝食斷不可舍而之他致令逃竄況此
大股除盡小股不攻而自潰矣誠為最要至摺內
稱洵陽境內有賊股竄過江北一面飛行查察並

欽定剿平三省邪匪方略 正編卷二二九

聞德楞泰已入西鄉知會前來額勒登保軍營面商一切等語額勒登保德楞泰所帶官兵最為趨健而賊匪中如高三馬五王廷詔及高二一股極為狡悍今洵陽竄來之賊想即係高二一股德楞泰既至額勒登保軍營面商籌剿伊二人自當先其所急額勒登保或專辦高三馬五王廷詔一股德楞泰或專辦高二一股是在伊等相機籌酌朕亦不為遙制總須顧住東北逼向西南剿辦自可得手至經畧及帶兵各員如此認真剿辦而賊匪未盡殄滅皆由各卡隘防堵不力已另降旨諭知長麟陸有仁督率地方州縣抽撥兵勇認真堵禦額勒登保等務須趁三月以前將陝省各股賊匪一律辦竣若遲至春深青苗在地賊匪又可掠食飽颺即使處處堅壁清野百姓等將所收糧石運

貯堡內而草莖樹葉賊匪亦可藉以充食延喘游理又致稍遲至高二徐添德兩股賊匪已先後竄出楚境一節尙未據書麟等奏到昨已降旨將徐添德一股專交長齡明亮剿辦即使徐添德竄陝長齡明亮自必跟蹤前來足資剿捕再慶成係專派防江之員乃於高三馬五王廷詔及由洵陽過江各股賊匪漫無防範慶成與派出守禦江岸之員均不能辭咎何以額勒登保摺內未經奏著即查明由何人汛地逸出將慶成及疎防各員一併叅奏候朕核辦治以應得之罪俾防江各員知所儆戒又據奏鍾福等向俱勇往此次打仗尤為超眾出力懇請加恩等語黑龍江委營總鍾福盛京防禦阿爾松阿著賞戴花翎遊擊高萬春著賞換花翎寧古塔甲兵烏林阿著賞戴藍翎以示獎

聖訓彙編卷三

天

聖訓彙編卷三

天

勵其鍾福阿爾松阿高萬春所受矛傷石傷今俱愈否遇便覆奏至綸布春在軍營不肯出力近復不候調遣捨所剿賊匪帶兵遠去綸布春著革退乾清門侍衛副都統作為馬甲留營効力以示懲儆

上又命軍機大臣傳諭長麟陸有仁曰本日據額勒

登保奏督師截剿新過江北大股賊衆節次痛加

聖旨

三

斬戮並楊遇春等連日趕剿股匪各情形殺賊共

一千五百餘名生擒一千餘名經畧等督兵打仗

竟至露處辛苦備嘗可謂不遺餘力但首逆如高

三馬五究未擒獲不能辦淨一股且洵陽地方又

有竄過漢江北岸之賊奔竄稽誅推原其故總由

於防堵不力是以剿辦向未得手朕聞陝省兵勇

其健壯者大半歸入帶兵大員營伍剿賊各路防

堵兵勇多以殘病老弱者充數亦勢所不得不然

但剿捕賊匪固不能將精兵勁旅留為防堵之用

而該省邊界要隘及賊匪往來奔竄熟路必須有

兵勇加意防範仰賊匪無處竄逸剿辦方可得力

長麟陸有仁身為督撫大員堵禦是其專責自應

將各處防守兵勇詳細查核如實有殘廢無用者

兵則另行抽換勇則召募添補如該處募勇所費

聖旨

三

較多斷不可稍存靳惜之見現在陝省兵餉每月

需用五十萬兩與其曠日持久零星多費而不能

集事莫若厚集募勇一舉成功所費咸獲實效長

麟陸有仁務須酌量妥辦佈置周密如需餉若干

不妨據實具奏候朕酌撥倘以各路兵勇無庸抽

換召募亦必須將如何籌辦實有把握於三月以

前一律竣事之處詳晰奏及不得有名無實仍前

2094538

S
2121.5
15*



ZW 21181000583777

續修四庫全書 史部 紀事本末類

疎懈若經此次訓諭之後猶不上緊籌辦防堵致
賊匪又復肆竄必將該督撫嚴行治罪

續修四庫全書 史部 紀事本末類

六七六